




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.2.4





Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.2.4



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.2.4



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.2.4


No. 2/2




Ex Libris Joannis Nenoini
1874

LIBRERIA
FIRENZE
INCUNABULA
NENCINI







M.

C

V

M. TVLLII CICERONIS
ORATIONVM
PARS I.

Cum correctionibus Pauli Manutii.



VENETIIS, M. D. LXII.



BEN
RA V
Paulus

M

venire em
tia, quar
dam in do
nescio quo
homines sap
propterea in te
uata sunt
sepissime in
incommoda
stult. causa
rem aggre
quisque ut
lacione tan
ciam, hoc
dosis id, q
uentus pr
pellant
sed noluit
ut deber
colte, ru

2

BENEDICTO ACCOLTO,
RAVENNAE CARDINALI,
Paulus Manutius, Aldi F. S. P. D.

M A X I M E *esset optandum, Accolte clarissime, ut, quæ olim a doctissimis uiris magno labore, magnisq; uigilijs sunt elucubrata, ea nostram ad ætatem peruenire omnia potuissent. artium plurimarum scientia, quarum adiumento ad uitam recte instituendam indigemus, non desideraretur. uerum ita casu nescio quo accidit, ut ex ijs scriptis, quæ ueteres illi, homines sapientissimi, reliquerunt, non solum multa prorsus interierint, sed etiam, quæ in hanc diem seruata sunt, ita deprauata, ita mutila legantur, ut sæpiissime uix, aut ne uix quidem intelligi possint. hoc incommodum pater olim meus magna ex parte sustulit. cuius industria multos excitauit, ut eandem rem aggressi, iacentem litterarum laudem pro suis quisque uiribus subleuaret. quod si alij fecerunt, emulatione tantum gloriæ permoti: certe, cur ego id faciam, hoc plus habeo causæ, quòd, cum pater studiosis id, quod in hoc genere promiserat, morte præuentus præstare non potuerit, hoc me nomine ita appellant, quasi ad filios soleat non paternæ solum rei, sed uoluntatis etiam hereditas peruenire. hac me, ut debet, opinio multum mouet, sed auctoritas, Accolte, tua plurimum: quam ego tanti soleo facere, ut,*

A 2 *quar-*

quamcunque tu probas rationem, ea demum & uti-
lis mihi, & honesta uideatur esse. tu igitur cum nos
ad hoc posteritatis adiuuanda studium & uehemen-
ter, & saepe sis cohortatus, effecisti, ut in eam rem
tanto alacrius incumbamus, quanto pluris apud me
tua, quam reliquorum omnium, consilia sunt. quod
si labore, studio, diligentia profici in hoc genere quid-
quam potest, ut certe potest: magnopere spero fore,
ut neque officij tui in me admonendo, neque liberali-
tatis in adiuuando peniteat. cuius rei quasi specimen
erit haec prima Ciceronis orationum pars, quam ex
ueterum exemplarium collatione diligenter emenda-
tam, nomini tuo inscriptam emittimus. nam cum
usu, & consuetudine ita comparatum sit, ut, quibus
rebus principes uiri delectentur, in ijs rebus multi
suum studium probare uelint; ex quo fit, ut ab alijs
canes, ab alijs equos, aut aues nobiles dono dari ui-
deamus: commode me facturum existimaui, si quid
ego eius generis ad te mitterem, quod omnibus te pra-
ferre uoluptatibus intellexissem. soles enim quotidie
fere a grauissimarum artium tractatione, in hac stu-
dia, quae sibi ab humanitate nomen ascinerunt, qua-
si in hortum amoenissimum diuertere: ubi te modo o-
ratorum, & poetarum flores, modo dulcium amico-
rum colloquia mirifice delectant: ut praeter id tem-
poris, quod uoletudini dare soles, quod sane pusil-
lum est, hora nulla sit, quam non in litteris, et cum
uirtute traducas. quam tuae uitae rationem qui igno-
rant, mirantur scilicet, unde illa tibi in aduersis re-
bus

bua forte
quod ne
tuna dom
tra ciuile
ras, artu
ma confu
sunt mult
alijs nemo
dem pui
tia, ne
tare qua
laudet,
eximius
modi su
gis libric
collocand
lent, ut e
cipiam: n
tetur; cu
ra ut ege
eximiam
dinem be
omnis us
pensus; t
confirma
bus, im
dium lib
& bene
maior g

bus fortitudo tanta, unde animi robur illud inuicti, quod ne illa quidem ipsa, quæ in rebus humanis Fortuna dominatur, ullo pacto potuerit infringere; contra cuius uim duplici te prasidio iam antea munueras, artium maximarum cognitione, & mentis optime conscientia. hæc est aliarum uirtutum, quæ in te sunt multe, quasi princeps & regina quedam; ut in alijs neminem tibi antepone, in hac ne conferre quidem possim. Nam de prudentia, de pietate, de iustitia, ne uidear assentari, nihil dicam: ne de liberalitate quidem; quæ tamen ita nota est, ut non, qui eam laudet, assentator, sed, qui non laudet, malenolus existimetur. cum enim hæc dandi beneficij ratio eiusmodi sit, ut nulla certior ad laudem, nulla item magis lubrica uideatur uia; propterea quòd in beneficijs collocandis plerique fortunam hominum spectare solent, ut eandem gratiam, aut etiam cum fœnore recipiant: non est, quòd in hoc te labi quisquam arbitretur; cum & rarissime contingat, cuiusquam opera ut egere uidearis, & tu tamen quamplurimis ob eximiam nature tue liberalitatem, atque amplitudinem benigne facere & soleas, & possis. et cum de omnibus ad bene merendum natura es maxime propensus; tum uero ipsa te ratio, atque doctrina ita conformauit, ut ad eos honestandos, qui se ijs artibus, in quibus ipse excellis, dedidere, tuum soleas studium libentissime confirre. quæ quidem humanitas, & beneficentia tua, non sane uideo, qui possit in ullo maior esse, quàm in me tuendo fuit. quæ est enim a te

A 3 res,

res, quæ ad meum commodum attineret, præter-
missa? quis diligentius est adhortatus, ut hanc re-
stituendæ antiquitatis laudem, qua pater meus olim
excelluit, pene afflictam excitarem? quis eam ipsam
ad rem perficiendam plura contulit? cum etiam ma-
gnis principibus, tui simillimis, ita me commenda-
ueris, ut iudicij tui testimonio permoti, non minimis
ad se præmijs euocarint. quæ cum recordor, etsi me
ipsum probe noui, tamen interdum mihi assentor, &
mihi aliquid uideor esse, quòd a te sim ornatus. hac
me inanis ambitio ita delectat, ut illum dolorem,
quem ex difficultate capio remunerandi, si non tol-
lat omnino, minuat quidem certe. quanquam tu is
es, qui te satis superq; remuneratum existimas, si
modo id, quod dedisti, ab eo, qui accepit, intelligis
memoria teneri. quo in officio præstando, noli crede-
re, quenquam esse qui me uincat. & huius quidem
rei, confido fore, fore ut aliquando eiusmodi a me si-
gna dentur, quæ nullum cuiquam de mea in te uolun-
tate dubitandi locum relinquant. nunc earum re-
rum, quas ipsi quidem hoc tempore possumus, maxi-
ma, primum, ut dixi, Ciceronis orationum uolu-
men in tuo nomine apparebit. omnino neque ampli-
tudine tua, neque ijs officijs, quæ in me contulisti, di-
gna res uidetur: sed, ut spero, muneris nostri tenuita-
tem humanitatis tuæ magnitudo subleuabit. Vale.

M. TVLLII CICERONIS

ORATIONVM, QVAE PRIMO

VOLUMINE CONTINENTVR,

I N D E X.

<i>Pro P. Quinctio, oratio prima, char.</i>	3
<i>Pro Sex. Roscio Amerino, oratio II.</i>	24
<i>Pro Q. Roscio Comædo, oratio III.</i>	34
<i>Diuinatio in C. Verrem, oratio IV.</i>	65
<i>In C. Verrem actio prima, oratio V.</i>	79
<i>In C. Verrem liber I. oratio VI.</i>	90
<i>In C. Verrem liber II. oratio VII.</i>	126
<i>In C. Verrem liber III. oratio VIII.</i>	171
<i>In C. Verrem liber IV. oratio IX.</i>	230
<i>In C. Verrem liber V. oratio X.</i>	271
<i>Pro M. Fonteio, oratio XI.</i>	316
<i>Pro A. Cæcina, oratio XII.</i>	325

M. T
P

Q

verecor,
me dicen
tia Sex.
mediocri
rendam
bis essent
ut ego, qu
sum, cum
ctius, cui
amicorum
contendat.
quod M. I
quoties ap
citatus, e
tempore a
ventum es
ris quidem
contrum
quod mi
to, id qu
ingenio

NIS
MO
5
M. TVLLI CICERONIS
PROP. QVINCTIO,
ORATIO I.

5
24
34
63
79
90
126
171
230
271
316
315
QVAE res in ciuitate duæ plurimum pos-
sunt, eæ contra nos ambæ faciunt in
hoc tempore, summa gratia, & elo-
quentia. quarum alteram, C. Aquilli,
uereor, alteram metuo. eloquentia Q. Hortensii ne
me dicendo impediat, non nihil commoueor: gra-
tia Sex. Næuij ne P. Quinctio noceat, id uero non
mediocriter pertimesco. neque hoc tantopere que-
rendum uideretur, hæc summa in illis esse; si in no-
bis essent saltem mediocria. uerum ita se res habet,
ut ego, qui neque usu satis, & ingenio parum pos-
sum, cum patrono disertissimo comparer; P. Quin-
ctius, cui tenues opes, nullæ facultates, exiguæ
amicorum copię sunt, cum aduersario gratiosissimo
contendat. Illud quoque nobis accedit incommodum,
quòd M. Iunius, qui hanc causam, Aquilli, ali-
quoties apud te egit, homo & in alijs causis exer-
citatus, & in hac multum & sepe uersatus, hoc
tempore abest, noua legatione impeditus: & ad me
uentum est, qui ut summa haberem cetera, tempo-
ris quidem certe uix satis habui, ut rem tantam, tot
controuersiis implicatam, possem cognoscere. ita,
quod mihi consuevit in ceteris causis esse adiuuen-
to, id quoque in hac causa deficit. nam, quo minus
ingenio possum, subsidio mihi diligentiam compa-
raui:

O R A T I O

raui: quæ quanta sit, nisi tempus, & spatium datum sit, intelligi non potest. Quæ quo plura sunt, C. Aquilli, eo te, & hos, qui tibi in consilio adsunt, meliori mente nostra uerba audire oportebit; ut multis incommodis ueritas debilitata, tandem æquitate talium uirorum recreetur. quod si tu iudex nullo præsidio fuisse uidebere contra uim, & gratiam solitudini, atque inopiæ; si apud hoc consilium ex opibus, non ex ueritate caussa pendetur: profecto nihil est iam sanctum, atque sincerum in ciuitate; nihil, quod humilitatem cuiusquam grauitas & uirtus iudicis consoletur. certe, aut apud te, & eos, qui tibi adsunt, ueritas ualebit: aut ex hoc loco repulsaui, & gratia, locum, ubi consistat, reperire non poterit. Non eo dico, C. Aquilli, quo mihi ueniat in dubium tua fides, & constantia; aut quo non in ijs, quos tibi aduocaſti, uiris electissimis ciuitatis, spem summam habere P. Quinctius debeat. quid ergo est? primum magnitudo periculi summo timore hominem afficit, quod uno iudicio de fortunis omnibus decernit. idq. dum cogitat, non minus sæpe ei uenit in mentem potestatis, quàm æquitatis tuæ: propterea quod omnes, quorum in alterius manu uita posita est, sæpius illud cogitant, quid possit is, cuius in ditione ac potestate sunt, quàm quid debeat facere. deinde habet aduersarium P. Quinctius uerbo Sex. Næuium, re uera huiusce ætatis homines discretissimos, fortissimos, ornatissimos nostræ ciuitatis, qui communi studio summis opibus Sex. Næuium defen-

defendit
temperat
dicio opri
dignus,
testi, quan
nasq. defe
praesertim
cusatoris
mam co
est. ita p
mederi d
lum adue
impugn
potestas ad
parati sunt
aliquod tel
erit. id acc
mum, quæ
prius de p
quod ita co
quàm uer
cogetetur
qui, quasi
Sex. Næu
in eiusmo
quo plus
minus, q
tantisq.
tuam, C

defendunt: si id est defendere, cupiditati alterius obtemperare, quo is facilius, quem uelit, iniquo iudicio oprimeret possit. nam quid hoc iniquius, aut indignius, C. Aquilli, dici, aut commemorari potest, quàm me, qui caput alterius, famam, fortunasq. defendam, priore loco causam dicere? cum praesertim Q. Hortensius, qui hoc iudicio partes accusatoris obtinet, contra me sit dicturus; cui summam copiam facultatemq. dicendi natura largita est. ita fit, ut ego, qui tela depellere, & uulneribus mederi debeam, tum id facere cogar, cum etiam telum aduersarius nullum iecerit: illis autem id tempus impugnandi detur, cum & uitandi illorum impetus potestas adempta nobis erit, & si qua in re, id quod parati sunt facere, falsum crimen, quasi uenenatum aliquod telum, iecerint, medicinae faciendae locus non erit. id accidit praetoris iniquitate, & iniuria: primum, quod contra omnium consuetudinem iudicium prius de probro, quàm de re, maluit fieri: deinde, quod ita constituit id ipsum iudicium, ut reus, ante quàm uerbum accusatoris audisset, causam dicere cogeretur. quod eorum gratia, et potentia factum est, qui, quasi suares, aut honos agatur, ita diligenter Sex. Nauij studio & cupiditati morem gerunt; & in eiusmodi rebus opes suas experiuntur, in quibus quo plus propter uirtutem nobilitatemq. possunt, eo minus, quantum possint, debent ostendere. Cum tot tantisq. difficultatibus affectus, atque afflictus, in tuam, C. Aquilli, fidem, ueritatem, misericordiam

P. Quin-

O R A T I O

P. Quinctius confugerit ; cum adhuc ei propter uinum
aduersariorum non ius par , non agendi potestas ea-
dem , non magistratus æquus reperiri potuerit ;
cum ei summam per iniuriam omnia inimica , at-
que infesta fuerint : te , C. Aquilli , uosque , qui
in consilio adestis , orat , atque obsecrat , ut multis
iniurijs iactatam atque agitatam æquitatem ; in
hoc tandem loco consistere , & confirmari patia-
mini . id quo facilius facere possitis , dabo operam ,
ut , a principio res quemadmodum gesta & con-
tracta sit , cognoscatis . C. Quinctius fuit P. Quin-
ctij huius frater , sane ceterarum rerum paterfa-
miliæ & prudens , & attentus , una in re paul-
lo minus consideratus , qui societatem cum Sex .
Næuio fecerit , uiro bono , ueruntamen non ita institu-
to , ut iura societatis , et officia certi patrisfamilias
nosse posset : non quo ei deesset ingenium : (nã neque
parum facetus scurra Sex . Næuius , neque inhumana-
nus præco est unquam existimatus) quid ergo est ? cū
ei natura nihil melius , quàm uocē , dedisset , pater ni-
hil , præter libertatem , reliquisset ; uocem in qua estum
cōtulit ; libertate usus est , quo impuni dicax esset .
quare quòd socium tibi eum uelles adiungere , nihil e-
rat , nisi ut in tua pecunia condisceret , qui pecuniæ fru-
ctus esset . tamen inductus consuetudine , ac familiari-
tate Quinctius fecit , ut dixi ; societatem earum rerū ,
quæ in Gallia comparabantur . erat ei pecuaria res
ampla , & rustica sane bene culta , & fructuosa . tolli-
tur ab atrijs Licinijs , atque a præconum confessu in
Galliam

P
Gallia N
magna m
scutulo q
stea quam
tulit , me
nec mirum
qua uoce
bat . itaq
quidquid
bat . qua
gna fide
condemna
ceffe habet
memorare
stulat , non
plures soci
tio Næui
nem reddet
ne gesserat
Næuius , c
to reliquit
memor mo
nos quodq
post , in G
Næuius fa
& de sua
tota illa
uerbium
sibi quip

Galliā Næuius, & trans alpes usque transfertur. fit magna mutatio loci, non ingenij. nam qui ab adolescentulo quæstum sibi instituisse sine impendio; postea quàm nescio quid impendit, & in commune contulit, mediocri quæstu contentus esse non poterat. nec mirum, si is, qui uocem uenalem habuerat, ea, quæ uoce quæsiuerat, magno sibi quæstui fore putabat. itaque hercule haud mediocriter de communi, quidquid poterat, ad se in priuatam domum seuocabat. qua in re ita diligens erat, quasi ij, qui magna fide societatem gererent, Arbitrium pro socio condemnari solerent. Verum his de rebus non necesse habeo dicere ea, quæ me P. Quinctius cupit cōmemorare. tamen si causa postulat, tamen, quia postulat, non flagitat, præteribo. Cum annos iam complures societas esset; & cum sæpe suspectus Quinctio Næuius fuisset; neque ita commode posset rationem reddere earum rerum, quas libidine, non ratione gesserat; moritur in Gallia Quinctius, cum adesset Næuius, & moritur repentino. heredem testamento reliquit hunc P. Quinctium; ut, ad quem summus maior morte sua ueniebat, ad eundem summus honos quoque perueniret. quo mortuo, nec ita multo post, in Galliam proficiscitur Quinctius. ibi cum isto Næuio familiariter uiuit. annum fere una sunt; cum & de societate inter se multa communicarent, & de tota illa ratione atque re Gallicana: neque interea uerbum ullum interposuit Næuius, aut societatem sibi quippiam debere, aut priuatim Quinctium debuisse.

O R A T I O

buisse . cum æris alieni aliquantulum esset relictum ,
 quibus nominibus pecuniam Romæ curari oportere-
 ret ; auktionem in Gallia P. hic Quintius Narbo-
 ne se facturum esse proscribit earum rerum , quæ ip-
 sius erant priuatæ . ibi tum uir optimus Sex. Næ-
 uius hominem multis uerbis deterret , ne aukione-
 tur : eum non ita commode posse eo tempore , quæ pro-
 scripsisset , uendere : Romæ sibi nummorum faculta-
 tem esse , quam , si saperet , communem existimaret
 pro fraterna illa necessitudine , & pro ipsius affinita-
 te . nam P. Quintij consobrinam habet in matrimo-
 nio Næuius , & ex ea liberos . quia , quod uirum bo-
 num facere oportebat , id loquebatur Næuius ; cre-
 didit Quintius , eum , qui orationem bonorum imi-
 taretur , facta quoque imitaturum . auktionem uelle
 facere desistit : Romam proficiscitur : decedit ex Gal-
 lia Romam simul Næuius . Cum pecuniam C. Quin-
 tius P. Scapulæ debuisset ; per te , C. Aquilli , deci-
 dit P. Quintius , quod liberis eius dissolueret . hoc
 eo per te agebatur , quod propter arariam rationem
 non satis erat , in tabulis inspexisse quantum debere-
 tur , nisi a quæstoribus quæsisset quantum soluere-
 tur . decidis , statuis q̃ . tu propter necessitudinem , quæ
 tibi cum Scapulis est , quid ijs ad denarium soluere-
 tur . Hæc omnia Quintius agebat auktoꝛe , & con-
 suasore Næuio . nec mirum , si eius utebatur con-
 silio , cuius auxilium sibi paratum putabat . non mo-
 do enim pollicitus erat in Gallia , sed Romæ quotidie ,
 simul atque sibi hic annuisset , numeraturum se di-
 cebat .

P
 cebat . Qu
 debere , int
 tiretur , non
 mos habere
 Næuium
 dixisset . T
 rideri putet
 hunc in su
 eum suis
 stringeret
 rebus rat
 scisset sibi
 Posterius
 hoc melim
 gat se alia
 plus sua re
 domini in
 la percussu
 fert ; in Ga
 uenirent .
 Scapulis d
 pellat ultr
 aliqua de
 primam ,
 transigere
 commun
 catus ,
 quum n
 nullo m

cebat. *Quinctius* porro istum posse facere uidebat :
 debere, intelligebat : mentiri, quia causa, cur men-
 tiretur, non erat, non putabat. Quasi domi num-
 mos haberet, ita constituit *Scapulis* se daturum :
Næuium certiore facit : rogat, ut curet, quod
 dixisset. Tum iste, uir optimus, (uereor, ne se de-
 rideri putet, quod iterum iam dico, optimus) qui
 hunc in summas angustias adductum putaret ; ut
 eum suis condicionibus in ipso articulo temporis ad-
 stringeret, assem sese negat daturum, nisi prius de
 rebus rationibusq. societatis omnibus decidisset, &
 scisset sibi cum *Quinctio* controuersia nihil futurum.
 Posterius, inquit, ista uidebimus, *Quinctius*: nunc
 hoc uelim cures, si tibi uidetur, quod dixisti. Ne-
 gat se alia ratione facturum : quod promississet, non
 plus sua referre, quam si, cum auctione uenderet,
 domini iussu quippiam promississet. Destitutione il-
 la percussus *Quinctius*, a *Scapulis* paucos dies au-
 fert ; in Galliam mittit, ut ea, quæ proscripserat,
 uenirent. deteriore tempore absens auctonatur :
Scapulis difficiliore condicione dissoluit. tunc ap-
 pellat ultro *Næuium*, ut, quoniam suspicaretur
 aliqua de re fore controuersiam, uideret, ut quam-
 primum, & quamminima cum molestia tota res
 transigeretur. dat iste amicum *M. Trebellium*: nos
 communem necessarium, qui istius domi erat edu-
 catus, & quo utebatur iste plurimum, propin-
 quum nostrum, *Sex. Alphenum*. res conuenire
 nullo modo poterat : propterea quod hic mediocrem
 iactu-

ORATIO

iacturam facere cupiebat, iste mediocri præda contentus non erat. itaque ex eo tempore res esse in uadimonium cæpit. cum uadimonia sæpe dilata essent; & cum aliquantum temporis in ea re esset consumptum, neque quidquam profectum esset; uenit ad uadimonium Næuius. Obsecro, C. Aquilli, uosque, qui adestis in consilio, ut diligenter attendatis, ut singulare genus fraudis, & nouam rationem insidiarum cognoscere possitis. Ait se auctionatum esse in Gallia: quod sibi uideretur, se uendidisse: curasse, ne quid sibi societas deberet: se iam neque uadari amplius, neque uadimonium promittere: si quid agere secum uelit Quinctius, non recusare. Hic, cum rem Gallicanam cuperet reuifere, hominem in præsentia non uadatur. ita sine uadimonio disceditur. deinde Romæ dies xxx fere Quinctius comoratur: cum ceteris, quæ habebat, uadimonia differt, ut expeditus in Galliam proficisci posset. proficiscitur: Roma egreditur ante diem II. Kal. Febr. Scipione & Norbanio cos. quæso, ut eum diem memoriæ mandetis. L. Albius, Sex. filius, Quirina, uir bonus, & cum primis honestus, una profectus est. cum uenissenat d Vada Volaterrana quæ nominantur, uident per familiarem Næuij, qui ex Gallia pueros uenales isti adducebat, L. Publicium. qui ut Romam uenit, narrat Næuio, quo in loco uiderit Quinctium. quod nisi ex Publicio narratum Næuio esset, non tam cito res in contentio nem uenisset. tum Næuius ipse pueros circū amicos dimittit:

dimittit
faucibus
bi ad sint
testificatu
tisse. tab
signatur.
uius, ut
proscrib
erat, aff
poterat
officium
ritia com
ritate am
liur: nec
fama ac fo
perficiat
Alphenus
propinqu
quem iste
curatorem
Quinctij
si facere
lion ad su
& si qua
Roma g
consuetu
muni a
C. Aqu
fecisse,

dimittit : ipse suos necessarios ab atrijs Licinijs, & a
 faucibus macelli corrogat, ut ad tabulam Sextiam si
 bi adsint hora secunda postridie . ueniunt frequentes :
 testificatur iste , P . Quinctium non stitisse , & se sti-
 tisse . tabulæ maximæ signis hominum nobilium con-
 signatur . disceditur . postulat a Burrieno prætor Næ-
 uius , ut ex edicto bona possidere liceat . iussit bona
 proscribi eius , qui cum familiaritas fuerat , societas
 erat , affinitas , liberis istius uiuis , diuelli nullo modo
 poterat . qua ex re intelligi facile potuit , nullum esse
 officium tam sanctum , atque sollemne , quod non aua-
 ritia comminuere , atque uiolare soleat . etenim si ue-
 ritate amicitia , fide societas , pietate propinquitas co-
 litur : necesse est , iste , qui amicum , socium , affinem
 fama ac fortunis spoliare conatus est , uanum se , &
 perfidiosum , & impium esse fateatur . Libellos Sex .
 Alphenus , procurator P . Quinctij , familiaris &
 propinquus Sex . Næuij , deicit : seruulum unum ,
 quem iste prehenderat , abducit : denunciat , sese pro-
 curatorem esse , istum æquum esse famæ fortunisq . P .
 Quinctij consulere , et aduentum eius expectare : quod
 si facere nolit , atque imbiberit eiusmodi rationibus il-
 lum ad suas condiciones perducere ; sese nihil precari ,
 & , si quid agere uelit , iudicio defendere . Hæc dum
 Romæ geruntur , Quinctius interea , contra ius , &
 consuetudinem , edicto prætoris de saltu agroq . com-
 muni a seruis communibus ui detruditur . Existima ,
 C . Aquilli , modo , & ratione omnia Romæ Næuium
 fecisse , si hoc , quod per litteras istius in Gallia gestum
 B est ,

O R A T I O

est, recte, atque ordine factum uidetur. Expulsus, atque eiectus e prædio Quinctius, accepta insigni iniuria, confugit ad C. Flaccum imperatorem, qui tum erat in provincia: quem, ut ipsius dignitas poscit, honoris gratia nomino. is eam rem quam uehementer uindicandam putarit, ex decretis eius poteritis cognoscere. Alphenus interea Romæ cum isto gladiatore uetulo quotidie pugnabat: utebatur populo sane suo; propterea quod iste caput petere non desinebat. Iste postulat, ut procurator iudicatum solui satisficeret. negat Alphenus æquum esse procuratorem satisficere, quod reus satisfacere non deberet, si ipse adesset. Appellantur tribuni: a quibus cum esset certum auxilium petatum, ita tamen disceditur, ut idibus Sept. P. Quinctium sisti Sex. Alphenus promitteret. Venit Romam Quinctius, uadimonium sistit. iste, homo acerrimus, bonorum possessor, expulsor, ereptor, annum & sex menses nihil petit, quiescit, conditionibus hunc, quoad potest, producit: a Cn. Dola-bella denique prætoris postulat, ut sibi Quinctius iudicatum solui satisficeret, ex formula, quod ab eo petat, cuius ex edicto prætoris Romani bona dies x x x possessa sint. non recusabat Quinctius, quin ita satisfacere iuberet, ni bona possessa essent ex edicto. Decernit: quam æquum, nihil dico: unum hoc dico, nouum: & hoc ipsum tacuisse mallet; quoniam utrumque cuius intelligere potuisset. Iubet P. Quinctium aut satisfacere, aut sponsonem cum Sex. Næuio facere, ni bona sua ex edicto P. Burrieni prætoris dies x x x possessa essent. Recusabant,

Recusabant,
bant, der
ter se, aut
alterius
Eius, sese
se, bona
istiusmodi
suo prior
admodum
peram fa
nemo no
fortissim
iubet face
acerrime
Eius: neq
iniqua d
tisficeret;
priori loco
set, quin se
uissimum
riem iudice
nimis att
cit, te iud
hoc summe
esse, C. d
tunis q. T
rint, ut,
ret: nos,
loco causi

Recusabant, qui aderant tum Quinctio: demonstra-
bant, de re iudicium fieri oportere; ut aut uterque in-
ter se, aut neuter satisfacere: non necesse esse famam
alterius in iudicium uenire. clamabat porro ipse Quin-
ctius, sese iccirco nolle satisfacere, ne uideretur iudica-
se, bona sua ex edicto possessa esse: sponsonem porro si
istiusmodi faceret, se, id quod nunc euenit, de capite
suo priore loco causam esse dicturum. Dolabella (quem
admodum solent homines nobiles: seu recte, seu per-
peram facere cœperunt, ita in utroque excellunt, ut
nemo nostro loco natus assequi possit) iniuriam facere
fortissime perseuerat; aut satisfacere, aut sponsonem
iubet facere, & interea recusantes nostros aduocatos
acerrime submoueri. Conturbatus sane discedit Quin-
ctius: neque mirum, cui hæc optio tam misera, tamq̃.
iniqua daretur, ut aut ipse se capitis damnaret, si sa-
tis dedisset; aut causam capitis, si sponsonem fecisset,
priore loco diceret. Cum in altera re causæ nihil ef-
set, quin secus iudicaret ipse de se, quod iudicium gra-
uissimum est; in altera spes esset ad talem tamen ui-
rum iudicem ueniendi, unde eo plus opis auferret, quo
minus attulisset gratiæ: sponsonem facere maluit, fe-
cit, te iudicem, C. Aquilli sumpsit, ex sponso egit. in
hoc summa iudicij, causaq̃. tota consistit. Iudicium
esse, C. Aquilli, non de re pecuniaria, sed de fama for-
tunisq̃. P. Quinctij uides. cum maiores ita constitue-
rint, ut, qui pro capite diceret, is posteriore loco dice-
ret: nos, inaudita criminatione accusatorum, priore
loco causam dicere intelligis: eos porro, qui defende-

O R A T I O

*re consuerunt, uides accusare, & ea ingenia conuer-
 ti ad perniciem, quæ antea uersabantur in salute, at-
 que auxilio ferendo. Illud etiam restiterat, quod he-
 sterno die fecerunt, ut te in ius adducerent, ut nobis
 tempus, quàm diu diceremus, præstitueres. quam rem
 facile a prætore impetrassent, nisi tu, quod esset tuum
 ius, et officium, partes quæ, docuisses. neque nobis ad-
 huc, præter te, quisquam fuit, ubi nostrum ius contra
 illos obtineremus: neque illis unquam satis fuit illud
 obtinere, quod probari omnibus posset: ita sine iniu-
 ria potentiam leuem, atque inopem esse arbitrantur.
 Verum, quoniam tibi instat Hortensius, ut eas in con-
 silium; a me postulat, ne dicendo tempus absumam;
 queritur, priore patrono causam defendente, nun-
 quam perorari potuisse: non patiar istam manere su-
 spicionem, nos rem iudicari nolle. nec illud mihi arro-
 gabo, me posse causam commodius demonstrare, quàm
 antea demonstrata sit: neque tamen tam multa uer-
 ba faciam: propterea quòd & ab illo, qui ante dixit,
 informata iam causa est; & a me, qui neque excogi-
 tare, neque pronunciare multa possum, breuitas po-
 stulatur, quæ mihi met ipsi amicissima est. faciam,
 quod te sæpe animaduerti facere Hortensi: totam caus-
 sæ meæ dictionem certas in partes diuidam. tu id sem-
 per facis, quia semper potes: ego in hac causâ faciam,
 propterea quòd in hac uideor posse facere. quod tibi
 natura dat ut semper possis, id mihi causa dat ut ho-
 die possim. certos mihi fines, terminosque constituam,
 extra quos egredi non possim, si maxime uelim: ut &
 mihi*

mihi sit p
 beat exp
 iam ante
 diturus s
 ui, possea
 est. ostend
 tore post
 de, ex ed
 possediff
 filio, ut,
 detis. et e
 mineriti
 bitis, si e
 hisse cir
 ret: nego
 se. hac tr
 sa, cur po
 Nemo ne
 quidquam
 idem, qui
 quam rest
 post morte
 Quinctius
 numerabi
 fecisse; d
 C. Quin
 dem pec
 liam ad
 nique, u

mibi sit propositum, de quo dicam; & Hortensius ha-
beat exposita, ad quæ respondeat; & tu, C. Aquilli,
iam ante animo prospicere possis, quibus de rebus au-
diturus sis. Negamus, te bona P. Quinctij, Sex. Næ-
ui, possedisse ex edicto prætoris. in eo sponsio facta
est. ostendam, primum, causam non fuisse, cur a præ-
tore postulares, ut bona P. Quinctij possideres: dein-
de, ex edicto te possidere non potuisse: postremo, non
possedisse. Quæso, C. Aquilli, uosque, qui estis in con-
silio, ut, quid pollicitus sim, diligenter memoriæ man-
detis. etenim rem facilius totam accipietis, si hæc me
mineritis: & me facile uestra existimatione reuoca-
bitis, si extra hos cancellos egredi conabor, quos mi-
hi ipse circumdedi. Nego fuisse causam, cur postula-
ret: nego, ex edicto possidere potuisse: nego possedis-
se. hæc tria cum docuero, perorabo. Non fuit caus-
sa, cur postulare. qui hoc intelligi potest? quia Sex.
Næui neque ex societatis ratione, neque priuatim
quidquam debuit Quinctius. quis huic rei testis est?
idem, qui acerrimus aduersarius. in hac re te, te in-
quam testem, Næui, citabo. annum, & eo diutius
post mortem C. Quinctij fuit in Gallia tecum simul
Quinctius. doce, te petiisse ab eo istam nescio quam in-
numerabilem pecuniam. doce, aliquando mentionem
fecisse; dixisse, deberi: debuisse, concedam. moritur
C. Quinctius, qui tibi, ut ais, certis nominibus gran-
dem pecuniam debuit: heres eius P. Quinctius in Gal-
liam ad te ipsum uenit, in agrum communem, eò de-
nique, ubi non modo res erat, sed ratio quoque omnis,

O R A T I O

*Et omnes litteræ . quis tam dissolutus in re familiari
 fuisset, quis tam negligens, quis tam tui Sexte dissimi-
 lis, qui, cum res ab eo, quicum contraxisset, recessis-
 set, & ad heredem peruenisset, non heredem, cum
 primum uidisset, certiozem faceret? appellaret? ra-
 tionem afferret? si quid in controuersiam ueniret, aut
 intra parietes, aut summo iure experiretur? ita ne
 est? quod uiri optimi faciunt, si qui suos propinquos,
 ac necessarios caros, & honestos esse, atque haberi uo-
 lunt, id Sex. Næuius non faceret? qui usque eò fer-
 uet, ferturq. auaritia, ut de suis commodis nolit ali-
 quam partem amittere, ne quam partem huic propin-
 quo suo ullius ornamenti relinquat. & is pecuniam,
 si qua deberetur, non peteret, qui, quia, quod debi-
 tum nunquam est, id datum non est, non pecuniam mo-
 do, uerum etiam hominis propinqui sanguinem, ui-
 tamq. eripere conatur? Huic tu molestus esse uideli-
 cet noluisti, quem nunc respirare libere non sinis. quem
 nunc interficere nefarie cupis, eum tum pudenter ap-
 pellare nolebas. ita credo, hominem propinquum, tui
 obseruantem, uirum bonum, pudentem, maiorem na-
 tu, nolebas, aut non audebas appellare. sape, ut fit,
 cum ipse te confirmasses, cum statuisses de pecunia me-
 tionem facere, cum paratus meditatusq. uenisses, ho-
 mo timidus, uirginali uerecundia, subito ipse te reti-
 nebas, excidebat repente oratio; cum cuperes appella-
 re, non audebas, ne inuitus audiret. id erat profecto.
 credamus hoc, Sex. Næuium, cuius caput oppugnet,
 eius auribus pepercisse. si debuisset Sexte, petisses sta-
 tim:*

P
 tim: si no
 at aliquam
 no uertent
 uero, cum
 nendi, uere
 re, appella
 adea iam
 fet, ut fui
 tis mibi
 quam pet
 cum eum
 pellas. du
 uim statu
 ne appella
 pus non et
 non potuit
 ma iudicia
 tibi obfiter
 dice, mit
 praterea q
 menti, noli
 petuit. qu
 testimonio
 Sex. Næui
 iudicium,
 tji gerit
 cuniam pe
 diamus.
 dijudicar

tim : si non statim, paullo quidem post : si non paullo, at aliquando, sex quidem illis mensibus profecto, anno uertente sine controuersia . anno & sex mensibus uero, cum tibi quotidie potestas hominis fuisset admonendi, uerbum nullum facis : biennio iam confecto fere, appellas . quis tam perditus ac profusus nepos, non adefa iam, sed abundanti pecunia, sic dissolutus fuisset, ut fuit Sex. Næuius ? cum hominem nomino, satis mihi uideor dicere . Debit tibi C. Quinctius : nunquam petisti . mortuus est ille : res ad heredem uenit : cum eum quotidie uideres, post biennium denique appellas . dubitabitur, utrum sit probabilius, Sex. Næuium statim, si quid deberetur, petiturum fuisse, an ne appellaturum quidem biennio ? Appellandi tempus non erat ? at tecum anno plus uixit . In Gallia agi non potuit ? at & in prouincia ius dicebatur ; & Romæ iudicia fiebant . Restat, ut aut summa negligentia tibi obstiterit, aut unica liberalitas . si negligentiam dices, mirabimur : si bonitatem, ridebimus . neque, præterea quid possis dicere, inuenio . Satis est argumenti, nihil esse debitum Næuius, quod tam diu nihil petiuit . quid, si hoc ipsum, quod nunc facit, ostendo testimonio esse, nihil deberi ? Quid enim nunc agit Sex. Næuius ? qua de re controuersia est ? quod est hoc iudicium, in quo iam biennium uersamur ? quid negotij geritur, in quo ille tot & tales uiros defatigat ? pecuniam petit : nunc denique ? ueruntamen petit : audiamus . de rationibus et controuersiis societatis uult dijudicari, sero, uerum aliquando tamen : conceda-

mus. Non, inquit, id ago, C. Aquilli, neque in eo nunc laboro: pecunia mea tot annos utitur P. Quinctius: utatur sane, non peto. Quid igitur pugnas? an, quod saepe multis in locis dixisti, ne in ciuitate sit? ne locum suum, quem adhuc honestissime defendit, obtineat? ne numeretur inter uiuos? decernat de uita, & ornamentis suis omnibus? apud iudicem causam priore loco dicat? & eam cum perorarit, tum denique uocem accusatoris audiat? Quid? hoc quò pertinet? ut ocius ad tuum peruenias? at, si id uelles, iam pridem actum esse poterat. ut honestiore iudicio conflictere? at sine summo scelere P. Quinctium, propinquum tuum, iugulare non potes. ut facilius iudicium sit? at neque C. Aquillius de capite alterius libenter iudicat; & Q. Hortensius contra caput non didicit dicere. Quid a nobis autem, C. Aquilli, refertur? pecuniam petit: negamus deberi. iudicium fiat statim: non recusamus. num quid prater ea? si ueretur, ut res, iudicio facto, parata sit: iudicatum solui satis accipiat: quibus a me uerbis satis accipiet, isdem ipse, quod peto, satisfdet. Actum iam potest esse, C. Aquilli: iam tu potes discedere liberatus molestia prope dicam non minore, quam Quinctius. Quid agimus, Hortensi? quid de hac condicione dicimus? possumus aliquando, depositis armis, sine periculo fortunarum, de re pecuniaria disceptare? possumus ita rem nostram persequi, ut hominis propinqui caput incolume esse patiamur? possumus petitoris personam capere, accusatoris deponere? Immo, inquit, abs te satis accipiam,

P
accipiam;
dem nobis
tuit, quod
in N. Quincti
ris possessa
quod numqu
inde quasi
ueniri rati
que quam
perniciem
teret; non
lud, unde
ne appella
agendi quon
re caput, in
simpserit;
cerit, hunc
qui, cum de
set, sponte
reuocetur ad
condicionem
pecuniam,
hoc palam
que adeo in
gotio, sub
aduocato
est inuicem
dum, at
P. Quincti

accipiam; ego autem tibi non satisfabo. Quis tandem nobis ista iura tam æqua describit? quis hoc statuit, quod æquum sit in Quinctium, id iniquum esse in Nævium? Quinctij bona, inquit, ex edicto prætoris possessa sunt. Ergo, id ut confitear, postulas: ut, quod nunquam factum esse iudicio defendimus, id, perinde quasi factum sit, nostro iudicio confirmemus. Inueniri ratio, C. Aquilli, non potest, ut ad suum quisque quamprimum sine cuiusquam dedecore, infamia, perniciëq. perueniat? profecto, si quid deberetur, peteret; non omnia iudicia fieri mallet, quàm unum illud, unde hæc omnia nascuntur. Qui inter tot annos ne appellarit quidem Quinctium, cum potestas esset agendi quotidie; qui, quò tempore primum male agere cæpit, in uadimonij differendis tempus omne consumpserit; qui, postea quàm uadimonium missum fecerit, hunc per insidias ui de agro communi deiecerit; qui, cum de re agendi, nullo recusante, potestas fuisset, sponsionem de probro facere maluerit; qui, cum reuocetur ad id iudicium, unde hæc nata sunt omnia, condicionem æquissimam repudiet; fateatur, se non pecuniam, sed uitam, & sanguinem petere: is non hoc palam dicit? mihi si quid deberetur, peterem, atque adeo iam pridem abstulissèm: nihil hoc tanto negotio, nihil tam inuidioso iudicio, nihil tam copiosa aduocatione uterer, si petendum esset: extorquendum est inuito, atque ingratis, quod non debet; eripiendum, atque exprimendum est: de fortunis omnibus P. Quinctius deturbandus est: potentes, disert, nobis
les

les omnes aduocandi sunt : adhibenda uis est ueritati :
 minæ iactentur : pericula intendantur : formidines op-
 ponantur, ut his rebus aliquando uictus, & perterri-
 tus ipse cedat. quæ mehercule omnia, cum, qui con-
 tra pugnent, uideo, & cum illum confessum conside-
 ro, adesse atque impendere uidentur, neque uitari ul-
 lo modo posse. cum autem ad te, C. Aquilli, oculos,
 animumq. retuli; quo maiore conatu studioq. agun-
 tur, eo leuiora, infirmioraq. existimo. Nihil igitur
 debuit, ut tu ipse prædicas. Quid, si debuisset? conti-
 nuo ne caussa fuisset, cur a prætore postulares, ut bo-
 na possideres? non opinor id quidem neque ius esse, ne-
 que cuiquam expedire. Quid igitur demonstrat? ua-
 dimonium sibi ait esse desertum. ante quàm doceo id
 factum non esse, libet mihi, C. Aquilli, ex officij ra-
 tione, atque ex omnium consuetudine rem ipsam, &
 factum simul Sex. Næuij considerare. Ad uadimo-
 nium non uenerat, ut ais, is, qui cum tibi affinitas, so-
 cietas, omnes denique caussæ, & necessitudines uete-
 res intercedebant: illico ne ad prætorem ire conue-
 nit? continuo ne uerum fuit postulare, ut ex edicto
 bona possidere liceret? ad hæc extrema, & inimicissi-
 ma iura tam cupide decurrebas, ut tibi nihil in poste-
 rum, quod grauius, atque crudelius facere posses, re-
 seruares? nam quid homini potest turpius, quid uiro
 miseriùs, aut acerbius usu uenire? quod tantum eue-
 nire dedecus? quæ tanta calamitas inueniri potest?
 pecuniam si cuipiam fortuna ademit, aut si alicuius
 eripuit iniuria; tamen, dum existimatio est integra,
 facile

P
 facile conf
 ignominia
 nis quidem
 mum est, no
 mento, &
 runt; cuius
 etiam uict
 dedecore si
 rum extor
 tuos amat
 quoque tur
 honesta lo
 edicto poss
 cum bonis
 mis locis pr
 cite, obscur
 mini consue
 pereat, pro
 prædicat, &
 no, uidentur
 quæ non am
 das, sed bon
 uia a lacerat
 nostritatio
 derate fier
 fraudantur
 tamen &
 te coacti,
 lusi, ac de

facile consolatur honestas egestatem. at non nemo aut
 ignominia affectus, aut iudicio turpi conuictus, bo-
 nis quidem suis utitur, alterius opes, id quod miserr-
 mum est, non expectat; hoc tamen in miserijs adiu-
 mento, & solatio subleuatur. cuius uero bona uenie-
 runt; cuius non modo illæ amplissimæ fortunæ, sed
 etiam uictus, uestitusq. necessarius sub præcone cum
 dedecore subiectus est; is non modo ex numero uiuo-
 rum exturbatur, sed, si fieri potest, infra etiam mor-
 tuos amandatur. etenim mors honesta sæpe uitam
 quoque turpem exornat: uita turpis ne morti quidem
 honestæ locum relinquit. ergo hercule, cuius bona ex
 edicto possidentur, huius omnis fama, & existimatio
 cum bonis simul possidetur: de quo libelli in celeberr-
 mis locis proponuntur, huic ne perire quidem certe ta-
 cite, obscureq. conceditur. cui magistri fiunt, & do-
 mini constituuntur, qui, qua lege, & qua condicione
 pereat, pronuncient; de quo homine præconis uox
 prædicat, & pretium conficit; huic acerbissimum ui-
 uo, uidenti q. funus ducitur: si funus id habendum sit,
 quod non amici conueniunt ad exequias cohonestan-
 das, sed bonorum emptores, ut carnifices, ad reliquias
 uitæ lacerandas, & distrahendas. itaque maiores
 nostri raro id accidere uoluerunt; prætores, ut consi-
 derate fieret, comparauerunt. uiri boni, cum palam
 fraudantur, cum experiundi potestas non est, timide
 tamen & pedetentim istuc descendunt, ui ac necessita-
 te coacti, inuiti, multis uadimonijis desertis, sæpe il-
 lusi, ac destituti. considerant enim, quid & quantum
 sit,

O R A T I O

sit, alterius bona proscribere. iugulare ciuem ne iure
 quidem quisquam bonus uult: mauult enim comme-
 morare, se, cum posset perdere, pepercisse, quàm, cum
 parcere potuerit, perdidisse. hæc in homines alienissi-
 mos, denique in inimicissimos uiri boni faciunt & ho-
 minum existimationis, & communis humanitatis
 caussa; ut, cum ipsi nihil alteri scientes incommoda-
 rint, nihil ipsis iure incommodi cadere possit. Ad ua-
 dimonium non uenit: quis? propinquus. si res ista gra-
 uissima sua sponte uideretur, tamen eius atrocitas ne-
 cessitudinis nomine lenaretur. Ad uadimonium non
 uenit: quis? socius. etiam grauius aliquid ei deberes
 concedere, qui cum te aut uoluntas congregasset, aut
 fortuna coniunxisset. Ad uadimonium nõ uenit: quis?
 is, qui tibi præsto semper fuit. ergo in eum, qui semel
 hoc commisit, ut tibi præsto non esset, omnia tela con-
 iecisti, quæ parata sunt in eos, qui permulta male a-
 gendi caussa fraudandiq. fecerunt? si de prædijs tuis
 ageretur, Sex. Næui, si in paruula re captionis ali-
 quid uererere, non statim ad C. Aquillium, aut ad eo-
 rum aliquem, qui consuluntur, concurrisses? cum ius
 amicitiae, societatis, affinitatis ageretur; cum officij
 rationem, atque existimationis duci conueniret; eo
 tempore tu non modo C. Aquillum, aut L. Lucullum,
 sed ne ipse quidem te consuluiſti, sed ne ipse quidem ad
 te retuliſti: ne hæc quidem tecum locutus es: horæ
 duæ fuerunt. Quinctius ad uadimonium non uenit:
 quid ago? si mehercule hæc tecum duo uerba fecisses,
 quid ago? respirasset cupiditas, atque auaritia paulu-
 lum:

lum: aliqui
 collegiſſes:
 tibi eſſet ap-
 monium non
 piſſe, homi-
 Ego pro te
 re, quod tu
 tus es. quæ
 Etli, M.
 dam ſociu-
 uetus, com-
 dit: potuiſ-
 liceat; an,
 domum pot-
 de re uobis
 nitatem, an
 fallit, ſi con-
 expectare:
 uideatur, an
 tor ſit; dom-
 ta ſunt, quæ
 hac ratione
 ad hæc Na-
 qui in uita
 inſtituta b-
 inquit, cu-
 uiderint
 rent: non
 querant

lum: aliquid loci rationi, & consilio dedisses: tu te collegisses: non in eam turpitudinem uenisses, ut hoc tibi esset apud tales uiros confitendum, qua tibi uadimonium non sit obitum, eadem te hora consilium cepisse, hominis propinqui fortunas funditus euertere. Ego pro te nunc hoc consulo, post tempus, in aliena re, quod tu in tua re, cum tempus erat, consulere oblitus es. quæro abs te, C. Aquilli, L. Luculle, P. Quinctili, M. Marcelle, uadimonium mihi non obijt quidam socius, & affinis meus, quicum mihi necessitudo uetus, controuersia de re pecuniaria recens intercedit: postulo ne a prætore, ut eius bona mihi possidere liceat; an, cum Romæ domus eius, uxor, liberi sint, domum potius denunciem? quid est, quod hac tandem de re uobis possit uideri? profecto, si recte uestram bonitatem, atque prudentiam cognoui, non multum me fallit, si consulamini, quid sitis responsuri. primum, expectare: deinde, si latitare, ac diutius ludificare uideatur, amicos conuenire; quærere, quis procurator sit; domum denunciare. dici uix potest, quàm multa sint, quæ respondeatis ante fieri oportere, quàm ad hanc rationem extremam necessariam deuenire. Quid ad hæc Næuius? ridet scilicet nostram amentiam, qui in uita sua rationem summi officij desideremus, & instituta bonorum uirorum requiramus. quid mihi, inquit, cum ista summa sanctimonia, ac diligentia? uiderint ista officia uiri boni: de me autem ita considerent: non quid habeam, sed quibus rebus inuenerim, quærant, & quemadmodum natus, & quo pacto educatus

O R A T I O

catus sim . memini : uetus est de scurra , multo facilius diuitem , quàm patrem familias fieri posse . hæc ille si uerbis non audet , re quidem uera palam loquitur . etenim si uult uirorum bonorum instituto uiuere , multa oportet discat , atque dediscat : quorum illi ætati utrunque difficile est . Non dubitavi , inquit , cum uadimonium desertū esset , bona proscribere . improbe : uerum , quoniam tu id tibi arrogas , & concedi postulas , concedamus . quid , si nunquam deseruit ? si ista causa abs te tota per summam fraudem , & malitiam ficta est ? si uadimonium omnino tibi cum P. Quintio nullum fuit , quo te nomine appellemus ? improbum ? at , etiam si desertum uadimonium esset , tamen in ista postulatione , & proscriptione bonorum improbissimus reperiēbare . num malitiosum ? negas . fraudulentum ? iam id quidem arrogas tibi , & præclarum putas . audacem ? cupidum ? perfidiosum ? uulgaria , & obsoleta sunt ; res autem noua , & inaudita . quid ergo est ? uereor mehercule , ne aut grauioribus utar uerbis , quàm natura fert , aut leuioribus , quàm causa postulat . Ais esse uadimonium desertum . Quæsiuit a te statim , ut Romam redijt , Quintius , quo die uadimonium istuc factum esse diceres . respondi sti statim , nonis Febr. discedens in memoriam redijt Quintius , quo die Roma in Galliam profectus sit : ad ephemeridem reuertitur : inuenitur dies profectiois , pridie kal. Februarij . nonis Febr. si Roma fuit , causæ nihil dicimus , quin tibi uadimonium promiserit . quid ? hoc inueniri qui potest ? profectus

una

P R
una L. Alb
stimonium
Quintij : d
Quintij , re
est cur scire
stipulatore
causa P. Q
metu miser
eum gratia
consolabit
de : natura
non in camp
ut amicos
tquam offic
his moribus
ferior uideret
rendum : nam
sit , postulat
es , ne cum bo
uij cupidit
mum pollicet
postularet , n
et , si maxime
re adiut
edicto præto
potuisse . re
NIS CA
ctius : nisi
procurator

una L. Albius, homo in primis honestus: dicet testimonium. profecti sunt familiares & Albi, & Quinctij: dicent hi quoque testimonium. litteræ P. Quinctij, testes tot, quibus omnibus causa iustissima est cur scire potuerint, nulla cur mentiantur, cum ad stipulatorem tuo comparabuntur. Et in hac eiusmodi causa P. Quinctius laborabit? & diutius in tanto metu miser, periculoq. uersabitur? & uehementius eum gratia aduersarij perterrebit, quam fides iudicis consolabitur? uixit enim semper inculte, atque horride: natura tristi, ac recondita fuit: non ad solarium, non in campo, non in conuiuijs uersatus est: id egit, ut amicos obseruantia, rem parsimonia retineret: antiquam officij rationem dilexit, cuius splendor omnis his moribus obsoleuit. at si in causa pari discedere inferior uideretur, tamen esset non mediocriter conquirendum: nunc in causa superiore, ne ut par quidem sit, postulat: inferiorem esse patitur, dumtaxat usque eò, ne cum bonis, fama, fortunisq. omnibus Sex. Næuij cupiditati, crudelitatiq. dedatur. Docui, quod primum pollicitus sum, C. Aquilli, causam omnino, cur postularet, non fuisse; quod neque pecunia debebatur, et, si maxime deberetur, commissum nihil esset, quare ad istam rationem perueniretur. attende nunc, ex edicto prætoris bona P. Quinctij possideri nullo modo potuisse. recita edictum. QVI FRAVDATIONIS CAUSSA LATITARIT. non est is Quinctius: nisi si latitant, qui ad negotium suum, relicto procuratore, proficiscuntur. CUI HERES NON EXTABIT.

O R A T I O
EXTABIT. ne is quidem. QVI EXSILII CA-
VSSA SOLVM VERTERIT.

*

quo tempore existimas oportuisse, Næui, absentem
Quinctium defendi? aut quo modo? tum, cum postu-
labas, ut bona possideres? nemo affuit: neque enim
quisquam diuinare poterat te postulaturum: neque
quenquam attinebat id recusare, quod prætor fieri,
sed non fieri ex edicto suo iubebat. qui locus igitur ab
sentis defendendi procuratori primus datus est? cum
proscribebas. ergo affuit, non passus est, libellos deie-
cit Sex. Alphenus: qui primus erat officij gradus, ser-
uatus est a procuratore summa cum diligentia. uidea-
mus, quæ deinde sint consecuta. Hominem P. Quin-
ctij deprehendis in publico, conaris abducere: non pa-
titur Alphenus, ui tibi adimit, cura ut domum redi-
catur ad Quinctium. hic quoque summe constat pro-
curatoris diligentis officium. Debere tibi dicis Quin-
ctium; procurator negat. uadari uis: promittit. in-
ius uocas: sequitur. iudicium postulas: non recusat.
Quid aliud sit absentem defendi, ego non intelligo. At
quis erat procurator? credo aliquem eiectum homi-
nem, egentem, litigiosum, improbum, qui posset scur-
ræ diuitis quotidianum conuicium sustinere: nihil mi-
nus. eques R. locuples, sui negotij bene gerens, deni-
que is, quem, quoties Næuius in Galliam profectus
est, procuratorem Romæ reliquit. & audes, Sex.
Næui, negare absentem defensum esse Quinctium,
cum eum defenderit idem, qui te solebat? & cum is
iudicium

P
iudicium
famam tu
re solebas
Quinctium
ut satisfice
abat Alp
buni igitur
est istud,
auxilium
prudencia
bitror: ca
sam conuic
tetur enim
promissis;
que Næui
& iudicatio
constitutus
C. Aquiliu
constituit;
perit, quæ
tor a prætor
defendi; et
fenti, igne
omnium a
ripi conue
certe prob
cio absent
bona poss
runt quide

iudicium acciperet pro Quinctio, cui tu & rem, & famam tuam commendare proficiscens, & concredere solebas, conaris hoc dicere, neminem extitisse, qui Quinctium iudicio defenderet? Postulabam, inquit, ut satisfaceret: iniuria postulabas. ita iubebare. recusabat Alphenus. ita: uerum praetor decernebat. tribuni igitur appellabantur. Hic te, inquit, teneo: non est istud, iudicium pati, neque iudicio defendere, cum auxilium a tribunis petas. Hoc ego, cum attendo quam prudentia sit Hortensius, dicturum esse eum non arbitror: cum autem antea dixisse audio, & causam ipsam considero, quid aliud dicere possit, non reperio. fatetur enim libellos Alphenum deiecisse, uadimonium promississe; iudicium quin acciperet in ea ipsa uerba, quae Nauius edebat, non recusasse, ita tamen, more & instituto per eum magistratum, qui auxilij causa constitutus est. aut haec facta non sint, necesse est; aut C. Aquillius, talis uir, iuratus, hoc ius in ciuitate constituat; cuius procurator non omnia iudicia acciperit, quae quisque in uerba postularit; cuius procurator a praetore tribunos appellare ausus sit; eum non defendi; eius bona recte possideri posse; ei misero, absenti, ignaro omnia fortunarum suarum, omnia uitae ornamenta per summum dedecus, & ignominiam diripi conuenire. quod si probari nemini potest; illud certe probari omnibus necesse est, defensum esse iudicio absentem Quinctium. quod cum ita est, ex edicto bona possessa non sunt. At enim tribuni pl. ne audierunt quidem. Fateor, si ita est, procuratorem decre-

C to

O R A T I O

to prætoris R. oportuisse parere. quid, si M. Brutus intercessurum se dixit palam, nisi quid inter ipsum. Alphenum, & Næuium conueniret? uidetur ne intercessisse appellatio tribunorum non more, sed auxilij causa? quid deinde fit? Alphenus, ut omnes intelligere possent iudicio defendi Quinctium, ne qua subesse posset aliena aut ipsius officio, aut huius existimatione suspicio, uiros bonos complures aduocat: testatur isto audiente, se pro communi necessitudine id primum petere, ne quid atrocius in P. Quinctium absentem sine causa facere conetur: sin autem inimicissime, atque infestissime contendere perseueret, se paratum esse omni recta, atque honesta ratione defendere: quod petat, non deberi: se iudicium id, quod edat, accipere. eius rei, condicionisq. tabellas obsignauerunt uiri boni complures. res in dubium uenire non potest. sit, rebus omnibus integris, neque proscriptis, neque possessis bonis, ut Alphenus promittat Næuiο sisti Quinctium. uenit ad uadimonium Quinctius: iacet res in controuersis, isto calumniante, biennium, usque dum inueniretur, qua ratione res ab usitata consuetudine recederet, & in hoc singulare iudicium causa omnis concluderetur. Quod officium, Aquilli, commemorari procuratoris potest, quod ab Alpheno præteritum esse uideatur? quid affertur, quare P. Quinctius absens negetur esse defensus? an uero id, quod Hortensium, quia nuper iniecit, & quia Næuius semper id clamat, dicturum arbitror, non fuisse Næuiο parem certationem cum Alpheno, illo tempore, illis dominantibus?

P
nantibus
cedent, no
se, sed gra
tis est, fuit
qualis is f
& magis
Erat, inq
esset educ
bili ne gla
me concu
eo par con
itaque is
decernebat
terant per
rant, id a
bas, qui na
de id dicere
tamen si molo
ius omnino
leri arbitro
tium studi
Næuius: si
Alphenus
que enim
nor, inter
uicisti. in
ijs, & pr
quam, que
amiciti

nantibus? quod si uelim confiteri; illud, opinor, concedent, non procuratorem P. Quinctij neminem fuisse, sed gratiosum fuisse. mihi autem ad uincendum satis est, fuisse procuratorem, qui cum experiri posset. qualis is fuerit, si modo absentem defendebat per ius, & magistratum, nihil ad rem arbitror pertinere. Erat, inquit, illarum partium. quid ni? qui apud te esset educatus; quem tu a puero sic instituis, ut nobili ne gladiatorum quidem haberet. sicut tu semper summe concupisti, idem uolebat Alphenus: ea re tibi cum eo par contentio erat. Bruti, inquit, erat familiaris: itaque is intercedebat. tu contra Burrieni, qui iniuriā decernebat; omnium denique illorum, qui tum & poterant per uim, & scelus plurimum, &, quod poterant, id audebant. an omnes tu istos uincere uolebas, qui nunc, tu ut uincas, tantopere laborant? aude id dicere, non palam, sed his ipsis, quos aduocasti. tametsi nolo eam rem commemorando renouare, cuius omnino rei memoriam omnem tolli funditus, ac deleri arbitror oportere. unum illud dico: si propter partium studium potens erat Alphenus; potentissimus Næuius: si fretus gratia postulabat aliquid iniquius Alphenus; multo iniquiora Næuius impetrabat. neque enim inter studium uestrum quidquam, ut opinor, interfuit: ingenio, uetustate, artificio tu facile uicisti. ut alia omittam, hoc satis est: Alphenus cum ijs, & propter eos periit, quos diligebat: tu, postquam, qui tibi erant amici, non poterant uincere; ut amici tibi essent, qui uincebant, effecisti. quod si tum

O R A T I O

par tibi ius cum Alphenio fuisse non putas, quia tamen aliquem contra te aduocare poterat; quia magistratus aliquis reperiatur, apud quem Alpheni causa consisteret: quid hoc tempore Quintio statuendum est? cui neque magistratus adhuc æquus inuentus est; neque iudicium redditum est usitatum; non condicio, non sponsio, non denique ulla unquam intercessit postulatio, mitto æqua, uerum ante hoc tempus ne fando quidem audita. De re pecuniaria cupio contendere: non licet. at ea controuersia est: nihil ad me attinet: causam capitis dicas, oportet. accusa, ubi ita necesse est: non, inquit, nisi tu ante, nouo modo, priore loco dixeris: dicendum necessario est: præstituendæ horæ ad arbitrium nostrum: iudex ipse arcessetur. quid tum? tu aliquem patronum inuenies, hominem antiqui officij, qui splendorem nostrum, & gratiam negligat. pro me pugnabit L. Philippus, eloquentia, grauitate, honore florentissimus ciuitatis: dicet Hortensius, excellens ingenio, nobilitate, estimatione: aderunt autem homines nobilissimi, ac potentissimi, quorum frequentiam, & confessum non modo P. Quintius, qui de capite decernit, sed quibus, qui extra periculum sit, perhorrescat. hæc est iniqua certatio, non illa, qua tu contra Alphenum uelitabaris. huic, ne ubi consisteret quidem contra te, locum reliquisti. quare aut doceas oportet, Alphenum negasse se procuratorem esse, non deiecisse libellos, iudicium accipere noluisse: aut, cum hæc ita facta sint, ex edicto te bona P. Quintij non possedisse concedas. etenim, si

ex

P
ex edicto
cur ceteri
nemo ne fi
plures fue
tum aris
erant ab
que tamen
bus, qui
auderet.
Nemius,
mio sceles
se afflicto
modo non
luce prima
huc tempore
sa latuisse
get esse
nes, quibus
defendunt;
fida Sex.
di sponsione
qui hoc die
fraudant:
diem potius
curatorem
r. antur
mus, cum
graves es
tatem pos

ex edicto possedisti; quæro, cur bona non uenierint? cur ceteri sponsores, & creditores non conuenerint? nemo ne fuit, cui deberet Quinctius? fuerunt, & complures fuerunt: propterea quod Caius frater aliquantum æris alieni reliquerat. quid ergo est? homines erant ab hoc omnes alienissimi, & ijs debebatur; neque tamen quisquam inuentus est tam insignite improbus, qui uiolare P. Quinctij existimationem absentis auderet. unus fuit, affinis, socius, necessarius, Sex. Nænius, qui, cū ipse ultro deberet, quasi eximio præmio sceleris exposito, cupidissime contenderet, ut, perse afflictum, atque euersum, propinquum suum non modo honeste partis bonis, uerum etiam communi luce priuaret. ubi erant ceteri creditores? denique hoc tempore ubi sunt? quis est, qui fraudationis causa latuisse dicat? quis, qui absentem defensum neget esse Quinctium? nemo inuenitur. at contra omnes, quibuscum ratio huic aut est, aut fuit, adsunt, defendunt; fides huius, multis locis cognita, ne perfidia Sex. Nænij derogetur, laborant. in huiusmodi sponsonem testes daret oportebat, ex eo numero, qui hæc dicerent: iudicium mihi deseruit: me fraudauit: a me nominis eius, quod inficiatus esset, diem petiuit: ergo experiri non potui, latitauit, procuratorem nullum reliquit. horum nihil dicitur. parantur testes, qui hæc dicant. uerum opinor uiderimus, cum dixerint. unum tamen hoc cogitent, ita se graues esse, ut, si ueritatem uolent retinere, grauitatem possint obtinere; sin eam negligent, ita leues,

ORATIO

ut omnes intelligant, non ad obtinendum mendacium, sed ad uerum probandum auctoritatem adiuuare. Ego hæc duo quero: primum, qua ratione Næuius susceptum negotium non transegerit, hoc est cur bona, quæ ex edicto possidebat, non uendiderit: deinde, cur ex tot creditoribus alijs ad istam rationem nemo accesserit: ut necessario confiteare, neque eorum tam temerarium quenquam fuisse, neque te ipsum id, quod turpissime suscepisses, perseuerare & transigere potuisse. Quid, si tu ipse, Sex. Næui, statuisti bona P. Quintij ex edicto possessa non esse? opinor, tuum testimonium, quod in aliena re leue esset, id in tua, quoniam contra te est, grauissimum debet esse. emisti bona Sex. Alpheni, L. Sylla dictatore uendente: socium tibi in his bonis edidisti Quintium. plura non dico. cum eo tu uoluntariam societatem coibas, qui te in hereditaria societate fraudarat: & cum iudicio tuo comprobabas, quem spoliatum fama fortunisque omnibus arbitrabare. Diffidebam mehercule, C. Aquilli, satis animo certo & confirmato me posse in hac causa consistere: sic cogitabam, cum contra dicturus esset Hortensius, & cum esset attente auditurus Philippus, fore, uti permultis in rebus timore prolaberer. dicebam huic Q. Roscio, cuius soror est cum P. Quintio, cum a me peteret, & summe contenderet, ut propinquum suum defenderem, mihi perdifficile esse contra tales oratores non modo tantam causam perorare, sed omnino uerbum facere conari. cum cupidius instaret, homini pro amicitia

citia fam
qui prae
ipso conte
uenisti h
eiusmodi
rus essem
ta, confir
hil dicere
bebat er
etenim d
deatur e
est, ut sol
runtamen
ut hoc trib
possit bidu
ambulare
tensum con
rem? inu
do? docet
Næui, qu
quod abs e
consilio, qu
telligatis,
dactam; in
rit, refut
ceat: quod
ditum fa
dic Næui
quam lon

citia familiarius dixi, mihi uideri ore durissimo esse; qui presente eo gestum agere conaretur; qui uero cum ipso contenderent, eos, etiam si quid antea recti aut uenusti habere uisi sunt, id amittere: ne quid mihi eiusmodi accideret, cum contra talem artificem dicturus essem, me uereri. Tum mihi Roscius & alia multa, confirmandi mei causa, dixit: & mehercule, si nihil diceret, tacito ipso officio, & studio, quod adhibebat erga propinquum suum, quemuis commoueret. etenim cum artifex eiusmodi sit, ut solus dignus uideatur esse, qui in scena spectetur: tum uir eiusmodi est, ut solus dignus uideatur, qui eò non accedat. Veruntamen, quid si, inquit, habes eiusmodi causam, ut hoc tibi planum sit faciendum, neminem esse, qui possit biduo, ad summum triduo DCC millia passuum ambulare? tamen ne uereris, ut possis hæc contra Hortensium contendere? minime, inquam. sed quid id ad rem? nimium, inquit: in eo causa consistit. quo modo? docet me eiusmodi rem, & factum simul Sex. Næuij, quod si solum proferretur, satis esse deberet. quod abs te, C. Aquilli, & a uobis, qui adestis in consilio, quaeso, ut diligenter attendatis. profecto intelligetis, illinc ab initio cupiditatem pugnassee, & audaciam; hinc ueritatem & pudorem, quoad potuerit, restitisse. Bona, postulas, ut ex edicto possidere liceat: quo die? te ipsum Næui uolo audire: uolo inauditum facinus ipsius, qui id commisit, uoce conuinci. dic Næui diem. ante v kal. intercalares. bene agis. quam longe est hinc in saltum uestrum Gallicanum?

C 4 Næui

ORATIO

Nāui te rogo. DCC millia passuum . optime . de saltu deiicitur Quinctius , quo die ? possumus hoc quoque ex te audire : quid taces ? dic inquam diem . pudet dicere : intelligo : uerum & sero , & nequidquam pudet . deiicitur de saltu , C . Aquilli , pridie kal . intercalares . biduo post , aut , ut statim de iure aliquis currerit , non toto triduo DCC millia passuum conficiuntur . o rem incredibilem : o cupiditatem inconsideratam : o nuncium uolucrum . administri , & satellites Sex . Nāuij Roma trans alpes in Sebusianos biduo ueniunt . o hominem fortunatum , qui eiusmodi nuncios , seu potius Pegasos habeat . hic ego , si Crassus omnes cum Antonijs existant ; si tu L . Philippe , qui inter illos florebas , hanc causam uoles cum Hortensio dicere ; tamen superior sim necesse est . nō enim , quemadmodum putatis , omnia sunt in eloquentia : est quaedam tamen ita perspicua ueritas , ut eam infirmare nullares possit . an , ante quā postulasti ut bona possideres , misisti , qui curarent ut dominus de suo fundo a sua familia ui deiiceretur ? utrumlibet elige . alterum incredibile est , alterum nefarium , & ante hoc tempus utrumque inauditum . DCC millia passuum uis esse decursa biduo ? dic . negas ? ante igitur misisti . malo . si enim illud diceres , improbe mentiri uidere : cum hoc confiteris , id te admisisse concedis , quod ne mendacio quidem tegere possis . Hoc consilium Aquillio , & talibus uiris , tam cupidum , tam audax , tam temerarium , probabitur ? quid hęc amentia ? quid hęc festinatio ? quid hęc immaturitas tanta significat ?

P
gnificat ?
denique om
quam pudo
lio ? iustitia
re non ne po
dies xxx
eadem ma
tor iussisset
si nemo rec
& iudicio
les , si Alp
triflaret , et
qua postula
cares eam ,
iam de fund
ceps eiectus
uorum manu
esset . corrig
uita dicere a
cocum cupio
ea quid futu
uita possem
liqui tempo
de loqui ,
sisset ex ed
bueris , mit
turbare .
perspicere
tiam curu

gnificat? non uim? non scelus? non latrocinium? non
denique omnia potius, quàm ius, quàm officium,
quàm pudorem? mittis iniussu prætoris: quo consi-
lio? iussurum sciebas? quid? cum iussisset, tum mitte-
re non ne poteras? postulaturus eras: quando? post
dies xxx: nempe, si te nihil impediret; si uoluntas
eadem maneret; si ualeres; denique si uiueres. Præ-
tor iussisset. opinor, si uellet, si ualeret, si ius diceret,
si nemo recusaret, qui ex ipsius decreto & satisfdaret,
& iudicium accipere uellet. nam, per deos immorta-
les, si Alphenus, procurator P. Quinctij, tibi tum sa-
tisfaret, et iudicium accipere uellet, denique omnia,
quæ postulares, facere uoluisset, quid ageres? reuo-
cares eum, quem in Galliam miseris? at hic quidem
iam de fundo expulsus, iam a suis dijs penatibus præ-
ceps eiectus, iam, quod indignissimum est, suorum ser-
uorum manibus, nuncio atque imperio tuo uiolatus
esset. corrigeres hæc scilicet tu postea. De cuiusquam
uita dicere audes, qui hoc concedas necesse est, ita te
cæcum cupiditate, & auaritia fuisse, ut, cum, post-
ea quid futurum esset, ignorares, (accidere autem
multa possent) spem maleficij præsentis in incerto re-
liqui temporis euentu collocares? Atque hæc perin-
de loquor, quasi ipso illo tempore, cum te prætor ius-
sisset ex edicto possidere, si in possessionem misisses, de-
bueris, aut potueris P. Quinctium de possessione de-
turbare. Omnia sunt C. Aquilli eiusmodi, quibus ut
perspicere possit, in hac causâ improbitatem, & gra-
tiam cum inopia, & ueritate contendere. Prætor
quem-

O R A T I O

quemadmodum possidere iussit? opinor, ex edicto. Sponsio quæ in uerba facta est? ni ex edicto prætoris bona P. Quintij possessa non sint. Redeamus ad edictum. id quidem quemadmodum iubet possidere? num quid est cāussæ, C. Aquilli, quin, si longe aliter possedit, quàm prætor edixit, iste ex edicto non possederit, ego sponsione uicerim? nihil, opinor. cognoscamus edictum. QVI EX EDICTO MEO IN POSSESSIONEM VENERIT. de te loquitur, Næui, quemadmodum tu putas: ais enim, te ex edicto uenisse: tibi, quid facias, defnit, te instituit, tibi præcepta dat. EOS ITA VIDETVR IN POSSESSIONE ESSE OPORTERE. quo modo? QVOD IBIDEM RECTE CVSTODIRE POTERVNT, ID IBIDEM CVSTODIANT: QVOD NON POTERVNT, ID AVFERRE, ET ABDVCERE LICEBIT. quid tum? DOMINVM, inquit, INVITVM DETRVDERE NON PLACET. eum ipsum, qui fraudandi cāussæ latitet; eum ipsum, quem iudicio nemo defendat; eum ipsum, qui cum omnibus creditoribus suis male agat, inuitum de prædio detrudi uetat. proficiscenti tibi in possessionem prætor ipse, Sex. Næui, palam dicit, Ita possideto, ut tecum simul possideat Quintius: ita possideto, ut Quintio uis non afferatur. quid? tu id quemadmodum obseruas? mitto illud dicere, eum, qui non latitarit, cui Romæ domus, uxor, liberi, procurator esset; eum, qui tibi uadimonium non deseruisset: hæc omnia mitto; illud dico, dominum

dominum
milia sua
res. hoc d

Nenium
nil esset,
nia iudicia
moq. per
cuius iudicium
quo uero h
Quo in loc
re, P. Qu
ipse, si quid
di, quam m
propinquu
Romæ dom
æque utrinq
se dicat uad
fuisse: quo
mæ quidem
placitum fact
circa mentem
potius bon
dadi cāussæ
se diceretur
derit: qu
di, non a
tore, at q

dominum expulsus esse de prædio, domino a familia sua manus allatas esse ante suos lares familiares. hoc dico,

*

Næuium ne appellauisse quidem Quinctium, cum simul esset, experiri posset quotidie: deinde, quod omnia iudicia difficillima cum summa sua inuidia, maximoq. periculo P. Quinctij fieri mallet, quam illud pecuniarium iudicium, quod uno die transigi posset: ex quo uno hæc omnia nata, & profecta esse concedit. Quo in loco condicionem tuli; si uellet pecuniam petere, P. Quinctium iudicatum solui satisfaturum, dum ipse, si quid peteret, pari condicione uteretur. Ostendi, quam multa ante fieri conuenerit, quam hominis propinqui bona possideri postularentur, præsertim cum Romæ domus eius, uxor, liberi essent, & procurator æque utriusque necessarius. Docui, cum desertum esse dicat uadimonium, omnino uadimonium nullum fuisse: quo die hunc sibi promississe dicat, eo die ne Romæ quidem eum fuisse. id testibus me pollicitus sum planum facturum, qui & scire deberent, & causam, cur mentirentur, non haberent. Ex edicto autem non potuisse bona possideri, demonstraui: quod neque fraudandi causa latitasset, neque exsiliij causa solum uertisse diceretur. Reliquum est, ut eum nemo iudicio defenderit: quod contra copiosissime defensum esse contendere, non ab homine alieno, neque ab aliquo calumniatore, atque improbo, sed ab equite R. propinquo, & necessario

necessario suo, quem ipse Sex. Næuius procuratorem
 relinquere antea consuesset: neque eum, si tribunos
 appellarit, iccirco minus iudicium pati paratum fuis-
 se, neque potentia procuratoris Næuii ius ereptum:
 contra, istum potentia sua tum tantum modo superio-
 rem fuisse, nunc nobis uix respirandi potestatem dare.
 Quæsiui, quæ causâ fuisset, cur bona non uenissent,
 cum ex edicto possiderentur. Deinde illud quoque re-
 quisui, qua ratione ex tot creditoribus nemo neque
 tum idem fecerit, neque nunc contra dicat, omnesq.
 pro P. Quinctio pugnent, præsertim cum in tali iudi-
 cio testimonia creditorum existimentur ad rem maxi-
 me pertinere. Postea sum usus aduersarij testimonio,
 qui sibi cum nuper edidit socium, quem, quo modo nunc
 intendit, ne in uiuorum quidem numero tum demon-
 strat fuisse. Tum illam incredibilem celeritatem, seu
 potius audaciam protuli: confirmari necesse esse aut
 biduo DCC millia passuum esse decursa, aut Sex. Næ-
 uium diebus compluribus ante in possessionem misisse,
 quàm postulare, ut ei liceret bona possidere. Postea
 recitavi edictum, quod aperte dominum de prædio de-
 trudi uetaret: in quo constitit, Næuium ex edicto non
 possedisse, cum confiteretur ex prædio ui detrusum es-
 se Quinctium. Omnino autem bona possessa non esse
 constitui, quòd bonorum possessio spectetur non in ali-
 qua parte, sed in uniuersis, quæ teneri, ac possideri
 possint. Dixi, Romæ domum fuisse, quò iste ne aspira-
 rit quidem; seruos complures, ex quibus iste possede-
 rit neminem, ne attigerit quidem: unum fuisse, quem
 attingere

P
 attingere co
 ipsa Gallia
 Næuium n
 per uim exp
 et non om
 tis, factis
 telligere, i
 nisi uti per
 totum agr
 Nunc, cau
 tudo, C. A
 tibi in con
 etius per se
 nisi ut nesci
 ueritas cum
 sericordiam
 die ad te in
 quas ante h
 etiam causâ
 probaturus
 ne uat e dece
 re opus esse
 crimen uer
 ac licentiam
 defendere;
 spoliata
 Non com
 Næui, ne
 tuas arte

attingere conatus sit; prohibitum fuisse, quiescere. In ipsa Gallia cognostis in prædia priuata Quinctij Sex. Næuium nō uenisse: denique ex hoc ipso saltu, quem, per uim expulso socio, possedit, seruos priuatos Quinctij non omnes eiectos esse. Ex quo, & ex ceteris dictis, factis, cogitatisq. Sex. Næuij quibus potest intelligere, istum nihil aliud egisse, neque nunc agere, nisi uti per uim, per iniuriam, per iniquitatem iudicij totum agrum, qui communis est, suum facere possit. Nunc, causa perorata, res ipsa, & periculi magnitudo, C. Aquilli, cogere uidetur, ut te, atque eos, qui tibi in consilio sunt, obsecret, obtesteturq. P. Quinctius per senectutem, ac solitudinem suam, nihil aliud, nisi ut uestre naturæ bonitatiq. obsequamini: ut, cum ueritas cum hoc faciat, plus huius inopia possit ad misericordiam, quam illius opes ad crudelitatem. quo die ad te iudicem uenimus, eodem die illorum minas, quas ante horrebamus, negligere cœpimus. si causa cum causa contenderet, nos nostram perfacile cuius probaturos statuebamus: quod uitæ ratio cum ratione uitæ decerneret, iccirco nobis etiam magis te iudice opus esse arbitrati sumus. ea res enim nunc in discrimen uersatur, utrum ne possit se contra luxuriam, ac licentiam rusticana illa, atque inculta parsimonia defendere; an deformata, atque ornamentis omnibus spoliata, nuda cupiditati, petulantiaeq. addicatur. Non comparat se tecum gratiæ P. Quinctius, Sex. Næui, non opibus, non facultate contendit: omnes tuas artes, quibus tu magnus es, tibi concedit. fate-

tur

ORATIO

tur se non belle dicere, non ad uoluntatem loqui posse, non ab afflictâ amicitia transfugere, atque ad florentem aliam deuolare, non profusis sumptibus uiuere, non ornare magnifice, splendideq. conuiuium, non habere domum clausam pudori, & sanctimonie, patentem atque adeo expositam cupiditati, & uoluptatibus: contra, sibi officium, fidem, diligentiam, uitam omnino semper horridam, atque aridam cordi fuisse. ista superiora esse, ac plurimum posse his moribus, sentit. quid ergo est? non usque eò tamen, ut in capite fortunisq. hominum honestissimorum dominetur ij, qui, relicta bonorum uirorum disciplina, & questum, & sumptum Gallonij sequi maluerunt, atque etiam, quod in illo non fuit, cum audacia perfidiaq. uixerunt. si licet uiuere eum, quem Sex. Næuius non uult; si est homini honesto locus in ciuitate inuito Næuio; si fas est respirare P. Quinctium contra nutum ditionemq. Næuij; si, quæ pudore ornamenta sibi peperit, ea potest contra petulantiam te defendente obtinere: spes est, & hunc miserum, atque infelicem aliquando tandem posse consistere. sin & poterit Næuius id, quod libet, & ei libebit, quod non licet: quid agendum est? qui deus appellandus est? cuius hominis fides imploranda est? qui denique questus, qui mæror dignus inueniri calamitate tanta potest? miserum est, exturbari fortunis omnibus: miseriùs est, iniuria. acerbum est, ab aliquo circumueniri: acerbius, a propinquo. calamitosum est, bonis eueri: calamitosius, cum dedecore. funestum est, a forti, atque honesto uiro iugulari:

P
gulari: sua
prostitit. in
dignius, al
tradi alter
le est, caus
dicere. om
tatus est,
impetrare
arbitratu
Sex. Næ
tus, obsec
re contem
ponerent.
mam subit
prehendit,
citam: ob
per nomen
beros, quib
quando mis
pinquitas,
nitatis ratio
sua fama, q
transigeret
subleuatus,
territus, q
bi se, tim
tibi comm
multis ue
rijs, non t

gulari : funestius , ab eo , cuius uox præconio quæstu
prostitit . indignum est , a pari uinci , aut superiore : in-
dignius , ab inferiore , atque humiliore . luctuosum est ,
tradi alteri cum bonis : luctuosius , inimico . horribi-
le est , causam capitis dicere : horribilius , priore loco
dicere . omnia circumspexit Quinctius , omnia pericli-
tatus est , C. Aquilli : non prætorem modo , a quo ius
impetraret , inuenire non potuit , atque adeo ne unde
arbitratu quidem suo postulare , sed ne amicos quidem
Sex . Næuij , quorum sæpe & diu ad pedes iacuit stra-
tus , obsecrans pro deos immortales , ut aut secum iu-
re contenderent , aut iniuriam sine ignominia sibi im-
ponerent . denique ipsius inimici uultum superbissi-
mum subiit : ipsius Sex . Næuij lacrymans manum ap-
prehendit , in propinquorum bonis proscribendis exer-
citata : obsecrauit per fratris sui mortui cinerem ,
per nomen propinquitatis , per ipsius coniugem , & li-
beros , quibus propior P. Quinctio nemo est , ut ali-
quando misericordiam caperet ; aliquam , si non pro-
pinquitatis , at ætatis suæ , si non hominis , at huma-
nitatis rationem haberet ; ut secum aliquid , integra
sua fama , qualibet , dummodo tolerabili , condicione
transfigeret . ab ipso repudiatus , ab amicis eius non
subleuatus , ab omni magistratu agitatus , atque per-
territus , quem præter te appellet , habet neminem . ti-
bi se , tibi suas omnes opes , fortunasq. commendat :
tibi committit existimationem , ac spem reliquæ uitæ :
multis uexatus contumelijs , plurimis iactatus iniu-
rijs , non turpis ad te , sed miser confugit . e fundo or-
natissimo

O R A T I O

natissimo deiectus, ignominij omnibus appetitus, cum illum in suis paternis bonis dominari uideret, ipse filiae nubili dotem conficere non posset, nihil alienum tamen uita superiore commisit. itaque te hoc obsecrat, C. Aquilli, ut, quam existimationem, quam honestatem in iudicium tuum prope acta iam aetate decursaque attulit, eam liceat ei secum ex hoc loco efferre; ne is, de cuius officio nemo unquam dubitauit, sexagesimo denique anno dedecus, macula, turpissimaque ignominia notetur; ne ornamentis eius omnibus Sex. Naeuius pro spolijs abutatur; ne per te ferat, quo minus, quae existimatio P. Quinctium usque ad senectutem perduxit, eadem usque ad rogam prosequatur.

P R O S E X . R O S C I O A M E R I N O .

O R A T I O I I .

C R E D O ego uos iudices mirari, quid sit, quod, cum tot summi oratores, hominesque nobilissimi sedeant, ego potissimum surrexerim, is, qui neque aetate, neque ingenio, neque auctoritate sim cum his, qui sedeant, comparandus. omnes enim hi, quos uidetis adesse in hac causa, iniuriam nouo scelere conflant, putant oportere defendi, defendere ipsi propter iniquitatem temporum non audent. ita fit, ut adsint, propterea quod officium sequuntur; taceant autem iacirco, quia periculum metuant. quid ergo? audacissimus
ego

PR
ego ex omni
ceteri? ne
lij eam pro
ceteros imp
quia, si qua
quibus sum
bium de rep
se est; mul
ego etiam
nequaquam
in uulgu e
neque dicit
tem, et
propter ac
dixero, uel
ad temp. acc
rit. tamen
cognoscendi
accedit illa
petitum sit,
facere posse
runt, qui ap
guitate pluri
lentiam erg
ri, nec uolun
ego hunc ca
maximo m
mo pericul
dio defensus

ego ex omnibus? minime. at tanto officiosior, quam
 ceteri? ne istius quidem laudis ita sum cupidus, ut a-
 lijs eam præreptam uelim. quæ me igitur res præter
 ceteros impulit, ut causam Sex. Roscij reciperem?
 quia, si quis istorum dixisset, quos uidetis adesse, in
 quibus summa auctoritas est, atque amplitudo; si uer-
 bum de rep. fecisset, id quod in hac causa fieri neces-
 se est; multo plura dixisse, quam dixisset, putaretur:
 ego etiam si omnia, quæ dicenda sunt, libere dixero,
 nequaquam tamen similiter oratio mea exire, atque
 in uulgus emanare poterit: deinde, quod ceterorum
 neque dictum obscurum potest esse propter nobilita-
 tem, & amplitudinem. neque temere dicto concedi
 propter aetatem, & prudentiam; ego si quid liberius
 dixero, uel occultum esse propterea, quod non dum
 ad remp. accessi, uel ignosci adolescentiæ meæ pote-
 rit. tametsi non modo ignoscendi ratio, uerum etiam
 cognoscendi consuetudo iam de ciuitate sublata est.
 accedit illa quoque causa, quod a ceteris forsitan ita
 petatum sit, ut dicerent, ut utrumuis saluo officio se
 facere posse arbitrarentur: a me autem ij contende-
 runt, qui apud me & amicitia, & beneficijs, & di-
 gnitate plurimum possunt: quorum ego neque beneuo-
 lentiam erga me ignorare, nec auctoritatem asperna-
 ri, nec uoluntatem negligere debeam. His de causis
 ego huic causæ patronus extiti, non electus unus, qui
 maximo ingenio, sed relictus ex omnibus, qui mini-
 mo periculo possem dicere: neque uti satis firmo præsi-
 dio defensus Sex. Roscius, uerum uti ne omnino defer-

D tus

ORATIO

tus esset. Forsitan quærat, qui iste terror sit, & quæ tanta formido, quæ tot, ac tales uiros impediatur, quominus pro capite & fortunis alterius, quemadmodum consueuerunt, causam uelint dicere. quod adhuc uos ignorare non mirum est: propterea quod consulto ab accusatoribus eius rei, quæ conflauit hoc iudicium, mentio facta non est. quæ res ea est? bona patris huiusce Sex. Roscij, quæ sunt sexagies, quæ de uiro fortissimo, & clarissimo L. Sylla, quem honoris causa nomino, duobus millibus nummum sese dicit emisit, adolescens uel potentissimus hoc tempore nostræ ciuitatis, L. Cornelius Chrysogonus. is a uobis, iudices, hoc postulat, ut, quoniam in alienam pecuniam, tam plenam, atque præclaram, nullo iure inuasit; quoniamq. ei pecuniæ uita Sex. Roscij obstare, atque officere uideatur, deleatis ex animo suo suspicionem omnem, metumq. tollatis. sese, hoc incolu mi, non arbitratur huius innocentis patrimonium tam amplum, & copiosum posse obtinere; damnato, & eiecto, sperat se posse, quod adeptus est per scelus, id per luxuriam effundere, atque consumere. hunc sibi ex animo scrupulum, qui se dies noctesq. stimulat, ac pungit, ut euellatis, postulat; & ad hanc suam prædam tam nefariam adiutores uos profiteamini. Si uobis æqua, & honesta postulatio uidetur, iudices; ego contra breuem postulationem assero, & quo modo mihi persuadeo, aliquanto æquiores. Primum a Chrysogono peto, ut pecunia, fortunisque nostris contentus sit, sanguinem, & uitam ne petat: deinde a uobis, iudices,

PR
dices, ut au
mitatem le
quod in om
causa crim
que uel min
tur illi non
stremo si pr
aliud caus
libidini Se
bil, nisi ut
hoc solum b
præclaram
mulus, acc
hoc indigni
riam sentent
antea ipsi scel
ciuitate in se
hoc consiliu
hoc postulare
non modo ut
cus suis met
ut spolys Sex
dam? His de
tis me comm
ri, neque sat
commoditat
pora sunt in
quem mihi
dignitas, &

dices, ut audacium sceleri resistatis, innocentium calamitatem leuetis, & in causa Sex. Roscij periculum, quod in omnes intenditur, propulsetis. quod si aut causa criminis, aut facti suspicio, aut qualibet denique uel minima res reperietur, quamobrem uideantur illi non nihil tamen in deferendo nomine secuti; potestremo si prater eam pradam, quam dixi, quidquam aliud causae inueneritis: non recusamus, quin illorum libidini Sex. Roscij uita dedatur. sin aliud agitur nihil, nisi ut ijs ne quid desit, quibus satis nihil est; si hoc solum hoc tempore pugnatur, ut ad illam opimam, praeclaramque pradam damnatio Sex. Roscij, uelut cumulus, accedat: non ne cum multa indigna, tum uel hoc indignissimum est, uos idoneos habitos, per quorum sententias, iusque iurandum id assequantur, quod antea ipsi scelere, & ferro assequi consueverunt? qui ex ciuitate in senatum propter dignitatem, ex senatu in hoc consilium delecti estis propter seueritatem, ab his hoc postulare homines sicarios, atque gladiatores, non modo ut supplicia uitent, quae a uobis pro maleficio suis metuere atque horrere debent, uerum etiam ut spolijs Sex. Roscij hoc iudicio ornati auctique discedant? His de rebus tantis, tamque atrocibus neque satis me commode dicere, neque satis grauitate conqueri, neque satis libere uociferari posse intelligo. nam commoditati ingenium, grauitati aetas, libertati tempora sunt impedimento. huc accedit summus timor: quem mihi natura, pudorque meus attribuit, & uestra dignitas, & uis aduersariorum, & Sex. Roscij periculum.

ORATIO

la. Quapropter uos oro, atque obsecro, iudices, ut at-
tente, bonaq. cum uenia uerba mea audiatis. fide sa-
pientiaq. uestra fretus, plus oneris sustuli, quam fer-
re me posse intelligo. hoc onus si uos aliqua ex parte
alleuabitis, feram, ut potero, studio, & industria, iu-
dices. sin a uobis, id quod non spero, deferar; tamen
animo non deficiam, & id, quod suscepi, quoad pote-
ro, perferam. quod si perferre non potero, opprimi
me onere officij malo, quam id, quod mihi cum fide se-
mel impositum est, aut propter perfidiam abijcere,
aut propter infirmitatem animi deponere. Te quoque
magnopere, M. Fanni, quaeso, ut, qualem te iam an-
tea populo R. praebuisti, cum huic idem quaestioni iu-
dex praesses, talem te & nobis, & populo R. hoc tem-
pore impertias. quanta multitudo hominum conuene-
rit ad hoc iudicium, uides: quae sit omnium morta-
lium expectatio, quae cupiditas, ut acria ac seuera iu-
dicia fiant, intelligis. longo interuallo iudicium inter
sicarios hoc primum committitur, cum interea caedes
indignissimae, maximaeq. factae sint. omnes hanc qua-
estionem, te praetore, de manifestis maleficijs, quoti-
dianoq. sanguine haud remissius sperant futuram. qua
uociferatione in ceteris iudicijs accusatores uti consue-
uerunt, ea nos hoc tempore utimur, qui causam dici-
mus. petimus abs te, M. Fanni, a uobisq. iudices, ut
quam acerrime maleficia uindicetis, ut quamfortissi-
me hominibus audacissimis resistatis, ut hoc cogite-
tis, nisi in hac causa, qui uester animus sit, ostende-
tis, eò prorumpere hominum cupiditatem, & scelus,

&

PR
& audacia
foro, ante
stros, iudic
etenim quid
liceat? accu
causam dici
runt. accu
bono fuit: o
patris att
qui hanc ip
dicit is, qu
dio uenit, n
tur. denique
sam dicit is,
rebat. at qui
ea, quae fact
qua dicimus
nobis expone
nocentissim
re possitis, &
huiusce, m
bilitate, & p
etiam eius m
que hospitiu
cum Metell
hospitum,
tudo: quae
tudinisq. &
modis hoc

& audaciam, ut non modo clam, uerum etiam hic in
 foro, ante tribunal tuum, M. Fanni, ante pedes ue-
 stros, iudices, inter ipsa subsellia cades futurae sint.
 etenim quid aliud hoc iudicio tentatur, nisi ut id fieri
 liceat? accusant ij, qui in fortunas huius inuaserunt:
 causam dicit is, cui praefer calamitatem nihil relinqui-
 runt. accusant ij, quibus occidi patrem Sex. Roscij
 bono fuit: causam dicit is, cui non modo luctum mors
 patris attulit, uerum etiam egestatem. accusant ij,
 qui hunc ipsum iugulare summe cupierunt: causam
 dicit is, qui etiam ad hoc ipsum iudicium cum praesi-
 dio uenit, ne hic ibidem ante oculos uestros trucidetur.
 denique accusant ij, quos populus poscit: causam
 dicit is, qui unus relictus ex illorum nefaria cede
 restat. atque ut facilius intelligere possitis, iudices,
 ea, quae facta sunt, indigniora esse, quam haec sunt,
 quae dicimus; ab initio res quemadmodum gesta sit,
 uobis exponemus; quo facilius & huius hominis in-
 nocentissimi miseras, & illorum audaciam cognosce-
 re possitis, & reip. calamitatem. Sex. Roscius pater
 huiusce, municeps Amerinus, fuit cum genere, & no-
 bilitate, & pecunia non modo sui municipij, uerum
 etiam eius uicinitatis facile primus, tum gratia, at-
 que hospitij florens hominum nobilissimorum. nam
 cum Metellis, Seruilijs, Scipionibus erat ei non modo
 hospitium, uerum etiam domesticus usus, & consue-
 tudo: quas, ut aequum est, familias honestatis ampli-
 tudinisque gratia nomino. itaque ex suis omnibus com-
 modis hoc solum filio reliquit. nam patrimonium do-

meſtici prædones ui creptum poſſident : fama, & ui-
 ta innocentis ab hoſpitibus, amicisq. paternis defen-
 ditur. hic cum omni tempore nobilitatis fautor fuiſ-
 ſet, tum hoc tumultu proximo, cum omnium nobilium
 dignitas, & ſalus in diſcrimen ueniret, præter cete-
 ros in ea uicinitate eam partem, cauſſamq. opera, ſtu-
 dio, auctoritate defendit. etenim rectum putabat,
 pro eorum honeſtate ſe pugnare, propter quos ipſe
 honeſtiſſimus inter ſuos numerabatur. poſtea quàm
 uictoria conſtituta eſt, ab armisq. reſceſſimus; cum
 proſcriberentur homines, atque ex omni regione cape-
 rentur ij, qui aduerſarij fuiſſe putabantur; erat ille
 Romæ frequens, atque in foro, & in ore omnium quo-
 tidie uerſabatur, magis ut exſultare uictoria nobilita-
 tis uideretur, quàm timere ne quid ex ea calamitatis
 ſibi accideret. erant ei ueteres inimicitie cum duo-
 bus Roſcijs Amerinis: quorum alterum ſedere in ac-
 cuſatorum ſubſelijs uideo, alterum tria huiusce præ-
 dia poſſidere audio. quas inimicitias ſi tam cauere po-
 tuiſſet, quàm metuere ſolebat, uiueret. neque enim,
 iudices, iniuria metuebat. nam duo iſti ſunt T. Roſcij,
 quorum alteri Capitoni cognomen eſt; iſte, qui adest,
 Magnus uocatur: homines eiſmodi: alter plurima-
 rum palmarum uetus ac nobilis gladiator habetur:
 hic autem nuper ſe ad eum laniftam contulit: qui, cum
 ante hanc pugnam tyro eſſet ſcientia, facile ipſum ma-
 giſtrum ſcelere, audaciaq. ſuperauit. nam cum hic
 Sex. Roſcius eſſet Ameriæ, T. autem iſte Roſcius Ro-
 mæ; cum hic filius aſſiduus in prædijs eſſet; cumq. ſe
 uoluntate

PR
 uoluntate
 ſet; iſte au-
 neas Palat
 hoc ipſo no
 pertineat.
 perſpicuum
 catote. Oc
 ciat Mar
 nus, clien
 domum, n
 poſt horum
 lonumius
 nis ſex &
 nit; non re
 aſſeret, ſed
 num, teſtim
 deret. quat
 num in caſtr
 do pecunia
 ſundos dec
 tangunt) in
 demonſtrant
 tam ſplend
 perſacile hui
 Roma igno
 ram ſuam p
 ſocietas con
 fieret; &
 ac iam deſ

uoluntate patris rei familiari, uitæq. rusticæ dedisset; iste autem frequens Romæ esset; occiditur ad balneas Palatinas rediens a cena Sex. Roscius. spero ex hoc ipso non esse obscurum, ad quem suspicio maleficii pertineat. uerum id, quod adhuc est suspiciosum, nisi perspicuum res ipsa fecerit, hunc affinem culpæ iudicatote. Occiso Sex. Roscio, primus Ameriam nunciat Manlius Glaucia quidam, homo tenuis, libertinus, cliens, & familiaris istius T. Roscij: & nunciat domum, non filij, sed T. Capitonis inimici. & cum post horam primam noctis occisus esset, primo diluculo nuncius hic Ameriam uenit. decem horis nocturnis sex & quinquaginta millia passuum cisis peruolauit; non modo ut exoptatum inimico nuncium primus afferret, sed etiam cruorem inimici quamrecentissimum, telumq. paullo ante e corpore extractum ostenderet. quatriduo, quo hæc gesta sunt, res ad Chrysogonum in castra L. Syllæ Volaterras defertur: magnitudo pecuniæ demonstratur: bonitas prædiorum, (nam fundos decem & tres reliquit, qui Tiberim fere omnes tangunt) huius inopia, & solitudo commemoratur. demonstrant, cum pater huiusce Sex. Roscius, homo tam splendidus, & graciosus, nullo negotio sit occisus, perfacile hunc, hominem incantum, & rusticum, & Romæ ignotum, de medio tolli posse. ad eam rem operam suam pollicentur. ne diutius uos teneam, iudices, societas coitur. cum iam proscriptionis mentio nulla fieret; & cum, etiam qui antea metuerant, redirent, ac iam defunctos sese periculis arbitrarentur: homi-

nis studiosissimi nobilitatis manceps sit Chrysogonus:
 tria pradia uel nobilissima Capitoni propria tradun-
 tur, quæ hodie possidet: in reliquas omnes fortunas
 iste T. Roscius nomine Chrysogoni, quemadmodum
 ipse dicit, impetum facit. hæc bona sexagies HS,
 emuntur duobus millibus nummum. hæc omnia, iu-
 dices, imprudente L. Sylla facta esse certo scio. neque
 enim mirum, cum eodem tempore et ea, quæ præte-
 rita sunt, & ea, quæ uidentur instare, præparet;
 cum & pacis constituendæ rationem, & belli geren-
 di potestatem solus habeat; cum omnes in unum spe-
 ãtent, unus omnia gubernet; cum tot tantisq. nego-
 tijs distentus sit, ut respirare libere non possit; si ali-
 quid non animaduertat; cum præsertim tam multi oc-
 cupationem eius obseruent, tempusq. aucupentur,
 ut, simul atque ille despexerit, aliquid huiuscemodi
 moliantur. huc accedit, quòd, quamuis ille felix sit, si-
 cut est, tamen tanta felicitate nemo potest esse in ma-
 gna familia, qui neminem neque seruum, neque liber-
 tum improbum habeat. Interea iste T. Roscius, uir
 optimus, procurator Chrysogoni, Ameriam uenit;
 in pradia huius inuadit; hunc miserum, luctu perdi-
 tum, qui non dum etiam paterno funeri iusta soluisset,
 nudum eijcit domo, atque focis patrijs, dijsq. penati-
 bus præcipitem, iudices, exturbat: ipse amplissimæ
 pecuniæ fit dominus: qui in sua re fuisset egentissimus,
 erat, ut fit, insolens in aliena: multa palam domum
 suam auferebat; plura clam de medio remouebat:
 non pauca suis adiutoribus large effuseq. donabat, re-
 liqua

PR
 liqua consti-
 usque eò mi-
 tusq. fieret
 tur; mors
 sma; filij a-
 to patrimo-
 sepulcrum
 gitiosa pos-
 rat, qui
 Sex. Rosci-
 Etantem
 rionem de-
 tur ad L. S-
 scius fuerat,
 rjus; orent,
 nocentis for-
 cretum, quæ
 RIONVM
 ind. id quod
 ra hæc & fil-
 ipse ad eos a-
 qui peterent
 sogonum, qu-
 que adeo an-
 quam de hui-
 qui ex sua
 maret sese
 pradia uel
 T. Rosci-

liqua constituta auctione uendebat. quod Amerinis
 usque eò uisum est indignum, ut urbe tota fletus gemitusq. fieret. etenim multa simul ante oculos uersabantur; mors hominis florentissimi, Sex. Roscij crudelissima; filij autem eius egestas indignissima, cui de tanto patrimonio prædo iste nefarius ne iter quidem ad sepulcrum patrum reliquisset; bonorum emptio, flagitiosa possessio, furta, rapinae, donationes. nemo erat, qui non ardere omnia mallet, quàm uidere in Sex. Roscij, uiri optimi, atque honestissimi, bonis intactam se, ac dominantem T. Roscium. itaque decurionum decretum statim fit, ut decemprimi profisciscantur ad L. Syllam; doceantq. eum, qui uir Sex. Roscius fuerit; conquerantur de istorum scelere, & iniurijs; orent, ut & illius mortui famam, & filij innocentis fortunas conseruatas uelit. atque ipsum decretum, quæso, cognoscite. **DECRETVM DECVRIONVM.** legati in castra ueniunt. intelligitur, iud. id quod iam ante dixi, imprudente L. Sylla scelera hæc & flagitia fieri. nam statim Chrysogonus & ipse ad eos accedit, & homines nobiles allegat ijs, qui peterent, ne ad Syllam adirent, & omnia Chrysogonum, quæ uellent, esse facturum pollicerentur. usque adeo autem ille pertimuerat, ut mori mallet, quàm de his rebus Syllam doceri. homines antiqui, qui ex sua natura ceteros fingerent, cum ille confirmaret sese nomē Sex. Roscij de tabulis exempturum, prædia uacua filio traditurum, cumq. id ita futurum T. Roscius Capito, qui in x legatis erat, adpromitteret,

teret, crediderunt, Ameriam re inorata reuert-
runt. ac primo rem differre quotidie ac procrastinare
isti cœperunt, deinde aliquanto lentius, nihil agere,
atque deludere, postremo, id quod facile intellectum
est, insidias uitæ huiusce Sex. Roscij parare, neque
se se arbitrari posse diutius alienam pecuniam, domi-
no incolumi, obtinere. quod is simul atque sensit, de
amicorum cognatorumq. sententia Romam confugit,
& sese ad Cæciliam Nepotis filiam, quam honoris
caussa nomino, contulit, qua pater usus erat pluri-
mum. in qua muliere, iudices, etiam nunc, id quod
omnes semper existimauerunt, quasi exempli causa
uestigia antiqui officij remanent. ea Sex. Roscium ino-
pem, eiectione domo, atque expulsam ex suis bonis,
fugientem latronum tela & minas, recepit domum,
hospitiq. oppresso iam, desperatoq. ab omnibus opitu-
lata est. eius uirtute, fide, diligentia factum est, ut
hic potius uiuus in reos, quam occisus in proscriptos
referretur. nam postquam isti intellexerunt, summa
diligentia uitam Sex. Roscij custodiri, neque sibi ul-
lam cædis faciundæ potestatem dari; consilium cepe-
runt plenum sceleris, & audaciæ, ut nomen huius
de paricidio deferrent; ut ad eam rem aliquem accu-
satores ueteres compararent, qui de ea re posset di-
cere aliquid, in qua re nulla subesset suspicio; deni-
que, ut, quoniam crimine non poterant, tempore
ipso pugnarent: ita loqui homines, quod iudicia tam
diu facta non essent, condemnari eum oportere, qui
primus in iudicium adductus esset; huic autem patro-

nos

PR
nos propter
rum uendit
clurum men
tate crimin
cum ab nullo
hac amem
potuerunt
runt. Quid
ordiar, uel
tam? deor
uestram re
tempore fu
mus obiecta
rept; sicut
petita. quid
tur? tamen
gent: crime
& accusat
dicionem no
ces Roscio da
dedecus nita
tauerunt: de
fendat, id qu
dem suscep
in suspensio
cerim: quon
undique on
ant omnia
liberatum

nos propter Chrysogoni gratiam defuturos; de bonorum uenditione; & de ista societate uerbum esse facturum neminem; ipso nomine paricidij, & atrocitate criminis, fore, ut hic nullo negotio tolleretur, cum ab nullo defensus esset. hoc consilio, atque adeo hac amentia impulsus, quem ipsi, cum cuperent, non potuerunt occidere, eum iugulandum uobis tradiderunt. Quid primum querar? aut unde potissimum exordiar, indices? aut quod, aut a quibus auxilium petam? deorum ne immortalium, populi ne Romani, uestram ne, qui summam potestatem habetis, hoc tempore fidem implorem? pater occisus nefarie, domus obsessa, ab inimicis bona adempta, possessa, direpta; filij uita infesta, saepe ferro atque insidijs appetita. quid ab his tot maleficijs sceleris abesse uideatur? tamen hac alijs nefarijs cumulant, atque adaugent: crimen incredibile confingunt: testes in hunc, & accusatores huiusce pecunia comparant: hanc conditionem misero ferunt, ut optet utrum malit, ceruices Roscio dare, an insutus in culeum, per summum dedecus uitam amittere. patronos huic defuturos putauerunt: desunt: qui libere dicat, qui cum fide defendat, id quod in hac causa est satis, quoniam quidem suscepi, non deest profecto, indices. & forsitan in suscipienda causa temere impulsus adolescentia fecerim: quoniam quidem semel suscepi, licet hercules undique omnes terrores, minae, periculaque impendant omnia. succurram, atque subibo. certum est, deliberatumque, quae ad causam pertinere arbitror,

omnia

omnia non modo dicere, uerum etiam libenter, audacter, libereque dicere. nulla res tanta existat, iudices, ut possit uim mihi maiorem adhibere metus, quam fides. etenim quis tam dissoluto animo est, qui, hac cum uideat, tacere, ac negligere possit? patrem meum, cum proscriptus non esset, iugulastis; occisum in proscriptorum numerum retulistis: me domo mea per uim expulistis: patrimonium meum possidetis: quid uultis amplius? etiam ne ad subsellia cum ferro atque telis uenistis, ut hic aut iuguletis, aut condemnetis Sex. Roscium? Hominem longe audacissimum nuper habuimus in ciuitate C. Fimbriam, & quod inter omnes constat, nisi inter eos, qui ipsi quoque insaniunt, insanissimum. is cum curasset in funere C. Marii, ut Q. Scauola uulneretur, uir sanctissimus, atque ornatissimus nostrae ciuitatis, de cuius laude neque hic locus est ut multa dicantur, neque plura tamen dici possunt, quam populus R. memoria retinet; diem Scauolae dixit, postea quam comperit eum posse uiuere. cum ab eo quaereretur, quid tandem accusaturus esset eum, quem pro dignitate ne laudare quidem quisquam satis commode posset; ait hominem, ut erat furiosus, respondisse, quod non totum telum corpore recepisset. quo populus R. nihil uidit indignius, nisi eiusdem uiri mortem: quae tantum potuit, ut omnes ciues suos perdiderit, & affligerit: quos quia seruare per compositionem uolebat, ipse ab ijs interemptus est. Est ne hoc illi dicto, atque facto Fimbriae non simillimum? accusatis Sex. Roscium: quid ita?

PR
ita? quia de
passus non e
gis indignu
num est fero
est in hac ca
cus ingeniu
tiam mag
explicem
mus. ita
neat, & q
nos sequi
tum ego e
re Sex. Ros
& potentia
tius suscep
Chrylogona
tia pugnat
re intelligo
nibus: ideo
timet, daas
sunt. ego cr
resistere, &
tolerandam
guere, at q
Sex. Rosci
nefarium
cio sceler
id quod p
ditur piet

ita? quia de manibus uestris effugit; quia se occidi
passus non est. illud, quia in Scauola factum est, ma-
gis indignum uidetur: hoc, quia fit a Chrysogono,
num est ferendum? nam, per deos immortales, quid
est in hac causa, quod defensionis indigeat? qui lo-
cus ingenium patroni requirit, aut oratoris eloquen-
tiam magnopere desiderat? totam causam, iudices,
explicemus, atque ante oculos expositam considere-
mus. ita facillime, quæ res totum iudicium conti-
neat, & quibus de rebus nos dicere oporteat, & quid
uos sequi conueniat, intelligetis. Tres sunt res, quan-
tum ego existimare possum, quæ obstant hoc tempo-
re Sex. Roscio, crimen aduersariorum, & audacia,
& potentia. criminis confictionem accusator Eru-
tius suscepit: audaciæ partes Roscij sibi poposcerunt:
Chrysogonus autem, is, qui plurimum potest, poten-
tia pugnat. de hisce omnibus rebus me dicere oport-
re intelligo. quid igitur est? non eodem modo de om-
nibus: ideo quod prima illa res ad meum officium per-
tinet, duas autem reliquas uobis populus R. impo-
suit. ego crimen, oportet, diluam: uos & audaciæ
resistere, & hominum eiusmodi perniciosam atque in-
tolerandam potentiam primo quoque tempore extin-
guere, atque opprimere debetis. Occidisse patrem
Sex. Roscius arguitur. scelestum, dii immortales, ac
nefarium facinus, atque eiusmodi, quo uno malefi-
cio scelera omnia complexa esse uideantur. etenim si,
id quod præclare a sapientibus dicitur, uultu sæpe læ-
ditur pietas; quod supplicium satis acre reperietur in
eum,

eum, qui mortem obtulerit parenti? pro quo mori ipsum, si res postularet, iura diuina atque humana cogebant; in hoc tanto, tam atroci, tam singulari maleficio, quod ita raro extitit, ut, si quando auditum sit, portenti ac prodigij simile numeretur, quibus tandem te, C. Eruti, argumentis accusatorem censes uti oportere? non ne & audaciam eius, qui in crimen uocetur, singularem ostendere, & mores feros, immanemq. naturam, & uitam uitij flagitijsq. omnibus deditam, & denique omnia ad perniciem profligata, atque perditam? quorum tu nihil in Sex. Roscium, ne obijciendi quidem causa, contulisti. Patrem occidit Sex. Roscius: qui homo? adolescentulus corruptus, & ab hominibus nequam inductus? annos natus magis quadraginta. Vetus uidelicet sicarius, homo audax, & sepe in caede uersatus? at hoc ab accusatore ne dici quidem audistis. Luxuries igitur hominem nimirum, & aeris alieni magnitudo, & indomitæ animi cupiditates ad hoc scelus impulerunt. de luxuria purgauit Erutius, cum dixit hunc ne in conuiuio quidem ullo fere interfuisse. nihil autem unquam debuit. cupiditates porro quæ possunt esse in eo, qui, ut ipse accusator obiecit, ruri semper habitavit, & in agro colendo uixerit? quæ uita maxime disuncta a cupiditate, & cum officio coniuncta. quæ res igitur tantum istum furorem Sex. Roscio obiecit? Patri, inquit, non placebat. patri non placebat? quam ob causam? necesse est enim eam quoque iustam, & magnam, & perspicuam fuisse.

nam

PR
nam ut illu
tria filio sm
risimile non
multis, &
dem reuert
runt in uice
cum est, n
set cum su
fuit omni
cum prof
ditus filius
sceleris fil
fuerit: san
filios habere
omni tempo
legat. Quo
accusatione
le, quo mo
non inuene
mem, ac dil
ti: tot pr
scius filio su
da, ac tuenda
qui liberos
nis, ex ma
bi putant
re, & in
consumere
ac tantum

nam ut illud incredibile est, mortem oblatam esse patri a filio sine plurimis & maximis causis: si hoc uerisimile non est, odio fuisse parenti filium sine causis multis, & magnis, & necessarijs. rursus igitur eodem reuertamur, & quæramus, quæ tanta uitia fuerint in unico filio, quare is patri displiceret. at perspicuum est, nullum fuisse. pater igitur amens, qui odisset eum sine causa, quem procrearat. at is quidem fuit omnium constantissimus. ergo illud iam perspicuum profecto est, si neque amens pater, neque perditus filius fuerit, neque odij causam patri, neque sceleris filio fuisse. Nescio, inquit, quæ causa odij fuerit: fuisse odium intelligo, quia antea, cum duos filios haberet, illum alterum, qui mortuus est, secum omni tempore uolebat esse, hunc in prædia rustica relegarat. Quod Erutio accidebat in mala nugatoriaque accusatone, idem mihi usu uenit in causa optima. id est, quo modo crimen commenticium confirmaret, non inueniebat: ego, res tam leues qua ratione infirmem, ac diluam, reperire non possum. quid ais Eruti? tot prædia, tam pulchra, tam fructuosa, Sex. Roscius filio suo relegationis, ac supplicij gratia colenda, ac tuenda tradiderat? quid hoc? patresfamilias, qui liberos habent, præsertim homines illius ordinis, ex municipijs rusticanis, non ne optatissimum si bi putant esse, filios suos rei familiari maxime seruire, & in prædijs colendis operæ plurimum studijque consumere? At amandarat hunc sic, ut esset in agro, ac tantummodo aleretur ad uillam, ut commodis omnibus

O R A T I O

nibus careret. Quid, si constat, hunc non modo colendis prædijs præfuisse, sed certis fundis, patre uiuo, frui solitum esse? tamen ne hæc attenta uita, & rusticana, relegatio, atque amandatio appellabitur? uides Eruti, quantum distet argumentatio tua ab re ipsa, atque a ueritate. quod consuetudine patres faciunt, id quasi nouum reprehendis: quod beneuolentia fit, id odio factum criminaris. quod honoris causa pater filio suo concessit, id eum supplicij causa fecisse dicis. neque hæc tu non intelligis, sed usque eò, quid arguas, non habes, ut non modo tibi contra nos dicendum putes, uerum etiam contra rerum naturam, contraq. consuetudinem hominum, contraq. opiniones omnium. At enim, cum duos filios haberet, alterum a se non dimittebat, alterum ruri esse patiebatur. Quæso Eruti, ut hoc in bonam partem accipias: non enim exprobrandi causa, sed commonendi gratia dicam. Si tibi fortuna non dedit, ut patre certo nascere, ex quo intelligere posses, qui animus patrius in liberos esset: at natura certe dedit, ut humanitatis non parum haberes. eò accessit studium doctriinæ, ut ne a litteris quidem alienus esses. ecquid tandem tibi uidetur (ut ad fabulas ueniamus) senex ille Cæcilianus minoris facere Eutychum filium rusticum, quàm illum alterum Cherestratum? (nam, ut opinor, hoc nomine est) alterum in urbe secum honoris causa habere, alterum rus supplicij causa relegasse? Quid ad istas ineptias abis, inquires? Quasi uero mihi difficile sit quamuis multos nominatim proferre

PR
ferre (ne
meos, qui
las assidue
re odiosum
hise non
rus sit, qu
hil inter
an aliquem
conficta a
res in alie
uit. e quot
sis, ad uer
bria, atque
nicipis qu
dentur: i
sinum. m
at non mod
permultos
nusquisque
quod ad ag
cam, quare
& bene f
quid censet
qua intellig
pinquius
in isto ar
suo. uer
detur, qu
cium obli

ferre (ne longius abeam) uel tribules, uel uicinos meos, qui suos liberos, quos plurimi faciunt, agricolas assiduos esse cupiunt. uerum homines notos sumere odiosum est: cum & illud incertum sit, uelint ne hi sese nominari; & nemo uobis magis notus futurus sit, quàm est hic Eutychus; & certe ad rem nihil intersit, utrum hunc ego comicum adolescentem, an aliquem ex agro Veiente nominem. etenim hæc conficta arbitror a poetis esse, ut effectos nostros mores in alienis personis, expressamq. imaginem nostram uitæ quotidianæ uideremus. age nunc, refer animū, sis, ad ueritatem; & considera, non modo in Umbria, atque in ea uicinitate, sed in his ueteribus municipijs quæ studia a patribus familias maxime laudentur: iam profecto te intelliges inopia criminum summam laudem Sex. Roscio uitio & culpæ dedisse. at non modo hoc patrum uoluntate liberi faciunt; sed permultos & ego noui, & nisi me fallit animus, unusquisque uestrum, qui & ipsi incensi sunt studio, quod ad agrum colendum attinet, uitamq. hanc rusticam, quam tu probro & crimini putas esse oportere, & honestissimam, & suauissimam esse arbitrantur. quid censes hunc ipsum Sex. Roscium, quo studio, & qua intelligentia esse in rusticis rebus? ut ex his propinquis eius, hominibus honestissimis, audio, non tu in isto artificio accusatorio callidior es, quàm hic in suo. uerum, ut opinor, quoniam ita Chrysogono uidetur, qui huic nullum prædium reliquit, & artificium obliuiscatur, & studium deponat, licebit. quod

E tametsi

ORATIO

tametsi miserum, & indignum est, feret tamen a quo animo, iudices, si per uos uitam, & famam potest obtinere. hoc uero est, quod ferri non potest, si & in hanc calamitatem uenit propter prædiorum bonitatem, & multitudinem; &, quod ea studiose coluit, id erit ei maxime fraudi: ut parum miseriæ sit, quod alijs coluit, non sibi; nisi etiam, quod omnino coluit, crimini fuerit. Næ tu Eruti accusator esses ridiculus, si illis temporibus natus esses, cum ab aratro arcescebantur, qui consules fierent. etenim, qui præesse agro colendo flagitium putes, profecto illum Attilium, quæ sua manu spergentem semen, qui missi erant, conuenerunt, hominem turpissimum, atque inhonestissimum iudicares. at hercule maiores nostri longe aliter et de illo, & de ceteris talibus uiris existimabant: itaque ex minima tenuissimaque rep. maximam & florentissimam nobis reliquerunt. suos enim agros studiose colebant, non alienos cupide appetebant: quibus rebus et agris, & urbibus, & nationibus remp. atque hoc imperium, & populi R. nomen auxerunt. neque ego hæc eo profero, quo conferenda sint cum hisce, de quibus nunc quærimus; sed ut illud intelligatur, cum apud maiores nostros summi uiri, clarissimi que homines, qui omni tempore ad gubernacula reip. sedere debebant, tamen in agris quoque colendis aliquantum operæ, temporis que consumpserint; ignosci oportere ei homini, qui se fateatur esse rusticum, cum ruri assiduus semper uixerit; cum præsertim nihil esset, quod aut patri gratius, aut sibi iucundius, aut re ue-

ra

PR
ra honestum
patris in fili
hunc ruri es
uero, in qua
habebat. a
pertineat. n
se, atque in
pe qui ne to
Domum su
mirum, q
caturus es
gatoria. ill
argumenta
redare pater
de causa: qu
que enouer
certi accusat
explicare om
census pater
ram ipsam u
tum exceret
uisceretur: q
re potuisse
prætereas, q
quidem uol
debes. quid
uere nihil q
de, ut ne p
huius mis

ra honestius facere posset. Odium igitur acerrimum patris in filium ex hoc opinor ostenditur Eruti, quod hunc ruri esse patiebatur. nunquid est aliud? immo uero, inquit, est: nam istum exheredare in animo habebat. audio. nunc dicis aliquid, quod ad rem pertineat. nam illa opinor tu quoque concedis leuia esse, atque inepta. Conuiuia cum patre non inibat. quippe qui ne in oppidum quidem, nisi perraro, ueniret. Domum suam istum non fere quisquam uocabat. nec mirum, quem neque in urbe uideret, neque rure uocaturus esset. uerum haec tu quoque intelligis esse nugatoria. illud, quod capimus, uideamus; quo certius argumentum odij reperiri nullo modo potest. Exheredare pater filium cogitabat. mitto quaerere, quae de causa: quero, qui scias? tametsi te dicere, atque enumerare causas omnes oportebat: & id erat certi accusatoris officium, qui tanti sceleris argueret, explicare omnia uitia, atque peccata filij, quibus incensus parens potuerit animum inducere, ut naturam ipsam uinceret, ut amorem illum penitus insitum eijceret ex animo, ut denique patrem se esse obliuisceretur: quae sine magnis huiusce peccatis accidere potuisse non arbitror. uerum concedo tibi, ut ea praetereas, quae cum taces, nulla esse concedis. illum quidem uoluisse exheredare, certe tu planum facere debes. quid ergo affers, quare id factum putemus? uere nihil potes dicere. finge aliquid saltem commode, ut ne plane uidearis id facere, quod aperte facis, huius miseri fortunae, & horum uirorum talium di-

O R A T I O

gnitati illudere . Exheredare filium uoluit : quam ob
causam ? nescio . exheredauit ne ? non . quis prohi-
buit ? cogitabat . cogitabat ? cui dixit ? nemini . quid
est aliud , iudicio , ac legibus , ac maiestate uestra abu-
ti ad quæstum , atque ad libidinem , nisi hoc modo ac-
cusare , atque id obijcere , quod planum facere non
modo non possis , uerum ne coneris quidem ? nemo no-
strum est , Eruti , quin sciat tibi inimicitias cum Sex.
Roscio nullas esse : uident omnes , qua de causâ huic
inimicus uenias : sciunt huiusce pecunia te adductum
esse . quid ergo est ? ita tamen quæstus te cupidum esse
oportebat , ut horum existimationem , & legem
Memmiam putares aliquid ualere oportere . accusa-
tores multos esse in ciuitate utile est , ut metu conti-
neatur audacia . ueruntamen hoc ita est utile , ut ne
plane illudamur ab accusatoribus . innocens est qui-
spiam : ueruntamen , quanquam abest a culpa , suspi-
cione tamen non caret . tametsi miserum est , tamen
ei , qui hunc accuset , possim aliquo modo ignoscere :
cum enim aliquid habeat , quod possit criminose , ac
suspiciose dicere , aperte ludificari , & calumniari
sciens non uideatur . quare facile omnes patimur esse
quamplurimos accusatores : quod innocens , si accu-
satus sit , absolui potest ; nocens , nisi accusatus fuerit ,
condemnari non potest . utilius est autem absolui inno-
centem , quàm nocentem causam non dicere . Anseri-
bus cibaria publice locantur , & canes aluntur in Ca-
pitolio , ut significant , si fures uenerint . at fures in-
ternoscere non possunt , significant tamen , si qui no-
Et

P R
Et in Cap
sum, tamen
tius peccan
nes latrent
nor, is crui
cum suspici
tio . alij u
mant, non
& morda
uos autem
qui meret
si uoleis,
commisist
di potest .
patrem occi
quo modo,
cruta quide
bene nati,
estis, ut etia
ad caput aff
timas uestra
dendum ded
suspiciand
sed, quæ de
bat pater in
cum delib
nobis suspi
cufas Erut
perim, scie

Et in Capitolium uenerint: & quia id est suspicio-
sum, tametsi bestiae sunt, tamen in eam partem po-
tius peccant, quæ est cautior. quod si luce quoque ca-
nes latrent, cum deos salutatū aliqui uenerint: opi-
nor, ijs crura suffringatur; quod acres sint etiam tum,
cum suspicio nulla sit. Simillima est accusatorum ra-
tio. alij uestrum anseres sunt, qui tantummodo cla-
mant, nocere non possunt: alij canes, qui & latrare,
& mordere possunt. cibaria uobis præberi uidemus:
uos autem maxime debetis in eos impetum facere,
qui merentur. hoc populo gratissimum est. deinde,
si uoletis, etiam tum, cum uerisimile erit aliquem
commisisse, in suspitione latratote. id quoque conce-
di potest. sin autem sic agetis, ut arguatis aliquem
patrem occidisse, neque dicere possitis aut quare, aut
quo modo, ac tantummodo sine suspitione latrabitis:
crura quidem uobis nemo suffringet; sed, si ego hos
bene noui, litteram illam, cui uos usque eò inimici
estis, ut etiam alias omnes oderitis, ita uehementer
ad caput affigent, ut postea neminem alium, nisi for-
tunas uestras, accusare possitis. Quid mihi ad defen-
dendum dedisti bone accusator? quid hisce autem ad
suspiciandum? Ne exheredaretur, ueritus est. audio:
sed, qua de causa uereri debuerit, nemo dicit. Habe-
bat pater in animo: planum fac. nihil est; non, qui
cum deliberarit, quem certiore fecerit, unde istud
uobis suspicari in mentem uenerit. Cum hoc modo ac-
cusas Eruti, non ne hoc palam dicis? ego, quid acce-
perim, scio: quid dicam, nescio. unum illud spectauī,

E 3 quod

O R A T I O

quod Chrysogonus aiebat, neminem isti patronum futurum; de bonorum emptione, deq. ea societate neminem esse, qui uerbum facere hoc tempore auderet. Hæc te opinio falsa in istam fraudem impulit. non me hercule uerbum fecisse, si tibi quenquam responsurum putasses. Operæpretium erat, si animaduertistis iudices, negligentiam eius in accusando considerare. credo, cum uidisset, qui homines in hisce subsellijs sederent, quæsisse, num ille, aut ille defensurus esset; de me ne suspicatum quidem, quod antea causam publicam nullam dixerim. postea quàm inuenit, neminem eorum, qui possunt, & solent: ita negligens esse cæpit, ut, cum in mentem ueniret ei, resideret, deinde spatia retur, non nunquam etiam puerum uocaret, credo cui cenam imperaret; prorsus ut uestro confessu, & hoc conuentu pro summa solitudine abuteretur. perorauit aliquando, assedit. surrexi ego. respirare uisus est, quod non alius potius diceret. cæpi dicere. usque eò animaduerti, iudices, eum iocari, atque alias res agere, ante quàm Chrysogonum nominauit. quem simul atque attigi, statim homo se erexit, mirari uisus est. intellexi, quid eum pupugisset. iterum, ac tertio nominauit. postea homines cursare ultro & citro non destiterunt, credo, qui Chrysogono nunciarent, esse aliquem in ciuitate, qui contra uoluntatem eius dicere auderet; aliter causam agi, atque ille existimaret; aperiri bonorum emptionem, uerari pessime societatem, gratiam potentiamq. eius negligi, iudices diligenter attendere, populo rem indignam

P
dignam
quoniam
Roscio si
tabas, de
uides iudi
illam call
ea spe uer
cium futu
accusato
filius oca
uoribus
quotidia
causa ma
non putat
multa cam
se congrue
neque leni
certus am
tur: cum
boninis pa
tur, neces
ror, atque
tent oport
ne, per qu
qua nifi
scelesta,
gna est
nio sang
sa natu

dignam uideri. Quæ quoniam te fesellerunt, Eruti;
 quoniamq. uides uersa esse omnia, causam pro Sex.
 Roscio si non commode, at libere dici; quem dedi pu-
 tabas, defendi intelligis; quos tradituros sperabas,
 uides iudicare: restitue nobis aliquando ueterem tuam
 illam calliditatem, atque prudentiam: confitere huc
 ea spe uenisse, quod putares hic latrocinium, non iudi-
 cium futurum. De paricidio causa dicitur: ratio ab
 accusatore reddita non est, quam ob causam patrem
 filius occiderit. quod in minimis noxis, & in his le-
 uioribus peccatis, quæ magis crebra, & iam prope
 quotidiana sunt, maxime, & primum queritur, quæ
 causa maleficij fuerit; id Erutius in paricidio queri
 non putat oportere. in quo scelere, iudices, etiam cum
 multæ causæ conuenisse unum in locum, atque inter
 se congruere uidentur; tamen non temere creditur;
 neque leui coniectura res penditur; neque testis in-
 certus auditur; neque accusatoris ingenio res iudica-
 tur: cum multa antea commissæ maleficiæ, tum uita
 hominis perditissima, tum singularis audacia ostenda-
 tur, necesse est, neque audacia solum, sed summus fu-
 ror, atque amentia. hæc cum sint omnia, tamen ex-
 tent oportet expressa sceleris uestigia, ubi, qua ratio-
 ne, per quos, quo tempore maleficium sit admissum.
 quæ nisi multa, & manifesta sunt; profecto res tam
 scelestæ, tam atrox, tam nefaria credi non potest. ma-
 gna est enim uis humanitatis: multum ualet commu-
 nio sanguinis: reclamitat istiusmodi suspicionibus ip-
 sa natura: portentum, atque monstrum certissimum

E 4 est,

ORATIO

est, esse aliquem humana specie, & figura, qui tantum immanitate bestias uicerit, ut, propter quos hanc suauissimam lucem aspexerit, eos indignissime luce priuarit; cum etiam feras inter sese partus, atque educatio, & natura ipsa conciliet. non ita multis ante annis aiunt T. Clælium quēdam Tarracinensem, hominem non obscurum, cum cenatus cubitum in idem conclaue cum duobus adolescentibus filiis isset, inuentum esse mane iugulatum. cum neque seruus quisquam repēiretur, neque liber, ad quem ea suspicio pertineret; id ætatis autem duo filij propter cubantes ne sensisse quidem se dicerent: nomina filiorum de paricidio delata sunt. quid postea? erat sane suspiciosum. neutrum sensisse? ausum autem esse quemquam se in id conclaue committere, eo potissimum tempore, cum ibidem essent duo adolescentes filij, qui & sentire, & defendere facile possent? erat porro nemo, in quem ea suspicio conueniret. tamen, cum plenum iudicibus esset factum, aperto ostio dormientes eos repertos esse, iudicio absoluti adolescentes, & suspicione omni liberati sunt. nemo enim putabat quenquam esse, qui, cum omnia diuina atque humana iura scelere nefario polluisset, somnum statim capere potuisset: propterea quod qui tantum facinus commiserunt, non modo sine cura quiescere, sed ne spirare quidem sine metu possunt. Videtis ne, quos nobis poetæ tradiderunt patris ulciscendi causa supplicium de matre sumpsisse, cum præsertim deorum immortalium iussis, atque oraculis

PR
lis id fecisse
que confisse
sine scelere
magnam
det religio
quo, si quo
potest, uer
mus furor
putare, q
tis, eos, q
agitari, &
quenque f
quenque f
cogitatione
impis affide
parentum p
hæc magnit
suum parici
turpis adole
nata, nisi s
nisi prorup
procul abbe
diuini parent
ci improbi,
portare cap
manus s
tantum fa
risunt. q
dicitur; eo

lis id fecisse dicantur; tamen ut eos agitent furia, neque consistere usquam patiantur? quod ne pij quidem sine scelere esse potuerunt. sic se res habet, iudices: magnam uim, magnam necessitatem, magnam possidet religionem paternus, maternusq. sanguis. ex quo, si qua macula concepta est, non modo elui non potest, uerum usque eò permanat ad animum, ut summus furor, atque amentia consequatur. nolite enim putare, quemadmodum in fabulis saepenumero uidetis, eos, qui aliquid impie scelerateq. commiserint, agitari, & perterreri furiarum tedis ardentibus. sua quenque fraus, & suus terror maxime uexat: suum quenque scelus agitat, amentiaq. afficit: suae malae cogitationes, conscientiaq. animi terrent. haec sunt impijs assidue domesticaq. furia, quae dies noctesq. parentum pœnas a consceleratissimis filijs repetant. hæc magnitudo maleficij facit, ut, nisi pœne manifestum paricidium proferatur, credibile non sit; nisi turpis adolescentia, nisi omnibus flagitijs uita inquinata, nisi sumptus effusi cum probro atque dedecore, nisi prorupta audacia, nisi tanta temeritas, ut non procul abhorreat ab insania. accedat huc oportet odium parentis, animaduersionis paternae metus, amici improbi, serui conscij, tempus idoneum, locus oportune captus ad eam rem: pœne dicam, respersas manus sanguine paterno iudices uideant, oportet, si tantum facinus, tam immane, tam acerbum credituri sunt. quare hoc, quo minus est credibile, nisi ostenditur; eo magis est, si conuincitur, iudicandum itaque

ORATIO

que cum multis ex rebus intelligi potest, maiores nostros non modo armis plus, quam ceteras nationes, uerum etiam cōsilio sapientiaq. potuisse, tum ex hac re uel maxime, quod in impios singulare supplicium inuenerunt. qua in re quantum prudentia præstiterint ijs, qui apud ceteros sapientissimi fuisse dicuntur, considerate. Prudentissima ciuitas Atheniensium, dum ea rerum potita est, fuisse traditur. eius porro ciuitatis sapientissimum Solonem dicunt fuisse, eum, qui leges, quibus hodie quoque utuntur, scripserit. is cum interrogaretur, cur nullum supplicium constituisset in eum, qui parentem necasset; respondit, se id neminem facturum putasse. sapienter fecisse dicitur, cum de eo nihil sanxerit, quod antea commissum non erat; ne non tam prohibere, quam admonere uideretur. Quanto maiores nostri sapientius; qui, cum intelligerent, nihil esse tam sanctum, quod non aliquando uiolaret audacia, supplicium in paricidas singulare excogitauerunt: ut, quos natura ipsa retinere in officio non potuisset, ij magnitudine pænæ maleficio sum mouerentur. insui uoluerunt in culeum uiuos, atque ita in flumen deiici. o singularem sapientiam, iudices. non ne uidentur hunc hominem ex rerum natura sustulisse, & eripuisse, cui repente cælum, solem, aquam, terramq. ademerunt? ut, qui eum necasset, unde ipse natus esset; careret ijs rebus omnibus, ex quibus omnia nata esse dicuntur. noluerunt feris corpus obicere, ne bestiis quoque, quæ tantum scelus attigissent, immanioribus uteremur: non sic nudos

in

P
in flumen
sum pollue
ri putant
gare est
quid tam
mortuis
uant, d
queant
gant: it
tur: it a
mortui
lescio ta
bare te
sam quide
rum empe
nus præ
les. utri
agatur? a
sis suscipi
simos agit
quidem m
sam profer
tamen de
causa non
ius mone
Roscius
quero a
ut in eo
testatere

in flumen deijcere, ne, cum delati essent in mare, ipsum polluerent, quo cetera, quæ uiolata sunt, expiari putantur. denique nihil tam uile, neque tam uulgare est, cuius partem ullam reliquerint. ctenim quid tam est commune, quàm spiritus uiuis? terra mortuis? mare fluctuantibus? litus eiectis? ita uiuunt, dum possunt, ut ducere animam de cælo non queant: ita moriuntur, ut eorum ossa terra non tangerant: ita iactantur fluctibus, ut nunquam alluantur: ita postremo eijciuntur, ut ne ad saxa quidem mortui conquiescant. Tanti maleficij crimen, cui maleficio tam insigne supplicium est constitutum, probare te, Eruti, censes posse talibus uiris, si ne causam quidem maleficij protuleris? si hunc apud bonorum emptores ipsos accusares, eiq. iudicio Chrysogonus præesset; tamen diligentius, paratiusq. uenisses. utrum, quid agatur, non uides; an, apud quos agatur? agitur de paricidio: quod sine multis causis suscipi non potest. apud homines autem prudentissimos agitur: qui intelligunt neminem ne minimum quidem maleficio sine causa admittere. Esto: causam proferre non potes. tamen si statim uicisse debeo, tamen de meo iure decedam, & tibi, quod in alia causa non concederem, in hac concedam, fretus huius innocentia. non quæro abs te, quare patrem Sex. Roscius occiderit: quæro, quo modo occiderit. ita quæro abs te, C. Eruti, quo modo, & sic tecum agâ, ut in eo loco uel respondendi, uel interpellandi tibi potestatem faciam, uel etiam, si quid uoles, interrogandi.

O R A T I O

gandi. Quo modo occidit? ipse percussit, an alijs occidendum dedit? si ipsum arguis: Romæ non fuit. si per alios fecisse dicis: quæro, seruos ne, an liberos? quos homines? indidem ne Ameria, an hosce ex urbe sicarios? si Ameria, qui sunt hi? cur non nominantur? si Roma, unde eos nouerat Roscius? qui Romam multis annis non uenit, neque unquam plus tri duo fuit. ubi eos conuenit? quicum locutus est? quo modo persuasit? pretium dedit? cui dedit? per quem dedit? unde, aut quantum dedit? non ne his uestigijs ad caput malefici perueniri solet? Et simul tibi in mentem ueniat facito, quemadmodum uitam huiusce depinxeris: hunc hominem ferum, atque agrestem fuisse: nunquam cum homine quoquam collocutum esse: nunquam in oppido constitisse. Qua in re prætereo illud quod mihi maximo argumento ad huius innocentiam poterat esse; in rusticis moribus, in uictu arido, in hac horrida, incultaq. uita, istiusmodi maleficia gigni non solere. ut non omnem frugem, neque arborem in omni agro reperire possis: sic non omne facinus in omni uita nascitur. in urbe luxuries creatur: ex luxuria existat auaritia necesse est, ex auaritia erumpat audacia: inde omnia scelera ac maleficia gignuntur. uita autem hæc rustica, quam tu agrestem uocas, parsimonie, diligentie, iustitie magistra est. Verum hæc missa facio: illud quæro, sis homo, qui, ut tute dicis, nunquam inter homines fuerit, per quos homines hoc tantum facinus, tam occultum, absens præsertim, conficere potuerit. Multa sunt

PR
sunt falsa, ita
sunt: in his re
esse concedam
agro Ameria
cui sicario, qua
disquem: ut qu
quem? pretio
nihil horum ne
si de paricidio
demonstrat. o di
nitofem. quod
esse, ut seruos in
suo facere non lic
tus seruos habet
minister, ex rati
est. Te nunc app
ducat, nobis
ternas in quæstione
fuit. uenit
serui ubi sunt?
quod enim sunt
ut ex his quærat
est. quid facit
nunc, iudices, si
sus: ab eo ne, qua
in sedis uerf
re patris potest
nem fugit aut, de
de uiuent. On

sunt falsa, iudices, quæ tamen argui suspiciose possunt: in his rebus si suspicio reperta erit, culpam inesse concedam. Romæ Sex. Roscius occiditur, cum in agro Amerino esset filius. litteras, credo, misit aliqui sicario, qui Romæ nouerat neminem. arcessiuit aliquem: at quando? nuncium misit: quem? aut ad quem? pretio, gratia, spe, promissis induxit aliquem: nihil horum ne confingi quidem potest: et tamen causa de paricidio dicitur. Reliquum est, ut per seruos id admiserit. o dii immortales, rem miseram, & calamitosam. quod in tali crimine innocenti saluti solet esse, ut seruos in quaestionem polliceatur; id Sex. Roscio facere non licet: uos, qui hunc accusatis, omnes eius seruos habetis: unus puer, uictus quotidiani ad minister, ex tanta familia Sex. Roscio relictus non est. Te nunc appello, P. Scipio, te, Metelle: uobis aduocatis, uobis agentibus, aliquoties duos seruos paternos in quaestionem ab aduersarijs Sex. Roscius postulauit. meministis ne T. Roscium recusare? quid? ij serui ubi sunt? Chrysogonum, iudices, sectantur, apud eum sunt in honore, & in pretio. etiam nunc, ut ex his queratur, ego postulo, hic orat, atque obsecrat. quid facitis? cur recusatis? Dubitate etiam nunc, iudices, si potestis, a quo sit Sex. Roscius occisus: ab eo ne, qui propter illius mortem in egestate, & insidijs uersatur, cui ne querendi quidem de morte patris potestas permittitur; an ab ijs, qui quaestionem fugitant, bona possident, in cæde, atque ex cæde uiuunt. Omnia, iudices, in hac causa sunt misera, atque

ORATIO

atque indigna : tamen hoc nihil neque acerbius , neque iniquius proferri potest . mortis paternæ de seruis paternis quæstionem habere filio . non licet . ne tam diu quidem dominus erit in suos , dum ex ijs de patris morte quærat . ueniã , neque ita multo post , ad hunc locum . nam hoc totum ad Roscios pertinet : de quorum audacia tum me dicturum pollicitus sum , cum Erutij crimina diluisssem . Nunc , Eruti , ad te uenio . Conueniat mihi tecum , necesse est ; si ad hunc maleficiũ istud pertinet , aut ipsum sua manu fecisse , id quod negas ; aut per aliquos liberos , aut seruos liberos ne ? quos neque ut conuenire potuerit , neque qua ratione inducere , neque ubi , neque per quos , neque qua spe , aut quo pretio , potes ostendere . ego contra ostendo , non modo nihil eorum fecisse Sex . Roscium , sed ne potuisse quidem facere ; quod neque Romæ multis annis fuerit , neque de prædijs unquam temere discesserit . Restare tibi uidebatur seruorum nomen , quod , quasi in portum reiectus a ceteris suspitionibus , confugere posses : ubi scopulum offendis eiusmodi , ut non modo ab hoc crimen resilire uideas , uerum omnem suspicionem in uosmet ipsos recidere intelligas . Quid est ergo , quod tandem accusator inopia argumentorum confugerit ? eiusmodi tempus erat , inquit , ut homines uulgo impune occiderentur . quare tu hoc , propter multitudinem sicariorum , nullo negotio facere potuisti . interim mihi uideris , Eruti , una mercede duas res assequi uelle , nos iudicio perfundere , accusare autem eos ipsos , a quibus mercedem

PRO
dem accepisti
quos ? & a quibus
huc adductum
tempora eosdem
moram ? & deinde
causabant , qui
re in præda &
temporis illius
& illam sicari
ut principes erant
non modo Romæ
geretur , ne scirent
eiusmodi tunc co
sus sunt nobis , mi
discedere , si de tam
Eruti crimine
si forte expectari
e de eiusmodi re
ante hoc tempus
sus est ex alia or
conuenienter erant
que ad eam , qui
quoniam mercedem
est , quod ad refect
causam , paratior
Venio namque e
des . nam si milio
ritus , ex quibus
facere , dum ac

dem accepiſti. Quid ais? uulgo occidebantur? per quos? & a quibus? non ne cogitas te a ſeſtoribus huc adductum eſſe? quid poſtea? neſcimus, per iſta tempora eoſdem fere ſeſtores fuiſſe collorum, & bonorum? ij denique, qui tum armati dies noctesq. concuſabant, qui Romæ erant aſſidui, qui omni tempore in præda & ſanguine uerſabantur, Sex. Roſcio temporis illius acerbitatem iniquitatemq. obijcient? & illam ſicariorum multitudinem, in qua ipſi duces ac principes erant, huic crimini putabunt fore? qui non modo Romæ non fuit, ſed omnino, quid Romæ ageretur, neſciret; propterea quòd ruri aſſiduus, quæadmodum tute conſiteris, fuit. Vereor, ne aut moleſtus ſim uobis, iudices, aut ne ingenijs ueſtris uidear diffidere, ſi de tam perſpicuis rebus diutius diſſeram. Erutij criminatio tota, ut arbitror, diſſoluta eſt. ni ſi forte exſpectatis, ut illa diluam, quæ de peculatu, ac de eiufmodi rebus commenticijs, inaudita nobis ante hoc tempus, ac noua, obiecit. quæ mihi iſte uiſus eſt ex alia oratione declamare, quàm in alium reum commentaretur: ita neque ad crimen paricidij, neque ad eum, qui cauſſam dicit, pertinebant. de quibus quoniam uerbo arguit, uerbo ſatis eſt negare. ſi quid eſt, quod ad teſtes reſeruet; ibi nos quoque, ut in ipſa cauſſa, paratiores reperiet, quàm putabat.

Venio nunc eò, quò me non cupiditas ducit, ſed fides. nam ſi mihi liberet accuſare, accuſarem alios potius, ex quibus poſſem creſcere: quod certum eſt non facere, dum utrumuis licebit. is enim mihi uidetur ampliffimus,

ORATIO

amplissimus, qui sua uirtute in altiore locum peruenit, non qui ascendit per alterius incommodum, et calamitatem. Desinamus aliquando ea scrutari, quæ sunt inania: quæramus, ubi maleficium est, & inueniri potest. iam intelliges Eruti, certum crimen quàm multis suspicionibus coarguatur. tametsi neque omnia dicam, & leuiter unumquodque tangam. neque enim id facerem, nisi necesse esset: & id erit signi me inuitum facere, quòd non prosequar longius, quàm salus huius, & mea fides postulabit. Causam tu nullam reperiabas in Sex. Roscio. at ego in T. Roscio reperio. tecum enim mihi res est, T. Rosci, quoniam istic sedes, ac te palam aduersarium esse profite ris. de Capitone post uiderimus, si, quemadmodum paratum esse audio, testis prodierit. tum alias quoque suas palmas cognoscet, de quibus me ne audisse quidem suspicatur. L. Cassius ille, quem populus R. uerissimum & sapientissimum iudicem putabat, idem tidem in causis quærere solebat, cui bono fuisset. sic uita hominum est, ut ad maleficium nemo conetur si ne spe, atque emolumento accedere. hunc quæsitorem, ac iudicem fugiebant, atque horrebant ij, quibus periculum creabatur: ideo quòd, tametsi ueritas erat amicus, tamen natura non tam propensus ad misericordiam, quàm inclinatus ad seueritatem uidebatur. Ego, quanquam præest huic quæstioni uir & contra audaciam fortissimus, & ab innocentia clementissimus, tamen facile me paterer, uel illo ipso acerrimo iudice quærente, uel apud Cassianos iudices, quorum

PRO
quorum etiam
men ipsam res
hac enim causâ
curiam possider
lud quidem non
peripicuum crim
tam adtingere
dit eodem, ut ter
rus? quid, si, ut
fuit est, inimici
altantiam facina
gari potest? rem
lari non queat, at
colatur. amari
de municipis, cog
quoniam sus audax,
relegere potuerunt
nos iudicis, solus
bus sedes, ac que
etiam offerres. in
suo, & magnas
las, necesse est. Re
ter potius Sex. Ro
re eius diuitie men
u, qui antea rem
se egentissimus:
stus in suos; an
stum nosset nullum
labore peperisse

quorum etiam nunc ij, quibus caussa dicenda est, nomen ipsum reformidant, pro Sex. Roscio dicere. in hac enim caussa cum uiderent illos amplissimam pecuniam possidere, hunc in summa mendicitate esse, illud quidem non quærent, cui bono fuisset; sed & perspicuum crimen, & suspicionem potius ad prædam adiungerent, quàm ad egestatem. quid, si accedit eodem, ut tenuis antea fueris? quid, si, ut auarus? quid, si, ut audax? quid, si, ut illius, qui occisus est, inimicissimus? num quærenda caussa, quæ te ad tantum facinus adduxerit? quid ergo horum negari potest? tenuitas hominis eiusmodi est, ut dissimulari non queat, atque eo magis eluceat, quo magis occultatur. auaritiam præfers, qui societatem coieris de municipis, cognatiq. fortunis cum alienissimo. quàm sis audax, (ut alia obliuiscar) hinc omnes intelligere potuerunt, quòd ex tota societate, hoc est ex tot sicarijs, solus tu inuentus es, qui cum accusatoribus sederes, atque os tuum non modo ostenderes, sed etiam offerres. inimicitias tibi fuisse cum Sex. Roscio, & magnas rei familiaris controuersias, concedas, necesse est. Restat, iudices, ut hoc dubitemus, ueter potius Sex. Roscium occiderit; is, ad quem morte eius diuitiæ uenerint; an is, ad quem mendicitas: is, qui antea tenuis fuerit; an is, qui postea factus sit egentissimus: is, qui ardens auaritia feratur infestus in suos; an is, qui semper ita uixerit, ut quæstum nosset nullum, fructum autem eum solum, quem labore peperisset: is, qui omnium sectorum audacissi-

F mus

mus sit; an is, qui propter fori iudiciorumq. insolentiam non modo subsellia, uerum etiam urbem ipsam reformidat: postremo, iudices, id quod ad rem mea sententia maxime pertinet, utrum inimicus potius, an filius. Hæc tu, Eruti, tot & tanta si nactus esses in reo, quàm diu diceres? quo te modo iactares? tempus hercule te citius, quàm oratio deficeret. etenim in singulis rebus eiusmodi materies est, ut dies singulos possis consumere: neque ego non possum: non enim mihi tantum derogo, tamen si nihil arrogo, ut te copiosius, quàm me, putem posse dicere. uerum ego forsitan propter multitudinem patronorum in grege annumerer: te pugna Cannensis accusatorem sat bonum facit. multos cæsos non ad Thrasimenum lacum, sed ad Seruiliū uidimus. quis ibi non est uulneratus ferro Phrygio? non necesse est omnes commemorare, Curtios, Marios, denique Mamercos, quos iam ætas a præliis auocabat; postremo Priamum ipsum, senem Antistium, quem non modo ætas, sed etiam leges pugnare prohibebant. iam, quos nemo propter ignobilitatem nominat, sexcenti sunt, qui inter sicarios, & de ueneficijs accusabant. qui omnes, quod ad me attinet, uellem uiuerent: nihil enim mali est, canes ibi quamplurimos esse, ubi permulti obseruandi, multaq. seruanda sunt. uerum, ut fit, multa sæpe, imprudentibus imperatoribus, uis belli, ac turba molitur. dum is in alijs rebus erat occupatus, qui summam rerum administrabat; erant interea, qui suis uulneribus mederentur, qui, tanquam si offusa reip.

reip. sempiternam
omniq. miscel
um esset negligi
sa: nam & accu
tmodi est, que
operent, interfe
um genus erit; q
itas erit, iudicia
tratus, hæc si ha
n. posset ea quam
im: sed in animo
to transire, ac tam
perem; ut omne
n. sed officio defen
mias, quæ pmo
na facultas suscep
is sex. Rostius?
re? Rostius. actus
hanc id agant, q
a non hoc quærit
erum uerisimilias
tempore Romæ
ipsum omnino no
itates quaque con
riorum, id quod
nines impune uer
nat? opinor, aut
ti; aut eorum, q
occiderent. si eo

reip. sempiterna nox esset, ita ruebant in tenebris,
omniaq. miscebant. a quibus miror, ne quod iudicio-
rum esset uestigium, non subsellia quoque esse combu-
sta: nam & accusatores, & iudices sustulerunt. hoc
commodi est, quod ita uixerunt, ut testes omnes, si
cuperent, interficere non possent. nam, dum homi-
num genus erit; qui accuset eos, non deerit: dum ci-
uitas erit, iudicia fient. Verum, ut capi dicere, &
Erutius, hæc si haberet in causa, quæ commemora-
ui, posset ea quamuis diu dicere, & ego iudices pos-
sum: sed in animo est, quemadmodum ante dixi, leui-
ter transire, ac tantummodo perstringere unamquan-
que rem; ut omnes intelligant, me non studio accusa-
re, sed officio defendere. Video igitur causas esse per-
multas, quæ istum impellerent. uideamus nunc, ec-
quæ facultas suscipiendi maleficij fuerit. Vbi occisus
est Sex. Roscius? Romæ. quid tu, Rosci, ubi tunc
eras? Romæ. uerum quid ad rem? & alij multi. qua
si nunc id agatur, qui ex tanta multitudine occiderit;
ac non hoc queratur, eum, qui Romæ sit occisus,
utrum uerisimilius sit ab eo esse occisum, qui assiduus
eo tempore Romæ fuerit; an ab eo, qui multis annis
Romam omnino non accesserit. Age nunc, ceteras fa-
cultates quoque consideremus. Erat tum multitudo
sicariorum, id quod commemorauit Erutius: & ho-
mines impune occidebantur. quid? ea multitudo quæ
erat? opinor, aut eorum, qui in bonis erant occupa-
ti; aut eorum, qui ab ijs conducebantur, ut aliquem
occiderent. si eos putas, qui alienum appetebant; tu

ORATIO

es in eo numero, qui nostra pecunia diues es: sin eos, quos, qui leuiore nomine appellant, percussores uocant; quare, in cuius fide sint, & clientela: mihi crede, aliquem de societate tua reperies. & quidquid tu contra dixeris, id cum defensione nostra contendito: ita facillime caussa Sex. Roscij cum tua confertur. Dices, quid postea, si Romæ assiduus fui? respondabo: at ego omnino non fui. Fateor me sectorem esse; uerum & alij multi. at ego; ut tute arguis, agricola, & rusticus. non continuo, si me in gregem sicariorum contuli, sum sicarius. at ego profecto, qui ne noui quidem quenquam sicarium, longe absum ab eiusmodi crimine. Per multa sunt, quæ dici possunt, quare intelligatur summam tibi facultatem fuisse maleficij suscipiendi: quæ non modo idcirco prætereo, quod te ipsum non libenter accuso; uerum eo magis etiam, quod, si de illis cadibus uelim commemorare, quæ tum factæ sunt ista eadem ratione, qua Sex. Roscius occisus est, uereor ne ad plures oratio mea pertinere uideatur. Videamus nunc strictim, sicut cetera, quæ post mortem Sex. Roscij abs te, T. Rosci, facta sunt: quæ ita aperta & manifesta sunt, ut medijs fidijs, iudices, inuitus ea dicam. uereor enim, cuiusmodi es Rosci, ne ita hunc uidear uoluisse seruare, ut tibi omnino non pepercerim. cum hoc uereor, & cupio tibi aliqua ex parte, quod salua fide possim, parcere; rursus immuto uoluntatem meam. uenit enim mihi in mentem oris tui. te ne, cum ceteri socij tui fugerent, ac se occultarent, ut hoc iudicium

PRO
cui non de illo
rimideretur; po
in iudicio uer
qua in re nihil
mortalibus auda
te. Occiso Sex.
Marcius G
tius cliens, & fa
nam nunciare, q
de morte, ac de bo
rem neque sceleris
eris, ad te minime
Marcius nunciat?
cum Americum mor
dicit, ut id, quod R
cuius rei causa men
quit, diminare. et
tione opus sit. Qu
nunciavit? cum A
liberiq. essent, cum
commenentes; qua
cliens, sceleris tui
nam nunciaret? q
lasebat, cum Am
li cursus? quid h
gusticat? non qua
ria, quod metuas
habuisti, non ser
quoniam, cuius

cium non de illorum præda, sed de huius maleficio fieri uideretur; potissimum tibi partes istas depoposcisse, ut in iudicio uersarere, & sederes cum accusatore? qua in re nihil aliud assequeris, nisi ut ab omnibus mortalibus audacia tua cognoscatur, & impudentia. Occiso Sex. Roscio, qui primus Ameriam nunciat? Manlius Glaucia, quem iam antea nominavi, tuus cliens, & familiaris. quid attinuit eum potissimum nunciare, quod, si nullum iam ante consilium de morte, ac de bonis eius inieras, nullamque societatem neque sceleris, neque præmij cum homine ullo coieras, ad te minime omnium pertinebat? Sua sponte Manlius nunciat? quid, quæso, eius intererat? An, cum Ameriam non huiusce rei causa uenisset, casu accidit, ut id, quod Romæ audierat, primus nunciaret? cuius rei causa uenerat Ameriam? non possum, inquit, diuinare. eò rem iam adducam, ut nihil diuinatione opus sit. Qua ratione Roscio Capitoni primum nunciauit? cum Ameriæ Sex. Roscij domus, uxor, liberi que essent, cum tot propinqui cognatique optime conuenientes; qua ratione factum est, ut iste tuus cliens, sceleris tui nuncius T. Roscio Capitoni potissimum nunciaret? occisus est a cena rediens. nondum lucebat, cum Ameriæ scitum est. quid hic incredibile cursus? quid hæc tanta celeritas, festinatioque significat? non quæro, quis percusserit. nihil est Glaucia, quod metuas: non excutio te, si quid forte ferri habuisti, non scrutor: nihil ad me arbitror pertinere. quoniam, cuius consilio occisus sit, inuenio; cuius ma-

ORATIO

nu sit percussus, non laboro. unum hoc sumo, quod mihi apertum tuum scelus, resq. manifesta dat: ubi, aut unde audiuit Glaucia, qui tam cito sciuit? fac audisse statim. quæ res eum nocte una tantum itineris contendere coegit? quæ necessitas eum tanta premebat, ut, si sua sponte iter Ameriam faceret, id temporis Roma proficisceretur? nullam partem noctis requiesceret? Etiam ne in tam perspicuis rebus argumentatio quærenda, aut coniectura capienda sit? non ne uobis hæc, quæ audistis, cernere oculis uidemini, iudices? non illum miserum, ignarum casus sui, redeuntem a cena uidetis? non positas insidias? non impetum repentinum? non uersatur ante oculos uobis in cæde Glaucia? non adest iste T. Roscius? non suis manibus in curru collocat Autimedontem illum, sui sceleris acerbissimi, nefariæq. uictoriæ nuncium? non orat, ut eam noctem peruigilet? ut honoris sui causa laboret? ut Capitonem quamprimum nunciet? quid erat, quod Capitonem primum scire uoluerit? nescio: nisi hoc uideo, Capitonem in his bonis esse socium: de tribus & decem fundis tres nobilissimos fundos eum uideo possidere. audio præterea, non hanc suspicionem nunc primum in Capitonem conferri, multas esse infames palmas, hanc primam esse tam lenniscatam, quæ Romæ deferatur: nullum modum esse hominis occidendi, quo ille non aliquot occiderit: multos ferro, multos ueneno. habeo etiam dicere, quem, contra morem maiorum, minorem annis LX de ponte in Tiberim deiecerit. quæ, si prodierit,

PRO

re, atque adeo
esse, audiet. uer
lud; quod ei, pl
scripsisse: quod
unitatum esse,
rom. o præclaro
quam expectatio
mudi, ut libentib
frum insur antea
poficue istorum
no redderet cupie
ex ipsa cæde an
cun, atque ad ma
lre omnes cupere
taret, tamen ap
nam oculos pome
ret, testimonium e
quasi uero id nunc
videndum, an, qu
more maiorem co
homines amplissim
rent. Africanus, i
partem orbis terr
geretur, testimo
lem uirum non as
tur. Videte tamen
rem partem sua
gatur, testimo
& sicarius, b

rit, atque adeo cum prodierit, scio enim proditurum
 esse, audiet. ueniat modo, explicet suum uolumen il-
 lud; quod ei, planum facere possim, Erutium con-
 scripsisse: quod aiunt illum Sex. Roscio intentasse, &
 minitatum esse, se omnia illa pro testimonio esse dictu-
 rum. o praeclarum testem, iudices: o grauitatem di-
 gnam expectatione: o uitam honestam, atque eiu-
 modi, ut libentibus animis ad eius testimonium ue-
 strum iusiurandum accommodetis. profecto non tam
 perspicue istorum maleficia uideremus, nisi ipsos cæ-
 cos redderet cupiditas, & auaritia, & audacia. Al-
 ter ex ipsa cæde uolucrum nuncium Ameriam ad so-
 cium, atque ad magistrum suum misit, ut, si dissimu-
 lare omnes cuperent se scire ad quem maleficio per-
 tineret, tamen ipse apertum suum scelus ante om-
 nium oculos poneret. Alter, si dijs immortalibus pla-
 cet, testimonium etiam in Sex. Roscium dicturus est.
 quasi uero id nunc agatur, utrum id, quod dixerit,
 credendum, an, quod fecerit, uindicandum sit. itaque
 more maiorum comparatum est, ut in minimis rebus
 homines amplissimi testimonium de sua re non dice-
 rent. Africanus, qui suo cognomine declarat tertiam
 partem orbis terrarum se subegisse, tamen, si sua res
 ageretur, testimonium non diceret. nam illud in ta-
 lem uirum non audeo dicere: si diceret, non credere-
 tur. Videte nunc, quàm uersa & mutata in peio-
 rem partem sint omnia. cum de bonis, & de cæde a-
 gatur, testimonium dicturus est is, qui & sector est,
 & sicarius, hoc est, qui & illorum ipsorum bono-

rum, de quibus agitur, emptor, atque possessor est, & eum hominem occidendum curauit, de cuius morte quæritur. Quid tu, uir optime? ecquid habes, quod dicas? mihi ausculta: uide ne tibi desis: tua quoque res permagna agitur. multa scelerate, multa audacter, multa improbe fecisti, unum stultissime, profecto tua sponte, non de Erutij sententia. nihil opus fuit te istic sedere. neque enim accusatore muto, neque teste quisquam utitur eo, qui de accusatoris subtelio surgit. huc accedit, quod paullo tamen occultior, atque tectior uestra ista cupiditas esset. nunc quid est, quod quisquam ex uobis audire, desideret; cum, quæ facitis, eiusmodi sint, ut ea dedita opera a uobis contra uosmet ipsos facere uideamini? Age, nunc illa uideamus indices, quæ statim consecuta sunt. Ad Volaterras in castra L. Syllæ Sex. Roscij quadriduo, quo is occisus est, Chrysogono nunciatur. quæritur etiam nunc, quis eum nuncium miserit. non ne perspicuum est, eundem, qui Ameriam? curat Chrysogonus, ut eius bona ueneant statim. qui non norat hominem, aut rem? atqui ei uenit in mentem prædia concupiscere hominis ignoti, quem omnino nunquam uiderat. soletis, cum aliquid huiusmodi auditis, iudices, continuo dicere: necesse est aliquem dixisse municipem, aut uicinum. ij plerunque indicant; per eos plerique produntur. hic nihil est, quod suspicionem hanc putetis. non enim ego ita disputabo: uerisimile est Roscios istam rem ad Chrysogonum detulisse. erat enim eis cum Chrysogono iam antea amicitia. nam

cum

cum multos uenientes q. habere
defecerunt, ac
contulerunt. haec
cussa coniectura
negare, ad hoc
quo. Si enim, qui
ntis: poteritis
qui sunt igitur in
pauis dederit? de
nemo est, indices
tulerint hanc præ
præda tulerunt?
dico Roscium fa
pugna Roscij, qui
quam ob causam
bentur? si nihil
non ne satis fuit
uoliter ageretur
prædia, tanta pec
qua reliqua sunt,
no conuincit et p
ces, has manibus
concessisse? Veni
Capito. Totam re
ipsa legatione co
nullum esse offic
integrum, quod
rit, & immo

cum multos ueteres a maioribus Roscij patronos, hospitesq. haberent, omnes eos colere atque obseruare destiterunt, ac se in Chrysogoni fidem & clientelam contulerunt. hæc possum omnia uere dicere: sed in hac caussa coniectura nihil opus est: ipsos certo scio non negare, ad hæc bona Chrysogonum accessisse impulsu suo. Si eum, qui indicij partem acceperit, oculis cernetis: poteritis ne dubitare, iudices, qui indicarit? qui sunt igitur in istis bonis, quibus partem Chrysogonus dederit? duo Roscij. num quisnam præterea? nemo est, iudices. num ergo dubium est, quin ij obtulerint hanc prædam Chrysogono, qui ab eo partem prædæ tulerunt? Age, nunc ex ipsius Chrysogoni iudicio Rosciorum factum consideremus. Si nihil in ista pugna Roscij, quod operæpretium esset, fecerant; quam ob caussam a Chrysogono tantis præmijs donabantur? si nihil aliud fecerunt, nisi rem detulerunt; non ne satis fuit his gratias agi? denique, ut perliberaliter ageretur, honoris aliquid haberi? cur tria prædia, tantæ pecuniæ statim Capioni dantur? cur, quæ reliqua sunt, iste Roscius omnia cum Chrysogono communiter possidet? non ne perspicuum est, iudices, has manubias Roscij Chrysogonum, re cognita, concessisse? Venit in decemprimis legatus in castra Capito. Totam uitam, naturam, moresq. hominis ex ipsa legatione cognoscite. nisi intellexeritis, iudices, nullum esse officium, nullum ius tam sanctum, atque integrum, quod non eius scelus, atque perfidia uiolarit, & imminuerit; uirum optimum esse eum indica-

tote

ORATIO

tote. Impedimento est, quo minus de his rebus Sylla doceatur: ceterorum legatorum consilia, & uoluntatem Chrysogono enunciat: monet, ut prouideat, ne palam res agatur: ostendit, si sublata sit uenditio bonorum, illum pecuniam grandem amissurum, sese capitis periculum aditurum: illum acutere, hos, qui simul erant missi, fallere: illum identidem monere, ut cauere; hisce insidiose spem falsam ostendere: cum illo contra hos inire consilia, horum consilia illi enunciare: cum illo partem suam depacisci, hisce, aliqua
 * fretus hora semper, omnes aditus ad Syllam intercludere. postremo, isto hortatore, auctore, intercessore, ad Syllam legati non adierunt: istius fide, ac potius perfidia decepti, id quod ex ipsis cognoscere poteritis, si accusator uoluerit testimonium eis denunciare, pro re certa spem falsam domum retulerunt. In priuatis rebus si qui rem mandatam non modo malitiosius gessisset sui questus, aut commodi causa, uerum etiam negligentius, eum maiores summum admisisse dedecus existimabant: itaque mandati constitutum est iudicium, non minus turpe quam furti; credo propterea, quod quibus in rebus ipsi interesse non possumus, in his opera nostra uicaria fides amicorum supponitur: quam qui laedit, oppugnat omnium commune praesidium, & quantum in ipso est, disturbat uitae societatem. non enim possumus omnia per nos agere: alius in alia est re magis utilis: iccirco amicitiae comparantur, ut commune commodum mutuis officiis gubernetur. quid recipis mandatum, si aut neglecturus, aut
 ad

PR O
 ad tuum con
 fens, ac meis
 fias: recede de
 onus officij, quo
 me uidetur gra
 go iccirco turpi
 mas uolat, an
 dat quisquam se
 quem fidelem pu
 simul & amicitia
 ius non esset, nisi
 bus, qui manda
 condemnatur, ne
 maius uolui, forte
 incredula, igno
 uis bonos, a
 in minimis priuatis
 men mandati iudicium
 perea quod, si re
 quid mandatum, ne
 re tanta, quae pri
 non negligentia g
 ni, sed perfidia, i
 ri, maculaq. ag
 tur? aut quo iudic
 natim Sex. Ro
 sogono transige
 cem suam, si
 le, qui sese fac

ad tuum commodum conuersurus es? cur mihi te of-
fers, ac meis commodis officio simulato officis, & ob-
stas? recede de medio; per alium transigam. suscipis
onus officij, quod te putas sustinere posse: quod mini-
me uidetur graue ijs, qui minime ipsi leues sunt. er-
go iccirco turpis hæc culpa est, quod duas res sanctissi-
mas uiolat, amicitiam, & fidem. nam neque man-
dat quisquam fere, nisi amico; neque credit, nisi ei,
quem fidelem putat. perditissimi est igitur hominis,
simul & amicitiam dissoluere, & fallere eum, qui læ-
sus non esset, nisi credidisset. Ita ne est? in minimis re-
bus, qui mandatum neglexerit, turpissimo iudicio
condemnetur, necesse est: in re tanta, cum is, cui fa-
ma mortui, fortunæ uiui commendatæ sunt, atque
concreditæ, ignominia mortuum affecerit, is inter ho-
nestos homines, atque adeo inter uiuos numerabitur?
in minimis priuatisq. rebus etiam negligentia in cri-
men mandati iudiciumque infamia reuocatur, pro-
pterea quod, si recte fiat, illum negligere oporteat,
qui mandarit, non illum, qui mandatum receperit: in
re tanta, quæ publice gesta, atque commissa sit, qui
non negligentia priuatum aliquod commodum læse-
rit, sed perfidia, legationis ipsius cæremoniā pollue-
rit, maculaq. affecerit, qua is tandem pœna afficie-
tur? aut quo iudicio damnabitur? si hanc ei rem pri-
uatim Sex. Roscius mandauisset, ut cum Chryso-
sogono transigeret, atque decideret; inq. eam rem fi-
dem suam, si quid opus esse putaret, interponeret: il-
le, qui sese facturum recepisset, non ne, si ex eo nego-
tio

O R A T I O

tio tantulum in rem suam conuertisset, damnatus per arbitrum, & rem restitueret, & honestatem omnem amitteret? nunc non hanc ei rem Sex. Roscius mandauit: sed, id quod multo grauius est, ipse Sex. Roscius cum fama, uita, bonisq. omnibus a decurionibus publice Roscio mandatus est: & ex eo T. Roscius non paululum nescio quid in rem suam conuertit, sed hunc funditus euertit bonis: ipse tria prædia sibi depactus est; uoluntatem decurionum ac municipum omnium tantidem, quanti fidem suam fecit. Videte iam porro cetera, iudices, ut intelligatis fingi maleficium nullum posse, quo iste sese non contaminarit. In rebus minoribus socium fallere turpissimum est, æqueq. turpe, atque illud, de quo ante dixi: neque iniuria: propterea quod auxilium sibi se putat adiunxisse, qui cum altero rem communicauit. ad cuius igitur fidem confugiet, cum per eius fidem læditur, cui se commiserit? atqui ea sunt animaduertenda peccata maxime, quæ difficillime præcauentur. recte esse ad alienos possumus: intimi multa apertiora uideant necesse est: socium uero cauere qui possumus? quem etiam si metuimus, ius officij lædimus. recte igitur maiores eum, qui socium fefellisset, in uiuorum bonorum numero non putarunt haberi oportere. at uero T. Roscius non unum rei pecuniariæ socium fefellit; (quod tametsi graue est, tamen aliquo modo posse ferri uidetur) uerum nouem homines honestissimos, eiusdem muneris, legationis, officij, mandatorumq. socios, induxit, decepit, destituit, aduersarijs tradidit, omni

PR
ni fraude & p
cari nihil pot
rant; eius ma
diderunt. itaq
pter istius inf
se. iste, qui in
primo sociorum
le societatem ca
nos, ac minatur
eris, ornatus.
tatisq. flagitiu
cium est, reperit
in multa aua
multa perfidiosi
re inter illa tua
nomine latet; qu
et, ut non ex ill
hoc intelligatur;
non forte dubita
maso, iudices?
gladius receisse
consilium de arte
improbis, ead
etiam, quoniam
fere nunc discip
numero postulat
rem: tu semper
ue, qui postula
et iste non con

ni fraude & perfidia fefellit. qui de eius scelere suspi-
 cari nihil potuerunt, socium officij metuere non debue-
 runt; eius malitiam non uiderunt, orationi uanae cre-
 diderunt. itaque nunc illi homines honestissimi pro-
 pter istius insidias parum putatur cauti prouidiq. fuis-
 se. iste, qui initio proditor fuit, deinde perfuga, qui
 primo sociorum consilia aduersarijs enunciauit, dein-
 de societatem cum ipsis aduersarijs coijt: terret etiam
 nos, ac minatur, tribus prædijs, hoc est præmijs sce-
 leris, ornatus. In eiusmodi uita, iudices, in his tot
 tantisq. flagitijs hoc quoque maleficium, de quo iudi-
 cium est, reperietis. etenim quærere ita debetis: u-
 bi multa auare, multa audacter, multa improbe,
 multa perfidiose facta uidetis, ibi scelus quoque late-
 re inter illa tot flagitia putatote. tametsi hoc quidem
 minime latet; quod ita promptum, & propositum
 est, ut non ex illis maleficijs, quæ in illo constat esse,
 hoc intelligatur; uerum ex hoc, etiam si quod illo-
 rum forte dubitabitur, conuincatur. Quid tandem,
 quæso, iudices? num aut ille lanista omnino iam a
 gladijs recessisse uidetur, aut hic discipulus magistro
 tantulum de arte concedere? par est auaritia, similis
 improbitas, eadem impudentia, gemina audacia:
 etenim, quoniam fidem magistri cognostis, cogno-
 scite nunc discipuli æquitatem. Dixi iam antea, sæpe
 numero postulatos esse ab istis duos seruos in quæstio-
 nem: tu semper T. Rosci recusasti. quæro abs te, ij-
 ne, qui postulabant, indigni erant, qui impetrarent;
 an iste non commouebat, pro quo postulabant? an res
 ipsa

ipsa tibi iniqua uidebatur? postulabant homines nobilissimi, atque integerrimi nostræ ciuitatis, quos iam antea nominavi: qui ita uixerunt, talesq. a populo Reputantur, ut, quidquid dicerent, nemo esset, qui non æquum putaret. postulabant autem pro homine miserrimo, atque infelicissimo; qui uel ipse sese in cruciatum dari cuperet, dum de patris morte quæretur. res porro abs te eiusmodi postulabatur, ut nihil interesset, utrum eam rem recusares, an de maleficio confiterere. quæ cum ita sint, quero abs te, quam ob causam recusaris. cum occiditur Sex. Roscius, ibidem fuerunt. seruos ipsos, quod ad me attinet, neque arguo, neque purgo. quòd a uobis hoc pugnari uideo, ne in quæstionem dentur, suspiciosum est: quòd uero apud uos ipsos in honore tanto sunt, profecto necesse est, sciant aliquid, quod si dixerint, perniciosum uobis futurum sit. In dominos quæri de seruis, iniquum est. an ne quæritur? Sextus enim Roscius reus est: neque, cum de hoc quæritur, uos dominos esse dicitis. cum Chrysogno sunt. ita credo: litteris eorum, & urbanitate Chrysogonus ducitur, ut inter suos omnium deliciarum atque omnium artium puerulos, ex tot elegantissimis familijs lectos, uelit hos uersari, homines pæne operarios, ex Amerina disciplina patrisfamilie rusticani. non est ita profecto, iudices; non est uerisimile, ut Chrysogonus horum litteras adamarit, aut humanitatem; non, ut rei familiaris negotio diligentiam cognorit eorū, & fidem. est quiddam, quod occultatur: quod quo studio-

PRO
studiosus ab
magis eminet
mus, sui malef
haberi non uale
bitur omnia co
me attinet, nū
nunc primū in
na distribuere
argumentatio pe
cans partes Ro
m, sceleris, ea
debet. nimirū
in dicimus &
posse, & a uobis
do infirmari, n
se existimo; qui
ades facta sit, a
qui recuset, euen
tamen re ipsa de
iudices, nolle me
causa postulare
multi a res affert
na cum argumen
utus, ac necessar
facere possunt: q
leuiter, iudice
bus, de quibus
serendum; ea
Venio nunc ad

studiosius ab ipsis opprimitur, & absconditur, eo
 magis eminet, & apparet. quid igitur? Chrysogono-
 nus, sui maleficij occultandi causa, quaestionem de his
 haberi non uult? minime, iudices. non in omnes ar-
 bitror omnia conuenire. ego in Chrysogono, quod ad
 me attinet, nihil eiusmodi suspicor: neque hoc mihi
 nunc primum in mentem uenit dicere. meministis me
 ita distribuisse initio causam; in crimen, cuius tota
 argumentatio permissa Erutio est; & in audaciam,
 cuius partes Roscijs impositae sunt. quidquid malefi-
 cij, sceleris, caedis erit, proprium id Rosciorum esse
 debet. nimiam gratiam, potentiamq. Chrysogono-
 ni dicimus & nobis obstare, & perferri nullo modo
 posse, & a uobis, quoniam potestas data est, non mo-
 do infirmari, uerum etiam uindicari oportere. ego
 sic existimo; qui quæri uelit ex ijs, quos constat, cum
 caedes facta sit, affuisse, eum cupere uerum inuenire;
 qui recuset, eum profecto, tametsi uerbo non audet,
 tamen re ipsa de maleficio suo confiteri. Dixi initio,
 iudices, nolle me plura de istorum scelere dicere, quam
 causa postularet, ac necessitas ipsa cogeret. nam &
 multae res afferri possunt; & unaquaeque earum mul-
 tis cum argumentis dici potest. uerum ego, quod in-
 uitus, ac necessario facio, neque diu, neque diligenter
 facere possum: quae praeteriri nullo modo poterant, ea
 leuiter, iudices, attigi: quae posita sunt in suspitioni-
 bus, de quibus si caepero dicere, pluribus uerbis sit dis-
 serendum; ea uestris ingenijs, coniecturaeq. committo.
 Venio nunc ad illud nomen aureum Chrysogoni: sub
 quo

ORATIO

quo nomine tota societas statuitur . de quo , iudices ,
neque quo modo dicam , neque quo modo taceam , re-
perire possum . si enim taceo , uel maximam partem
relinquo : sin autem dico , uereor ne non ille solus , id
quod ad me nihil attinet , sed alij quoque plures læ-
sos se esse putent . tametsi ita res se habet , ut mihi in
communem causam sectorum dicendum nihil magno
pere uideatur : hæc enim causa noua profecto & sin-
gularis est . Bonorum Sex . Roscij emptor est Chryso-
gonus . primum hoc uideamus , eius hominis bona qua
ratione uenierunt , aut quo modo uenire potuerunt . at
que hoc non ita quæram , iudices , ut id dicam , esse in-
dignum hominis innocentis bona uenisse . si enim hæc
audientur , ac libere dicentur ; non fuit tantus homo
Sex . Roscius in ciuitate , ut de eo potissimum conquæ-
ramur . uerum ego hoc quæro : qui potuerunt ista ipsa
lege , quæ de proscriptione est , siue Valeria est , siue
Cornelia , (non enim noui , nec scio) uerum ista ipsa
lege bona Sex . Roscij uenire qui potuerunt ? scriptum
enim ita dicunt esse , ut eorum bona ueneant , qui pro-
scripti sunt : quo in numero Sex . Roscius non est : aut
eorum , qui in aduersariorum præsijs occisi sunt .
dum præsidia ulla fuerunt , in Syllæ præsijs fuit : po-
stea quàm ab armis recesserunt ; in summo otio , rediēs
a cena , Romæ occisus est . si lege : bona quoque lege ue-
nisse fateor . sin autem constat , contra omnes non mo-
do ueteres leges , uerum etiam nouas : bona quo iure ,
aut quo modo , aut qua lege uenierint , quæro . In quæ
hoc dicam , quæris Eruti ? non in eum , quem uis ,
&

PR
putas : na
ipsum eximia
omnia Chryse
malum cinem
aduersarios oca
gatis Ameria
denique etiam
uenisse : id quod
m , aperietur
m proscriptione
Id . Iam . aliqui
bona uenisse dica
las publicas null
facinus eludim
relata publica ca
ge quidem bona
ne ante tempora
modum errare , q
biam , redi in ciu
mo ullius ratione
tem suam se lat
& facto crimine
iudices , ut hæc
partim me dicer
Roscio . qua em
uidentur , quæ
pertinere , ea
re pronuncio :
pertineant , &

& putas: nam Syllam & oratio mea ab initio, &
 ipsius eximia uirtus omni tempore purgauit. ego hæc
 omnia Chrysogonum fecisse dico, ut ementiretur, ut
 malum ciuem Roscium fuisse fingeret, ut eum apud
 aduersarios occisum esse diceret, ut his de rebus a le-
 gatis Amerinorum doceri L. Syllam passus non sit.
 denique etiam illud suspicor, omnino hæc bona non
 uenisse: id quod postea, si per uos, iudices, licitum e-
 rit, aperietur. opinor enim esse in lege, quam ad di-
 em proscriptiones, uenditionesq. fiant, nimirum ad
 kal. Iun. aliquot post menses & homo occisus est, &
 bona uenisse dicuntur. profecto aut hæc bona in tabu-
 las publicas nulla redierunt; nosque, ab isto nebulone
 facilius eludimur, quam putamus: aut, si redierunt,
 tabulæ publicæ corruptæ aliqua ratione sunt. nam le-
 ge quidem bona uenire non potuisse constat. Intelligo,
 me ante tempus, iudices, hæc scrutari, & prope-
 modum errare, qui, cum capiti Sex. Roscij mederi de-
 beam, redi uiam curem. non enim laborat de pecunia,
 non ullius rationem sui commodi ducit: facile egesta-
 tem suam se laturum putat, si hac indigna suspicione,
 & ficto crimine liberatus sit. uerum quaeso a uobis,
 iudices, ut hæc pauca, quæ restant, ita audiat, ut
 partim me dicere pro me ipso putetis, partim pro Sex.
 Roscio. quæ enim mihi ipsi indigna, & intolerabilia
 uidentur, quæq. ad omnes, nisi prouidemus, arbitror
 pertinere, ea pro me ipso, ex animi mei sensu ac dolo
 re pronuncio: quæ ad huius uitæ casum, causamq.
 pertineant, & quid hic pro se dici uelit, & qua con-

G ditione

O R A T I O

ditione contentus sit, iam in extrema oratione no-
 stra, iudices, audietis. Ego hæc a Chrysogono mea
 sponte, remoto Sex. Roscio, quaero: primum, qua-
 re ciuis optimi bona uenierint: deinde, quare homi-
 nis eius, qui neque apud aduersarios occisus est, ne-
 que proscriptus fuerat, bona uenierint, cum in eos so-
 los lex scripta sit: deinde, quare aliquanto post eam
 diem uenierint, quæ dies in lege præfinita est: dein-
 de, cur tantulo uenierint. quæ omnia si, quemadmo-
 dum solent liberti nequam, & improbi facere, in pa-
 tronum suum uoluerit conferre, nihil egerit. nemo est
 enim, qui nesciat, propter magnitudinem rerum mul-
 ta multos, partim conuiiente, partim imprudente
 L. Sylla, commisisse. placet igitur in his rebus ali-
 quid imprudentia præteriri? non placet, iudices;
 sed necesse est. etenim si Iupiter Optimus Maximus,
 cuius nutu & arbitrio cælum, terra, mariaq. re-
 guntur, sæpe uentis uehementioribus, aut immode-
 ratis tempestatibus, aut nimio calore, aut intolera-
 bili frigore hominibus nocuit, urbes deleuit, fruges
 perdidit; quorum nihil perniciæ causa diuino consi-
 lio, sed uis ipsa, & magnitudine rerum factum puta-
 mus; at contra, commoda, quibus utimur, lucem-
 que, qua fruimur, spiritumque, quem ducimus, ab
 eo nobis dari, atque impertiri uidemus: quid mira-
 mur, L. Syllam, cum solus remp. regeret, orbemq.
 terrarum gubernaret, imperijq. maiestatem, quam
 armis receperat, legibus confirmaret, aliqua animad-
 uertere non potuisse? nisi hoc mirum est, quod uis di-
 uina

PRO
 uina assequi
 sit. Verum,
 ex his, quæ
 intelligere, on
 rem unum esse
 deferendum co
 causa accusare,

etiam, & ratio
 qui in Salentina
 ter in agro andate
 de Palatio, &
 de castra riu am
 tina prædita, ne
 propinquum: d
 uatis, in quibus
 imper mercatus
 numerari andate
 Quid præterea
 quid præterea
 moris apud illu
 tum e multis
 coaceruari iura

uina assequi non possit, si id mens humana adepta non sit. Verum, ut hæc missa faciam, quæ iam facta sunt; ex ijs, quæ nunc maxime sunt, non ne quiuis potest intelligere, omnium architectum, & machinatorum unum esse Chrysogonum, qui Sex. Roscij nomen deferendum curauit? hoc iudicium, cuius honoris causa accusare se dicit Erutius.

desunt non pauca.

aptam, & ratione dispositam se habere existimant, qui in Salentinis, aut in Brutijs habent, unde uix ter in anno audire nuncium possunt. alter tibi descendit de Palatio, & ædibus suis: habet animi relaxandi causa rus amœnum, & suburbanum, plura præterea prædia, neque tamen ullum nisi præclarum, & propinquum: domus referta uasis Corinthijs, & Deliacis, in quibus est authepsa illa, quam tanto pretio nuper mercatus est, ut, qui prætereuntes pretium enumerari audiebant, fundum uenire arbitrarentur. Quid præterea cælati argenti? quid stragulæ uestis? quid pictarum tabularum? quid signorum? quid mar moris apud illum putatis esse? tantum scilicet, quantum multis splendidisq. familijs in turba et rapinis coaceruari una in domo potuit. Familiam uero quan

G 2 tam

PRO

٤٧

& gradum redditum, gaudeo, iudices, uehemen-
 terq. lætor: eaq. omnia deorum uoluntate, studio po-
 puli R. consilio, & imperio, & felicitate L. Syllæ
 gesta esse intelligo. quod animaduersum est in eos, qui
 contra omni ratione pugnarunt; non debeo reprehen-
 dere. quod uiris fortibus, quarum opera eximia in
 rebus gerendis extitit, honos habitus est; laudo. quæ
 ut fierent, iccirco pugnatum esse arbitror; meq. in
 eo studio partium fuisse confiteor. sin autem id actum
 est, & iccirco arma sumpta sunt, ut homines postre-
 mi pecunijs alienis locupletarentur, & in fortunas
 uniuscuiusque impetum facerent; & id non modo re-
 prohibere non licet, sed ne uerbis quidem uituperare:
 tum uero in isto bello non recreatus, neque restitutus,
 sed subactus, oppressusq. populus R. est. uerum lon-
 ge aliter est: nihil horum est, iudices: non modo non
 lædetur causa nobilitatis, si istis hominibus resistetis,
 uerum etiam ornabitur. etenim qui hæc uituperare
 uolunt, Chrysogonum tantum posse queruntur: qui
 laudare uolunt, concessum ei non esse commemorant.
 ac iam nihil est, quod quisquam aut tam stultus, aut
 tam improbus sit, qui dicat: uellem quidem liceret;
 hoc dixissem: dicas licet. hoc fecissem: facias licet;
 nemo prohibet. hoc decreuissem: decerne, modo re-
 cte: omnes approbabit. hoc iudicissem: laudabunt
 omnes, si recte, & ordine iudicaris. dum necesse e-
 rat, resq. ipsa cogebat, unus omnia poterat. qui po-
 stea quàm magistratus creauit, legesq. constituit:
 sua cuique procuratio, auctoritasq. est restituta. quã

O R A T I O


*si retinere uolunt ij, qui receperunt : in perpetuum poterunt obtinere . sin has cades , & rapinas , & hos tantos , tamq̃. profusos sumptus aut facient , aut approbabunt : nolo in eos grauius quidquam ne ominis quidem caussa dicere : unum hoc dico: nostri isti nobiles , nisi uigilantes , & boni , & fortes , & misericordes erunt , ijs hominibus , in quibus hæc erunt , ornamenta sua concedant , necesse est . quapropter desinant aliquando dicere , male aliquem locutum esse , si quis uere , ac libere locutus sit : desinant suam causam cum Chrysogono communicare : desinant , si ille læsus sit , de se aliquid detractum arbitrari : uideant , ne turpe miserumq̃. sit , eos , qui equestrem splendorem pati non potuerunt , serui nequissimi dominationem ferre posse . quæ quidem dominatio , iudices , in alijs rebus antea uersabatur ; nunc uero quam uiã munitet , quò iter affectet , uidetis : ad fidem , ad iusiurandum , ad iudicia uestra , ad id , quod solum prope in ciuitate sincerum , sanctumq̃. restat . Hic ne etiam sese putat aliquid posse Chrysogonus ? hic etiã potens esse uult ? o rem miseram , atque acerbam . neque mehercules hoc indigne fero , quòd uerear , ne quid possit : uerum , quòd ausus est , quòd sperauit sese apud tales uiros aliquid ad perniciem posse innocentis , id ipsum . queror iccirco ne experrecta nobilitas , armis , atque ferro remp. recuperauit , ut ad libidinem suam liberti , seruuliq̃. nobilium , bona , fortunas uestras , nostrasq̃. uexare possent ? si id actum est , fateor me errasse , qui hoc maluerim : fateor insanisse , qui cum
illis*

PRO
 illis senferim
 rem victoria
 to reip. populo
 nobilissimo cui
 oportet . Quod
 de putet , cum
 quor at , se ipso
 tur fiet , si ne qui
 imas Chrysogon
 communicat aut p
 re caussa separatu
 ore dixi , mea e
 & illorum iudici
 equum patet : ne
 mudo queritur : p
 quola , & ratioc
 pona esse dicunt ,
 eia liberatas , &
 uis discere : si
 mi equo se carere
 te , ut atq̃. ne , C
 u amplissima m
 iudant , si tibi o
 mouerunt , apper
 ra , amulatuq̃. d
 alius rebus se ip
 quam , exceptis
 rum opibus patet
 possides : ego al

illis senserim : tametsi inermis , iudices , sensi . sin au-
 tem uictoria nobilium ornamento , atque emolumen-
 to reip. populoq. R. debet esse : tum uero optimo , &
 nobilissimo cuique meam orationem gratissimam esse
 oportet . Quod si quis est , qui & se , & causam læ-
 di putet , cum Chrysogonus uituperetur ; is causam
 ignorat , se ipsum prope non nouit . causa enim splendi-
 dior fiet , si nequissimo cuique resistetur . ille improbi-
 simus Chrysogoni fautor : qui sibi cum illo rationem
 communicatam putat , læditur , cum ab hoc splendo-
 re causæ separatur . Verum hæc omnis oratio , ut iam
 ante dixi , mea est : qua me uti resp. & dolor meus ,
 & istorum iniuria coegit . sed Roscius horum nihil in-
 dignum putat : neminem accusat : nihil de suo patri-
 monio queritur : putat homo imperitus morum , a-
 gricola , & rusticus , ista omnia , quæ uos per Syllam
 gesta esse dicitis , more , lege , iure gentium facta :
 culpa liberatus , & crimine nefario solutus , cupit a
 uobis discedere : si hac indigna suspitione careat , ani-
 mo æquo se carere suis omnibus commodis dicit : ro-
 gat , oratq. te , Chrysogone , si nihil de patris fortu-
 nis amplissimis in suam rem conuertit ; si nulla in re te
 fraudauit ; si tibi optima fide sua omnia concessit , ad-
 numerauit , appendit ; si uestitum , quo ipse tectus e-
 rat , annulumq. de digito suum tibi tradidit ; si ex om-
 nibus rebus se ipsum nudum , neque præterea quid-
 quam , excepit ; ut sibi per te liceat innocenti amico-
 rum opibus uitam in egestate degere . prædia mea tu
 possides : ego aliena misericordia uiuo . concedo ; &

quòd animus æquus est; & quia necesse est. mea domus tibi patet, mihi clausa est, fero. familia mea maxima uteris: ego seruum habeo nullum. patior, et ferendum puto. quid uis amplius? quid insequeris? quid opugnas? qua in re tuam uoluntatem lædi a me putas? ubi tuis commodis officio? quid tibi obsto? si spoliolum causa uis hominem occidere; spoliasti. quid queris amplius? si inimicitiarum; quæ sunt tibi inimicitia cum eo, cuius antea prædia possedisti, quàm ipsum cognosti? sin metuis: ab eo ne aliquid metuis, quem uides ipsum ab sese tam atrocem iniuriam propulsare non posse? sin, quòd bona, quæ Roscij fuerunt, tua facta sunt, iccirco hunc illius filium studes perdere: non ne ostendis id te uereri, quod præter ceteros tu metuere non debeas, ne quando liberis proscriptorum bona patria reddantur? facis iniuriam Chrysgone, si maiorem spem emptionis tuæ in huius exitio ponis, quàm in ijs rebus, quas L. Sylla gessit. quòd si tibi causa nulla est, cur hunc miserum tanta calamitate affici uelis; si tibi omnia sua præter animam tradidit, nec sibi quidquam paternum, ne monumenti quidè causa, reseruauit: per deos immortales, quæ ista tanta crudelitas est? quæ tam fera immanisq. natura? quis unquam prædo fuit tam nefarius, quis pirata tam barbarus, ut, cum integram prædam sine sanguine habere posset, cruenta spolia detrahare mallet? scis hunc nihil habere, nihil audere, nihil posse, nihil unquam contra rem tuam cogitasse: & tamen opugnas eum: quem neque metuere potes, neque odif
se

debes, nec qui
detrahare poss
sedere in
quam e naufr
hunc & ali
potis sorore, s
clarissimum,
fratrem habet
perfecit, ut, qu
afficeretur,
eandem redderet.
indignum facit
eius hostis, as
adese, & a
defenderetur:
proq. eo, quod
maior, hoc omne
ad id ipso in loco
sane ut molestie f
potentia super
per Cæciliam tra
in Messalla, ut uide
tis atatis atque ro
dicere. quom
as, & pudor, q
uidit, quem sua
na. ipse affluens
perfecit, ut Se
toriam, sentent



se debes, nec quidquam habere iā reliqui uides, quod ei detrabere possis: nisi hoc indignum putas, quod uestitū sedere in iudicio uides, quem tu e patrimonio, tanquam e naufragio, nudum expulisti. quasi uero ne scias hunc & ali, & uestiri a Cæcilia Balearici filia, Nepotis sorore, spectatissima femina: quæ cum patrem clarissimum, amplissimos patruos, ornatissimum fratrem haberet, tamen, cum esset mulier, uirtute perfecit, ut, quanto honore ipsa ex illorum dignitate afficeretur, non minora illis ornamenta ex sua laude redderet. An, quod diligenter defenditur, id tibi indignum facinus uidetur? mihi crede, si pro patris eius hospitij, & gratia uellent omnes huius hospites adesse, & auderent libere defendere, satis copiose defenderetur: sin autem pro magnitudine iniuriæ, proq. eo, quod summa reip. in huius periculo tentatur, hæc omnes uindicarent; consistere mehercule uobis isto in loco non liceret. nunc ita defenditur, non sane ut moleste ferre aduersarij debeant, neque ut se potentia superari putent. quæ domi gerenda sūt, ea per Cæciliam transiguntur. fori iudicijq. rationem Messalla, ut uidetis, iudices, suscepit. qui si iam satis ætatis atque roboris haberet, ipse pro Sex. Roscio diceret. quoniam ad dicendum impedimento est ætas, & pudor, qui ornat ætatem; causam mihi tradidit, quem sua causa cupere ac debere intelligebat. ipse assiduitate, consilio, auctoritate, diligentia perfecit, ut Sex. Roscij uita erepta de manibus sententij, iudicij, iudicium permitteretur. Nimirum,

rum, iudices, pro hac nobilitate pars maxima ciuitatis in armis fuit, hæc acta res est, uti nobiles restituerentur in ciuitatem, qui hoc facerent, quod facere Messallam uidetis, qui caput innocentis defenderent, qui iniuriæ resisterent, qui, quantum possent, in salute alterius, quàm in exitio, mallent ostendere. quod si omnes, qui eodem loco nati sunt, facerent: & resp. ex illis, & ipsi ex inuidia minus laborarent. Verum si a Chrysogono, iudices, non impetramus, ut pecunia nostra contentus sit, uitam ne petat; si ille adduci non potest, ut, cum ademerit nobis omnia, quæ nostra erant propria, ne lucem quoque hanc, quæ communis est, eripere cupiat; si non satis habet auaritiam suam pecunia explere, nisi etiam crudelitate sanguinis perlitus sit: unum per-fugium, iudices, una spes reliqua est Sex. Roscio, eadem quæ reip. uestra pristina bonitas, & misericordia. quæ si manet, salui etiam nunc esse possumus. sin ea crudelitas, quæ hoc tempore in rep. uersata est, uestros quoque animos, id quod fieri profecto non potest, duriores, acerbioresq. reddidit: actum est, iudices: inter feras satius est atatem degere, quàm in hac tanta immanitate uersari. ad eam ne rem uos reseruati estis, ad eam ne rem delecti, ut eos condemna-retis, quos sectores, ac sicarij iugulare non potuis-sent? solent hoc boni imperatores facere, cum præ-lium committunt, ut in eo loco, quo fugam hostium fore arbitrantur, milites collocent, in quos, si qui ex acie fugerint, de improviso incidant. nimirum simili-
liter

liter arbitrantur
les uiros sedere
bus effugerint
maiores consilium
dum sectorum
con intelligitis
ueri quavis ratio
uestro inueniatur
uari? dubium est
am uideatis ex
arium, eundemq.
tra egentem, pro
lo culpa nulla, sed
ne? quid hoc ali
natis bona mem
um in re operam
atis, ut ad nos ad
na uenerunt: can
ne uia, & multa
liuata esse uide
n eos, qui arma
cipere uoluit, ne
comparatum est,
hanc uero, quæ
pictorum uictori
bis reuictis, &
mortales, quem
tis. Homines
state præditos

liter arbitrantur isti bonorum emptores, uos hic tales uiros sedere, qui excipiat eos, qui de suis manibus effugerint. dii prohibebant, iudices, ut hoc, quod maiores consilium publicum uocari uoluerunt, praesidium seſtorum exiſtinetur. An uero, iudices, uos non intelligitis, nihil aliud agi, niſi ut proſcriptorum liberi quauis ratione tollantur? & eius rei initium in ueſtro iureiurando, atque in Sex. Roſcij periculo queri? dubium eſt, ad quem maleſcium pertineat, cum uideatis ex altera parte ſeſtorem, inimicum, ſicarium, eundemq. accuſatorem hoc tempore; ex altera egentem, probatum ſuis filium, in quo non modo culpa nulla, ſed ne ſuſpicio quidem potuit conſiſtere? nuſquid hic aliud uidetis obſtare Roſcio, niſi quod patris bona uenierunt? quod ſi id uos ſuſcipitis, & ea dem in re operam ueſtram proſitemini; ſi iccirco ſedetis, ut ad uos adducantur eorum liberi, quorum bona uenierunt: cauete, per deos immortales, iudices, ne noua, & multo crudelior per uos proſcriptio inſtaurata eſſe uideatur. illam priorem, quæ facta eſt in eos, qui arma capere potuerunt, tamen ſenatus ſuſcipere noluit, ne quid acrius, quam more maiorum comparatum eſt, publico conſilio factum uideretur. hanc uero, quæ ad eorum liberos, atque infantium puerorum incunabula pertinet, niſi hoc iudicio a uobis reiſcitis, & aſpernamini: uidete, per deos immortales, quem in locum remp. peruenturam putetis. Homines ſapientes, & iſta auctoritate, & poteſtate praeditos, qua uos eſtis, ex quibus rebus maxi-

me

O R A T I O

me resp. laborat, ijs maxime mederi conuenit. uestrum nemo est, quin intelligat, populum R. qui quondam in hostes lenissimus existimabatur, hoc tempore domestica crudelitate laborare. hanc tollite ex ciuitate, iudices: hanc pati nolite diutius in hac rep. uersari: quæ non modo id habet in se mali, quod tot ciues atrocissime sustulit; uerum etiam hominibus lenissimis ademit misericordiam consuetudine incommodorum. nam cum omnibus horis aliquid atrociter fieri uidemus, aut audimus; etiam qui natura mitissimi sumus, assiduitate molestiarum sensum omnem humanitatis ex animis amittimus.

Desit fortasse quippiam.

PRO Q. ROSCIO COMOEDO, O R A T I O III.

Multa, quæ desunt; quærenda.

malitiam naturæ, crederetur. is scilicet uir optimus, & singulari fide præditus, in suo iudicio tabulis suis testibus uti conatur. solent fere dicere qui per tabulas hominis honesti pecuniam expensam tulerunt: ego ne talem uirum corrumpere potui, ut mea causa falsum in codicem referret? exspecto, quàm mox Cherea hac oratione utatur: ego ne hanc manum, plenam

PR O
plenam perfu
na falsum per
feret tabulas
lius tabulis bo
illius, quæ in ha
tuus expensam
pensam ferri in
scribere, quod n
ferre, quod deb
tur eius, qui ne
perscripta. Sed e
ide, quæ progre
expensam profer
quo minus secun
hoc frater fratri,
cuius reuelaret,
Pignus, propter
persuasionem: quod
naturam. paulo
las poscebamus:
sagittamus: &
non recusamus.
bulas? immo d
nam codices? in
hoc nomen H
tanta pecunia
cccioo
pro dii immort
præditum, qu

plenam perfidiæ, et hos digitos meos impellere potui,
ut falsum perscriberent nomen? quod si ille suas pro-
feret tabulas, proferet suas quoque Roscius. erit in il-
lius tabulis hoc nomen: at in huius non erit. cur potius
illius, quam huius, credetur? scripsisset ille, si non iussu
huius expensum tulisset? non scripsisset hic, quod sibi ex-
pensum ferri iussisset? nam quemadmodum turpe est
scribere, quod non debetur: sic improbum est non re-
ferre, quod debeas. æque enim tabulæ condemnan-
tur eius, qui uerum non retulit; & eius, qui falsum
perscripsit. Sed ego, copia & facultate causæ cōfusus,
uide, quò progrediar. si tabulas C. Fannius accepti et
expensi profert suas, in suā rē, suo arbitratu scriptas:
quo minus secundum illum iudicetis, non recuso. quis
hoc frater fratri, quis parens filio tribuit, ut, quod-
cunque retulisset, id ratum haberet? ratum habebit
Roscius, profer. quod tibi fuerit persuasum, huic erit
persuasum: quod tibi fuerit probatum, huic erit pro-
batum. paullo ante a M. Perperna, P. Saturi, tabu-
las poscebamus: nunc tuas, C. Fanni Cherea, solius
flagitamus: &, quo minus secundum eas lis detur,
non recusamus. quid ita non profers? non conficit ta-
bulas? immo diligentissime. non refert parua nomi-
na in codices? immo omnes summas. leue, & tenue
hoc nomen HS CCC I D D D sunt? quo modo tibi
tanta pecunia extraordinaria iacet? quo modo HS
CCC I D D D in codice accepti & expensi non sunt?
pro dii immortales, esse ne quenquam tanta audacia
præditum, qui, quod nomen referre in tabulas ti-
meat,

ORATIO

meat, id petere audeat? quod in codicem iniuratus referre noluit, id iurare in litem non dubitet? quod si bi probare non possit, id persuadere alteri conetur? Nimum cito ait me indignari de tabulis: non habere se hoc nomen in codice accepti & expensi relatum confitetur, sed in aduersarijs patere contendit. Usque eò ne te diligis, & magnifice circumspicis, ut pecuniam non ex tuis tabulis, sed aduersarijs petas? suum codicem testis loco recitare, arrogantia est: suarum perscriptionum, & liturarum aduersaria proferre, non amentia est? quod si eandem uim, diligentiam, auctoritatemq. habent aduersaria, quam tabulae: quid attinet codicem instituere, conscribere? ordinem conseruare? memoriae tradere litterarum uetustatem? sed si, quod aduersarijs nihil credimus, iccirco codicem scribere instituimus: quod etiam apud omnes leue, & infirmum est, id apud iudicem graue, & sanctum esse ducetur? quid est, quod negligenter scribamus aduersaria? quid est, quod diligenter conficiamus tabulas? qua de causa? quia haec sunt menstrua, illae sunt aeternae: haec delentur statim, illae seruantur sancte: haec parui temporis memoriam, illae perpetuae existimationis fidem & religionem amplectuntur: haec sunt deiecta, illae in ordinem confectae. itaque aduersaria in iudicium protulit nemo: codicem protulit: tabulas recitauit. tu, C. Piso, tali fide, uirtute, grauitate, auctoritate ornatus, ex aduersarijs pecuniam petere non auderes. ergo, quae clara sunt consuetudine, diutius dicere non debeo: illud uero,

PRO
ro, quod ad re
pridem hoc no
tribescit: quia
plo, non habet
in codice acc
plius sint sex m
in aduersarijs?
quo modo,
mensuras puen
hoc nomen trien
pateris? utrum
expensi digesta
ulas confici? si
min in ordinem
plius, quod et as
impetuas? uolent
tribas? rogat
ris scriptum hab
uideo: tamen ipse
C. Fannio ipso reg
non debet. mag
quod pollicetur: n
sem habuerit. Ege
bebatur certa, q
legitima partas
uammo petiti,
disti: propter
bitrium. iudic
certa. ad iudic

ro, quod ad rem uehementer pertinet, quaero: Quam
 pridem hoc nomen, Fanni, in aduersaria retulisti?
 erubescit: quid respondeat, nescit: quid singat extem-
 plo, non habet. sunt duo menses iam, dices: tamen
 in codicem accepti & expensi referri debuit. am-
 plius sunt sex menses: cur tam diu iacet hoc nomen
 in aduersarijs? quid, si tandem amplius triennium
 est? quo modo, cum omnes, qui tabulas conficiant,
 menstruas penerationes in tabulas transferant, tu
 hoc nomen triennium amplius in aduersarijs iacere
 pateris? utrum cetera nomina in codicem accepti &
 expensi digesta habes, an non? si non, quo modo ta-
 bulas conficis? si etiam: quamobrem, cum cetera no-
 mina in ordinem referebas, hoc nomen triennio am-
 plius, quod erat in primis magnum, in aduersarijs re-
 linquebas? nolebas sciri, debere tibi Roscium: cur
 scribebas? rogatus eras, ne referres: cur in aduersa-
 rijs scriptum habebas? Sed hac quanquam firma esse
 uideo: tamen ipse mihi satisfacere non possum, nisi a
 C. Fannio ipso testimonium sumo, hanc pecuniam ei
 non deberi. magnum est, quod conor: difficile est,
 quod polliceor: nisi eundum & aduersarium, & te-
 stem habuerit Roscius, nolo uincat. Pecunia tibi de-
 bebatur certa, quae nunc petitur per iudcem, in qua
 legitimae partis sponsio facta est. hic tu si amplius HS
 nummo petisti, quam tibi debitum est; causam per-
 didisti: propterea quod aliud est iudicium, aliud est ar-
 bitrium. iudicium est pecuniae certae, arbitrium in-
 certae. ad iudicium hoc modo uenimus, ut totam li-
 tem

O R A T I O

tem aut obtineamus, aut amittamus: ad arbitrium hoc animo adimus, ut neque nihil, neque tantum, quantum postulauimus, consequamur. eius rei ipsa uerba formulæ testimonio sunt. quid est in iudicio? directum, asperum, simplex: SI PARET HS 1000 DEBERI. hic, nisi planum facit HS 1000 ad libellam sibi deberi, acussam perdit. quid est in arbitrio? mite, moderatum, QVANTVM AEQVIVS MELIVS SIT DARI. ille tamen confitetur plus se petere, quàm debeatur; sed satis superq. habere dicit, quod sibi ab arbitro tribuatur. ita que alter causæ confidit, alter diffidit. Quæ cum ita sint, quæro abs te, quid ita de hac pecunia, de his ipsis HS 1000, de tuarum tabularum fide commissum feceris, arbitrum sumpseris, quantum æquius melius sit dari, repromitti ue; si pateret. quis in hanc rem fuit arbiter? utinam is quidem Romæ esset: Romæ est. iam utinam adesset in iudicio: adest. utinam sederet in consilio C. Pisonis: ipse C. Piso est. eundem ne tu arbitrum, & iudicem sumebas? eidem & infinitam largitionem remittebas, & eundem in angustissimam formulam sponsionis concludebas? quis unquam ad arbitrum, quantum petijt, tantum abstulit? nemo: quantum enim æquius esset sibi dari, petijt. de quo nomine ad arbitrum adisti, de eo ad iudicem uenisti. ceteri cū ad iudicem causam labefactari animaduertunt, ad arbitrum confugiunt: hic ab arbitro ad iudicem uenire est ausus: qui cum de hac pecunia, de tabularum fide arbitrum sumpsit, iudica-

uit

PRO

uit sibi pecunia
se sunt confect
tulisse non dicit
est, ut stipulat
admodum cert
rio. Stipulatus
presente? quis
suam faciam d
leis causæ, &
satis etiam
iudicem indicari
om tertiam parte
est, aut data, a
tam non esse, Fa
non esse, codices
se, taciturnitas
mod & reus is est
imatio sanctissim
non minus bene
tam nos iudicare
propter eximiam
rem debeamus: pe
iudicia legitima
officia domestica
inde dicemus. illa
non uolunt ari: i
pro reo, hac
estimationis
anni, a Roscia

uit sibi pecuniam non deberi. Iam duæ partes causæ sunt confectæ: adnumerasse sese negat: expensum tulisse non dicit, cum tabulas non recitat. reliquum est, ut stipulatum se esse dicat: præterea enim quem admodum certam pecuniam petere possit, non reperio. Stipulatus es? ubi? quo die? quo tempore? quo præsentem? quis sponondisse me dicit? nemo. Hic ego si finem faciam dicendi, satis fidei, et diligentiae meæ, satis causæ, & controuersiae, satis formulæ, & sponcioni, satis etiam iudici fecisse uidear, cur secundum Roscium iudicari debeat. Pecunia petita est certa, cum tertia parte sponsio facta est. hæc pecunia, necesse est, aut data, aut expensa lata, aut stipulata sit. datam non esse, Fannius confitetur: expensam latam non esse, codices Fannij confirmant: stipulatam non esse, taciturnitas testium concedit. Quid ergo est? quod & reus is est, cui & pecunia lenissima, & existimatio sanctissima fuit semper; & iudex est is, quem nos non minus bene de nobis existimare, quam secundum nos iudicare uelimus; & aduocatio ea est, quam propter eximium splendorem, ut iudicem unum, uereri debeamus: perinde ac si in hac formulam omnia iudicia legitima, omnia arbitria honoraria, omnia officia domestica conclusa, & comprehensa sint, perinde dicemus. illa superior fuit oratio necessaria, hæc erit uoluntaria: illa ad iudicem, hæc ad C. Pisonem: illa pro reo, hæc pro Roscio: illa uictoriæ, hæc bonæ estimationis causa comparata. Pecuniam petis, Fanni, a Roscio: quam? dic audacter, & aperte:

H utrum,

ORATIO

utrum, quæ tibi ex societate debeatur, an, quæ ex liberalitate huius promissa sit, & ostentata? quorum alterum est grauius, & odiosius: alterum lenius, & facilius. quæ ex societate debeatur? quid ais? hoc iam non leuiter ferendum est, neque negligenter defendendum. si qua enim sunt priuata iudicia summæ existimationis, & pæne dicam capitis, tria hæc sunt, fiducia, tutela, societatis: æque enim perfidiosum, & nefarium est fidem frangere, quæ continet uitam; & pupillum fraudare, qui in tutelam peruenit; & socium fallere, qui se in negotio coniunxit. quæ cum ita sint: qui sit, qui socium fraudarit, & fefellerit, consideremus. dabit enim nobis iam tacite uita acta in alterutram partem firmum & graue testimonium. Q. Roscius? quid ais? non ne, ut ignis in aquam coniectus continuo restinguitur, & refrigeratur: sic referuens falsum crimen in purissimam & castissimam uitam collatū statim concidit, & extinguitur? Roscius socium fraudauit. potest hoc homini huic hæere peccatum? qui medius fidius (audacter dico) plus fidei, quàm artis, plus ueritatis, quàm disciplinæ possidet in se: quem populus R. meliorem uirum, quàm histrionem, esse arbitratur: qui ita dignissimus est scena propter artificium, ut dignissimus sit curia propter abstinentiam. sed quid ego ineptus de Roscio apud Pisonē dico? ignotum hominem scilicet pluribus uerbis commendo. est ne quisquam omnium mortalium, de quo melius existimes tu? est ne quisquam, qui tibi purior, pudentior, humanior, officiosior, liberalior uideatur?

Quid

PRO S

Quid tu, Satio
aliter? non ne
ius incidisti, tot
& honoris caus
tiffimo, aut
nibi ridicule es
luderes, & lau
nem improbi
in causa appella
ne, & socium
tandem ueritati
tu: de hoc, ut e
prostratu causam
in eandem auri
nil, si tandem al
in inuicem ma
in incredibile eff
olimus. C. Fani
in, atque obsecro
ter se utriusque co
trique considerat
illa penitus ab
lucem uidentur
uicem suam
nibus tacta con
madacijs confit
supercilios
habere dicat
pena tractat

Quid tu, Saturi, qui contra hunc uenis, existimas aliter? non ne, quotiescunque in causa in nomen huius incidisti, toties hunc & uirum bonum esse dixisti, & honoris causa appellasti? quod nemo nisi aut honestissimo, aut amicissimo facere consuevit. qua in re mihi ridicule es uisus esse inconstans, qui eundem & laderes, & laudares; & uirum optimum, & hominem improbissimum esse diceres. eundem tu & honoris causa appellabas, & uirum primum esse dicebas, & socium fraudasse arguebas. sed, ut opinor, laudem ueritati tribuebas; crimen gratia concedebas: de hoc, ut existimabas, predicabas; Cherea arbitratus causam agebas. Fraudauit Roscius. est hoc quidem auribus, animisq. hominum absurdum. quid, si tandem aliquem timidum, dementem, diuitem inertem nactus esset, qui experiri non posset? tamen incredibile esset. ueruntamen, quem fraudarit, uideamus. C. Fannium Cheream Roscius fraudauit. oro, atque obsecro, uos, qui utrumque nostis, uitam inter se utriusque conferte; qui non nostis, faciem utriusque considerate. non ne ipsum caput, & supercilia illa penitus abrasa olere malitia, & clamitare calliditatem uidentur? non ne ab imis unguibus usque ad uerticem summum, si quam coniecturam affert hominibus tacita corporis figura, ex fraude, fallacijs, mendacijs constare totus uidetur? qui iccirco capite, & supercilijs semper est rasis, ne ullum pilum uiri boni habere dicatur. cuius personam praeclare Roscius in scena tractare consuevit. (neque tamen pro benefi-

O R A T I O

cio ei par gratia refertur) nam Ballionem illum improbissimum, & periurissimum lenonem cum agit, agit Cheream. persona illa, lutulenta, impura, iniusta, in huius moribus, natura, uitaq. est expressa. qui quamobrem Roscium similem sui in fraude & malitia existimarit, nihil uidetur: nisi forte, quod præclare hunc imitari se in persona lenonis animaduertit. Quamobrem etiam atque etiam considera, C. Piso, quis quem fraudasse dicatur: Roscius Fannium? quid est hoc? probus improbum, pudens impudentem, periurum castus, callidum imperitus, liberalis auidum. incredibile est. quemadmodum, si Fannius Roscium fraudasse diceretur, utrumque ex utriusque persona uerisimile uideretur, et Fannium per malitiam fecisse, & Roscium per imprudentiam deceptum esse: sic, cum Roscius Fannium fraudasse arguatur, utrumque incredibile est, & Roscium quidquam per auaritiam appetisse, & Fannium quidquam per suam bonitatem amisisse. Principia sunt huiusmodi: spectemus reliqua. HS 1000 Q. Roscius fraudauit Fannium: qua de causa? subridet Saturius ueterator, ut sibi uidetur: ait, propter ipsa HS 1000. uideo: sed tamen, cur ipsa HS 1000 tam uehementer concupierit, quæro. nam tibi, M. Perperna, C. Piso, certe tanti non fuisset, ut socium fraudaretis. Roscio cur tanti fuerit, causam requiro. egebat? immo locuples erat. debebat? immo in suis nummis uersabatur. auarus erat? immo etiam ante, quàm locuples, semper liberalissimus, munificentissimusq. fuit.

pro

pro deum hominumq. fidem, qui HS CCCICCCC
 CCCICCCC CCCICCCC quæstus facere noluit,
 (nā certe HS CCCICCCC CCCICCCC CCCICCCC
 merere & potuit, & debuit, si potest Dionisia HS
 CCCICCCC CCCICCCC merere) is per summam
 fraudem, et malitiam, et perfidiam HS ICICC appe
 tijt? & illa fuit pecunia immanis, hæc paruula: il
 la honesta, hæc sordida: illa iucunda, hæc acerba:
 illa propria, hæc in caussa, & in iudicio collocata.
 decem his annis proximis HS sexagies honestissime
 consequi potuit, noluit: laborem quæstus recepit,
 quæstum laboris reiecit: populo R. adhuc seruire non
 destitit, sibi seruire iam pridem destitit. hoc tu un
 quam Fanni faceres? sed si hos quæstus recipere pos
 ses, non eodem tempore & gestum, & animam age
 res? dic nunc te ab Roscio HS ICICC circūscriptum
 esse: qui tantas, & tam infinitas pecunias non pro
 pter inertiam laboris, sed propter magnificentiam li
 beralitatis repudiavit. Quid ego nunc illa dicam, quæ
 uobis in mentem uenire certo scio? fraudabat te in so
 cietate Roscius. sunt iura, sunt formulæ de omnibus
 rebus constitutæ, ne quis aut in genere iniuriæ, aut
 ratione actionis errare possit. expressæ sunt enim ex
 uniuscuiusque damno, dolore, incommodo, calami
 tate, iniuria publicæ a prætore formulæ, ad quas pri
 uata lis accommodatur. quæ cum ita sint; cur non ar
 bitrum pro socio adegeris Q. Roscium, quæro. for
 mulam non noras? notissima erat. iudicio graui expe
 riri nolebas? quid ita? propter familiaritatem uete

H 3 rem?

ORATIO

rem? cur ergo lædis? propter integritatem hominis?
 cur igitur insimulas? propter magnitudinem crimi-
 nis? ita ne uero; quem per arbitrum circumuenire
 non posses, cuius de ea re proprium erat iudicium;
 hunc per iudicem condemnabis, cuius de ea re nullum
 est arbitrium? quin tu hoc crimen aut obijce, ubi li-
 cet agere: aut iacere noli, ubi non oportet. tametsi
 iam hoc tuo testimonio crimen sublatum est. nam quo
 tu tempore illa formula uti noluiſti, nihil hunc in so-
 cietatem fraudis fecisse ostendiſti. Fecit pacti-
 onem: num tabulas habet, an non? si non habet, quemad-
 modum pactio est? si habet, cur non nominas? Dic
 nunc, Roscium abs te petisse, ut familiarem suum su-
 meres arbitrum: non petijt. dic pacti-
 onem fecisse, ut absolueretur: non pepigit. quære, quare sit abso-
 lutus: quod erat summa innocentia, & integritate.
 quid enim factum est? uenisti domum ultro Roscij:
 satisfacisti: quod temere comisisses in iudicium ut de-
 nunciare, rogasti ut ignosceret: te affuturum nega-
 sti: deberi tibi ex societate nihil, clamitasti. iudici
 hic denunciauit: absolutus est. tamen fraudis, ac
 furti mentionem facere audes? Perstat in impuden-
 tia. pacti-
 onem enim, inquit, mecum fecerat. iccir-
 co uidelicet, ne condemnaretur? quid erat causſa,
 cur metueret ne condemnaretur? res erat manifesta:
 furtum erat apertum. cuius rei furtum factum erat?
 exorditur magna cum expectati-
 one ueteris histrio-
 nis exponere societatem. Panurgus, inquit, fuit Fan-
 nij. is fuit ei cum Roscio communis. hic primum que-
 ritus

PRO

ſus est non leu-
 gratis cum Ro-
 largitus est ſcl-
 bonitate affuen-
 ille hic coſtitit p-
 lom commorari
 Fannij dicis ſuiſ-
 de. quid erat ex-
 ſpectata. facies
 parte erat Fannij
 et erat Roſcium, a-
 mo enim illum ex-
 artificio comico
 re per ſe non am-
 plius, quia erat a-
 Hs cccccc
 quam, ubi alter
 i, in ſocietate
 re, quod Hs
 cccccc ex-
 bat. quoniam enim
 & quem fauore
 quod Roſcium fuit
 ſuebant: qui
 cui denique huius
 & perfectum
 te pauca, ex op-
 le, per pauci
 nes querebant

stus est non leuiter Saturius, communem factum esse
 gratis cum Roscio, qui pretio proprius fuisset Fannij.
 largitus est scilicet, homo liberalis, & dissolutus, &
 bonitate affluens, Fannius Roscio. sic puto. quoniam
 ille hic cōstitit paullisper, mihi quoque necesse est paul-
 lum commorari. Panurgum tu, Saturi, proprium
 Fannij dicis fuisse: at ego totum Roscij fuisse contē-
 do. quid erat enim Fannij? corpus: quid Roscij? di-
 sciplina. facies non erat, ars erat pretiosa. ex qua
 parte erat Fannij, non erat HS 1000: ex qua par-
 te erat Roscij, amplius erat HS 10000. ne-
 mo enim illum ex trunco corporis spectabat, sed ex
 artificio comico aestimabat. nam illa membra mere-
 re per se non amplius poterant duodecim aeris: disci-
 plina, quæ erat ab hoc tradita, locabat se non minus
 HS 10000. o societatem captiosam, & indi-
 gnam, ubi alter HS 1000, alter, 10000 quod
 sit, in societatem affert. nisi iccirco moleste pate-
 ris, quod HS 1000 tu ex arca proferebas, HS
 10000 ex disciplina et artificio Roscius prome-
 bat. quam enim rem, et expectationem, quod studiū,
 & quem fauorem secum in scenā attulit Panurgus?
 quod Roscij fuit discipulus. qui diligebant hunc, illi
 fauebant: qui admirabantur hunc, illum probabāt:
 qui denique huius nomen audierant, illum eruditum,
 & perfectum existimabant. sic est uulgus; ex uerita-
 te pauca, ex opinione multa aestimat. quid sciret il-
 le, perpauci animaduvertebant: ubi didicisset, om-
 nes querebant: nihil ab hoc prauum & peruersum

O R A T I O

produci posse arbitrabantur . si ueniret ab Statilio ,
 tametsi artificio Roscium superaret , aspicere nemo
 posset . nemo enim , sicut ex improbo patre probum
 filium nasci , sic ex pessimo histrione bonum comæ-
 dum fieri posse existimaret . quia ueniebat a Roscio ,
 plus etiam scire , quàm sciebat , uidebatur . quod itē
 nuper in Erote comædo usu uenit : qui postea quàm e
 scena non modo sibilis , sed etiam conuicio explode-
 batur , sicut in aram confugit in huius domum , disci-
 plinam , patrocinium , nomen . itaque perbreui tem-
 pore , qui ne in nouissimis quidem erat histrionibus ,
 ad primos peruenit comædos . quæ res extulit eum ?
 una commendatio huius : qui tamen Panurgum illū
 non solum , ut Roscij discipulus fuisse diceretur , do-
 mum recepit , sed etiam summo cum labore , stoma-
 cho , miseriaq. erudiit . nam quo quisque est solertior ,
 & ingeniosior , hoc docet iracundius , & laboriosius .
 quod enim ipse celeriter arripuit , id cum tarde perci-
 pi uidet , discruciat . Paullo longius oratio mea
 prouecta est hac de caussa , ut condicionem societatis
 diligenter cognosceretis . quæ deinde consecuta ? Pa-
 nurgum , inquit , hunc seruum communem , Q. Fla-
 uius Tarquiniensis quidam interfecit . in hanc rem ,
 inquit , me cognitorem dedisti : lite contestata , iudi-
 cio damni iniuria constituto , tu sine me cum Flavio
 decidisti : utrum pro dimidia parte , an pro tota socie-
 tate ? planius dicam : utrum pro me , an pro me , &
 pro te ? pro me ? potui . exemplo multorum licitum
 est : iure fecerunt multi : nihil in ea re tibi iniuriæ fe-
 ci :

ci : pete tu tuum : exige, & aufer quod debetur : suā
 quisque partem iuris possideat , ac persequatur . at
 enim tu tuum negotium gessisti bene : gere et tu tuum
 bene . magno tuam dimidiam partem decidisti : ma-
 gno & tu tuam partem decide . HS ccc iooo tu
 abstulisti : si sit hoc uero , HS ccc iooo tu quo-
 que aufer . sed hanc decisionem Roscij , oratione , &
 opinione augere licet , re , & ueritate mediocrem &
 tenuem esse inuenietis . accepit enim agrum tempori-
 bus ijs , cum iacerent pretia prædiorum : qui ager ne
 que uillam habuit , neque ex ulla parte fuit cultus :
 qui nunc multo pluris est , quàm tunc fuit . neque id
 est mirum . tum enim propter reip. calamitates om-
 nium possessiones erant incertæ : nunc , deum immor-
 talium benignitate , omnium fortunæ sunt certæ . tū
 erat ager incultus , sine tecto , nunc est cultissimus ,
 cum optima uilla . Veruntamen , quoniam natura tā
 maleuolus es , nunquam ista te molestia , & cura li-
 berabo . Placare suum negotium gessit Roscius , fun-
 dum fructuosissimum abstulit : quid ad te ? tuam par-
 tem dimidiam , quemadmodum uis , decide . Vertit
 hic rationem , & id , quod probare non potest , fin-
 gere conatur . de tota re , inquit , decidisti . Ergo huc
 uniuersa causa deducitur , utrū Roscius cum Flauio
 de sua parte , an de tota societate fecerit pactiōnem .
 nam ego Roscium , si quid communi nomine tetigit ,
 confiteor præstare debere societati . societatis , non
 suas lites redemit , cum fundum a Flauio accepit .
 quid ita satis non dedit , amplius a se neminem peti-
 turum ?

O R A T I O

turum? qui de sua parte decedit, reliquis integram relinquit actionem: qui pro socijs transigit, satisfat neminem eorum postea petiturum. quid ita Flauio si bi cauere non uenit in mentem? nesciebat uidelicet Panurgum fuisse in societate: sciebat. nesciebat Fannium Roscio esse socium: praeclare. nam iste cum eo litem contestatam habebat. cur igitur decedit, & non restipulatur, neminem amplius petiturum? cur de fundo decedit, & iudicio non absoluitur? cur tam imperite facit, ut nec Roscium stipulatione alliget, neque a Fannio iudicio se absoluat? est hoc primum & ex condicione iuris, & ex consuetudine cautionis grauissimum, & firmissimum argumentum: quod ego pluribus uerbis amplecterer, si non alia certiora & clariora testimonia in causa haberem. & ne forte me hoc frustra pollicitum esse praedices, te, te, inquam, Fanni ab tuis subsellijs contra te testem suscitabo. Criminatio tua quæ est? Roscium cum Flauio pro societate decidisse: quo tempore? abhinc annis quatuor. Defensio mea quæ est? Roscium pro sua parte cum Flauio transegisse. repromittis tu abhinc triennium Roscio. quid? recita istam restipulationem clarius. attende quæso, Piso: Fannium inuitum, & huc atque illuc tergiuersantem, testimonium contra se dicere cogo. quid enim restipulatio clamat? **Q U O D A FLAVIO ABSTVLERO, PARTEM DIMIDIAM INDE ROSCIO ME SOLVTVRVM SPONDEO.** tua uox est, Fanni. quid tu auferre potes a Flauio, si Flauius nihil debet? quid hic porro nunc

PRO
nunc restipul
uero Flauius
debut, dissolu
confecto, in so
interponitur
roscio? arbitri
opera, pro labo
na obisset, roga
hac condicione,
tem eius dimidi
stipulatio dicere
decidisse? At em
repromississe Fann
eius parte dimidi
tu non exitum es
betare debes me
a se fuit, iudica
redemisse. Quis
fannem ueterem
hanc Fannij H
Panurgi nomina
in optimi exitum
te quarebam, in
bas, qua de cam
pactionem, neq
cio absolueretur
& incredibile
rare decidisse
tim Fannio e

nunc restipulatur, quod iam pridem ipse exegit? quid uero Flavius tibi daturus est, qui Roscio omne, quod debuit, dissoluit? cur in re tam ueteri, in negotio tam confecto, in societate dissoluta, noua hæc restipulatio interponitur? quis est huius restipulationis scriptor? testis? arbiter? quis? tu, Piso: tu enim Q. Rosciū pro opera, pro labore, quod cognitor fuisset, quod uadimonia obisset, rogasti ut Fānio daret HS CCCICCCC, hac condicione, ut, si quid ille exegisset a Flauio, partem eius dimidiam Roscio dissolueret. satis ne ista restipulatio dicere tibi uidetur aperte, Roscium pro se decidisse? At enim forsitan hoc tibi ueniat in mentē, repromisisse Fanniū Roscio, si quid a Flauio exegisset, eius partē dimidiam; sed omnino exegisse nihil. Quid? tu non exitum exactionis, sed initium repromissionis spectare debes: neque, si ille persequi noluit, non, quod in se fuit, iudicauit Roscium suas, non societatis lites redemisse. Quid, si tandem planum facio, post decisionem ueterem Roscij, post repromissionem recentem hanc Fannij HS CCCICCCC Fannium a Q. Flauio Panurgi nomine abstulisse? tamen diutius illudere uiri optimi existimationi Q. Roscij audebit? paullo ante quærebam, id quod uehementer ad rem pertinebat, qua de caussa Flavius, cum de tota lite faceret pactionem, neque satis acciperet a Roscio, neque iudicio absolueretur a Fannio. nunc uero, id quod mirum & incredibile est, requiro, quamobrem, cum de tota re decidisset cum Roscio, HS CCCICCCC separatim Fannio dissoluit. hoc loco, Saturi, quid pares respondere,

O R A T I O

spondere, scire cupio; utrum, omnino Fannium a Flauio H S C C C I O O O non abstulisse, an alio nomine, & alia de causa abstulisse? si alia de causa; quæ ratio tibi cum eo intercesserat? nulla. addictus erat tibi? non. frustra tempus contero. omnino, inquit, H S C C C I O O O a Flauio non abstulit neque Panurgi nomine, neque cuiusquam. si planum facio, post hanc recentem stipulationem Roscij H S C C C I O O O a Flauio te abstulisse; nunquid causæ est, quin ab iudicio abeas turpissime uictus? quo teste igitur hoc planum faciam? uenerat, ut opinor, hæc res in iudicium? certe. quis erat petitor? Fannius. quis reus? Flauius. quis iudex? Cluius. ex his unus mihi testis est producendus, qui pecuniam datam dicat. quis est ex his grauissimus? sine controuersia, qui omnium iudicio comprobatus est, iudex. quem igitur ex his tribus a me testem expectabis? petitorum? Fannius est: contra se nunquam testimonium dicet. reum? Flauius est: is iam pridem est mortuus: si uiueret, uerba eius audiretis. iudicem? Cluius est. quid is dicit? H S C C C I O O O Panurgi nomine Flauium Fannio dissoluisse. quem tu si ex censu spectas, eques R. est: si ex uita, homo clarissimus est: si ex te, iudicem sumpsisti: si ex ueritate, id, quod scire potuit, & debuit, dixit. nega, nega nunc, equiti R. homini honesto, iudici tuo, credi oportere. circumspicit, æstuat, negat nos Cluij testimonium recitatuos. recitabimus: erras: inani, & tenui spe te consolaris. recita testimoniū T. Manilij, et C. Lusciij Ocreæ, duorum

PRO
rum senator
Cluius audien
lio, an & Clui
apertius dicam
de H S C C C I
uius falsam La
soluto & quiet
iensoniam tuam
enim, & sanct
tam causa Ros
tam est, quibus
de. Manilio, &
ande. est tue can
uersa uox. quid
& Manilium an
des natu, natura
miliaris locuplet
mihi detraha
ne fructum, qu
uea adolescentia
nequam illorum
laudem. Tibi u
coquendum est,
line, an Manili
credas. Reliqu
scio, & Manili
dentia est? em
probat? ei
rit? eius testi

rum senatorum, hominum ornatissimorum, qui ex Cluio audierunt. Vtrum dicis, Luscius, & Manilio, an & Cluio non esse credendum? planius atque apertius dicam: utrum Luscius, & Manilius nihil de HS CCCIOOO ex Cluio audierunt, an Cluuius falsum Luscio, & Manilio dixit? hoc ego loco, soluto & quieto sum animo: &, quorsum recidat responsum tuum, non magnopere laboro: firmissimis enim, & sanctissimis testimonijs uirorum optimorum causa Roscij communita est. si iam tibi deliberatum est, quibus abroges fidem iurisiurandi: responde. Manilio, & Luscio negas esse credendum? dic, aude. est tuae contumacia, arrogantia, uitaeq. uniuersae uox. quid exspectas, quam mox ego Luscium, & Manilium dicam ordine esse senatores, atate grades natu, natura sanctos & religiosos, copijs rei familiaris locupletes, & pecuniosos? non faciam: nihil mihi detraham, cum illis exactae aetatis seuerissime fructum, quem meruerunt, retribuam. magis mea adolescentia indiget illorum bona existimatione, quam illorum seuerissima senectus desiderat mea laudem. Tibi uero, Piso, diu deliberandum, & concoquendum est, utrum potius Cherea iniurato in sua lite, an Manilio, & Luscio iuratis in alieno iudicio credas. Reliquum est, ut Cluuium falsum dixisse Luscio, & Manilio contendat. quod si facit, qua impudentia est? eum ne testem improbabit, quem iudicem probabit? ei negabit credi oportere, cui ipse crediderit? eius testis ad iudicem fidem infirmabit, cuius propter

ORATIO

pter fidem & religionem iudicis testes comparabat? quem ego si ferrem iudicem, refugere non deberet; cum testem producam, reprehendere audebit? Dixit enim, inquit, iniuratus Luscio, & Manilio. si diceret iuratus, crederes? at quid interest inter periurū, & mendacem? qui mentiri solet, peierare consuevit. quem ego, ut mentiatur, inducere possum; ut peieret, exorare facile potero. nam qui semel a ueritate deflexit, hic non maiore religione ad periuriū, quā ad mendacium, perducī consuevit. quis enim deprecatione deorum, non conscientiae fide, commouetur? propterea, quae pœna ab dijs immortalibus periuro, hæc eadem mendaci constituta est. non enim ex patetione uerborum, quibus iusiurandum comprehenditur, sed ex perfidia, & malitia, per quam insidiae tenduntur alicui, dij immortales hominibus irasci, & succensere consueverunt. At ego hoc ex contrario contendo. leuior esset auctoritas Cluij, si diceret iuratus, quā nunc est, cum dicit iniuratus. tum enim forsitan improbis nimis cupidus uideretur, qui, quade re iudex fuisset, testis esset: nunc omnibus inimicis, necesse est, castissimus, & constantissimus esse uideatur, qui id, quod scit, familiaribus suis dicit. Dic nunc, si potes, si res, si causa patitur, Cluium esse mentitum. mentitus est Cluius? ipsa mihi ueritas manum iniecit, & paullisper consistere, & commorari cogit. Vnde hoc totum ductum, & conflatum mendacium est? Roscius est uidelicet homo callidus & uersutus: hoc initio cogitare cœpit: quoniam Fannius

nus a me petit HS ICCC, petam a C. Cluuius, equi-
 te R. ornatissimo homine, ut mea causa mentiatur;
 dicat decisionem factam esse, quæ facta non est; HS
 CCC ICCC a Flauio data esse Fannio, quæ data non
 sunt. est hoc principium improbi animi, miseri inge-
 nij, nullius consilij. quid deinde? Postea quàm se præ-
 clare confirmauit, uenit ad Cluuium, quem hominē?
 leuem? immo grauissimum: mobilem? immo con-
 stantissimum: familiarem? immo alienissimum. hūc
 postea quàm salutauit, rogare cœpit, blande & con-
 cinne scilicet: mentire mea causa; uiris optimis, tuis
 familiaribus, præsentibus dic Flauium cum Fannio
 de Panurgo decidisse, qui nihil transēgit: dic HS
 CCC ICCC dedisse, qui assem nullum dedit. Quid il-
 le? ego uero cupide, & libenter mentiar tua causa:
 & si quando me uis peierare, ut paullulum tu com-
 pendij facias, paratum fore scito. non fuit causa, cur
 tantum laborem caperes, & ad me uenires: per nun-
 cium hoc, quod erat tam leue transigere potuisti. Pro-
 deum hominumq. fidem: hoc aut Roscius unquam a
 Cluuius petisset, si HS millies in iudicium haberet:
 aut Cluuius Roscio petiti concessisset, si uniuersæ præ-
 da particeps esset? uix mediusfidius tu, Fanni, a
 Ballione, aut aliquo eius simili hoc postulare aude-
 res, & impetrare posses: quod cum est ueritate fal-
 sum, tum ratione quoque est incredibile. obliuiscor
 enim Roscium & Cluuium uiros esse primarios: im-
 probos, temporis causa esse fingo. falsum suborna-
 uit testem Roscius Cluuium: cur tam sero? cur, cum
 altera

O R A T I O

altera pensio soluenda esset, non tamen, cum prima?
nam iam antea HS I 000 dissoluerat. deinde, si
iam persuasum erat Cluuius ut mentiretur; cur potius
HS CCC I 000, quam CCC I 000 CCC I 000
CCC I 000, data dixit Fannio a Flavio, cum ex
restipulatione pars eius dimidia Roscij esset? Iam in-
telligis, C. Piso, sibi soli, societati nihil Roscium pe-
tisse. hoc cum sentit Saturius esse apertum, resistere,
& repugnare contra ueritatem non audet: aliud frau-
dis, & insidiarum in eodem uestigio diuerticulum re-
perit. petisse, inquit, suam partem Roscium a Flavio
confiteor: uacuam, & integram reliquisse Fannij,
concedo: sed, quod sibi exegit, id commune societa-
tis factum esse contendo. quo nihil captiosius, neque
indignius potest dici. Quero enim, potuerit ne Ro-
scius ex societate suam partem petere, nec ne? si non
potuit, quemadmodum abstulit? si potuit, quemad-
modum non sibi exegit? nam quod sibi petitur, certe
alteri non exigitur. an ita est? si, quod uniuersae so-
cietatis fuisset, petisset: quod tum exactum esset, æ-
qualiter omnes partirentur: nunc, cum petierit quod
sue partis esset, non, quod abstulit, soli sibi exegit?
Quid interest inter eum, qui per se litigat, & qui co-
gnitor est datus? qui per se litem contestatur, sibi so-
li petit: alteri nemo potest, nisi qui cognitor est fa-
ctus. ita ne uero? cognitor si fuisset tuus; quod uicif-
set iudicio, ferres tuum: suo nomine petijt; quod ab-
stulit, tibi, non sibi exegit? quod si quisquam petere
potest alteri, qui cognitor non est factus: quæro, quid
ita,

ita, cum Panurgus esset interfectus, & lis contesta-
 ta cum Flavio damni iniuria esset, tu in eam litem co-
 gnitor Roscij sis factus? cum praesertim ex tua ora-
 tione, quodcunque tibi peteres, huic peteres; quod-
 cunque tibi exigeres, id in societatem recideret. quod
 si ad Roscium nihil perueniret, quod tu a Flavio abstu-
 lisses, nisi te in suam litem dedisset cognitorem: ad te
 peruenire nihil debet, quod Roscius pro sua parte exe-
 git, quoniam tuus cognitor non est factus. quid enim
 huic rei respondere poteris, Fanni? cum de sua parte
 Roscius transigit cum Flavio, actionem tibi tuam re-
 liquit, an non? si non reliquit, quemadmodum H-S
 CCCI DDD ab eo postea exegisti? si reliquit, quid
 ab hoc petis, quod per te persequi & petere debes?
 simillima enim, & maxime gemina societas heredi-
 tatis est. quemadmodum socius in societate habet par-
 tem: sic heres in hereditate habet partem. ut heres
 sibi soli, non coheredibus, petit: sic socius sibi soli,
 non socijs, petit: & quemadmodum uterque pro sua
 parte petit, sic pro sua parte dissoluit; heres ex sua
 parte, qua hereditatem adiit; socius ex ea, qua socie-
 tatem coijt. quemadmodum suam partem Roscius
 suo nomine condonare potuit Flavio, ut eam tu non
 peteres: sic cum exegit suam partem, & tibi inte-
 gram petitionem reliquit, tecum partiri non debet.
 nisi forte tu peruerso more, quod huius est, ab alio ex-
 torquere non potes, huic eripere potes. Perstat in
 sententia Saturius; quodcunque sibi petat socius, id
 societatis fieri. quod si ita est: qua, malum, stultitia

I fuit

D I V I N A T I O

*fuit Roscius, qui ex iuris peritorum consilio & aucto-
ritate restipularetur a Fannio diligenter, ut, quod is
exegisset a Flavio, dimidiam partem sibi dissolueret;
siquidem sine cautione, & repromissione nihilo mi-
nus id Fannius societati, hoc est Roscio, debebat?*

desiderantur non pauca.

D I V I N A T I O I N C. V E R R E M, S I V E D E C O N S T I T V E N D O A C C V S A T O R E .

O R A T I O I I I I .

*I Q V I S uestrum, iudices, aut eorum,
qui adsunt, forte miratur, me, qui tot an-
nos in causis, iudicijsq. publicis ita sim-
versatus, ut defenderim multos, laeserim
neminem, subito nunc, mutata uoluntate, ad accusandum
descendere; is, si mei consilij causam rationemq. co-
gnouerit, una & id, quod facio, probabit, & in hac
causa profecto neminem mihi esse praeposendum auctorem
putabit. Cum quaestor in Sicilia fuisset, iudices, itaq. ex
ea prouincia decessissem, ut Siculis omnibus iucun-
dam diuturnamq. memoriam quaesturae nominisq.
mei relinquerem; factum est, uti cum summum in ue-
teribus patronis multis, tum non nullum etiam in
me*

me præsidium suis fortunis constitutum esse arbitra-
rentur. qui nunc populati, atque uexati, cuncti ad
me publice sæpe uenerunt, ut suarum fortunarum om-
nium causam defensionemq. susciperem. me sæpe es-
se pollicitum, sæpe ostendisse dicebant, si quod tem-
pus accidisset, quo tempore aliquid a me requirerent,
commodis eorum me non defuturum. uenisse tempus
aiebant, non iam ut commoda sua, sed ut uitam salu-
temq. totius prouinciæ defenderem: sese iam ne deos
quidem in suis urbibus, ad quos confugerent, habe-
re, quod eorum simulacra sanctissima C. Verres ex
delubris religiosissimis sustulisset: quas res luxuries
in flagitijs, crudelitas in supplicijs, auaritia in rapi-
nis, superbia in contumelijs efficere potuisset, eas om-
nes sese hoc uno prætore per triennium pertulisse: ro-
gare, & orare, ne illos supplices aspernarer, quos
me incolumi nemini supplices esse oporteret. Tuli gra-
uiter, et acerbe, iudices, in eum me locum adductum,
ut aut eos homines spes falleret, qui opem a me, at-
que auxilium expectassent; aut ego, qui me ad defen-
dendos homines ab ineunte adolescentia dedissem,
tempore atque officio coactus ad accusandum traduce-
rer. Dicebam, habere eos actorem Q. Cecilium, qui
præsertim quæstor in eadem prouincia post me quæ-
storem fuisset. quo ego adiumento sperabam hanc a
me molestiam posse dimoueri, id mihi erat aduersa-
rium maxime. nam illi multo mihi hoc facilius remi-
sissent, si istum non nossent, aut si iste apud eos quæ-
stor non fuisset. adductus sum, iudices, officio, fide, mi-

I 2 sericordia,

DIVINATIO

sericordia, multorum bonorum exemplo, ueteri consuetudine, institutoq. maiorum, ut onus hoc laboris, atque officij non ex meo, sed ex meorum necessariorum tempore mihi suscipiendum putarem. quo in negotio tamen illa me res, iudices, consolatur, quod hæc quæ uidetur esse accusatio mea, non potius accusatio, quàm defensio est existimanda. defendo enim multos mortales, multas ciuitates, prouinciæ Siciliam totam. quamobrem si mihi unus est accusandus, propemodum manere in instituto meo uideor, & non omnino a defendendis hominibus subleuandisq. discedere. quod si hanc causam tam idoneam, tam illustrem, tam grauem non haberem; si aut hoc a me Siculi non petissent, aut mihi cum Siculis causa tantæ necessitudinis non intercederet, & hoc, quod facio, me reip. causa faceret profiterer, ut homo singulari cupiditate, audacia, scelere præditus, cuius furti, atque flagitia non in Sicilia solum, sed in Achaia, Asia, Cilicia, Pamphylia, Romæ denique ante oculos omnium maxima, turpissimaq. nossemus, me agente in iudicium uocaretur: quis tandem esset, qui meum factum, aut consilium posset reprehendere? quid est, pro deum hominumq. fidem, in quo ego reip. plus hoc tempore prodesse possim? quid est, quod aut populo R. gratius esse debeat, aut socijs exterisq. nationibus optatius esse possit, aut saluti fortunisq. omnium magis accommodatum sit? populatæ, uexatæ, funditus euersæ prouinciæ: socij, stipendiarij q. populi R. afflictæ, miseri, iam non salutis spem, sed exitij solatium

solatium qu
senatorum
non habere
tatem de fide
tis incommo
nihil aequi in
um grauitate
hanc potest
quod quoque
acum culpa,
quod affectus
satur, id iam p
n hac libidine
f. quædãdã
tis ordinis offe
modis remedi
itaque integra
tem me salutis
reip. subleu
quoniam, quib
rm, demonstra
tione nostra, ac
qui possitis, ha
cum de pecuni
tur, si certame
latio detur, in
maxime uel
cantur inuicem
iurias fecisse

solatium quærent . qui iudicia manere apud ordinem
 senatorium uolunt , queruntur accusatores se idoneos
 non habere . qui accusare possunt , iudiciorum seueri-
 tatem desiderant . populus R . interea , tametsi mul-
 tis incommodis difficultatibusq . affectus est , tamen
 nihil æque in rep . atque illam ueterem iudiciorum
 uim grauitatemq . requirit . iudiciorum desiderio tri-
 bunicia potestas efflagitata est . iudiciorum leuitate
 ordo quoque alius ad res iudicandas postulatur . iu-
 dicum culpa , atque dedecore etiam censoriũ nomen ,
 quod asperius antea populo uideri solebat , id nunc po-
 scitur , id iam populare , atque plausibile factum est .
 in hac libidine hominum nocentissimorum , in populi
 R . quotidiana querimonia , iudiciorum infamia , to-
 tius ordinis offensione , cum hoc unum his tot incom-
 modis remedium esse arbitrarer , ut homines idonei ,
 atque integri causam reip . legumq . susciperent ; fa-
 teor me salutis omnium causa ad eam partem acces-
 sisse reip . subleuandæ , quæ maxime laboraret . nunc ,
 quoniam , quibus rebus adductus ad causam accesserim ,
 demonstraui ; dicendum necessario est de conten-
 tione nostra , ut in constituendo accusatore , quod se-
 qui possitis , habeatis . Ego sic intelligo , iudices :
 cum de pecunijs repetundis nomen cuiuspiam defera-
 tur , si certamen inter aliquos sit , cui potissimum de-
 latio detur , hæc duo in primis spectari oportere ; quæ
 maxime uelint actorem esse ij , quibus factæ esse di-
 cantur iniuriæ ; & quem minime uelit is , qui eas in-
 iurias fecisse arguatur . in hac causa , iudices , tametsi

DIVINATIO

utrumque esse arbitror perspicuum, tamen de utroque dicam, & de eo prius, quod apud uos plurimum debet ualere, hoc est de uoluntate eorum, quibus iniuriæ factæ sunt, quorum causa iudicium de pecunijs repetundis est constitutum. Siciliam prouinciam C. Verres per triennium depopulatus esse, Siculorum ciuitates uastasse, domos exinanisse, fana spoliasse dicitur. adsunt, queruntur Siculi uniuerfi: ad meam fidem, quam habent spectatam iam, & diu cognitam, confugiunt: auxilium sibi per me a uobis, atque a populo R. legibus petunt: me defensorem calamitatum suarum, me ultorem iniuriarum, me cognitorem iuris sui, me actorem causæ totius esse uoluerunt. Vtrum, Q. Cæcili, hoc dices, me non Siculorum rogatu ad causam accedere, an optimorum fidelissimorum sociorum uoluntatem apud hos grauem esse non oportere? si id audebis dicere, quod C. Verres, cui te inimicum esse simulas, maxime existimari uult, Siculos hoc a me non petisse: primum causam inimici tui subleuabis; de quo non præiudicium, sed plane iudicium iam factum putatur, quod ita percrebuit, Siculos omnes actorem suæ causæ contra illius iniurias quæsisse. hoc si tu, inimicus eius; factum negabis, quod ipse, cui maxime hæc res obstat, negare non audeat: uideto, ne nimium familiariter inimicitias exercere uideare. deinde sunt testes uiri clarissimi nostræ ciuitatis: quos omnes a me nominari non est necesse: eos, qui adsunt, appellabo: quos, si mentirer, testes esse impudentiæ meæ minime uellem. scit is, qui est

in

in consilio, C.
C. Lentulus
Siculi ma
nomini
non modo
menter esse
uerit, aut
quid ego his
ma sit. ad
qui present
in actore cau
iudicio ne dis
ta legationes
in duarum si
nerentur, que
micata sunt.
peditum petime
peditum, nec
ri, cum id ita per
in nescio, cur it
mi obicitur, n
ali non sumo
mea non puto
quam relinquo
tum, non ita es
tuabis, facili
fuit emper ha
uis a hoc mal
quam me; m

in consilio, C. Marcellus : scit is, quem adesse uideo, C. Lentulus Marcellinus : quorum fide, atque presidio Siculi maxime nituntur, quod omnino Marcellorum nomini tota illa prouincia adiuncta est. hi sciunt, hoc non modo a me petatum esse, sed ita sepe, & ita uehementer esse petatum, ut aut causa mihi suscipienda fuerit, aut officium necessitudinis repudiandum. sed quid ego his testibus utor? quasi res dubia, aut obscura sit. adsunt homines ex tota prouincia nobilissimi qui praesentes uos orant atque obsecrant, iudices, ut n. actore causae suae deligendo uestrum iudicium a sui iudicio ne discrepet. omnium ciuitatum totius Siciliae legationes adsunt, praeter duas ciuitates : quarum duarum si adessent, duo crimina uel maxima minuerentur, quae cum his ciuitatibus C. Verri communicata sunt. At enim cur a me potissimum hoc presidium petiuerunt? si esset dubium, petissent a me presidium, nec ne; dicerem, cur petissent: nunc uero cum id ita perspicuum sit, ut oculis iudicare possitis, nescio, cur hoc mihi detrimento esse debeat, si id mihi obijciatur, me potissimum esse delectum. uerum id mihi non sumo, iudices, & hoc non modo in oratione mea non pono, sed ne in opinione quidem cuiusquam relinquo, me omnibus patronis esse praepositum. non ita est: sed uniuscuiusque, temporis, ualitudinis, facultatis ad agendum, ducta ratio est. mea fuit semper haec in hac re uoluntas, & sententia, quae uis in hoc mallent, de ijs, qui essent idonei, suscipere, quam me; me ut mallent, quam neminem. Reli-

DIVINATIO

quum est, iam ut illud quæramus ; cum hoc constet ,
 Siculos a me petisse, ecquid hanc rem apud uos, ani-
 mosq. uestros ualere oporteat, ecquid auctoritatis
 apud uos in suo iure repetundo socij populi R. suppli-
 ces uestri habere debeant. de quo quid ego plura con-
 memorem? quasi uero dubium sit, quin tota lex de pe-
 cunijs repetundis sociorum caussa constituta sit. nan-
 ciuibus cum sunt erepta pecunia, ciuili fere actioni,
 & priuato iure repetuntur: hac lex socialis est: hic
 ius nationum exterarum est: hanc habent arcem, ni-
 nus aliquanto nunc quidem munitam, quam antea;
 ueruntamen, si qua reliqua spes est, quæ sociorum ani-
 mos consolari possit, ea tota in hac lege posita est. cu-
 ius legis non modo a populo R. sed etiam ab ultimis
 nationibus iam pridem seueri custodes requiruntur.
 quis igitur est, qui neget oportere eorum arbitrati
 lege agi, quorum caussa lex sit constituta? Sicilia to-
 ta, si una uoce loqueretur, hoc diceret: quod auri,
 quod argenti, quod ornamentorum in meis urbibus,
 sedibus, delubris fuit, quod in unaquaque re benefi-
 cio senatus populiq. R. iuris habui, id mihi tu, C.
 Verres, eripuisti, atque abstulisti. quo nomine as-
 te sestertium millies ex lege repeto. si uniuersa, ut
 dixi, prouincia loqui posset, hac uoce uteretur. qu-
 niam id non poterat, harum rerum actorem, quon-
 idoneum esse arbitrata est, ipsa delegit. in huiusmodi
 re quisquam tam impudens reperietur, qui ad alie-
 nam causam inuitis ijs, quorum negotium est, ace-
 dere, aut aspirare audeat? Si tibi, Q. Cæcili, oc-
 Siuli

Siculi dicerem
 nunquam te a
 fortunas defen-
 se id dicerent
 hoc dicunt, ut
 inforem esse su-
 le. cur nolint,
 mutacent. tam
 in aliena causa
 de omnibus defe-
 rim alunt? tam
 neque uelle su-
 natur? cur eor-
 nam, quam ha-
 iam, in extorren-
 diffinis ijs, quib-
 ur, de quibus in-
 nunc plane fortun-
 na modo perfeq-
 do calamitatis a-
 quem eorum affi-
 perte alium, sed
 laborare? At
 xime uelint: a-
 quo Verres min-
 tam palam de-
 contendit, qu-
 mihi delatio
 se arbitrat

Siculi dicerent ; te non nouimus ; nescimus , qui sis ;
 nunquam te antea uidimus ; sine nos per eum nostras
 fortunas defendere , cuius fides est nobis cognita : non
 ne id dicerent , quod cuius probare deberent ? nunc
 hoc dicunt , utrumque se nosse , alterum se cupere de-
 fensorem esse fortunarum suarum , alterum plane nol-
 le . cur nolint , etiam si tacent , satis dicunt . uerum
 non tacent . tamen his inuitissimis te offeres ? tamen
 in aliena causa loquere ? tamen eos defendes , qui se
 ab omnibus desertos potius , quam abs te defensos es-
 se malunt ? tamen his operam tuam pollicebere , qui
 te neque uelle sua causa , nec , si cupias , posse arbi-
 trantur ? cur eorum spem exiguan reliquarum fortu-
 narum , quam habent in legis & iudicii seueritate po-
 sitam , ui extorquere conaris ? cur te interponis inui-
 tissimis ijs , quibus maxime lex consultum esse uult ?
 cur , de quibus in prouincia non optime es meritus , eos
 nunc plane fortunis omnibus conaris euertere ? cur ijs
 non modo persequendi iuris sui , sed etiam deploran-
 da calamitatis adimis potestatem ? nam , te actore ,
 quem eorum affuturum putas , quos intelligis , non ut
 per te alium , sed ut per aliquem te ipsum ulciscantur ,
 laborare ? At enim solum id est , ut me Siculi ma-
 xime uelint : alterum illud credo obscurum est , a
 quo Verres minime se accusari uelit . ecquis unquam
 tam palam de honore , tam uehementer de salute sua
 contendit , quam ille , atque illius amici , ut ne hac
 mihi delatio detur ? sunt multa , quae Verres in me es-
 se arbitratur , quae scit in te , Q. Caeli , non esse :
 quae

D I V I N A T I O

*quæ cuiusmodi in utroque nostrum sunt , paullo post
 commemorabo : nunc tantum id dicam , quod taci-
 tus tu mihi assentiare ; nullam rem in me esse , quam
 ille contemnat ; nullam in te , quam pertimescat . ita
 que magnus ille defensor , & amicus eius , tibi Hor-
 tensius suffragatur , me oppugnat : aperte ab iudici-
 bus petit , ut tu mihi antepone : & ait , hoc se ho-
 neste , sine ulla inuidia , ac sine ulla offensione conten-
 dere . non enim , inquit , illud peto , quod soleo , cum
 uehementius contendere , impetrare : reus ut absolua-
 tur , non peto : sed ut ab hoc potius , quàm ab illo ac-
 cusetur , id peto . da mihi hoc : concede , quod facile
 est , quod honestum , quod non inuidiosum : quod cum
 dederis , sine ullo tuo periculo , sine infamia illud de-
 deris , ut is absoluator , cuius ego causa laboro . &
 ait idem , ut aliquis metus adiunctus sit ad gratiam ,
 certos esse in consilio , quibus ostendi tabellas uelit :
 id esse perfacile : non enim singulos ferre sententias ,
 sed uniuersos constituere : ceratam unicuique tabel-
 lam dari cera legitima , non illa infami , ac nefaria .
 atque is non tam propter Verrem laborat , quàm
 quòd eum minime res tota delectat . uidet enim , si a
 pueris nobilibus , quos adhuc elusit , si a quadripla-
 toribus , quos non sine causa contempsit semper , ac
 pro nihilo putauit , accusandi uoluntas ad uiros for-
 tes , spectatosq. homines translata sit , se in iudicijs
 dominari non posse . huic ego homini iam ante denun-
 cio ; si a me causam hanc uos agi uolueritis , ratio-
 nem illi defendendi totam esse mutandam , & ita ta-
 men*

men mutandam, ut meliore, & honestiore condicio-
 ne sit, quàm qua ipse esse uult; ut imitetur homines
 eos, quos ipse uidit, amplissimos, L. Crassum, &
 M. Antonium, qui nihil se arbitrabantur ad iudi-
 cia causasq. amicorum, præter fidem, & ingenium,
 afferre oportere. nihil erit, quod me agente arbitre-
 tur iudicium sine magno multorum periculo posse cor-
 rumpi. ego in hoc iudicio mihi Siculorum causam
 receptam, populi R. susceptam esse arbitror: ut mi-
 hi non unus homo improbus opprimendus sit, id quod
 Siculi petierunt, sed omnino omnis improbitas, id
 quod populus R. iam diu flagitat, extinguenda, at-
 que delenda sit. in quo ego quid eniti, aut quid effice-
 re possim, malo in aliorum spe relinquere, quàm in
 oratione mea ponere. Tu uero, Cæcili, quid potes?
 quo tempore, aut qua in re non modo specimen cete-
 ris aliquod dedisti, sed tute tui periculum fecisti? in
 mentem tibi non uenit, quid negotij sit, causam pu-
 blicam sustinere? uitam alterius totam explicare?
 atque eam non modo in animis iudicum, sed etiam in
 oculis, conspectuq. omnium exponere? sociorum sa-
 lutem, commodaprovinciarum, uim legum, graui-
 tatem iudiciorum defendere? cognosce ex me, quo-
 niam hoc primum tempus discendi nactus es, quàm
 multa esse oporteat in eo, qui alterum accuset: ex
 quibus si unum aliquod in te cognoueris, ego iam tibi
 ipse istuc, quod expetis, mea uoluntate concedam.
 primum integritatem, atque innocentiam singula-
 rem: nihil est enim, quod minus ferendum sit, quàm
 rationem

DIVINATIO

rationem ab altero uita repositum eum, qui non possit
sua reddere. hic ego de te plura non dicam: unum il-
lud credo omnes animaduertere, te adhuc ab nullis,
nisi a Siculis, potuisse cognosci: Siculos hoc dicere,
cum eidem sint irati, cui tu te inimicum esse dicis, se
se tamen, te actore, ad iudicium non affuturos. qua-
re negent, ex me non audies: hos patere id suspicari,
quod necesse est. illi quidem, ut est hominum genus
nimis acutum, & suspiciosum, non te ex Sicilia lit-
teras in Verrem deportare uelle arbitrantur, sed,
cum iisdem litteris illius prætura, & tua quaestura
consignata sit, asportare te uelle ex Sicilia litteras
suspiciantur. Deinde, accusatorem firmum, uerumq.
esse oportet. eum ego si te putem cupere esse, facile
intelligo esse non posse. nec ea dico, quæ, si dicam,
tamen infirmare non possis: te, ante quam de Sicilia
decesseris, in gratiam redisse cum Verre: Potamo-
nem, scribam, & familiarem tuum, retentum esse
a Verre in prouincia, cum tu decederes: M. Caci-
lium, fratrem tuum, lectissimum, atque ornatissi-
mum adolescentem, non modo non adesse, neque te-
cum tuas iniurias persequi, sed esse cum Verre, cum
illo familiarissime, atque amicissime uiuere. sunt
hæc, & alia in te falsi accusatoris signa permulta:
quibus ego nunc non utor: hoc dico, te, si maxime
cupias, tamen uerum accusatorem esse non posse. ui-
deo enim permulta esse crimina, quorum tibi societas
cum Verre eiusmodi est, ut ea in accusando attingere
non audeas. Queritur Sicilia tota C. Verrem ab ara-
toribus,

toribus, cum frumentum sibi in cellam imperauisse,
 & cum esset tritici modius HS I I, pro frumento in
 modios singulos duodenos sestertios exegisse. ma-
 gnum crimen, ingens pecunia, furtum impudens,
 iniuria non ferenda. ego hoc uno crimine illum con-
 demnem, necesse est. tu, Cæcili, quid facies? u-
 trum hoc tantum crimen pratermites, an obijcies?
 si obijcies; id ne alteri crimini dabis, quod eodem
 tempore in eadem prouincia tu ipse fecisti? audebis
 ita accusare alterum, ut, quo minus tute condemne-
 re, recusare non possis? si pratermittes; qualis erit
 ista tua accusatio? quæ domestici periculi metu, cer-
 tissimi & maximi criminis non modo suspicionem,
 uerum etiam mentionem ipsam pertimescat. Emptū
 est ex S. C. frumentum ab Siculis prætor Verre,
 pro quo frumento pecunia omnia soluta non est. gra-
 ue est hoc crimen in Verrem, graue me agente, te
 accusante nullum. eras enim tu quæstor: pecuniam
 publicam tu tractabas: ex qua, etiam si cuperet
 prætor, tamen, ne qua deductio fieret, magna ex
 parte tua potestas erat. huius quoque igitur crimi-
 nis, te accusante, mentio nulla fiet. filebitur toto iu-
 dicio de maximis, & notissimis illius furtis, & iniu-
 rijs. mihi crede, Cæcili, non potest in accusando,
 socios uere defendere is, qui cum reo criminum socie-
 tate coniunctus est. Mancipes a ciuitatibus pro fru-
 mento pecuniam exegerunt. quid? hoc Verre præ-
 tore factum est solum? non, sed etiam quæstore Cæ-
 cilio. quid igitur? daturus es huic crimini, quod &
 potuisti

DIVINATIO

potuisti prohibere ne fieret, & debuisti? an totum id relinques? ergo id omnino Verres in iudicio suo non audiet, quod cum faciebat, quemadmodum defensusus esset, non reperiebat. atque ego hæc, quæ in medio posita sunt, commemoro: sunt alia magis occulta furti; quæ ille, ut istius credo animos, atque impetus retardaret, cum quaestore suo benignissime communicavit. hæc tu scis ad me esse delata: quæ si uelim proferre, facile omnes intelligent, uobis inter uos non modo uoluntatem fuisse coniunctam, sed ne prædam quidem adhuc esse diuisam. Quapropter si tibi indicium postulas dari, quod tecum una fecerit: concedo, si id lege permittitur. sin autem de accusatione dicimus: concedas oportet ijs, qui nullo suo peccato impediuntur, quo minus alterius peccata demonstrare possint. Ac uide, quantum inter futurum sit inter meam, atque tuam accusationem. ego, etiam quæ tu sine Verre commisisti, Verri crimini daturus sum, quod te nõ prohibuerit, cum summam ipse haberet potestatem. tu contra, ne quæ ille quidem fecit, obijcies, ne quæ ex parte coniunctus cum eo reperiare. Quid illa, Cæcili? contemnenda ne tibi uidentur esse? sine quibus causa sustineri, præsertim tanta, nullo modo potest. aliqua facultas agendi, aliqua dicendi consuetudo, aliqua in foro, iudicijs, legibus aut ratio, aut exercitatio. intelligo, quam scopuloso, difficiliq. in loco uerser. nam cum omnis arrogantia odiosa est, tum illa ingenij, atque eloquentiæ multo molestissima. quamobrem nihil dico de meo

meo ingenio;
si esset, diceret
de me opinionem
ego maius id
re, Cæcili, iam
nem certamen
ipse quemad
nam: & tu t
pulis, consider
tribus q. re
prouincia, ius p
pcepit, tot n
memoria, consi
i, quæ C. Ver
quæ in prætura
Albaia, Asia
modum loca
ribus, & orat
quod in eiusmodi
u, quæ ille libe
fecerit, ea acq
is, qui audierit
magna sunt ea
temerere. dicen
omnia: causa
inter cupit
agere, aut p
diant, uerum
quo si te mal

meo ingenio; neque est, quod possim dicere; neque, si esset, dicerem. aut enim id mihi satis est, quod est de me opinionis, quidquid est: aut, si id parum est, ego maius id commemorando facere non possum. de te, Cæcili, iam mehercule hoc extra hanc contentionem certamenque nostrum familiariter tecum loquar. tu ipse quemadmodum existimes, uide etiam atque etiam: & tu te collige: & qui sis, & quid facere possis, considera. putas ne te posse de maximis, acerbissimisque rebus, cum causam sociorum, fortunasque provinciarum, ius populi Romani, gravitatem iudicii, legumque susceperis, tot res, tam graues, tam uarias, uoce, memoria, consilio, ingenio sustinere? putas ne te posse, quæ C. Verres in quaestura, quæ in legatione, quæ in prætura, quæ Romæ, quæ in Italia, quæ in Achaia, Asia, Pamphyliaque patrarit, ea, quemadmodum locis, temporibusque diuisa sint, sic criminibus, & oratione distinguere? putas ne posse, id quod in eiusmodi reo maxime necessarium est, facere, ut, quæ ille libidinosæ, quæ nefariæ, quæ crudeliter fecerit, ea æque acerba, & indigna uideantur esse ijs, qui audient, atque illis uisa sunt, qui senserunt? magna sunt ea, quæ dico. mihi crede, noli hæc contemnere. dicenda, demonstranda, explicanda sunt omnia; causa non solum exponenda, sed etiam grauiter copioseque agenda est: perficiendum est, si quid agere, aut perficere uis, ut homines te non solum audiant, uerum etiam libenter, studioseque audiant. in quo si te multum natura adiuuaret; si optimis a pueritia

DIVINATIO

ritia disciplinis, atque artibus studuisses, & in his elaborasses; si litteras græcas Athenis, non Lilybæi, latinas Romæ, non in Sicilia didicisses: tamen esset magnum, tantam causam, tam expectatam & diligentia consequi, & memoria complecti, & oratione exponere, & uoce, & uiribus sustinere. Fortasse dices: quid? ergo hæc in te sunt omnia? utinam quidem essent: ueruntamen, ut esse possent, magno studio mihi a pueritia est elaboratum. quod si ego hæc propter magnitudinem rerum, ac difficultatem assequi non potui, qui in omni uita nihil aliud egi: quàm longe tu te ab his rebus abesse arbitrare, quas non modo antea nunquam cogitasti, sed ne nunc quidem, cum in eas ingrederis, quæ & quantæ sint, suspicari potes? ego, qui, sicut omnes sciunt, in foro iudicijsq. ita uersor, ut eiusdem ætatis aut nemo, aut pauci plures causas defenderint, & qui omne tempus, quod mihi ab amicorum negotijs datur, in his studijs, laboribusq. consumam, quo paratior ad usum forensem, promptiorq. esse possim; tamen, ita deos mihi uelim propitios, ut, cum illius diei mihi uenit in mentem, quo die, citato reo, mihi dicendum sit, non solum commoueor animo, sed etiam toto corpore perhorresco. iam nunc mente, & cogitatione prospicio, quæ tum studia hominum, qui cursus futuri sint, quantam expectationem magnitudo iudicij sit allatura, quantam auditorem multitudinem C. Verris infamia concitatura, quantam denique audientiam orationi meæ improbitas illius fati-

tura

Etura sit. quæcum cogito, iam nunc timeo, quidnam pro offensione hominum, qui illi inimici, infensiq. sunt, & expectatione omnium, & magnitudine rerum dignum eloqui possim. tu horum nihil metuis, nihil cogitas, nihil laboras: & si quid ex uetere aliqua oratione; Iouem ego Optimum Maximū, aut, Vellem, si fieri potuisset, iudices; aut aliquid eiusmodi ediscere potueris; præclare te paratum in iudicium uenturum arbitraris. ac, si nemo tibi responsurus esset, tamen ipsam causam, ut ego arbitror, demonstrare non posses: nunc ne illud quidem cogitas, tibi cum homine disertissimo, & ad dicendum paratissimo futurum esse certamen? quicum modo differendum, modo omni ratione pugnandum, certandumq. sit. cuius ego ingenium ita laudo, ut non pertimescam; ita probo, ut me ab eo delectari facilius, quàm decipi putem posse. nunquam ille me opprimet consilio, nunquam ullo artificio peruertet: nunquam ingenio me suo labefactare, atque infirmare conabitur: noui omnes hominis petitiones, rationesq. dicendi: sæpe in iisdem, sæpe in contrarijs causis uersati sumus. ita contra me ille dicet, quamuis sit ingeniosus, ut non nullum etiam de suo ingenio iudicium fieri arbitretur. te uero, Cæcili, quemadmodum sit elusus, quàm omni ratione iactaturus, uidere iam uideor: quoties ille tibi potestatem optionemq. facturum sit, ut eligas utrum uelis; factum esse, nec ne; uerum esse, an falsum: utrum dixeris, id contra te futurum. qui tibi æstus, qui error, quæ

K te-

DIVINATIO

tenebræ, dii immortales, erunt, homini minime malo. quid, cum accusationis tuæ membra diuidere cœperit, & in digitis suis singulas partes causæ constituit? quid, cum unumquodque transigere, expedit, absolvere? ipse profecto metuere incipies, ne innocenti periculum facefferis. quid, cum commiserari, conqueri, & ex illius inuidia deonerare aliquid, et in te transigere cœperit? commemorare quæ storis cum prætoris necessitudinem constitutam? morē maiorum? sortis religionem? poteris ne eius orationis subire inuidiæ? uide modo, etiam atque etiam cōsidera. mihi enim uidetur periculum fore, ne ille non modo uerbis te obruat, sed gestu ipso, ac motu corporis præstringat aciem ingenij tui, teq. ab institutis tuis, cogitationibusq. abducatur. atque huiusce rei iudicium iam continuo uideo futurum. si enim mihi hodie respondere ad hæc, quæ dico, potueris; si ab isto libro, quem tibi magister ludi nescio quis est alienis orationibus compositum dedit, uerbo uno discesseris: posse te & illi quoque iudicio non deesse, & causæ atque officio tuo satisfacere arbitrabor. sin mecum in hac prolusione nihil fueris, quem te in ipsa pugna eum acerrimo aduersario fore putemus? Esto: ipse nihil est, nihil potest: at uenit paratus cum subscriptoribus exercitatis, & disertis. est tamen hoc aliquid, tametsi non est satis omnibus enim rebus is, qui princeps in agendo est, ornatissimus, & paratissimus esse debet. ueruntamen. L. Apuleium esse uideo proximum subscriptorem, hominem non ætate, sed usu forensi

forensi atque
nor, habet
quid in dicen
mando quiden
exercitatum.
ris actor con
u is quidem t
hom potest; sed
ex eo, quod
mittet, ut tu
bus Gracis fieri
larum, aut terr
in claris placere
nere, ut ille p
suet. Alienus
us aliquando co
derate, cuius
mus habituri, c
quam habet,
suis tamen deniq
mus minus uide
do partes conce
non uideo, nisi
qui subscription
delationem de
bus ita parat
tus. quibus eg
ut ad ea, qua
necumque re

forensi atque exercitatione tironem . deinde , ut opi-
nor , habet Allienum , hunc tamen a subsellijs : qui
quid in dicendo possit , nunquam satis attendi : in cla-
mando quidem uideo eum esse bene robustum , atque
exercitatum . in hoc spes tuæ sunt omnes . hic , si tu
eris actor constitutus , totum iudicium sustinebit . ac
ne is quidem tantum contendet in dicendo , quan-
tum potest ; sed consulet laudi , & existimationi tuæ ,
& ex eo , quod ipse potest in dicendo , aliquantum re-
mittet , ut tu tamen aliquid esse uideare . ut in actori-
bus Græcis fieri uidemus ; sæpe illum , qui est secun-
darum , aut tertiarum partium , cum possit aliquan-
to clarius dicere , quàm ipse primarum , multum sum-
mitere , ut ille princeps quammaxime excellat : sic
faciet Allienus : tibi seruiet : tibi lenocinabitur : mi-
nus aliquanto contendet , quàm potest . iam hoc con-
siderate , cuiusmodi accusatores in tanto iudicio si-
mus habituri , cum & ipse Allienus ex ea facultate ,
si quam habet , aliquantum detracturus sit ; & Cæ-
cilius tum denique se aliquid futurum putet , si Allie-
nus minus uehemens fuerit , & sibi primas in dicen-
do partes concesserit . quantum quem sit habiturus ,
non uideo , nisi quem forte ex illo grege oratorum ,
qui subscriptionem sibi postularunt , cuicumque uos
delationem dedissetis . ex quibus alienissimis homini-
bus ita paratus uenis , ut tibi hospes aliquis sit recipiē-
dus . quibus ego non sum tantum honorem habiturus ,
ut ad ea , quæ dixerint , certo loco , aut singulatim
unicuique respondeam . sic breuiter , quoniam non

DIVINATIO

consulto, sed casu in eorum mentionem incidi, quasi præteriens satisfaciam uniuersis. tanta ne uobis inopia uideor esse amicorum, ut mihi non ex his, quos mecum adduxerim, sed de populo subscriptor addatur? uobis autem tanta inopia reorum est, ut mihi causam præripere conemini potius, quàm aliquos a columna Menia uestri ordinis reos reperiatis? custodem, inquit, Tullio me apponite. quid? mihi quàm multis custodibus opus erit, si te semel ad meas capsas admisero? qui, non solum ne quid enuncies, sed etiam ne quid auferas, custodiendus sis. sed de isto custode toto sic uobis breuissime respondebo: unquam esse hos tales uiros commissuros, ut ad causam tantam, a me susceptam, mihi creditam, quisquam subscriptor, me inuito, aspirare possit: etenim fides mea custodem repudiat, diligentia speculatorem reformidat. Verum ut ad te, Cæcili, redeam, quàm multa te deficiant, uides: quàm multa sint in te, quæ reus nocens in accusatore suo cupiat esse, profecto iam intelligis. quid ad hæc dici potest? non enim quæro, quid tu dicturus sis. uideo, mihi non te, sed hunc librum esse responsurum, quem monitor tuus hic tenet. qui si recte monere uolet, suadebit tibi, ut hinc discedas, neque mihi uerbum ullum respondeas. quid enim dices? an id, quod dictitas, iniuriam tibi fecisse Verrem? arbitror: neque enim esset uerisimile, cum omnibus Siculis faceret iniurias, te illi unum eximium, cui consuleret, fuisse. sed ceteri Siculi ultorem suarum iniuriarum inuenerunt: tu, dum tuas iniu-

iniurias per
id agis, ut ce
atque inult
stari solere,
alisci; in quo
quo alterum,
posset, quæsi
utti oportere
Verres ini
ius indices gra
son, an pro
iam? opinor
bonibus ser
tibi antepo
iuria accusat
iorem sui in
ius causæ adop
miam, quæ
no incommo
drem pertine
qua causæ in
me: nam iste
numquam pro
na, liberta V
questorem cog
præfectus An
ducebat per
cebat. tum
reorum, &

iniurias per te, id quod non potes, persequi conaris, id agis, ut ceterorum quoque iniuriæ sint impunitæ, atque inultæ. & hoc te præterit, non id solum spectari solere, qui debeat, sed etiam illud, qui possit ulcisci; in quo utrumque sit, eum superiorem esse; in quo alterum, in eo, non quid is uelit, sed quid facere possit, quæri solere. Quod si ei potissimum censes per mitti oportere accusandi potestatem: cui maximam C. Verres iniuriam fecerit: utrum tandem censes hos iudices grauius ferre oportere, te ab illo esse læsum, an prouinciam Siciliam esse uexatam, ac perditam? opinor, concedis, multo hoc esse grauius, & ab omnibus ferri grauius oportere. concede igitur, ut tibi anteponatur in accusando prouincia. nam prouincia accusat, cum is agit causam, quem sibi illa defensore sui iuris, ultorem iniuriarum, actorem totius causæ adoptauit. At eam tibi C. Verres fecit iniuriam, quæ ceterorum quoque animos posset alieno incommodo commouere. Minime. nam id quoque ad rem pertinere arbitror, qualis iniuria dicatur, quæ causa inimicitiarum proferatur. cognoscite ex me: nam iste eam profecto, nisi plane nihil sapit, nunquam proferet. Agonis est quædam Lilybæatana, liberta Veneris Erycinæ, quæ mulier ante hunc quæstorem copiosa plane, & locuples fuit. ab hac præfectus Antonij quidam symphonicos seruos abducebat per iniuriam, quibus se in classe uti uelle dicebat. tum illa, ut mos in Sicilia est omnium Venerorum, & eorum, qui a Venere se liberauerunt,

DIVINATIO

ut præfecto illi religionem Veneris, nomenq. obijce-
ret, dixit & se, & omnia sua Veneris esse. ut hoc
quæstori Cæcilio, uiro optimo, & homini æquissimo,
nunciatum est; uocari ad se Agonidem iubet: iudi-
cium dat statim, si pareret eam se, & sua Veneris
esse dixisse. iudicant recuperatores id, quod necesse
erat. neque enim erat cuiquam dubium, quin illa di-
xisset. iste in possessionem bonorum mulieris mittit:
ipsam Veneri in seruitutem adiudicat: deinde bona
uendit: pecuniam redigit. ita, dum pauca mancipia
Veneris nomine Agonis, ac religione retinere uult,
fortunas omnes, libertatemq. suam istius iniuria per-
didit. Lilybæum Verres uenit postea: rem cognoscit:
factum improbat: cogit quæstorem suum pecuniam,
quam ex Agonidis bonis redegisset, eam mulieri om-
nem adnumerare, & reddere. est adhuc, id quod
uos omnes admirari uideo, non Verres, sed Q. Mu-
cius. quid enim facere potuit elegantius ad hominum
existimationem, æquius ad leuandam mulieris cala-
mitatem, uehementius ad quæstoris libidinem coer-
cendam? summe hæc omnia mihi uidentur esse laudan-
da: sed repente e uestigio ex homine, tanquam ali-
quo Circeo poculo, factus est Verres: redit ad se,
atque ad mores suos: nam ex illa pecunia magnam
partem ad se auertit: mulieri reddidit, quantulum-
uisum est. Hic tu si læsum te a Verre esse dices, pa-
tiar, & concedam: si iniuriam tibi factam quereris,
defendam, & negabo. Deinde, de iniuria, quæ ti-
bi facta sit, neminem nostrum grauiorem uindicem
esse

esse oportet, &
cum illo postea
quoties fuisti;
et periculosum,
ideo esse neces-
sario, quo
ne iniuria qua
remanet? quæ
iam non mo-
do illud, quod
fuisse. quæ
m, uter nostrum
ne suscipiend-
re, causam nec
quam uideri opo-
re iniurias acci-
em laudem, quæ
illum illius in-
pod tu iniuriam
quam ne in alio
necessitudinem
nam ab illo acci-
fuisti, non potes
si uero nulla tibi
cursare non pote-
quenquam esse
tuperatione
quid differat
omnibus reb-

esse oportet, quàm te ipsum, cui facta dicitur. si tu cum illo postea in gratiam redisti; si domi illius aliquoties fuisti; si ille apud te postea cenauit: utrum, te perfidiosum, an prauaricatorẽ existimari mauis? uideo esse necesse alterutrum. sed ego tecum in eo non pugnabo, quo minus, utrum uelis, eligas. Quid, si re iniuriæ quidem, quæ tibi ab illo facta sit, causæ remanet? quid habes, quod possis dicere, quamobrem non modo mihi, sed cuiquam antepondere? nisi forte illud, quod dicturum te esse audio; quæstorem illius fuisse. quæ causæ grauis esset, si certares mentionem, uter nostrum illi amicior esse deberet: in contentione suscipiendarum inimicitiarum ridiculum est putare, causam necessitudinis ad inferendum periculum iustam uideri oportere. etenim si plurimas a tuo prætore iniurias accepisses; tamen, eas ferendo, maiorem laudem, quàm ulciscendo mererere: cum uero nullum illius in uita rectius factum sit, quàm id, quod tu iniuriam appellas; hi statuent, hanc causam, quam ne in alio quidem probarent, in te iustam ad necessitudinem uiolandam uideri? qui si summam iniuriam ab illo accepisti: tamen, quoniam quæstor eius fuisti, non potes eum sine ulla uituperatione accusare. si uero nulla tibi facta est iniuria: sine scelere eum accusare non potes. quare, cum incertum sit de iniuria; quenquam esse horum putas, qui non malit te sine uituperatione, quàm cum scelere discedere? At uide, quid differat inter meam opinionem, ac tuam. tu cum omnibus rebus inferior sis, hac una re te mihi antefere

DIVINATIO

ri putas oportere, quòd quaestor illius fueris. ego, si superior ceteris rebus esses, te hanc unam ob causam accusatorem repudiari putarem oportere. sic enim a maioribus nostris accepimus, praetorem quaestri suo parentis loco esse oportere, nullam neque iustitiam, neque graviores causas necessitudinis posse reperiri, quàm coniunctionem sortis, quàm provinciam, quàm officij, quàm publicam muneris societatem. quamobrem si iure eum possis accusare, tamen, cum is tibi parentis numero fuisset, id pie facere non posses. cum uero neque iniuriam acceperis, & praetori tuo periculum crees: fatearis, necesse est, te illi iniustum impiumq. bellum inferre conari. etenim ista quae stura ad eam rem ualet, ut elaborandum tibi in ratione reddenda sit, quamobrem, eum, cui quaestor fueris, accuses; non ut ob eam ipsam causam postulandum sit, ut tibi potissimum accusatio detur. neque ferre unquam uenit in contentionem de accusando qui quaestor fuisset, quin repudiaretur. itaque neque L. Philoni in C. Seruilius nominis deferendi potestas est data, neque M. Aurelio Scauro in L. Flaccum, neque Cn. Pompeio in T. Albutium: quorum nemo propter indignitatem repudiatus est, sed ne libido uiolanda necessitudinis auctoritate iudicium comprobaretur. atque ille ita cum C. Iulio contendit, ut tu mecum. quaestor enim Albutij fuerat, ut tu Verris. Iulius hoc secum auctoritatis ad accusandum afferebat, quòd, ut hoc tempore nos ab Siculis, fictum ille ab Sardis rogatus ad causam accesserat. semper
haec

haec causa p
sandi fuit bon
cia pro exter
suscipere, ad
laborem inter
causa, qui in
dolori suo, no
causa honeste
fidelitatem gra
ria, sociorum
que iniurijs co
ut fortissimus
minis postulat
io. se ueteres
quid diceret: cu
libat plurimum
eum sibi. Acha
lex ipsa de pec
uram populi
non eum legis
tari, quem ad
fortissimum sa
quod ad contra
dum non multo
splendidior, u
eum, cui qua
doq. maiora
cium conueni
atque amice

hæc causa plurimum ualuit: semper hæc ratio accusandi fuit honestissima, pro socijs, pro salute prouinciæ pro exterarum nationum commodis inimicitias suscipere, ad periculum accedere, operam, studium, laborem interponere. etenim si probabilis est eorum causa, qui iniurias suas persequi uolunt, qua in re dolori suo, non reip. commodis seruiunt: quanto illa causa honestior, quæ non solum probabilis uideri, sed etiâ grata esse debet, nulla priuatim accepta iniuria, sociorum atque amicorum populi R. dolore atque iniurijs commoueri? nuper cum in P. Gabinium uir fortissimus & innocentissimus L. Piso delatione nominis postularet, & contra Q. Cæcilius peteret, isq. se ueteres inimicitias, iam diu susceptas, persequi diceret: cum auctoritas, & dignitas Pisonis ualebat plurimum, tum illa erat causa iustissima, quod eum sibi Achæi patronum adoptarant. etenim cum lex ipsa de pecunijs repetundis sociorum, atque amicorum populi R. causa comparata sit; iniquum est, non eum legis iudicijq. actorem idoneum maxime putari, quem actorem causæ suæ socij, defensoremq. fortunarum suarum potissimum esse uoluerunt. an quod ad commemorandum est honestius, id ad probandum non multo uideri debet æquius? utra igitur est splendidior, utra illustrior commemoratio: Accusauimus eum, cui quæstor fueram, quicum me sors consuetudoq. maiorum, quicum me deorum hominumq. iudicium coniunxerat: an, Accusauimus rogatu sociorum atque amicorū; delectus sum ab uniuersa prouinciâ, qui

DIVINATIO

qui eius iura fortunasq. defenderem? dubitare quisquam potest, quin honestius sit, eorum causa, apud quos quaestor fueris, quam eum, cuius quaestor fueris, accusare? Clarissimi viri nostrae civitatis, temporibus optimis, hoc sibi amplissimum pulcherri-
mumq. ducebant, ab hospitibus clientibusq. suis, ab exteris nationibus, quae in amicitiam populi R. ditio-
nemq. essent, iniurias propulsare, eorumq. fortunas defendere. M. Catonem illum sapientem, clarissimu-
uirum, et prudentissimum, cum multis graues inimi-
citas gessisse accepimus propter Hispanorum, apud quos consul fuerat, iniurias. nuper Cn. Domitium
scimus M. Silano diem dixisse propter unius hominis Egritomari, paterni amici, atque hospitis, iniurias.
neque enim magis animos hominum nocentium res unquam ulla commouit, quam haec maiorum consue-
tudo longo interuallo repertita, atque relata. Socio-
rum querimoniæ delatae ad hominem non inertissi-
mum: susceptae ab eo, qui uidebatur eorum fortunas.
fide, diligentiaq. sua posse defendere. hoc timent ho-
mines: hoc laborant: hoc institui, atque adeo insti-
tutum referri, ac renouari moleste ferunt. putant fo-
re, uti, si paullatim haec consuetudo serpere, ac prodi-
re cæperit, per homines honestissimos, virosq. for-
tissimos, non imperitos adolescentulos, aut illiusmo-
di quadruplatores, leges iudiciaq. administrantur.
cuius consuetudinis, atque instituti patres maioresq.
nostros non penitebat, tum, cum P. Lentulus, is, qui
princeps senatus fuit, accusabat M. Aquilliu, subscri-
ptore

ptore C. R. R.
mo virtute, f.
postea quam
in iudicium u.
men: inre au.
testas grauis l.
no illo, quod in
calatibus pr a
ne ferant, Qu
femari, qui an
fatum, ea iam
ro atatis non re
bonoris am
bis, & misero
fui aut hoc rem
reip. iudicis q.
tam iutio, ac ta
quam, iudicio
mos, & integ
at, sine hoc q
inquam medic
la salus reip. m
fuit, non min
quam illos, qu
pertimescere.
sissimeq. accu
mationis uer
tuere, iudic
inquam opi

ptore C. Rutilio Rufo; aut cum P. Africanus, homo uirtute, fortuna, gloria, rebus gestis amplissimus, postea quàm bis consul, & censor fuerat, L. Cottam in iudicium uocabat. iure tum florebat populi R. nomen: iure auctoritas huius imperij, ciuitatisq. maiestas grauis habebatur. nemo mirabatur in Africano illo, quod in me nunc, homine paruis opibus, ac facultatibus praedito, simulant sese mirari: cum moleste ferant, Quid sibi iste uult? accusatorem ne se existimari, qui antea defendere consueuerat? nunc praesertim, ea iam etate, cum aedilitatem petat. ego uero etatis non modo meae, sed multo etiam superioris, & honoris amplissimi puto esse, & accusare improbos, & miseros calamitososq. defendere. & profecto aut hoc remedium est aegrotae, ac prope desperatae reip. iudicijsq. corruptis, ac contaminatis paucorum uitio, ac turpitudine, homines ad legum defensionem, iudiciorumq. auctoritatem quam honestissimos, & integerrimos, diligentissimosq. accedere: aut, si ne hoc quidem prodesse poterit, profecto nulla unquam medicina his tot incommodis reperietur. nulla salus reip. maior est, quàm eos, qui alterum accusant, non minus de laude, de honore, de fama sua, quàm illos, qui accusantur, de capite, ac fortune suis pertimescere. itaque semper ij diligentissime, laboriosissimeq. accusarunt, qui se ipsos in discrimen existimationis uenire arbitrati sunt. Quamobrem hoc statuere, iudices, debetis, Q. Caelium, de quo nulla unquam opinio fuerit, nullaq. in hoc ipso iudicio exspectatio

DIVINATIO

*ſpectatio futura ſit, qui neque, ut ante collectam ſa-
 mam conſeruet, neque, uti reliqui temporis ſpem con-
 firmet, laborat, non nimis hanc cauſſam ſeuere, non
 nimis accurate, non nimis diligenter acturum. habet
 enim nihil, quod in offenſione deperdat, ut turpiſſime
 flagitioſiſſimeq. diſcedat: nihil de ſuis ueteribus or-
 namentis requireret. a nobis multos obſides habet po-
 pulus R. quos ut incolumes conſeruare, tueri, conſir-
 mare, ac recuperare poſſimus, omni ratione erit dimi-
 candum. habet honorem, quem petimus: habet ſpē,
 quam propoſitam nobis habemus: habet exiſtimatio-
 nem multo ſudore, labore, uigilijsq. collectam: ut, ſi
 in hac cauſſa noſtrum officium, ac diligentiam proba-
 uerimus, hæc, quæ dixi, retinere per populum R. in-
 columbia, ac ſalua poſſimus: ſin tantulum offenſum,
 titubatumq. ſit, ut ea, quæ ſingulatim ac diu colle-
 cta ſunt, uno tempore uniuerſa perdamus. Quapro-
 pter, iudices, ueſtrum eſt, deligere quem exiſtimetis
 facillime poſſe magnitudinem cauſſæ, ac iudicij ſuſti-
 nere fide, diligentia, conſilio, auctoritate. uos, ſi mi-
 hi Q. Cæcilium antepoſueritis; ego me dignitate ſu-
 peratum non arbitror, populus R. ne tam hone-
 ſtam, tam ſeueram, diligentemq. accuſationem ne-
 que uobis placuiſſe, neque ordini ueſtro placere arbi-
 tretur, prouidete.*

ACTIO

ACTIO PRIMA IN

C. VERREM.

ORATIO V.

79

QUOD erat optandum maxime, iudices, & quod unum ad inuidiam uestri ordinis, infamiamque iudiciorum sedandam maxime pertinebat, id non humano consilio, sed prope diuinitus datum, atque oblatum uobis summo reip. tempore uidetur. inuenerunt enim iam opinio, pernicioſa reip. uobisq. periculosa, quæ non modo Romæ, sed & apud exteras nationes omnium sermone percrebuit, his iudicijs, quæ nunc sint, pecuniosum hominem, quamuis sit nocens, neminem posse damnari. nunc in ipso discrimine ordinis iudiciorumq. uestrorum, cum sint parati qui concionibus & legibus hanc inuidiam senatus inflammare conentur, reus in iudicium adductus est C. Verres, homo uita, atque factis, omnium iam opinione, damnatus, pecuniæ magnitudine, sua spe, ac prædicatione absolutus. Huic ego causæ, iudices, cum summa uoluntate, & expectatione populi R. actor accessi; non ut augerem inuidiâ ordinis; sed ut infamiæ communi succurrerem. adduxi enim hominem, in quo re conciliare existimationem iudiciorum amissam, redire in gratiam cum populo R. satisfacere exteris nationibus possetis, depeculatorem ærarij, uexatorem Asiæ,

ACTIO PRIMA

Asiae, atque Pamphyliae, praedonem iuris urbani, la-
 bem atque perniciem provinciae Siciliae. de quo si uos
 seuerè, religioseq. iudicaueritis: auctoritas ea, quae
 in uobis remanere debet, hærebit. sin istius ingentes
 diuitiae iudiciorum religionem ueritatemq. perfrege-
 rint: ego hoc tamen assequar, ut iudicium potius reip.
 quam aut reus iudicibus, aut accusator reo defuisse
 uideatur. equidem, ut de me confitear, iudices, cum
 multa mihi a C. Verre insidiae terra mariq. factae
 sint, quas partim mea diligentia deuitarim, partim
 amicorum studio, officioq. repulerim; nunquam ta-
 men neque tantum periculum mihi adire uisus sum,
 neque tantopere pertinui, ut nunc in ipso iudicio: ne-
 que tantum me expectatio accusationis meae, concur-
 susq. tanta multitudinis, quibus ego rebus uehemen-
 tissime perturbor, commouet; quantum istius insidiae
 nefariae, quas uno tempore mihi, uobis, N. Glabrio-
 ni praetori, socijs, exteris nationibus, ordini, nomi-
 ni, denique senatorio facere conatur. qui ita dictitat,
 ijs esse metuendum, qui, quod ipsis solis satis esset,
 surripuissent; se tantum rapuisse, ut id multis satis es-
 se possit; nihil esse tam sanctum, quod non uiolari, ni-
 hil tam munitum, quod non expugnari pecunia pos-
 sit. quod si, quàm audax est ad conandum, tam esset
 obscurus in agendo: fortasse aliqua in re nos aliquan-
 do fefelleret: uerum hoc adhuc percomode cadit, quod
 cum incredibili eius audacia singularis stultitia con-
 iuncta est. nam ut apertus in corripiendis pecunijs
 fuit, sic in spe corrumpendi iudicij perspicua sua con-
 silia,

filia, conatus
 timuisse, tum
 cum e provin-
 non recenti, se
 iudicium corru-
 itaque cum ego
 quam postulau-
 biduo breuiore
 ceret diligentia
 re, & uigilijs
 inquisitor ne Er-
 liam totam quae
 populi, priu-
 ierem: ut perpe-
 qua quæ situm esse
 qui meum temp-
 nus, atque ame-
 na paratam, at-
 un modo in anti-
 farta, atque fla-
 multos esse refre-
 R. frequentes p-
 se insignes inu-
 amicis ianis cin-
 etoritatibus, a
 sint; usque co-
 que eo senatori-
 tratur; ut he-
 dum pecunias

filia, conatusq. omnibus fecit. semel ait se in uita per
 timuisse, tum, cum primū reus a me factus sit: quòd,
 cum e prouincia recens esset, inuidiaq. & infamia
 non recenti, sed uetere ac diuturna flagraret, tum ad
 iudicium corrumpendum tempus alienum offenderet.
 itaque cum ego diem in Siciliam inquirendi perexi-
 guam postulauissem, inuenit iste qui sibi in Achaïam
 biduo breuiorem diem postularet: non ut idem confi-
 ceret diligentia, & industria sua, quod ego meo labo-
 re, & uigilijs consecutus sum: etenim ille Achaicus
 inquisitor ne Brundisium quidem peruenit: ego Sici-
 liam totam quinquaginta diebus sic obij, ut omnium
 populorum, priuatorumq. litteras, iniuriasq. cogno-
 scerem: ut perspicuum cuius esse possit, hominem ab
 isto quæsitum esse, non qui reum suum adduceret, sed
 qui meum tempus obsideret. nunc homo audacissi-
 mus, atque amentissimus hoc cogitat: intelligit me
 ita paratum, atque instructum in iudicium uenire, ut
 non modo in auribus uestris, sed in oculis omnium sua
 furta, atque flagitia defixurus sim: uidet senatores
 multos esse testes audaciæ suæ: uidet multos equites
 R. frequentes prætera ciues, atque socios, quibus ip-
 se insignes iniurias fecerit: uidet etiam tot graues ab
 amicissimis ciuitatibus legationes cum publicis au-
 thoritatibus, ac testimonijs conuenisse. quæ cum ita
 sint; usque eò de omnibus bonis male existimat; us-
 que eò senatoria iudicia perditā profligataq. esse arbi-
 tratur; ut hoc palam dictitet, non sine causa se cupi-
 dum pecuniæ fuisse, quoniam tantum in pecunia præ-
 sidium

DIVINATIO

sidium experiatur esse: sese, id quod difficillimum fuerit, tempus ipsum emisse iudicii sui, quo cetera facilius emere posset; ut, quoniam criminum uim subterfugere nullo modo poterat, procellam temporis denigaret. quod si non modo in causa, uerum in aliquo honesto praesidio, aut in alicuius eloquentia, aut gratia spem aliquam collocasset: profecto non haec omnia colligeret, atque aucuparetur; non usque eò despicere, contemneretque ordinem senatorium, ut arbitratu eius diligeretur ex senatu, qui reus fieret, qui, dum hic, quae opus essent, compararet, causam interea ante eum diceret. quibus ego rebus quid iste speret, & quò animum intendat, facile perspicio: quam obrem uero se confidat aliquid perficere posse hoc praetore, & hoc consilio, intelligere non possum. unum illud intelligo, quod populus R. in reiectione iudicium iudicauit; ea spe istum fuisse praeditum, ut omnem rationem salutis in pecunia poneret; hoc erepto praesidio, ut nullam sibi rem adiumento fore arbitraretur. etenim quod est ingenium tantum, quae tanta facultas dicendi, & copia, quae istius uitam tot uitijis flagitijsque conuictam, iam pridem omnium uoluntate, iudicioque damnatum, aliqua ex parte possit defendere? cuius ut adolescentiae maculas, ignominiasque praeteream, quaestura, primus gradus honoris, quid aliud habet in se, nisi Cn. Carbonem spoliatum a quaestore suo pecunia publica? nudatum, & proditum consilem? desertum exercitum? relictam prouinciam? sortis necessitudinem, religionemque uiolatam? cuius

legatio

legatio exitiis
quibus in pro
omnia sana dep
felus suum illu
quastorum; ca
pisset, & in in
plis periculis na
ut, ac prodidit
ram fuit, publi
in iure dicendo,
num instituta ad
num iudicium su
tut monumenta,
ipse per triennium
fuit in antiquam
tem permultos an
ci parte recreari
re Siculi neque
conuenientia iura te
dilia, quantum
in aut imprudeti
sit. nulla res per
locata est: nulla
uita fuit, quae re
uer. immuer ab
no nefarioque in
fium numero d
modum crucia
propter pecunia

legatio exitium fuit Asiae totius, & Pamphyliæ. quibus in provincijs multas domos, plurimas urbes, omnia fana depeculatus est; cum in Cn. Dolabellam scelus suum illud pristinum renouauit, & instarauit quæstorium; cum eum, cui legatus, & proquæstor fuisset, & in inuidiam suis maleficijs adduxit, & in ipsis periculis non solum deseruit, sed etiam oppugnauit, ac prodidit. cuius prætura urbana ædium sacrarum fuit, publicorumq. operum depopulatio: simul in iure dicendo, bonorum possessionumq. contra omnium instituta addictio, & condonatio. iam uero omnium uitiorum suorum plurima, & maxima constituit monumenta, & indicia in provincia Sicilia: quæ iste per triennium ita uexauit, ac perdidit, ut ea restitui in antiquum statum nullo modo possit, uix autem permultos annos, innocentesq. prætores aliqua ex parte recreari aliquando posse uideatur. hoc prætore Siculi neque suas leges, neque nostra S. C. neque communia iura tenuerunt. tantum quisque habet in Sicilia, quantum hominis auarissimi, & libidinosissimi aut imprudētiam subterfugit, aut satietati superfluit. nulla res per triennium, nisi ad nutum istius, iudicata est: nulla res cuiusquam tam patrita, atque auita fuit, quæ non ab eo, imperio istius, abiudicaretur. innumerabiles pecuniæ ex aratorum bonis nouo nefarioq. instituto coactæ: socij fidelissimi in hostium numero existimati: ciues Romani seruilem in modum cruciati, & necati: homines nocentissimi propter pecuniam iudicio liberati, honestissimi, at-

L que

ACTIO PRIMA

que integerrimi, absentes rei facti, indicta causa
 damnati, & eiectionis: portus munitissimi, maxima tu-
 tissimæq. urbes piratis, prædonibusq. patefactæ:
 nautæ, militesq. Siculorum, socij nostri, atque ami-
 ci fame necati: classes optimæ, atque oportunissimæ
 cum magna ignominia populi R. amissæ, & perdi-
 tæ, idem iste prætor monumenta antiquissima par-
 tim regum locupletissimorum, quæ illi ornamento ur-
 bibus esse uoluerunt, partim etiam nostrorum impe-
 ratorum, quæ uictores ciuitatibus Siculis aut dede-
 runt, aut reddiderunt, spoliavit, nudauitq. omnia.
 neque hoc solum in statu publicis, ornamentisq. fe-
 cit: sed etiam delubra omnia, sanctissimis religioni-
 bus consecrata, depeculatus est: deum denique nul-
 lum Siculis, qui ei paullo magis affabre, atque anti-
 quo artificio factus uideretur, reliquit. In stupris ue-
 ro, & flagitijs nefarias eius libidines commemora-
 re, pudore deterreor: simul illorum calamitatem com-
 memorando augere nolo, quibus liberos, coniugesq.
 suas integras ab istius petulantia conseruare non lici-
 tum est. At enim hæc ita commissæ sunt ab isto, ut
 non cognita sint ab omnibus. Hominem esse arbitror
 neminem, qui nomen istius audierit, quin facta quo-
 que eius nefaria commemorare possit: ut mihi magis
 timendū sit, ne multa crimina prætermittere, quam
 ne qua in istum fingere existimer. neque enim mihi ui-
 detur hæc multitudo, quæ ad audiendum conuenit,
 cognoscere ex me causam uoluisse, sed ea, quæ scit,
 necum recognoscere, quæ cum ita sint: iste, homo
 amens,

amens, ac perditus alia mecum ratione pugnat: non id agit, ut alicuius eloquentiam mihi opponat: non gratia, non auctoritate cuiusquam, non potentia nititur: simulat, his se rebus confidere. sed uideo, quid agat: neque enim agit occultissime: proponit inania mihi nobilitatis, hoc est hominum arrogantium, nomina: qui non tam me impediunt, quod nobiles sunt; quam adiuuant, quod noti sunt: simulat se eorum praesidio confidere, cum interea aliud quiddam iam diu machinetur. quam spem nunc habeat in manibus, & quid moliatur, breuiter iam, iudices, exponam: sed prius, ut ab initio res ab eo constituta sit, quaeso cognoscite. ut primum e provincia redijt, redemptio est huius iudicij facta grandi pecunia. ea mansit in condicione atque pacto usque ad eum finem, dum iudices reiecti sunt. postea quam reiectio iudicum facta est: quod & in sortitione, istius spem fortuna populi R. & in reiiciendis iudicibus mea diligentia istorum impudentiam uicerat; renunciata est tota conductio. praclare se res habebat: libelli nominum uestrorum, consilijq. huius in manibus erant omnium: nulla nota, nullus color, nullae sordes uidebantur his sententijs allini posse: cum iste repente ex alacri, atque laeto sic erat humilis, atque demissus, ut non modo populo R. sed etiam sibi ipse condemnatus uideretur. ecce autem repente, his diebus paucis, comitijs consularibus factis, eadem illa uetera consilia pecunia maiore repetuntur, eademq. uestrae famae, fortunisque omnium insidiae per eosdem homines comparantur. quae

L 2 res

ACTIO PRIMA

res primo, iudices, pertenui nobis argumento, iudicioq. patefacta est: post aperto suspicionis introitu ad omnia intima istorum consilia sine ullo errore peruenimus. nam ut Hortensius, consul designatus, domum reducebatur e campo, cum maxima frequentia, a multitudine; sit obuiam casu ei multitudini C. Curio. quem ego hominem honoris potius, quam contumeliæ causâ nominatum uolo. etenim ea dicam, quæ ille si commemorari nolisset, non tanto in conuentu, tam aperte, palamq. dixisset: quæ tamen a me pedetentim, cauteq. dicentur; ut amicitia nostræ, & dignitatis illius habita ratio esse intelligatur. Videt ad ipsum fornicem Fabianum in turba Verrem: appellat hominem, & ei uoce maxima uictoriam gratulatur: ipsi Hortensio, qui consul erat factus, propinquis necessarijsq. eius, qui tum aderant, uerbum nullum facit: cum hoc consistit, hunc amplexatur, hunc iubet sine cura esse. renuncio, inquit, tibi, te hodiernis comitijs esse absolutum. quod cum tam multi homines honestissimi audissent, statim ad me deferretur, immo uero, ut quisque me uiderat, narrabat. alijs illud indignum, alijs ridiculum uidebatur: ridiculum ijs, qui istius causam in testium fide, in criminum ratione, in iudicij potestate, non in comitijs consularibus positam arbitrabantur: indignum ijs, qui altius perspiciebant, & hanc gratulationem ad iudicium corrumpendum spectare arbitrabantur. etenim sic ratiocinabantur, sic honestissimi homines inter se, & mecum loquebantur, aperte iam & perspicue nullo

la esse iudicia : qui reus pridie iam ipse se condemna-
tum putabat, is, postea quàm defensor eius consul est
factus, absoluitur. Quid igitur? quòd tota Sicilia,
quòd omnes Siculi, omnes negotiatores, omnes publi-
cæ priuatæq. litteræ Romæ sunt, nihil ne id ualebit?
nihil, inuito consule designato. Quid iudices? non cri-
mina, non testes, non existimationem populi R. se-
quentur? non : omnia in unius potestate, ac modera-
tione uertentur. uere loquar, iudices. uehementer
me hæc res commouebat. optimus enim quisque ita
loquebatur : iste quidem tibi eripietur, sed nos non te-
nebimus iudicia diutius. etenim quis poterit, Verre
absoluto, de transferendis iudicijs recusare? erat om-
nibus molestum : neque eos tam istius perditæ subita
latitia, quàm hominis amplissimi noua gratulatio
commouebat. Cupiebam dissimulare, me id moleste
ferre : cupiebam animi dolorem uultu tegere, et taci-
turnitate calare. ecce autem illis ipsis diebus, cum
prætores designati sortirentur, & M. Metello obti-
gisset, ut is de pecunijs repetundis quæreret, nuncia-
tur mihi, tantam isti gratulationem esse factam, ut is
quoque domum mitteret, qui uxori suæ nunciarent.
sane ne hæc quidem res mihi placebat : neque tamen,
quid tantopere in hac sorte metuendum mihi esset, in-
telligebam : unum illud ex hominibus certis, ex qui-
bus omnia comperi, reperiēbam, fiscos complures
cum pecunia Siciliensi a quodam senatore ad equitem
R. esse translatos : ex his quasi x fiscos ad senato-
rem illum relictos esse comitiorum meorum nomi-

ACTIO PRIMA

ne : diuifores omnium tribuum noctu ad istum uocatos . ex quibus quidam , qui se omnia mea caussa debere arbitrabatur , eadem illa nocte ad me uenit : demonstrat , qua iste oratione usus esset : commemoras se istum , quàm liberaliter eos tractasset , & iam antea , cum ipse praturam petisset , & proximis consularibus , pratorijsq. comitijs : deinde esse pollicitum quantum uellent pecuniæ , si me ædilitate deiecissent : hic alios negasse audere ; alios respondisse , non putare perfici posse : inuentum tamen esse fortem amicum , ex eadem familia , Q. Verrem Romilia , ex optima diuiforum disciplina , patris istius discipulum , atque amicum , qui , HS quingentis millibus depositis , id se perfecturum polliceretur : & fuisse tamen nonnullos , qui se una facturos esse dicerent . quæ cum ita essent : sane beneuolo animo me , ut magnopere cauerem , præmonebat . Solicitabar rebus maximis uno , atque eo perexiguo tempore . urgebant comitia : & his ipsis oppugnabar grandi pecunia . instabat iudicium : ei quoque negotio fisci Sicilienses minabantur . agere , quæ ad iudicium pertinebant , libere , comitorum metu deterrebar : petitioni toto animo seruire , propter iudicium non licebat . minari denique diuiforibus , ratio non erat , propterea quòd eos intelligere uidebam , me hoc iudicio districtum , atque obligatum futurum . atque hoc ipso tempore Siculis denunciatum esse audio , primum ab Hortensio , domum ad illum ut uenirent : Siculos sane in eo liberos fuisse ; qui , quamobrem accerferentur , cum intelligerent ,

non

non uenissent . interea comitia nostra, quorum iste se,
 ut ceterorum hoc anno comitiorum, dominum esse ar-
 bitratur, haberi cœpta sunt . cursare iste, homo po-
 tens, cum filio blando, & gratioso circum tribus : pa-
 ternos amicos, hoc est diuiores, appellare omnes, &
 conuenire . quod cum esset intellectum, & animad-
 uersum, fecit animo libentissimo populus R. ut, cu-
 ius diuitiæ me de fide deducere non potuissent, ne eius-
 dem pecunijs de honore deicerer . postea quàm illa
 petitionis magna cura liberatus sum, animo cœpi
 multo magis uacuo, ac soluto nihil aliud, nisi de iudi-
 cio, agere, & cogitare . reperio, iudices, hæc ab istis
 consilia inita, & constituta, ut, quacumque opus es-
 set ratione, res ita duceretur, ut apud M. Metellum
 prætorem causa diceretur : in eo esse hæc commoda,
 primum M. Metellum amicissimum, deinde Horten-
 sium consulem, non solum, sed etiam Q. Metellum :
 qui quàm isti sit amicus, attendite : dedit enim præro-
 gatiam suæ uoluntatis eiusmodi, ut isti pro præroga-
 tiuis iam reddidisse uideatur . An me taciturnum tan-
 tius de rebus existimauiſtis ? & in tanto reip. existi-
 nationisq. meæ periculo cuiquam consulturum po-
 tius, quàm officio, & dignitati meæ ? Accersit alter
 consul designatus Siculos : ueniunt non nulli, propte-
 rea quòd L. Metellus esset prætor in Sicilia : cum ijs
 ita loquitur, se consulem esse, fratrem suum alterum
 Sciliam prouinciam obtinere, alterum esse quæsitu-
 rum de pecunijs repetundis : Verri ne noceri possit,
 multis rationibus esse prouisum . Quid est, quæso, Me-

ACTIO PRIMA

telle iudicium corrumpere, si hoc non est, testes, praesertim Siculos, timidos homines, & afflictos, non solum auctoritate deterrere, sed etiam consulari metu, & duorum praetorum potestate? quid faceres pro homine innocente, & propinquo, cum propter hominem perditissimum, atque alienissimum de officio, ac dignitate decedis, & committis, ut, quod ille dictitat, alicui, qui te ignorat, uerum esse uideatur? nam hoc Verrem dicere aiebant: te non fateri, ut ceteros ex uestra familia, sed opera sua consulem factum. Duo igitur consules, & quaesitor erunt ex illius uoluntate. non solum effugiemus, inquit, hominem in quaerendo nimium diligentem, nimium seruientem populi existimationi, Ne. Glabrionem: accedet nobis etiam illud: iudex est M. Caesonius, collega nostri accusatoris, homo in rebus iudicandis spectatus, et cognitus: quem minime expediat esse in eo consilio, quod conemur aliqua ratione corrumpere: propterea quod iam antea, cum iudex in Iuniano consilio fuisset, turpissimum illud facinus non solum grauerit, sed etiam in medium protulit. hunc iudicem ex kal. Ian. non habebimus. Q. Manlium, & Q. Cornificium, duos seuerissimos, atque integerrimos iudices, quod tribuni pl. tum erunt, iudices non habebimus. P. Sulpicius, iudex tristis, & integer, magistratum ineat necesse est nonis Dec. M. Crepereius, ex acerrima illa equestri familia, & disciplina; L. Cassius, ex familia tum ad ceteras res, tum ad iudicandum seuerissima; Cn. Tremellius, homo summa religione, & diligentia;

diligentia; t
res sunt desig
fortemur et i
huic ipsi quae
lan. & prae
magis accus
flationem ad
mus. Non a
re capitis. h
cem dies sicut
ius facturus
inde continuo
diebus interpos
diti erunt, re
dicturos & d
Victoria: cum
quos aut nulli
na, defessa, ac
ad M. Metellum
hominem, si ei
miserem, nunc
pratore, hanc
quam iniurato
ego, iudices, i
tetis. id enim
quod egomet
utar ad dicen
ris, industria
accusatione p

diligentia; tres hi, homines ueteres, tribuni militares sunt designati, ex kal. Ian. non iudicabunt. subfortiemur etiam in M. Metelli locum; quoniam is huic ipsi questioni praefuturus est. ita secundum kal. Ian. & praetore, & prope toto consilio commutato, magnas accusatoris minas, magnamq. iudicij expectationem ad nostrum arbitrium, libidinemq. eludemus. Nonae sunt hodie Sextiles: hora nona conuenire coepistis. hunc diem iam ne numerant quidem. decem dies sunt ante ludos uotiuos, quos Cn. Pompeius facturus est. hi ludi dies quindecim auferent: deinde inde continuo Romani consequentur. ita prope XL diebus interpositis, tum denique se ad ea, quae a nobis dicta erunt, responsuros esse arbitrantur: deinde se ducturos & dicendo, & excusando facile ad ludos *Victoriae*: cum his plebeios esse coniunctos, secundum quos aut nulli, aut pauci dies ad agendum futuri sunt: ita, defessa, ac refrigerata accusatione, rem integram ad M. Metellum praetorem esse uenturam. quem ego hominem, si eius fidei diffusus essem, iudicem non retinuissem. nunc tamē eo animo sum, ut eo iudice, quam praetore, hanc rem transigi malim, & iurato suam, quam iniurato aliorum tabellas committere. Nunc ego, iudices, iam uos consulō, quid mihi faciendū putetis. id enim consilij mihi profecto taciti dabitis, quod egomet mihi necessario capiendum intelligo. si utar ad dicendum meo legitimo tempore: mei laboris, industriae, diligentiaeq. capiam fructum, & ex accusatione perficiam, ut nemo unquam post hominum

ACTIO PRIMA

num memoriam paratior, uigilantior, compositior
ad iudicium uenisse uideatur. sed in hac laude indu-
striae meae, reus ne elabatur, summum periculum est.
quid est igitur, quod fieri possit? non obscurum, opi-
nor, neque absconditum. fructum istum laudis, qui
ex perpetua oratione percipi potuit, in alia tempora
reseruamus: nunc hominem tabulis, testibus, priua-
tis, publicisque litteris, auctoritatibusque accusamus.
Res omnis mihi tecum erit, Hortensi. dicam aperte.
si te mecum dicendo, ac diluendis criminibus in hac
caussa contendere putarem: ego quoque in accusan-
do, atque in explicandis criminibus operam consume-
rem. nunc, quoniam pugnare contra me instituisti
non tam ex tua natura, quam ex istius tempore, &
caussa, malitiose: necesse est istiusmodi rationi ali-
quo consilio obsister. quia ratio est, ut secundum bi-
nos ludos mihi responde re incipias: mea, ut ante pri-
mos ludos comperendinem. ita fiet, ut tua ista ratio
existimetur astuta, meum hoc consilium necessarium.
uerum illud, quod institueram dicere, mihi rem te-
cum esse, huiusmodi est. Ego cum hanc causam Sici-
lorum rogatu recepissem; idque mihi amplum, & prae-
clarum existimaassem, eos uelle meae fidei, diligen-
tiaque periculum facere, qui innocentiae, abstinentiaeque
fecissent: tum, suscepto negotio, maius mihi quiddam
proposui, in quo meam in rempublicam uoluntatem populus
R. perspicere posset. nam illud mihi nequaquam di-
gnum industria, conatuque meo uidebatur, istum a me
in iudicium, iam omnium iudicio condemnatum, uo-
cari,

cari, nisi ista
piditas, qua
uolueris, etiam
terponeretur
dominatio,
stat; & sum
sua neque p
distris in odia
deantur: hoc n
tasse onus, &
gram in quo
contenderem.
probitate, &
quia iudicioru
in inimicum,
uerbum aduer
deposco, quod
in loco, ex quo
agere de rep
murus adilitat
oberrimamq.
micio: qui aut
aut polliceri,
pendi iudicij
tentiam, aut
stineant in bo
re nefario. e
imperio, &
paullo ampli

cari, nisi ista tua intolerabilis potentia, & ea cupiditas, qua per hosce annos in quibusdam iudicijs usus es, etiam in istius hominis desperati causa interponeretur. nunc uero, quoniam hæc te omnis dominatio, regnumq. iudiciorum tantopere delectat; & sunt homines, quos libidinis, infamiæq. suæ neque pudeat, neque tædeat; qui quasi de industria in odium offensionemq. populi R. irruere uideantur: hoc me profiteor suscepisse, magnum fortasse onus, & mihi periculosum, ueruntamen dignum in quo omnes neruos ætatis, industriæq. meæ contenderem. quoniam totus ordo, paucorum improbitate, & audacia, premitur, & urgetur infamia iudiciorum: profiteor, huic generi hominum me inimicum, accusatorem, odiosum, assiduum, acerbum aduersarium. hoc mihi sumo: hoc mihi depono, quod agam in magistratu, quod agam ex eo loco, ex quo me populus R. ex kal. Ian. secum agere de rep ac de hominibus improbis uoluit. hoc munus ædilitatis meæ populo R. amplissimum, pulcherrimumq. polliceor. moneo, prædico, ante denuncio: qui aut deponere, aut accipere, aut recipere, aut polliceri, aut sequestres, aut interpretes corrumpendi iudicij solent esse, quiq. ad hanc rem aut potentiam, aut impudentiam suam professi sunt, abstineant in hoc iudicio manus, animosq. ab hoc scelere nefario. erit tum consul Hortensius cum summo imperio, & potestate: ego autem edilis, hoc est paullo amplius, quàm priuatus. tamen hæc huiusmodi

ACTIO PRIMA

modi res est, quam me acturum esse polliceor, ita populo R. grata, atque iucunda, ut ipse consul in hac causa prae me minus etiam, si fieri possit, quam priuatus esse uideatur. omnia non modo commemorabuntur, sed etiam, expositis certis rebus, agentur, quae intra decem annos, postea quam iudicia ad senatum translata sunt, in rebus iudicandis nefarie, flagitioseque facta sunt. cognoscet ex me populus R. quid sit, quamobrem, cum equester ordo iudicaret, annos prope quinquaginta continuos nullo iudice equite R. iudicante ne tenuissima quidem suspicio acceptae pecuniae ob rem iudicandam constituta sit: quid sit, quod, iudicijs ad senatorium ordinem translatis, sublataque populi R. in unumquenque nostrum potestate, Q. Calidius damnatus dixerit, minoris HS tricies praetorium hominem honeste non posse damnari: quid sit, quod, P. Septimio senatore damnato, Q. Hortensio praetore, de pecunijs repetundis, lis aestimata sit eo nomine, quod ille ob rem iudicandam pecuniam accepisset: quod in C. Herennio, quod in C. Popillio senatoribus, qui ambo peculatus damnati sunt, quod in M. Atilio, qui de maiestate damnatus est, hoc planum factum est, eos pecuniam ob rem iudicandam accepisse: quod inuenti sunt senatores, qui, C. Verre praetore urbano sortiente, exirent in eum reum, quem incognita causa condemnarent: quod inuentus est senator, qui cum iudex esset, in eodem iudicio ab reo pecuniam acciperet, quam iudicibus diuideret, & ab accusatore, ut reum damnet.

Iam

Iam vero quod
mitatemque
se in hac ciuitate
discoloribus
tarentur. Ha
rum esse pollice
tis, si quid in
quaratione eff
praesertim plan
Verrem in Sicilia
se habere homin
ciam spoliaret;
natiennium in
bere, ut secum p
sum in rem sua
defensoribus su
quosuosissimac
rit. ex quo mol
apud ne. Glabr
bus commemor
R. commoueri;
re legatos ad p
nys repetundis
nulla sint, tam
quantum sibi
quod eiusmodi
ferre, quanti
bus, iudicib
tum esse: se

Iam uero quo modo illam labem, ignominiam, calamitatemque totius ordinis conquerar? hoc factum esse in hac ciuitate, cum senatorius ordo iudicaret, ut discoloribus signis, iuratorum hominum sententiæ notarentur. Hæc omnia me diligenter, seuerèque acturum esse polliceor. quo me tandem animo fore putatis, si quid in hoc ipso iudicio intellexero, simili aliqua ratione esse uiolatum, atque commissum? cum præsertim planum facere multis testibus possim, C. Verrem in Sicilia, multis audientibus, sæpe dixisse, se habere hominem potentem, cuius fiducia prouinciam spoliaret; neque sibi soli pecuniam querere, sed ita triennium illud præturæ Siciliensis distributū habere, ut secum præclare agi diceret, si unius anni questum in rem suam conuerteret, alterum patronis, et defensoribus suis traderet, tertium illum uberrimum quæstuosissimumque annum totum iudicibus reseruaret. ex quo mihi uenit in mentem illud dicere, quod apud M. Glabrionem nuper cum in reiiciendis iudiciis commemorassem, intellexi uehementer populum R. commoueri; me arbitrari fore, uti nationes extræ legatos ad populum R. mitterent, ut lex de pecunijs repetundis iudiciumque tolleretur. si enim iudicia nulla sint, tantum unumquenque ablaturum putant, quantum sibi ac liberis suis satis esse arbitretur: nunc, quod eiusmodi iudicia sint, tantum unumquenque auferre, quantum sibi, patronis, aduocatis, prætoribus, iudicibus satis futurum sit: hoc profecto infinitum esse: se auarissimi hominis cupiditati satisfacere posse,

ACTIO PRIMA

posse, nocentissimæ uictoriæ non posse. o commemoranda iudicia, præclaramq. existimationem nostri ordinis, cum socij populi R. iudicia de pecunijs repetundis fieri nolunt, quæ a maioribus nostris sociorû causa comparata sunt. An iste unquam de se bonam spem habuisset, nisi de uobis malam opinionem animo imbibisset? quo maiore etiam. si fieri potest, apud uos odio esse debet, quàm est apud populum R. cum in auaritia, scelere, periurio uos sui similes esse arbitretur. cui loco, per deos immortales, iudices consulite, ac prouidete. moneo, prædicoq. id, quod intelligo, tempus oportunissimum uobis hoc diuinitus datum esse, ut odio, inuidia, infamia, turpitudine totum ordinem liberetis. nulla in iudicijs seueritas, nulla religio, nulla denique iam existimantur esse iudicia. itaque a populo R. contemnimur, despicimur: graui, diuturna q. iam flagramus infamia. neque enim ulla aliam ob causam populus R. tribuniciam potestatem tanto studio requisiiuit: quam cum poscebat, uerbo illam poscere uidebatur, re uera iudicia poscebat. neque hoc Q. Catulum, hominem sapientissimum, atque amplissimum, fugit: qui, Cn. Pompeio, uiro fortissimo, & clarissimo, de tribunicia potestate referente, cum esset sententiam rogatus, hoc initio est, summa cum auctoritate, usus: patres conscriptos iudicia male & flagitiose tueri: quòd si in rebus iudicandis populi R. existimationi satisfacere uoluissent, non tantopere homines fuisse tribuniciam potestatem desideraturos. ipse denique Cn. Pompeius,

ius, cum prim
tus habuit, m
tur, ostendit se
factus est in e
muratio. idem
culatas, uexa
raptia, & fl
sistere uelle: t
more suam pop
nem homines
notum se inuise
legione, consen
legem tribunici
de damnatum.
non magnopere
etiam laus, i
ut possit, aut
n quo uos de re
he homine statu
tibus, homo m
uari. deinde
habet, præter
ut, si liberatus
turpissima est,
gnatione, non
mediocri uita
simabuntur.
eiusmodi res
manifestas p

ius, cum primum concionem ad urbem consul designatus habuit, ubi, id quod maxime expectari uidebatur, ostendit se tribuniciam potestatem restitutum; factus est in eo strepitus, & grata concionis admiratio. idem in eadem concione cum dixisset, populas, uexasq. esse provincias, iudicia autem turpia, & flagitiosa fieri, ei rei se providere, ac consulere uelle: tum uero non strepitu, sed maximo clamore suam populus R. significauit uoluntatem. nunc autem homines in speculis sunt: obseruant, quemadmodum se unusquisque uestrum gerat in retinenda religione, conseruandisq. legibus; uident, adhuc post legem tribuniciam unum senatorem uel tenuissimum esse damnatum. quod tametsi non reprehendunt, tamen magnopere, quod laudent, non habent: nulla est enim laus, ibi esse integrum, ubi nemo est, qui aut possit, aut conetur corrumpere. hoc est iudicium, in quo uos de reo, populus R. de uobis iudicabit. in hoc homine statuatur, possit ne, senatoribus iudicantibus, homo nocentissimus, pecuniosissimusq. damnari. deinde est huiusmodi reus, in quo homine nihil sit, prater summa peccata, maximamq. pecuniā: ut, si liberatus sit, nulla alia suspicio, nisi ea, quæ turpissima est, residere possit. non gratia, non cognatione, non alijs recte factis, non denique aliquo mediocri uitio tot tantaq. eius uitia subleuata esse existimabuntur. postremo ego causam sic agam, iudices; eiusmodi res, ita notas, ita testatas, ita magnas, ita manifestas proferam; ut nemo a uobis, ut istum absol

uatis,

ACTIO PRIMA

uatis , per gratiam conetur contendere . habeo au-
tem certam uiam , atque rationem , qua omnes illo-
rum conatus inuestigare , & consequi possim . ita
res a me agetur , ut in eorum consilijs omnibus non
modo aures hominũ , sed etiam oculi populi R. inter-
esse uideantur . uos aliquot iam per annos conceptam
huic ordini turpitudinem , atque infamiam delere , ac
tollere potestis . constat inter omnes , post hæc consti-
tuta iudicia , quibus nunc utimur , nullum hoc splen-
dore , atque hac dignitate consilium fuisse . hic si quid
erit offensum ; omnes homines non iam ex eodem or-
dine alios magis idoneos , quod fieri non potest , sed
alium omnino ordinem ad res iudicandas quærendum
arbitrabuntur . Quapropter primum ab dijs immor-
talibus , quod sperare mihi uideor , hoc idem , iudi-
ces , peto , ut in hoc iudicio nemo improbus præter
eum , qui iam pridem inuentus est , reperiatur . dein-
de , si plures improbi fuerint , hoc uobis , hoc populo
R. iudices confirmo , uitam mehercule mihi prius ,
quàm uim perseuerantiamq. ad illorum improbita-
tem persequendam , defuturam . Verum quod ego la-
boribus , periculis , inimicijsq. meis tum , cum ad-
missum erit , dedecus seuerè me persecuturum esse pol-
liceor ; id ne accadat , tu tua sapientia , auctoritate ,
diligentia , M. Glabrio , potes providere . suscipe
causam iudiciorum : suscipe causam seueritatis , in-
tegritatis , fidei , religionis : suscipe causam senatus ,
ut is hoc iudicio probatus , cum populo R. & in lau-
de , et in gratia esse possit . cogita , qui sis , quo loco sis ,
quid

quid dare po-
beas . fac tibi
qua lege popu-
iudicijs , seuer-
te summa . au-
stica non sma-
fortissimum ri-
uissimum socer-
um , & acrim-
bus audacissim-
ficiendas in fia-
parantur ; si sue-
de uera , & cer-
git populus R. a-
ture , delectoq.
pecunie plus ha-
ni , quam ad ra-
committere , ut
iureq. mactetur
a , ut Siculi , q-
um non moueri
accesserent , eo-
mines miseri , a-
serui , ac supplic-
nes eorum inq-
di iuris sui po-
cto , causa a-
tum nobis de
in obliuione

quid dare populo R. quid reddere maioribus tuis debeas. fac tibi paternæ legis Aciliæ ueniat in mentē : qua lege populus R. de pecunijs repetundis , optimis iudicijs , seuerissimisq. iudicibus usus est . circūstant te summa auctoritates , quæ te obliuisci laudis domesticæ non sinant , quæ te dies noctesq. commoneant , fortissimum tibi patrem , sapientissimum auum , grauissimum socerum fuisse . quare si Glabrionis patris uim , & acrimoniam ceperis ad resistendum hominibus audacissimis ; si aui Scauolæ prudentiam ad prospiciendas insidias , quæ tuæ , atque horum famæ comparantur ; si soceri Scauri constantiam , ut ne quis te de uera , & certa possit sententia dimouere ; intelliget populus R. integerrimo , atque honestissimo prætore , deletōq. consilio , nocenti reo magnitudinem pecuniæ plus habuisse momenti ad suspicionem criminis , quàm ad rationem salutis . mihi certum est non committere , ut in hac caussa prætor nobis , consiliumq. mutetur . non patiar rem in id tempus adduci , ut Siculi , quos adhuc serui designatorum consulum non mouerunt , cum eos nouo exemplo uniuersos arcesserent , eos tum lictores consulum uocent , ut homines miseri , antea socij , atque amici populi R. nunc serui , ac supplices , non modo ius suum fortunasq. omnes eorum imperio amittant , uerum etiam deplorandi iuris sui potestatem non habeant . non sinam profecto , caussa a me perorata , XL diebus interpositis , tum nobis denique respondeant , cum accusatio nostra in obliuionem diuturnitate adducta sit . non commit-

M tam,

ACTIO PRIMA

tam, ut tum res iudicetur, cum hac frequentia totius Italiae Roma discesserit, quae conuenit uno tempore undique, comitiorum, ludorum, consendiue causa. huius iudicii & laudis fructum, & offensionis periculum, nostrum; laborem, sollicitudinemque, nostram, scientiam quid agatur, memoriamque. quid a quoque dictum sit, omnium puto esse oportere. faciam hoc non nouum, sed ab ijs, qui nunc principes nostrae ciuitatis sunt, ante factum, ut testibus utar statim. illud a me nouum, iudices, cognoscetis, quod ita testes constituam, ut crimen totum explicem: ubi id interrogando, argumentis, atque oratione firmauero, tum testes ad crimen accommodem, ut nihil inter illam usitatam accusationem, atque hanc nouam intersit, nisi quod in illa tunc, cum omnia dicta sunt, testes dantur, hic in singulas res dabuntur, ut illis quoque eadem interrogandi facultas, argumentandi, dicendique sit. si quis erit, qui perpetuam orationem, accusationemque desideret; altera actione audiet. nunc id, quod facimus, ea ratione facimus, ut
 * malitiae illorum consilio nostro occurramus, necessario fieri intelligat, haec primae actionis erit accusatio. Dicimus C. Verrem, cum multa libidinoze, multa crudeliter in cives R. atque in socios, multa in deos, hominesque nefarie fecerit, tum praeterea quadringenties sestertium ex Sicilia contra leges abstulisse. hoc testibus, hoc tabulis, priuatis publicisque auctoritatibus ita uobis planum faciemus, ut hoc statuatis, etiam si spatium ad dicendum nostro commodo, uosque.

IN
 quosque dies
 opus fuisse.

ACTIO

N

hinc responsum
 facimus. quae fa-
 ctum certe statu-
 nem etiam, qu-
 tam auentem,
 qui, tam nefari-
 casus, ora iud-
 ostendere audem
 it ad audendum
 praesto est, respo-
 bi reliqui fecit
 sto teneatur,
 tie suae puden-
 iudices, &
 uirtutis uesti-
 cisset, quod

IN VERREM LIB. I. 90
cuosq. dies habuissimus, tamen oratione longa nihil
opus fuisse. Dixi.

ACTIONIS II. IN VERREM

LIB. I.

ORATIO VI.

N EMINEM uestrum ignorare arbi-
tror, iudices, hunc per hosce dies ser-
monem uulgi, atque hanc opinionem
populi R. fuisse, C. Verrem altera a-
ctione responsurum non fuisse, neque ad iudicium af-
futurum. quæ fama non iccirco solū emanarat, quod
iste certe statuerat, ac deliberauerat, non adesse; ue-
rum etiam, quod nemo quenquam tam audacem,
tam amentem, tam impudentem fore arbitrabatur,
qui, tam nefarijs criminibus, tam multis testibus
euietus, ora iudicum aspicere, aut os suum populo R.
ostendere auderet. est idem Verres, qui fuit semper,
ut ad audendum proiectus, sic paratus ad audiendum:
præsto est, respondet, defenditur: ne hoc quidem si-
bi reliqui fecit, ut in rebus turpissimis, cum manife-
sto teneatur, si reticeat, & absit, tamen impuden-
tiæ suæ pudentem exitum quæsisse uideatur. patior,
iudices, & non moleste fero, me laboris mei, uos
uirtutis uestre fructum esse laturos. nam si iste id fe-
cisset, quod primo statuerat, ut non adesset; minus

M 2 ali-

A C T I O N I S I I .

aliquanto, quàm mihi opus esset, cognosceretur, quid ego in hac accusatione comparanda, constituendaq. elaborassem: uestra uero laus tenuis plane, atque obscura, iudices, esset: neque enim hoc a uobis populus R. expectat, neque eo potest esse contentus, si condemnatus sit is, qui adesse noluerit, & si fortes fueritis in eo, quem nemo sit ausus defendere. immo uero adsit, respondeat, summis opibus, summo studio potentissimorum hominum defendatur: certet mea diligentia cum illorum omnium cupiditate, uestra integritas cum istius pecunia, testium constantia cum illius patronorum minis, atque potentia. tum demum illa uicta uidebuntur, cum in contentionem certamenq. uenerint. absens si iste esset damnatus, non tam ipse sibi consuluisse, quàm inuidisse uestrae laudi uideretur. neque enim salus ulla maior reip. hoc tempore reperiri potest, quàm populum R. intelligere, diligenter reiectis ab accusatore iudicibus, socios, leges, remp. senatorio consilio maxime posse defendi: neque tanta fortunis omnium perniciēs potest accidere, quàm opinione populi R. rationem ueritatis, integritatis, fidei, religionis ab hoc ordine abiudicari. itaque mihi uideor, iudices, magnam, & maxime ægram, & prope depositam reip. partem suscepisse, neque in eo magis meæ, quàm uestrae laudi existimationiq. seruisse. accessi enim ad inuidiam iudiciorum leuandam, uituperationemq. tollendam; ut, cum hæc res pro uoluntate populi R. esset iudicata, aliqua ex parte mea diligentia constituta auctori-
tas

tas iudiciorum uideretur : postremo , ut esset hoc iudicatum , ut finis aliquando iudiciariæ controuersiæ cōstitueretur . etenim sine dubio , iudices , in hac causa ea res in discrimen adducitur . reus est enim hominocentissimus : qui si condemnatur , desinent homines dicere , his iudicijs pecuniam plurimum posse ; sin absoluitur , desinemus nos de iudicijs transferendis recusare . tametsi de absolutione istius neque ipse iam sperat , nec populus R. metuit . de impudentia singulari , quod adest , quod respondet , sunt qui mirentur : mihi , pro cetera eius audacia , atque amentia , ne hoc quidem mirandum uidetur . multa enim & in deos , & in homines impie nefarieq. commisit . quorum scelerum pœnis agitatur , & a mente consilioq. deducitur . agunt eum præcipitem pœnæ ciuium R. quos partim securi percussit , partim in uinculis necauit , partim implorantes iura libertatis & ciuitatis in crucem sustulit . rapiunt eum ad supplicium dij patrij , quod iste inuentus est , qui e complexu parentum abreptos filios ad necem duceret , & parentes pretium pro sepultura liberum posceret . religiones uero , cæremoniæq. omnium sacrorum , fanorumque , uiolatæ , simulacraq. deorum , quæ non modo ex suis templis ablata sunt , sed etiam iacent in tenebris ab isto retrusa , atque abdita , consistere eius animum sine furore atque amentia non sinunt . neque iste mihi uidetur se ad damnationem offerre solum , neque hoc auaritiæ supplicio communi , qui tot sceleribus se obstrinxerit , contentus esse : singularem quandam pœ-

A C T I O N I S I I .

nam istius immanis , atque importuna natura deside-
rat . non id solum quæritur , ut , isto damnato , bona
restituantur ijs , quibus erepta sunt : sed & religio-
nes deorum immortalium expiandæ , & ciuium R.
cruciatus , multorumq. innocentium sanguis istius
supplicio luendus est . non enim furem , sed ereptorẽ ;
non adulterum , sed expugnatorem pudicitia; ; non sa-
crilegum , sed hostem sacrorum religionumque ; non
sicarium , sed crudelissimum carnificem ciuium , so-
ciorumq. in uestrum iudicium adduximus : ut ego
hunc unum eiusmodi reum post hominum memoriam
fuisse arbitrer , cui damnari expediret . nam quis hoc
non intelligit , istum absolutum dijs hominibusq. in-
uitis , tamen ex manibus populi R. eripi nullo modo
posse ? quis hoc non perspicit , præclare nobiscum a-
ctum iri , si populus R. istius unius supplicio conten-
tus erit ? ac non sic statuerit , non istum maius in sese
scelus concepisse , cum fana spoliarit , cum tot homi-
nes innocentes necarit , cum ciues R. morte , crucia-
tu , cruce affecerit , cum prædonum duces accepta pe-
cunia dimiserit ; quàm eos , si qui istum , tot , tantis ,
tam nefarijs sceleribus coopertum , iurati sententia
sua liberarent ? non est , non est in hoc homine cuiquã
peccandi locus , iudices : non is est reus , non id tem-
pus , non id consilium ; (metuo , ne quid arrogantius
apud tales uiros uidear dicere) ne aëtor quidem est
is , cui reus tam nocens , tam perditus , tam uictus
aut occulte surripi , aut impune eripi possit . his ego
iudicibus non probabo , C. Verrem contra leges pe-
cunias

cunias cepisse? sustinebunt tales uiri, se tot senatoribus, tot equitibus R. tot ciuitatibus, tot hominibus honestissimis ex tam illustri prouincia, tot populo- lum, priuatorumq. litteris non credidisse? tantæ po- puli R. uoluntati restituisse? sustineant. reperiemus, si istum uinum ad aliud iudicium perducere potueri- mus, quibus probemus, istum in quaestura pecuniam publicam, Cn. Carboni consuli datam, auertisse: quibus persuadeamus, istum alieno nomine a quaesto- ribus urbanis, quod priore actione didicistis, pecuniã abstulisse. erunt, qui & in eo quoque audaciam eius reprehendant, quod aliquot nominibus de capite, quantum commodum fuerit, frumenti decumani de- traxerit. erunt etiam fortasse, iudices, qui illum eius peculatum uel acerrime uindicandum putent, quod iste M. Marcelli, & P. Africani monumenta, quæ nomine illorum, re uera populi R. & erant, & habebantur, ex fanis religiosissimis, ex urbibus so- ciorum, atque amicorum non debitauerit auferre. emerferit ex peculatus etiam iudicio: meditetur de ducibus hostium, quos accepta pecunia liberauit: ui deat, quid de illis respondeat, quos in eorum locum subditos domi suæ reseruauit. querat, non solum quemadmodum nostro crimini, uerum etiam quo pa- cto suæ confessioni possit mederi. meminerit, se prio- re actione clamore populi R. infesto, atque inimico excitatum, confessum esse, duces a se prædonum se- curi non esse percussos; se iam tum esse ueritum, ne si bi crimini daretur, eos ab se pecunia liberatos. fatea-

A C T I O N I S I I .

tur id , quod negari non potest , se priuatum hominē
 prædonum duces uiuos , atque incolumes domi suæ ,
 postea quàm Romam redierit , usque dum per me li-
 cuerit , tenuisse . hoc in illo maiestatis iudicio si licuif-
 se sibi ostenderit , ego oportuisse concedam . ex hoc
 quoque euaserit : proficiscar eò , quò me iam pridem
 uocat populus R. de iure enim libertatis , & ciuita-
 tis suum putat esse iudicium , & recte putat . confrin-
 gat iste sane ui sua consilia senatoria ; quæstiones om-
 nium perrumpat ; euolet ex uestra seueritate : mihi
 credite , arctioribus apud populum R. laqueis tenebi-
 tur . credet ijs equitibus R. populus R. qui ad uos an-
 te producti testes , ipsis inspectantibus ab isto ciuem
 R. qui cognitores homines honestos daret , sublatum
 esse in crucem dixerunt . credent omnes v & xxx
 tribus homini grauiissimo , atque ornatissimo M. An-
 nio , qui se præsentem ciuem R. securi percussum esse di-
 xit . audietur a populo R. uir primarius , eques R. L.
 Flauius , qui suum familiarem Herennium negotiato-
 rem ex Africa , cum eum Syracusis amplius centum
 ciues R. cognoscerent , lacrymantesq. defenderent ,
 pro testimonio dixit , securi esse percussum . probabit
 fidem , & auctoritatem , & religionem suam L. Sue-
 tius , homo omnibus ornamentis præditus , qui iura-
 tus apud uos dixit , multos ciues R. in Latumijs istius
 imperio crudelissime per uim morte esse multatos .
 Hanc ego causam cum agam beneficio populi R. de lo-
 co superiore , non uereor , ne aut istū uis ulla ex popu-
 li R. suffragijs eripere , aut a me ullum munus ædili-
 tatis

tatis amplius, aut gratius populo R. esse possit. Qua propter omnes in hoc iudicio conentur omnia: nihil est iam, quod in hac caussa peccare, iudices, quisquam, nisi uestro periculo, possit. mea quidem ratio cum in præteritis est rebus cognita, tum in reliquis explorata, atque prouisa est. ego meum studium in remp. iam illo tempore ostendi, cum longo interuallo ueterem consuetudinem retuli, & rogatu sociorum, atque amicorum populi R. meorum autem necessariorum, nomen hominis audacissimi detuli. quod meum factum leætissimi uiri, atque ornatissimi, quo in numero e uobis complures fuere, ita probarunt, ut ei, qui istius quæstor fuisset, & ab isto læsus inimicitias iustas persequeretur, non modo deferendi nominis, sed ne subscribendi quidem, cum id postularet, facerent potestatem. In Siciliam sum inquirendi caussa profectus. quo in negotio industriam meam celeritas reditionis, diligentia multitudo litterarum, & testium declarauit: pudorem uero, ac religionem, quod cum uenissem senator ad socios populi R. qui in ea provincia quæstor fuissem, ad hospites meos, ac necessarios caussæ communis defensor diuertere potius, quam ad eos, qui a me auxilium petiuissent. nemini meus aduentus labori, aut sumptui neque publice, neque priuatim fuit. uim in inquirendo tantam habui, quantam mihi lex dabat, non quantam habere poteram istorum studio, quos iste uexarat. Romam ut ex Sicilia redij, cum iste, atque istius amici, homines lauti, & urbani, sermones huiuscemodi dissipassent, quo
animos

A C T I O N I S I I .

animos testium retardarent, me magna pecunia a ue-
ra accusatione esse deductum : tametsi probabatur ne-
mini, quòd & ex Sicilia testes erant ij, qui quæsto-
rem me in provincia cognouerant, & hinc homines
maxime illustres, qui ut ipsi noti sunt, sic nostrum u-
numquenque optime norunt ; tamen usque eò timui,
ne quis de mea fide, atque integritate dubitaret, do-
nec ad reiiciendos iudices uenimus . sciebam, in rei-
ciendis iudicibus non nullos memoria nostra pactio-
nis suspicionem non uitasse, cum in ipsa accusatione eo-
rum industria, ac diligentia probaretur. ita reieci iu-
dices, ut hoc constet, post hunc statum reip. quo nunc
utimur, simili splendore, & dignitate consilium nul-
lum fuisse . quam iste laudem communem ait sibi esse
mecum : qui cum P. Galbam iudicem reiecisset, M.
Lucretium retinuit : & , cum eius patronus ex eo
quereret, cur suos familiarissimos, Sex. Peduceum,
Q. Confidium, Q. Iunium reiici passus esset, respon-
dit, quòd eos in iudicando nimium sui iuris, senten-
tiæq. cognosceret. itaque, iudicibus reiectis, spera-
bam iam onus meum uobiscum esse commune : puta-
bam, non solum notis, sed etiam ignotis probatam
meam fidem esse, & diligentiam. quod me non fefel-
lit . nam comitijs meis, cum iste infinita largitione
contra me uteretur, populus R. iudicauit, istius pe-
cuniam, quæ apud me contra fidem meam nihil po-
tuisset, apud se contra honorem meum nihil posse debe-
re . quo quidem die primum iudices citati in hunc reu-
consedistis, quis tam inimicus huic ordini fuit, quis
tam

IN
tam nouatim
dus, qui non
retur: cum in
tie referret,
pi dicere, reo
sem iudici
refsum tanto
ipso absoluto
cis istius, &
sed etiam uolui
dies sic homin
non quid respon
deret, delibera
nibus, his testi
sic uoluit, atq
ius interpositi
condemnation
me attinet iudi
sed existimatio
it, cum causa
fuit iustior, qu
rem constitui,
reip. honestius
ducere homin
populo R. &
stendere, ac
tum esse: n
actione abste
ra, furta,

tam nouarum rerum, iudiciorum, iudicumq. cupi-
 dus, qui non conspectu, confessuq. uestro commoue-
 retur? cum in eo uestra mihi dignitas fructum diligen-
 tiæ referret, id sum assecutus, ut una hora, qua cæ-
 pi dicere, reo audaci, pecunioso, profuso, perduto
 spem iudicij corrumpendi præciderem: ut primo die
 testium tanto numero citato populus R. iudicaret,
 ipso absoluto reip. stare non posse: ut alter dies ami-
 cis istius, & defensoribus non modo spem uictoriæ,
 sed etiam uoluntatem defensionis auferret: ut tertius
 dies sic hominem prosterneret, ut, morbo simulato,
 non quid responderet, sed quemadmodum non respon-
 deret, deliberaret. deinde reliquis diebus, his crimi-
 nibus, his testibus, & urbanis, & provincialibus,
 sic obrutus, atque oppressus est, ut, his ludorum die-
 bus interpositis, nemo istum comperendinatum, sed
 condemnatum iudicaret. Quapropter ego, quod ad
 me attinet iudices, uici. non enim spolia C. Verris,
 sed existimationem populi R. concupiui. meum fu-
 it, cum caussa accedere ad accusandum: quæ caussa
 fuit iustior, quàm a tam illustri prouincia defenso-
 rem constitui, & deligi? reip. consulere: quid iam
 reip. honestius, quàm in tanta inuidia iudiciorum ad
 ducere hominum, cuius damnatione totus ordo cum
 populo R. & in laude, & in gratia possit esse? o-
 stendere, ac persuadere, hominem nocentem addu-
 ctum esse: quis est in populo R. qui hoc non ex priore
 actione abstulerit, omnium ante damnatorum scele-
 ra, furta, flagitia, si in unum locum conferantur,

hi x

A C T I O N I S I I .

uix cum huius parua parte æquari, conferriq. posse?
 Vos, quod ad uestram famam, existimationem, salutemq. communem pertinet, iudices, prospicite, atque consulite. splendor uester facit, ut peccare sine summo reip. detrimento, ac periculo non possitis. non enim potest sperare populus R. esse alios in senatu, qui recte possint iudicare, uos si non potueritis. necesse est, cum de toto ordine desperarit, aliud genus hominum, atque aliam rationem iudiciorum requirat. hoc si uobis ideo leuius uidetur, quod putatis onus esse graue, & incommodum, iudicare: intelligere debetis, primum interesse, utrum id onus uosmet ipsi reieceritis, an, quod probare populo R. fidem uestram, & religionem non potueritis, eo uobis iudicandi potestas erepta sit. deinde etiam illud cogitate, quanto periculo uenturi simus ad eos iudices, quos propter odium uestri populus R. de uobis uoluerit iudicare. uerum uobis dicam id, quod intellexi, iudices. homines scitote esse quosdam, quos tantum odium uestri ordinis teneat, ut hoc palam iam dictitent, se istum, quem sciant esse hominem improbissimum, hoc uno nomine absolui uelle, ut ab senatu iudicia per ignominiam, turpitudinemq. auferantur. Hæc me, iudices, pluribus uerbis uobiscum agere coegit non timor meus de uestra fide, sed spes illorum noua: quæ cum Verrem a porta subito ad iudicium retraxisset; nonnulli suspicati sunt, non sine causa illius consilium tam repente esse mutatum. nunc ne nouo querimoniæ genere uti possit Hortensius, & ea
dicere

dicere, opprimi reum, de quo nihil dicat accusator; nihil esse tam periculosum fortunis innocentium, quam tacere aduersarios; & ne aliter, quam ego uelim, meum laudet ingenium, cum dicat, me, si multa dixissem, subleuaturum fuisse eum, quem contra dicerem; quia non dixerim, perdidisse: morem illi geram: utar oratione perpetua; non quoniam hoc sit necesse; uerum ut experiar, utrum ille ferat molestius, me tunc tacuisse, an nunc dicere. Hic tu fortasse eris diligens, ne quam ego horam de meis legitimis horis remittam: nisi omni tempore, quod mihi lege concessum est, abusus ero, querere, deum atque hominum fidem implorabis, circumueniri C. Verrem, quod accusator nolit tam diu, quam diu liceat, dicere. quod mihi lex mea causa dedit, eo mihi non uti non licebit? nam accusandi mihi tempus mea causa datum est, ut possem oratione mea crimina causamque explicare. hoc si non utor, non tibi iniuriam facio, sed de meo iure aliquid, & commodo detraho. Causam enim, inquit, cognosci oportet. Ea re quidem, quod aliter condemnari reus, quamuis sit nocens, non potest. id igitur tu moleste tulisti, a me aliquid factum esse, quo minus iste condemnari posset? nam, causa cognita, possunt multi absolui: incognita quidem, condemnari nemo potest. adimo enim comprehendinatum; quod habet lex in se molestissimum; bis ut causa dicatur. quod aut mea causa potius est constitutum, quam tua; aut nihilo tua potius, quam mea. nam si, bis dicere, est commodum: certe utriusque

A C T I O N I S I I .

que commune est . sin eum , qui posterius dixit , opus est redargui : accusatoris causa , ut bis ageretur , constitutum est . Verum , ut opinor , Glaucia primus tulit , ut comperendinaretur reus . antea uel iudicari primo poterat , uel , amplius , pronunciari . utram igitur putas legem molliorem ? opinor , illam ueterem ; qua uel cito absolui , uel tarde condemnari licebat . ego tibi illam Aciliam legem restituo : qua lege multi semel accusati , semel dicta causa , semel auditis testibus , condemnati sunt , nequaquam tam manifestis , neque tantis criminibus , quantis tu conuinceris . puta te non hac tam atroci , sed illa lege mitissima causam dicere . accusabo : respondebis . testibus editis , ita mittam in consilium , ut , etiam si lex ampliandi faciat potestatem , tamen isti turpe sibi existiment , non primo iudicare . Verum , si causam cognosci opus est , parum ne cognita est ? dissimulamus , Hortensi : quod saepe in dicendo experti sumus . quis nos magnopere attendit unquam , in hoc quidem genere causarum , ubi aliquid ereptum , aut ablatum a quopiam dicitur ? non ne aut in tabulis , aut in testibus omnis expectatio iudicium est ? dixi prima actione , me planum esse facturum , C . Verrem HS quadringenties contra legem abstulisse . quid ? hoc planius egissem , si ita narraissem . Dio quidam fuit Halesinus : qui , cum eius filio , praetore Sacerdote , hereditas a propinquo permagna uenisset , nihil habuit neque negotij , neque controuersiae . Verres , simul ac tetigit prouinciam , statim Messana litteras dedit , Dionem euocauit , calumniatores

I N
lumniatores
tem Veneri
de re ostendit
totam rem ex
accedit, dicer
merasse, ut ca
greges equan
in uelutisq. fra
hac neque cau
magni momen
tur aures inde
Dio ipse prodit
guis Dionis in
quis causam
esse matnas,
cum tabula
quod pecuniam
audisse, eo num
cipolites, pat
eodem se audire
tam nos audire
ritur . sic a me
criminibus om
strum perpetu
quidquam a
piam esset ob
tiam quere
tenctis, ut
proponerem

lumniatores ex sinu suo apposuit, qui illam hereditatem Veneri Erycinæ commissam esse dicerent. hac de re ostendit se ipsum cogniturum. possum deinceps totam rem explicare, deinde ad extremum id, quod accedit, dicere; Dionem HS decies centena millia numerasse, ut causam certissimam obtineret; præterea greges equarum eius istum abigendos curasse; argenti uestisq. stragulæ quod fuerit, curasse auferendum. hæc neque cum ego dicerem, neque cum tu negares, magni momenti nostra esset oratio. quo tempore igitur aures iudex erigeret, animumq. attenderet? cum Dio ipse prodiret; cum ceteri, qui tum in Sicilia negotijs Dionis interfuissent; cum per eos ipsos dies, per quos causam Dio diceret, reperiretur, pecunias sumpsisse mutuas, nomina sua exegisse, prædia uendidisse; cum tabulæ uirorum bonorum proferrentur; cū, qui pecuniam Dioni dederunt, dicerent se iam tum audisse, eo nummos sumi, ut Verri darentur; cum amici, hospites, patroni Dionis, homines honestissimi, hæc eadem se audisse dicerent. opinor, cum hæc fierent, tum uos audiretis, sicut audiistis, tum causa agi uideretur, sic a me sunt acta omnia priore actione, ut in criminibus omnibus nullum esset, in quo quisquam uestrum perpetuam accusationem requirat, nego esse quidquam a testibus dictum, quod aut uestrum cuiuspiam esset obscurum, aut cuiusquam oratoris eloquentiam quæreretur, etenim sic me ipsum egisse memoria tenetis, ut in testibus interrogandis omnia crimina proponerem, & explicarem; ut, cum rem totam in medio

A C T I O N I S I I .

medio proposuisssem, tum denique testem interroga-
rem . itaque non modo uos, quibus est iudicandum, no-
stra crimina tenetis : sed etiam populus R. totam ac-
cusationem causamq. cognouit . Tametsi ita de meo
facto loquor, quasi ego illud mea uoluntate potius,
quàm uestra iniuria adductus fecerim . interposuistis
accusatorem, qui, cum ego mihi C & X dies solos in
Siciliam postulasssem, C & VII I sibi in Achaïam po-
stularet : menses mihi tres cum eripuissetis, ad agen-
dum maxime appositos ; reliquum omne tempus hu-
ius anni me uobis remissurum putastis : ut, cum horis
nostris nos essemus usi, tu, binis ludis interpositis,
quadragesimo post die responderes ; deinde ita tem-
pus duceretur, ut a M. Glabrione prætore, & a ma-
gna parte horum iudicum ad prætorem alium, iudi-
cesq. alios ueniremus . hæc si ego non uidissem ; si me
non omnes noti ignoti q. monuissent, id agi, id cogita-
ri, in eo laborari, ut res in illud tempus reuiceretur :
credo, si meis horis in accusando uti noluissem, uere-
rer, ne mihi crimina non suppetarent, ne oratio de-
esset, ne uox uiresq. deficerent, ne, quem nemo pri-
ma actione defendere ausus esset, eum ego bis accusa-
re non possem . ego meum consilium tum iudicibus,
tum populo R. probaui . nemo est, qui alia ratione
istorum iniuriæ, atque impudentiæ potuisse obsisti ar-
bitretur . etenim qua stultitia fuisssem, si, quam diè,
qui istum eripiendum redemerunt, in cautione uide-
runt, cum ita cauerent, si post kal. Ian. in consilium
iretur ; in eam diem ego, cum potuissem uitare, inci-
dissem ?

dissem? nunc mihi temporis eius, quod mihi ad dicen-
dum datur, quoniam in animo est causam omnem ex-
ponere, habenda ratio est diligenter. itaque primum
illum actum istius uitæ turpissimum, & flagitiosissi-
mum prætermittam: nihil a me de pueritiæ suæ fla-
gitijs, peccatisq. audiet: nihil ex illa impura adole-
scentia sua: quæ qualis fuerit, aut meministis, aut ex
isto, quem sui simillimum produxit, recognoscere po-
testis. omnia præteribo, quæ mihi turpia dictu uide-
buntur; neque solum, quid istum audire, uerum etiam
quid me deceat dicere, considerabo. uos, quæso, da-
te hoc, & concedite pudori meo, ut aliquam partem
de istius impudentia reticere possim. omne illud tem-
pus, quod fuit ante quàm iste ad magistratus, remq.
publicam accessit, habeat per me solutum, ac liberum.
sileatur de nocturnis eius bacchationibus, ac uigilijs:
lenonum, aleatorum, perducatorum nulla mentio fiat:
damna, dedecora, quæ res patris eius, ætas ipsius
pertulit, prætereantur: lucretur indicia ueteris in-
famiae: patiaturs eius uita reliqua me hanc tantam
iacturam criminum facere. Quæstor Cn. Papirio
consuli fuisti abhinc annos xiv. ex ea die ad hanc
diem quæ fecisti, in iudicium uoco. hora nulla ua-
cua a furto, a scelere, crudelitate, flagitio reperi-
tur. hi sunt anni consumpti in quæstura, & legatio-
ne Asiatica, & prætura urbana, & prætura Sici-
liensi. quare hæc eadem erit quadripartita distribu-
tio totius accusationis meæ. Quæstor ex S. C. pro-
uinciam sortitus es: obtigit tibi consularis: ut cum

N

consule

A C T I O N I S I I .

consule Cn. Carbone esses, eamq. prouinciam obtine-
res . erat tum dissensio ciuium : de qua nihil sum di-
cturus, quid sentire debueris : unum hoc dico, in eiu-
smodi tempore ac sorte statuere te debuisse, utrum
malles sentire, atque defendere . Carbo grauiter fe-
rebat, sibi quæstorem obtigisse hominem singulari lu-
xuria, atque inertia : ueruntamen ornabat eum be-
neficijs, officijsq. omnibus . ne diutius teneam, pecu-
nia attributa numerata est : profectus est quæstor in
prouinciam : uenit in Galliam expectatus ad exerci-
tum consularem cum pecunia : simul ac primum ei oc-
casio uisa est, (cognoscite hominis principium magi-
stratum gerendorum, & reip. administrandæ) auer-
sa pecunia publica quæstor consulem, exercitum, pro-
uinciamq. deseruit . uideo, quid egerim : erigit se :
sperat sibi auram posse aliquam afflari in hoc crimi-
ne uoluntatis, assensionisq. eorum, quibus Cn. Car-
bonis mortui nomen odio sit : quibus illam relictio-
nem, prodicionemq. consulis sui gratam sperat fore .
quasi uero id cupiditate defendendæ nobilitatis, aut
studio partium fecerit, ac non apertissime consulem,
exercitum, prouinciamq. compilarit, & propter im-
pudentissimum furtum aufugerit . est enim obscu-
rum, aut eiusmodi factum eius, ut possit aliquis suspi-
cari, C. Verrem, quod ferre novos homines non po-
tuerit, ad nobilitatem, hoc est ad suos, transisse, ni-
hil fecisse propter pecuniam . uideamus, rationes quæ
admodum retulerit : iam se ipse ostendet, quamob-
rem Cn. Carbonem reliquerit : iam se ipse indicabit.

primum

IN
primum bre
VICIES
QVINQ
GENTOS
DI ST
LEGATI
HORTI
LE SEX
QVE M
TOS XV
ARIMIN
LIA. hoc est
tu, Hortensi,
hoc est? quæ
eius tot bom
utamen HS
tut, quibus d
scribit reliqua
qua facta sunt
ut, neque in a
git Ariminum
bat, oppressum
quod nunc senti
minensum te
ta denuo. P
QVAEST
NVM RE
ut hoc patto
pente factus

primum breuitatem cognoscite. ACCEPI, inquit, VICIES DVCENTA TRIGINTA- QVINQVE MILLIA, QVADRINGENTOS XVII NUMMOS: DEDI STIPENDIO, FRUMENTO, LEGATIS, PROQVAESTORI, COHORTI PRAETORIAE HS MILLE SEXCENTA TRIGINTA QVINQVE MILLIA, QVADRINGENTOS XVII NUMMOS: RELIQVI ARIMINI HS SEXCENTA MILLIA. hoc est rationes referre? hoc modo aut ego, aut tu, Hortensi, aut quisquam hominum retulit? quid hoc est? quæ impudentia? quæ audacia? quod exemplū ex tot hominū rationibus relatis huiusmodi est? illa tamen HS sexcenta millia, quæ ne falso quidē potuit, quibus data essent, describere, quæ se Arimini scribit reliquisse, quæ ipsa HS sexcenta millia reliqua facta sunt, neque Carbo attigit, neque Sylla uidit, neque in ærarium relata sunt. oppidum sibi elegit Ariminum, quod tum, cum iste rationes referebat, oppressum, direptumq. erat. non suspicabatur id, quod nūc sentiet, satis multos ex illa calamitate Ariminensium testes nobis in hanc rem reliquos esse recita denuo. P. LENTULO L. TRIARIO QVAESTORIBVS VRBANIS. RATIONVM RELATARVM. recita. EX S. C. ut hoc pacto rationes referre liceret, eo Syllanus repente factus est, non ut honos, & dignitas nobilitati

N 2 restituere

A C T I O N I S I I .

restitueretur. quòd si illinc inanis profugisses ; tamen ista tua fuga, nefaria proditio consulis tui , scelerata iudicaretur . malus ciuis , improbus consul , seditiosus homo Cn. Carbo fuit . fuerit alijs : tibi quando es se cœpit ? postea quàm tibi pecuniam, rem frumentariam, rationes omnes suas , exercitumq. commisit . nam si tibi antea displicuisset, idem fecisses, quod anno post M . Piso quaestor, cum L . Scipioni consuli obtigisset : non attigit pecuniam : non ad exercitum profectus est : quod de rep. sensit, ita sensit, ut nec fidem suam, nec morem maiorum, nec necessitudinem sortis laderet. etenim si hæc perturbare omnia, & permiscere uolumus, totam uitam periculosam, infestamq. reddemus, si nullam religionem fors habebit, nullam societatem coniunctio secundæ, dubiæq. fortunæ, nullam auctoritatem mores, atque instituta maiorum . omnium est communis inimicus, qui fuit hostis suorum . nemo unquam sapiens proditori credendum putauit . ipse Sylla, cui aduentus istius gratissimus esse debuit, ab se hominem, atque ab exercitu suo remouit, Beneuenti esse iussit apud eos, quos suis partibus amicissimos esse intelligebat, ubi iste summæ rei, caussæq. nocere nihil posset . ei postea præmia tamen liberaliter tribuit : bona quædam proscriptorum in agro Beneuentano diripienda concessit : habuit honorem ut proditori, non ut amico fidem. nunc, quamuis sint homines, qui mortuum Cn. Carbonem oderint : tamen hi debent, non quid illi accidere uoluerint, sed quid ipsis in tali re metuendum sit,

I N
sit, cogita
metus, com
insidia, qua
aut in aliqu
palam est a
hoc uero oce
lum non mo
te quàm per
uero ? tu, ca
stos non solu
omnium vera
liberum loci
relinquas ? d
lus : o porten
non enim pot
miserit, hoc
per aliquid ei
adulacia, per
Cn. Dolabell
fore habuit,
tudo fuerit, q
lentatis uale
Dolabellam,
in ipsam uale
samq. illius
lit : ipse in
inimicissim
xit . ille m
ria, tum in

sit, cogitare. commune est hoc malum, communis
 metus, commune periculum. nullæ sunt occultiores
 insidiæ, quàm eæ, quæ latent in simulatione officij,
 aut in aliquo necessitudinis nomine. nam eum, qui
 palam est aduersarius, facile cauendo uitare possis:
 hoc uerò occultum, intestinum, ac domesticum ma-
 lum non modo non existit, uerum etiam opprimit an-
 te quàm perspicere, atque explorare potueris. Ita ne
 uero? tu, cum quæstor ad exercitum missus sis, cu-
 stos non solum pecuniæ, sed etiam consulis; particeps
 omnium rerum, consiliorumq. fueris; habitus sis in
 liberum loco, sicut mos maiorum ferebat; repente
 relinquas? deseras? ad aduersarios transeas? o sce-
 lus: o portentum in ultimas terras exportandum.
 non enim potest ea natura, quæ tantum facinus com-
 miserit, hoc uno scelere esse contenta: necesse est, sem-
 per aliquid eiusmodi moliatur: necesse est, in simili
 audacia, perfidiaq. uersetur. itaque idem iste, quem
 Cn. Dolabella postea, C. Malleolo, occiso, pro quæ-
 store habuit, (haud scio, an maior etiam hæc necessi-
 tudo fuerit, quàm illa Carbonis, ac plus iudicium uo-
 luntatis ualere, quàm sortis, debeat) idem in Cn.
 Dolabellam, qui in Cn. Carbonem, fuit. nam, quæ
 in ipsum ualebant crimina, contulit in illum, caus-
 samq. illius omnem ad inimicos, accusatoresq. detu-
 lit: ipse in eum, cui legatus, cui proquæstor fuerat,
 inimicissimum, atque improbissimum testimonium di-
 xit. ille miser cum esset; tum proditione istius nefa-
 ria, tum improbo, & falso eiusdem testimonio, tum

ACTIONIS II.

multo ex maxima parte istius furtorum, ac flagitiorum inuidia conflagrauit. Quid hoc homine faciatis? aut ad quam spem tam perfidiosum, tam importunum animal reseruetis? qui in Cn. Carbone sortem, in Cn. Dolabella uoluntatem neglexerit, ac uiolarit, eosq. ambos non solum deseruerit, sed etiam prodiderit, atque oppugnarit. Nolite, quaeso, iudices, breuitate orationis meae potius, quam rerum ipsarum magnitudine crimina ponderare. mihi enim properandum necessario est, ut omnia uobis, quae mihi constituta sunt, possim exponere. quamobrem, quaestura istius demonstrata, primi q. magistratus & furto, & scelere perspecto, reliqua attendite. in quibus illud tempus Syllanarum proscriptionum, ac rapinarum praetermittam: neque ego istum sibi ullam ex communi calamitate defensionem suam sumere: suis eum certis proprijsq. criminibus accusabo. quamobrem, hoc omni tempore Syllano ex accusatione circumscripto, legationem eius praecalam cognoscite. Postea quam Cn. Dolabella prouincia Cilicia constituta est, o dii immortales, quanta iste cupiditate, quibus allegationibus illam sibi legationem expugnauit? id quod Cn. Dolabella principium maximae calamitatis fuit. nam ut iste profectus est, quacunque iter fecit, eiusmodi fuit, non ut legatus populi R. sed ut quaedam calamitas, peruadere uideretur. In Achaia (praetermittam minora omnia, quorum simile forsitan alius quoque aliquid aliquando fecerit: nihil dicam, nisi singulare, nisi quod, si

si in alium reum diceretur, incredibile uideretur) magistratum Sicronium nummos poposcit. ne sit hoc crimen in Verrem: fecerunt alij. cum ille non daret, animaduertit. improbum, sed non inauditum. genus animaduersionis uidete: quæretis, ex quo genere hominum istum iudicetis. ignem ex lignis uiridibus, atque humidis in loco angusto fieri iussit: ibi hominem ingenuum, domi nobilem, populi R. socium, atque amicum, fumo excruciatum, seminiuum reliquit. Iam quæ iste signa, quas tabulas pictas ex Achaia sustulerit, non dicam hoc loco: est alius mihi locus ad hanc cupiditatem demonstrandam seruatus. Athenis, audistis, ex æde Mineruæ grande auri pondus ablatum. dictum hoc est in Cn. Dolabellæ iudicio: dictum? etiam æstimatum. huius consilij non modo participem C. Verrem, sed principem fuisse reperiatis. Delum uenit: ibi ex fano Apollinis religiosissimo noctu clam sustulit signa pulcherrima, atque antiquissima, eaq. in onerariam nauem suam coniicienda curauit. postridie cum spoliatum fanum uiderent ij, qui Delum incolebant, grauiter ferebant. est enim tanta apud eos eius fani religio, atque antiquitas, ut in eo loco ipsum Apollinem natum esse arbitrentur. uerbum tamen facere non audebant; ne forte ea res ad Dolabellam ipsum pertineret. tum subito tempestates cohortæ sunt maximæ, iudices, ut non modo proficisci, cum cuperet, Dolabella non posset, sed uix in oppido consisteret: ita magni fluctus eiciebantur. hic naui illa prædonis istius, onusta signis re-

ACTIONIS II.

ligiosis, expulsa, atque eiecta fluctu, frangitur: in lit-
tore signa illa Apollinis reperiuntur: iussu Dolabel-
la reponuntur: tempestas sedatur: Dolabella Delo
proficiscitur. Non dubito, quin, tametsi nullus in te
sensus humanitatis, nulla ratio unquam fuit religio-
nis, nunc tamen, in metu periculoque, tuorum tibi
scelerum ueniat in mentem. Poteſt ne tibi ulla ſpes
ſalutis commoda oſtendi, cum recordaris, in deos im-
mortales quàm impius, quàm ſceleratus, quàm neſa-
rius fueris? Apollinem ne tu Delium ſpoliare auſus
es? illi ne tu templo, tam antiquo, tam ſancto, tam
religioſo, manus impias, ac ſacrilegas afferre cona-
tus es? ſi in pueritia non ijs artibus, & diſciplinis in-
ſtitutus eras, ut ea, quæ litteris mandata ſunt, diſce-
res, atque cognoscereſ: ne poſtea quidem, cum in ea
ipſa loca ueniſti, potuiſti accipere id, quod eſt prodi-
tum memoriae, ac litteris? Latonam ex longo erro-
re, & fuga, grauidam, & iam ad pariendū uicinam,
temporibus exactis fugiſſe Delum, atque ibi Apolli-
nem, Dianamq. peperiſſe. qua ex opinione homi-
num illa inſula eorum deorum ſacra putatur: tantaq.
eius auctoritas religionis & eſt, & ſemper fuit, ut
ne Perſæ quidem, cum bellum toti Græciæ, dijs, ho-
minibusq. indixiſſent, & mille numero nauium claſ-
ſem ad Delum appuliſſent, quidquam conarentur aut
uiolare, aut attingere. hoc tu ſanum depopulari, ho-
mo improbiſſime, atque amentiſſime, audebas? fuit
ulla cupiditas tanta, quæ tantam extingueret reli-
gionem? & ſi tum hæc non cogitabas, ne nunc qui-
dem

IN
dem recorda-
tibi proſcele-
nero poſt qua-
dia, cenas,
cum Verre
Chio per uin-
Erythris, &
niam, quam
dios ſanctiſſi-
tur condidiſſi-
bunc ipſum,
quem quonda-
cum genuit u-
tiſſimi, &
ſanctiſſi ſam-
clara apud om-
de qua expu-
Aliam ſam-
di querimoni-
rent, non ad p-
Quas iſte tibi
gnoſci ego me-
ſignandi grat-
ubi ſunt & illa
lummas, cum
niquè diſpo-
alium pr. et
cum ſubſon-
tam diu do-

dem recordaris, nullum esse tantum malum, quod non tibi pro sceleribus tuis iam diu debeat? In Asiam uero postquam uenit, quid ego aduentu istius prandia, cenas, equos, muneraq. commemorem? nihil cum Verre de quotidianis criminibus acturus sum. Chio per uim signa pulcherrima dico abstulisse, item Erythris, & Halicarnasso. Tenedo (prætereo pecuniam, quam eripuit) Tenem ipsum, qui apud Tenedios sanctissimus deus habetur, qui urbem illam dicitur condidisse, cuius ex nomine Tenedus nominatur, hunc ipsum, inquam, Tenem, pulcherrime factum, quem quondam in Comitio uidiſtis, abstulit magno cum gemitu ciuitatis. Illa uero expugnatio fani antiquissimi, & nobilissimi Iunonis Samiæ quàm luctuosa Samijs fuit? quàm acerba toti Asiæ? quàm clara apud omnes? quàm nemini uestrum inaudita? de qua expugnatione cum legati ad C. Neronem in Asiam Samo ueniſſent, responſum tulerunt, cuiusmodi querimonias, quæ ad legatum populi R. pertinerent, non ad prætorem, sed Romam deferri oportere. Quas iste tabulas illinc, quæ signa sustulit? quæ cognoni egomet apud istum in ædibus nuper, cum obſignandi gratia ueniſſem. quæ signa nunc, Verres, ubi sunt? illa quaero, quæ apud te nuper ad omnes columnas, omnibus etiam intercolumnijs, in silua denique disposita sub dio uidimus. cur ea, quàm diu alium prætorem cum ijs iudicibus, quos in horum locum subſortitus es, de te in conſilium iturum putasti, tam diu domi fuerunt: postea quàm nostris testibus

nos,

107 ACTIONIS II. 108

nos, quàm horis tuis, uti malle uidisti, nullum signum domi reliquisti, præter duo, quæ in medijs ædibus sunt, quæ ipsa Samo sublata sunt? non putasti me tuis familiarissimis in hanc rem testimonia denunciaturum? qui tuæ domi sæpe fuissent, ex quibus quærerem, signa scirent ne fuisse, quæ non essent. quid tum hos de te iudicaturos arbitratu es, cum uiderent, te iam non contra accusatorem tuum, sed contra quæstorem, sectoremque pugnare? qua de re Charidemum Chium testimonium priore actione dicere audistis: sese, cum esset trierarchus, & Verrem ex Asia decedentem prosequeretur, iussu Dolabellæ fuisse una cum isto Sami, seseq. tum scire spoliatum esse fanum Iunonis, & oppidum Samum, posteaq. se causam apud Chios, ciues suos, Samijs accusantibus publice dixisse, eoq. se esse absolutum, quod planum fecisset, ea, quæ legati Samiorum dicerent, ad Verrem, non ad se, pertinere. Aspendum, uetus oppidum, & nobile in Pamphylia, scitis esse plenissimum signorum optimorum. non dicam, illinc hoc signum ablatum esse, & illud: hoc dico, nullum te Aspendi signum, Verres, reliquisse, omnia ex fanis, ex locis publicis, palam, spectantibus omnibus, plostris euecta, asportataq. esse. atque etiam illum Aspendium citharistam, de quo sæpe audistis id, quod est Græcis hominibus in prouerbio, quem omnia intus canere dicebant, sustulit, & in intimis suis ædibus posuit; ut etiam illum ipsum artificio suo superasse uideatur.

Pergæ

IN
Pergæ fanum
na simus
esse, ex ipsa
atque ablat
audacia, at
amicorum u
si in eas ui
men, opinor
bibus sustul
suburbana
tasses. Quia
cufas, urbem
ne, qui bellum
rentissimam
lippum, & A
lo, qui regem
L. Mummio
natissimam
nium, sustul
sub imperium
rum domus
gnis, & tab
totam, temp
rum domus,
reor, ne bac
obsoleta ui
erant huius
innocentia
porum illo

Pergæ fanum antiquissimum, & sanctissimum Dianæ scimus esse. id quoque a te nudatum, & spoliatum esse, ex ipsa Diana, quod habebat auri, detractum, atque ablatum esse dico. Quæ, malum, est ista tanta audacia, atque amentia? quas enim sociorum, atque amicorum urbes adisti legationis iure, & nomine; si in eas ui cum exercitu, imperioq. inuasisses, tamen, opinor, quæ signa, atque ornamenta ex his urbibus sustulisses, hæc non in tuam domum, neque in suburbana amicorum, sed Romam in publicum deportasses. Quid ego de M. Marcello loquar, qui Syracusas, urbem ornatissimam, cepit? quid de L. Scipione, qui bellum in Asia gessit, Antiochumq. regem potentissimum uicit? quid de Flaminio, qui regem Philippum, & Macedoniam subegit? quid de L. Paulo, qui regem Persen ui, ac uirtute superauit? quid de L. Mummio, qui urbem pulcherrimam, atque ornatissimam Corinthum, plenissimam rerum omnium, sustulit, urbesq. Achaiæ, Bæotiaeq. multas sub imperium populi R. ditionemq. subiunxit? quorum domus cum honore, & uirtute florerent, signis, & tabulis pictis erant uacua. at uero urbem totam, templa deorum, omnesq. Italiæ partes illorum donis, ac monumentis exornatas uidemus. Vereor, ne hæc forte cuiquam nimis antiqua, & iam obsoleta uideantur. ita enim tum æquabiliter omnes erant huiusmodi, ut hæc laus eximie uirtutis, & innocentiae non solum hominum, uerum etiam temporum illorum esse uideatur. P. Seruilius, uir clarissimus,

ACTIONIS II.

rissimus, maximis rebus gestis, adest, de te sententiam laturus est: Olympum ui, copijs, consilio, uirtute cepit, urbem antiquam, & omnibus rebus aetam, & ornatam. recens exemplum fortissimi uiri profero: nam postea Seruilius imperator populi R. Olympum, urbem hostium, cepit, quam tu in iisdem illis locis legatus quaestorius oppida pacata sociorum, atque amicorum diripienda, ac uexanda curasti. tu quae ex fanis religiosissimis per scelus, & per latrocinium abstulisti, ea nos uidere, nisi in tuis, amicorumq. tuorum tectis, non possumus: P. Seruilius, quae signa, atque ornamenta ex urbe hostium, & uirtute capta, belli lege, atque imperatorio iure sustulit, ea populo R. apportauit. per triumphum uexit, in tabulas publicas ad aerarium perscribenda curauit. Cognoscite ex literis publicis hominis amplissimi diligentiam. recita. RATIONES RELATAE P. SERVILII. Non solum numerum signorum, sed etiam uniuscuiusque magnitudinem, figuram, statum litteris definiri uides. certe maior est uirtutis, uictoriaeq. iucunditas, quam ista uoluptas, quae percipitur ex libidine, & cupiditate. multo diligentius habere dico Seruilium praedam populi R. quam te tua furti notata, atque descripta. Dices, tua quoque signa, & tabulas pictas ornamento urbi, foroq. populi R. fuisse. Memini: uidi simul cum populo R. forum, Comitiumq. adornatum ad speciem magnifico ornatu, ad sensum, cogitationemq. acerbo, & lugubri: uidi collucere omnia furtis tuis, praeda provinciarum

IN
nunciarum, &
quidem temp
quorum quoq
eos, qui iudi
non cupiditat
exterae spem
ac fortunaria
ex Asia, atq
qui deorum sim
nerabantur: n
cognoscerent,
tur. quorum
bamus, nihil
tio sociorum,
rent in foro p
marias fecer
bant, ibi esse
scelus ablata
tror illum neg
las pietas imm
let hoc, quae ra
cere se emisse,
Pamphyliam
ne, cum impe
tabularumq.
patris eius a
me legi, at
quo ad is te
reperietis.

uinciarum, spolijs sociorum, atque amicorum. quo
quidem tempore, iudices, iste spem maximam reli-
quorum quoque peccatorum naetus est. uidit enim
eos, qui iudiciorum dominos se dici uolebant, ha-
rum cupiditatem esse seruos. socij uero, nationesq.
exterae spem omnium tum primum abiecere rerum,
ac fortunarum suarum: propterea quod casu legati
ex Asia, atque Achaia plurimi Romae tunc fuerunt,
qui deorum simulacra ex suis fanis sublata in foro ue-
nerabantur: itemq. cetera signa, & ornamenta cum
cognoscerent, alia alio in loco lacrymantes intueban-
tur. quorum omnium hunc sermonem tum esse audie-
bamus, nihil esse, quod quisquam dubitaret de exi-
tio sociorum, atque amicorum, cum quidem uide-
rent in foro populi R. quo in loco antea, qui socijs
iniurias fecerant, accusari, & condemnari sole-
bant, ibi esse palam posita ea, quae ab socijs per-
scelus ablata, ereptaq. essent. Hic ego non arbi-
tror illum negaturum, signa sese plurima, tabu-
las pietas innumerabiles habere. sed, ut opinor, so-
let haec, quae rapuit, & furatus est, non nunquam di-
cere se emissee, quoniam quidem in Achaia, Asiam,
Pamphyliam sumptu publico, & legationis nomi-
ne, cum imperio, & securibus mercator signorum
tabularumq. pietarum missus est, Habeo & istius et
patris eius accepti tabulas omnes, quas diligentissi-
me legi, atque digessi; patris, quoad uixit; tuas,
quoad is te confecisse. nam in isto, iudices, hoc nouum
reperietis. audimus aliquem tabulas nunquam con-
fecisse:

A C T I O N I S I I .

fecisse : quæ est opinio hominum de Antonio , falsa : nam fecit diligentissime . uerum sit hoc genus ali quod , minime probandum . audimus alium non ab ini tio fecisse , sed ex tempore aliquo confecisse . est aliqua etiam huiusce rei ratio . hoc uero nouum , & ridicu lum est , quod hic nobis respondit , cum ab eo tabulas postularem ; usque ad M. Terentium , & C. Cas sium consules confecisse , postea destitisse . alio loco , hoc cuiusmodi sit , considerabimus . nunc nihil ad me attinet . horum enim temporum , in quibus nunc uer sor , habeo tabulas & tuas , & patris . plurima si gna pulcherrima , plurimas tabulas deportasse te , negare non potes : atque utinam neges . unum , osten de in tabulis aut tuis , aut patris tui , emptum esse : uicisti . ne hæc quidem duo signa pulcherrima , quæ nunc ad impluuium tuum stant , quæ multos annos ad ualvas Iunonis Samiæ steterunt , habes quo mo do emeris ; hæc , inquam , duo , quæ in ædibus tuis sola iam sunt , quæ sectorem expectant , relicta , ac destituta a ceteris signis . At credo in hisce solis re bus indomitas cupiditates , atque effrænatas habe bat ; ceteræ libidines eius ratione aliqua , aut modo continebantur . quàm multis istum ingenuis , quàm multis matribus familias in illa tetra atque impura legatione uim attulisse existimatis ? ecquo in oppido pedem posuit , ubi non plura stuprorum , flagitiorumq. suorum , quàm aduentus sui , uestigia reliquerit ? sed ego omnia , quæ negari poterunt , prætermittâ : etiam hæc , quæ certissima sunt , & clarissima , re linquam :

IN

linquam : un
gam , quo fac
mibi hoc oner
Oppidum est a
primis Asia
autem ipsi La
Romanos offu
quieti , prop
rum otium p
tum accomm
efflagitasset ,
Sed aliam mitt
sum suam , qu
depoposisset ;
magna calamit
inquit iste ad
uicesq. eius in
uimos erat isti
sola facere ad
his comitibus
bus , ut uideat
aut mulier , di
tius commoran
dam , homo fa
scio , quocumq.
lebat . is ad
esse quendam
facile princeps
qua cum pat

linquam : unum aliquod de nefarijs istius factis eligam , quo facilius ad Siciliam possim aliquando , quæ mihi hoc oneris , negotijque imposuit , peruenire . Oppidum est in Helleſponto Lampsacum , iudices , in primis Asiæ prouinciæ clarum , & nobile : homines autem ipsi Lampsaceni tum summe in omnes ciues Romanos officiosi , tum præterea maxime sedati , & quieti , prope præter ceteros ad summum Græcorum otium potius , quàm ad ullam uim , aut tumultum accommodati . accidit , cum iste a Cn. Dolabella efflagitasset , ut se ad regem Nicomedem , regemq. Sadalam mitteret ; cumq. iter hoc sibi magis ad quæstum suum , quàm ad reip. tempus accommodatum depoposcisset ; ut illo itinere ueniret Lampsacum , cū magna calamitate , & prope perniciæ ciuitatis . deducitur iste ad Ianitorem quendam , hospitem : comitesq. eius item apud ceteros hospites collocantur . ut mos erat istius , atque ut eum suæ libidines flagitiosæ facere admonuerant , statim negotium dat illis suis comitibus , nequissimis , turpissimisq. hominibus , ut uideant , & inuestigent , ecquæ uirgo sit , aut mulier , digna , quamobrem iste Lampsaci diutius commoraretur . erat comes eius Rubrius quidam , homo factus ad istius libidines : qui miro artificio , quocunque uenerat , hæc inuestigare omnia solebat . is ad eum rem istam defert : Philodamum esse quendam , genere , honore , copijs existimatione facile principem Lampsacenorum : eius esse filiam , quæ cum patre habitaret , propterea quod uirum non haberet ,

A C T I O N I S I I .

haberet, mulierem eximia pulchritudine, sed eam summa integritate pudicitiaq. existimari. homo ut hæc audiuit, sic exarsit ad id, quod non modo ipse nunquam uiderat, sed ne audierat quidem ab eo, qui ipse uidisset; ut statim ad Philodamum migrare se diceret uelle. hospes Ianitor, qui nihil suspicaretur, ueritus ne quid in ipso se offenderit, hominem summa ui retinere cæpit. iste, qui hospitis relinquenti causam reperire non posset, alia sibi ratione uiam munire ad stuprum cæpit: Rubrium, delicias suas, in omnibus eiusmodi rebus adiutorem suum, & conscium, parum laute diuersari dicit, ad Philodamum deduci iubet. quod ubi est Philodamo nunciatum; tametsi erat ignarus, quantum sibi ac liberis suis iam tum mali constitueretur, tamen ad istum uenit, ostendit munus illud suum non esse: se, cum suæ partes essent hospitum recipiendorum, tamen ipsos tantum prætores, & consules, non legatorum affeclas, recipere solere. iste, qui una cupiditate raperetur, totum illius postulatum causamq. neglexit: per uim ad eum, qui recipere non debebat, Rubrium deduci imperauit. hic Philodamus, postea quàm ius suum obtinere non potuit; ut humanitatem, consuetudinemq. suam retineret, laborabat. homo, qui semper hospitalissimus, amicissimusq. nostrorum hominum existimatus esset, noluit uideri ipsum illum Rubrium inuitus in domum suam recepisse: magnifice, & ornate, ut erat in primis inter suos copiosus, conuiuium comparat: rogat Rubrium, ut, quos ei com
modum

I N
modum sit,
linquat: ut
scientem, for
teret ad cena
eos omnes
mature ueni
inuitatio, u
tur: postquam
sermone lati
re res Rubri
cur ad nos fili
qui & summa
rens esset, ob
Rubrius. tuam
moris esse Gr
berent mulier
referendum
seruis suis Rub
ad fores assiste
id agi, at que
nos suos ad se
gant, filiam d
tantum domus
rea fit tota do
hospitis: iact
nestissimus
que feruenti
hac ubi filio
des contend

modum sit, inuitet; locum sibi soli, si uideatur, relinquat: ut etiam filium suum, lectissimum adolescentem, foras ad propinquum suum quendam mitteret ad cenam. tum Rubrius istius comites inuitat. eos omnes Verres certiores facit, quid opus esset. mature ueniunt: discumbitur: fit sermo inter eos, & inuitatio, ut græco more biberetur. hospes hortatur: poscunt maioribus poculis: celebratur omnium sermone letitiaq. conuiuium. postea quàm satis calere res Rubrio uisa est; quæso, inquit, Philodame, cur ad nos filiam tuam nõ intro uocari iubes? homo, qui & summa grauitate, & iam id ætatis, & patrens esset, obstupuit hominis improbi dicto. instare Rubrius. tum ille, ut aliquid responderet, negauit moris esse Græcorum, ut in conuiuiis uirorum accumberent mulieres. hic tum alius ex alia parte: enim uero ferendum hoc non est: uocetur mulier. & simul seruis suis Rubrius, ut ianuam clauderent, & ipsi ad fores assisterent, imperat. quod ubi ille intellexit, id agi, atque id parari, ut filiæ suæ uis afferretur; seruos suos ad se uocat; his imperat, ut se ipsum negligant, filiam defendant; excurret aliquis, qui hoc tantum domestici mali filio suo nunciet. clamor interea fit tota domo: pugna inter seruos Rubrij, atque hospitis: iactatur domi suæ uir optimus, & homo honestissimus. pro se quisque manus affert: aqua denique feruenti a Rubrio ipso Philodamus perfunditur. hæc ubi filio nunciata sunt, statim exanimatus ad ædes contendit, ut & uitæ patris, & pudicitie sororis

A C T I O N I S I I .

ris succurreret . omnes eodem animo Lampsaceni , si
mul ut hoc audiuerunt , quòd eos tum Philodami di-
gnitas , tum iniuriæ magnitudo mouebat , ad ades
noctu conuenerunt . hic liCTOR istius Cornelius , qui
cum eius seruis erat a Rubrio , quasi in præsidio , ad
auferendam mulierem collocatus , occiditur : serui nõ
nulli uulnerantur : ipse Rubrius in turba sauciatur .
iste , qui sua cupiditate tantos tumultus concitados ui-
deret , cupere aliquà euolare , si posset . postridie ma-
ne homines in concionem ueniunt : quærunt , quid o-
ptimum factu sit : pro se quisque , ut in quoque erat
auctoritatis plurimum , ad populum loquebatur : in-
uentus est nemo , cuius non hæc & sententia esset , &
oratio : non esse metuendum , si istius nefarium scelus
Lampsaceni ulti ui , manuq. essent , ne senatus popu-
lusq. R. in eam ciuitatem animaduertendum puta-
ret : quòd si hoc iure legati populi R. in socios , natio-
nesq. exterarum uterentur , ut pudicitiam liberorum
seruare ab eorum libidine tutam non liceret ; quiduis
esse perpeti satius , quàm in tanta ui , atque acerbita-
te uersari . hæc cum omnes sentirent ; & cū in eam ra-
tionem pro suo quisque sensu , ac dolore loqueretur ;
omnes ad eam domum , in qua iste diuersabatur , pro-
fecti sunt . cedere ianuam saxis , instare ferro , ligna
& sarmenta circumdare , ignem subijcere cæperunt .
tum ciues R. qui Lampsaci negotiabantur , concur-
runt , orant Lampsacenos , ut grauius apud eos no-
men legationis , quàm iniuria legati putaretur : sese
intelligere , hominem illum esse impurum , ac nefa-
rium ;

I N
rium; sed qu
set, neque s
rum peccati
quam si leg
rator, & n
to etiam sel
R. ferre nom
stus est; idq
ut latarent
stitueretur:
men ex illa f
huc causam
uenerit, aut
tam ueniret.
fidare uellem
pendium cog
gerem, quic
quod minatur
oportere, si
tantum addid
se causam illi
falsam confu
frugalissimus
Tettius hæc
omnibus reb
Asia tribum
Philodamo
fortuna non
quam ad uer

rium; sed quoniam nec perfecisset, quod conatus esset, neque futurus esset Lampsaci postea, leuius eorum peccatum fore, si homini scelerato pepercissent, quàm si legato non pepercissent. sic iste, multo sceleratior, & nequior, quàm ille Adrianus, aliquanto etiam felicius fuit. ille, quòd eius auaritiâ ciues R. ferre non potuerant, Vticae domi suæ uiuus exustus est; idq. ita illi merito accidisse existimatum est, ut latarentur omnes, neque ulla animaduersio constitueretur: hic, sociorum ambustus incendio, tamen ex illa flamma, periculoq. euolauit: neque adhuc causam ullam excogitare potuit, quamobrem eueniret, aut, quid commiserit, ut in tantum periculum ueniret. non enim potest dicere, cum seditionem sedare uellem, cum frumentum imperarem, cum stipendium cogerem, cum aliquid denique reip. causa gererem, quòd acrius imperaui, quòd animaduerti, quòd minatus sum. quæ si diceret; tamen ignosci non oporteret, si, nimis atrociter imperando socijs, in tantum adductus periculum uideretur. nunc, cum ipse causam illius tumultus neque ueram dicere, neque falsam confingere audeat; homo autem ordinis sui frugalissimus, qui tum accensus C. Neroni fuit, P. Tettius hæc eadem se Lampsaci cognosse dixerit; uir omnibus rebus ornatissimus C. Varro, qui tum in Asia tribunus militum fuit, hæc eadem ipsa se ex Philodamo audisse dicat: potestis dubitare, quin istæ fortuna non tam ex illo periculo eripere uoluerit, quàm ad uestrum iudicium reseruare? nisi uero illud

O 2 dicet,

A C T I O N I S I I .

dicet , quod & in testimonio Tettij priore actione in
terpellauit Hortensius : quo tempore quidem signifi-
catis dedit , si quid esset , quod posset dicere , se tacere non
posse : ut , quàm diu in ceteris rebus tacuerit , scire
omnes possemus , nihil habuisse quod diceret . hoc tum
dixit , Philodamum , & eius filium a C. Nerone es-
se damnatos . de quo ne multa differam , tantum di-
co , secutum id esse Neronem , & eius consilium ;
quòd Cornelium lictorem occisum esse constaret , pu-
tasse non oportere esse cuiquam , ne in ulciscenda qui-
dem iniuria , hominis occidendi potestatem . in quo
uideo , Neronis iudicio non te absolutum esse impro-
bitatis , sed illos damnatos esse cædis . Verum ista
damnatio tamen cuiusmodi fuit ? audite , quæso , iu-
dices , & aliquando miseremini sociorum , & osten-
dite aliquid his in uestra fide præsidij esse oportere .
Quòd toti Asia iure occisus uidebatur istius ille uer-
bo lictor , re uera minister improbissimæ cupiditatis ;
pertimuit iste , ne Philodamus Neronis iudicio libe-
raretur . rogat , & orat Dolabellam , ut de sua pro-
uincia decedat , ad Neronem proficiscatur : se demon-
strat incolumem esse non posse , si Philodamo uiuere ,
atque aliquando Romam uenire licuisset . commotus
est Dolabella : fecit id , quod multi reprehenderunt ,
ut exercitum , provinciam , bellum relinqueret , &
in Asiam hominis nequissimi causâ , in alienam pro-
uinciam , proficisceretur . postea quàm ad Neronem
uenit , contendit ab eo , ut Philodami causâ co-
gnosceret . uenerat ipse , qui esset in consilio , & pri-
mus

IN
mus sentent
& tribunos
filium uocan
dex , ipse V
Gracorum ;
sini cuiusqu
ser defensore
esset aut tog
qui eiusdem
tor autem ap
Lampfacenon
per eiusdem
exigere . cum
copijs agerent
rent , nemo d
præfectis pug
nas diceret ;
consilio , idem
serent ; & cu
ranta uis istius
labatur , ut de
tur . Quid ego
spiritus , qui
proferam ? qu
nocentissimi
dum , atque
tuerit , non
desiderabam
labella . qui

mus sententiam diceret: adduxerat etiam præfectos,
 & tribunos militares suos; quos Nero omnes in con-
 silium uocauit: erat in consilio etiam, æquissimus iu-
 dex, ipse Verres: erant non nulli togati, creditores
 Græcorum; quibus ad exigendas pecunias improbi-
 simi cuiusque legati plurimum prodest gratia. ille mi-
 ser defensorem reperire neminem poterat. quis enim
 esset aut togatus, qui Dolabellæ gratia, aut Græcus,
 qui eiusdem ui, & imperio non moueretur? accusa-
 tor autem apponitur ciuis Romanus, de creditoribus
 Lampsacenorum; qui, si dixisset quod iste iussisset,
 per eiusdem istius lictores a populo pecuniam posset
 exigere. cum hæc omnia tanta contentione, tantis
 copijs agerentur; cum illum miserum multi accusa-
 rent, nemo defenderet; cumq. Dolabella cum suis
 præfectis pugnaret in consilio; Verres fortunas agi
 suas diceret; idem testimonium diceret, idem esset in
 consilio, idem accusatorem parasset; hæc cum omnia
 fierent; & cum hominem constaret occisum; tamen
 tanta uis istius iniuriæ, tanta in isto improbitas pu-
 tabatur, ut de Philodamo, amplius, pronunciare-
 tur. Quid ego nunc in altera actione Cn. Dolabellæ
 spiritus, quid huius lacrymas, & concursationes
 proferam? quid C. Neronis, uiri optimi, atque in-
 nocentissimi, non nullis in rebus animum nimis timi-
 dum, atque demissum? qui, in illa re quid facere po-
 tuerit, non habebat: nisi forte id, quod omnes tum
 desiderabant, ut ageret eam rem sine Verre, & Do-
 labella. quidquid esset sine his actum, omnes proba-
 rent.

A C T I O N I S I I .

rent . tum uero quod pronunciatum est , non per Ne-
ronem iudicatum , sed per Dolabellam ereptum exi-
stimabatur . condemnatur enim per paucis sententijs
Philodamus , & eius filius . adest , instat , urget Do-
labella , ut quamprimum securi feriantur , quo quam-
minime multi ex illis de istius nefario scelere audire
possent . constituitur in foro Laodiceæ spectaculum a-
cerbum , & miserum , & graue toti Asiæ prouin-
ciæ , grandis natu parens adductus ad supplicium ,
ex altera parte filius , ille , quod pudicitiam libero-
rum , hic , quod uitam patris , famamq. sororis de-
fenderat . flebat uterque , non de suo supplicio , sed pa-
ter de filij morte , de patris filius . quid lacrymarum
ipsum Neronem putatis profudisse ? quem fletum to-
tius Asiæ fuisse ? quem luctum , & gemitum Lam-
psacenorum ? securi esse percussos homines innocentes ,
nobiles , socios populi R. atque amicos , propter ho-
minis flagitiosissimi singularem nequitiam , atque
improbissimam cupiditatem . Nemo iam , Dolabella ,
neque tui , neque tuorum liberum , quos tu miseros in
egestate , atque in solitudine reliquisti , misereri potest .
Verres ne tibi tanti fuit , ut eius libidinem hominum
innocentum sanguine lui uelles ? iccirco , ne exerci-
tum , atque hostem relinquebas , ut tua ui , & crude-
litate istius hominis improbiissimi pericula subleua-
res ? quod enim eum tibi quæstoris in locum constitue-
ras , iccirco tibi amicum in perpetuum fore putasti ?
nesciebas , ab eo Cn. Carbonem consulem , cuius re-
uera quæstor fuit , non modo relictum , sed etiam spo-
liatum .

liatum auxilijs, nefarie oppugnatum, & proditum? expertus igitur es istius perfidiam tum, cum se ad inimicos tuos contulit, cum in te homo ipse nocens acerrimum testimonium dixit, cum rationes ad aerarium, nisi damnato te, referre noluit. Tantæ ne tuæ, Verres, libidines erunt, ut eas capere, ac sustinere non provinciæ populi R. non nationes extræ possint? tu ne quod uideris, quod audieris, quod concupieris, quod cogitaris, nisi id ad nutum tuum præsto fuerit, nisi libidini tuæ cupiditatiq. paruerit, immittetur homines? expugnabuntur domus? ciuitates non modo pacatæ, uerum etiâ sociorum, atque amicorû, ad uim, atque ad arma confugient, ut ab se, atque ab liberis suis legati populi R. scelus, atque libidinem propulsare possint? nam quæro abs te, circumfessus ne sis Lampsaci? cæperit ne domum, in qua diuersare, illa multitudo incendere? uoluerint ne legatum populi R. comburere uiuum Lampsaceni? negare non potes: habeo enim testimonium tuum, quod apud Neronem dixisti: habeo quas ad eundem litteras misisti. Recita hunc ipsum locum de testimonio.

TESTIMONIUM C. VERRIS IN ARTEMIDORVM. Recita de litteris ad Neronem missis.

LITTERAE C. VERRIS AD NERONEM.

NON MVLTTO POST IN DOMVM. Bellum ne populo R. Lampsaceni ciues facere conabantur? deficere ab imperio ac nomine nostro uolebant? uideo enim, & ex ijs, quæ legi, & audiui, intelligo; in qua ciuitate non modo legatus populi R. circumfessus,

O 4 non

A C T I O N I S I I .

non modo igni , ferro , manu , copijs oppugnatus ,
 sed aliqua ex parte uiolatus sit , nisi publice satisfac-
 tum sit , ei ciuitati bellum indici , atque inferri sole-
 re . quæ fuit igitur caussa , cur cuncta ciuitas Lampsa-
 cenorum de concione , quemadmodum tute scribis ,
 domum tuam concurreret ? tu enim neque in litteris ,
 quas Neroni mittis , neque in testimonio causam tā-
 ti tumultus ostendis ullam : obsessum te dicis : ignem
 allatum , sarmenta circumdata , lictorem tuum occi-
 sum esse dicis : prodeundi tibi in publicum potestatem
 factam negas : causam huius tanti terroris occultas .
 nam si quam Rubrius iniuriam suo nomine , ac non
 impulsu tuo , & tua cupiditate , fecisset ; de tui co-
 mitis iniuria questum ad te potius , quàm te oppugna-
 tum uenirent . cum igitur , quæ caussa illius tumul-
 tus fuerit , testes a nobis producti dixerint , ipse cela-
 rit ; non ne causam hanc , quam nos proposuimus ,
 tum illorum testimonia , tum istius taciturnitas per-
 petua confirmat ? Huic homini parceris igitur , iudi-
 ces ? cuius tanta peccata sunt , ut ij , quibus iniurias
 fecerit , neque legitimum tempus expectare ad ulci-
 scendum , neque uim tantam doloris in posterum dif-
 ferre potuerint . Circumfessus es . a quibus ? a Lam-
 psacenis : barbaris hominibus , credo , aut ijs , qui
 populi R. nomen contemnerent : immo uero ab homi-
 nibus & natura , & consuetudine , & disciplina le-
 nissimis ; porro autem populi R. condicione socijs , for-
 tuna seruis , uoluntate supplicibus : ut perspicuum sit
 omnibus , nisi tanta acerbitas iniuriæ , tanta uis sce-
 lens

I N
 leris fuisset
 quæ perpe
 locum progr
 mistua , qu
 te , per deos
 ras natione
 tis , ut entia
 quam ulla
 turum cred
 quam nulla
 men incōmo
 cys , quàm d
 bi , cum circu
 tuum scelus ,
 miseros , &
 bus , & iudic
 re ; cum te in
 tum populi R
 proueris ; cu
 nisq. nostri fa
 cum te ex fern
 e flamma soci
 futurum ? ern
 sceres , illi te
 esse factum ,
 quod Philo
 doceo , si pla
 ad hanc rem
 cebo , te hu

leris fuisset, ut Lampsaceni moriendum sibi potius,
 quam perpetiendum putarent, nunquam illos in eum
 locum progressuros fuisse, ut uehementius odio libidi-
 nis tuæ, quam metu legationis, mouerentur. Noli-
 te, per deos immortales, cogere socios, atque exte-
 ras nationes hoc uti perfugio: quo, nisi uos uindica-
 tis, utentur necessario. Lampsacenos in istum nun-
 quam ulla res mitigasset, nisi eum pœnas Romæ da-
 turum credidissent. et si talem acceperant iniuriam,
 quam nulla lege satis digne persequi poterant: ta-
 men incômoda sua uestris committere legibus, et iudi-
 cijs, quam dolori suo permittere, maluerunt. Tu mi-
 hi, cum circumfessus a tam illustri ciuitate sis propter
 tuum scelus, atque flagitium; cum coegeris homines
 miseros, & calamitosos, quasi desperatis nostris legi-
 bus, & iudicijs, ad uim, ad manus, ad arma confuge-
 re; cum te in oppidis, ciuitatibus amicorum non lega-
 tum populi R. sed tyrannum libidinosum, crudelemq.
 præbueris; cum apud exteras nationes imperij, nomi-
 nisq. nostri famam tuis probris, flagitijsq. uiolaris;
 cum te ex ferro amicorum populi R. eripueris, atque
 e flamma sociorum euolaris: hic tibi perfugium speras
 futurum? erras. ut huc incideres, non ut hic conquie-
 sceres, illi te uiuum exire passi sunt. Et ais iudicium
 esse factum, te iniuria circumfessum esse Lampsaci,
 quod Philodamus cum filio condemnatus sit. quid, si
 doceo, si planum facio, teste homine nequam, uerum
 ad hanc rem tamen idoneo, te ipso, inquam, teste do-
 cebo, te huius circumfessionis tuæ causam, & culpâ
 in

ACTIO NIS II.

*in alios transtulisse, neque in eos, quos tu insimularis, esse animaduersum? iam nihil te iudicium Neronis adiuvat. Recita, quas ad Neronem litteras misit. EPISTOLA C. VERRIS AD NERONEM. THEMISTAGORAS, ET THESSALVS. Themistagoram, & Thessalum scribit populum concitasse: quem populum? qui te circumse-
dit, qui te uiuum comburere conatus est. ubi hos persequeris? ubi accusas? ubi defendis ius, nomenq. legati? in Philodami iudicio dices id actum. cedo mihi ipsius Verris testimonium. uideamus, quid idem iste iuratus dixerit. Recita. AB ACCVSATORE INTERROGATVS, RESPONDIT: IN HOC IUDICIO NON PERSEQUI; SIBI IN ANIMO ESSE, ALIO TEMPORE PERSE-
QVI. Quid igitur te iuuat Neronis iudicium? quid Philodami dānatio? legatus cum esses circumseffus; cumque, quemadmodum tute ad Neronem scripsisti, populo R. communiq. causse legatorum facta esset iniuria insignis; non es persecutus; dicis tibi in animo esse alio tempore persequi. quod fuit id tempus? quando es persecutus? cur imminuisti ius legationes? cur causam populi R. deseruisti, ac prodidisti? cur iniurias tuas, coniunctas cum publicis, reliquisti? nō ne te ad senatum causam deferre, non de tam atrocibus iniurijs conqueri, non eos homines, qui populum concitarant, consulum litteris euocandos curare oportuit? nuper, M. Aurelio Scauro postulante, quod is Ephesi se quæstorem ui prohibitum esse dicebat, pro minus
e fano*

IN
e fano Dian
gisset, abduca
mus, Roman
fuisse arguer
clatum esse,
varentur, li
cenderere, et
pes fuisse, qu
quis, non com
bi esset facta
sam tuam, pe
nim nomen le
inter sociorum
lone uersetur
libidinis atque
nunc auaritia
lesios nauem p
nom prosequer
de sua classe, n
prafidio Mym
lone publicae
de contumelia
tamen si dici tu
potest, tamen
bus integra
modo potest
tes remige
ipse myopa
nauibus ele

e fano Dianæ seruum suum, qui in illud asyllum confu-
 gisset, abduceret; Pericles Ephesius, homo nobilissi-
 mus, Romam euocatus est, quod auctor iniquitatis illius
 fuisse argueretur. tu, si, te legatum ita Lampsaci tra-
 ctatum esse, senatum docuisses, ut tui comites vulne-
 rarentur, licet occideretur, ipse circumfessus pæne in-
 cenderere, eius autem rei duces & auctores, et princi-
 pes fuisse, quos scribis, Themistagoram, & Thessalū
 quis; non commoueretur? quis non ex iniuria, quæ ti-
 bi esset facta, sibi prouideret? quis non in ea re caus-
 sam tuam, periculum commune agi arbitraretur? ete-
 nim nomen legati eiusmodi esse debet, quod non modo
 inter sociorum iura, sed etiam inter hostium tela inco-
 lume uersetur. Magnum hoc Lampsacenum crimē est
 libidinis atque improbissimæ cupiditatis: accipite
 nunc auaritiæ propemodū in suo genere nō leuius. Mi-
 lesios nauem poposcit: quæ eum præsidij causa Myn-
 dum prosequeretur. illi statim myoparonem egregiū
 de sua classe, ornatum, atque armatum, dederunt. hoc
 præsidio Myndum profectus est. Nam quid Milesiis
 lanæ publicæ abstulerit, item de sumptu in aduentū,
 de contumelijs, & iniurijs in magistratum Milesiū,
 tametsi dici tum uere, tum grauitè, & uehementer
 potest, tamen dicere prætermittam, eaquæ omnia testi-
 bus integra reseruabo. illud, quod neque taceri ullo
 modo potest, neque dici pro dignitate, cognoscite. mili-
 tes remigesquæ. Miletum Myndo pedibus reuerti iubet:
 ipse myoparonem pulcherrimum, de decem Milesiorū
 nauibus electum, L. Magio, & L. Fannio, qui Myndi
 habi-

ACTIONIS II.

habitant, uendit. hi sunt homines, quos nuper senatus in hostium numero censuit habendos. hoc illi nauigio ad omnes populi R. hostes usque ab Dianio, quod in Hispania est, ad Sinopem, quæ in Ponto est, nauigauerunt. O dii immortales, incredibilem auaritiā, singularemq. audaciā. nauem tu de classe populi R. quam tibi Milesia ciuitas, ut te prosequeretur, dedisset, ausus es uendere? si te magnitudo maleficij, si te hominum existimatio non mouebat; ne illud quidem cogitabas, huius improbissimi furti, huius adeo nefariæ prædæ tam illustrem, ac tam nobilem ciuitatem testem futuram? an, quia tum Cn. Dolabella in eum, qui ei myoparoni præfuerat, Milesiisq. rem gestam renunciarat, animaduertere tuo rogatu conatus est, renunciationemq. eius, quæ erat in publicas litteras relata illorum legibus, tolli iusserat; iccirco te ex hoc crimine elapsum esse arbitrabare? multum te ista fefellit opinio, & quidem multis in locis: semper enim existimasti, & maxime in Sicilia, satis cautum tibi ad defensionem fore, si aut referri aliquid in litteras publicas uetuisses, aut, quod relatum esset, tolli coegisses. hoc quàm nihil sit, tametsi ex multis Siciliae ciuitatibus priore actione didicisti, tamen etiam in hac ipsa ciuitate cognosce. sunt illi quidem dicto audiētes, quàm diu adsunt ij, qui imperant: simul ac discesserunt, non solum illud perscribunt, quod tum prohibiti sunt, sed etiam causam adscribunt, cur non tū in litteras relatum sit. manent istæ litteræ Mileti: manent, & dum
erit

IN
erit illa ciuitas
L. Marce po
puli R. fecerat
re ciuitates.
um repentino
tempestatis, si
missam, in litt
legati Milesii
tatis: qui tam
consilium desig
hoc tantum faci
re producti quid
religione ad
quid illo myopar
nem in ea classe,
nam ipsam con
tine Cn. Dolab
nisse arbitratu
(nam a Dolabe
alteram tutel
set, in bona eius
uinciam sic copi
hil relinqueret
pulos, & sing
grande pondus
lis istius erat
pondus arge
multos form
placuit, im

erit illa ciuitas, manebunt. decem enim naues iussu L. Muræne populus Milesius ex pecunia uectigali populi R. fecerat, sicut pro sua quæque parte Asiæ ceteræ ciuitates. quamobrem unam ex decem non prædonum repentino aduentu, sed legati latrocinio, non uitempestatis, sed hac horribili tempestate sociorum amissam, in litteras publicas retulerunt. sunt Romæ legati Milesii, homines nobilissimi, ac principes ciuitatis: qui tametsi mensem Februarium expectant, et consulum designatorum nomen extimescunt, tamen hoc tantum facinus non modo negare interrogati, sed ne producti quidē reticere poterunt. dicent, inquam, & religione adducti, & legum domesticarum metu, quid illo myoparone factum sit. ostendent, C. Verrem in ea classe, quæ contra piratas ædificata sit, piratam ipsum consceleratum fuisse. C. Malleolo, quæstore Cn. Dolabellæ, occiso, duas sibi hereditates uenisse arbitratus est, unam quæstoriæ procurationis, (nam a Dolabella statim pro quæstore iussus est esse) alteram tutelæ. nam cum pupilli Malleoli tutor esset, in bona eius impetum fecit. nam Malleolus in provinciam sic copiose profectus erat, ut domi prorsus nihil relinqueret. præterea pecunias occuparat apud populos, & syngraphas fecerat: argenti optime calati grande pondus secum tulerat: (nam ille quoque sodalis istius erat in hoc morbo, & cupiditate) grande pondus argenti, familiam magnam, multos artifices, multos formosos homines reliquit. iste, quod argenti placuit, inuasit: quæ mancipia uoluit, abduxit: uina,

A C T I O N I S I I .

na, ceteraque, quæ in Asia facillime comparantur, quæ ille reliquerat, asportauit: reliqua uendit, pecuniam exegit. cum ad HS uicies quinquies redegit, se constaret: ut Romam redijt, nullam litteram pupillo, nullam matri eius, nullam tutoribus reddidit: seruos artifices pupilli cum haberet domi, circumpedes autem homines formosos, & litteratos, suos esse dicebat, se emissee. cum sæpius mater, & auia pueri postularent, uti, si non redderet pecuniam, nec rationem daret, diceret saltem, quantum pecuniæ Malleoli deponasset: multis efflagitatus aliquando dixit, HS decies: deinde in codicis extrema cera nomen infimum in flagitiosa litura fecit: expensa Chrysogono seruo HS sexcenta millia, accepta pupillo Malleolo retulit. quo modo ex decies HS DC sint facta, quo modo DC eodem modo quadrarint, (ut illa de Cn. Carbonis pecunia reliqua HS sexcenta facta) quo modo Chrysogono expensa lata sint, cur id nomen infimum, in lituraq. sit, uos existimabitis. tamen HS sexcenta millia cum accepta retulisset, HS quadringenta millia soluta non sunt. homines, postea quàm reus factus est, alij redditi, alij etiam nunc retinentur: peculia omnium, uicarij q. retinentur. Hæc est illius præclara tutela. en cui tuos liberos committas, en memoria mortui sodalis, en metus uiuorum existimationis. Cū tibi se tota Asia spoliandam, ac uexandam tradidisset; cū tibi exposita esset omnis ad prædandum Pamphylia; contentus his tam opimis rebus non fuisti? manus a tutela, manus a pupillo, manus a sodalis filio abstine-

re

re non potuisti? iam te non Siculi, non aratores, ut di-
 Etitas, circumueniunt, non ij, qui decretis, edictisq.
 tuis in te concitati, infestiq. sunt: Malleolus, a me
 productus, & mater eius, atque auia: quæ misera,
 flentes, euersum a te puerum patrijs bonis esse dixe-
 runt. quid exspectas? an, dum ab inferis ille Malleo-
 lus existat, atque abs te officia tutelæ, sodalitatis, fa-
 miliaritatisq. flagitet? ipsum putato adesse. homo
 auarissime & spurcissime, redde bona sodalis filio, si
 non quæ abstulisti, at quæ confessus es. cur cogis so-
 dalis filium hanc primam in foro uocem cum dolore,
 & querimonia emittere? cur sodalis uxorem, sode-
 lis socrum, domum denique totam sodalis mortui con-
 tra te testimonium dicere? cur prudentissimas, le-
 ctissimasq. feminas in tantum uirorum conuentum in-
 solitas, inuitasq. prodire cogis? Recita omnium te-
 stimonia. TESTIMONIA MATRIS,
 ET AVIAE. Pro quaestore uero quo modo iste com-
 mune Miliadum uexarit; quo modo Lyciam, Pam-
 phyliam, Pisidiam, Phrygiamq. totam, frumento
 imperando, aestimando hac sua, quam tum primum
 excogitauit, Siciliensi aestimatione, afflixerit; non est
 necesse demonstrare uerbis. hoc scitote, his nomini-
 bus, quæ res per eum gestæ sunt, cum iste ciuitatibus
 frumentum, coria, cilicia, saccos imperaret, neque ea
 sumeret, pro his rebus pecuniâ exigeret, his nomini-
 bus solis Cn. Dolabellæ HS ad tricies litæ esse aestima-
 tam. quæ omnia, etiam si uoluntate Dolabellæ fiebāt,
 per istum tamen omnia gerebantur. consistam in uno
 nomine:

ACTIONIS II.

nomine: multa sunt ex eodem genere. Recita. DE
LITIBVS AESTIMATIS CN. DOLABEL-
LAE PR. POPVLO R. PECVNIAE RE-
DACTAE. QVOD A COMMVNI MILIA-
DVM. Te hæc coegisse, te aestimasse, tibi pecuniam
numeratam esse dico: eademq. ui, & iniuria cum pe-
cunias maximas cogeres, per omnes partes provinciæ
te, tanquam aliquam calamitosam tempestatem, pe-
stemque peruasisse demonstro. itaque M. Scaurus,
qui Cn. Dolabellam accusauit, istum in sua potestate,
ac ditione tenuit. homo adolescens, cum istius in in-
quirendo multa furta, ac flagitia cognosceret, fecit
perite, & callide: uolumen eius rerum gestarum ma-
ximum isti ostendit: ab homine, quæ uoluit, in Dola-
bellam abstulit: istum testem produxit. dixit iste,
quæ uelle accusatorem putauit. quo ex genere mihi te-
stium, qui cum isto furati sunt, si uti uoluisssem, ma-
gna copia fuisset; qui, ut se periculo litium, coniun-
ctione criminum, liberarent, quò ego uellem, descen-
suros pollicebantur. eorum ego uoluntatem omnium
repudiaui: non modo proditori, sed ne perfugæ qui-
dem locus in meis castris cuiquam fuit. forsitan me-
lioires illi accusatores habendi sunt, qui hæc omnia fe-
cerunt. sed ego defensorem in mea persona, non accu-
satores, maxime laudari uolo. Rationes ad æra-
rium, ante quàm Dolabella condemnatus est, non au-
det referre. impetrat a senatu, ut dies sibi prorogare-
tur, quòd tabulas suas ab accusatoribus Dolabella
obsignatas diceret: perinde quasi exscribendi pote-
statem

statem non haberet. solus est hic, qui nunquam rationes ad aerarium referat. audistis quaestoriam rationem tribus uersiculis relata: legationis, non nisi condemnato, & eiecto eo, qui posset reprehendere: nunc denique praetura, quam ex S. C. statim referre debuit, usque ad hoc tempus non retulit, quaestorem se in senatu expectare dixit. perinde quasi non, ut quaestor sine praetore posset referre, ut tu Hortensi, ut omnes, eodem modo sine quaestore praetor. Dixit, idem Dolabellam impetrasse. omen magis patribus conscriptis, quam causa placuit. probauerunt. Verum quaestores quoque iam pridem uenerunt: cur non retulisti? illarum rationum ex ea facie legationis, quaestoriaeque, tuae procurationis illa sunt nomina, quae Dolabellae necessario sunt aestimata. EX LITIBVS AESTIMATIS DOLABELLAE PR. ET PROPR. quod minus Dolabella Verri acceptum retulit, quam Verres illi expensum tulerit, HS quingenta triginta quinque millia: quod plus fecit Dolabella Verrem accepisse, quam iste in suis tabulis habuit, HS ducenta triginta duo millia: quod plus frumenti fecit accepisse istum, HS decies & octingenta millia; quod tu, homo castissimus, aliud in tabulis habebas. hinc illae extraordinariae pecuniae, quas, nullo duce, tamen aliqua ex particula inuestigamus, redundarunt. hinc ratio cum Q. & Cn. Postumij, Curtij, multis nominibus, quorum in tabulis iste habet nullum. hinc HS quater decies P. Tadio numerata Athenis, testibus planum faciam. hinc em

P pta

A C T I O N I S I I .

pta apertissime prætura . nisi forte id etiam dubium est , quo modo iste prætor factus sit . homo scilicet aut industria , aut opera probata , aut frugalitatis existimatione præclara , aut denique , id quod leuissimum est , assiduitate , qui ante quæsturam cum meretricibus le nonibus q̄ . uixisset , quæsturam ita gessisset , quemadmodum cognouistis , Romæ post quæsturam illam nefariam uix triduum constitisset , absens non in obliuio ne iacuisset , sed in assidua commemoratione omnibus omnium flagitiorum fuisset ; is repente , ut Romam uenit , gratis prætor factus est . alia porro pecunia , ne accusaretur , data . cui sit data , nihil ad me , nihil ad rem pertinere arbitror : datam quidem esse , tum inter omnes , recenti negotio , facile constabat . Homo stultissime , & amentissime , tabulas cum conficeres , & cum extraordinaria pecunia crimen subterfugere uelles ; satis te elapsurum omni suspitione arbitraberis , si , quibus pecuniam credebas , ijs expensum non ferres , neque in tuas tabulas ullum nomen referres , cum tot tibi nominibus acceptum Curtij referrent ? quid proderat tibi , te expensum illis non tulisse ? an tuis solis tabulis te causam dicturum existimasti ? Verum ad illam iam ueniamus præclaram præturam , criminaq̄ . ea , quæ notiora sunt his , qui adsunt , quam nobis , qui meditati ad dicendum paratiq̄ . uenimus . in quibus , non dubito , quin offensionem negligentie uitare , atque effugere non possim . multi enim ita dicent : de illo nihil dixit , in quo ego interfui : illam iniuriam non attigit , quæ mihi , aut quæ amico meo facta

Et a

IN
Et a est ; quibus
qui istius inima
so , me ueheme
mea fore , ut u
integre referre
nem breuitati
nem . fatebor
iste punctum
terire passus fu
non potuisse co
a criminibus
is dicendi , &
posuisset , quæ
nam ac mediocr
ur factus est ; q
item nactus e
Chelidonis ,
quo qualis in ei
P. Amins Aff
ore . is cam tra
et ; quod eam n
at , fecit , ut fili
es erat filia : fa
uitas , uolunt
lo iuris eius ,
tius . iste , præ
tentatus , am
duce ullo , sin
tem , nescio :

Et a est; quibus ego in rebus interfui. his omnibus, qui istius iniurias norunt, hoc est populo R. uniuerso, me uehementer excusatum uolo, non negligentia mea fore, ut multa præteream, sed quòd alia testibus integra reseruari uelim, multa autem propter rationem breuitatis, ac temporis prætermittenda existimem. fatebor etiam illud inuitus, me prorsus, cum iste punctum temporis nullum uacuum peccato præterire passus sit, omnia, quæ ab isto commissa sunt, non potuisse cognoscere. quapropter ita me de prætoris criminibus auditote, ut ex utroque genere, & iuris dicendi, & sartorum tectorum exigendorum, ea postuletis, quæ maxime digna sunt eo reo, cui paruum ac mediocre obijci nihil oporteat. Nam ut prætor factus est; qui auspicato a Chelidone surrexisset, sortem nactus est urbanæ prouinciæ, magis ex sua, & Chelidonis, quàm ex populi R. uoluntate: qui principio qualis in edicto constituendo fuerit, cognoscite. P. Annius Asellus mortuus est C. Sacerdote prætore. is cum haberet unicam filiam, neque census esset; quod eum natura hortabatur, lex nulla prohibebat, fecit, ut filiam bonis suis heredem institueret. heres erat filia: faciebant omnia cum pupilla, legis æquitas, uoluntas patris, edicta prætorum, consuetudo iuris eius, quod erat tum, cum Asellus est mortuus. iste, prætor designatus, (utrum admonitus, an tentatus, an, qua est iste sagacitate in his rebus, sine duce ullo, sine indice peruenerit ad hanc improbitatem, nescio: uos tantum hominis audaciam, amen-

P 2 tiamq.

A C T I O N I S I I .

tiamq. cognoscite) appellat heredem L. Annium, qui erat institutus secundum filiam. non enim mihi persuadetur, istum ab illo prius appellatum. dicit, se posse ei condonare edicto hereditatem: docet hominem, quid possit fieri. illi bona res, huic uendibilis uidebatur. iste tametsi singulari est audacia, tamen ad pupillæ matrem summittebat; malebat pecuniam accipere, ne quid noui ediceret, quàm ut hoc edictum tam improbum & inhumanum interponeret. tutores, pecuniam prætori si pupillæ nomine dedissent, grandem præsertim, quemadmodum in rationem inducerent, quemadmodum sine periculo suo dare possent, non uidebant: simul & istum fore tam improbum non arbitrabantur. sæpe appellati, pernegauerunt. iste ad arbitrium eius, cui condonarat hereditatem ereptam liberis, quàm æquum edictum scripserit, quæso cognoscite. CVM INTELLIGAM, LEGEM VOCONIAM. quis unquam crederet Verrem mulierum aduersarium futurum? an ideo aliquid contra mulieres fecit, ne totum edictum ad Chelidonis arbitrium scriptum uideretur? Cupiditati hominum ait se obuiam ire. quid potius non modo his temporibus, sed etiam apud maiores nostros? quis tam remotus fuit a cupiditate? Dic, quæso, cetera: delectat enim me hominis grauitas, scientia iuris, auctoritas. QVI AB A. POSTVMIO Q. FVLVIO CENSORIBVS, POST VE EA, FECIT, FECERIT. Fecit, fecerit? quis unquam edixit isto modo? quis unquam eius rei fraudem, aut
periculum

periculum proposuit edicto, quæ neque post edictum, neque ante edictum prouideri potuit? iure, legibus, auctoritate omnium, qui consulebantur, testamentum P. Annius fecerat, non improbum, non inofficiosum, non inhumanum. quod si ita fecisset; tamen post illius mortem nihil de testamento illius noui iuris constitui oporteret. Voconia lex te uidelicet delectabat. imitatus esses illum ipsum C. Voconium, qui lege sua hereditatem ademit nulli neque uirgini, neque mulieri: sanxit in posterum; qui post eos censores census esset, ne quis heredem uirginem, ne ue mulierem faceret. in lege Voconia non est, Fecit, fecerit: neque in ulla præteritum tempus reprehenditur, nisi eius rei, quæ sua sponte scelerata, ac nefaria est; ut, etiam si lex non esset, magnopere uitanda fuerit. atque in his rebus multa uidemus ita sancta esse legibus, ut ante facta in iudicium non uocentur. Cornelia, testamentaria, nummaria, ceteræ complures, in quibus non ius aliquod nouum populo constituitur, sed sancitur, ut, quod semper malum facinus fuerit, eius quæstio ad populum pertineat ex certo tempore. de iure uero civili si quis noui quid instituit, omnia, quæ ante acta sunt, rata esse patitur? cedo mihi leges Atinias, Furias, ipsam, ut dixi, Voconiam, omnes præterea de iure civili: hoc reperiēs in omnibus statuius, quo post eam legem populus utatur. qui plurimum tribuunt edicto, prætoris edictum legem annuam dicunt esse. tu edicto plus complecteris, quàm lege. si finem edicto prætoris afferunt kalendæ Ian.

A C T I O N I S II.

cur nō initium quoque edicti nascitur a kalendis Ian? an in eum annum progredi nemo poterit edicto, quo prætör alius futurus est: in illum, quo alius prætör fuit, regredietur? ac si hoc iuris non unius causa hominis edixisses, cautius composuisses. scribis, Si quis heredem fecit, fecerit. quid, si plus legarit, quā ad heredē, heredes ue perueniat, quod per legem Vocō-
niam ei, qui census sit, licet? cur hoc, cum in eodem genere sit, non caues? quia non generis, sed hominis causam uerbis amplecteris: ut facile appareat, te pretio esse commotum. atque hoc si in posterum edixisses, minus esset nefarium, tamen esset improbum: sed tum uituperari posset, in dubium uenire non posset: nemo enim committeret: nunc est eiusmodi edictum, ut quiuis intelligat, non populo esse scriptum, sed P. Annij secundis heredibus. itaque cum a te caput illud tam multis uerbis mercenario proæmio esset ornatum, ecquis est inuentus postea prætör, qui illud idem ediceret? non modo nemo edixit, sed ne metuit quidem quisquam, ne quis ediceret. nam post te prætores multi testamenta eodem modo fecerunt, in his nuper Annia. ea de multorum propinquorum sententia, pecuniosa mulier, quod censa non erat, testamento fecit heredem filiam. itaque hoc magnum iudicium hominū de istius singulari improbitate, quod Verres sua sponte instituisset, id neminem metuisse, ne quis reperiretur, qui istius institutum sequi uellet. solus enim tu inuentus es, cui non satis fuerit corrigere uoluntates uiuorum, nisi etiam rescinderes mortuorum.

tuorum . tu ipse ex Siciliensi edicto hoc sustulisti : uolui-
 lūsti, ex improviso si quæ res natæ essent, ex urbano
 edicto decernere . quam postea tu tibi defensionem re-
 linquebas, in ea maxime offendiſti, cum tuam aucto-
 ritatem tute ipse edicto provinciali repudiabas . at-
 que ego non dubito, quin ut mihi, cui filia maxime
 cordi est, res hæc acerba uideatur, atque indigna, sic
 unicuique uestrum, qui simili sensu, atque indulgen-
 tia filiarum commouemini . quid enim natura nobis
 iucundius, quid carius esse uoluit ? quid est dignius, in
 quo omnis nostra diligentia, indulgentiaq. consuma-
 tur ? homo importunissime, cur tantam iniuriam P .
 Annio mortuo fecisti ? cur hunc dolorem cineri eius,
 atque ossibus inuisti, ut liberis eius bona patria, uo-
 luntate patris, iure, legibus tradita, eriperes, et, cui
 tibi esset commodum, condonares ? quibuscum uiui bo-
 na nostra partimur, ijs prætor adimere nobis mortuis
 bona, fortunasq. poterit ? Nec petitionem, inquit,
 nec possessionem dabo . Eripies igitur pupillæ togam
 prætextam ? detrahes ornamenta non solum fortu-
 næ, sed etiam ingenuitatis ? miramur, ad arma con-
 tra istum hominem Lampsacenos isse ? miramur, i-
 stum, de provincia decedentem, clam Syracusis pro-
 fugisse ? nos si alienam uicem pro nostra iniuria dole-
 remus, uestigium istius in foro esset relictum ? Pater
 dat filiæ : prohibes . leges sinunt : tamen te interpo-
 nis . de suis bonis ita dat, ut ab iure non abeat : quid
 habes, quod reprehendas ? nihil, opinor . at ego
 concedo : prohibe, si potes ; si habes, qui te audiat ;

ACTIONIS II.

si potest tibi dicto audiens, esse quisquam. eripias tu voluntatem mortuis? bona uiuis? ius omnibus? hoc populus R. non manu uindicasset, nisi te huic tempori, atque huic iudicio reseruasset? postea quam ius praetorium constitutum est, semper hoc iure usi sumus, si tabulae testamenti non proferentur, tum, uti proximum quenque potissimum heredem esse oporteret, ita secundum eum possessio daretur. quare hoc sit aequissimum, facile est docere: sed in re tam usitata, satis est ostendere, omnes antea ius ita dixisse, & hoc uetus edictum, translaticiumq. esse. cognoscite aliud hominis in re uetere edictum nouum: & simul, dum est unde ius ciuile discatur, adolescentes ei in disciplinam tradite. mirum est hominis ingenium, mira prudentia. Minucius quidam mortuus est ante istum praetorem. eius testamentum erat nullum: lege hereditas ad gentem Minuciam ueniebat. si habuisset iste edictum, quod ante istum, & postea omnes habuerunt; possessio Minuciae genti esset data. si quis testamento se heredem esse arbitraretur, quod tum non extaret, lege ageret in hereditatem, aut, pro praede uindictarum cum satis accepisset, sponsonem faccret. ita de hereditate certaret. hoc opinor iure & maiores nostri, & nos semper usi sumus. uidete, ut hoc iste correxerit. componit edictum ijs uerbis, ut quiuis intelligere possit, unius hominis causa conscriptum esse: tantum quod hominem non nominat: causam quidem totam perscribit: ius, consuetudinem, aequitatem, edicta omnium negligit. EX EDICTO VR-

BANO.

BANO. SI DE HEREDITATE AM-
BIGITVR, SI POSSESSOR, SPON-
SIONEM NON FACIET. *iam quid id ad
prætores, uter possessor sit? non ne id quæri oportet,
utrum possessorem esse oporteat? ergo, quia possessor
est, non moues possessione: si possessor non esset, non
dares: nusquam enim scribis, neque tu aliud quid-
quam edicto amplecteris, nisi eam causam, pro qua
pecuniam acceperas. Iam hoc ridiculum est.* SI
DE HEREDITATE AMBIGITVR; ET
TABULAE TESTAMENTI OBSIGNA-
TAE NON MINVS MULTIS SIGNIS,
QVAM E LEGE OPORTEAT, AD ME
PROFERENTVR: SECVNDVM TA-
BVLAS TESTAMENTI POTISSI-
MVM HEREDITATEM DABO. *Hoc
translaticium est. sequi illud oportet: si tabula testa-
menti non proferentur. quid ait? se ei daturum, qui
se dicat heredem esse. quid ergo interest, proferan-
tur, nec ne? si protulerit, uno signo ut sit minus, quàm
ex lege oportet: non des possessionem: si omnino tabu-
las non proferet, dabis. quid nunc dicam? neminem
unquam postea alium edixisse? ualde sit mirum, ne-
minem fuisse, qui istius se similem dici uellet. ipse in
Siciliensi edicto hoc non habet: exegerat enim iam
mercedem. Item, ut illo edicto, de quo ante dixi, in
Sicilia de hereditatum possessionibus dandis, edixit
idem, quod omnes Romæ præter istum.* EX EDI-
CTO SICILIENSI. SI DE HEREDITA-

TE

A C T I O N I S I I .

TE AMBIGITVR. At, per deos immortales, quid est, quod de hoc dici possit? iterum enim iam quaero abs te, sicut modo in illo capite Anniano de mulierum hereditatibus, nunc in hoc de hereditatum possessionibus, cur ea capita in edictum provinciale transferre nolueris. utrum digniores homines existimasti eos, qui habitabant in provincia, quam nos, qui aequo iure uterentur: an aliud Romae aequum est, aliud in Sicilia? non enim hoc potest hoc loco dici, multa esse in provinciis aliter edicenda: non de hereditatum quidem possessionibus, non de mulierum hereditatibus: nam utroque genere uideo non modo ceteros, sed te ipsum totidem uerbis edixisse, quot uerbis edici Romae solet. quae Romae magna cum infamia, pretio accepto, edixeras, ea sola te, ne gratis in provincia male audires, ex edicto Siciliensi sustulisse uideo. Et cum edictum totum eorum arbitratu, quam diu fuit designatus, componeret, qui ab isto ius ad utilitatem suam nundinarentur: tum uero in magistratu contra illud edictum suum sine ulla religione decernebat. itaque L. Piso multos codices impleuit earum rerum, in quibus ita intercessit, quod iste aliter, atque ut edixerat, decreuisset. quod uos oblitos esse non arbitror, quae multitudo, qui ordo ad Pisonis sel lam isto pratore solitus sit conuenire. quem iste collegam nisi habuisset, lapidibus coopertus esset in foro. sed eo leuiore istius iniuriae uidebantur, quod erat in aequitate, prudentiaque. Pisonis paratissimum perfugium, quo sine labore, sine molestia, sine impensa, etiam

etiam sine patrono homines uterentur. nā, quæso, redite in memoriam, iudices, quæ libido istius in iure dicendo fuerit, quæ uarietas decretorum, quæ nundinatio, quàm inanes domus eorum omnium, qui de iure ciuili consuli solent, quàm plena, atque referta Chelidonis: a qua muliere cum erat ad eum uentum, & in aurem eius insusurratum, alias reuocabat eos, inter quos iam decreuerat, decretumq. mutabat; alias inter alios cōtrarium sine ulla religione decernebat, ac proximis paullo ante decreuerat. hinc illi homines erant, qui etiam ridiculi inueniebantur ex dolore. quorum alij, ut audistis, negabant mirādum esse, ius tam nequā esse Verrinum: alij etiam frigidiores erāt; sed, quia stomachabantur, ridiculi uidebantur esse, cum Sacerdotem execrabantur, qui Verrem tam nequam reliquisset. quæ ego non commemorarem, (neque enim perfacete dicta, neque porro hac seueritate digna sunt) nisi uos illud uellem recordari, istius nequitiam, & iniquitatem tum in ore uulgi, atque in communibus prouerbijs esse uersatam. In plebem uero Romanam utrum superbiam prius memorem, an crudelitatem? sine dubio crudelitas grauior est, atque atrocior. oblitos ne igitur hos putatis esse, quemadmodum sit iste solitus uirgis plebem Romanam concidere? quam rem etiam tribunus pl. in concione egit, cum eum, quem uirgis iste ceciderat, in prospectum populi R. produxit. cuius rei cognoscendæ faciam uobis suo tempore potestatem. Superbia uero qua fuerit, quis ignorat? quemadmodum is tenuissimum quen-

que

A C T I O N I S I I .

que contempserit, despexerit, liberum esse nunquam duxerit. P. Trebonius uiros bonos, & honestos complures fecit heredes: in his fecit suum libertum. is A. Trebonium fratrem habuerat proscriptum. cum cautum uellet, scripsit, ut heredes iurarent, se curaturos, ut ex sua cuiusque parte ne minus dimidium ad A. Trebonium fratrem illum proscriptum perueniret. libertus iurat: ceteri heredes adeunt ad Verrem: docent, non oportere se iurare facturos esse quod contra legem Corneliam esset, quæ proscriptum iuuari uetat: impetrant, ut ne iurent. dat his possessionem. id ego non reprehendo. etenim erat iniquum, homini proscripto, egenti, de fraternis bonis quidquam dari: & ille libertus, nisi ex testamento patroni iurasset, scelus se facturum arbitrabatur. itaque ei Verres possessionem hereditatis negat se daturum, ne posset patronum suum proscriptum iuuare: simul ut esset pœna, quod alterius patroni testamento obtemperasset. Das possessionem ei, qui non iurauit: concedo: prætorium est. adimis tu ei, qui iurauit? quo exemplo? præscriptum iuuat: lex est: pœna est. quid ad eum, qui ius dicit? utrum reprehendis, quod patronum iuuabat eum, qui tum in miserijs erat: an, quod alterius patroni mortui uoluntatem conseruabat, a quo summum beneficium acceperat? utrum horum reprehendis? & hoc tum de sella uir optimus dixit, Equiti R. tā locupleti libertinus sit homo heres? o modestum ordinem, quod illinc uiuus surrexit. Possum sexcenta decreta proferre, in quibus, ut ego pecuniam

cuniam non dicam intercessisse, ipsa decretorum nouitas iniquitasque declarat. uerum; ut ex uno de ceteris coniecturam facere possitis, id quod priore actione cognostis, audite. C. Sulpicius Olympius fuit. is mortuus est C. Sacerdote praetore, nescio an ante, quam Verres praeturam petere coeperit. fecit heredem M. Octanium Ligurem. Ligur hereditatem adiit, possedit Sacerdote praetore sine ulla controuersia. postea quam Verres magistratum inijt; ex edicto istius, quod edictum Sacerdos non habuerat, Sulpicii patroni filia sextam partem hereditatis ab Ligure petere coepit. Ligur non aderat. Lucius frater eius causam agebat: aderant amici, propinqui. dicebat iste, nisi cum muliere decideretur, in possessionem se ire iussurum. L. Gellius causam Liguris defendebat: docebat, edictum eius non oportere ad eas hereditates ualere, quae ante eum praetorem uenissent: si hoc tum fuisset edictum, fortasse Ligurem hereditatem aditurum non fuisse. aqua postulatio, summa hominum auctoritas pretio superabatur. uenit Romam Ligur: non dubitabat, quin, si ipse Verrem conuenisset, aequitate causae, & auctoritate sua commouere hominem posset: domum ad eum uenit: rem demonstrat: quam pridem sibi hereditas uenisset, docet: quod facile in causa aequissima homini ingenioso fuit: multa, quae quemuis mouere possent, dixit: ad extremum petere coepit, ne usque eo suam auctoritatem despiceret, gratiamque contemneret, ut se tanta iniuria afficeret. homo Ligurem accusare coepit, qui

in

A C T I O N I S I I .

in're aduenticia , atque hereditaria tam diligens ,
 tam attentus esset : debere eum aiebat suam quoque
 rationem ducere : multa sibi opus esse , multa canibus
 suis , quos circa se haberet . non possum illa planius
 commemorare , quàm ipsum Ligurem pro testimonio
 dicere audistis . quid enim , Verres ? utrum ne his
 quidem testibus credetur , an hæc ad rem non perti-
 nent ? non M. Octauio ? non L. Liguri ? quis nobis
 credet ? cui nos ? quid est , Verres , quod planum fie-
 ri testibus possit , si hoc non sit ? an id , quod dicunt ,
 leue est ? nihil leuius , quàm prætorem urbanum hoc
 iuris in suo magistratu constituere , omnibus ijs , qui
 bus hereditas uenerit , coheredem prætorem esse opor-
 tere . An uero dubitamus , quo ore iste ceteros homi-
 nes inferiore loco , auctoritate , ordine , quo ore ho-
 mines rusticanos ex municipijs , quo denique ore ,
 quos nunquam liberos putauit , libertinos homines
 solitus sit appellare , qui ob ius dicendum M. Octa-
 uium Ligurem , hominem ornatissimum loco , ordine ,
 nomine , uirtute , ingenio , copijs , poscere pecuniam non
 dubitarit ? In sartis tectis uero quemadmodum sese
 gesserit , quid ego dicam ? dixerunt , qui senserunt .
 sunt alij , qui dicant . notæ res , ac manifestæ prolata
 sunt , & proferuntur . dixit C. Fannius , eques R.
 frater germanus Q. Titinij , iudicis tui , tibi se pecu-
 niam dedisse . recita testimonium C. Fannij , nolite C.
 Fannio dicenti credere , noli , inquam , tu Q. Titini
 C. Fannio , fratri tuo , credere . dicit enim rem in-
 credibilem : C. Verrem insimulat auaritiæ , & au-
 daciæ :

dacia : quæ uitia uidentur in quemuis potius , quàm
 in istum conuenire . dixit Q. Tadius , homo familia-
 rissimus patris istius , non alienus a matris eius gene-
 re , & nomine : tabulas protulit , quibus pecuniam
 se dedisse ostendit . Recita nomina Q. Tadij . recita te-
 stimonium Q. Tadij . ne tabulis quidem Q. Tadij ,
 nec testimonio credetur . quid igitur in iudicijs seque-
 mur ? quid est aliud , omnibus omnia peccata , & ma-
 leficia concedere , nisi hoc , hominum honestissimo-
 rum testimonijs , & uirorum bonorum tabulis non
 credere ? Nam quid ego de quotidiano sermone , que-
 rimoniaq. populi R. loquar ? de istius impudentissi-
 mo furto , seu potius nouo ac singulari latrocinio ? au-
 sum esse in aede Castoris , celeberrimo , clarissimoq.
 monumento , quod templum in oculis , quotidianoq.
 aspectu populi R. est positum , quò sæpenumero sena-
 tus conuocatur , quò maximarum rerum frequentissi-
 mæ quotidie aduocat iones fiunt , in eo loco , in sermo-
 ne hominum audaciæ suæ monumentum æternum re-
 linquere . Aedem Castoris , iudices , P. Iunius ha-
 buit tuendam , L. Sylla , Q. Metello cos. is mor-
 tuus est : reliquit pupillum paruum filium . cum L. O-
 ctavius , C. Aurelius cos. ades sacras locauissent , ne-
 que potuissent omnia sarta tecta exigere , neque ij
 prætores , quibus erat negotium datum , C. Sacer-
 dos , & M. Cæsius : factum est S. C. quibus de sartis
 tectis cognitum , & iudicatum non esset , uti C. Ver-
 res , P. Cælius prætores cognoscerent , & iudica-
 ret . qua potestate iste permissa , ut ex C. Fannio , &

ex

A C T I O N I S I I .

ex Q. Tadio cognouistis , ueruntamen , cum esset omnibus in rebus apertissime impudentissimeq. prædatus , hoc uoluit clarissimum relinquere indicium latrociniorum suorum , de quo non audire aliquando , sed uidere quotidie possemus : quæsiuit , quis ædem Castoris sartam tectam deberet tradere . Iunium ipsum mortuum esse sciebat : scire uolebat , ad quem illa res pertineret . audit pupillum esse filium . homo , qui semper ita palam dictitasset , pupillos , & pupilas certissimam prædam esse prætoribus , optatum negotium sibi in sinum delatum esse dicebat . monumentum illa amplitudine , illo opere , quamuis sartum tectum , integrumq. esset , tamen aliquid se inuenturum , in quo moliri , prædariq. posset , arbitrabatur . L. Rabonio ædem Castoris tradi oportebat . is casu pupilli Iunij tutor erat testamento patris . cum eo sine ullo intertrimento conuenerat iam , quemadmodum traderetur . iste ad se Rabonium uocat : querit , ecquid sit , quod a pupillo traditum non sit , quod exigere debeat . cum ille id , quod erat , diceret , facilem pupillo traditionem esse , signa , & dona comparare omnia , ipsum templum omni opere esse integrum : indignum isti uideri cæpit , ex tanta æde , tantoq. opere se non opimum præda , præsertim a pupillo , discedere . uenit ipse in ædem Castoris : considerat templum : uidet undique tectum , pulcherrime laqueatum , præterea cetera noua , atque integra : uersat se : querit , quid agat . dicit ei quidam ex illis canibus , quos iste Liguri dixerat esse circa se multos : Tu Verres , hic quod

quod moliare, nihil habes: nisi forte uis ad perpendi-
culum columnas exigere. homo omnium rerum im-
peritus quærit, quid sit, ad perpendiculum. dicunt
ei, fere nullam esse columnam, quæ ad perpendicu-
lum esse possit. iam mehercule, inquit, sic agamus:
columnæ ad perpendiculum exigantur. Rabonius,
qui legem nossset, qua in lege numerus tantum colu-
mnarum traditur, perpendiculi mentio fit nulla; &
qui non putaret sibi expedire, ita accipere, ne eodem
modo reddendum esset; negat, id sibi deberi; negat,
oportere exigi. iste Rabonium quiescere iubet: &
simul ei non nullam spem societatis ostendit. homi-
nem modestum, & minime pertinacem facile coer-
cet: columnas ita se exacturum esse confirmat. noua
res, atque improuisa, pupilli calamitas nunciatur
statim C. Mustio, uitrice pupilli, qui nuper est mor-
tuus, M. Iunio patruo, P. Potitio tutori, homini
frugalissimo. hi rem ad uirum primarium, summo
officio, ac uirtute præditum, M. Marcellum, qui e-
rat pupilli tutor, deferunt. uenit ad Verrem M. Mar-
cellus: petit ab eo pro sua fide, ac diligentia pluribus
uerbis, ne per summam iniuriam pupillum Iunium
fortunis patrijs conetur euertere. iste, qui iam spe,
& opinione prædam illam deuorasset, neque ulla æ-
quitate orationis, neque auctoritate M. Marcelli
commotus est: itaque, quemadmodum ostendisset,
se id exacturum esse respondit. cum sibi omnes ad istius
allegationes difficiles, omnes aditus arduos, ac po-
tius interclusos uiderent; apud quem non ius, non
Q æquitas,

A C T I O N I S I I .

*aequitas , non misericordia , non propinqui oratio ,
 non amici uoluntas , non cuiusquam auctoritas pro
 pretio , non gratia ualeret : statuunt id sibi optimum
 esse factu , quod cuius uenisset in mentem , petere au
 xilium a Chelidone : quæ isto prætore non modo in iu
 re ciuili , priuatorumq. omnium controuersis popu
 lo R. præfuit , uerum etiam in his sartis tectis domi
 nata est . uenit ad Chelidonem C. Mustius , eques R.
 publicanus , homo cum primis honestus : uenit M.
 Iunius , patruus pueri , frugalissimus homo , & castis
 simus : uenit homo summo honore , pudore , & sum
 mo officio , spectatissimus ordinis sui , P. Potitius tu
 tor . O multis acerbam , o miseram , atque indignam
 præturam tuam . ut mittam cetera , quo tandem pu
 dore tales uiros , quo dolore meretricis domum uenis
 se arbitramini ? qui nulla condicione istam turpitudi
 nem subissent , nisi officij , necessitudinisq. ratio coegis
 set . Veniunt , ut dico , ad Chelidonem . domus erat
 plena : noua iura , noua decreta , noua iudicia pete
 bantur . Mihi det possessionem , mihi ne adimat : in
 me iudicium ne det : mihi bona addicat . alij nummos
 numerabant : alij tabulas obsignabant . domus erat
 non meretricio conuentu , sed prætoria turba referta .
 Simul ac potestas primum data est , adeunt hi , quos
 dixi : loquitur Mustius : rem demonstrat : petit au
 xilium : pecuniam pollicetur . respondet illa , ut me
 retrix , non inhumane : libenter ait se esse facturam ,
 & se cum isto diligenter sermocinaturam : reuerti iu
 bet . tum discedunt . postridie reuertuntur : negat
 illa*

illa posse hominem exorari; permagnam, eum dicere, ex illa re pecuniam confici posse. Vereor, ne quis forte de populo, qui priore actione non affuit, hæc, quia propter insignem turpitudinem sunt incredibilia, fingi a me arbitretur. ea uos antea, iudices, cognouistis. dixit iuratus P. Potitius, tutor pupilli Iunij: dixit M. Iunius, tutor, & patruus. Mustius dixisset, si uiueret: sed pro Mustio, recenti re, de Mustio auditum dixit L. Domitius: qui cum sciret me ex Mustio uiuo audisse, quod eo sum usus plurimum; (etenim id iudicium, quod prope omnium fortunarum suarum C. Mustius habuit, me uno defendente uicit) cum hoc, ut dico, sciret L. Domitius me scire, ad eum res omnes Mustium solitum esse deferre; tamen de Chelidone reticuit, quoad potuit; aliò responsionem suam, deriuauit. tantus in adolescente clarissimo, ac principe iuuentutis pudor fuit, ut aliquandiu, cum a me premeretur, omnia potius responderet, quàm Chelidonem nominaret. primo necessarios istius ad eum allegatos esse dicebat: deinde aliquando coactus Chelidonem nominauit. Non te pudet, Verres, eius mulieris arbitrato gessisse præturam, quam L. Domitius ab se nominari uix sibi honestum esse arbitrabatur? Reiecti a Chelidone, capiunt consilium necessarium, ut suscipiant ipsi negotium. cum Rabonio tutore, quod erat uix HS quadraginta millium, transigunt HS ducentis millibus. refert ad istum rem Rabonius; ut sibi uidebatur, satis grandem pecuniam, & satis impudentem esse.

Q 2 iste,

A C T I O N I S I I .

iste , qui aliquanto plus cogitasset , male accipit uerbis Rabonium , negat eum sibi illa decisione satisfacere posse . ne multa , locaturum se esse confirmat . Tutores hæc nesciunt : quod actum erat cum Rabonio , putant id esse certissimum : nullam maiorem pupillo metuunt calamitatem . Iste uero non procrastinat : locare incipit , non proscripta , atque edicta die , alienissimo tempore , ludis ipsis Romanis , foro ornato . itaque renunciat Rabonius illam decisionem tutoribus : accurrunt tamen ad tempus tutores : digitum tollit Iunius patruus . isti color immutatus est ; uultus , oratio , mens denique excidit . quid ageret , cepit cogitare : si opus pupillo redimeretur , si res abiret ab eo mancipe , quem ipse apposuisset , sibi nullam prædam esse . itaque excogitat : quid ? nihil ingeniose , nihil quod quisquam possit dicere improbe , uel callide : nihil ab isto tectum , nihil ueteratorum expectaueritis : omnia aperta , omnia perspicua reperientur , impudentia , amentia , audacia . Si pupillo opus redimitur , mihi præda de manibus eripitur . quod est igitur remedium ? quod ? ne liceat pupillo redimere . Vbi illa consuetudo in bonis , prædibus , prædijsq. uendundis , omnium consulum , censorum , prætorum , quæstorum denique ? ut optima condicio ne sit is , cui res sit , cuius periculum ? excludit eum solum , cui prope dicam soli potestatem factam esse oportebat . quid enim quisquam ad meam pecuniam me inuito aspirat ? quid accedit ? locatur opus id , quod ex mea pecunia reficiatur . ego me refecturum esse

esse dico . probatio futura est tua , qui locas : prædi-
 bus , & prædijs populo cautum est . & , si non putas
 cautum , scilicet tu prætor in mea bona , quos uoles ,
 immittes ? me ad meas fortunas defendendas accede-
 re non sinas ? operæpretium est ipsam legem cogno-
 scere . dicetis eundem conscripsisse , qui illud edictum
 de hereditate . EX OPERE FACIENDO . QVAB
 PVPILLI IVNII . dic , dic , quæso , clarius . C .
 VERRES PRAET . VRB . ADDIDIT . corrigun-
 tur leges censori . quod enim uideo in multis ueteri-
 bus legibus , Cn. Domitius , L. Metellus , L. Cas-
 sius , Cn. Seruilius censores addiderunt , uult aliquid
 eiusmodi C. Verres . dic , quid addidit . QVI DE L.
 MARCIO , M. PERPERNA CENSORIBVS RE-
 DEMERIT , EVM SOCIVM NE ADMITTI-
 TO , NE VE EI PARTEM DATO , NE VE EI
 REDIMITO . Quid ita ? ne uitiosum opus fie-
 ret ? at erat probatio tua . ne parum locuples esset ?
 at erat , & esset amplius , si uelles , populo cautum
 prædibus , & prædijs . hic te si res ipsa , si indignitas
 iniuriæ tuæ non commouebat ; si pupilli calamitas ,
 propinquorum lacrymæ , D. Bruti , cuius prædia su-
 bierant periculum , M. Marcelli tutoris auctoritas
 apud te ponderis nihil habebat : ne illud quidem ani-
 maduertebas , eiusmodi fore hoc peccatum tuum ,
 quod tu neque negare posses , (in tabulas enim retuli-
 sti) nec cum defensione aliqua confiteri ? Addicitur
 id opus HS DLX millibus ; cum tutores HS LXXX
 millibus id opus ad istius , hominis iniquissimi , arbi-

A C T I O N I S I I .

*triū se effecturos esse clamarent. etenim quid erat ope-
 ris ? id, quod uos uidistis . omnes illæ columnæ, quas
 dealbatas uidetis , machina apposita , nulla impensa
 deiectæ, eisdemq. lapidibus repositæ sunt. hoc tu HS
 DLX millibus locauisti . atqui in illis columnis dico
 esse quæ a tuo redemptore commotæ non sint: dico esse
 ex qua tantum tectorium uetus delitum sit, et nouum
 indutū . quòd si tanta pecunia columnias dealbari pu-
 tasssem, certe nunquam ædilitatē petiuissem. At ut ui-
 deatur tamē res agi, et non eripi pupillo : SI QUID
 OPERIS CAUSSA RESCIDERIS, REFICI
 TO. Quid erat, quod rescinderet, cum suo quenque
 loco lapidem reponeret ? QUI REDEMERIT, SA-
 TISDET DAMNI INFECTI EI, QUI A VE-
 TERE REDEMPTORE ACCEPERIT. Deridet,
 cum sibi ipsum iubet satisdare Raboniū. PECVNIA
 PRÆSENS SOLVATUR. Quibus de bonis ? eius,
 qui, quod tu HS DLX millibus locasti, HS LXXX
 millibus effecturū esse clamauit, quibus de bonis ? pu-
 pilli. cuius ætatem, & solitudinem, etiam si tutores
 non essent, defendere prætor debuit : tutoribus defen-
 dentibus, non modo patrias eius fortunas, sed etiam
 bona tutorum ademisti. HOC OPVS BONO SVO
 QVOQVE FACITO. lapis aliquis cædendus, et ap-
 portandus fuit machina sua ? an, illò non saxum, non
 materies aduecta est: tantū operis sed in ista locatione
 fuit, quantum paucæ operæ fabrorum mercedis tulerunt,
 et manupretij machinæ ? utrum existimatis, mi-
 nus operis esse, unam columnam efficere ab integro no-
 uam,*

uam, nullo lapide rediuiuo, an quattuor illas repone-
 re? nemo dubitat, quin multo maius sit nouam facere.
 ostendam, in ædibus priuatis, longa difficiliq. uectu-
 ra, columnas singulas ad impluuiū HS XL millibus
 non minus magnas locatas. Sed ineptū est de tam per-
 spicua istius impudētia pluribus uerbis disputare, præ-
 sertim cum iste aperte tota lege omnium sermonem,
 atque existimationem contempserit, qui etiam ad ex-
 tremū cōscripserit, REDIVIVA SIBI HABETO.
 quasi quidquā rediuiui ex opere illo tolleretur, ac non
 totum opus ex rediuiuis constitueretur. At enim pu-
 pillo redimi nō licebat; non necesse erat rem ad ipsum
 peruenire; poterat aliquis ad id negotiū de populo ac-
 cedere. Omnes exclusi sunt non minus aperte, quā
 pupillus. diē præstituit operi faciundo kal. Dec. locat
 circiter idus Sept. angustijs temporis excluduntur o-
 mnes. Quid ergo? Rabonius istam diem quo modo asse-
 quitur? nemo Rabonio molestus est, neque kal. Dec.
 neque nonis, neque idibus. denique aliquanto in pro-
 uinciam iste proficiscitur prius, quā opus effectum
 est. postea quā reus factus est, primo negabat opus
 in acceptum referre posse. cum instaret Rabonius, in
 me caussam conferebat, quod tum codicem obsigna-
 sem. petit a me Rabonius, & amicos allegat: faci-
 le impetrat. iste, quid ageret, nesciebat. si in acce-
 ptum non retulisset, putabat se aliquid defensionis ha-
 biturum: Rabonium porro intelligebat rem totam
 esse patefacturum. tametsi quid poterat esse apertius,
 quā nunc est, ut uno minus teste haberet Rabonio?

Q 4 opus

A C T I O N I S I I .

opus in acceptum retulit quadriennio post , quàm diem operi dixerat . hac condicione , si quis de populo redemptor accessisset , cum die ceteros redemptores exclusisset , tum in eius arbitrium ac potestatem uenire nolebat , qui sibi ereptam prædam arbitraretur . nam quid argumentamur , quò ista pecunia peruenerit ? fecit iste iudicium . primum cum uehementius cum eo D. Brutus contenderet , qui de sua pecunia HS D XL millia numerauit ; quòd iam iste ferre non poterat , opere addiçto , prædibus acceptis , de HS D L X millibus remisit D. Bruto HS C X millia . hoc , si aliena res esset , certe facere non potuisset . deinde nummi numerati sunt Cornificio : quem scribam suum fuisse , negare non potest . postremo ipsius Rabonij tabulæ prædam illam istius fuisse clamant . Recita nomina Rabonij . Hic etiam priore actione Q. Hortensius pupillum Iunium uenisse prætextatum in uestrum conspectum , & testes secum , patruo testimonium dicente , questus est : & me populariter agere , atque inuidiam commouere , quòd puerum producerem , clamitauit . Quid erat , Hortensi , tandem in illo puero popolare ? quid inuidiosum ? Gracchi , credo , aut Saturnini , aut alicuius hominis eiusmodi produxeram filium , ut nomine ipso , & memoria patris animos imperitæ multitudinis concitarem . P. Iunij erat , hominis de plebe Romana , filius : quem pater moriens tum tutoribus , & propinquis , tum legibus , tum æquitati magistratum , tum iudicijs uestris commendandum putauit . hic istius scelerata loca-

tione,

catione, nefarioq; latrocinio, bonis patrijs fortunisque. omnibus spoliatus, uenit in iudicium, si nihil aliud, saltem ut eum, cuius opera ipse multos annos est in sordibus, paullo tamen obsoletius uestitum uideret. itaque tibi, Hortensi, non illius ætas, sed caussa, non uestitus, sed fortuna popularis uidebatur. neque te tam comouebat, quod ille cum toga prætexta, quam quod sine bulla uenerat: uestitus enim neminem comouebat is, quem illi mos, & ius ingenuitatis dabat: quod ornamentum pueritiæ pater dederat, indicium, atque insigne fortunæ, hoc ab isto prædone ereptum esse, grauiter & acerbè homines ferebant. neque erant hæ lacrymæ populares magis, quam nostræ, quàm tuæ, Q. Hortensi, quàm horum, qui sententiam laturi sunt. ideo quod communis est caussa, commune periculum; communi præsidio talis improbitas, tanquam aliquod incendium, restinguenda est. habemus enim liberos paruos: incertum est, quàm longa nostrum cuiusque uita futura sit: consulere uiui ac prospicere debemus, ut illorum solitudo, & pueritia quam firmissimo præsidio munita sit. quis est enim, qui tueri possit liberum nostrorum pueritiam contra improbitatem magistratuum? mater, credo. scilicet magno præsidio fuit Annia pupillæ mater, femina primaria: minus, illa deos hominesq; implorante, iste infanti pupillæ fortunas patrias ademit. tutores ne defenderent? perfacile uero apud istiusmodi prætorem, a quo M. Marcelli tutoris in caussa pupilli Iunij & oratio, & uoluntas, & auctoritas repudiata

A C T I O N I S I I I .

diata est . Quæremus etiam, quid iste in ultima Phrygia , quid in extremis Pamphyliæ partibus fecerit ; qualis in bello prædonum prædo ipse fuerit ; qui in foro populi R. pirata nefarius reperiatur ? Du bitamus , quid iste in hostium præda molitus sit , qui manubias sibi tantas ex L. Metelli manubijs fecerit , qui maiore pecunia quattuor columnas dealbandas , quàm ille omnes ædificandas , locauerit ? Exspectemus , quid dicant ex Sicilia testes ? quis unquam tem plum illud aspexit , quin auaritiæ tuæ , quin iniuriæ , quin audaciæ testis esset ? quis a signo Vertumni in Circum maximum uenit , quin is in unoquoque gradu de auaritia tua commoneretur ? quam tu uiam then sarum , atque pompæ eiusmodi exegisti , ut tu ipse illà ire non audeas . Te putet quisquam , cum ab Italia fre to disiunctus esses , socijs temperasse , qui ædem Casto ris testem furtorum tuorum esse uolueris , quam po pulus R. quotidie , iudices etiam tum , cum de te sen tentiam ferrent , uiderent ? Atque etiam iudicium in prætura publicum exercuit . non enim prætereun dum est ne id quidem . petita multa est apud istum præ torem a Q. Opimio : qui adductus est in iudicium , uerbo , quòd , cum esset tribunus pl. intercessisset con tra legem Corneliam ; re , quòd in tribunatu dixisset contra alicuius hominis nobilis uoluntatem . de quo iudicio si uelim dicere omnia , multi appellandi , læ dendiq. sunt : quod mihi non est necesse . tantum di cam , paucos homines , ut leuissime dicam , arrogan tes hoc auditore Q. Opimium per ludum & iocum fortunis

I N
fortunis o
quod a ne
transacta
minus sena
omnia am
sapissime
tariam, a
in bonis
aperte,
hoc dico:
bulis plac
caussa put
puli R. cu
miam suam
fit; is ullam
Nam de su
co. quid en
deam dicer
iudicium au
tui deterret
hoc dicam,
marios amo
quod falsu
Iunius con
pereundum
prospicer
& publi
set, & se
ne litura

fortunis omnibus euertisse . is mihi etiam queritur,
 quòd a nobis 1 x solis diebus prima actio sui iudicij
 transacta sit ; cum apud ipsum tribus horis Q . Opi-
 minus senator populi R . bona , fortunas , ornamenta
 omnia amiserit . cuius propter indignitatem iudicij ,
 sapissime est actum in senatu , ut genus hoc totū mul-
 tarum , ac iudiciorum eiusmodi tolleretur . Iam uero
 in bonis Q . Opimij uendendis quas iste prædas , quàm
 aperte , quàm improbe fecerit , longum est dicere ,
 hoc dico : nisi uobis id hominum honestissimorum ta-
 bulis planum fecero , fingi a me hoc totum temporis
 caussa putatote . Iam , qui ex calamitate senatoris po-
 puli R . cum prætor iudicio eius præfuisse , spolia do-
 mum suam referre , & manubias detrahare conatus
 sit ; is ullam ab sese calamitatem poterit deprecari ?
 Nam de subsortitione illa Iuniana iudicium nihil di-
 co . quid enim ? contra tabulas , quas tu protulisti , au-
 deam dicere ? difficile est : non enim me tua solum &
 iudicium auctoritas , sed etiam annulus aureus scribæ
 tui deterret . non dicam id , quod probare difficile est :
 hoc dicam , quod ostendam ; multos ex te uiros pri-
 marios audisse , cum diceres , ignosci tibi oportere ,
 quòd falsum codicem protuleris : nam qua inuidia C .
 Iunius conflagrarat , ea , nisi prouidisses , tibi ipsi tum
 pereundum fuisse . Hoc modo iste sibi , & saluti suæ
 prospicere didicit , referendo in tabulas & priuatas ,
 & publicas , quod gestum non esset , tollendo quod ef-
 set , & semper aliquid demendo , mutando , curando
 ne litura appareat , interpolando . eò enim usque pro-
 greditur ,

ACTIONIS III.

greditur, ut ne defensionem quidem maleficiorum suorum sine alijs maleficijs reperire possit. eiusdem modi subfortitionem homo amentissimus suorum quoque iudicum fore putavit per sodalem suum Q. Curtium, iudicem quaestionis: cui nisi ego ui populi, & hominum clamore, atque conuicio restitissim, ex hac decuria nostra, cuius mihi copiam quam largissime factam oportebat, erepta esset facultas bonorum, cum is annuerat: in suum consilium sine caussa subfortiebatur.

*

Desideratur quippiam.

ACTIONIS III. IN C. VERREM

LIBER II.

ORATIO VII.

MULTA mihi necessario, iudices, praetermittenda sunt, ut possim aliquando de ijs rebus, quae meae fidei commissae sunt, dicere. recepi enim causam Siciliae. ea me ad hoc negotium prouincia attraxit. ego tamen, hoc onere suscepto, & recepta caussa Siciliensi, amplexus animo sum aliquanto amplius. suscepi enim causam totius ordinis: suscepi causam populi R. quod putabam

I
putabam
rens impr
firmus acc
turius ad
ris eius fu
gerimis
re possim
lia dico,
tate, net
sociorum
re deberis
iustissimis
num exte
fidemq. po
quod orna
lata: prim
rum esset e
de, benewo
insula, qua
quam poste
illustres in
uoribus nos
imperij fat
thaginis ta
rie subsid
teret. qu
culorum
exornati
tari arbit

putabam tum denique recte iudicari posse, si non modo reus improbus adduceretur, sed etiam diligens, & firmus accusator ad iudicium ueniret. quo mihi maturius ad Siciliae causam ueniendum est, relictis ceteris eius furtis, ac flagitijs; ut & uiribus quam integerrimis agere, & ad dicendum temporis satis habere possim. atque adeo ante quam de incommotis Sicilia dico, pauca mihi uidentur esse de prouinciae dignitate, uetustate, utilitate dicenda. nam cum omnium sociorum, prouinciarumque rationem diligenter habere debetis: tum praecipue Siciliae, indices, plurimis, iustissimisque de causis: primum, quod omnium nationum exterarum princeps Sicilia se ad amicitiam, fidemque populi R. applicuit: prima omnium, id quod ornamentum imperij est, prouincia est appellata: prima docuit maiores nostros, quam praecellarum esset exteris gentibus imperare: sola fuit ea fide, beneuolentiaque erga populum R. ut ciuitates eius insulae, quae semel in amicitiam nostram uenissent, nunquam postea deficerent, pleraeque autem, & maxime illustres in amicitia perpetuo manerent. itaque maioribus nostris in Africam ex hac prouincia gradus imperij factus est. neque enim tam facile opes Carthaginis tanta concidissent, nisi illud & rei frumentariae subsidium, & receptaculum classibus nostris pateret. quare P. Africanus, Carthagine deleta, Siculorum urbes signis, monumentisque pulcherrimis exornauit, ut, quos uictoria populi R. maxime letari arbitrabatur, apud eos monumenta uictoriae plurima

A C T I O N I S I I I .

rima collocaret . denique ille ipse M . Marcellus , cu-
 ius in Sicilia uirtutem hostes , misericordiam uicti , fi-
 dem ceteri Siculi perspexerunt , non solum socijs in eo
 bello consuluit , uerum etiam superatis hostibus tem-
 perauit , urbem pulcherrimam Syracusas , quæ cum
 manu munitissima esset , tum loci natura terra , ac ma-
 ri claudebatur , cum ui consilioq . cepisset , non solum
 incolumem passus est esse , sed ita reliquit ornatam , ut
 esset idem monumentum uictoriæ , mansuetudinis , con-
 tinentiæ ; cum homines uiderent , & quid expugnaf-
 set , & quibus pepercisset , & quæ reliquisset . tantum
 ille honorem Siciliae habendum putauit , ut ne hostium
 quidem urbem ex sociorum insula tollendam arbitra-
 retur . itaque ad omnes res Sicilia provincia semper
 usi sumus : ut , quidquid ex sese posset efferre , id non
 apud eos nasci , sed domi nostræ conditum putaremus .
 Quando illa frumentum , quod deberet , non ad diem
 dedit ? quando id , quod opus esse putaret , non ultro
 pollicita est ? quando id , quod imperaretur , recusa-
 uit ? itaque ille M . Cato sapiens cellâ penariam reip .
 nostræ , nutricem plebis Romanæ Sicilia nominauit .
 nos uero experti sumus Italico maximo difficillimoq .
 bello , Siciliam nobis nō pro penaria cella , sed pro æ-
 rario illo maiorum uetere , ac referto fuisse . nam sine
 ullo sumptu nostro , corijs , tunicis , frumentoq . suppe-
 ditato , maximos exercitus nostros uestiuit , aluit , ar-
 mauit . Quid illa , quæ forsitan ne sentimus quidem ,
 iudices , quanta sunt ? quod multis locupletioribus ci-
 uibus utimur : quod habent propinquam , fidelem , fru-
 ctuosamq .

Et uosamq. provinciam, quò facile excurrant, ubi li-
 benter negotium gerant: quos illa partim mercibus
 suppeditandis cum quæstu, compendioq. dimittit, par-
 tim retinet, ut arare, ut pascere, ut negotiari libeat,
 ut denique sedes, ac domicilium collocare. quod com-
 modum non mediocre populi R. est, tantum ciuium
 R. numerum, tam prope ab domo, tam bonis fructuo-
 sisq. rebus detineri. Et quoniam quasi quædam præ-
 dia populi R. sunt uectigalia nostra, atque provinciae;
 quemadmodum propinquis uos uestris prædijs maxi-
 me delectamini, sic populo R. iucunda suburbanitas
 est huiusce provinciae. Iam uero hominum ipsorum,
 iudices, ea patientia, uirtus, frugalitasq. est, ut pro-
 xime ad nostram disciplinam, illam ueterem, non hanc,
 quæ nunc increbuit, uideantur accedere. nihil cetero-
 rum simile Græcorum, nulla desidia, nulla luxuria:
 contra summus labor in publicis, priuatisq. rebus,
 summa parsimonia, summa diligentia. Sic porro no-
 stros homines diligunt, ut his solis neque publicanus,
 neque negotiator odio sit. Magistratuum autem no-
 strorum iniurias ita multorum tulerunt, ut nunquam
 ante hoc tempus ad aram legum præsidiumq. uestrum
 publico consilio confugerint. tametsi & illum annum
 pertulerant, qui sic eos afflixerat, ut salui esse non
 possent, nisi C. Marcellus, quasi aliquo fato, uenisset;
 ut bis ex eadem familia salus Siciliae constituere-
 tur; postquam M. Antonij infinitum illud imperium
 senserant. sic a maioribus suis acceperant, tanta po-
 puli R. in Siculos esse beneficia, ut etiam iniurias no-
 strorum

A C T I O N I S I I I .

strorum hominum perferendas putarent . in neminem ciuitates ante hunc testimonium publice dixerunt . hunc denique ipsum pertulissent , si humano modo , si usitato more , si denique uno aliquo in genere peccasset . sed cum perferre non possent luxuriam , crudelitatem , auaritiam , superbiam ; cum omnia sua commoda , iura , beneficia senatus , populiq. R. unius scelere , ac libidine perdidissent : hoc statuerunt , aut istius iniurias per uos ulcisci , & persequi , aut , si uobis indigni essent uisi , quibus opem auxiliumq. ferretis , urbes , ac sedes suas relinquere , quandoquidem iam ante istius iniurijs exagitati reliquissent . hoc consilio a L. Metello legationes uniuersæ petiuerunt , ut quamprimum isti succederet : hoc animo toties apud patres nos de suis miserijs deplorarunt : hoc commoti dolore postulata consulibus , quæ non postulata , sed in istum crimina uiderentur esse , ediderunt : fecerunt etiam , ut me , cuius fidem , continentiamq. cognouerant , prope de uitæ meæ statu dolore , ac lacrymis suis deducerent , ut ego istum accusarem ; a quo mea longissime ratio uoluntasq. abhorrebat . quanquam in hac causa multo plures partes mihi defensionis , quàm accusationis , suscepisse uideor . postremo homines ex tota prouincia nobilissimi , primi que , publice priuatimq. uenerunt : grauissima , atque honestissima quæque ciuitas uehementissime suas iniurias persecuta est . at quemadmodum , iudices , uenerunt ? uideor enim mihi liberius apud uos iam pro Siculis loqui debere , quàm forsitan ipsi uelint . saluti enim eorum potius consulam ,

IN
lam, quan
ulla in pro
nem accusa
defensum
pratore su
hi porro,
liberaliter
contra me
tuor in pr
propugna
temq. tota
tam illis S
Verrem ip
fuisse . min
contra istum
dij, si laud
nos priuat
bus denunci
cum omnia
ciuitatem
istum laudat
cipem ciuitat
cere audistis
sana esse pu
Mamertin
istum boni
a maiorib
Præclara
una opera

lam, quam uoluntati. Ecquem existimatis unquam
 ulla in prouincia reum absentem, contra inquisitio-
 nem accusatoris, tantis opibus, tanta cupiditate esse
 defensum? quæstores utriusque prouinciæ, qui isto
 prætore fuerant, cum fascibus mihi præsto fuerunt.
 hi porro, qui successerunt, uehementer istius cupidi,
 liberaliter ex istius cibarijs tractati, nõ minus acres
 contra me fuerunt. uidete, quid potuerit, qui quat-
 tuor in prouincia quæstores studiosissimos defensores,
 propugnatoresq. habuerit, prætorem uero cohor-
 temq. totam sic studiosam, ut facile appareret, non
 tam illis Siciliam, quam inanem offenderant, quam
 Verrem ipsum, qui plenus decesserat, prouinciā
 fuisse. minari Siculis, si decressent legationem, quæ
 contra istum diceret: minari, si qui essent profecti:
 alijs, si laudarent, benignissime promittere: grauissi-
 mos priuatarum rerum testes, quibus nos præsentibus
 denunciauimus, eos ui custodijsq. retinere. quæ
 cum omnia facta sint, tamen unam solam scitote esse
 ciuitatem Mamertinam, quæ publice legatos, qui
 istum laudarent, miserit. eius autem legationis prin-
 cipem ciuitatis nobilissimum C. Heium iuratum di-
 cere audistis, isti nauem onerariam maximam Mes-
 sanæ esse publice coactis operis ædificatam. idemq.
 Mamertinorum legatus, istius laudator, non solum
 istum bona sua, uerum etiam sacra, deosq. penates,
 a maioribus traditos, ex ædibus suis eripuisse dixit.
 Præclara laudatio, cum duabus in rebus legatorum
 una opera consumitur, in laudando, atque repetendo.

R

atque

A C T I O N I S I I I .

atque ea ipsa ciuitas qua ratione illi amica sit , dicitur certo loco . reperietis enim , quæ causæ beneuolentiæ sint Mamertinis erga istum , ea ipsas causas satis iustas esse damnationis . alia ciuitas nulla , iudices , publico consilio laudat . uis illa summi imperij tantum potuit apud perpauca homines , non ciuitates , ut aut leuissimi quidam ex miserrimis , desertissimisq. oppidis inuenirentur , qui iniussu populi , ac senatus proficiscerentur ; aut ij , qui contra istum legatos decreuerant , & testimonium publicum , mandataq. acceperant , ui ac metu retinerentur . quod ego in paucis tamen usu uenisse non moleste fero , quo reliquæ tot , & tantæ , & tam graues ciuitates , tota denique Sicilia plus auctoritatis apud uos haberet , cum uideretis nulla ui retineri , nullo periculo prohiberi posse , quo minus experirentur , ecquid apud uos querimoniæ ualerent antiquissimorum , fidelissimorumq. sociorum . nam , quod fortasse non nemo uestrum audierit , istum a Syracusanis publice laudari ; id tamen si priore actione ex Heraclij Syracusani testimonio , cuiusmodi esset , cognouistis ; tamen uobis alio loco , ut se tota res habet , quod ad eam ciuitatem attinet , demonstrabitur . intelligetis enim , nullis hominibus quenquam tanto odio , quanto istum Syracusanis , esse , & fuisse . At enim istum soli Siculi persequuntur , ciues R. qui in Sicilia negotiantur , defendunt , diligunt , saluum esse cupiunt . Primum , si ita esset , tamen uos in quæstione de pecunijs repetundis , quæ sociorum causa constituta est , lege iudicioq. sociali , sociorum

IN
sociorum
repositis
mos, hone
cepissent in
pro testimo
ces, sic cor
quod eorum
lo sim per
ciuibz in
bertatis, n
damnation
ra Sicilien
cuiquam ge
sorum ciui
ine pecuari
um horum
it; si cuiqu
ut; ei nos q
forte provin
urbem, ant
cam, & cog
ea provincia
posset. uole
uincia rudi
ad prædam
re coniect
munis fam
quid in præ
augurabat

sociorum querimonias audire oporteret. sed intelligere potuistis priore actione, ciues R. ex Sicilia plurimos, honestissimos, maximis de rebus, et quas ipsi acceperant iniurias, & quas scirent alijs esse factas, pro testimonio dicere. ego hoc, quod intelligo, iudices, sic confirmo. uideor mihi gratum fecisse Siculis, quod eorum iniurias meo labore, inimicitias periculo sim persecutus. non minus hoc gratum me nostris ciuibus intelligo fecisse: qui hoc existimant, iuris, libertatis, rerum fortunarumq. suarum salutem in istius damnatione consistere. Quapropter de istius praetura Siciliensi, non recuso, quin ita me audiat, ut, si cuiquam generi hominum, siue Siculorum, siue nostrorum ciuium, siue cuiquam ordini, siue aratorum, siue pecuariorum, siue mercatorum probatus sit; si non horum omnium communis hostis, praedoq. fuerit; si cuiquam denique ulla in re unquam temperauit; ei uos quoque temperetis. Qui, simul atque ei sorte prouincia Sicilia obuenit, statim Romam, & ad Urbem, ante quam proficisceretur, quærere ipse secum, & cogitare cum suis cepit, quibusnam rebus in ea prouincia maximam uno anno pecuniam facere posset. nolebat in agendo discere, (tametsi non prouinciæ rudis erat, & tyro) sed in Siciliam paratus ad prædam, meditatusq. uenire cupiebat. O præclare coniectum a uulgo in illam prouinciã omen communis famæ, atque sermonis, cum ex nomine istius, quid in prouincia facturus esset, perridiculi homines augurabantur. etenim quis dubitare posset, cum istius

A C T I O N I S I I I .

in quaestura fugam, & furtum recognosceret, cum in legatione oppidorum sanorumq. spoliationes cogitaret, cum uideret in foro latrocinia praeturae, qualis iste in quarto actu improbitatis futurus esset? atque ut intelligatis eum Romae quaesisse non modo genera furandi, sed etiam nomina: certissimum accipite argumentum, quo facilius de singulari eius impudentia existimare possitis. Quo die Siciliam tetigit, (uide, satis ne paratus ex illo omine urbano ad euerendam provinciam uenerit) statim Messana litteras Halesam mittit: quas ego istum in Italia scripsisse arbitror: nam simul atque e naui egressus est, dedit operam, ut Halesinus ad se Dio continuo ueniret: se de hereditate uelle cognoscere, quae eius filio a pro pinquo homine Apollodoro Laphirone uenisset. ea erat, iudices, pergrandis pecunia. hic est Dio, iudices, nunc beneficio Q. Metelli cuius R. factus: de quo multis uiris primarijs testibus, multorumq. tabulis uobis priore actione satisfactum est, HS undecies numeratum esse, ut eam causam, in qua ne tenuissima quidem dubitatio posset esse, isto cognoscen te obtineret: praeterea greges nobilissimarum equarum abactos: argenti, uestisq. stragulae, domi quod fuerit, esse direptum: ita HS undecies Q. Dionem, quod hereditas ei obuenerat, nullam aliam ob causam, perdidisse. Quid? haec hereditas quo praetore Dionis filio uenerat? eodem, quo P. Annij senatoris filiae, eodem, quo M. Liguri senatoris, C. Sacerdote praetore. quid? tum nemo molestus Dioni fuerat?

non

IN
 non plus,
 Verrem qu
 quadrupla
 am esset,
 uenisse her
 foro poner
 tatum. ta
 tamen, qu
 nia se rep
 ri Erycin
 tit, ut est
 nebat: per
 & emissar
 platorum a
 natus inuiri
 e praetor ciu
 non conside
 nem Veneri
 ut homines
 quod non lic
 tar, auferre
 r testimoniu
 omnibus re
 met si ciui
 nium Sici
 Caelij D
 ni? quid
 leni? quon
 cunia com

non plus, quàm Liguri Sacerdote prætorē . quid ? ad Verrem quis detulit ? nemo : nisi forte existimatis ei quadruplatores ad fretum præsto fuisse . ad urbem cum esset , audiuit , Dioni cuidam Siculo permagnam uenisse hereditatem , heredem statuas iussu esse in foro ponere ; nisi posuisset , Veneri Erycinæ esse multatum . tametsi posita essent ex testamento ; putabat tamen , quoniam Veneris nomen esset , causam pecuniæ se reperturum . itaque apponit , qui petat Veneri Erycinæ illam hereditatem . non enim quæstor petit , ut est consuetudo , is , qui Erycinum montem obtinebat . petit Næuius turpio , quidam istius excursor , & emissarius , homo omnium ex illo conuentu quadruplatorum deterrimus , C . Sacerdote prætorē condemnatus iniuriarum . etenim erat eiusmodi causa , ut ipse prætor cum quæreret calumniatorem , paullo tamen considerationem reperire non posset . hic hominem Veneri absoluit , sibi condemnat . maluit uidelicet homines peccare , quàm deos ; se potius a Dione , quod non licebat , quàm Venerem , quod non debebatur , auferre . Quid ego nunc hic Sex . Pompeij Chlo-ri testimonium recitem ? qui causam egit Dionis , qui omnibus rebus interfuit , hominis honestissimi ; tametsi ciuis R . uirtutis causa iam diu est , tamen omnium Siculorum primi , ac nobilissimi . quid ipsius Q . Cæcilij Dionis , hominis probatissimi , ac prudentissimi ? quid L . Vetecilij Liguris : T . Manlij , L . Caleni ? quorum omnium testimonijs de hac Dionis pecunia confirmatum est . dixit hoc idem M . Lucullus ,

R 3 se

ACTIONIS III.

se de his Dionis incōmodis pro hospitio, quod sibi cum eo esset, iam ante cognosse. quid? Lucullus, qui tum in Macedonia fuit, melius hęc cognouit, quā tu, Hortensi qui Romę fuisti? ad quem Dio confugit: qui de Dionis iniurijs grauissime per litteras cum Verre questus es. noua tibi hęc sunt, & inopinata? nunc primum hoc aures tuę crimen accipiunt? nihil de Dio ne, nihil de socru tua, femina primaria, Seruilia, uetere Dionis hospita, audisti? non ne multa mei testes, quę tu scis, nesciunt? non ne te mihi testem in hoc crimine eripuit non istius innocentia, sed legis exceptio? Recita testimonia. TESTIMONIA M. LVCVL-LI, CHLORI, DIONIS. Satis ne uobis magnam pecuniam Venerius homo, qui e Chelidonis sinu in prouinciam profectus esset, Veneris nomine quęfisse uidetur? accipite aliam in minore pecunia non minus impudentem calumniam. Sosipus, & Epicrates fratres sunt Agyrinenses. horum pater ab hinc duos & xx annos est mortuus. in cuius testamento quodam loco, si commissum quid esset, multa erat Veneri. ipsos xx annos, cum tot interea prętores, tot quęstores, tot calumniatores in prouincia fuissent, hereditas ab his Veneris nomine petita non est. causam Verres cognoscit: per Volcatium pecuniam accepit, fere ad HS cccc millia ab duobus fratribus. multorum testimonium audistis antea: uicerunt Agyrinenses fratres, ita, ut egentes inanesq. discederent. At enim ad Verrem pecunia ista non peruenit. quę est ista defensio? utrum, asseueratur in hoc, an tentatur?

IN
tatur? m
res appon
sebat: V
tur: qui d
fendas. T
no te: m
cunt sese
cccc
Volcatio
set? men
ego ampli
guo contr
numerat
ob iudicat
tius in ma
rentur. con
fici, scriba
marus er
affuitate,
ne manus
plus mali
gitimorum
quidquid
do tibi d
neceffe e
accepit i
cia tollat
duccetur,
Verres m

tatur? mihi enim noua res est. Verres calumniato-
 res apponebat: Verres adesse iubebat: Verres cogno-
 scebat: Verres iudicabat: pecuniæ maximæ daban-
 tur: qui dabant, causas obtinebant: tu mihi ita de-
 fendas. Non est ista Verri numerata pecunia? adiu-
 uo te: mei quoque testes idem dicunt: Volcatio di-
 cunt sese dedisse. quæ uis erat Volcatio tanta, ut HS
 cccc millia duobus hominibus auferret? ecquis
 Volcatio, si sua sponte uenisset, unam libellam dedis-
 set? ueniat nunc, experiatur: testis recipiet nemo. at
 ego amplius dico. HS quadringenties accepisse te ar-
 guo contra leges: nego, tibi ipsi ullum nummum esse
 numeratum: sed cum ob tua decreta, ob imperata,
 ob iudicata pecuniæ dabantur, non erat querendum,
 cuius in manu numerarentur, sed cuius iniuria coge-
 rentur. comites illi tui delecti, manus erant tuæ: præ-
 fectiones, scribæ, medici, accensi, haruspices, præcones,
 manus erant tuæ: ut quisque te maxime cognatione,
 affinitate, necessitudine aliqua attingebat, ita maxi-
 me manus tua putabatur. cohors tota illa tua, quæ
 plus mali Siciliæ dedit, quam si centum cohortes fu-
 gitiuorum fuissent, tua manus sine controuersia fuit.
 quidquid ab horum quopiam captum est, id non mo-
 do tibi datum, sed in tua manu numeratum iudicari
 necesse est. nam si hanc defensionem probabitis, Non
 accepit ipse: licet omnia de pecunijs repetundis iudi-
 cia tollatis: nemo unquam tam reus, tam nocens ad-
 ducetur, qui ista defensione non possit uti. etenim cum
 Verres utatur, quis erit unquam posthac reus tam

R 4 perditus,

A C T I O N I S I I I .

perditus, qui non ad Q. Mucij innocentiam referatur, si cum isto conferatur? neque nunc tam mihi isti Verrem defendere uidentur, quàm in Verre defensionis tentare rationem. qua de re, iudices, uobis magnopere providendum est. pertinet hoc ad summam reip. & ad existimationem ordinis, salutemq. sociorum. si enim innocentes existimari uolumus; non solum nos abstinentes, sed etiam nostros comites præstare debemus. primum omnium, opera danda est, ut eos nobiscum ducamus, qui nostræ famæ, capitiq. consulant: deinde, si in hominibus eligendis nos spes amicitiae fefellerit, ut uindicemus, missos faciamus; semper ita uiuamus, ut rationem reddendam nobis arbitremur. Africani est hoc, hominis liberalissimi, ueruntamen ea liberalitas est probanda, quæ sine periculo existimationis est: ut in illo fuit. cum ab eo quidam uetus affectator ex numero amicorum non impetraret, ut se præfectum in Africam duceret, & id ferret moleste: Noli, inquit, mirari, si tu a me hoc non impetras: ego iam pridem ab eo, cui meam existimationem caram fore arbitror, peto, ut mecum præfectus proficiscatur & adhuc impetrare non possum. Etenim re uera multo magis est petendum ab hominibus, si salui esse uolumus, ut eant nobiscum in prouinciam, quàm hoc illis in beneficij loco deferendum. sed tu, cum & tuos amicos in prouinciam, quasi in prædam, inuitabas; ac cum illis, ac per eos prædare; & eos in concione annulis aureis donabas: non statuebas, tibi non solum de te, sed etiam de illorum factis

factis rationem esse reddendam? Cum hos sibi quæstus
constituisset magnos, atque uberes ex ijs causis, quas
ipse instituerat in consilio, hoc est cum sua cohorte, co-
gnosceret; tum infinitum genus inuenerat ad innume-
rabilem pecuniam corripendam. Dubiū nemini est,
quin omnes omnium pecuniæ posita sint in eorum po-
testate, qui iudicia dant, & eorum, qui iudicant;
quin nemo nostrum possit aedes suas, nemo fundum,
nemo bona patria obtinere, si, cum hæc a quopiam
uestrum petita sunt, prætor improbus, cui nemo inter-
cedere possit, det quem uelit iudicem, iudex nequam,
& leuis, quod prætor iusserit, iudicet. si uero illud
quoque accedet, ut prætor in ea uerba iudicium det,
ut uel Octavius Balbus iudex, homo & iuris, & offi-
cij peritissimus, non possit aliter iudicare: sit eiusmodi:
L. OCTAVIUS IUDEX ESTO: SI PA-
RET, FVNDVM CAPENATEM, QVO DE
AGITVR, EX IVRE EVM P. SERVILII ES-
SE, NEQVE IS FVNDVS Q. CATVLO RE-
STITVETVR: non necesse erit L. Octauio iudici,
cogere P. Seruiliū, Q. Catulo fundum restituere,
aut condemnare eum, quem non oporteat? eiusdem
modi totum ius prætorium, eiusdem modi omnis res
iudiciaria fuit in Sicilia per triennium Verre præto-
re. Decreta eiusmodi: SINON ACCIPIT QVOD
TE DEBERE DICIS, ACCVSES. SI PETIT,
DVCAS. C. Fuscium duci iussit petitozem, L. Sue-
tium, L. Raciliū. Iudicia huiusmodi: QVI CI-
VES R. ERANT, SICVLI ESSENT, TVM SI
EORVM

A C T I O N I S I I I .

E O R V M L E G I B V S D A R I O P O R T E -
R E T . Q V I S I C V L I , S I C I V E S R .
E S S E N T . *Verum, ut totum genus complectami*
ni iudiciorum, prius iura Siculorum, deinde istius in
stituta cognoscite. Siculi hoc iure sunt, ut, quod ciuis
cum ciue agat, domi certet suis legibus; quod Sicu-
lus cum Siculo, non eiusdem ciuitatis, ut de eo præ-
tor indices ex P. Rupilij decreto, quod is de decem
legatorum sententia statuit, quam legem Siculi Ru-
piliam uocant, sortiatur. quod priuatus a populo pe-
tit, aut populus a priuato, senatus ex aliqua ciuita-
te, qui iudicet, datur, cum alternæ ciuitates reie-
ctæ sunt. quod ciuis Romanus a Siculo petit, Siculus
iudex datur. quod Siculus a ciue Romano, ciuis R.
datur. ceterarum rerum selecti indices ex ciuium R.
conuentu proponi solent. inter aratores, & decuma-
nos lege frumentaria, quam Hieronicam appellant,
iudicia fiunt. hæc omnia isto prætore non modo per-
turbata, sed plane & Siculis, & ciuibus R. erepta
sunt. primum suæ leges. quod ciuis cum ciue ageret,
aut eum iudicem, quem commodum erat, præconē,
haruspicem, medicum suum dabat: aut, si legibus e-
rat iudicium constitutum, & ad ciuem suum iudicem
uenerant, libere ciui iudicare non licebat. edictum
enim hominis cognoscite: quo edicto omnia iudicia
redegerat in suam potestatem: Si quis perperam iudi-
casset, se cogniturum: cum cognosset, animaduersu-
rum. idq. cum faciebat, nemo dubitat, quin, cum
iudex alium de suo iudicio putet iudicaturum, seq. in
eo

I N
 eo capitis
 eius, que
 selecti e
 dices, nu
 bors non
 non soleb
 tatis hoc
 Q V I D
 T V S . e
 coacti i
 Rupilia
 lege Hier
 uersarum
 ac negotia
 habuerit,
 Heraclius
 in primis d
 nel pecunia
 calamitate
 perimus .
 testamento
 lati argent
 sissimorum
 puitates
 res, mag
 Heraclius
 argento
 Verres :
 aggredi

eo capitis periculum adituum, uoluntatem spectet
 eius, quem statim de capite suo putet iudicaturum.
 selecti e conuentu, aut propositi ex negotiatoribus iu-
 dices, nulli. hæc copia, quam dico, iudicum, co-
 hors non Q. Scæuolæ, qui tamen de cohorte sua dare
 non solebat, sed C. Verris. cuiusmodi cohortem pu-
 tatis hoc principe fuisse? sicuti uidetis edictum. **SI**
QVID PERPERAM IUDICARIT SENA-
 TUS. eum quoque ostendam, si quando sit datus,
 coactu istius, quod non senserit, iudicasse. ex lege
 Rupilia sortitio nulla, nisi cum nihil intererat istius.
 lege Hieronica iudicia constituta plurimarum contro-
 uersiarum sublata uno nomine omnia. de conuentu,
 ac negotiatoribus nulli iudices. quantam potestatem
 habuerit, uidetis: quas res gesserit, cognoscite.
 Heraclius est, Hieronis filius, Syracusanus, homo
 in primis domi suæ nobilis, & ante hunc prætorem
 uel pecuniosissimus Syracusanorum, nunc nulla alia
 calamitate, nisi istius auaritia, atque iniuria, pau-
 perrimus. huic hereditas facile ad HS tricies uenit
 testamento propinqui sui Heraclij: plena domus cæ-
 lati argenti optimi, multæq. stragulæ uestis, pretio-
 sissimorumq. Mancipiorum. quibus in rebus istius cu-
 piditates, & insanias quis ignorat? erat in sermone
 res, magnam Heraclio pecuniam uenisse, non solum
 Heraclium diuitem, sed etiam ornatum supellectili,
 argento, ueste, Mancipijs futurum. audit hæc etiam
 Verres: & primo, illo suo leuiore artificio Heraclium
 aggredi conatur, ut eum roget inspicienda, quæ non
 reddat:

ACTIONIS III.

reddat : deinde a quibusdam Syracusanis admonetur. hi autem quidam erant affines istius , quorum uxores iste nunquam alienas existimauit , Cleomenes , & Aeschrio : qui quantum apud istum , & quam turpi de causa potuerint , ex reliquis criminibus intelligetis . hi , ut dico , hominem admonent , rem esse praeclaram , refertam omnibus rebus : ipsum autem Heraclium hominem esse maiorem natu , non promptissimum ; & eum , praeter Marcellos , patronum , quem iure suo adire , aut appellare posset , habere neminem : esse in eo testamento , quo ille heres esset , scriptum , ut statuas in palaestra deberet ponere . faciemus , ut palaestra negent ex testamento esse positas : petant hereditatem , quod eam palaestra commissam esse dicant . placuit ratio Verri : nam hoc animo providebat ; cum tanta hereditas in controuersiam uenisset , iudicioq. peteretur , fieri non posse , ut sine praeda ipse discederet . approbat consilium : auctor est , ut quamprimum agere incipiant , hominemq. id aetatis minime litigiosum quatumultuosissime adorianitur . Scribitur Heraclio dica . primo mirantur omnes improbitatem calumniae : deinde , qui istum nossent , partim suspicabantur , partim plane uidebant adiectum esse oculum hereditati . interea dies aduenit , quo die sese ex instituto , ac lege Rupilia dicas sortituum Syracusis iste edixerat . paratus ad hanc dicam sortientdam uenerat . tum eum docet Heraclius non posse eo die sortiri , quod lex Rupilia uetaret diebus xxx sortiri dicam , quibus scripta esset . dies xxx nondum fuerant .

I
fu erant .
ante alter
cia tum m
bus iudici
hanc Her
posset . po
re se uelle
postulat
Syracusa
postulans
tibus , qu
uiderentur
pilia den
tate senatu
tur . Quid
frem ? qui
gouit ? qu
ta , lege ag
prouincia
quod omne
certum Sic
se Rupilian
legatorum
Sicilia con
ces e lege
commod
quod sup
scriptum
uissime ,

fuerant. sperabat Heraclius, si illum diem effugisset,
 ante alteram sortitionem Q. Arrium, quem provin-
 cia tum maxime expectabat, successurum. iste omni-
 bus iudicijs diem distulit, & eam diem constituit, ut
 hanc Heraclij dicam sortiri post dies x x x ex lege
 posset. postea quàm ea dies uenit, iste incipit simula-
 re se uelle sortiri. Heraclius cum aduocatis adit, &
 postulat, ut sibi cum palæstritis, hoc est cum populo
 Syracusano, æquo iure disceptare liceat. aduersarij
 postulant, ut in eam rem iudices dentur ex ijs ciuita-
 tibus, quæ in id forum conuenirent, electi qui Verri
 uiderentur: Heraclius contra, ut iudices e lege Ru-
 pilia dentur, ut ab institutis superiorum, ab auctori-
 tate senatus, ab iure omnium Siculorum ne receda-
 tur. Quid ego istius in iure dicendo libidinem demon-
 stre? quis uestrum non ex urbana iurisdictione co-
 gnouit? quis unquam, isto prætore, Chelidone inui-
 ta, lege agere potuit? non istum, ut non neminem,
 prouincia corripit: idem fuit, qui Romæ. Cum id,
 quod omnes intelligebant, diceret Heraclius, ius esse
 certum Siculis, inter se quo iure certarent; legem ef-
 se Rupiliam, quam prætor Rupilius ex S. C. de decem
 legatorum sententia dedisset; hoc omnes semper in
 Sicilia consules prætoresq. seruasse: negauit se iudi-
 ces e lege Rupilia sortiturum: quinque iudices, quos
 commodum ipsi fuit, dedit. Quid huic homini facias?
 quod supplicium dignum libidini eius inuenies? Præ-
 scriptum tibi cum esset homo deterrime, & impuden-
 tissime, quemadmodum inter Siculos iudices dares;
 cum

ACTIIONIS III.

cum imperatoris populi R. auctoritas, legatorum decem, summorum hominum, dignitas S. C. intercederet; cuius consulto P. Rupilius prætor ex legatorum sententia leges in Sicilia constituerat; cum omnes ante te prætores Rupilias leges in ceteris rebus, & in iudicijs maxime obseruassent: tu ausus es pro nihilo præ tua præda tot res sanctissimas ducere? tibi nulla lex fuit? nulla religio? nullus existimationis pudor? nullus iudicij metus? nullius apud te grauis auctoritas? nullum exemplum, quod sequi uelles? Verum, ut institui dicere, quinque iudicibus nulla lege, nullo instituto, nulla religione, nulla sorte, ex libidine istius datis, non qui causam cognoscerent, sed qui, quod imperatum esset, iudicarent, eo die nihil actum est; adesse iubentur postridie. Heraclius interea, cum omnes insidias a prætore fortunis suis fieri uideret, capit consilium de amicorum, & propinquorum sententia, non adesse ad iudicium: itaque Syracusis illa nocte profugit. iste postero die mane, cum multo maturius, quam unquam antea, surrexisset, iudices citari iubet: ubi comperit Heraclium non adesse, cogere incipit eos, ut absentem Heraclium condemnarent. illi eum commonescunt, ut, si ei uideatur, utatur instituto suo, nec cogat ante horam decimam de absente secundum præsentem iudicare. impetrant. interea sane perturbatus & ipse, & eius amici, & consiliarij, moleste ferre cæperunt, Heraclium profugisse. putabant absentis damnationem, præsertim tantæ pecuniæ, multo inuidiosiore fore, quam

IN
quàm si p
iudices e
rem turp
bant. itaq
cipiditas
iudicibus
Rupilia fi
qui dicam
uelle sort
eum orat
non potue
ge Rupilia
is, ut ab
itaque con
tia? ecqua
rum putast
tuos existi
debetur, in
ciuitatis?
soma calum
ut ne simul
nam, per
prætor imp
nibus dece
cio, iudici
sit? profu
pilia sort
clius id p
tate ab le

quàm si præsens damnatus esset. eò accedebat : quòd iudices e lege Rupilia dati non erant , multo etiam rem turpiorem , & iniquiorem uisum iri intelligebant . itaque hoc dum corrigere uult , apertior eius cupiditas , improbitasq. facta est . nam illis quinque iudicibus uti sese negat : iubet id , quod initio e lege Rupilia fieri oportuerat , citari Heraclium , & eos , qui dicam scripserant : aitq. iudices e lege Rupilia uelle sortiri . quod ab eo pridie , cum multis lacrymis eum oraret , atque obsecraret Heraclius , impetrare non potuerat , id ei postera die uenit in mentem , e lege Rupilia sortiri dicas oportere . educit ex urna tres . ijs , ut absentem Heraclium condemnent , imperat : itaque condemnant . Quæ , malum , ista fuit amen-
tia ? ecquando te rationem factorum tuorum redditu-
rum putasti ? ecquando his de rebus tales uiros audi-
turos existimasti ? petatur hereditas ea , quæ nulla
debetur , in prædam prætoris ? interponatur nomen
ciuitatis ? imponatur honestæ ciuitati turpissima per-
sona calumniæ ? neque hoc solum , sed ita res agatur ,
ut ne simulatio quidem æquitatis ulla adhibeatur ?
nam , per deos immortales , quid interest , utrum
prætor imperet , uiq. cogat aliquem de suis bonis om-
nibus decedere ; an huiusmodi iudicium det , quo iudi-
cio , indicta caussa , fortunis omnibus euertere necesse
sit ? profecto enim negare non potes , te ex lege Ru-
pilia sortiri iudicium debuisse , cum præsertim Hera-
clius id postularet . sin illud dices , te Heraclij uolun-
tate ab lege recessisse : ipse te impedies , ipse tu tua
defensione

ACTIONIS III.

defensione implicabere. quare enim primum ille ipse adesse noluit, cum ex eo numero iudices haberet, quos postularat? deinde tu cur post illius fugam iudices alios sortitus es, si eos, qui erant antea dati, utriusque dederas uoluntate? deinde ceteras dicas omnes illo foro M. Postumius quæstor sortitus est: hanc solum tu illo conuentu reperiere sortitus. Ergo, inquiet aliquis, donauit populo Syracusano illam hereditatem. Primum, si id confiteri uelim, tamen istum condemnatis necesse est. neque enim permissum est, ut impune nobis liceat, quod alicui eripuerimus, id alteri tradere. uerum ex ista reperietis hereditate ita istum prædatum, ut perpauca occulte fecerit; populum qui dem Syracusanum in maximam inuidiam sua infamia, alieno præmio peruenisse; paucos Syracusanos, eos, qui se nunc publice laudationis causa uenisse dicunt, & tunc participes prædæ fuisse, & nunc non ad istius laudationem, sed ad communem litium æstimationem uenisse. Postea quàm damnatus est absens; non solum illius hereditatis, de qua ambigebatur, quæ erat HS tricies, sed omnium bonorum paternorum ipsius Heraclij, quæ non minor erat pecunia, palæstræ Syracusanorum, hoc est Syracusanis, possessio traditur. Quæ est ista prætura? eripis hereditatem, quæ uenerat a propinquo, uenerat testamento, uenerat legibus: quæ bona is, qui testamentum fecit, huic Heraclio ante aliquanto, quàm est mortuus, omnia utenda, ac possidenda tradiderat: cuius hereditatis, cum ille aliquanto ante te prætorem esset mortuus, controuersia

IN
controuersia
Verum est
fuitis: pr
euerit leg
ra uiuor
turbare op
pudenter,
les, illa b
Heraclio
seranda o
tim cur at
bonis, ad
forum, str
non modo e
ma provin
cipia, quæ
et in qua
illud est præ
Heraclij bon
debant eor
bant, scyp
teas, pretio
pretiosa. V
eius iussu
cusani, sed
nomine H
ximus cl
neque eor
bona priu

controuersia fuerat nulla, mentionem fecerat nemo.
Verum esto, eripe hereditatem propinquis, da palæ-
stritis: prædare in bonis alienis nomine ciuitatis:
euerte leges, testamenta, uoluntates mortuorum, iu-
ra uiuorum: num etiam patrijs Heraclium bonis ex-
turbare oportuit? qui simul ac profugit; quàm im-
pudenter, quàm palam, quàm acerbe, dij immorta-
les, illa bona direpta sunt; quàm illa res calamitosa
Heraclio, quæstiosa Verri, turpis Syracusanis, mi-
seranda omnibus uidebatur. nam illud quidem sta-
tim curatur, ut, quidquid celati argenti fuit in illis
bonis, ad istum deferatur, quidquid Corinthiorum ua-
forum, stragulæ uestis. hæc, nemo dubitabat, quin
non modo ex illa domo capta, & oppressa, uerum ex
tota prouincia ad istum comportari necesse esset. man-
cipia, quæ uoluit, abduxit: alia diuisit: auctio facta
est. in qua cohors istius inuicta dominata est. Verum
illud est præclarum. Syracusani, qui præfuerant his
Heraclij bonis uerbo redigendis, re dissipandi, red-
debant eorum negotiorum rationem in senatu: dice-
bant, scyphorum paria complura, hydrias argen-
teas, pretiosam uestem stragulam, multa mancipia
pretiosa Verri data esse: dicebant, quantum, cuique
eius iussu nummorum esset datum. gemebant Syra-
cusani, sed tamen patiebantur. repente recitatur, uno
nomine HS CCL millia iussu prætoris data. fit ma-
ximus clamor omnium, non modo optimi cuiusque,
neque eorum, quibus indignum semper uisum erat,
bona priuati, populi nomine, per summam iniuriam
 S erepta:

ACTIONIS III.

erepta : uerum etiam ipsi illi auctores iniuriæ, & ex aliqua particula socij prædæ, ac rapinarum, clamare cœperunt, sibi ut haberet hereditatem. tantus incuria clamor factus est, ut populus concurreret. res, ab omni conuentu cognita, celeriter domum nunciatur. homo inimicus ijs, qui recitassent, hostis omnibus, qui acclamassent, exarsit iracundia, ac stomacho; ueruntamen fuit tum sui dissimilis. nostis os hominis : nostis audaciam : tamen tum rumore populi, & clamore, & furto manifesto grandis pecuniæ perturbatus est. ubi se collegit, uocat ad se Syracusanos : quia non posset negare, ab illis pecuniam datam ; non quæsiuit procul alicunde, (neque enim probaret) sed proximum pæne alterum filium, quem illam pecuniam diceret abstulisse, ostēdit se reddere coacturum. qui postea quàm id audiuit; habuit dignitatis, & ætatis, & nobilitatis suæ rationem: uerba apud senatum fecit : docuit, ad se nihil pertinere : de isto id, quod omnes uidebant, neque ille quidem obscure, locutus est: itaque illi Syracusani statuam postea statuerunt : & is, ubi primum potuit, istum reliquit, de prouinciaq. discessit. & tamen aiunt eum queri solem non nunquam, se miserum, quòd non suis, sed suorum comitum peccatis, & criminibus prematur. triēnium prouinciā obtinuisti: gener electus adolescens unum annum tecum fuit : sodales, uiri fortes, legati tui primo anno te reliquerunt : unus legatus P. Tadius, qui erat reliquus, non ita multum tecum fuit : qui si semper una fuisset, tamē summa cura tum tuæ;

tum

tum multo etiam magis suæ famæ pepercisset. quid est, quod tu alios accuses? quid est, quamobrem putes te tuam culpam non modo deriuare in aliquem, sed communicare cum aliquo posse? Numerantur illa HS ducenta quinquaginta Syracusanis. ea quemadmodum ad istum postea per pseudotyron reuertantur, tabulis uobis, & testibus, indices, planum faciam. Ex hac iniquitate istius, & improbitate, iudices, quoddam præda ex illis bonis ad multos Syracusanos, inuito populo senatuq. Syracusano, uenerat, etiam illa sunt, quæ per Theomnastum, & Aeschriodinem, & Dionysodorum, & Cleomenem, inuitissima ciuitate, facta sunt: primum, ut urbs tota spoliaretur: qua de re alius mihi locus ad dicendum est constitutus: ut omnia signa iste per eos homines, quos nominari, omne ebur ex adibus sacris, omnes undique tabulas pictas, deorum denique simulacra, quæ uellet, auferret: deinde, ut in curia Syracusis, quem locum illi Buleuterium uocant, honestissimo loco, & apud illos clarissimo, sub illius ipsius M. Marcelli, qui cum Syracusanis locum eum eripere belli, ac uictoriæ lege posset, conseruauit, & reddidit, statua ex ære facta, ibi inauratam isti, et alteram filio statuam posuerint; ut, dum istius hominis memoria maneret, senatus Syracusanus sine lacrymis, & gemitu in curia esse non posset. per eosdem istius iniuriarum, furtorum, uxorūq. socios, istius imperio, Syracusis Marcellæa tolluntur, maximo gemitu, luctuq. ciuitatis: quem illi diem festum cum recentibus beneficijs

A C T I O N I S I I I .

*M. Marcelli debitum reddebant , tum generi , nomi
ni , familiæ Marcellorum maxima uoluntate tribue
bant . Mithridates in Asia , cum eam prouinciam to
tam occupasset , Mucia non sustulit . hostis , & hostis
in ceteris rebus nimis ferus , & immanis , tamen ho
norem hominis , deorum religione consecratum . uio
lare noluit . tu Syracusanos unum diem festum Mar
cellis impertiri uetuiſti , per quos illi adepti sunt , ut ce
teros dies festos agere possent . at uero præclarum
diem reposuisti , Verrea ut agerent , & ut ad eum diē ,
quæ sacris epulisq. opus essent , in complures annos lo
carentur . Sed iam in tanta istius impudentia remit
tendum aliquid uidetur , ne omnia contendamus , ne
omnia cum dolore agere uideamur . nam me dies ,
uox , latera deficiant , si hoc nunc uociferari uelim ,
quàm miserum indignumq. sit , istius nomine apud
eos diem festum esse , qui sese istius opera funditus ex
tinctos esse arbitrentur . o Verrea præclara , quoquam
si accessisti , quò non attuleris tecum istum diem . ete
nim quam tu domum , quam urbem adiſti , quod fa
num denique , quod non euerſum , atque exterſum re
liqueris ? quare appellentur sane ista Verrea , quæ non
ex nomine , sed ex moribus , naturaq. tua constituta
esse uideantur . Quàm facile serpat iniuria , & pec
candi consuetudo quàm non facile reprimatur , uide
te iudices . Bidis oppidum est , tenue sane , non longe
a Syracusis . huius longe primus ciuitatis est Epicra
tes quidam . huic hereditas HS quingentorum mil
lium uenerat a muliere quadam propinqua , atque
ita*

IN
ita propi
Epicrate
ret . recen
monstran
perdidisse
picrati u
ruit eius
euerſi bo
occulte i
ferunt :
denses pe
dum pala
quam uos
rum ita pa
discederet
suorum am
nſatis non
rant , sit Ep
temere co
posset , nio
ret , & ista
uit esse , de
Etus est R
li , qui de
ſente Ep
primum
ius aditi
uerſiæ fa
ſe . boni

ita propinqua, ut, ea etiam si intestata esset mortua, Epicratem Bidinorum legibus heredem esse oporteret. recens Syracusana erat illa res, quam ante demonstravi, de Heraclio Syracusano; qui bona non perdidisset, nisi ei uenisset hereditas. huic quoque Epicrati uenerat, ut dixi, hereditas. cogitare cœperunt eius inimici, nihilo minus eodem prætore hunc euerti bonis posse, quo Heraclius esset euersus. rem occulte instituunt, ad Verrem per eius interpretes deferunt: ita causa componitur, ut item palæstritæ Bidenses peterent ab Epicrate hereditatem, quemadmodum palæstritæ Syracusani ab Heraclio petissent. numquam uos prætorem tam palæstricum uidistis. uerum ita palæstritas defendebat, ut ab illis ipse unctior discederet. qui statim cum præsensisset, iubet cuidam suorum amicorum numerari HS LXXX. res occulta ri satis non posse. per quendam eorum, qui interfuerant, fit Epicrates certior. primo negligere, & contemnere cœpit, quod causam prorsus, quod dubitari posset, nihil habebat. deinde cum de Heraclio cogitaret, & istius libidinem nosset; commodissimum putauit esse, de provincia clam abire: itaq. fecit: profectus est Rhegium, quod ubi auditum est; æstuarie illi, qui dederant pecuniam; putare nihil agi posse absente Epicrati. nam Heraclius tamen affuerat, cum primum dati sunt iudices: de hoc, qui, ante quàm in ius aditum esset, ante quàm denique mentio controuersiæ facta esset, discessisset, putabant nihil agi posse. homines Rhegium proficiscuntur: Epicratem con-

S 3 ueniunt:

A C T I O N I S I I I .

ueniunt : demonstrant id , quod ille sciebat , se HS
 LXXX dedisse : rogant eum , ut id , quod ab ipsis abis-
 set pecuniæ , curet ; ab sese caueat , quemadmodum ue-
 lit : de illa hereditate cum Epicrate neminem esse a-
 cturum . Epicrates homines multis uerbis male a se
 acceptos dimisit . redeunt illi Rhegio Syracusas : que-
 ri cum multis , ita ut sit , incipiunt , sese HS LXXX
 nummum frustra dedisse . res percrebuit , in ore , at-
 que sermone omnium cæpit esse . Verres refert illam
 suam Syracusanam : ait sese uelle de illis HS LXXX
 cognoscere : aduocat multos : dicunt Bidini Volcatio
 se dedisse : illud non addunt , iussu istius . Volcatium
 uocat : pecuniam referri imperat . Volcatius animo
 acquisissimo nummos affert , qui nihil amitteret : red-
 dit inspectantibus multis : Bidini nummos auferunt .
 Dicit aliquis : quid ergo in hoc Verrem reprehendis ?
 qui non modo ipse fur non est , sed ne alium quidem
 passus est esse . attendite : iam intelligetis hanc pecu-
 niam , qua uia modo uisa est exire ab isto , eadem se-
 mita reuertisse . quid enim debuit prætor ? cum consi-
 lio re cognita , cum comperisset suum comitem , iuris ,
 decreti , iudicii corrumpendi causa , qua in re ipsius
 prætoris caput , existimatioq. ageretur , pecuniam
 accepisse , Bidinos autem contra prætoris famam , ac
 fortunas dedisse ; non & in eum , qui accepisset , ani-
 maduertisse , & in eos , qui dedissent ? tu , qui insti-
 tueras in eos animaduertere , qui perperam iudicas-
 sent ; quod sæpe per imprudentiam fit ; hos patieris
 impune discedere , qui ob tuum decretum , ob tuum iu-
 dicium

dicium pecuniam aut dandam, aut accipiendam putarant? Volcatius idem apud te postea fuit, eques R. tanta accepta ignominia. nam quid est turpius ingenuo, quid minus libero dignum, quàm in conuentu maximo cogi a magistratu furtum reddere? qui si eo animo esset, quo non modo eques R. sed quiuis liber debet esse; aspicere te postea non potuisset: inimicus, hostis esset, tanta contumelia accepta; nisi tecum colluisset, & tuæ potius existimationi seruisset, quàm suæ. qui quàm tibi amicus non modo tum fuerit, quàm diu tecum in prouincia fuit, uerum etiam nunc sit, cum iam a ceteris amicis sis relictus; & tu intelligis, & nos existimare possumus. An hoc solum argumentum est, nihil isto imprudente factum, quòd Volcatius ei non succensuit? quòd iste nec in Volcatium, nec in Bidinos animaduertit? est magnum argumentum, uerum illud maximum, quòd illis ipsis Bidinis, quibus iratus esse debuit, ut a quibus comperit, quòd iure agere cum Epicrate nihil possent, etiam si adesset, iccirco suum decretum pecunia esse tètatum; his, inquam, ipsis non modo illam hereditatem, quæ Epicrati uenerat, sed, ut in Heraclio Syracusano, item in hoc, paullo etiam atrocius, quòd Epicrates appellatus omnino non erat, bona patria, fortunasq. eius Bidinis tradidit. ostendit enim nouo modo, si quis quid ab absente peteret, se auditurum. adeunt Bidini: petunt hereditatem: procuratores postulant, ut se ad leges suas reiiciat, aut ex lege Rupilia dicam scribi iubeat. aduersarij non audebant contradicere: exitus

A C T I O N I S I I I .

nullus reperiatur . insimulant , hominem fraudan-
 di causa discessisse : postulant , ut bona possidere li-
 ceat . debbat Epicrates ullum nummum nemini . 'a-
 mici , si quis quid peteret , iudicio secum agi passuros ,
 iudicatum solui satisfacturos esse dicebant . cum om-
 nia consilia frigerent , admonitum istius insimulare cœ-
 perunt , Epicratem litteras publicas corrupisse : a qua
 suspicione ille aberat plurimum . actionem eius rei po-
 stulant . amici recusare , ne quod nouum iudicium , ne
 qua ipsius cognitio illo absente de existimatione eius
 constitueretur : & simul idem illud postulare non de-
 sistebant , ut se ad leges suas reijceret . iste amplam
 occasionem calumnie nactus , ubi uidet esse aliquid ,
 quod amici absentem Epicratem nollent defendere ;
 asseuerat se eius rei in primis actionem esse daturum .
 cum omnes perspicerent ad istum non modo illos num-
 mos , qui per simulationem ab isto exierant , reuer-
 tisse , sed multo etiam plures eum postea nummos ab-
 stulisse : amici Epicratem defendere destiterunt . iste
 Epicratis bona Bidinos omnia possidere , & sibi ha-
 bere iussit . ad illa HS D millia hereditaria accessit
 ipsius antiqua HS quindecies pecunia . Vtrum res
 ab initio ita ducta est , an ad extremum ita perducta ?
 an ita parua est pecunia ? an is homo Verres , ut hæc ,
 quæ dixi , gratis facta esse uideantur ? hic nunc de mi-
 seria Siculorum , indices , audite . Et Heraclius ille Sy-
 racusanus , & hic Bidinus Epicrates expulsi bonis om-
 nibus Romam uenerunt : sordidati , maxima barba ,
 & capillo Romæ biennium prope fuerunt . cum L. Me-
tellus

tellus in provinciam profectus est, tum isti bene commendati cum Metello una proficiscuntur. Metellus, simul ac uenit Syracusas, utrumque rescindit, & de Epicrate, & de Heraclio. in utriusque bonis nihil erat, quod restitui posset, nisi quod moueri loco non poterat. fecerat hæc egregie primo aduentu Metellus, ut omnes istius iniurias, quas modo posset, rescinderet, & irritas faceret. Heraclium restitui iusserat: non restituebatur: quisquis erat ductus senator Syracusanus, ab Heraclio, duci iubebat: itaque permulti ducti sunt. Epicrates quidem continuo restitutus est. alia iudicia Lilybæi, alia Agrigenti, alia Panormi restituta sunt. census, qui isto prætoris sunt habiti, non seruaturum se Metellus ostenderat: decumas, quas iste contra legem Hieronicam uendiderat, sese uenditurum Hieronica lege dixerat. omnia erant Metelli eiusmodi, ut non tam suam præturam gerere, quàm istius præturam retexere uideretur. simul atque ego in Siciliam ueni, mutatus est. uenerat ad eum illo biduo Letilius quidam, homo non alienus a litteris: itaque eo iste tabellario semper usus est. is epistolas complures attulerat, in his unâ domo, quæ totum immutarat hominem. repente cæpit dicere, se omnia Verris causa uelle, sibi cum eo amicitiam, cognationemq. esse. mirabantur omnes, hoc ei tum denique in mentem uenisse, postea quàm tam multis eum factis, decretisq. iugulasset. erant, qui putarent Letilium legatum a Verre uenisse, qui gratiam, amicitiam, cognationemq. commemoraret. ex illo tempore

A C T I O N I S I I I .

pore a ciuitatibus laudationem petere, testes non solum deterrire uerbis, sed etiam ui retinere cœpit. quod nisi ego meo aduentu illius conatus aliquantulum repressissem, & apud Siculos non Metelli, sed Glabrionis litteris, ac lege pugnassem; tam multos huc euocare non potuissem. uerum, quod institui dicere, miseras cognoscite Siculorum. Heraclius ille, & Epicrates longe mihi obuiam cum suis omnibus processerunt: uenienti Syracusas egerunt gratias flentes: Romam decedere mecum cupierunt. quod erant mihi oppida complura etiam reliqua, quæ adire uellem; constitui cum hominibus, quo die mihi Messanæ præsto essent. eò mihi nuncium miserunt, se a prætore retineri. quibus ego testimonium denunciaui, quorum nomina edidi Metello, cupidissimi ueniendi, maximis iniurijs affecti, adhuc non uenerunt. hoc iure sunt socij, ut ijs ne deplorare quidem de suis incommodis liceat. iam Heraclij Centuripini, optimi, nobilissimiq. adolescentis, testimonium audistis: a quo HS C millia per calumniam, malitiamq. petita sunt. iste, pœnis, compromissisq. interpositis, HS CCC extorquenda curauit: quodq. iudicium secundum Heraclium de compromissis factum erat, quod ciuis Centuripinus inter duos ciues indicasset, id irritum iussit esse, eumq. iudicem falsum indicasse indicauit: in senatu ne esset: locis, commodisq. publicis uti uetuit: si quis eum pulsasset, edixit sese iudicium iniuriarum non daturum: quidquid ab eo peteretur, iudicem de sua cohorte daturum, ipsi autem nullius actionem rei sese

I N
 sese daturum
 ut neque illa
 uincia sua
 quicquam a
 mie licentia
 autem illa
 diuise in p
 bus, nouo
 esse in Sicil
 id solum m
 ut Heracli
 præda erat
 bona, atque
 lam uero m
 unquamq
 similibus e
 lere uidebun
 mo domi sua
 ab inimicis
 pitatis ciu
 tus, huic ei
 omnis Sacer
 lerunt. res
 innocens,
 istum ausu
 sa agitur S
 re, ea, quæ
 etiam iud
 2. Minu

sese daturum. quæ istius auctoritas tantum valuit,
 ut neque illum pulsaret quisquam, cum prætor in pro-
 uincia sua uerbo permitteret, re hortaretur; neque
 quisquam ab eo quidquam peteret, cum iste calum-
 niæ licentiam sua auctoritate præbisset. ignominia
 autem illa grauis tam diu in illo homine fuit, quàm
 diu iste in provincia mansit. Hoc iniecto metu iudici-
 bus, nouo more, nullo exemplo, ecquam rem putatis
 esse in Sicilia, nisi ad nutum istius, iudicatam? utrum
 id solum uidetur esse actum, quod est tamen actum;
 ut Heraclio pecunia eriperetur, an etiam illud, in quo
 præda erat maxima, ut nomine iudiciorum, omnium
 bona, atque fortuna in istius unius essent potestate?
 Iam uero in rerum capitalium quæstionibus quid ego
 unamquamque rem colligam, & causam? ex multis
 similibus ea sumam, quæ maxime improbitate excel-
 lere uidebuntur. Sopater quidam fuit Haliciensis, ho-
 mo domi suæ cum primis locuples, atque honestus. is
 ab inimicis suis apud C. Sacerdotem prætorem rei ca-
 pitalis cum accusatus esset, facile eo iudicio est libera-
 tus. huic eidem Sopatro iidem inimici ad C. Verrem,
 cum is Sacerdoti successisset, eiusdem rei nomen detu-
 lerunt. res Sopatro facilis uidebatur, & quod erat
 innocens, & quod Sacerdotis iudicium improbare
 istum ausurum non arbitrabatur. citatur reus: caus-
 sa agitur Syracusis: crimina tractantur ab accusato-
 re, ea, quæ erant antea non solum defensione, uerum
 etiam iudicio dissoluta. causam Sopatri defendebat
 Q. Minucius, eques R. in primis splendidus, atque
 honestus

ACTIONIS III.

honestus, uobisque, iudices, non ignotus. nihil erat in causa, quod metuendum, aut omnino quod dubitandum uideretur. interea istius libertus, & accensus idem Timarchides, qui est, id quod ex plurimis testibus priore actione didicistis, rerum huiusmodi omnium transactor, & administrator, ad Sopatrum uenit: monet hominem, ne nimis iudicio Sacerdotis, & causae confidat: accusatores, inimicosque eius habere in animo pecuniam praetori dare: praetorem tamen ob salutem malle accipere; & simul malle, si fieri posset, rem iudicatam non rescindere. Sopater, cum hoc illi improuisum, atque inopinatum accidisset, commotus est sane; neque in praesentia, Timarchidi quid responderet, habuit, nisi, se consideraturum, quid sibi de ea re esset faciendum: & simul ostendit, se in summa difficultate esse nummaria. post ad amicos retulit. qui cum ei fuissent auctores redimendae salutis, ad Timarchidem uenit: expositis suis difficultatibus, hominem ad HS LXXX. perducit, eamque ei pecuniam numerat. postea quam ad causam dicendam uentum est; tum uero sine metu, sine cura omnes erant, qui Sopatrum defendebant: crimen nullum erat, res iudicata: Verres nummos acceperat. quis posset dubitare, quidnam esset futurum? res illo die non peroratur: dimittitur iudicium. iterum ad Sopatrum Timarchides uenit: ait accusatores eius multo maiorem pecuniam praetori polliceri, quam quantam hic dedisset: proinde, si saperet, uideret quid sibi esset faciendum. homo, quanquam erat & Siculus, & reus, hoc

IN
hoc est & i
men, atque
facite, inq
amplius. i
uidebatur,
quo modo
filio habeb
no, qui Sa
cum esset
habebant,
mine, uide
homines, q
iudicium ue
in consiliu
bant; & ha
consiliu frequ
si, idem, qu
rarant: cogn
ratione, sed
bitatem, &
quem habet
priuata iud
micos, quos
tineret. i
tinere eor
dunt omni
neantur:
tum illud
cum sua c

hoc est & iure iniquo, & tempore aduerso, ferre tamen, atque audire diutius Timarchidem non potuit. facite, inquit, quod uobis libet: daturus non sum amplius. idemq. hoc amicis eius, & defensoribus uidebatur, atque eo etiam magis, quod iste, quoquo modo se in ea quaestione praebebat, tamen in consilio habebat homines honestos e conuentu Syracusano, qui Sacerdotis quoque in consilio fuerant, tunc, cum esset idem hic Sopater absolutus. hoc rationis habebant, facere eos nullo modo posse, ut eodem crimine, iisdem testibus Sopatrum condemnarent iisdem homines, qui antea absoluisent. itaque hac una spe ad iudicium uenitur. quò postea quàm uentum est; cum in consilium frequentes conuenissent iisdem, qui solebant; & hac una spe tota defensio Sopatri niteretur, consilij frequentia, & dignitate; & quòd erant, ut dixi, iisdem, qui antea Sopatrum eodem illo crimine liberarent: cognoscite hominis apertam, ac non modo nò ratione, sed ne dissimulatione quidem tectam improbitatem, & audaciam. M. Petillium, equitem R. quem habet in consilio, iubet operam dare, quòd rei priuatae index esset. Petillius recusabat, quòd suos amicos, quos sibi in consilio esse uellet, ipse Verres retineret. iste, homo liberalis, negat se quenquam retinere eorum, qui Petillio uellent adesse: itaque discendunt omnes: nam ceteri quoque impetrant, ne retineantur: qui se uelle dicebant alterutri eorum, qui tum illud iudicium habebant, adesse. itaque iste solus cum sua cohorte nequissima relinquitur. non dubitabat

ACTIONIS III.

bat Minucius, qui Sopatrum defendebat, quin iste, quoniam consilium dimisisset, illo die rem illam quaesiturus non esset, cum repente iubetur dicere. respondet, ad quos? ad me, inquit; si tibi idoneus uideor, qui de homine Siculo, ac Graculo indicem. idoneus es, inquit: sed peruellem adessent ij, qui affuerant antea, causamq. cognorant. dic, inquit: illi adesse non possunt. nam hercule, inquit Minucius, me quoque Petillius, ut sibi in consilio adessem, rogauit: & simul a subsellijs abire cepit. iste iratus hominem uerbis uehementioribus prosequitur; atque ei grauius etiam minari cepit, quod in se tantum crimen inuidiamq. conflaret. Minucius, qui Syracusis sic negotiaretur, ut sui iuris dignitatisq. meminisset; & qui sciret, se ita in prouincia rem augere oportere, ut ne quid de libertate deperderet; homini, quæ uisa sunt, & quæ tempus illud tulit, & causa, respondit: causam sese, dimisso, atque ablegato consilio, defensurum negauit: itaque a subsellijs discessit: idemq. hoc præter Siculos ceteri Sopatri amici, aduocatiq. fecerunt. iste quanquam est incredibili importunitate, & audacia, tamen subito solus destitutus pertimuit, & conturbatus est. quid ageret, quod se uerteret, nesciebat. si dimisisset eo tempore questionem; post, illis adhibitis, quos ablegarat, absolutum iri Sopatrum uidebat. sin autem hominem miserum, atque innocentem condemnasset, cum ipse prætor sine consilio, reus autem sine patrono, atque aduocatis fuisset; iudiciumq. C. Sacerdotis rescidisset: inuidiam se sustinere

IN
nere non po
dubitatione
mente, uer
intelligere
temq. pug
sumum
set eius cu
census ad
age, dic
que deam
pente iste
uiter: nullo
ciat. iste
iudicio tra
reuerteret
innocentem
de sententia
uit. Retine
parcite, &
cet, qui in
ce sententia
minus popu
tu sententia
quando ius
quando au
si Februar
niat sane
rantios
tensius,

nere non posse tantam arbitrabatur : itaque æstuabat dubitatione : uersabat se in utrâque partem non solû mente, uerum etiam corpore : ut omnes, qui aderant, intelligere possent, in animo eius metum, cupiditatemq. pugnare. erat hominum conuentus maximus, summum silentium, summa expectatio, quonam esset eius cupiditas eruptura. crebro dimittebat se accensus ad aurem Timarchides. tum iste aliquando, age, dic, inquit. Sopatrus implorare hominum, atque deum fidem, ut cum consilio cognosceret. tum repente iste testes citari iubet. dicit unus, & alter breuiter : nihil interrogatur. præco, dixisse, pronunciat. iste, quasi metueret, ne Petillius, priuato illo iudicio transacto, aut dilato, cum ceteris in consiliû reuerteretur, ita properans de sella exiuit ; hominẽ innocentem, a Sacerdote absolutum, indicta causâ, de sententia scribæ, medici, haruspiciq. condemnauit. Retinete, retinete hominem in ciuitate, iudices : parcite, & conseruate, ut sit qui uobiscum res iudicet, qui in senatu sine ulla cupiditate de bello, & pace sententiam ferat. tametsi minus id quidem nobis, minus populo R. laborandum est, qualis istius in senatu sententia futura sit. quæ enim eius auctoritas erit? quando iste sententiam dicere audebit, aut poterit? quando autem homo tanta luxuria, atque desidia, nisi Februario mense, aspirabit in curiam? uerum ueniat sane, decernat bellum Cretensibus : liberet Byzantios : regem appellet Ptolemæum : quæ uult Hortensius, omnia dicat, & sentiat. minus hæc ad ros,
minus

ACTIONIS III.

minus ad uitæ nostræ discrimen, minus ad fortunariū
nostrarum periculum pertinent. illud, illud est capi-
tale, illud est formidolosum, illud optimo cuique me-
tuendum, quod iste, ex hoc iudicio si aliqua ui se eri-
puerit, in iudicibus sit necesse est, sententiam de capi-
te ciuis R. ferat, sit in eius exercitu signifer, qui im-
perium iudiciorum tenere uult. hoc populus R. recu-
sat, hoc ferre non potest; clamat, permittitq. uobis,
ut, si istis hominibus delectemini, si ex hoc genere
splendorem ordini, atque ornamentum curiæ consti-
tuere uelitis, habeatis sane uobis istum senatorem,
istum de uobis iudicem, si uultis, habeatis. de se ho-
mines, si qui extra istum ordinem sunt, quibus ne rei
ciundi quidem amplius quàm trium iudicum, præcla-
ræ leges Corneliæ faciunt potestatem, hunc hominē
tam crudelem, tam sceleratum, tam nefarium no-
lunt iudicare. etenim si illud est tam flagitiosum, quod
mihi omnium rerum turpissimum, maximeq. nefa-
rium uidetur, ob rem iudicandam pecuniam accipe-
re, pretio habere addictam fidem, & religionem:
quanto illud flagitiosius, improbius, indignius, eum,
a quo pecuniam ob absoluendum acceperis, condem-
nare, ut ne prædonum quidem prætor in fide retinen-
da consuetudinem conseruaret? scelus est, accipere
ab reo: quanto magis, ab accusatore? quanto etiam
sceleratius, ab utroque? fidem cum proposuisses ue-
nalem in prouincia, ualuit apud te plus is, qui pecu-
niam maiorem dedit. concedo, forsitan aliquis ali-
quando eiusmodi quippiam fecerit. cum uero fidem,
ac

IN
ac religione
pta, habue
maior pec
les? & ei
des? quem
inquam hu
nimus, au
accusatore
norint, ab
absolutum
pecuniamq
mero habet
iudex obtine
iudicialis tra
ceta, uerum
quid enim ho
quod necesse
get? at eque
bus eius conse
iuratus dicit
oidem dixi
dari, dicent
ses, dicet et
isto, homin
cimi, q. pat
stibus plan
aut tunc no
mariis, qu
esse solebant

ac religionem tuam alteri addictam, pecunia accepta, habueris, post eandem aduersarijs tradideris maiore pecunia: utrunque falles? & trades, cui uoles? & ei, quem fefelleris, ne pecuniam quidem reddes? quem mihi tu Bulbum? quem Stalenum? quod unquam huiusmodi monstrum, aut prodigium audiuius, aut uidimus, qui cum reo transigat, post cum accusatore decidat; honestos homines, qui causam norint, ableget, consilioq. dimittat; ipse solus reum absolutum, a quo pecuniam acceperit, condemnet, pecuniamq. non reddat? Hunc hominem iudicum numero habebimus? hic alteram decuriam senatoriam iudex obtinebit? hic de capite libero iudicabit? huic iudicialis tabula committetur? quam iste non modo cera, uerum etiam sanguine, si uisum erit, notabit. quid enim horum se negat fecisse? illud uidelicet unum, quod necesse est, pecuniam accepisse. quid ni iste neget? at eques R. qui Sopatrum defendit, qui omnibus eius consilijs, rebusq. interfuit, Q. Minucius iuratus dicit pecuniam datam; iuratus dicit Timarchidem dixisse, maiorem ab accusatoribus pecuniam dari. dicent hoc Siculi omnes, dicent omnes Halicenses, dicet etiam pretextatus Sopatri filius: qui ab isto, homine crudelissimo, patre innocentissimo, pecuniaq. patria priuatus est. Verum si de pecunia testibus planum facere non possem, illud negare posses, aut nunc negabis, te, consilio tuo dimisso, uiris primarijs, qui in consilio C. Sacerdotis fuerant, tibiq. esse solebant, remotis, de re iudicata iudicasse? teq.

T eum,

ACTIONIS III.

eum, quem C. Sacerdos, adhibito consilio, causa cognita, absoluisse, eundem, remoto consilio causa incognita, condemnasse? cum hæc confessus eris, quæ in foro palam Syracusis, in ore, atque oculis provinciae gesta sunt; negato! sane, si uoles, pecuniam accepisse: reperies, credo, aliquem, qui, cum hæc, quæ palam gesta sunt, uideat, quæ rat quid tu occulte egeris, aut qui dubitet, utrum malit meis testibus, aut tuis defensoribus credere. Dixi iam antea, me non omnia istius, quæ in hoc genere essent, enumeraturum, sed electurum ea, quæ maxime excellent. accipite nunc aliud eius facinus nobile, & multis locis sæpe commemoratum, & eiusmodi, ut in uno omnia maleficia inesse uideantur. attendite enim diligenter: inuenietis id facinus natum a cupiditate, auctum per stuprum, crudelitate perfectum, atque conclusum. Sthenius est, is qui nobis assidet, Thermitanus, antea multis propter summam uirtutem, summamque nobilitatem, nunc propter summam calamitatem, atque istius insignem iniuriam omnibus notus. huius hospitio Verres cum esset usus; & cum apud eum non modo Thermis sæpenumero fuisset, sed etiam habitasset; domo eius omnia abstulit, quæ paullo magis animum cuiuspiam, aut oculos possent commouere. etenim Sthenius ab adolescentia paullo studiosius hæc comparabat, suppellectilem ex ære elegantiores & Deliacam, & Corinthiam, tabulas pictas, etiam argenti bene facti, prout Thermitani hominis facultates ferebant, satis. quæ, cum esset in Asia adolescens,

IN
scens, stu
delectatio
tuq. nost
que hospit
alia rogat
Sthenius
necessari
struam
nem: ue
prætoris
arbitraba
que apud
cherrima,
sita uidisse
eat tollenda
ret. Sthen
dit id fieri
numenta T
incolumi ill
tur. etenim
tatem cogn
ses quondam
clarum, &
lo R. arbit
stram uide
thagine d
mera del
rat, ij se
bus, neq

scens, studiose, ut dixi, comparabat, non tam suæ
delectationis causa, quàm ad inuitationes aduen-
tusq. nostrorum hominum, suorum amicorum, at-
que hospitum. quæ postea quàm iste omnia abstulit,
alia rogando, alia poscendo, alia sumendo; ferebat
Sthenius ut poterat, tangebatur tamen animi dolore
necessario, quòd domum eius exornatam, atque in-
structam fere iam iste reddiderat nudam, atque ina-
nem: ueruntamē dolorem suum nemini impertiebat:
prætoris iniurias tacite, hospitis placide ferendas
arbitrabatur. interea cupiditate iste illa sua nota, at
que apud omnes peruulgata, cum signa quædam pul-
cherrima, atque antiquissima Thermis in publico po-
sita uidisset, adamauit: a Sthenio petere cæpit, ut ad
ea tollenda operam suam profiteretur, seq. adiunua-
ret. Sthenius uero nō solum negauit, sed etiam osten-
dit id fieri nullo modo posse, ut signa antiquissima, mo-
numenta P. Africani, ex oppido Thermitanorum,
incolumi illa ciuitate, imperioq. populi R. tollerentur.
etenim, ut simul P. Africani quoque humani-
tatem cognoscatis, oppidum Himeram Carthaginien-
ses quondam ceperant, quod fuerat in primis Siciliae
clarum, & ornatum. Scipio, qui hoc dignum popu-
lo R. arbitraretur, bello confecto, socios sua per no-
stram uictoriam recuperare, Siculis omnibus, Car-
thagine capta, quæ potuit, restituenda curauit. Hi-
mera deleta, quos ciues belli calamitas reliquos fece-
rat, ij sese Thermis collocarant in eiusdem agri fini-
bus, neque longe ab oppido antiquo. hi se patrū for-

T 2 tunam,

ACTIONIS III.

tunam, ac dignitatem recuperare arbitrabantur, cū illa maiorum ornamenta in eorum oppido collocabantur. erant signa ex ære complura, in his mira pulchritudine ipsa Himera, in muliebrem figuram, habitumq. formata, ex oppidi nomine, & fluminis. erat etiam Stesichori poetæ statua, senilis, incurua, cum libro, summo, ut putant, artificio facta ab eo, qui fuit Himeræ, sed est, & fuit tota in Græcia summo propter ingenium honore, & nomine. hæc iste ad insaniam concupierat. etiam, quod pæne præterij, capella quædam, ea quidem mire, ut etiam nos, qui rudes harum rerum sumus, intelligere possumus, scite facta, & uenuste. hæc & alia Scipio non negliger abiecerat, ut homo intelligens Verres auferre posset, sed Thermitanis restituerat: non quo ipse hortus, aut suburbanum, aut locum omnino, ubi ea poneret, nullum haberet: sed, si domum abstulisset, non diu Scipionis appellarentur, sed eorum, ad quoscunque ipsius morte uenissent: nunc ijs locis posita sunt, ut mihi semper Scipionis fore uideantur, itaq. dicantur. hæc cum iste posceret; agereturq. ea res in senatu; Sthenius uehementissime restitit, multa que, ut in primis Siculorum in dicendo copiosus est, commemorauit: urbem relinquere Thermitanos esse honestius, quàm pati tolli ex urbe monumenta maiorum, spolia hostium, beneficia clarissimi uiri, indicia societatis populi R. atque amicitie. commoti animi sunt omnium. repertus est nemo, quin mori diceret satius esse. itaque hoc adhuc oppidum Verres inuenit prope

IN
pe solam
de publico
hil gratia
hæce eius
Sthenium
infectus
grat, atq
autem in
tant, ut
mentiendo
inimici,
qui habeb
eius filiam
Agathini
cum iste Do
inter eos esse
bat, ut aliq
re etiam sig
eum multo
lectabant. i
Sthenio peri
dicebant se i
his aperte o
nium quida
tulissent, p
nium stati
esse corrup
egant de li
bus Therm

pe solum in orbe terrarum, unde nihil eiusmodi rerū de publico per uim, nihil occulte, nihil imperio, nihil gratia, nihil pecario posset auferre. ueruntamen hasce eius cupiditates exponam alio loco: nunc ad Sthenium reuertar. itaque iste uehementer Sthenio infensus, hospitium ei renunciat, domo eius emigrat, atque adeo exit: nam iam ante migrarat. eum autem inimicissimi Sthenij domum suam statim inuiant, ut animum eius in Sthenium inflammarent, ementiendo aliquid, & criminando. hi autem erant inimici, Agathinus, homo nobilis, & Dorotheus, qui habebat in matrimonio Callidamam, Agathini, eius filiam, de qua iste audierat: itaque ad generum Agathini migrare maluit. una nox intercesserat, cum iste Dorotheum sic diligebat, ut diceret omnia inter eos esse communia: Agathinum ita obseruabat, ut aliquem affinem ac propinquum. contemneret etiam signum illud Himeræ iam uidebatur, quod eum multo magis figura, & lineamenta hospitæ delectabant. itaque hortari homines cœpit, ut aliquid Sthenio periculi crearent, criminisq. confingerent. dicebant se illi nihil habere, quod dicerent. tum iste his aperte ostendit, & confirmauit, eos, in Sthenium quidquid uellent dicerent, simul atque ad se detulissent, probaturos. ita illi non procrastinant: Sthenium statim educunt: aiunt ab eo litteras publicas esse corruptas. Sthenius postulat, ut secum sui ciues agant de litteris publicis corruptis, eiusq. rei legibus Thermitanorum actio sit: cum senatus populusq.

T 3

R. Ther-

ACTIONISI II.

R. Thermitanis, quòd semper in amicitia, fideque mansissent, urbes, agros, legesq. suas reddidisset; Publiusq. Rupilius postea leges ita Siculis ex S. C. de decem legatorum sententia dedisset, ut ciues inter se legibus suis agerent; idemq. hoc habuerit Verres ipse in edicto; ut de his omnibus causis, se ad leges reijceret. iste, homo omnium æquissimus, atque a cupiditate omnium remotissimus, se cogniturum esse confirmat: paratum ad causam dicendam uenire hora octaua iubet. non erat obscurum, quid homo improbus, ac nefarius cogitaret. neque enim ipse satis occultarat, nec mulier tacere poterat. intellectum est id istum agere, ut, cum Sthenium sine ullo argumento, ac sine teste damnasset, tum homo nefarius de homine nobili, atque id ætatis, suoq. hospite uirgis supplicium crudelissime sumeret. quod cum esset perspicuum; de amicorum hospitumq. suorum sententia Thermis Sthenius Romam profugit; hiemi fluctibusq. sese comittere maluit, quàm non istam communem Siculorum tempestatem, calamitatemq. uitare. iste, homo certus, & diligens, ad horum octauam præsto est: Sthenium citari iubet: quem postea quàm uidet non adesse, dolore ardere, atque iracundia furere cæpit, Venerios in domum Sthenij mittere, equites circum agros eius, uillasq. dimittere. itaque cum exspectat quidnam sibi certi afferatur, ante horam tertiam noctis de foro non discessit. postridie mane descendit: Agathinum ad sese uocat: iubet eum de litteris publicis in absentem Sthenium dicere.

re . erat eiusmodi causa , ut ille ne sine aduersario quidem apud inimicum iudicem reperire posset , quid diceret : itaque tantum uerbo posuit , Sacerdote præ-tore Sthenium litteras publicas corrupisse . uix ille hoc dixerat , cum iste pronunciat , Sthenium litteras publicas corrupisse uideri . & hæc præterea addidit homo Venerius nouo modo , nullo exemplo , ob eam rem H S D Veneri Erycinæ de Sthenij bonis exactu- rum : bonaq. eius statim cœpit uendere : & uendidisset , si tantulum moræ fuisset , quo minus ei pecunia illa numeraretur . ea postquam unnerata est , conten- tus hac iniquitate non fuit : palam de sella , ac tribu- nali pronunciat ; si quis absentem Sthenium rei capi- talis reum facere uellet , sese eius nomen recepturum : & simul , ut ad causam accederet , nomenq. defer- ret , Agathinum , nouum affinem , atque hospitem , cœpit hortari . tum ille clare , omnibus audientibus , sese id non esse facturum , neque se usque eò Sthenio esse inimicum , ut eum rei capitalis affinem esse dice- ret . hic tum repente Pacilius quidam , homo egens , & leuis , accedit : ait , si liceret , nomen absentis de- ferre se uelle . iste uero , & licere , & fieri solere , & se recepturum . itaque desertur . edicit statim , ut kal. Dec. adsit Sthenius Syracusis . hic , qui Romam uenisset , satisq. feliciter annu iam aduerso tempore nauigasset , omniaq. habuisset æquiora , & placabi- lora , quàm animum prætoris , atque hospitis , rem ad amicos suos detulit . quæ ut erant acerba , atque indigna , sic uidebantur omnibus . itaque in senatu

T 4 conti-

A C T I O N I S I I I .

continuo Cn. Lentulus , & L. Gellius cos . faciunt mentionem , placere statui , si patribus conscriptis uideretur , ne absentes homines in prouincijs rei fierent rerum capitalium : causam Sthenij totam , & istius crudelitatem , et iniquitatem senatum docent . aderat in senatu Verres , pater istius : flens unūque senatorem rogabat , ut filio suo parceret : neque tamen multum proficiebat . erat enim summa uoluntas senatus : itaque sententiæ dicebantur : cum Sthenius absens reus factus esset , de absente iudicium nullum fieri placere , & , si quod esset factum , id ratum esse non placere . eo die transigi nihil potuit , quod & id temporis erat , & , ille pater istius inuenerat homines , qui dicendo tempus consumerent . postea senex Verres defensores , atque hospites omnes Sthenij conuenit : rogat eos , atque orat , ne oppugnent filium suum , de Sthenio ne laborent : confirmat his , curaturum se esse , ne quid ei per filium suum noceretur : se homines certos eius rei causa in Siciliam & terra , & mari missurum . & erat spatium dierum fere triginta ante kal . Dec . quo iste , ut Syracusis Sthenius adesset , edixerat . commouentur amici Sthenij : sperant fore , ut patris litteris , nuncijsq . ab incepto furore renocetur . in senatu postea causa non agitur . ueniunt ad istum domestici nuncij , litterasq . a patre asserunt ante kal . Dec . cum isti etiam tum de Sthenio integra tota res esset : eodemq . ei tempore de eadem re litteræ complures a multis eius amicis , ac necessarijs asseruntur . hic iste , qui præ cupiditate
neque

neque officij sui, neque periculi, neque pietatis, neque humanitatis rationem habuisset unquam, neque in eo, quod monebatur, auctoritatem patris, nec in eo, quod rogabatur, uoluntatem anteponendam putauit libidini suae. mane kal. Dec. ut edixerat, Sthenium citari iubet. Si abs te istam rem parens tuus alicuius amici rogatu, benignitate, aut ambitione inductus petisset, grauissima tamen apud te uoluntas patris esse debuisset. cum uero abs te tui capitis causa peteret, hominesque certos domo misisset, hi quoque eo tempore ad te uenissent, cum tibi in integro tota res esset: ne tum quidem te potuit si non pietatis, at salutis tuae ratio ad officium, sanitatemque reducere? Citat reum: non respondet. citat accusatorem: (attendite, quaeso: uidete, quantopere istius amentiae fortuna ipsa aduersata sit: & simul uidete, quis Sthenij causam casus adiunxit) citatus accusator M. Pacilius nescio quo casu non respondit, non affuit. si praesens Sthenius reus esset factus, si manifesto in maleficio teneretur: tamen, cum accusator non adesset, Sthenium condemnari non oporteret. etenim, si posset reus absente accusatore damnari, non ego a Vibone Veliâ paruulo nauigio inter fugitiuorum, ac praedonum, ac tua tela uenissem: quo tempore omnis illa mea festinatio fuit, cum periculo capitis, ob eam causam, ne tu ex reis eximerere, si ego non affuissem ad diem. quod igitur erat in tuo iudicio optatissimum, me, cum citatus essem, non adesse; cur Sthenio non putasti prodesse oportere, cum eius accusator non affuisset? itaque fecit

ut

ACTI O N I S IIII.

ut exitus principio simillimus reperiretur. quem absentem reum fecerat, eum absente accusatore condemnatum. Nunciabatur illi primis illis temporibus id, quod pater quoque ad eum pluribus uerbis scripserat, agitam rem esse in senatu, etiam in concione tribunum pl. de causa Sthenij M. Palicanum esse questum, postremo me ipsum apud collegium hoc tribunorum pl. cum eorum omnium edicto non liceret quenquam Romae esse, qui rei capitalis condemnatus esset, egisse causam Sthenij, cum rem ita exposuissem, quemadmodum nunc apud uos, docuissemque. hanc damnationem duci non oportere; tribunos pl. hoc statuisse, idque omnium sententia pronunciatum esse, non uideri Sthenium impediri edicto, quo minus ei liceret Romae esse. cum haec ad istum afferrentur, timuit aliquando, & commotus est: uertit stilum in tabulis suis: quo facto causam omnem euertit suam: nihil enim sibi reliqui fecit, quod defendi aliqua ratione posset. nam si ita defenderet, recipi nomen absentis licet, hoc fieri in prouincia nulla lex uetat: mala, & improba defensione, uerum aliqua tamen uti uideretur. postremo illo desperatissimo perfugio uti posset, se imprudentem fecisse, existimasse id licere. quanquam haec perditissima defensio est, tamen aliquid dici uideretur. tollit ex tabulis id quod erat, & facit coram delatum esse. hic uidete, in quot laqueos se induerit, quorum ex nullo se unquam expediret. primum ipse in Sicilia saepe, & palam de loco superiore dixerat, & in sermone multis demonstrarat, licere nomen recipere

IN
cipere ab
hac cum d
Chlorus d
ni; & Cn
peij, clar
rebus pro
tissimus;
ma nobili
ne quam
dierint,
terfuerint
Roma cur
ci, in his
ri: saepe
xemplo,
niam tota
utatum om
re patres co
nima recip
num Sicilia
fius: Siculo
natiu agend
questos esse
eta esset,
Qua cum
que auda
tam abs
pere aud
ita, ut, o

cipere absentis, se exemplo fecisse id, quod fecisset. hæc eum dictasse priore actione, & Sex. Pompeius Chlorus dixit, de cuius uirtute antea commemoraui; & Cn. Pompeius Theodorus, homo Cn. Pompeij, clarissimi uiri, iudicio plurimis maximisque in rebus probatissimus, & omnium existimatione ornatissimus; & Posides Matro Solentinus, homo summa nobilitate, existimatione, uirtute; & hac actione quam uoletis multi dicent; & qui ex isto ipso audierint, uiri primarij nostri ordinis; & alij, qui interfuerint, cum absentis, nomen reciperetur. deinde Romæ cum res esset acta in senatu, omnes istius amici, in his etiam pater eius, hoc defendebat licere fieri: sæpe esse factum: istum, quod fecisset, aliorum exemplo, institutoque fecisse. dicit præterea testimonium tota Sicilia: quæ in communibus postulatis ciuitatum omnium consulibus edidit, rogare, atque orare patres conscriptos, ut statuerent, ne absentium nomina reciperentur. qua de re Cn. Lentulum, patrum Siciliae, clarissimum adolescentem, dicere audistis: Siculos, cum se causam, quæ pro his sibi in senatu agenda esset, docerent, de Sthenij calamitate questos esse, propterque hanc iniuriam, quæ Sthenio facta esset, eos statuisse, ut, quod dico, postularetur. Quæ cum ita essent; tanta ne amentia præditus, atque audacia fuisti, ut in re tam clara, tam testata, tam abs te ipso peruulgata tabulas publicas corrumpere auderes? at quemadmodum corrupisti? non ne ita, ut, omnibus nobis tacentibus, ipsæ te tuæ tabulæ

la condemnare possent? Quæso, codicem circumfer, ostende. uidetis ne totum hoc nomen, coram ubi facit delatum, esse in litura? quid fuit istic antea scriptum? quod mendum ista litura correxit? Quid a nobis, iudices, expectatis argumenta huius criminis? nihil dicimus: tabulæ sunt in medio: quæ se corruptas, atque interlitas esse clamant. ex istis etiam tu rebus ef fugere te posse confidis? cum te nos non opinione dubia, sed tuis uestigijs persequamur, quæ tu in tabulis publicis expressa, ac recentia reliquisti. Is mihi etiâ, Sthenium litteras publicas corrupisse, caussa incognita iudicabit, qui defendere non potuerit, se ex ipsius Sthenij nomine litteras publicas non corrupisse. uide te porro aliam dementiam: uidete, ut, dum expedire sese uult, induat. Cognitorem adscribit Sthenio: quem? cognatum aliquem, aut propinquum? non: Thermitanum aliquem, honestum hominem, ac nobilem? ne id quidem: at Siculum, in quo aliquis splendor, dignitasq. esset? minime. quid igitur? ciuem R. cui hoc probari potest? cum esset Sthenius ciuitatis suæ nobilissimus, amplissima cognatione, plurimis amicitijs, cum præterea tota Sicilia multum auctoritate, & gratia posset; inuenire neminem Siculum potuit, qui pro se cognitor fieret? hoc probabis? an ipse ciuem R. maluit? cedo, cui Siculo, cum is reus fieret, ciuis Romanus cognitor factus unquam sit. omnium prætorum litteras, qui ante fuerunt, profer, explica: si unum inueneris, ego hoc tibi, quemadmodum in tabulis scriptum habes, ita gestum esse concedam.

I
cedam.
tavit, elig
que hospit
quem del
dus, C.
Claudius
idoneus,
Sthenius
ret, & c
rum quæ
hominis,
nium mor
C. Claud
& tempo
uenit? si co
nus, pro S
en te in S
busum esse
infinodi tot
nibus istius
tamen pau
crispo capi
sibi ipse p
qui scribit
Clodius
confecto
numerat
pronio in
qui se no

cedam. At credo Sthenius hoc sibi amplum esse putavit, eligere e civium R. numero, ex amicorum, atque hospitum suorum copia, quem cognitorem daret. quem delegit? quis in tabulis scriptus est? C. Claudius, C. filius, Palatina. non quæro, quis hic sit Claudius, quàm splendidus, quàm honestus, quàm idoneus, propter cuius auctoritatem & dignitatem Sthenius ab omnium Sicularum consuetudine discederet, & ciuem Romanum cognitorem daret. nihil horum quæro. fortasse enim Sthenius non splendorem hominis, sed familiaritatem secutus est. quid, si omnium mortalium Sthenio nemo inimicior, quàm hic C. Claudius tum semper, tum in his ipsis rebus, & temporibus fuit? si de litteris corruptis contravenit? si contra omni ratione pugnavit? utrum potius, pro Sthenio inimicum cognitorem esse factum, an te in Sthenij periculum inimici eius nomine abusum esse credemus? ac ne quis forte dubitet, cuiusmodi totum sit negotium: tametsi iam dudum omnibus istius improbitatem perspicuam esse confido, tamen paullulum etiam attendite. Videtis illum subcrispo capillo, nigrum? qui eo vultu nos intuetur, ut sibi ipse peracutus esse videatur? qui tabulas tenet? qui scribit? qui monet? qui proximus est? is est C. Cladius, qui in Sicilia sequester istius, interpres, confector negotiorum, prope collega Timarchidis numerabatur; nunc obtinet eum locum, ut vix Apronio illi de familiaritate concedere videatur; & qui se non Timarchidis, sed ipsius Verris collegam,

gam, & socium esse dicebat. Dubitate etiam, si potestis, quineum iste potissimum ex omni numero delegerit, cui improbam personam imponeret, quem & huic inimicissimum, & sibi amicum esse arbitraretur. hic uos dubitatis, iudices, tantam istius audaciam, tantam crudelitatem, tantam iniuriam uindicare? dubitatis exemplum iudicum illorum sequi, qui, damnato Cn. Dolabella, damnationem Philodami Opuntij resciderunt, quod is non absens reus factus esset, quæ res iniquissima, & acerbissima est, sed cum ei legatio Romam a suis ciuibus esset data? quod illi iudices multo in leuiore causa statuerunt, æquitatem secuti; uos id statuere in grauissima causa, præsertim aliorum auctoritate iam confirmatum, dubitabitis? At quem hominem C. Verres tanta, tam insigni iniuria affecisti? cuius absentis nomen recepisti? quem absentem non modo sine crimine, & sine teste, uerum etiam sine accusatore damnasti? quem hominem, dii immortales: non dicam amicuum tuum, quod apud homines carissimum est: non hospitem, quod sanctissimum est. nihil enim minus libenter de Sthenio commemoro: nihil aliud in eo, quod reprehendi possit, inuenio, nisi quod homo frugalissimus, atque integerrimus te hominem plenum stupri, flagitij, sceleris domum suam inuitauit; nisi quod qui C. Marij, & Cn. Pompeij, C. Marcelli, L. Sisennæ, tui defensoris, ceterorumq. fortissimorum hospes fuisset, atque esset, ad eum numerum clarissimorum hominum tuum quoque nomen adscripserit

IN
rit. quare
scelere nib
norunt, ho
nemo enim
qua apud
tione sit:
fuerunt,
ris exem
tem rei,
bum omni
ne Stheni
lime cum
sime gessit
pecunia sua
rauit? cui
Siculosq. ma
curia è in q
& incision
nunc a me
nores inter
re. Est ne
mum uirum
Marij san
sensisse en
magis in
ita a Cn
Pompeij
ita porro
ut idem

rit . quare de hospitio uiolato , & de isto tuo nefario scelere nihil queror : hoc dico , non ijs , qui Sthenium norunt , hoc est nemini eorum , qui in Sicilia fuerunt : nemo enim ignorat , quo hic in ciuitate sua splendore , qua apud omnes Siculos dignitate , atque existimatione sit : sed ut illi quoque , qui in ea prouincia non fuerunt , intelligere possint , in quo homine tu statueris exemplum eiusmodi , quod tum propter iniquitatem rei , tum etiam propter hominis dignitatem acerbum omnibus , atque intolerandum uideretur . Est ne Sthenius is , qui omnes honores domi suæ , facillime cum adeptus esset , amplissime ac magnificentissime gessit ? qui oppidum non maximum maximis ex pecunia sua locis communibus , monumentisq. decorauit ? cuius de meritis in remp . Thermitanorum , Siculosq. uniuersos fuit ænea tabula fixa Thermis in curia ? in qua publice erat de huius beneficijs scriptum , & incisum : (quæ tabula tum imperio tuo reuulsa , nunc a me tamen reportata est) ut omnes huius honores inter suos , & amplitudinem possent cognoscere . Est ne hic , qui , apud Cn. Pompeium , clarissimum uirum , cum accusatus esset , quod propter C. Marij familiaritatem , & hospitium contra remp . sensisse eum inimici & accusatores eius dicerent , cum magis inuidioso crimine , quàm uero accerseretur , ita a Cn. Pompeio absolutus est , ut in eo ipso iudicio Pompeius hunc hospitio suo dignissimum statuerit ? ita porro laudatus , defensusq. ab omnibus Siculis , ut idem Pompeius non ab homine solum , sed etiam a prouincia

A C T I O N I S I I I .

provincia tota se huius absolutione inire gratiam arbitraretur? Postremo est ne hic, qui & animum in remp. habuit eiusmodi, & tantum auctoritate apud suos ciues potuit, ut perficeret in Sicilia solus te prætor, quod non modo Siculus nemo, sed ne Sicilia quidem tota potuisset, ut ex oppido Thermis nullum signum, nullum ornamentum, nihil ex sacro, nihil de publico attingeres? cum præsertim essent multa præclara, & tu omnia concupisses. Denique nunc uide, quid inter te, cuius nomine apud Siculos dies festi agitantur, & præclara illa Verrea celebrantur, cui statuae Romæ stant inauratæ, a communi Sicilia, quemadmodum inscriptum uidemus, datæ; uide, inquam, quid inter te, & hunc Siculum, qui abs te est, patrono Sicilia, condemnatus, intersit. hunc ciuitates ex Sicilia permultæ testimonio suo, legationibusq. ad eam rem missis publice laudant: te, omnium Siculorum patronum, una Mamertina ciuitas, sociæ furtorum, ac flagitiorum tuorum, publice laudat, ita tamen nouo more, ut legati lædant, legatio laudet. ceteræ quidem ciuitates publice litteris, legationibus, testimonijs accusant, queruntur, arguunt: si tu absolutus sis, funditus euersas se esse arbitrantur. Hoc de homine, ac de huius bonis etiam in Eryce monte monumentum tuorum flagitiorum, crudelitatisq. posuisti: in quo Sthenij Thermitani nomen adscriptum est. uidi argenteum Cupidinem cum lampade. quid tandem habuit argumenti, aut rationis res, quamobrem in eo potissimum Sthenianum præmium

I N
præmium
tue, an tr
amoris in
quos in sic
ptas, uer
multis in
linqui uel
quam hos
nerum et
ex illa ip
Veneri po
lam totam
Putarem
non de Srbe
deuisti, p
ne uenisset
munus Sic
neris non uer
mus, at que
nostri ordin
set; at que
que hospite
ra mea su
massem, d
diosissimu
liter, sce
caussa esse
sciperem
rem. fece

præmium poneretur? utrum hoc signum cupiditatis
 tuæ; an trophæum necessitudinis, atque hospitij, an
 amoris indicium esse uoluisti? Faciunt hoc homines,
 quos in summa nequitia non solum libido, & uolu-
 ptas, uerum etiam ipsius nequitiae fama delectat, ut
 multis in locis notas, ac uestigia scelerum suorum re-
 linqui uelint. Ardebat amore illius hospitæ, propter
 quam hospitij iura uiolarat. hoc non solum sciri tum,
 uerum etiam commemorari semper uolebat. itaque
 ex illa ipsa re, quam accusante Agathino gesserat,
 Veneri potissimum deberi præmium statuit, quæ il-
 lam totam accusationem, iudiciūq. conflat. Putarem te gratum in deos, si hoc donum Veneri
 non de Sthenij bonis dedisses, sed de tuis: quod facere
 debuisti, præsertim cum tibi illo ipso anno a Chelido-
 ne uenisset hereditas. Hic ego si hanc causam non o-
 mnium Siculorum rogatu recepissem; si hoc a me mu-
 neris non uniuersa prouincia poposcisset; si me ani-
 mus, atque amor in remp. existimatioque, offensa
 nostri ordinis, ac iudiciorum non hoc facere coegis-
 set; atque hæc una causa fuisset, quod amicum, at-
 que hospitem meum Sthenium, quem ego in quæstu-
 ra mea singulariter dilexissem, de quo optime existi-
 massem, quem in prouincia existimationis meæ stu-
 diosissimum, cupidissimumq. cognossem, tam crude-
 liter, scelerate, nefarieq. tractasses: tamen digna
 causa esset, cur inimicitias hominis improbissimi si-
 sciperem, ut hospitæ salutem, fortunasq. defende-
 rem. fecerunt hoc multi apud maiores nostros, fe-

V cit

ACTIONIS III.

cit etiam nuper, homo clarissimus, Cn. Domitius, qui M. Silanum, consularem uirum, accusauit propter Egritomari, transalpini hospitis, iniurias. putarem me idoneum, qui exemplum sequerer humanitatis, atque officij, proponeremq. spem meis hospitibus, ac necessarijs, quo tutiorem uitam sese meo praesidio uicturos esse arbitrarentur. cum uero in communibus iniurijs totius prouinciæ Sthenij quoque causa contineatur; multiq. uno tempore a me hospites, atque amici publice, priuatimq. defendantur: profecto uereri non debeo, ne quis hoc, quod facio, non existimet summi officij ratione impulsus, coactumq. suscepisse. Atque, ut aliquando de rebus ab isto cognitjs, iudicatisq. & de iudicijs datjs dicere desistamus; &, quoniam facta istius in his generibus infinita sunt, nos modum aliquem, & finem orationi nostræ, criminibusq. faciamus; pauca ex alijs generibus sumemus. Audiistis, ob ius dicendum, Q. Varium dicere, procuratores suos isti centum & triginta millia nummum dedisse: meministis, Q. Varij testimonium, remq. hanc totam C. Sacerdotis, hominis ornatissimi, testimonio comprobari: scitis, Cn. Sertium, M. Modium, equites R. sexcentos præterea ciues R. multosq. Siculos dixisse, isti pecuniâ ob ius dicendum dedisse. de quo crimine quid ego disputem, cum totum positum sit in testibus? quid porro argumenter, qua de re dubitare nemo possit? an hoc dubitabit quisquam omnium, quin is uenalem in Sicilia iurisdictionem habuerit, qui Romæ totum edictum,

Etum, et
Siculis o
rit, qui
poscerit
de prate
tum, ex
expetit
aut proc
nundina
priori de
legati Ce
mitaniq.
iam uero
cognoscere
uem ulla in
minem, ut
nisi istius in
senatoribus
se, sed ne g
cum ordine
atatis, ne
cumque sen
nis indign
ret; si is p
factum e
re ualuisse
datas. q
bet imper
darium a

Etum, atque omnia decreta uendiderit? & quin ab Siculis ob decreta interponenda pecuniam acceperit, qui M. Octauium Ligurem ob ius dicundum poposcerit? quod enim præterea genus pecuniæ cogenda præterijt? quod non, ab omnibus alijs præteritum, excogitauit? ecquæ res apud ciuitates Siculas expetitur, in qua aut honos aliquis sit, aut potestas, aut procuratio, quin eam rem tu ad tuum quæstum, nundinationemq. hominum traduxeris? dicta sunt priore actione & priuatim, & publice testimonia: legati Centuripini, Halesini, Catinenses, Panormitaniq. dixerunt, multarum præterea ciuitatum: iam uero priuatim plurimi: quorum ex testimonijs cognoscere potuistis, tota Sicila per triennium neminem ulla in ciuitate senatorem factum esse gratis; neminem, ut leges eorum sunt, suffragijs; neminem nisi istius imperio, aut litteris: atque in his omnibus senatoribus cooptandis non modo suffragia nulla fuisse, sed ne genera quidem spectata esse, ex quibus in eum ordinem cooptari liceret; neque census, neque ætatis, neque cetera Siculorum iura ualuisse: quicumque senator uoluerit fieri, quamuis puer, quamuis indignus, quamuis ex eo loco, ex quo non liceret; si is pretio apud istum fieret idoneus ut uinceret, factum esse semper: non modo Siculorum nihil in hac re ualuisse leges, sed ne ab senatu quidem populoq. R. datas. quas enim leges socijs amicisq. dat is, qui habet imperium a populo R. auctoritatem legum dandarum a senatu, hæc debent & populi R. & senatus

V 2 existimari.

ACTIONIS III.

existimari. Halesini pro multis, & magnis suis, maiorumq. suorum in remp. nostram meritis, atque beneficijs suo iure nuper, L. Licinio, Q. Mucio cos. cum haberent inter se controuersias de senatu cooptando, leges ab senatu nostro petiuerunt. decreuit senatus honorifico S. C. ut his C. Claudius, Appij filius, Pulcher prætor de senatu cooptando leges conscriberet. C. Claudius, adhibitis omnibus Marcellis, qui tum erant, de eorum sententia leges Halesinis dedit, in quibus multa sanxit; de ætate hominum, ne quis; minor triginta annis natus; de quæstu, quem qui fecisset, ne legeretur; de censu, de ceteris rebus, quæ omnia ante istum prætorem & nostrorum magistratum auctoritate, & Halesinorum summa uoluntate ualuerunt. ab isto & præco, qui uoluit, istum ordinem pretio mercatus est: & pueri annorum sexuum, septenumq. denum senatorium nomen nundinati sunt: & quod Halesini, antiquissimi, & fidelissimi socij, atque amici, Romæ impetrarant, ut apud se ne suffragijs quidem fieri liceret, id pretio ut fieri posset, effecit. Agrigentini de senatu cooptando Scipionis leges antiquas habent: in quibus & eadem illa sancta sunt, & hoc amplius. cum Agrigentinorum duo genera sint, unum ueterum, alterum colonorum, quos T. Manlius prætor ex S. C. de oppidis Siculorum deduxit Agrigentum: cautum est in Scipionis legibus, ne plures essent ex colonorum numero, quàm ex ueterum Agrigentinorum. iste, qui omnia iura pretio ex æquasset, omniumq. rerum delectum, atque

atque discrimen pecunia sustulisset, non modo illa, quæ erant ætatis, ordinis, quæstusque, permiscuit, sed etiam in his duobus generibus, civium novorum, veterumque, delectum, ordinemque turbavit. nam cum esset ex veterum numero quidam senator demortuus; & cum ex utroque genere par numerus reliquus esset; veterem cooptari necesse erat legibus, ut his amplius numerus esset. quæ cum ita se res haberet, tamen ad istum venerunt emptum locum illum senatorium non solum veteres, sed etiam novi. fit ut pretio novus vincat, litterasque a prætore auferat. Agri- gentini ad istum legatos mittunt, qui eum leges doceant, consuetudinemque omnium annorum demon- strent, ut iste intelligeret, ei se illum locum vendidisse, cui ne commercium quidem esse oporteret. quo- rum oratione iste, cum pretium iam accepisset, ne tantu- lum quidem commotus est. Idem fecit Heracleæ: nam eò quoque colonos P. Rupilius deduxit, legesque simi- les de cooptando senatu, ac de numero veterum, ac no- vorum dedit. ibi non solum iste, ut apud ceteros, pe- cuniam accepit, sed etiam genera veterum, ac novo- rum, numerumque permiscuit. Nolite expectare, dum omnes obeam oratione mea civitates: hoc uno complector crimine omnia, neminem isto prætore se- natorem fieri potuisse, nisi qui isti pecuniam dedisset. hoc idem transfero in magistratus, curationes, sacer- dotia: quibus in rebus non solum hominum iura, sed etiam deorum religiones immortalium omnes repu- diauit. Syracusis lex est de religione, quæ in annos

V 3 singulos

ACTIONIS III.

singulos Iouis sacerdotem sortito capi iubeat : quod apud illos amplissimum sacerdotium putatur . cum suffragijs tres ex tribus generibus creati sunt , res reuocatur ad sortem . perfecerat iste imperio , ut pro suffragio Theomnastus , familiaris suus , in tribus illis renunciaretur , in sorte , cui imperare non poterat , expectabant homines , quidnam acturus esset . homo , id quod erat facillimum , primo uetat sortiri : iubet extra sortem Theomnastum renunciari . negant id Syracusani per religiones sacrorum ullo modo fieri posse , fas denique negant esse . iubet ille sibi legem legi . recitatur : in qua scriptum erat , ut , quot essent renunciati , tot in hydriam sortes conijcerentur ; cuius nomen exisset , ut is haberet sacerdotium . homo ingeniosus , & peracutus , optime , inquit : nempe scriptum ita est , quot renunciati erunt : quot ergo sunt renunciati ? responsum , tres . nunquid igitur oportet nisi tres sortes conijci , unam educi ? nihil . conijci iubet tres , in quibus omnibus scriptum esset nomen Theomnasti . fit clamor maximus , cum id uniuersis indignum , atque nefarium uideretur . ita Iouis illud sacerdotium amplissimum per hanc rationem Theomnasto datur . Cephaledi mensis est certus , quo mense sacerdotem maximum creari oporteat . erat eius honoris cupidus Athenio quidam , Climachias cognomine , homo sane locuples , & domi nobilis : sed is fieri nullo modo poterat , si Herodotus quidam adesset . ei locus ille , atque honos in illum annum ita deberi putabatur , ut ne Climachias quidem contradiceret .

res

res ad istum desertur, & istius more deceditur. torumata sane nota, ac pretiosa auferuntur. Herodotus Romæ erat: satis putabat se ad comitia tempore venturum, si pridie uenisset. iste, ne aut alio mense, & fas erat, comitia haberentur, aut Herodoto præfenti honos adimeretur, id quod iste non laborabat, Climachias minime uolebat, excogitat (dixi iam audum: non est homo acutior quisquam, nec fuit) excogitat, inquam, quemadmodum mense illo legitimo comitia haberentur, nec tamen Herodotus adesse posset. est consuetudo Siculorum, ceterorumque Græcorum, quod suos dies mensesque congruere uolunt cum solis lunæque ratione, ut non nunquam, si quid discrepet, eximant unum aliquem diem, aut, summum, biluum ex mense: quos illi ἐξαπείλουος dies nominant. tem non nunquam uno die longiorem mensem faciunt, aut biduo. quæ iste cum cognouisset, nouus astrologus, qui non tam cæli rationem, quam cælati argenti duceret, eximi iubet non diem ex mense, sed ex anno unum dimidiatumque mensem, hoc modo, ut, quæ die, uerbi causa, esse oporteret idus Ianuarias, eo die kalendas Martias proscriberet: itaque fit omnibus recisantibus, & implorantibus. dies is erat legitimus comitijs habendis. eo modo sacerdos Climachias renuociatus est. Herodotus cum Roma reuertitur, dies, ut ipse putabat, quindecim ante comitia, offendit eum mensem comitiale, comitijs iam abhinc triginti diebus habitis. tunc Cephaeditani decreuerunt intercalarium XLV dies longum, ut reliqui menses

A C T I O N I S I I I .

in suam rationem reuerterentur . hoc si Romæ fieri posset , certe aliqua ratione expugnasset iste , ut dies XLV inter binos ludos tollerentur , per quos solos iudicium fieri posset . Iam uero censores quemadmodum in Sicilia isto prætoris creati sunt , operæpretium escognoscere . ille enim est magistratus apud Siculos , qui diligentissime mandatur a populo propter hanc causam , quod omnes Siculi ex censu quotannis tributa conferunt ; in censu habendo potestas omnis æstimationis habenda , summæq. faciunda censori permittitur . itaque eum populus , cui maximam fidem suarum rerum habeat , maxima cura deligit ; & propter magnitudinem potestatis hic magistratus a populo summa ambitione contenditur . in ea re nihil obscure facere uoluit , non in sortitione fallere , neque dies de fastis eximere : nihil sane uasre , nec malitiose facere conatus est : sed , ut studia cupiditatesq. honorum , atque ambitiones ex omnibus ciuitatibus tolleret , quæ res euertendæ reip. causa solent esse , ostendit sese in omnibus ciuitatibus censores esse facturum . tanto mercatu prætoris indicto , concurritur undique ad istum Syracusas . flagrabat domus tota prætorii studio hominum , & cupiditate : nec mirum , omnibus comitijs tot ciuitatum unam in domum reuocatis , tantaq. ambitione prouinciæ totius in uno cubiculo inclusa . exquisitis palam pretijs , & licitationibus factis , describebat censores binos in singulas ciuitates Timarchides . is suo labore , suisq. accessionibus , huius negotij , atque operis molestia consequetur ,

tur, ut ad istum sine ulla solitudine summa pecunia referretur. Iam hic Timarchides quantam pecuniā fecerit, plane adhuc cognoscere non potuistis: uerum tamen priore actione, quā uarie, quā improbe prædatus esset, multorum ex testimonijs cognouistis. sed, ne miremini qua ratione hic tantum apud istum libertus potuerit; exponam uobis breuiter, quid hominis sit: ut & istius nequitiam, qui illum secum habuerit, eo præsertim numero, ac loco, & calamitatem prouinciæ cognoscatis. In mulierum corruptellis, & in omni eiusmodi luxuria, atque nequitia mirandum in modum reperiēbam hunc Timarchidem ad istius flagitiosas libidines, singularemq. nequitiam natum, atque aptum fuisse: inuestigare, adire, appellare, corrumpere, quiduis facere in eiusmodi rebus, quamuis callide, quamuis audacter, quamuis impudenter: eundem mira quædam excogitare genera furandi: nam ipsum Verrem tantum semper auaritia hiantē, atque imminenti fuisse, ingenio, & cogitatione nulla, ut, quidquid sua sponte faciebat, item ut uos Romæ cognouistis, eripere potius, quā fallere uideretur. huius uero erat ars, & malitia miranda, quod acutissime tota prouincia, quid cuique esset necesse, indagare, & odorari solebat, omnium inimicos diligenter cognoscere, colloqui, attentare, ex utraque parte causas, uoluntates perspicere, facultates, & copias; quibus opus esset, metum asferre; quibus expediret, spem ostendere: accusatorum, & quadruplatorum quidquid erat, habebat in potestate: quod

ACTIONIS III.

quod cuique negotij conflare uolebat, nullo labore faciebat: istius omnia decreta, imperia, litteras peritissime & callidissime uenditabat: ac non solum erat administer istius cupiditatum, uerum etiam ipse sui meminerat. æque: non solum nummos, si qui isti exciderant, tollere solebat, ex quibus pecuniam maximam fecit, sed etiam uoluptatū, flagitiorumq. istius ipse reliquias colligebat. itaque in Sicilia non Athenionem, qui nullum oppidum cepit, sed Timarchidem fugitiuum omnibus oppidis per triennium scitote regnasse, in Timarchidis potestate sociorum populi R. antiquissimorum, atque amicissimorum liberos, matresfamilias, bona, fortunasq. omnes fuisse. is igitur, ut dico, Timarchides in omnes ciuitates, accepto pretio, censores dimisit. comitia, isto prætore, censorum ne simulandi quidem causa fuerunt. Iam hoc impudentissime. palam (licebat enim uidelicet legibus) singulis censoribus denarij trecenti ad statuam prætoris imperati sunt. censores cxxx facti sunt. pecuniam illam ob censuram contra leges clam dederunt, hæc denarium xxxix millia palam saluis legibus contulerunt in statuam. Primum, quò tantam pecuniam? deinde, quam ob rem censores ad statuam tibi conferebant? ordo aliquis censorum est collegium? genus aliquod hominum? nam aut publice ciuitates istos honores habent, aut generatim homines, ut aratores, ut mercatores, ut nauicularij. censores quidem qui magis, quàm ædiles? ob beneficium? ergo hoc fatebere, abs te hæc petita, (nam ere

pta

IN
pta non a
bus benefi
cum tute
apud popu
tionem non
dorum, se
itaque cen
lent ij, qu
dederunt
lam laci
bitus est
posset adm
sus extenu
butis impe
ut, etiam si
repudiaret
nam L. M
causa in Sic
non modo a
is, quod uic
eum censum
que innocen
set. erant e
suis ciuitat
legibus er
sor aut le
creatus le
cum id, qu
sane meos

pta non audebis dicere) te eos magistratus hominibus beneficij, non reip. caussa permisisse. hoc autem cum tute fatebere, quisquam dubitabit, quin tu istam apud populos prouinciæ istius inuidiam, atque offensionem non ambitionis, neque beneficiorum collocandorum, sed pecuniæ conciliandæ caussa susceperis? itaque censores fecerunt idem, quod in nostra rep. solent ij, qui per largitionem magistratus adepti sunt: dederunt operam, ut ita potestatem gererent, ut illam lacunam rei familiaris explerent. sic census habitus est te prætoræ, ut eo censu nullius ciuitatis resp. posset administrari. nam locupletissimi cuiusque census extenuarant, tenuissimi auxerant: itaque in tributis imperandis tantum oneris plebi imponebatur, ut, etiam si homines tacerent, res ipsa illum censum repudiaret. id quod intelligi facillime re ipsa potest. nam L. Metellus, qui, postea quàm ego inquirendi caussa in Siciliam ueni, repente Letiliij aduentu istius non modo amicus, uerum etiam cognatus factus est, is, quòd uidebat istius censum stare nullo modo posse, eum censum obseruari iussit, qui, uiro fortissimo, atque innocentissimo, Sex. Peducaeo prætoræ habitus esset. erant enim tum censores legibus facti, delecti a suis ciuitatibus: quibus, si quid commisissent, pænæ legibus erant constitutæ. te autem prætoræ qui censor aut legem metueret, qua non tenebatur, quoniam creatus lege non erat, aut animaduersionem tuam, cum id, quod abs te emerat, uendidisset? Teneat iam sane meos testes Metellus: cogat alios laudare, sicut

in

ACTIONIS III.

in multis conatus est: modo hæc faciat, quæ fecit. quis enim unquam tanta a quoquam cõtumelia, quis tanta ignominia affectus est? Quinto quoque anno Sicilia tota censetur. erat censa prætore Peducæo. quintus annus cum te prætore incidisset, censa denuo est. postero anno L. Metellus mentionem tui census fieri uetat: censores dicit de integro sibi creari placere: interea Peducæanum censum obseruari iubet. hoc si tuus inimicus tibi fecisset, tamen, si animo æquo provincia tulisset, inimici iudicium graue uideretur. fecit amicus, recens, & cognatus uoluntarius. aliter enim, si prouinciam retinere, si saluus ipse in prouincia uellet esse, facere non potuit. Exspectas etiam, quid hi iudicent? si tibi magistratum abrogasset, minore ignominia te affecisset, quàm cum ea, quæ in magistratu gessiisti, sustulit, atque irrita iussit esse. neque in hac re sola fuit eiusmodi, sed, ante quàm ego in Siciliam ueni, in maximis rebus, ac plurimis. nam et Heraclio Syracusano tuos illos palæstritas bona restituere iussit, & Epicratis Bidinos, & pupillo Drepanitano A. Claudiu: et, nisi mature Letilius in Sicilia uenisset cum litteris, minus xx diebus Metellus totam triennij præturam rescidisset. Et quoniam de ea pecunia, quam tibi ad statuam censores contulerunt, dixi: non mihi prætermittendum uidetur ne illud quidem genus pecuniæ conciliatæ, quam tu a ciuitatibus statuarum nomine coegiisti. uideo enim eius pecuniæ summam esse pergrandem, ad HS C xx millia. tantum conficitur ex testimonijs, ac litteris ciuitatum:

tum : & iste hoc concedit , nec potest aliter dicere .
 quare cuiusmodi putamus esse illa , quæ negat , cum
 hæc tam improba sunt , quæ fatetur ? Quid enim uis
 constitui ? consumptam esse omnem istam pecuniam
 in statuis ? fac ita esse : tamen hoc ferendum nullo mo-
 do est , tantam ab socijs pecuniam auferri , ut omni-
 bus in angiporis prædonis improbissimi statuæ ponā-
 tur , quæ uix tuto transire posse uideamur . uerum u-
 bi tandem , aut in quibus statuis ista tanta pecunia
 consumpta est ? consumetur , inquires . scilicet exspe-
 ctemus legitimum illud quinquennium : si hoc inter-
 uallo non consumpserit , tum denique nomen eius de
 repetundis pecunijs statuarum nomine deferemus .
 reus est maximis plurimisq. criminibus in iudicium
 uocatus : HS CXX millia ex hoc uno genere capta
 uidemus . si condemnatus eris ; non , opinor , id a-
 ges , ut ista pecunia in quinquennio consumatur in sta-
 tuis . sin absolutus eris ; quis erit tam amens , qui te ,
 ex tot tantisq. criminibus elapsum , post quinquen-
 nium statuarum nomine accersat ? ita si neque adhuc
 consumpta ista pecunia est , & est perspicuum non cō-
 sumptum iri : licet iam intelligamus inuentam esse ra-
 tionem , quare & iste HS CXX millia uno genere
 conciliarit , & ceperit , & ceteri , si a uobis hoc e-
 rit comprobatum , quàm uolent magnas hoc nomine
 pecunias capere possint . ut iam uideamur non a pecu-
 nijs capiendis homines absterrere , sed , cum genera
 quædam pecuniarum capiendarum comprobaueri-
 mus , honesta nomina turpissimis rebus imponere .

etenim

ACTIONIS III.

etenim si C. Verres HS CXX millia populum, uerbi gratia, Centuripinum poposcisset, eamq. ab is pecuniam abstulisset: non, opinor, esset dubium, quin eum, si tum id planum fieret, condemnari necesse esset. quid, si eundem populum HS CCC millia poposcit, eaq. coegit, atque abstulit; num ideo absoluetur, quod adscriptum est, eam pecuniam datam statuarum nomine? non opinor: nisi forte id agimus, non ut magistratibus nostris moram accipiendis, sed ut socijs causam dandi afferre uideamur. quod si quæ statuæ magnoperè delectant, & si quis earum honore, & gloria ducitur; is hæc tamen constituat, necesse est; primum, auerti pecuniam domum non placere; deinde, ipsarum statuarum modum quendam esse oportere; deinde illud certe, ab inuitis exigere non oportere. Ac de auertenda pecunia, quæro abs te, utrum ipsæ ciuitates solitæ sint statuas tibi faciundas locare ei, cui possent optima condicione locare; an aliquem curatorem præficere, qui statuis faciundis præesset; an tibi, an cui tu imperasses, adnumerare pecuniam? nam si per eos statuæ fiebant, a quibus tibi iste honos habebatur: audio. sin Timarchidi pecunia numerabatur: desine, quæso, simulare, te, cum in manifesto furto teneare, gloriæ studiosum, ac monumentorum fuisse. Quid uero modum statuarum haberi nullum placet? atqui, habeatur, necesse est. etenim sic considerate. Syracusana ciuitas (ut eam potissimum nominem) dedit ipsi statuam: est honos. & patri: bella hæc pietatis, & quæstiosa simulatio.

&

& filio : ferri hoc potest : hunc enim puerum non ode-
 rant . uerum quoties , & quot nominibus a Syracu-
 sanis statuas auferes ? ut in foro statuerent , abstuli-
 sti : ut in curia , coegisti : ut pecuniam conferrent in
 eas statuas , quæ Romæ ponerentur , imperasti : ut
 ijdem darent homines aratorum nomine ; dederunt :
 ut ijdem pro parte in commune Siciliæ conferrent ;
 etiam id contulerunt . Vna ciuitas cum toti nomini-
 bus pecuniam contulerit , idemq. hoc ciuitates cete-
 ræ fecerint ; non res ipsa uos admonet , ut putetis mo-
 dum aliquē huic cupiditati constitui oportere ? Quod
 si hoc uoluntate sua nulla ciuitas fecit ; si omnes impe-
 rio , metu , ui , malo adductæ tibi pecuniam statua-
 rum nomine contulerunt : per deos immortales , num
 cui dubium esse poterit , quin , etiam si quis statuerit
 accipere ad statuas licere , idem tamen statuatur , eri-
 pere certe non licere ? primum igitur in hanc rem te-
 stem totam Siciliam citabo : quæ mihi una uoce statua-
 rum nomine magnam pecuniam coactam esse demon-
 strat . nam legationes omnium ciuitatum in postula-
 tis communibus , quæ fere omnia ex tuis iniurijs na-
 ta sunt , etiam hoc ediderunt , ut statuas ne cui , nisi
 cum is de prouincia decessisset , pollicerentur . tot præ-
 tores in Sicilia fuerunt : toties apud maiores nostros
 Siculi senatum adierunt , toties hac memoria : tamen
 huiusce noui postulati genus , atque principium tua
 prætura attulit . quid enim tam nouum non solum re ,
 sed genere ipso postulandi ? nam cetera , quæ sunt in
 iisdem postulatis , de iniurijs tuis , sunt noua , sed ta-
 men

ACTIONIS III.

men non nouo modo postulantur. Rogant, & orant
Siculi patres conscriptos, ut nostri magistratus post-
hac decumas lege Hieronica uendant: tu primus con-
tra uendideras. audio. ne, in cellam quod impera-
tur, æstiment: hoc quoque propter tuos ternos dena-
rios nunc primum postulatur: sed genus istud postulan-
di non est nouum. ne absentis nomen recipiatur: ex
Sthenij calamitate, & tua natum est iniuria. cete-
ra non colligam. sunt omnia Siculorum postulata e-
iusmodi, ut crimina collecta in unum te reum esse ui-
deantur. quæ tamen omnia nouas iniurias habent,
sed postulationum formulas usitatas. Hoc postulatu
de statu is ridiculum esse uideatur ei, qui rem, senten-
tiamq. non perspiciat. postulant enim non, ut ne co-
gantur statuere: quid igitur? ut ipsis ne liceat. quid
est hoc? petis a me, quod in tua potestate est, ut id
tibi facere ne liceat? pete potius, ne quis te inuitum
polliceri, aut facere cogat. nihil ergo, inquit: nega-
bunt enim omnes se coegisse. si me saluum esse uis, mi-
hi impone istam uim, ut omnino mihi ne liceat pollice-
ri. ex tua prætura primum nata est hæc postulatio.
qua cum utuntur, hoc significant, atque adeo aperte
ostendunt, sese pecuniam, metu, ac malo coactos, in-
uitissimos contulisse. quid, si hoc non dicant, tibi non
necesse sit ipsi id confiteri? uide, & perspice, qua de-
fensione sis usus: iam intelliges, hoc tibi de statu is
confitendum esse. mihi enim renunciatur, ita consti-
tui a tuis patronis, hominibus ingeniosis, caussum
tuam, & ita eos abs te institui, & doceri, ut quis-
que

que ex provincia Sicilia grauior homo, atque honestior testimonium uehementius dixerit, sicuti Siculi multi primarij uiri multa dixerunt, te statim hoc istis tuis defensoribus dicere: inimicus est propterea, quod arator est. itaque uno genere opinor circumscribere habetis in animo genus hoc aratorum, quod eos infenso animo, atque inimico uenisse dicatis, quia fuerit in decumis iste uehementior. ergo aratores inimici, omnes aduersarij: nemo eorum est, quin perisse te cupiat. omnino praeclare te habes, cum is ordo, atque id genus hominum, quod optimum, atque honestissimum est, a quo uno & summa reip. & illa provincia maxime continetur, tibi est inimicissimum. uerum esto; alio loco de aratorum animo, & iniurijs uidero: nunc, quod mihi abs te datur, id accipio, eos tibi esse inimicissimos. nempe ita dicis: propter decumas. concedo: non quaero, iure, an iniuria sint inimici. quid ergo illae sibi statuæ equestres inauratae uolunt, quæ populi R. oculos, animosq. maxime offendunt, propter ædem Vulcani? nam scriptum esse uideo, quandam ex his statuam aratores dedisse. si honoris causa statuam dederunt, inimici non sunt. credamus testibus: tum enim honori tuo, nunc iam religioni suæ consulunt. sin autem metu coacti dederunt, confiteare necesse est, te in provincia pecuniam statuarum nomine per uim, ac metum coegisse. utrum tibi commodum est, elige. equidem libenter hoc iam crimen de statujs relinquam, ut mihi tu illud concedas, quod tibi honestissimum est, aratores tibi ad sta-

X tuam

A C T I O N I S I I I .

tuam honoris tui caussa uoluntate sua contulisse . da
 mihi hoc : iam tibi maximam partem defensionis præ
 cideris . non enim poteris , aratores tibi iratos esse ,
 atque inimicos , dicere . O caussam singularem : o de-
 fensionem miseram , ac perditam : nolle hoc accipere
 reum ab accusatore , & eum reum , qui prætor in Si-
 cilia fuerit , aratores ei statuam sua uoluntate statuif-
 se , aratores de eo bene existimare , amicos esse , sal-
 uum esse cupere . Metuit , ne hoc uos existimetis : ob-
 ruitur enim aratorum testimonijs . utar eo , quod da-
 tur . certe ita uobis hoc iudicandum est ; eos , qui isti
 inimicissimi sunt , ut ipse existimari uult , ad istius ho-
 nores , atque monumenta pecuniam non uoluntate sua
 contulisse . atque ut hoc tamen facillime intelligi pos-
 sit ; quem uoles eorum testium , quos produxero , qui
 in Sicilia testes sint , siue ciuem R. uelis , siue Siculū ,
 rogato , & eum , qui tibi inimicissimus esse uidebitur ,
 qui se spoliatum a te dicet , ecquid suo nomine in tuam
 statuam contulerit ? neminem reperies , qui neget :
 etenim omnes dederunt . quenquam igitur putas du-
 bitaturum , quin is , quem inimicissimum tibi esse o-
 porteat , qui abs te grauissimas iniurias acceperit , pe-
 cuniam statuæ nomine dederit ui , atque imperio ad-
 ductus , non officio , ac uoluntate ? Et huius ego pecu-
 niæ , iudices , quæ permagna est , impudentissime quæ
 coacta ab inuitis , non habui rationem , neque habere
 potui , quantum ab aratoribus , quantum ab negotia-
 toribus , qui Syracusis , qui Agrigenti , qui Panor-
 mi , qui Lilybæi negotiantur , esse coactum ; quoniam
 in-

I
 intelligit
 coactam
 bus facill
 Siculi in
 sic C. Ve
 cum utri
 gatis , o
 ues rati
 num ist
 Syracu
 uno nera
 qui salut
 tantur , f
 sed pro M
 Huius for
 lius stat :
 ciam proff
 sunt , quæ
 non min
 quam ab
 statuaria
 lie datas
 quam , ta
 bi etiam
 dendum
 res est . n
 anim
 rum est
 honesti

intelligitis ipsius quoque confessione ab inuitissimis
 coactam esse. Venio nunc ad ciuitates Sicilia: de qui-
 bus facillime iudicium fieri uoluntatis potest. An etiã
 Siculi inuiti contulerunt? non est probabile. etenim
 sic C. Verrem præturam in Sicilia gessisse constat, ut,
 cum utrisque satisfacere non posset, & Siculis, & to-
 gatis, officij potius in socios, quàm ambitionis in ci-
 ues rationem duxerit. itaque eum non solum patro-
 num istius insulæ, sed etiam sotera inscriptum uidi
 Syracusis. hoc quantum est? ita magnum, ut latino
 uno uerbo exprimi non possit. is est nimirum soter,
 qui salutem dedit. Huius nomine etiam dies festi agi-
 tantur, pulchra illa Verrea, non quasi Marcellea,
 sed pro Marcelleis, quæ illi istius iussu sustulerunt.
 Huius fornix in foro Syracusis est, in quo nudus fi-
 lius stat: ipse autem ex equo nudatam ab se provin-
 ciam prospicit. Huius statuæ omnibus locis erectæ
 sunt, quæ hoc demonstrare uidentur, propemodum
 non minus multas statuas istum posuisse Syracusis,
 quàm abstulisse. Huic etiam Romæ uidemus in basi
 statuarum maximis litteris incisum, a communi Sici-
 liæ datas. Quamobrem qui hoc probari potest cui-
 quam, tantos honores habitos esse ab inuitis? Hic ti-
 bi etiam multo magis, quàm ante in aratoribus, ui-
 dendum, & considerandum est, quid uelis. magna
 res est. utrum tibi Siculos publice priuatimq. amicos,
 an inimicos existimari uis? si inimicos, quid te futu-
 rum est? quò confugies? ubi nitere? modo aratorum,
 honestissimorum hominum, & locupletissimorum,

X 2 maximum

ACTIONIS III.

maximum numerum abs te abalienasti : nunc Siculis ciuitatibus quid ages ? dices, tibi Siculos esse amicos ? qui poteris ? qui, quod nullo in homine antea fecerunt, ut in eum publice testimonium dicerent, cum praesertim ex ea prouincia condemnati sint complures, qui ibi praetores fuerunt, duo soli absoluti, huc conueniunt cum litteris, ueniunt cum mandatis, ueniunt cum testimonijs publicis. qui si te publice laudarent, tamen id more potius suo, quam merito tuo, facere uiderentur : hi cum de tuis factis publice conqueruntur, non ne hoc indicant, tantas esse iniurias, ut multo maluerint de suo more decedere, quam de tuis moribus non dicere ? confitendum est igitur tibi necessario, Siculos inimicos esse qui quidem & in te grauissima postulata consulibus ediderunt ; & me, ut hanc causam, salutisq. suae defensionem susciperem, obsecrarunt : qui cum a praetore prohiberetur, a quatuor quaestoribus impedirentur ; omnium minas, atque omnia pericula praesalute sua leuia duxerunt : qui priore actione ita testimonia grauiter, uehementerq. dixerunt, ut Artemonem Centuripinum, legatum, & publice testem, Q. Hortensius accusatorem, non testem esse diceret. etenim cum propter uirtutem, & fidem cum Androne, homine honestissimo, & certissimo, tum etiam propter eloquentiam legatus a suis ciuibus electus est, ut posset multas istius, et uarias iniurias quamapertissime uobis, planissimeq. explicare. dixerunt Halesini, Catinenses, Tyndaritani, Ennenses, Herbitenses, Agyrinenses, Netinenses,

IN
Netinenses,
cesse. scit
Etone dic
nes deniq
Siculos,
quendas
dum, atq
mines, t
dinem to
lisse ? cr
lent, ij
nitatibus
iam dudu
erga te no
flatus uob
homine au
in prouinc
tiam in ac
tudinem de
tot in Affr
in ipsa Sic
audimur
& in nunc
hoc de sta
pterea q
norem lo
di, non n
itaque c
cum Mir

Netinenses, Segestani. numerare omnes non est ne-
 cesse. scitis, quàm multi, & quàm multa priore a-
 ctione dixerunt. nunc & illi, & reliqui dicent. om-
 nes denique hoc in hac caussa intelligēt, hoc animo esse
 Siculos, ut, si in istū animaduersum non sit, sibi relin-
 quendas domos, ac sedes suas, & ex Sicilia deceden-
 dum, atque adeo fugiendum esse arbitrentur. Hos ho-
 mines, tu persuadebis, ad honorem, atque amplitu-
 dinem tuam pecunias maximas uoluntate sua contu-
 lisse? credo, qui te in tua ciuitate incolumem esse nol-
 lent, ij monumenta tuæ formæ, ac nominis in suis ci-
 uitatibus esse cupiebant. res declarauit, ut cupierint.
 iam dudum enim mihi nimium tenuiter Siculorum
 erga te uoluntatis argumenta colligere uideor, utrū
 statuas uoluerint tibi statuere, an coacti sint. de quo
 homine auditum est unquam, quod tibi accidit, ut eius
 in prouincia statuæ in locis publicis positæ, partim e-
 tiam in ædibus sacris, per uim, per uniuersam multi-
 tudinem deijcerentur? tot homines in Asia nocentes,
 tot in Africa, tot in Hispania, Gallia, Sardinia, tot
 in ipsa Sicilia fuerunt: ecquo de homine hoc unquam
 audiuius? nouum est, iudices; in Siculis quidem,
 & in omnibus Græcis monstri simile. non crederem
 hoc de statuīs, nisi iacentes, reuulsasq. uidissem: pro-
 pterea quod apud omnes Græcos hic mos est, ut ho-
 norem hominibus habitum in monumentis huiusmo-
 di, non nulla religione deorum consecrari arbitrētur.
 itaque cum Rhodij bellum illud prope soli superius
 cum Mithridate rege gesserint, omnesq. eius copias,
 X 3 acerrimumq.

A C T I O N I S I I I .

acerrimumq. eius impetum mœnibus, littoribus, clas-
sibusq. suis exceperint, cum & regis inimici præter
ceteros essent; statuam eius, quæ erat apud ipsos in
celeberrimo urbis loco, ne tum quidem in ipsis urbis
periculis attigerunt. forsitan uix conuenire uideretur;
quem ipsum hominem cuperent euertere, eius
effigiem, simulacrumq. seruare: sed tamen uidebam,
apud eos cum essem, & religionem esse quandam in
his rebus a maioribus traditam, & hoc disputare;
cum statua se eius habuisse temporis rationem, quo
posita esset; cum homine uero, quo gereret bellum,
atque hostis esset. uidetis igitur consuetudinem, reli-
gionemq. Græcorum, quæ monumenta hostium in bel-
lo ipso soleat defendere, eam summa in pace prætoris
populi R. statuis præsidio non fuisse. Taurominitani,
quorum est ciuitas fœderata, homines quietissimi,
qui maxime ab iniurijs nostrorum magistratuum re-
motissimi consueuerant esse præsidio fœderis, hi ta-
men istius euertere statuam non dubitarunt. qua ab-
lata, basin tamen in foro manere uoluerunt: quod
grauius in istum fore putabant, si scirent homines sta-
tuam eius a Taurominitanis esse deiectam, quàm si
nullam unquam positam arbitrarentur. Tyndarita-
ni deiecerunt in foro, & eadem de causa equum ina-
nem reliquerunt. Leontinis, misera in ciuitate, at-
que inani, tamen istius in gymnasio statua deiecta
est. Nam quid ego de Syracusanis loquar, quod non
est proprium Syracusanorum, sed & illorum commu-
ne, & conuentus illius, ac prope totius provinciæ?
quanta

I N
quanta illi
nisse diceb
atque euer
simo, ante
templi. q
atque illa
statuarum
atque ego
impulsu,
deatur. d
ego Sicilia
dum ego i
quàm illi
turipinor
que statua
eas quæ stor
lilio fieret
dere graui
in urbe sua
atque imp
quem ipsi co
antea, Rom
grauius eff
per uim m
filio statu
tellus, g
gistratio
uehemen
statua, qu

quanta illuc multitudo, quanta uis hominum conue-
 nisse dicebatur, tum, cum statuæ sunt illius deiectæ,
 atque euersæ: at quo loco? celeberrimo, ac religiosis-
 simo, ante ipsum Iouem, in primo aditu, uestibuloq.
 templi. quod nisi Metellus hoc tam grauiter egisset,
 atque illam imperio, edictoq. prohibuisset: uestigium
 statuarum istius in tota Sicilia nullum esset relictum.
 atque ego hoc non uereor, ne quid horum non modo
 impulsu, uerum omnino aduentu meo factum esse ui-
 deatur. omnia ista ante facta sunt, non modo quàm
 ego Siciliam, uerum etiam quàm iste Italiam attigit.
 dum ego in Sicilia sum, nulla statua deiecta est: postea
 quàm illinc discessi, quæ sunt gesta, cognoscite. Cen-
 turipinorum senatus decreuit, populusq. iussit, ut,
 quæ statuæ C. Verris ipsius, et patris, et filij essent,
 eas quæstores demoliendas locarent; dumq. ea demo-
 litio fieret, senatores triginta non minns adessent. Vi-
 dete grauitatem ciuitatis, et dignitatem. neque eas
 in urbe sua statuas esse uoluerunt, quas inuiti per uim,
 atque imperium dedissent; neque eius hominis, in
 quem ipsi cum grauissimo testimonio, quod nunquam
 antea, Romam mandata legatosq. misissent: & id
 grauius esse putauerunt, si publico consilio, quàm si
 per uim multitudinis factum uideretur. Cum hoc con-
 silio statuas Centuripini publice sustulissent, audit Me-
 tellus, grauiter fert, euocat ad se Centuripinum ma-
 gistratum, et decem primos: nisi restituisent statuas,
 uehementer ijs minatur. illi ad senatum renunciant:
 statuæ, quæ istius causæ nihil prodesse, reponuntur.

A C T I O N I S I I I .

Hic ego aliud alij concedo: Metello, homini sapienti, prorsus nō possum ignoscere, si quid stulte facit. quid? ille hoc putabat Verris criminis fore, si eius statuæ essent deiectæ? quod sæpe uento, aut aliquo casu fieri solet. non erat in hoc neque crimen ullum, neque reprehensio. ex quo igitur crimen, atque accusatio nascitur? ex hominum iudicio, & uoluntate. ego, si Metellus statuas reponere Centuripinos nō coegisset, hæc dicerem. uidete iudices, quantum, & quā acerbum dolorem sociorum, atque amicorum animis inuasserint istius iniuriæ, cum Centuripinorum amicissima, & fidelissima ciuitas, quæ tantis officijs cum populo R. coniuncta est, ut non solum remp. nostram, sed etiam in quouis homine priuato nomen ipsum Romanorum semper dilexerit, ea publico consilio, atque auctoritate iudicarit, C. Verris statuas esse in urbe sua non oportere. recitarem decreta Centuripinorum: laudarem illam ciuitatem: id quod uerissime possem: commemorarem decem millia ciuium Centuripinorum; fortissimorum, fidelissimorumq. sociorum, eos omnes statuisse monumentum istius in sua ciuitate nullum esse oportere. hæc tum dicerem, si statuas Metellus non reposuisset. Velim querere nunc ex ipso Metello, quidnam sua ui, & auctoritate mihi ex hac oratione præciderit. eadem opinor omnia conuenire. neque enim, si maxime statuæ deiectæ essent, eas ego uobis possem iacentes ostendere: hoc uno uterer, ciuitatem tam grauem statuas iudicasse C. Verris demolendas. hoc mihi Metellus non eripuit: hoc etiam

I N
tiam addi
iniquo iur
in suis qui
nos rogat
ijs rebus
rebus obe
piditate f
non irasci
ille apud
consulto
cum, n
uoluntate
tuarum no
quo quiden
lo, te ad sta
tiam ill
est, quant
nium Sicut
fensio futu
runt Sicut
bi quidem
beo ciues P
di. At soc
runtur
Quid? q
runt? cu
cur Hal
rum, que
rit, sine c

tiam addidit, ut quereretur, si mihi uideretur, tam iniquo iure socijs, atque amicis imperari, ut ijs ne in suis quidem beneficijs libero iudicio uti liceret: ut uos rogarem, ut coniecturam faceretis, qualem in ijs rebus in me L. Metellum fuisse putaretis, in quibus rebus obesse mihi posset, cum in hac re tam aperta cupiditate fuerit, in qua nihil obfuit. sed ego Metello non irascor: neque ei suam purgationem eripio, qua ille apud omnes utitur, ut nihil malitiose, neque consulto fecisse uideatur. Iam igitur est ita perspicuum, ut negare non possis, nullam tibi statutam uoluntate cuiusquam datam, nullam pecuniam statuarum nomine, nisi ui, expressam, & coactam. quo quidem in crimine non illud solum intelligi uolo, te ad statuas HS CXX millia coegisse; sed multo etiam illud magis, quod simul demonstrandum est, quantum odium in te aratorum, quantum omnium Siculorum sit, et fuerit. in quo quae uestra defensio futura sit, coniectura assequi non queo. Oderunt Siculi. togatorum enim caussa multa feci. At hi quidem acerrimi, inimicissimiq. sunt. inimicos habeo ciues R. quod sociorum commoda, ac iura defendi. At socij in hostium numero se abs te habitos queruntur. Aratores inimici sunt propter decumas. Quid? qui agros immunes liberosq. arant, cur oderunt? cur Halefina? cur Centuripini? cur Segestani? cur Halicyenses? quod genus hominum, quem numerum, quem ordinem proferre possis, qui te non oderit, siue ciuium R. siue Siculorum? ut, etiam si causam,

A C T I O N I S I I I .

sam, cur te oderint, non possim dicere, tamen illud dicendum putem, quem omnes mortales oderint, eum quoque uobis odio esse oportere. An hoc dicere audebis; utrum de te aratores, utrum denique Siculi uniuersi bene existiment, ad rem id non pertinere? neque tu hoc dicere audebis, neque, si cupies, licebit.
** eripiunt tibi istam orationem contemnendorum Siculorum, atque aratorum statuæ illæ equestres, quas tu paullo ante, quàm ad Urbem uenires, poni inscribiq. iussisti; ut omnium inimicorû animos, accusatorumq. tardares. quis enim tibi molestus esset, aut quis appellare auderet, cum uideret Statuas ab negotiatoribus, ab aratoribus, a communi Sicilia? quod est aliud in illa prouincia genus hominum? nullum. ergo ab uniuersa prouincia, generatimq. a singulis eius partibus non solum diligitur, sed etiam ornatur. quis hunc attingere audeat? potes igitur dicere, nihil tibi obesse oportere aratorum, negotiatorum, Siculorumq. omnium testimonia, cum, eorum nominibus in statuarum inscriptione positis, omnem te speraris inuidiam, atque infamiam tuam extinguere posse? an, quorum auctoritate tu statuas cohonestare tuas conatus es, eorum ego dignitate accusationem meam comprobare non potero? Nisi forte, quòd apud publicanos gratosus fuisti, in ea re spes te aliqua consolatur. quæ gratia ne quid tibi prodesse posset, ego mea diligentia perfeci; ut etiam obesse deberet, tu tua sapientia curasti. etenim rem totam, iudices, breuiter cognoscite. In scriptura Siciliae pro magistro est quidam*
L. Car-

IN
 L. Carpin
 se quod loc
 in istius fac
 circum ora
 scederet;
 tudinem q
 transigen
 numerare
 pecuniam
 dabat. ea
 ut etiam
 nias ijs se
 aut scriba
 referebat a
 traordinari
 primo Carp
 litaratem p
 istius minis
 raculis oper
 minatum ad
 Syracusis ex
 pueras eade
 sent permul
 ac proferre
 qui iam ex
 tione conu
 cios de ista
 ficijsq. ma
 Carpinati

L. Carpinatius: qui & sui quæstus causa, & fortasse quod sociorum interesse arbitrabatur, bene penitus in istius familiaritatem sese dedit. is cum prætorem circum omnia fora sectaretur, neque ab eo unquam discederet; in eam iam uenerat familiaritatem, consuetudinemque in uendendis istius decretis, & iudicijs, transigendisque negotijs, ut prope alter Timarchides numeraretur. hoc erat etiam capitalior, quod idem pecuniam ijs, qui ab isto aliquid mercabantur, fenori dabat. ea autem feneratio erat huiusmodi, iudices, ut etiam hic quæstus huic cederet. nam quas pecunias ijs ferebat expensas, quibuscum contrahebat, aut scribere istius, aut Timarchidi, aut etiam isti ipsi referebat acceptas. idem præterea pecunias istius extraordinarias grandes suo nomine fenerabatur. hic primo Carpinatius, ante quam in istius tantam familiaritatem peruenisset, aliquoties ad socios litteras de istius iniurijs miserat. Canuleius uero, qui in portu Syracusis operas dabat, furti quoque istius permulta nominatim ad socios perscripserat ea, quæ sine portorio Syracusis erant exportata. portum autem, & scripturas eadem societas habebat. ita factum est, ut essent permulta, quæ ex societatis litteris dicere in istum, ac proferre possemus. uerum accidit, ut Carpinatius, qui iam cum isto summa consuetudine, præterea ratione coniunctus esset, crebras postea litteras ad socios de istius summis officijs in rem communem, beneficijque mitteret. etenim tum iste omnia, quæcunque Carpinatius postulabat, facere, ac decernere solebat.

tum

A C T I O N I S I I I .

tum ille etiam plura scribebat ad socios ; ut , si posset , quæ antea scripserat , ea plane extingueret . ad extremum uero , cum iste iam decedebat , eiusmodi litteras ad eos misit , ut huic frequētes obuiam prodirent , gratiasq. agerent ; facturos esse , si quid imperasset , studiosè pollicerentur : itaq. socij fecerunt : uetere instituto publicanorum , non quo istum ullo honore dignū arbitrarentur , sed quòd sua interesse putabant , se memores , gratosq. existimari , gratias isti egerunt : Carpinatium sæpe ad se de eius officijs litteras misisse dixerunt . iste cum respondisset , ea se libenter fecisse , operasq. Carpinatij magnopere laudasset ; dat amico suo cuidam negotium , qui tum magister erat eius societatis , ut diligenter caueret , atque prospiceret , ne quid esset in litteris sociorum , quod contra suum caput , atque existimationem ualere posset . itaque ille , multitudine sociorum remota , decumanos conuocat : rem defert . statuunt illi , atque decernunt , ut ex litteræ , quibus existimatio C. Verris laderetur , remouerentur , operaq. daretur , ne ea res C. Verri fraudi esse posset . si ostendo , hoc decreuisse decumanos ; Si planum facio , hoc decreto remotas esse litteras ; quid expectatis amplius ? possum ne rē magis iudicatam asferre ? magis reum condemnatum in iudicium adducere ? at quorum iudicio condemnatum ? nempe eorum , quos ij , qui seueriora iudicia desiderant , arbitrentur res iudicare oportere ; publicanorum iudicio ; quos uidelicet nunc populus iudices poscit ; de quibus , ut eos iudices habeamus , legem ab homine

non

IN
non nostri
nobilissimo
est princip
mouendas
is , qui aff
simos , ac
dinis , quon
promulga
medium :
mines nou
nes de mea
ligionem
suo iudicio
illorum iud
derate . at
quid tuum
ut . dicam
ne quis hoc
se arbitret
rum magist
re , quatin
facto , litter
quantum p
uelit . dico
ris , puerp
mam str
plurima
ti , uim
pro rebus

non nostri generis, non ex equestri loco profecto, sed nobilissimo promulgatam uidemus. Decumani, hoc est principes, & quasi senatores publicanorum, remouendas de medio litteras censuerunt. habeo ex ijs, qui affuerunt, quos producam, homines honestissimos, ac locupletissimos, istos principes equestris ordinis, quorum splendore uel maxime istius, qui legem promulgauit, oratio, & causa nititur. uenient in medium: dicent, quid statuerint: profecto, si recte homines noui, non mentientur. litteras enim communes de medio remouere potuerunt, fidem suam & religionem remouere non possunt. ergo equites R. te suo iudicio condemnari uoluerunt: uos nunc, utrum illorum iudicium, an uoluntatem sequi malitis, considerate. at uide, quid te amicorum tuorum studium, quid tuum consilium, quid sociorum uoluntas adiuuet. dicam paullo amplius. neque enim iam uereor, ne quis hoc me magis accusatorie, quam libere dixisse arbitretur. Si istas litteras non decreto decumanorum magistri remouissent, tantum possem in te dicere, quantum in litteris inuenissem: nunc, decreto isto facto, litterisq. remotis, tantum mihi licet dicere, quantum possum; tantum iudici suspicari, quantum uelit. dico, te maximum pondus auri, argenti, eboris, purpure, plurimam uestem Melitensem, plurimam stragulam, multam Deliacam supellectilem, plurima uasa Corinthia, magnum numerum frumenti, uim mellis maximam Syracusis exportasse; his pro rebus, quod portorium non esset datum, litteras

ad

A C T I O N I S I I I .

ad socios misisse L. Canuleium , qui in portu operas daret. satis ne magnum hoc crimen uidetur ? nullum, opinor , maius . quid defendet Hortensius ? postulabit, ut litteras Canuleij proferam ? crimen huiusmodi, nisi litteris confirmetur, inane esse dicet ? clamabo, litteras remotas esse de medio , decreto sociorum erepta mihi esse istius indicia , ac monumenta furtorum . aut hoc contendat nunquam esse factum : aut omnia tela excipiat, necesse est . negas esse factum ? placet mihi ista defensio : descendo : æqua enim condicio, æquumq̃. certamen proponitur . producam testes, & producam plures eodem tempore . quoniam tum, cum actum est, una fuerunt, nunc quoque una sunt. cum interrogabuntur, obligentur non solum iurisiurandi, atque existimationis periculo , sed etiam communi inter se conscientia . si planum sit, hoc ita, quemadmodum dico, esse factum : non poteris dicere Hortensi, nihil in istis fuisse litteris, quod Verrem laderet . non modo id non dices, sed ne illud quidem tibi dicere licebit, tantum, quantum ego dicam, non fuisse . ergo hoc uestro consilio, & gratia perfecistis, ut, quemadmodum paullo ante dixi, & mihi summa facultas ad accusandum daretur, & iudicibus libera potestas ad credendum . quod cum ita sit, nihil fingam tamen, meminero me non sumpsisse, quem accusarem, sed recepisse, quos defenderem; uos ex me causam non a me prolatam, sed ad me delatam audire oportere; me Siculis satis esse facturum, si, quæ cognoui in Sicilia, quæ accepi ab ipsis, diligenter exposuero;

posuero ; populo R. si nullius uim , nullius potentiam
 pertinuero ; uobis , si facultatem uere , atque hone-
 ste iudicandi fide , & diligentia mea fecero ; mihi in
 eo , si ne minimum quidem de eo curriculo uitæ , quod
 mihi semper propositum fuit , decessero . Quapropter
 nihil est , quod metuas , ne quid mecum fingam : e-
 tiam , quod latere , habes . multa enim , quæ scio abs
 te esse commissæ , quod aut nimium turpia , aut pa-
 rum credibilia sunt , prætermittam : tantum agam
 de hoc toto nomine societatis : & , ut uerum scire pos-
 sitis ; quæram , decretum ne sit . cum id inuenero ;
 quæram , remotæ ne sint litteræ , cum id quoque con-
 stabit ; uos iam , me tacito , intelligetis . si illi , qui hoc
 istius causæ decreuerunt , equites R. nunc iidem in
 eum iudices essent , an non istum sine dubio condem-
 narent , de quo litteras eas , quæ istius furta indica-
 rent , & ad se missas , & suo decreto remotas scirent
 esse ? quem igitur ab ijs equitibus R. qui istius causæ
 cupiunt omnia , qui ab eo benignissime tractati sunt ,
 condemnari necesse esset ; is a uobis , iudices , ulla ui,
 aut ratione absolui potest ? ac ne forte ea , quæ remo-
 ta de medio , atque erepta uobis sunt , omnia ita con-
 dita fuisse , atque ita abdite latuisse uideantur , ut hac
 diligentia , quam ego a me expectari maxime puto ,
 nihil horum inuestigari , nihil assequi potuerit : quæ
 consilio aliquo , aut ratione inueniri potuerunt , inuen-
 ta sunt , iudices : manifestis in rebus hominem iam te-
 neri uidebitis . nam quod in publicanorum causis uel
 plurimum ætatis meæ uersor , uehementerq. illum or-
 dinem

ACTIONIS III.

*diem obseruo; satis commode mihi uideor eorum
 consuetudinem usu, tractandoq. cognouisse. itaque, ut
 hoc comperi, remotas esse litteras societatis; habui
 rationem annorum, per quos iste in Sicilia fuisset: de-
 inde quaesui, quod erat inuentu facillimum, qui per
 eosdem annos magistri istius societatis fuissent. scie-
 bam enim hanc magistrorum, qui tabulas haberent,
 consuetudinem esse, ut, cum tabulas nouo magistro
 traderent, exempla litterarum ipsi habere non nol-
 lent. itaque ad L. Vibium, equitem R. uirum pri-
 marium, quem reperiēbam magistrum fuisse eo ipso
 anno, qui mihi maxime querendus erat, primum
 ueni. sane omni prater opinionem improuiso incidi.
 scrutatus sum quae potui, & quaesui omnia: inueni
 duos solos libellos ab L. Canuleio missos socijs ex por-
 tu Syracusis, in quibus erat ratio scripta mensium
 complurium, rerum exportatarum istius nomine si-
 ne portorio: itaque obsignaui statim. nec erant haec
 ex eo genere, quod ego maxime genus ex sociorum
 litteris reperire cupiebam. uerum tantum inueni,
 iudices, quod apud uos quasi exempli causa profer-
 re possim. sed tamen quidquid erit in his libellis, quā-
 tulumcunque uidebitur esse, hoc quidem certe mani-
 festum erit. de ceteris ex hoc coniecturam facere de-
 bebitis. Recita mihi, quaeso, hunc primum libellū,
 deinde illum alterum. LIBELLVS CANVLEII.
 Iam non quaero, unde cccc amphoras mellis ha-
 bueris, unde tantam Melitensem uestem, unde quin-
 quaginta tricliniorum lectos, unde tot candelabra:
 non,*

I
 non, inq
 que tibi t
 le: sed t
 rum ux
 istorum
 mensium
 ni totius
 nis libell
 uos iam
 iste in ill
 tes, quā
 tam pecu
 huiusmodi
 alio loco p
 His export
 LX socios
 pauculis
 libelli inde
 decies, ex
 nunc, cum
 ritimos ha
 tetis, quid
 mo, quid
 ex ceteris
 locum ma
 per soluto
 nos deleg
 seruanda
 ret. his in

non, inquam, iam quæro, unde hæc habueris; sed, quò tibi tantum opus fuerit, id quæro. mitto de melle: sed tantum ne Melitensium, quasi etiam amicorum uxores, tantum lectorum, quasi etiam omnium istorum uillas ornaturus esses? cum hæc paucorum mensium ratio in his libellis sit, facite ut uobis triennij totius ueniat in mentem. sic contendo, ex his paruis libellis apud unum magistrum societatis repertis uos iam coniectura assequi posse, cuiusmodi prædo iste in illa prouincia fuerit, quàm multas cupiditates, quàm uarias, quàm infinitas habuerit, quantam pecuniam non solum numeratam, uerum etiam huiuscemodi in rebus positam confecerit. quæ nobis alio loco planius explicabuntur: nunc hoc attendite. His exportationibus, quæ recitatae sunt, scribit HS LX socios perdidisse ex uicesima portorij Syracusis. pauculis igitur mensibus, ut hi pusilli & contempti libelli indicant, furti prætoris, quæ essent HS duodecies, ex uno oppido solo exportata sunt. cogitate nunc, cum illa sit hæc insula, quæ undique exitus maritimos habeat, quid ex ceteris locis exportatum putetis, quid Agrigento, quid Lilybaeo, quid Panormo, quid Thermis, quid Halefa, quid Catina, quid ex ceteris oppidis, quid uero Messana, quem iste sibi locum maxime tutum arbitrabatur, ubi animo semper soluto, liberoque erat, quòd sibi iste Mamertinos delegerat, ad quos omnia, quæ aut diligentius seruanda, aut occultius exportanda erant, deportaret. his inuentis libellis, ceteri remoti, & diligentius

r sunt

A C T I O N I S I I I .

sunt reconditi. nos tamen, ut omnes intelligāt hoc nos sine cupiditate agere, his ipsis libellis cōtenti sumus. nunc ad sociorum tabulas accepti & expensi, quas remouere honeste nullo modo potuerunt, & ad amicum tuum Carpinatium reuertemur. Inspiciebamus Syracusis a Carpinatio cōfectas tabulas societatis, quæ si gnificabant, multis nominibus eos homines uersuram a Carpinatio fecisse, qui pecuniam Verri dedissent. erit uobis luce clarius, iudices, cū eos ipsos produxero, qui dederunt, intelligetis enim, illa tēpora, per quæ, cum essent in periculo, pretio sese redemerunt, cum societatis tabulis non solum consulibus, uerum etiam mensibus conuenire. Cum hac maxime cognoscere- mus, & iam in manibus tabulas haberemus; repente aspiciamus lituras eiusmodi, quasi quædam uulnera tabularum recentia. Statim suspicione offensi, ad ea ipsa nomina oculos, animumq. transtulimus. erant acceptæ pecuniæ a C. Verrutio, sic tamen, ut usque alterum, r, litteræ constarent integræ, reliquæ omnes essent in litura. alterum, tertium, quartum, per multa erant eiusmodi nomina. cum manifesta res, cum flagitiosa tabularum, atque insignis turpitude teneretur, quærere incepimus de Carpinatio, quisnam esset is Verrutius, quicum tantæ pecuniæ rationem haberet. hæere homo, auersari, rubere. quòd lege excipiuntur tabulæ publicanorum, quo minus Romā deportentur, ut res quam maxime clara, ac testata esse posset; in ius ad Metellum Carpinatium uoco, tabulasq. societatis in forum defero. fit maximus concursus

I
cursus bo
isto prete
bant omni
tellum d
his tabul
nominib
sumq. r
tum C.
cum Car
spondeat
an pecun
nes ex co
rutiam. e
quis esset
las, confec
loco mendo
illum cogi
inuitus; se
utiusque a
iniuria ma
exanimato
summa ho
in exscrib
turaq. on
bros tra
gentia re
stissimis
spondere
esse hunc

cursus hominum; & quod erat Carpinatij nota cum
 isto pratore societas, ac feneratio, summe expecta-
 bant omnes, quid in tabulis contineretur. rem ad Me-
 tellum defero: me tabulas perspexisse sociorum: in
 his tabulis magnam rationem C. Verrutij permultis
 nominibus esse: meq. hoc perspicere ex consulum men-
 siumq. ratione, hunc Verrutium neque ante aduen-
 tum C. Verris, neque post decessionem quidquam
 cum Carpinatio rationis habuisse. postulo, mihi re-
 spondeat, qui sit iste Verrutius, mercator, an arator,
 an pecuarius? in Sicilia sit, an decesserit? clamare om-
 nes ex conuentu, neminem unquam ex Sicilia fuisse Ver-
 rutium. ego instare, ut mihi responderet, ubi esset?
 quis esset? unde esset? cur seruus societatis, qui tabu-
 las, confecerit, semper in Verrutij nomine certo ex
 loco mendosus esset? atque hæc postulabam, non quo
 illum cogi putarem oportere, ut ea mihi responderet
 inuitus; sed ut omnibus istius fuita, illius flagitium,
 utriusque audacia perspicua esse posset. itaque illum
 iniuriæ metu, conscientiaq. peccati mutum, atque
 exanimatum, ac uix uiuum relinquo: tabulas in foro
 summa hominum frequentia exscribo: adhibentur
 in exscribendo de conuentu uiri primarij: litteræ, li-
 turæq. omnes assimulatæ, expressæ, de tabulis in li-
 bros transferuntur. hæc omnia summa cura, & dili-
 gentia recognita, & collata, & ab hominibus hone-
 stissimis obsignata sunt. Si Carpinatius tum mihi re-
 spondere noluit; responde mihi nunc tu Verres, quem
 esse hunc tuum pæne gentilem Verrutium putes. fie-

A C T I O N I S I I I .

ri non potest, ut, quem uideo te prætore in Sicilia fuisse, & quem ex ipsa ratione intelligo locupletem fuisse, eum tu in tua prouincia non cognoris. atque adeo, hoc ne longius, aut obscurius esse possit, procedite in medium, explicate descriptionem, imaginemq. tabularum; ut omnes mortales istius auaritiæ non iam uestigia, sed ipsa cubilia uidere possint. Videtis Verrutium? uidetis primas litteras integras? uidetis extremam partem nominis, caudam illam Verris, tanquam in luto, demersam esse in litura? sic habent se tabulæ, iudices, ut uidetis. quid exspectatis? quid queritis amplius? tu ipse Verres quid sedes? quid moraris? nam aut exhibeas nobis Verrutium, necesse est, aut te esse Verrutium fateare. Laudantur oratores ueteres, Crassi illi, & Antonij, quod crimina diluere dilucide, quod copiose reorum causas defendere solebant. nimirum illi non ingenio solum his patronis, sed fortuna etiam præstiterunt. nemo enim tunc ita peccabat, ut defensionis locum non relinqueret: nemo ita uinebat, ut nulla eius uitæ pars summæ turpitudinis esset expers: nemo ita in manifesto peccato tenebatur, ut, cum impudens fuisset in facto, tum impudentior uideretur, si negaret. nunc uero quid faciat Hortensius? auaritiæ ne crimina frugalitatis laudibus deprecetur? at hominem flagitiosissimum, libidinosissimum, nequissimumq. defendit. An ab hac eius infamia nequitiae uestros animos in aliam partem fortitudinis commemoratione traducat? at homo inertior, ignauior, magis uir inter mulieres nequam,

I
 quam, in
 potest.
 inueniatur
 malo. qu
 inquam
 sa quid f
 opinor,
 ne in d
 nem am
 niebant
 defender
 stimaren

 ACTIO

 O

 O

 bent, non
 etiam qu
 nentur.
 timentiae
 nem uitæ

quam, impura inter uiros muliercula, proferri non potest. At mores commodi. quis contumacior? quis inhumanior? quis superbior? At hæc sine cuiusquam malo. quis acerbior? quis insidiosior? quis crudelior unquam fuit? In hoc homine, atque in eiusmodi causa quid facerent omnes Crassi, & Antonij? tantum, opinor, Hortensi ad hanc causam non accederent; ne in alterius impudentia sui pudoris existimationem amitterent. liberi enim ad causas, solutiq. ueniebant; neque committebant, ut, si impudentes in defendendo esse nolissent, ingrati in deferendo existimarentur.

ACTIONIS IV. IN C. VERREM

LIBER III.

ORATIO VIII.

O MNES, qui alterum, iudices, nullis impulsu inimicitijs, nulla priuatim læsi iniuria, nullo præmio adducti, in iudicium reip. causa uocant, providere debent, non solum quid oneris in præsentia tollant, sed etiam quantum in omnem uitam negotij suscipere conentur. legem enim sibi ipsi indicunt innocentiae, continentiae, uirtutumq. omnium, qui ab altero rationem uitæ reposcunt, atque eo magis, si id, ut ante di-

ACTIONIS IV.

xi, faciunt nulla re commoti alia, nisi utilitate communi. nam qui sibi hoc sumpsit, ut corrigat mores aliorum, ac peccata reprehendat; quis huic ignoscat, si qua in re ipse ab religione officij declinarit? quapropter hoc etiam magis ab omnibus eiusmodi ciuis laudandus, ac diligendus est, qui non solum reip. ciuem improbum remouet, uerum etiam se ipsum eiusmodi fore profitetur, ac praestat, ut sibi non modo communi uoluntate uirtutis, atque officij, sed etiam ut quadam magis necessaria ratione recte sit, honesteq. uiuendum. ita hoc, iudices, ex homine clarissimo, atque eloquentissimo L. Crasso saepe auditum est, cum se nullius rei tam paenitere diceret, quam quod C. Carbonem unquam in iudicium uocauisset. minus enim liberas omnium uoluntates rerum habebat, & uitam suam pluribus, quam uellet, obseruari oculis arbitrabatur. atque ille ijs praesidijs ingenij, fortunaeq. munitus, tamen hac cura continebatur, quam sibi, non dum confirmato consilio, sed incunte aetate susceperat. quo minus etiam perspicitur eorum uirtus, & integritas, qui ad hanc rem adolescentuli, quam qui iam firmata aetate descendunt. illi enim, ante quam potuerunt existimare, quanto liberior uita sit eorum, qui neminem accusarint, gloriae causa, atque ostentationis accusant: nos, qui iam, & quid facere, & quantulum iudicare possemus, ostendimus, nisi facile cupiditates nostras teneremus, nunquam ipsimet nobis praecideremus istam licentiam, libertatemq. uiuendi. atque hoc ego plus onerisha-
beo,

beo, quàm qui ceteros accusarunt: (si onus est id ap-
 pellandum, quod cum latitia feras, ac uoluptate)
 ueruntamen hoc ego amplius suscepi, quàm ceteri,
 quòd ita postulatur ab omnibus, ut ab ijs se absti-
 neant maxime uitijs, in quibus alterum reprehende-
 runt. furem aliquem, aut rapacem accusaris: uitan-
 datibi semper erit omnis auaritiæ suspicio. malefi-
 cum quempiam adduxeris, aut crudelem: cauendum
 erit semper, ne qua in re asperior, aut inhumanior
 fuisse uideare. corruptorem, adulterum: prouiden-
 dum diligenter, ne quod in uita uestigium libidinis
 appareat. omnia postremo, quæ uindicaris in altero,
 tibi ipsi uehementer fugienda sunt. etenim non modo
 accusator, sed ne obiurgator quidem ferendus est is,
 qui, quod in altero uitium reprehendit, in eo ipse de-
 prehenditur. ego in uno homine omnia uitia, quæ pos-
 sunt in homine perditio, nefarioq. esse, reprehendo;
 nullum esse uitium libidinis, sceleris, audaciæ, quod
 non in unius istius uita perspicere possitis. ego in isto
 reo legem hanc, iudices, mihi statuo, uiuendum
 ita esse, ut isti non modo factis, dictisq. omnibus,
 sed etiam oris, oculorumq. illa contumacia, ac super-
 bia, quam uidetis, dissimillimus esse, ac semper fuis-
 se uidear. patior non moleste, iudices, eam uitam,
 quæ mihi sua sponte antea iucunda fuerit, nunc iam
 mea lege, & condicione necessariam quoque futurâ.
 Et in hoc homine sæpe a me quæris, Hortensi, qui-
 bus inimicitijs, aut qua iniuria adductus ad accusan-
 dum descenderim? mitto iam rationem officij mei,

ACTIONIS IV.

*necessitudinisq. Sicularum: de ipsis tibi inimicitijs
 respondeo. an tu maiores ulla inimicitias putas esse,
 quam contrarias hominum sententias, ac dissimilitu-
 dines studiorum, et uoluntatum? fidem sanctissimam
 in uita qui putat, potest ei non inimicus esse, qui quæ-
 stor consulem suum, consilij commissis, pecunia tra-
 dita, rebus omnibus creditis, spoliare, relinquere,
 prodere, oppugnare ausus sit? pudorem, & pud-
 citiam qui colit, potest animo æquo istius quotidiana
 adulteria, meretriciam disciplinam, domesticum le-
 nocinium uidere? qui religiones deorum immortalium
 retinere uult, ei, qui fana spoliarit omnia, qui ex-
 tensarum orbitis prædari sit ausus, inimicus non esse
 qui potest? qui iure æquo omnes putat esse oportere,
 is tibi non infestissimus sit, cum cogitet uarietatem,
 libidinemq. decretorum tuorum? qui sociorum iniu-
 rijs, prouinciarumq. incommotis doleat, is in te
 non expilatione Asiæ, uexatione Pamphylia, squa-
 lore, & lacrymis Sicilia concitetur? qui ciuium R.
 iura, ac libertatem sanctam apud omnes haberi uult,
 is non tibi plus etiam, quam inimicus, esse debeat,
 cum tua uerbera, cum secures, cum cruces ad ciuium
 R. supplicia fixas recordetur? an, si qua in re contra
 rem meam decreffet aliquid iniuria, iure me ei inimi-
 cum esse arbitrare: cum omnia contra omnium bo-
 norum rem, causam, rationem, utilitatem, uolun-
 tatemq. fecerit, quæris cur ei sim inimicus, cui po-
 pulus R. infestus sit? qui præsertim plus etiam, quam
 pars uirilis postulat, pro uoluntate populi R. oneris,
 ac*

ac muneris suscipere debeam. Quid illa, quæ leuiores
 uidentur esse, non cuiusuis animum possunt mouere?
 quod ad tuam ipsius amicitiam, ceterorumque omnium
 maiorum, atque nobilium faciliorem aditum istius
 habet nequitia, & audacia, quam cuiusquam no-
 strum uirtus, & integritas. odistis hominum nouo-
 rum industrias: despicitis eorum frugalitatem: pu-
 dorem contemnitis: ingenium uero, & uirtutem de-
 pressam, extinctamque cupitis: Verrem amatis. ita
 credo, si non uirtute, non industria, non innocentia,
 non pudore, non pudicitia, at sermone, at litteris,
 at humanitate eius delectamini. nihil horum est: cō-
 traque sunt omnia cum summo dedecore, ac turpitudi-
 ne, tum singulari stultitia, atque inhumanitate obli-
 ta. huic homini si cuius domus patet, utrum ea pa-
 tere, an hiare, ac poscere aliquid uidetur? hunc ue-
 stri ianitores, hunc cubicularij diligunt: hunc liber-
 ti uestri, hunc serui, ancillaque amant: hic cum ue-
 nit, extra ordinem uocatur: hic solus introducitur,
 ceteri saepe frugalissimi homines excluduntur. ex quo
 intelligi potest, eos uobis esse carissimos, qui ita ui-
 xerunt, ut sine uestro praesidio salui esse non possint.
 Quid? hoc cuiquam ferendum putatis esse, nos ita
 uiuere in pecunia tenui, ut prorsus nihil acquirere ue-
 limus, ut dignitatem nostram, populi que beneficia
 non copijs, sed uirtute tueamur; istum rebus omni-
 bus undique ereptis impune eludentem circumfluere,
 atque abundare? huius argento domos uestras, hu-
 ius signis, & tabulis forum, Comitiumque ornari?
 præfer-

A C T I O N I S I V .

*præsertim cum uos uestro Marte his rebus omnibus
 abundetis . Verrem esse , qui uestras uillas suis manu
 bijs ornet ? Verrem esse , qui cum L . Mummio cer
 tet ? ut plures hic sociorum urbes , quàm ille hostium ,
 spoliasse uideatur ; plures hic solus uillas ornamentis
 fanorum , quàm ille fana spolijs hostium ornasse . &
 is erit ob eam rem uobis carior , ut ceteri libentius
 suo periculo uestris cupiditatibus seruiant ? uerum
 hæc dicentur alio loco , & dicta sunt : nunc profi
 ciscemur ad reliqua ; si pauca ante erimus a uobis ,
 iudices , deprecari . Superiore omni oratione perat
 tentos uestros animos habuimus . id fuit nobis gra
 tum admodum , sed multo erit gratius , si reliqua uo
 letis attendere : propterea quòd in his omnibus , quæ
 antea dicta sunt , erat quedam ex ipsa uarietate , ac
 nouitate rerum , ac criminum delectatio : nunc tra
 ctare causam instituimus frumentariam , quæ magni
 tudine iniuriæ fere criminibus ceteris antecellit , in
 cunditatis in agendo , & uarietatis minus habebit .
 uestra autem auctoritate , & prudentia dignissimum
 est , iudices , in audiendo diligentiam non minus reli
 gioni tribuere , quàm uoluptati . In hac causa fru
 mentaria cognoscenda , hæc uobis proponite , iudices ,
 uos de rebus fortunisq̃ . Siculorum omnium , de ciuiũ
 R . qui arant in Sicilia , bonis , de uectigalibus a ma
 ioribus traditis , de uita uictuq̃ . populi R . cognitu
 ros . quæ si magna , atque adeo maxima uobis uiden
 tur ; quàm uarie , & quàm copiose dicantur , exspe
 ctare nolite . Neminem uestrum præterit , iudices ,
 om-*

I
 omnem
 lia, quæ
 reme fr
 uenit ea
 mur . ea
 ne . primi
 cemus fr
 ceteras q
 rationib
 uectigal
 Hispani
 mium, de
 est, ut Af
 amicitiam
 quo fuisset
 qua suis an
 sunt bello
 cum esset p
 ditus . is ag
 rates diue
 Mamertina
 sine federe
 na, Hale
 na . præte
 nus est, i
 culorum
 maiorum
 num sub
 sent, tan

omnem utilitatem, oportunitatemq. provinciae Siciliae, quae ad commoda populi R. adiuncta sit, consistere in re frumentaria maxime: in ceteris rebus adiuvamur ex illa provincia, hac uero alimur, ac sustinemur. ea causa tripartita, iudices, erit in accusatione. primum enim de decumano, deinde de empto dicemus frumento, postremo de aestimato. Inter Siciliae, ceterasq. provincias, iudices, in agrorum uectigalium rationibus hoc interest, quod ceteris aut impositum uectigal est certum, quod stipendiarium dicitur, ut Hispanis, & plerisque Pænorum, quasi uictoriae praemium, ac poena belli; aut censoria locatio constituta est, ut Asia lege Sempronia. Siciliae ciuitates sic in amicitiam, fidemq. recepimus, ut eodem iure essent, quo fuissent; eadem condicione populo R. parerent, qua suis antea paruissent. perpaucæ Siciliae ciuitates sunt bello a maioribus nostris subactæ: quarum ager cum esset publicus populi R. factus, tamen illis est redditus. is ager a censoribus locari solet. fœderatæ ciuitates duæ sunt, quarum decumæ uenire non soleant, Mamertina, & Taurominitana. quinque præterea sine fœdere immunes ciuitates, ac liberæ, Centuripina, Halesina, Segestana, Halyciensis, Panormitana. præterea, omnis ager Siciliae ciuitatum decumanus est, itemq. ante imperium populi R. ipsorum Siculorum uoluntate, & institutis fuit. uidete nunc maiorum sapientiam: qui, cum Siciliam tam opportunum subsidium belli, atque pacis ad remp. adiunxissent, tanta cura Siculos tueri, & retinere uoluerunt,

ut

ACTIONIS IV.

ut non modo eorum agris uectigal nouum nullum imponerent, sed ne legem quidem uenditionis decumarum, ne ue uendundis aut tempus, aut locum commutarent, ut certo tempore anni, ut ibidem in Sicilia, denique ut lege Hieronica uenderent. uoluerunt eos in suis rebus ipsos interessere, eorum animos non modo lege noua, sed ne nomine quidem legis nouo commoueri. ita decumas lege Hieronica semper uendendas censuerunt, ut ijs iucundior esset muneris illius finetio, si eius regis, qui Siculis carissimus fuit, non solum instituta commutato imperio, uerum etiam nomen maneret. hoc iure ante Verrem praetorem Siculi semper usi sunt. hic primus instituta omnium, consuetudinem a maioribus traditam, condicionem amicitiae, ius societatis conuellere, & commutare ausus est. qua in re primum illud reprehendo, & accuso, cur in re tam ueteri, tam usitata quidquam noui feceris? ingenio aliquid affecutus es? tot homines sapientissimos, qui illam prouinciam ante te tenuerunt, prudentia, consilioque uicisti? est tuum, est ingenij, prudentiaeque tuae. do hoc tibi, & concedo: scio te Romae, cum praetor esses, edicto tuo possessiones hereditatum ad alienos, a primis hereditatibus ad secundos, a legibus ad libidinem tuam transulisse: scio te edicta superiorum omnium correxisse, & possessiones hereditatum non secundum eos, qui proferrent, sed secundum eos, qui dicerent testamentum factum, dedisse: easque res nouas, abs te prolatas, & inuentas, magno tibi quaestui fuisse scio: eundemque.

IN
demq. te
etis exige
ret, cuius r
silerent, d
exiguam
tio exclus
certam d
te in dec
pr. torij
exercit
gitasse:
tus aucto
prehendo
natus per
minutari
consueffe
quam ipse
publicani
derent, ne
derent. co
hospes, V
Stbenius
uerunt: c
uitatis m
tentia p
ita ne
pr. editi
dis uect
pulusq.

demq. te memini censorias quoque leges in sartis te-
 ctis exigendis tollere, & commutare; ne is redime-
 ret, cuius res esset; ne pupillo tutores, propinquiq. con-
 sulerent, quo minus fortunis omnibus euerteretur;
 exiguam diem præfinire operi, qua ceteros ab nego-
 tio excluderes, cum ipse in tuo redemptore nullam
 certam diem obseruares. quamobrem nouam legem
 te in decumis statuisse non miror, hominem in edictis
 prætorijs, in censorijs legibus tam prudentem, tam
 exercitatum. non, inquam, miror, te aliquid exco-
 gitasse: sed, quod tua sponte, iniussu populi, sine sena-
 tus auctoritate iura provincie Sicilie mutaris, id re-
 prehendo, id accuso. L. Octauio & C. Cottæ ces. se-
 natus permisit, ut uini, & olei decumas, & frugum
 minutarum, quas ante quæstores in Sicilia uendere
 consueissent, Romæ uenderent, legemq. his rebus,
 quam ipsis uideretur, edicerent. cum locatio fieret,
 publicani postularunt, quasdam res ut ad legem ad-
 derent, neque tamen a censorijs ceteris legibus rece-
 derent. contradixit is, qui casum Romæ fuit, tuus
 hospes, Verres, hospes, inquam, & familiaris tuus,
 Sthenius hic Thermitanus. censores causam cogno-
 uerunt: cum uiros primarios, atque amplissimos ci-
 uitatis multos in consilium aduocassent, de consilij sen-
 tentia pronunciarunt, se lege Hieronica uendituros.
 ita ne uero? prudentissimi uiri, summa auctoritate
 præditi, quibus senatus legum dicendarum in locan-
 dis uectigalibus omnem potestatem permiserat, po-
 pulusq. R. idem iusserat; Siculo uno recusante, cum
 amplificatione

A C T I O N I S I V .

amplificatione uectigalium nomen Hieronicae legis mutare noluerunt : tu, homo minimi consilij, nullius auctoritatis, iniussu populi, ac senatus, tota Sicilia recusante, cum maximo detrimento, atque adeo exitio uectigalium totam Hieronicam legem sustulisti. at quam legem corrigit, iudices, atque adeo totam tollit? acutissime, ac diligentissime scriptam; quæ omnibus custodijs subiectum aratorem decumano tradit; ut neque in segetibus, neque in areis, neque in horreis, neque in amouendo, neque in asportando frumeto grano uno posset arator sine maxima pœna fraudare decumanum. scripta lex ita diligenter est, ut eum scripsisse appareat, qui alia uectigalia non haberet; ita acute, ut Siculum; ita seuerè, ut tyrannum. qua lege Siculis tamen arare expediret. nam ita diligenter constituta sunt iura decumani, ut tamen ab inuito aratore plus decuma non possit auferri. cum hæc essent ita constituta, Verres tot annis, atque adeo sæculis inuentus est, qui hæc non commutaret, sed euerteret, eaque, quæ iam diu ad salutem sociorum, utilitatemq. reip. composita, comparataq. essent, ad suos improbissimos quæstus conuerteret: qui primum certos instituerit, nomine decumanos, re uera ministros, ac satellites cupiditatum suarum: per quos ostendam sic prouinciam per triennium uexatam, atque uastatam, iudices, ut eam multis annis, multorum innocentia, sapientiaq. recreare nequeamus. Eorum omnium, qui decumani uocabantur, princeps erat Q. ille Apronius, quem uidetis: de cuius improbitate

I N

probitate
rimonias
nis, & a
in perdit
ses quos f
est Apron
undique
se secum
quitia, l
itaque i
tio, non
do, simil
improbo
qui in om
nefaria
qui, ut ip
ore signific
nitionum,
bus stupris
in impuris
habebat m
cordiam, u
barus, i
quem om
iste esse
iisdem, d
uteretur
& corp
posset,

probitate singulari grauissimarum legationum que-
 rimonia audistis . aspicite , iudices , uultum homi-
 nis , & aspectum ; & ex ea contumacia , quam hic
 in perditis rebus retinet , illos eius spiritus Sicilien-
 ses quos fuisse putetis , cogitate , ac recordemini . hic
 est Apronius , quem in prouincia tota Verres , cum
 undique nequissimos homines conquisset , & cum ip-
 se secum sui similes duxisset non parum multos , ne-
 quitia , luxuria , audacia sui simillimum iudicauit .
 itaque istos inter se perbreui tempore non res , non ra-
 tio , non commendatio aliqua , sed studiorum turpitu-
 do , similitudoq. coniunxit . Verris mores improbos ,
 impurosq. nostis : fingite uobis , si potestis , aliquem ,
 qui in omnibus isti rebus par ad omnium flagitiorum
 nefarias libidines esse possit : is erat Apronius ille :
 qui , ut ipse non solum uita , sed etiam corpore , atque
 ore significat , immensa aliqua uorago est , aut gurges
 uitiorum , turpitudinumq. omnium . hunc in omni-
 bus stupris , hunc in fanorum expilationibus , hunc
 in impuris conuiujs principem adhibebat : tantamq.
 habebat morum similitudo coniunctionem , atque con-
 cordiam , ut Apronius , qui alijs inhumanus , ac bar-
 barus , isti uni commodus , ac disertus uideretur ; ut ,
 quem omnes odissent , neque uidere uellent , sine eo
 iste esse non posset ; ut , cum alij ne conuiujs quidem
 iisdem , quibus Apronius , hic iisdem etiam poculis
 uteretur ; postremo ut odor Apronij teterrimus oris ,
 & corporis , quem , ut aiunt , ne bestiae quidem ferre
 possent , uni isti suauis , & iucundus uideretur . ille
 erat

ACTIONIS IV.

erat in tribunali proximus, in cubiculo socius, in conuiuio dominus, ac tum maxime, cum, accubante prætextato prætoris filio, in conuiuio saltare nudus cœperat. hunc, uti dicere institui, principem Verres ad euertendas fortunas aratorum, uexandas, diripiendasq. esse uoluit: huius audaciæ, nequitia, crudelitati fidelissimos socios, optimosq. ciues scitote hoc prætore traditos, iudices, atque addictos fuisse, nouis institutis, & edictis, tota Hieronica lege, quemadmodum antea dixi, reiecta, & repudiata. primum edictum, iudices, audite præclarum: Quantum decumanus edidisset aratorem sibi decumæ dare oportere, ut tantum arator decumano dare cogeretur. quo modo? quantum poposcerit Apronius, dato. quid est hoc? utrum, prætoris institutum in socios, an in hostes uictos insani edictum, atque imperium tyranni? ego tantum dem, quantum ille poposcerit? poscet omne, quantum ex arauero. quid omne? immo plus etiâ, inquit, si uolet. quid tum? quid censes? aut dabis, aut, contra edictum fecisse, damnabere. per deos immortales, quid, quid est hoc? uerisimile enim non est. sic mihi persuadeo, iudices; tametsi omnia in istum hominem conuenire putetis, tamen hoc uobis falsum uideri. ego enim, cum hoc tota Sicilia diceret, tamen affirmare non auderem, si hæc edicta non ex ipsius tabulis totidem uerbis recitare possem, sicuti faciam. Da, quæso, scribe: recitet ex codice. recita. EDICTVM DE PROFESSIONE. Negat me recitare totum: nam id nutu significare uidetur.

tur. quid prætereo? an illud, ubi caues tamen Siculis, & miseros respicis aratores? edicis enim, te in decumanum, si plura sustulerit, quàm debitum sit, in octuplum iudicium daturum esse. nihil mihi placet prætermitti. recita hoc quoque, quod postulat, totum, recita. **EDICTVM DE IVDICIO IN OCTVPLVM.** Iudicio ut arator decumanum persequatur? miserum, atque iniquum, ex agro homines trahi in forum, ab aratro ad subsellia, ab usu rerum rusticarum ad insolitam litem, atque iudicium. cum omnibus in alijs uectigalibus, Asiæ, Macedoniæ, Hispaniæ, Galliæ, Africæ, Sardinie, ipsius Italiæ, quæ uectigalia sunt, cum in his, inquam, rebus omnibus publicanus petitor, ac pignerator, non ereptor, neque possessor soleat esse; tu de optimo, de iustissimo, de honestissimo genere hominum, hoc est, de aratoribus, ea iura cõstituebas, quæ omnibus alijs essent contraria? utrum est æquius, decumanum petere, an aratorem repetere? iudicium integra re, an perditâ fieri? eum, qui manu quæsierit, an eum, qui digito licitus sit, possidere? quid, qui in singulis iugis arant, qui ab opere ipsi non recedunt, quo in numero magnus ante te prætorem numerus, magna multitudo Siculorum fuit, quid facient? cum dederint Apronio, quod poposcerit, relinquent arationes? relinquent larem familiarem suum? uenient Syracusas? ut te prætore, uidelicet æquo iure, Apronium, delicias, ac uitam tuam, iudicio recuperatorio persequantur. uerum esto: reperietur aliquis fortis,

Z ex-

ACTIONIS IV.

experiens arator : qui cum tantum dederit decumano , quantum ille deberi dixerit , iudicio repetat , & pœnam octupli persequatur . exspecto uim edicti , seueritatem prætoris : faueo aratori : cupio octupli damnari Apronium . quid tandem postulat arator ? nihil , nisi ex edicto iudicium in octuplum . quid Apronius ? non recusat . quid prætor ? iubet recuperatores reijcere . decurias scribamus . quas decurias ? de cohorte mea reijcies , inquit . quid ? ista cohors quorum hominum est ? Volusii haruspici , & Cornelij medici , & horum canum , quos tribunal meum uides lambere . nam de conuentu nullum unquam iudicem , nec recuperatorem dedit : iniquos decumanis omnes dicebat esse , qui unam agri glebam possideret . ueniendum erat ad eos contra Apronium , qui non dū etiam Aproniani conuiuij crapulam exhalassent . o præclarum , & commemorandum iudicium : o seuerum edictum : o tutum perfugium aratorum . atque ut intelligatis , cuiusmodi ista iudicia in octuplum , cuiusmodi istius de cohorte recuperatores existimati sint ; sic attendite . Ecquem putatis decumanum , hac licentia permissa , ut tantum ab aratore , quantum , poposcisset , auferret , plus , quàm deberetur , poposcisse ? considerate cum uestris animis uosmet ipsi , ecquem putetis : præsertim cum id non solum sine auaritia , sed etiam impudentia accipere potuerit . multos , necesse est . at ego omnes dico plus , quàm decumas , abstulisse . cedo mihi unum ex triennio præturæ tuæ , qui octupli damnatus sit . damnatus ? immo ne-

ro in quem iudicium ex edicto tuo postulatum sit . ne
 mo erat uidelicet aratorum , qui iniuriam sibi factā
 queri posset : nemo decumanorum , qui grano am-
 plius , sibi quā deberetur , deberi professus esset . im-
 mo uero contra , rapiebat , & asportabat , quantum a
 quoque uolebat , Apronius : omnibus autem locis ara-
 tores spoliati , ac uexati querebantur : neque tamen
 ullum iudicium reperietur . quid est hoc ? uiri fortes ,
 honesti , gratiosi , tot Siculi , tot equites R . ab homi-
 ne nequissimo , ac turpissimo læsi , pœnam octupli , si-
 ne ulla dubitatione commissam , non persequerentur ?
 quæ causa ? quæ ratio est ? una illa , iudices , quam ui-
 detis ; quod ultro etiam illisos se , & irrisos ab iudi-
 cio discessuros uidebant . etenim quod esset iudicium ,
 cum e Verris turpissimo , flagitiosissimoq . comitatu
 tres recuperatoriū nomine assedissent , assedisse istius ,
 non a patre ei traditi , sed a meretricula commenda-
 ti ? ageret uidelicet causam arator : nihil sibi frumen-
 ti ab Apronio relictum , bona sua etiam direpta , se
 pulsatum , uerberatumq . diceret . conferrent uiri bo-
 ni capita : de comessatione loquerentur inter se , ac de
 mulieribus , si quas a prætore abeuntes possent depre-
 hendere : res agi uideretur . surrexisset Apronius ,
 noua dignitas publicani , non , ut decumanus , squalo-
 ris plenus , ac pulueris , sed unguentis oblitus , uino
 uigilijsq . languidus : omnia primo motu , ac spiritu
 suo , uini , unguenti , corporis odore compleisset : di-
 xisset hæc , quæ uulgo dicere solebat , non se decu-

ACTIONIS IV.

mas emisse, sed bona, fortunasq. aratorum; non se decumanum esse Apronium, sed Verrem alterum, dominum illorum, ac tyrannum. quæ cum dixisset, illi, uiri optimi, de cohorte istius recuperatores, non de absoluendo Apronio deliberarent, sed quærent, quo modo petitorem ipsum Apronio permetterent, ut, quantum uellet, posceret; quantum poposcisset, auferret. Hoc tibi defensionis ad iudicium tuum comparabas, habuisse te edictum, recuperatores daturum in octuplum? si mehercule ex omni copia conuentus Syracusani, splendidissimorum hominum, honestissimorumque, faceres potestatem aratori, non modo reiiciendi, sed etiam sumendi recuperatores; tamen hoc nouum genus iniuriæ ferre nemo posset, te, cum tuos omnes fructus publicano tradidisses, et rem de manibus amississes, tum bona tua repetere, ac persequi lite, atque iudicio. cum uero uerbo iudicium sit in edicto, re quidem uera tuorum comitum, hominum nequissimorum, collusio cum decumanis socijs tuis, atque adeo procuratoribus; tamen audes illius iudicij mentionem facere? præsertim cum id non modo oratione mea, sed etiam re ipsa refellatur: cum in tantis incommodis aratorum, iniurijsq. decumanorum nullum ex isto præclaro edicto nõ modo factum, sed ne postulatum quidem iudicium inueniatur. Erit tamen in aratores lenior, quàm uidetur. nam qui in decumanos octupli iudicium se daturum edixit, idem habuit in edicto, se in aratorem in quadruplum daturum. quis hunc audet dicere aratoribus infestum,

aut

aut inimicum fuisse? quanto lenior est, quàm in publicanum. edixit, ut, quod decumanus edidisset sibi dari oportere, id ab aratore magistratus Siculus exigeret. quid dereliquit iudicij, quod in aratorem dari posset? Non malum est, inquit, esse istam formidinē, ut, cum exactum sit ab aratore, tamen, ne se commoveat, reliquus metus iudicij sit. Si iudicio a me vis exigere, remoue Siculum magistratum. si hanc vim adhibes, quid opus est iudicio? quis porro erit, qui non malit decumanis tuis dare quod poscent, quàm ab affeclis tuis quadrupli condemnari? Illa uero præclara est clausula edicti, quòd omnium controuersiarum, quæ essent in aratorem, & decumanum, si uter uolet, edicit se recuperatores daturum. Primum, quæ potest esse controuersia, cum is, qui petere debet, aufert; & cum is, non quantum debetur, sed quantum commodum est, auferat; ille autem, unde ablatum est, iudicio suum recuperare nullo modo potest? deinde in hoc homo luteus, etiam callidus, ac uetorator esse uult, quòd ita scribit: Si uter uolet, recuperatores dabo. quàm lepide se furari putat. utrique facit potestatem. sed utrum ita scripserit; si uter uolet, an, si decumanus uolet; nihil interest. arator enim tuos istos recuperatores nunquid uolet? Quid? illa cuiusmodi sunt, quæ ex tempore ab Apronio admonitus edixit? Q. Septitio, honestissimo homine, equiteq. R. resistente Apronio, & affirmante se plus decuma non daturum, exoritur peculiare edictum unrepentinum, ne quis frumentum de area tolleret, ante

ACTIONIS IV.

quàm cum decumano pactus esset. ferebat hanc quoque iniquitatem Septitius, & imbri frumentum corrumpi in area patiebatur: cum illud edictum repente uberrimum, & quæstuosissimum nascitur: ut ante kal. Sext. omnes decumas ad aquam deportatas haberent. hoc edicto non Siculi, (nam eos quidem iam superioribus edictis satis perdiderat, atque afflixerat) sed illi ipsi equites R. qui suum ius retinere se contra Apronium posse erant arbitrati, splendidi homines, & alijs prætoribus gratiosi, uincti Apronio traditi sunt. attendite enim, cuiusmodi edicta sunt. Ne tollat, inquit, ex area, nisi erit pactus. satis hæc magna uis est ad inique paciscendum: malo enim plus dare, quàm non mature ex area tollere. at ista ui Septitium, & non nullos Septitij similes non coercet: qui ita dicunt: ne tollam potius, quàm paciscar. his hoc apponitur: Deportatum habeas ante kal. Sext. deportabo igitur. Nisi pactus eris, non commouebis. sic deportandi dies præstituta tollere cogebat ex area: cohibitio tollendi, nisi pactus esset, uim adhibebat pacti, non uoluntatem. Iam uero illud, non solum contra legem Hieronicam, nec solum contra consuetudinem superiorum, sed etiam contra omnia iura Siculorum, quæ habent a senatu, populoq. R. ne extra suum forum uadimonium promittere cogantur, statuit iste, ut arator decumano, quò uellet decumanus, uadimonium promitteret: ut hic quoque Apronio, cum ex Leontino usque Lilybæum aliquem uadaretur, ex miseris aratoribus calumniandi quæstus

stus accederet . quanquam illa fuit ad calumniam singulari consilio reperta ratio , quòd edixerat , ut aratores iugera sationum suarum profiterentur . quæ res cum ad pactiones iniquissimas magnam vim habuit , sicut ostendemus , nec ad ullam utilitatem reip . pertinuit , tum uero ad calumnias , in quas omnes inciderent , quos uellet Apronius . ut enim quisque contra uoluntatem eius dixerat , ita in eum iudicium de professione iugerum postulabatur . cuius iudicij metu magnus a multis frumenti numerus ablati , magnæq . pecuniæ coactæ sunt : non quo iugerum numerum uere profiteri esset difficile , aut amplius etiam profiteri : (quid enim in eo periculi esse posset ?) sed causa erat iudicij formidandi , quòd ex edicto professus nò esset . iudicium autem quod fuerit isto prætorè , si , quæ cohors , & qui comitatus fuerit , meministis , scire debetis . Quid igitur est , quod ex hac iniquitate nouorum edictorum intelligi uelim , iudices ? iniuriam ne factam socijs ? at uidetis . auctoritatem superiorum repudiatam ? non audebit negare . tantum Apronium isto prætorè potuisse ? confiteatur , necesse est . sed uos fortasse , quod uos lex commonet , id in hoc loco quæretis , num quas ex hisce rebus pecunias cepit . docebo , cepisse maximas ; omnesq . eas iniquitates , de quibus antea dixi , sui quæstus causa reperisse conuincam ; si prius illud propugnaculum , quo contra omnes meos impetus usurum se putat , ex defensione eius deiecero . Magno , inquit , decumas uenidi . quid ais ? an tu decumas , homo 'audacissime' ,

Z 4 atque

ACTIONIS IV.

atque amentissime, uendidisti? tu partes eas, quas te senatus populusq. R. uoluit, an fructus integros, atque adeo bona, fortunasq. aratorum omnes uendidisti? si palam præco iussu tuo prædicasset, non decumas frumenti, sed dimidias uenire partes; & ita emptores accessissent, ut ad dimidias partes emendas; si pluris uendidisses tu dimidias, quàm ceteri decumas: cuinam mirum uideretur? quid uero? si præco decumas pronunciauit; re uera, hoc est lege, edicto, condicione, plus etiam quàm dimidiæ uenierunt; tamen hoc tibi præclarum putabis, te pluris, quod non licebat, quàm ceteros, quod oportebat, uendidisse? Pluris uendidi decumas, quàm ceteri. quibus rebus id affecutus es? innocentia? aspice ad eam Castoris: deinde, si audes, fac mentionem innocentiae. diligentia? codicis lituras tui contemplare in Sthenij Thermitani nomine: deinde aude te dicere diligentem. ingenio? qui testes interrogari priore actione nolueris, & ijs tacitum os tuum præbere malueris; quamuis & te, & patronos tuos ingeniosos esse dicito. quare igitur id, quod ais, affecutus es? magna est enim laus, si superiores consilio uicisti, posterioribus exemplum, atque auctoritatem reliquisti. tibi fortasse idoneus fuit nemo, quem imitarere. at te uidelicet inuentorem rerum optimarum, ac principem, imitabuntur omnes. quis aratorum te prætor decumam dedit? quis duas? quis non maximo se affectum beneficio putauit, cum tribus decumis pro una defungeretur? præter paucos, qui propter societatem furtorum tuorum
nihil

nihil omnino dederunt. Vide, inter importunitatem tuam, senatusq. bonitatem quid intersit. senatus, cum temporibus reip. cogitur, ut decernat, ut altera decumæ exigantur, ita decernit, ut pecunia pro his decumis solvatur aratoribus; ut, quod plus sumitur quàm debetur, id emi, non auferri putetur. tu, cum tot decumas non S. C. sed novis edictis tuis, nefarijsq. institutis exigeres, & eriperes, magnum te fecisse arbitrare, si pluris uendideris, quàm L. Hortensius, pater istius Q. Hortensij, quàm Cn. Pompeius, quàm M. Marcellus: qui ab æquitate, ab lege, ab institutis non recesserunt. an tibi unius anni, aut biennij ratio habenda fuit; salus provinciæ, commoda rei frumentariæ, ratio reip. in posterum fuit negligenda? cum ita rem constitutam accepisses, ut & populo R. satis frumenti ex Sicilia suppeditaretur, & aratoribus tamen arare, atque agros colere expediret; quid effeciisti? quid assecutus es? ut præ-tore te nescio quid ad decumas accederet, deferendas arationes, relinquendasq. curaſti. successit tibi L. Metellus. tu innocentior, quàm Metellus? tu laudis, & honoris cupidior? tibi enim consulatus quærebatur, Metello paternus honor, & auitus negligebatur. multo minoris uendidit, non modo quàm tu, sed etiam quàm qui ante te uendiderunt. quæro, si ipse excogitare non poterat, quemadmodum quam plurimo uenderet: ne tua quidem recentia. proximi prætoris uestigia persequi poterat, ut tuis præclaris, abs te principe inuentis, & excogitatis, edictis at-

que

191 ACTIONIS IV.

que institutis uteretur? ille uero tum se Metellum minime fore putasset, si te ulla in re imitatus esset. qui ab urbe Roma, quod nemo unquam post hominum memoriam fecit, cum sibi in prouinciam proficiscendum putaret, litteras ad Siciliae ciuitates misit, per quas hortatur, & rogat, ut arent, ut serant in beneficio populi R. hoc petit aliquanto ante aduentum suum: & simul ostendit se lege Hieronica uenditurum, hoc est in omni ratione decumarum nihil isti simile facturum. atque hæc non cupiditate aliqua scribit adductus, ut in alienam prouinciam mittat litteras ante tempus, sed consilio, ne, si tempus sationis præterisset, granum in prouincia Sicilia nullum haberemus. Cognoscite Metelli litteras. Recita. EPISTOLA L. METELLI. Hæ litteræ, iudices, L. Metelli, quas audistis, hoc, quantum est, ex Sicilia frumenti hornotini exarauerunt. glebam commosset in agro decumano Siciliae nemo, si Metellus hanc epistolam non misisset. quid, Metello diuinitus hoc uenit in mentem, an ab Siculis, qui Romam frequentissimi conuenerant, negotiatoribusq. Siciliae doctus est? quorum quanti conuentus ad Marcellos, antiquissimo Siciliae patronos, quanti ad Cn. Pompeium, consulem designatum, ceterosq. illius prouinciæ necessarios fieri soliti sint, quis ignorat? quod quidem iudicium nullo unquam de homine factum est, ut absens accusaretur ab ijs palam, quorum in bona, liberosq. summum imperium, potestatemq. haberet. tanta uis erat iniuriarum, ut homines quiduis perpeti, quàm non de istius

stius prauitate, & iniurijs deplorare, & conqueri
 mallent. quas litteras cum ad omnes ciuitates prope
 suppliciter misisset Metellus, tamen antiquum mo-
 dum sationis nulla ex parte exsequi potuit. diffuge-
 rant enim permulti, id quod ostendam: non solum a-
 rationes, sed etiam sedes suas patrias, istius iniurijs
 exagitati, reliquerant. non meherecule criminis au-
 gendi causa dicam, iudices: sed quem accepi ipse oculo-
 lis, animoq. sensum, hunc uere apud uos, & ut po-
 tero planissime exponam. nam cum quadriennio post
 in Siciliam uenissem, sic mihi affecta uisa est, ut eae
 terrae solent, in quibus bellum acerbum, diuturnuq.
 uersatum est. est quos ego campos antea, collesq. ni-
 tidissimos, uiridissimosq. uidissem, hos ita uastatos
 nunc, ac desertos uidebam, ut ager ipse cultorem de-
 siderare, ac lugere dominum uideretur. Herbiten-
 sis ager, Ennensis, Murgentinus, Assorinus, Ma-
 charensis, Agyrinensis ita relictus erat ex maxima
 parte, ut non solum iugerum, sed etiam dominorum
 multitudinem quæreremus. Aetnensis uero ager,
 qui solebat esse cultissimus, & quod caput est rei fru-
 mentariae, campus Leontinus, cuius antea species
 haec erat, ut, cum oblitum uidisses, annonae carita-
 tem non uererere, sic erat deformis, atque horridus,
 ut in uberrima Siciliae parte Siciliam quæreremus.
 labefactarat enim uehementer aratores iam supe-
 rior annus, proximus uero funditus euerterat. Tu
 mihi etiam audes mentionem facere decumarum? tu
 in tanta acerbitate, in tot, & tantis iniurijs, cum
 in

231 ACTIONIS IV.

in arationibus , & in earum rerum iure prouincia Si-
cilia consistat , euersis . funditus aratoribus , relictis
agris , cum in prouincia tam locuplete , ac referta ,
non modo rem , sed ne spem quidem ullam reliquam
cuiquam feceris , aliquid te populare putabis habe-
re , cum dices te pluris , quàm ceteros , decumas uen-
didisse ? quasi uero aut populus R. hoc uoluerit , aut
senatus hoc tibi mandauerit , ut , cum omnes arato-
rum fortunas decumarum nomine eriperes , in poste-
rum fructu illo , commodoq. rei frumentariæ populi
R. priuares ; deinde , si quam partem tuæ prædæ ad
summam decumarum addidisses , bene de populo R.
meritus uiderere . Atque hæc perinde loquor , quasi
in eo sit iniquitas eius repræbendenda , quòd propter
gloriæ cupiditatem , ut aliquos summa decumarum
uinceret , acerbiores leges , duriora edicta interpo-
suerit , omnium superiorum auctoritatem repudiarit .
Magno tu decumas uendidisti . quid , si doceo te non
minus domum tuam auertisse , quàm Romam misisse
decumarum nomine ? quid habet populare ratio tua ,
cum ex prouincia populi R. æquam partem tu tibi
sumpseris , atque populo R. miseris ? quid , si , dua-
bus partibus , doceo , te amplius frumenti abstulisse ,
quàm populo R. misisse ? tamen ne putamus patro-
num tuum in hoc crimine ceruiculam iactaturum , et
populo se ad coronam daturum ? Hæc uos antea , iu-
dices , audistis , uerum fortasse ita audistis , ut aucto-
rem rumorem haberetis , sermonemq. omnium . co-
gnosce nunc innumerabilem pecuniam frumentario
no-

nomine ereptam, ut simul illam quoque eius uocem improbam agnoscatis; qui se uno quæstu decumarum omnia sua pericula redempturum esse dicebat. Audiuius hoc iam diu, iudices: nego quenquam esse uestrum, quin sæpe audierit, socios istius fuisse decumanos. nihil aliud arbitror in istum falso esse dictum ab ijs, qui male de isto existimarint, nisi hoc. nam socij putandi sunt, quos inter res communicata est. ego rem totam, fortunasq. aratorum omnes istius fuisse dico: Apronium, Veneriosq. seruos, quod isto prætore fuit nouum genus publicanorum, ceterosq. decumanos, procuratores istius quæstus, & ministros rapinarum dico fuisse. Quo modo hoc doces? quo modo ex locatione illa columnarum docui istum esse prædatum? opinor ex eo maxime, quod iniquam legem, nouam dixisset. quis enim unquam conatus est iura omnia, & consuetudinem omnium commutare cum uituperatione, sine quæstu? Pergam, atque insequar longius. iniqua lege uendebas, quo pluris uenderes. cur, iam addictis, & uenditis decumis, cum iam ad summam decumarum nihil, ad tuum quæstum multum posset accedere, subito atque ex tempore noua nascebantur edicta? nam ut uadimonium decumano, quocunque is uellet, promitteretur; ut ex area, nisi pactus esset, arator ne tolleretur; kal. Sext. decumas deportatas haberent; hæc omnia, iam uenditis decumis, anno tertio te edixisse dico. quæ si reip. causa faceres, in uendendo essent pronunciata: quia tua causa faciebas, quod erat imprudentia pretermis-

sum,

sum, id, quæstu, ac tempore admonitus, reprehendi. Illud uero cui probari potest, te sine tuo quæstu, ac maximo quæstu, tantam tuam infamiam, tantum capitis tui, fortunarumq. periculum neglexisse? ut, cum totius Siciliae quotidie gemitus, querimoniasq. audires; cum, ut ipse dixisti, reum te fore putares; cum huiusce iudicii discrimen ab opinione tua non abhorreret, paterere tamen aratores indignissimis iniurijs uexari, ac diripi. profecto, quam es singulari crudelitate, & audacia, tamen abs te totam alienari provinciam, tot honestissimos tibi inimicissimos fieri nolles, nisi hanc rationem, & cogitationem salutis tuæ, pecuniæ cupiditas, ac præsens illa præda superaret. etenim, quoniam summam, & numerum iniuriarum, iudices, uobis non possum exponere, sigillatim autem de uniuscuiusque incommodo dicere infinitum est; genera ipsa iniuriarum, quæso, cognoscite. Nympho est Centuripinus, homo nauus, & industrius, experientissimus, ac diligentissimus arator. is cum arationes magnas conductas haberet, quod homines etiam locupletes, sicut ille est, in Sicilia facere consueuerunt; easq. magna impensa, magno instrumento tueretur; tanta ab isto iniquitate oppressus est, ut non modo arationes relinqueret, sed etiam ex Sicilia profugeret, Romamq. cum multis una ab isto eiectis ueniret. fecit, ut decumanus Nymphonem uocaret ex edicto, illo præclaro; quod nullam ad aliam rem, nisi ad huiusmodi quæstus, pertinebat; numerum iugerum professum non esse.

esse. Nympho cum se uellet a quo iudicio defendere, iste uiros optimos recuperatores dat, eundem illum medicum Cornelium, (is est Artemidorus Pergæus, qui in sua patria dux isti quondam, & magister ad despoliandum Dianæ templum fuit) & haruspicem Volusianum, & Valerium præconem. Nympho, ante quàm plane constitit, condemnatur. quanti, fortasse quæritis. nulla erant edicti pœna certa. frumenti eius omnis, quod in areis esset. sic Apronius decumanus non decumam debitam, non frumentum remotum, atque cælatum, sed tritici septem millia medimnum ex Nymphonis arationibus edicti pœna, non redemptionis aliquo iure tollit. Xenonis Meneni, nobilissimi hominis, uxoris fundus erat colono locatus: colonus, quòd decumanorum iniurias ferre non poterat, ex agro profugerat. Verres in Xenonem iudicium dabat illud suum damnatorium de iugerum professione. Xenon ad se pertinere negabat, fundum elocatum esse dicebat. dabat iste iudicium; si pareret iugera eius modo fundi esse plura, quàm colonus esset professus, tum Xeno damnaretur. dicebat ille, non modo non arasse se id, quod in satis erat, sed nec dominum eius esse fundi, nec locatorem; uxorem esse, eam ipsam suum negotium gerere, ipsam locauisse. defendebat Xenonem, homo summo splendore, & summa auctoritate præditus, M. Cossenius. iste nihilominus iudicium HS LXX dabat. ille tametsi recuperatores de cohorte latronum sibi parari uidebat; tamen iudicium accepturum se esse dicebat. tum

iste

ACTIONIS IV.

iste magna uoce Venerijs imperat, ut Xenonem adirent; dum res iudicaretur, hominem ut asseruarent; cum iudicatum sit, ad se adducant. & illud simul dixit, se non putare illum, si propter diuitias pœnas damnationis contemneret, etiam uirgas contemnere. hac ille ui, et hoc metu adductus tantum decumanis, quantum iste imperauit, exsoluit. Polemarchus est Murgentinus, uir bonus, atque honestus. is, cum, pro iugeribus quinquaginta, medimna DCC decumæ imperarentur, quod recusabat, domum ad istum in ius deductus est; & cum iste iam cubaret, in cubiculum introductus est; quod, nisi mulieri, & decumana, patebat alij nemini. ibi cum pugnis, & calcibus concussus esset, qui DCC medimnis decidere noluisse, mille promisit. Ebulides est Grosphus Centuripinus, homo cum uirtute, & nobilitate domi suæ, tum etiam pecunia princeps. huic homini, iudices, honestissimæ ciuitatis honestissimo, non modo frumenti scitote, sed uitæ, & sanguinis tantum relictum esse, quantum Apronij libido tulit. nam ui, malo, plagis adductus est, ut frumenti daret, non quantum haberet, sed quantum cogeretur. Sostratus, & Numenius, & Nymphodorus eiusdem ciuitatis, cum ex agris tres fratres consortes profugissent, quod ijs plus frumenti imperabatur, quàm quantum exararant; hominibus exactis, in eorum arationes Apronius uenit, omne instrumentum diripuit, familiam abduxit, pecus abegit. postea, cum ad eum Nymphodorus uenisset Ennam; & oraret, ut sibi sua restituerentur; hominem corri-

corripi, ac suspendi iussit in oleastro quadam, quæ est arbor, iudices, in foro. tam diu pependit in arbore socius, amicusq. populi R. in sociorum urbe, ac foro colonus, aratorq. uester, quàm diu uoluntas Apronij tulit. Genera iam dudum innumerabilium iniuriarum, iudices, singulis nominibus profero: infinitam multitudinem iniuriarum prætermitto. uos ante oculos, animosq. uestros tota Sicilia decumanorum hos impetus, aratorum direptiones, huius importunitatem, Apronij regnum proponite. Contempsit Siculos: non duxit homines: nec ipsos ad persequendum uehementes fore, & uos eorum iniurias leuiter laturos existimauit. esto: falsam de illis habuit opinionem, malam de uobis. ueruntamen, cum de Siculis male mereretur, ciues R. coluit, his indulsit, eorum uoluntati & gratiæ deditus fuit. iste ciues R. at nullis inimicior, aut infestior fuit. mitto uincla, mitto carcerem mitto uerbera, mitto secures, crucem denique illam prætermitto, quam iste ciuibus R. testem humanitatis in eos, ac beneuolentiæ suæ uoluit esse: mitto, inquam, hæc omnia, atque in aliud dicendi tempus reijcio: de decumis, de ciuium R. condicione in arationibus disputo. qui quemadmodum essent accepti, iudices, audistis ex ipsis: bona sibi erepta esse dixere. uerum hæc, quoniam huiusmodi casus affuit, ferenda sunt, nihil ualuisse æquitatem, nihil consuetudinem: damna denique, iudices, nulla iata sunt, quæ non uiri fortes, magno, & libero animo affecti, ferenda arbitrentur. quid, si equitibus R. non obscu-

AA ris,

A C T I O N I S I V .

ris, neque ignotis, sed honestis, & illustribus manus ab Apronio, isto pratore, sine ulla dubitatione afferebantur? quid exspectatis? quid a me amplius dicendum putatis? an id agendum, ut eo celerius de isto transigamus, quo maturius ad Apronium possimus, id quod ego illi iam in Sicilia pollicitus sum, uenire? qui C. Matrinium, iudices, summa uirtute hominē, summa industria, summa gratia, Leontinis in publico biduum tenuit. atque ab Apronio, iudices, homine in dedecore nato, ad turpitudinem educato, ad Verris flagitia, libidinesq. accommodato, equitem R. scitote biduum cibo, tectoq. prohibitum, biduum Leontinis in foro custodijs Apronij retentum, atque seruatum, neque ante dimissum, quam ad condiciones eius depactus est. Nam quid ego de Q. Lollio, iudices, dicam, equite R. spectato, atque honesto? clara res est, quam dicturus sum, tota Sicilia celeberrima, atque notissima. qui cum araret in Ennensi, cum is ager Apronio cum ceteris agris esset traditus, equestri uetere illa & auctoritate, & gratia fretus affirmavit, se decumanis plus, quam deberet, non datum, refertur eius sermo Apronio. enimvero iste ridere, ac mirari Lollium nihil de Matrinio, nihil de ceteris rebus audisse. mittit ad hominem Venerios. (hoc quoque attendite, apparitores a pratore assignatos habuisse decumanum: si mediocre argumentum uideri potest, istum decumanorum nomine ad suos quaestus esse abusum) adducitur a Venerijs, atque adeo attrahitur Lollius, commode, cum Apro-
nius

nus e palæstra redisset, & in triclinio, quod in foro Ennæ strauerat, decubisset. statuitur Lollius in illo tempestiuo gladiatorum conuiuio. non mehercule, quæ loquor, crederem, iudices, tametsi uulgo audieram, nisi mecum ipse senex, cum mihi, atque huic uoluntati accusationis meæ lacrymans gratias ageret, summa cum auctoritate esset locutus. statuitur, ut dico, eques R. prope annos LXXX natus in Apronij conuiuio, cum interea Apronius caput, atque os suum unguento perfricaret. quid est Lolli, inquit? tu, nisi malo coactus, recte facere nescis? homo, quid ageret, taceret, responderet, quid faceret denique, illa auctoritate, & ætate præditus nesciebat. Apronius interea cenam, ac pocula poscebat. serui autem eius, qui & moribus iisdem essent, quibus dominus, & eodem genere, ac loco nati, præter oculos Lollij hæc omnia ferebant. ridere conuiuæ, cachinnari ipse Apronius. nisi forte existimatis, eum in uino, ac luxu non risisse, qui nunc in periculo, ac exitio suo risum tenere non possit. ne multa, iudices: his contumelijs scitote Q. Lollium coactum ad Apronij leges, condicionesq. uenisse. Lollius ætate, & morbo impeditus, ad testimonium dicendum uenire non potuit. quid opus est Lollio? nemo hoc nescit: nemo tuorum amicorum, nemo abs te productus, nemo abs te interrogatus, nunc se primum hoc dicet audire. M. Lollius, filius eius, adolescens leëtissimus, præsto est: huius uerba auditis. nam Q. Lollius eius filius, qui Calidum accusauit, adolescens & bonus, & fortis, &

A C T I O N I S I V .

*in primis disertus, cum his iniurijs contumelijsq. com-
motus in Siciliam esset profectus, in itinere occisus
est. cuius mortis causam fugitivi sustinent: re qui-
dem uera nemo in Sicilia dubitat, quin eo sit occisus,
quod habere clausa non potuerit sua consilia de Ver-
re. iste porro non dubitabat, quin is, qui antea alium
studio adductus accusasset, sibi aduenienti prae-
stus esset futurus, cum esset parentis iniurijs, & domestico do-
lore commotus. Iam ne intelligitis, iudices, quae pe-
stis, quae immanitas in uestra antiquissima, fidelissi-
ma, proximaq. prouincia uersata sit? iam ne uide-
tis, quam ob causam Sicilia, tot hominum antea fur-
ta, rapinas, iniquitates, ignominiasq. perpe-
ssa, hoc non potuerit nouum, ac singulare, atque incredibile
genus iniuriarum, contumeliarumq. ferre? iam om-
nes intelligunt, cur uniuersa prouincia defensorem
suae salutis eum quaesuit, cuius iste fidei, diligentiae,
perseuerantiae nulla ratione eripi possit. tot iudicijs
interfuitis: tot homines nocentes, & improbos ac-
cusatos & uestra, & superiorum memoria scitis esse:
ecquem uidistis, ecquem audistis in tantis furtis, in
tam apertis, in tanta audacia, tanta impudentia esse
uersatum? Apronius stipatores Venerios secum ha-
bebat: ducebat eos circum ciuitates: publice sibi con-
uiuia parari, Sterni triclinia etiam in foro iubebat,
eò conuocari homines honestissimos, non solum Sicu-
los, sed etiam equites R. ut, quocum inire conuiuium
nemo unquam, nisi turpis, impurusque, uoluisset, ad
eius conuiuium spectatissimi, atque honestissimi uiri
tenderentur.*

I
tenderent
me, ac pe
cum uide
tanto pe
& tanti
mo inque
ut nūqu
cogitat
quantu
per agri
non solu
ciuitatis
lios ex a
ro alios
condemna
na tamen
gris aufer
riant? po
cia subur
que, si A
inquam, i
gitiuorum
quid publi
audistis
& reliq
populo,
rimensis
num ante
aratorum

tenerentur. Hæc tu omnium mortalium profligatissime, ac perditissime cum scires, cum audires quotidie, cum uideres; si sine tuo maximo quæstu fierent, cum tanto periculo tuo fieri paterere, atque concederes? & tantum apud te quæstus Apronij, tantum eius sermo inquinatissimus, & blanditiæ flagitiosæ ualerût, ut nûquam animum tuum cura tuarum fortunarum, cogitatioq. tangeret? Cernitis, iudices, quod, & quantum incendium decumanorum impetu nō solum per agros, sed etiam per reliquas fortunas aratorû, non solum per bona, sed etiam per iura libertatis, & ciuitatis isto prætore peruasit. uidetis pendere alios ex arbore, pulsari autem alios, & uerberari, porro alios in publico custodiri, destitui alios in conuiuio, condemnari alios a medico, & præcone prætoris, bona tamen interea nihilo minus eorum omnium ex agris auferri, ac diripi. quid? est hoc populi R. imperium? populi R. leges? iudicia? socij fideles? prouincia suburbana? non ne omnia potius eiusmodi sunt, quæ, si Athenio uicisset, in Sicilia non fecisset? non, inquam, iudices esset ullam partem istius nequitie fugitiuorum insolentia consecuta. Priuatim hoc modo. quid publice? ciuitates quemadmodû tractatæ sunt? audistis permulta indicia, & testimonia ciuitatum, & reliquarum audietis. ac primum de Agyrinensi populo, fideli, & illustri, breuiter cognoscite. Agyrinensis est in primis honesta ciuitas Siciliæ, hominum ante hunc prætorem locupletium, summorumq. aratorum. eius agri decumas cum emisset idem A-

AA 3 pronius,

ACTIONIS IV.

pronius, Agyrium uenit . qui cum eò cum apparitoribus, id est cum minis, ac ui uenisset, poscere pecuniā grandem cœpit, ut accepto lucro discederet . nolle se negotij quidquam habere dicebat, sed, accepta pecunia, quamprimum aliam ciuitatem occurrere . sunt omnes Siculi non contemnendi, si per nostros magistratus liceat, sed homines & satis fortes, & satis plane frugi, ac sobrij, & in primis hæc ciuitas, de qua loquor, iudices . itaque homini in primis improbissimo respondent Agyrinenses, sese decumas ei, quemadmodum deberent, daturos, lucrum, cum ille magno præsertim emisset, non addituros . Apronius certiore facit istum, cuius res erat, quid rei esset . statim, tanquam coniuratio aliqua Agyrij contra remp. facta, aut legatos prætoris pulsatus esset, ita Agyrio magistratus, & quinque primi accitu istius euocantur . ueniunt Syracusas : præsto est Apronius : ait eos ipsos, qui uenissent, contra edictum prætoris fecisse . quærebant, quid? respondebat, se ad recuperatores esse dicturum . iste, æquissimus homo, formidinem illam suam miseris Agyrinensibus iniciebat, recuperatores se de cohorte sua daturum minabatur . Agyrinenses, uiri fortissimi, iudicium se passuros esse dicebant . ingerebat iste Artemidorum medicum Cornelium, præconem Tlepoleum, & eiusmodi recuperatores : quorum ciuis R. nemo erat, sed Græci sacri legi, iam pridem improbi, repente Cornelij . uidebant Agyrinenses, quidquid ad eos recuperatores Apronius attulisset, illum perfacile probaturum : conde-

mnari

damari cū istius inuidia, infamiaq. malebant, quā ad
 eius condiciones, pactionesq. accedere. quærebant,
 quæ in uerba recuperatores daret: respondebat, si pa-
 reret aduersus edictum fecisse, quæ in iudicio dictu-
 rum esse dicebat. iniquissimis uerbis, improbissimis
 recuperatoribus, conflictari malebant, quā quid-
 quam cum isto sua uoluntate decidere. summittebat
 iste Timarchidem, qui moneret eos, si scirent, ut
 transigerent. pernegabant. quid ergo? in singulos
 HS quinquagenis millibus damari mauultis? mal-
 le dicebant. tum iste, clare omnibus audientibus, qui
 damnatus erit, inquit, uirgis ad necem cadetur. hic
 illi flentes rogare, atque orare cœperunt, ut sibi suas
 segetes, fructusq. omnes, arationesq. uacuas Apro-
 nio tradere liceret, ut ipsi sine ignominia, molestiaq.
 discederent. Hac lege, iudices, decumas uendidit Ver-
 res. dicat licet Hortensius, si audet, magno Verrem
 uendidisse. hæc condicio fuit isto prætoris aratorum,
 ut secum præclare agi arbitrarentur, si uacuos agros
 Apronio tradere liceret. multas enim cruces propo-
 sitas effugere cupiebant. quantum Apronius edidisset
 deberi, tantum ex edicto dandum erat. etiam ne
 si plus edidisset, quā quantum natum esset? etiam.
 quo modo? magistratus ex ipsius edicto exigere debe-
 bant. at arator repetere poterat. uerum Artemi-
 doro recuperatore. quid, si minus arator dedisset,
 quā poposcisset Apronius? iudicium in aratorem
 in quadruplum. ex quo iudicium numero? ex cohorte
 prætoris, præclara, honestissimorum. quid am-

A A 4 plus?

ACTIONIS IV.

plus ? minus te ingerum professum esse dico : recuperatores reijce, quod aduersum edictū feceris. ex quo numero ? ex eadem cohorte . quid erit extremum ? si damnatus eris, (nam dubitatio damnationis, illis recuperatoribus, quæ poterat esse ?) uirgis te ad necē cædi necesse erit . His legibus, his condicionibus, erit quisquam tam stultus, qui decumas uenisse arbitretur ? qui aratori nouē partes reliquas factas esse existimet ? qui non intelligat, istum sibi quæstui, prædæque habuisse bona, possessiones, fortunas aratorum ? Virgarum metu Agyrinenses, quod imperatum esset, facturos se esse dixerunt . accipite nunc, quid imperarit : & dissimulate, si potestis, uos intelligere, ipsum prætorem, quod tota Sicilia perspexerit, redemptorem decumarum, atque adeo aratorum dominum, ac regē fuisse. Imperat Agyrinensibus, ut decumas ipsi publice accipiant, Apronio lucrum dent . si magno emerat ; quoniam tu es, qui diligentissime pretium exquisisti, qui, ut ais, magna uendidisti ; quare putabas emptori lucrum addi oportere ? esto : putabas . quamobrem imperabas . ut adderent ? quid est aliud capere, & conciliare pecunias, in quo te lex tenet, si hoc non est, ui, atque imperio cogere inuitos lucrum dare alteri, hoc est pecuniam dare ? Age, quid tum ? si Apronio, delicijs prætoris, lucelli aliquid iussi sunt dare, putate Apronio datum, si Apronianum lucellum, ac non prætoria præda uobis uidebitur . Imperas, ut decumas accipiant ; Apronio dent lucrum, tritici medimnum xxxiii . quid est hoc ? una ciuitas,

tas, ex uno agro plebis Romanæ, prope menstrua ci-
 baria, prætoris imperio, donare Apronio cogitur.
 tu magno decumas uendidisti; cum tantum lucri de-
 cumano sit datum? perfectò, si pretium exquisisses di-
 ligenter, tum, cum uendebas, \overline{x} medimnum potius
 addidissent, quàm HS \overline{DC} postea. Magna præda ui-
 detur: audite reliqua, & diligenter attendite; quo-
 minus miremini Siculos re necessaria coactos auxi-
 lium a patronis, a consulibus, ab senatu, ab legibus,
 a iudicijs petiuisse. Vt probaret Apronius hoc triti-
 cum, imperat Agyrinensibus Verres, uti in medimna
 singula dentur Apronio HS tres. quid est hoc? tan-
 to numero frumenti in lucri nomen imperato, expres-
 so, nummi præterea exigentur, ut probetur frumen-
 tum? an poterat non modo Apronius, sed quiuis,
 exercitui si metiundum esset, improbare Siculum fru-
 mentum, quod illi ex area, si uellet, admetiri lice-
 bat? frumenti tantus numerus imperio tuo datur,
 & cogitur. non est satis. nummi præterea imperan-
 tur. dantur. parum est. pro decumis hordei, alia pe-
 cunia cogitur. iubes HS \overline{xxx} lucri dari. ita ab una
 ciuitate, ui, minis, imperio, iniuriaq. prætoris,
 eripiuntur tritici medimnum \overline{xxxiii} , & præterea
 HS \overline{cxxi} . an hæc obscura sunt? aut, si omnes ho-
 mines uelint, obscura esse possunt? quæ tu palam egi-
 sti: in conuentu imperasti: omnibus inspectantibus
 coegisti: qua de re Agyrinenses magistratus, & quin-
 que primi, quos tui quæstus causa euocasti, acta, &
 imperia tua domum ad senatum suum renunciaue-
 runt:

ACTIONIS IV.

runt : quorum renunciatio legibus illorum , litteris publicis mandata est : quorum legati , homines nobilissimi , Romæ sunt , qui hoc idem pro testimonio dixerunt . Cognoscite Agyrinensium publicas litteras , deinde testimonium publicum ciuitatis . Recita . LITTERAE PVBLICAE . TESTIMONIUM PVBLICVM . Animaduertistis in hoc testimonio , iudices , Apollodorum , cui Pyragro cognomen est , principem suæ ciuitatis , lacrymantem testari , ac dicere , nunquam , post populi R. nomen ab Siculis auditum , & cognitum , Agyrinenses contra quenquam infimum ciuem R. dixisse , aut fecisse quippiam ; qui nunc contra prætorem populi R. magnis iniurijs , & magno dolore , publice testimonium dicere cogerentur . uni mehercule huic ciuitati Verres obsistere tua defensione non potes : tanta auctoritas est in eorum hominum fidelitate , tantus dolor iniuriæ , tanta religio in testimonio . uerum non una te , sed uniuersæ similibus afflictæ incommodis , legationibus , ac testimonijs publicis persequentur . etenim deinceps uideamus , Herbitensis ciuitas honesta , & antea copiosa , quemadmodum spoliata ab isto , ac uexata sit . at quorum hominum ? summorum aratorum , remotissimorum a foro , iudicijs , & contro- uersiis : quibus parcere , & consulere homo impurissime , & quod genus hominum studiosissime conserua- re debuisti . primo anno uenierunt eius agri decumæ tritici medimnum XVIII M. accensus istius , item minister in decumis , cum emisset , & præfecti nomine cum

cum uenisset Herbitam cum Venerijs, locusq. ei publice, quo diuerteretur, datus esset: coguntur Herbitenses ei lucri dare tritici medimnum XXXVII, cum decumæ uenissent tritici modium XVIII. atque hoc triticum lucri coguntur dare publice; cum iam priuatim aratores ex agris spoliati, atque exagitati decumanorum iniurijs profugissent. anno secundo cum emisset Apronius decumas tritici modium XXV, & ipse Herbitam cum illa prædonum copia, manuq. uenisset: populus publice coactus est ei conferre lucri tritici modium XXVI, & accessionem HS CIO CIO. de accessione dubito an Apronio ipsi data sit merces operæ, pretiumq. impudentiæ. de tritici quidem numero tanto, quis potest dubitare, quin ad istum prædonem frumentarium, sicut Agyrinense frumentum, peruenerit? Anno uero tertio in hoc agro consuetudine usus est regia. solere aiunt barbaros reges Persarum, ac Syrorum plures uxores habere; his autem uxoribus ciuitates attribuere, hoc modo: hæc ciuitas mulieri in redimiculum præbeat, hæc in collum, hæc in crines. ita populos habent uniuersos non solum conscios libidinis suæ, uerum etiam administratos. eandem istius, qui se regem Siculorum esse dicebat, licentiam, libidinemq. fuisse cognoscite. Aeschrionis Syracusani uxor est Pipa, cuius nomen, istius nequitia, tota Sicilia peruulgatum est: de qua muliere uersus plurimi supra tribunal, & supra prætoris caput scribebantur. hic Aeschrio, Pippæ uir adumbratus, in Herbitensibus decumis nouus instituitur

ACTIONIS IV.

tuitur publicanus. Herbitenses cum uiderent, si ad Aeschrionem prætium redisset, se ad arbitrium libidinosisissimæ mulieris spoliatum iri, liciti sunt usque eò, quoad se efficere posse arbitrabantur. supra adiecit Aeschrio. neque enim metuebat, ne, prætor Verre, decumana mulier damno affici posset. addicitur medimnum xxxv millibus, dimidio fere pluris, quàm superiore anno. aratores funditus euertebantur, & eo magis, quòd iam superioribus annis exhausti erant, ac pæne perdit. intellexit iste ita magno uenisse, ut amplius ab Herbitensibus exprimi non posset. demit de capite medimnum CIO CIO CIO: iubet in tabulas, pro medimnum xxxi, referri xxxi, & cccc. hordei decumas eiusdè agri Docimus emerat. hic est Docimus, qui ad istum deduxerat Tertiam, Isidori mimi filiam, ui abductam ab Rhodio tibicine. huius Tertiæ plus etiam, quàm Pippæ, plus quàm ceterarum, ac prope dicam tantum apud istum in Siciliensi prætura auctoritas ualuit, quantum in urbana Chelidonis. Veniunt Herbitam duo prætoris æmuli non molesti, muliercularum deterrimarum improbissimi cognitores: incipiunt postulare, poscere, minari: non poterant tamen, cum cuperent, Apronium imitari: Siculi Siculos non tam pertimescebant. cum omni ratione tamen illi calumniarentur, promittunt Herbitenses uadimonium Syracusas. eò posteaquam uentum est, coguntur Aeschrioni, id est Pippæ, dare tantum, quantum * erat de capite demptum, tritici medimnum DC.

mu

mulierculæ publicanæ noluit ex decumis nimium lucri dare, ne forte ab nocturno suo quæstu animum ad uectigalia redimenda transferret. transactum putabant Herbitenses, cum iste, quid de hordeo, inquit, et Docimo, amiculo meo? quid cogitatis? at hoc agebat in cubiculo, iudices, atque in lectulo suo. negabant illi sibi quidquam esse mandatum. non audio: numerate HS xv. quid facerent miseri? aut quid recusarent? præsertim cum in lectulo decumanæ mulieris uestigia uiderent recentia, quibus illum inflammari ad perseuerandum intelligebant. ita ciuitas una sociorum, atque amicorum, duabus deterrimis mulierculis, Verre prætore, uectigalis fuit. Atque ego nunc, eum frumenti numerum, & eas publice pecunias decumanis ab Herbitensibus datas esse dico. quo illi frumento, & quibus pecunijs tamē a decumanorum iniurijs ciues suos non redemerunt. perditis enim, & direptis aratorum bonis, hæc decumanis merces dabatur, ut aliquando ex eorum agris, atque ex urbibus abirent. itaque cum Philinus Herbitensis, homo disertus, & prudens & domi nobilis, de calamitate aratorum, & de fuga, & de reliquorum paucitate publice diceret; animaduertisti, iudices, gemitum populi R. cuius frequentia huic causæ nunquam defuit. qua de paucitate aratorum alio loco dicam. nunc illud, quod pæne præterij, non omnino relinquendum uidetur. Nam, per deos immortales, quod de capite ipso dempsit, quo tandem modo ferendum, uerum etiam animaduertendum uidetur?

unius

ACTIONIS IV.

unus adhuc fuit post Romam conditam (dij immortales faxint, ne sit aliter) cui res p. totam tradidit, temporibus coacta, & malis domesticis, L. Sylla. hic tantum potuit, ut nemo, illo inuito, nec bona, nec patriam, nec uitam retinere posset: tantum animi habuit ad audaciam, ut dicere in concione non dubitaret, bona ciuium R. cum uenderet, se praedam suam uendere. eius omnes res gestas non solum obtinemus, uerum etiam, propter maiorum incommodorum, & calamitatum metum, publica auctoritate defendimus. unum hoc illius S. C. reprehensum: decretumque est, ut, quibus ille de capite dempsisset, ij pecunias in aerarium referrent. statuit senatus, hoc ne illi quidem esse licitum, cui concesserat omnia, a populo factarum, quaesitarumque rerum summas imminuere. illum uiris fortissimis iudicarunt patres conscripti dimittere de summa non potuisse: te mulieri deterrimae recte remisisse senatores iudicabunt? ille, de quo lege populus R. iusserat, ut ipsius uoluntas populo R. esset pro lege, tamen in hoc uno genere, ueterum religione legum reprehenditur: tu, qui omnibus legibus implicatus, tenebare, libidinem tibi tuam pro lege esse uoluisti? in illo reprehenditur, quod ex ea pecunia remisit, quam ipse quaesierat: tibi conceditur, qui de capite uectigalium populi R. remisisti? Atque in hoc genere audaciae multo etiam impudentius in decumis Segestenensium uersatus est, quas cum addixisset eidem illi Docimo, hoc est tritici modium quinque millibus, & accessionem adscripsisset HS

MD;

MD; coegit Segestenses a Docimo tantidem publice accipere. id quod ex Segestensium publico testimonio cognoscite. Recita. TESTIMONIUM PVBLICVM. Audistis, quanti decumas acceperit a Docimo ciuitas, tritici modium quinque millibus, & accessionem: cognoscite nunc, quanti se uendidisse retulerit. LEX DECVMIS VENDVNDIS C. VERRE PR. Hoc nomine uidistis tritici modium MMM. de capite esse dempta. quæ cum de populi R. uictu, de uectigalium neruis, de sanguine detraxisset ærarij; Tertiæ mimæ condonauit. utrum, impudentius a socijs abstulit, an turpius meretrici dedit? an improbius populo R. ademit? an audacius tabulas publicas commutauit? ex horum seueritate te ulla uis, aut ulla largitio eripiet? sed si eripuerit, non intelligis hæc, quæ iam dudum loquor, ad aliam quæstionem, atque ad peculatus iudicium pertinere? itaque hoc mihi reseruabo genus integrum totum: ad illam, quam institui, causam frumenti, ac decumarum reuertar. Qui cum agros maximos, ac feracissimos per se ipsum, hoc est per Apronium, Verrem alterum, depopularetur; ad minores ciuitates, habebat alios, quos, tanquam canes, immitteret, nequam homines, & improbos, quibus aut frumentum, aut pecuniam publice cogeat dari. A. Valentius est in Sicilia interpres, quo iste interprete non ad linguam græcam, sed ad furti, & flagitia uti solebat. fit interpres hic, homo leuis, atque egens, repente decumanus: emit agri Liparensis, miseri, atque ieiuni, decu-

ACTIONIS IV.

decumas tritici medimnis DC. Liparenſes uocantur: ipſi accipere decumas, & numerare Valentio coguntur lucri HS xxx millia. Per deos immortales, utrum tibi ſumes ad deſenſionem? tanto ne minoris tibi decumas ueniſſe, ut ad medimna DC HS xxx millia lucri ſtatim ſua uoluntate ciuitas adderet, hoc eſt tritici medimnum II millia: an, cum magno decumas uendidiſſes, te expreſſiſſe ab inuitis Liparenſibus hanc pecuniam? ſed quid ego ex te quaero, quid deſenſurus ſis, potius, quàm cognoscam ex ipſa ciuitate quid geſtum ſit? Recita teſtimonium publicum Liparenſium: deinde, quèamodum Valentio nūmi ſint dati. TESTIMONIUM PUBLICUM, QVO MODO SOLVTVM SIT, EX LITTERIS PUBLICIS. Etiam ne hæc tam parua ciuitas, tam procul a manibus tuis, atque a conſpectu remota, ſeiuncta a Sicilia, in inſula inculta tenuiq. poſita, cumalata alijs tuis maioribus iniurijs, in hoc quoque frumentario genere prædæ tibi, & quaſtui fuit? quam tu totam inſulam cuidam tuorum ſodalium, ſicut aliquod munuſculum, condonaras, ab hac etiam hæc frumentaria lucra tanquam a mediterraneis exigebantur? itaque qui tot annis agellos ſuos ante te prætorem redimere a piratis ſolebant, iidem ſe ipſos a te pretio impoſito redemerunt. quid ergo? a Tiſſenſibus, perpauca & tenui ciuitate, & aratoribus laborioſiſſimis, frugaliffimisq. hominibus, non ne plus lucri nomine eripitur, quàm quantum frumenti omnino exararant? ad quos tu decumanum Diognotum Venerium

Venerium misisti, nouum genus publicani. cur hoc auctore non Romæ serui publici ad uectigalia accedant? anno secundo Tiffenses HS XXI lucri dare coguntur inuiti: tertio anno CIO CIO medimnum tritici lucri Diognoto Venerio dare coacti sunt. hic Diognotus, qui ex publicis uectigalibus tanta lucra facit, uicarium nullum habet, nihil omnino peculij. Vos etiam nunc dubitate, si potestis, utrum tantum numerum tritici Venerius apparitor istius sibi acceperit, an huic exegerit. atque hæc ex publico Tiffensium testimonio cognoscite. TESTIMONIUM PUBLICVM TISSENSIVM. Obscure, iudices, prætor ipse decumanus est? cum eius apparitores frumentum a ciuitatibus exigant, pecunias imperent, aliquanto plus ipsi auferant, quam quantum populo R. decumarum nomine daturi sunt. Hæc æquitas in tuo imperio fuit, hæc prætoris dignitas, ut seruos Venerios Siculorum dominos esse uelles. hic delectus, hoc discrimen te prætor fuit, ut aratores in seruorum numero essent, serui in publicanorum. Quid Amestratini miseri? impositis ita magnis decumis, ut ipsis reliqui nihil fieret, non ne tamen numerare pecunias coacti sunt? addicuntur decumæ M. Cæsius, cum adessent legati Amestratini. statim cogitur Heraclius legatus numerare HS XXII. quid hoc est? quæ est ista præda? quæ uis? quæ direptio sociorum? si erat Heraclio ab senatu mandatum, ut emeret: emisset. si non erat: qui poterat sua sponte pecuniam numerare? Cæsius renunciat se dedisse. cognoscite renun-

BB ciationem

ACTIONIS IV.

ciationem ex litteris. Recita. EX LITTERIS PV
BLICIS. Quo S.C. erat hoc legato permissum? nul
lo. cur fecit? coactus est. quis hoc dicit? tota ciui-
tas. Recita. TESTIMONIUM PUBLICUM.
Ab hac eadem ciuitate anno secundo simili ratione
extortam esse pecuniam, & Sex. Vennonio datam,
ex eodem testimonio cognouistis. at Ameſtratinos,
homines tenues, cum eorum decumas medimnis
DCCC uendidisses, Banobali Venerio (cognoscite no
mina publicanorum) cogis eos plus lucri addere,
quam quanti uenierant, cum magno uenissent. dant
Banobali medimnis pro DCCC HS MD. profecto
nunquam iste tam amens fuisset, ut ex agro populi R.
plus frumenti seruo Venerio, quam populo R. tribui
pateretur, nisi omnis ea praeda serui nomine ad istum
ipsum perueniret. Petrini, cum eorum decumae magno
addictae essent, tamen inuitissimi P. Nauius Turpion-
ni, improbissimo homini, qui iniuriarum Sacerdote
praetor damnatus est, HS XXXVII & D dare coa-
cti sunt. ita ne dissolute decumas uendidisti, ut, cum
modium XV millibus uenissent, medimnum CIO
CIO CIO, hoc est HS XLV lucri decumano HS
MMM darentur? at permagno decumas eius agri ue-
didi. uidelicet gloriatur non Turpioni lucrum datum,
sed Petrini pecuniam ereptam. Quid Halyciensis,
quorum incolae decumas dant, ipsi agros immunes
habent; non ne huic eidem Turpioni, cum decumae
C mod. uenissent, HS XV dare coacti sunt? si id,
quod maxime uis, posses probare, haec ad decuma-
nos

nos lucra uenisse, nihil te attigisse: tamen hæ pecunia per uim atque iniuriam tuam captæ, & conciliatæ, tibi fraudi, & damnationi esse deberent. cum uero hoc nemini persuadere possis, te tam amentem fuisse, ut Apronium, ac Turpionem, seruos homines, tuo, liberorumq. tuorum periculo diuites fieri uelles: dubitaturum quenquam existimas, quin illis emissarijs hæc tibi omnis pecunia quæsitæ sit? Segestam item ad immunem ciuitatem Venerius Symmachus decumanus immittitur. is ab isto litteras affert, ut sibi, contra iura omnia, contraq. legem Rupiliæ, extra forum uadimonium promittant aratores. audi te litteras, quas ad Segestanos miserit. LITTERAE C. VERRIS. hic Venerius quemadmodum aratores eluserit, ex una pactione hominis honesti, gratiosiq. cognoscite: in eodem enim genere sunt cetera. Diocles est Panormitanus, Phimes cognomine, homo illustris, ac nobilis arator. is agrum in Segestano (nam commercium in eo agro Panormitanis est) conductum habebat HS sex millibus. pro decuma, cum pulsatus a Venerio esset, dedit HS sexdecim millia, & DCLIIII. id ex tabulis ipsius cognoscite. NOMEN DIOCLIS PANORMITANI. Huic eidem Symmacho Anneius Brochus, senator, homo eo splendore, ea uirtute, qua omnes existimatis, nummos præter frumentum coactus est dare. Venerio ne seruo, te prætor, talis uir, senator populi R. quæstui fuit? hunc ordinem si dignitate antecellere non existimabas; ne hoc q. idem sciebas,

BB 2 iudicare?

A C T I O N I S I V .

iudicare? antea, cum equester ordo iudicaret, improbi & rapaces magistratus in prouincijs inseruebant publicanis, ornabant eos, quicunque in operis erant: quemcunque equitem R. in prouincia uiderat, beneficijs, ac liberalitate prosequiebantur: neque tantum illa res nocentibus proderat, quantum obfuit multis, cum aliquid contra utilitatem eius ordinis, uoluntatemq. fecissent. retinebatur hoc tum nescio quo modo quasi communi consilio ab illis diligenter, ut, qui unum equitem R. contumelia dignum putasset, ab uniuerso ordine malo dignus iudicaretur. tu sic ordinem senatorium despexisti, sic ad iniurias libidinesq. tuas omnia coæquasti, sic habuisti statutum cum animo, ac deliberatum, omnes, qui habitarent in Sicilia, aut qui Siciliam te prætor attigissent, iudices reijcere; ut illud non cogitares, tamen ad eiusdem ordinis homines te iudices esse uenturum? in quibus, si ex ipsorum domestico incommodo, nullus dolor insideret, tamen esset illa cogitatio, in alterius iniuria sese despectos, dignitatemq. ordinis contemptam, & abiectam. quod mehercule, iudices, mihi non mediocriter ferendum uidetur. habet enim quendam aculeum contumelia, quem pati prudentes ac uiri boni difficillime possunt. Spoliasti Siculos: solent enim inulti esse in iniurijs suis prouinciales. uexasti negotiatores: inuiti enim Romam raroq. decedunt. equitem R. ad Apronij iniurias dedisti: quid enim iam nocere possunt, quibus non licet iudicare? quid, cum senatores summis iniurijs afficis; quid aliud dicis,

dicis, nisi hoc? cedo mihi etiam istum senatorem: ut hoc amplissimum nomen senatorium non modo ad inuidiam imperitorum, sed etiam ad contumeliam improborum natum esse uideatur. neque hoc in uno fecit Anneio, sed in omnibus senatoribus; ut ordinis nomen non tantum ad honorem, quantum ad ignominiam ualeret. In C. Cassio, uiro clarissimo, & fortissimo, cum is eo ipso tempore, primo istius anno consul esset, tanta improbitate usus est, ut, cum eius uxor, femina primaria, paternas haberet arationes in Leontino, frumentum omne in decumas auferre iusserit. hunc tu in hac causa testem Verres habebis; quoniam, iudicem ne haberes, prouidisti. uos autem, iudices, putare debetis, esse quiddam nobis inter nos commune, atque coniunctum. multa sunt imposita huic ordini onera, multi labores, multa pericula, non solum legum, ac iudiciorum, sed etiam rumorum, ac temporum. sic est hic ordo quasi propositus, atque editus in altum, ut ab omnibus uentis inuidiae circumflari posse uideatur. in hac tam misera, & indigna condicione uitae, ne hoc quidem retinebimus, iudices, ut magistratibus nostris, in obtinendo iure nostro, ne contemptissimi, ac despectissimi esse uideamur? Thermitani miserunt, qui decumas emerent agri sui. magni sua putabant interesse, publice potius quamuis magno emi, quam in aliquem istius emissarium incidere. appositus erat Venuleius quidam, qui emeret. is liceri non destitit. illi, quoad uidebatur ferri aliquo modo posse, contem-

BB 3 derunt;

701 ACTIONIS IV.

derunt; postremo liceri destiterunt. addicitur Venuleio tritici mod. VII millibus. legatus Posidorus renunciat. cum omnibus hoc intolerandum uideretur, tamen Venuleio dantur, ne accedat, tritici mod. VI. præterea HS II. ex quo facile apparet, quæ merces decumani, quæ prætoris præda esse uideatur. Cedo Thermitanorum mihi litteras, & testimonium. TABULAE THERMITANORVM, ET TESTIMONIUM. Imacharenses, iam omni frumento ablato, iam omnibus iniurijs tuis exinanitos, tributum ferre miseros, ac perditos coegisti, ut Apronio darent HS XX. Recita decretum de tributis, & publicum testimonium. S.C. DE TRIBVTO CONFERENDO. TESTIMONIUM IMACHARENSIVM. Ennenses, cum decumæ uenissent agri Ennensis, medimnis MMMCCC, Apronio coacti sunt dari tritici mod. LXXXIII, & HS III. quæ so, attendite quantus numerus frumenti cogatur ex omni agro decumano. nam per omnes ciuitates, quæ decumas debent, percurrit oratio mea: & in hoc genere nunc, iudices, uersor, in quo non singulatim aratores euerſi bonis omnibus sunt, sed publice decumanis lucra data sunt, ut aliquando ex eorum agris, atque urbibus expleti, atque saturati cum hoc cumulo quæstus decederent. Calatinis quamobrem imperasti anno tertio, ut decumas agri sui, quas Calatæ dare consueuerant, Ameſtrati M. Cæſio decumano darent? quod neque ante te prætorem illi fecerunt, neque tu ipse hoc ita statueras antea per biennium.

Theomna-

Theomnastus Syracusanus in agrum Mutyensē
 cur abs te immissus est? qui aratores ita uexauit, ut
 illi in alteras decumas, id quod in alijs quoque ciuita-
 tibus ostendam, triticum emere necessario propter
 inopiam cogerentur. Iam uero ex Hyblensium pa-
 ctionibus intelligetis, quæ pactæ sint cum decumano
 Cn. Sergio, sexies tantum, quàm quantum satum
 sit, ablatum esse ab aratoribus. Recita sationes,
 & pactiones ex litteris publicis: recita ex litteris
 publicis. Cognoscite pactiones Meneuorum cum Ve-
 nerio seruo. Recita ex litteris publicis. Cognosci-
 te item professiones sationum, & pactiones Me-
 nenorum. Recita ex litteris publicis. Patiemi-
 ni, iudices, a socijs, ab aratoribus populi R. ab ijs,
 qui uobis laborant, uobis seruiunt, qui ita ple-
 bem Romanam ab sese ali uolunt, ut sibi, ac libe-
 ris suis tantum supersit, quo ipsi ali possint, ab his
 per summam iniuriam, per summas contumelias
 plus aliquanto ablatum esse, quàm natum sit? Sen-
 tio, iudices, moderandū mihi esse iam orationi meæ,
 fugiendamq. uestram satietatem. non uersabor in u-
 no genere diutius, & ita cetera de oratione mea tol-
 lam, ut in caussa relinquam. audietis Agrigentino-
 rum, fortissimorum uirorum, diligentissimorumque,
 querimonias: cognoscetis, iudices, Entellinorum,
 summi laboris, summæq. industriæ, dolorem, & in-
 iurias: Heracliensium, Iciliensium, Aetnensium,
 Solentinorum incommoda proferentur: Catinensium,
 locupletissimorum hominum, amicissimorumque, a-

ACTIONIS IV.

gros uexatos ab Apronio cognoscetis: Tyndaritanam nobilissimam ciuitatem, Cephaleditanam, Halentinam, Apolloniensem, Eggynam, Capitinam, perditas esse hac iniquitate decumanorum intelligetis: Murgentinis, Assorinis, Elorinis, Ennensibus, Letinis nihil omnino relictum: Citarinos, Acherinos, paruuarum ciuitatum homines, omnino abiectos esse, ac perditos: omnes denique agros decumanos per triennium populo R. ex parte decuma, C. Verri ex omni reliquo uectigales fuisse: & plerisque aratoribus nihil omnino superfuisse: quibus quod tum aut remissum, aut relictum sit, id fuisse tantum, quantum ex eo, quo istius auaritia contenta fuit, redundarit. Duarum mihi ciuitatum reliquos feci agros, iudices, fere optimos, ac nobilissimos, Aetnensium, & Leontinorum. horum agrorum ego missos faciam quæstus trienij: unum annum eligam, quo facilius id, quod institui, explicare possim. sumam annum tertium, quod & recentissimus est, & ab isto ita administratus, ut, cum se certe decessurum uideret, non laboraret, si aratorem nullum in Sicilia omnino esset relicturus. agri Aetnensis, & Leontini decumas agemus. attendite, iudices, diligenter. agri sunt feraces, annus tertius, decumanus Apronius. de Aetnensibus perpauca dicam. dixerunt enim ipsi priore actione publice: memoria tenetis, Artemidorum Aetnensem, legationis eius principem, publice dicere, Apronium uenisse Aetnam cum Venerijs, uocasse ad se magistratum, imperasse, ut in foro sibi medio

leſti

lecti sternerentur : quotidie solitum esse non modo in publico, sed etiam de publico conuiuari : cum in eis conuiuijs symphonia caneret, maximisq. poculis ministraretur, retinere solitum esse aratores, atque ab ijs non modo per iniuriam, sed etiam per contumeliam tantum exprimi frumenti, quantum Apronius imperasset. audistis hæc, indices : quæ nunc ego omnia prætereo, ac relinquo. nihil de luxuria Apronij loquor, nihil de insolentia, nihil de singulari nequitia, ac turpitudine : tantum de quæstu, ac lucro dicam unius agri, & unius anni, quo facilius uos coniecturam de triennio, & de tota Sicilia facere possitis. sed mihi Aetnensium breuis est oratio. ipsi enim uenerunt : ipsi publicas litteras deportarunt : docuerunt uos, quid lucelli fecerit homo non malus, familiaris prætoris, Apronius. id, quæso, ex ipsorum testimonio cognoscite. recita. TESTIMONIUM

AETNENSIVM. Quid ais? dic, dic, quæso, clarius, ut populus R. de suis uectigalibus, de suis aratoribus, de suis socijs, atque amicis audiat.

L MILLIA. Per deos immortales, unus ager, uno anno, CCC millia mod. tritici, & præterea HS L millia lucri dat Apronio? tanto ne minoris decumæ uenierunt, quàm fuerunt : an, cum satis magno uenissent, hic tantus tamen frumenti, pecuniæq. numerus ab aratoribus per uim ablati est? utrum enim horum dixeris, in eo culpa, & crimen hærebit. nam illud quidem non dices : quod utinam dicas : ad Apronium non peruenisse tantum. ita te non modo publi-
cis

ACTIONIS IV.

cis tenebo, sed etiam priuatis aratorum pactionibus, ac litteris : ut intelligas, non te diligentiore in faciendis furtis fuisse, quam me in deprehendendis. hoc tu feres, quisquam defendet, hoc hi, si aliter de te statuere uoluerint, sustinebunt, uno aduentu, ex uno agro, Q. Apronium, præter eam, quam dixi, pecuniam numeratam, CCC millia mod. tritici, lucri nomine, sustulisse? quid? hoc Aetnenses soli dicunt? imo etiam Centuripini; qui agri Aetnensis multo maximam partem possident. quorum legatis, hominibus nobilissimis, Androni, & Artemoni senatus ea madata dedit, quæ publice ad ciuitatem ipsorum pertinebant. de ijs iniurijs, quas ciues Centuripini non in suis, sed in aliorum finibus acceperunt, senatus & populus Centuripinus legatos noluit mittere: ipsi aratores Centuripini, qui numerus est in Sicilia maximus, hominum honestissimorum, & locupletissimorum, tres legatos ciues suos delegerunt; ut eorum testimonio non unius agri, sed prope totius Sicilia calamitates cognosceretis. arant enim tota Sicilia fere Centuripini. & hoc in te grauiore, certioresq. testes sunt, quod ceteræ ciuitates suis solum incommodis commouentur; Centuripini, quod in omnium fere finibus habent possessiones, etiam ceterarum ciuitatum damna, ac detrimenta senserunt. Verum, ut dixi, ratio certa est Aetnensium, & publicis, & priuatis litteris consignata mea diligentia: pensum magis in Leontino agro est exigendum, propter hanc causam, quod ipsi Leontini publice non sane me multum adiuerunt:

adiuuerunt : neque enim eos isto prætor hæc decumanorum iniuriæ læserunt , potius etiam adiuuerunt . Mirum fortasse hoc uobis , aut incredibile uideatur , in tantis aratorum incommodis Leontinos , qui principes rei frumentariæ fuerunt , expertes incommodorum , atque iniuriarum fuisse . hoc causæ est , iudices , quòd in agro Leontino , præter unam Mnasistrati familiam , glebam Leontinorum possidet nemo . itaque Mnasistrati , hominis honestissimi , atque optimi uiri , testimonium iudices audietis . ceteros Leontinos , quibus nò modo Apronius in agris , sed ne tempestas quidem ulla nocere potuit , exspectare nolite : etenim non modo incommodi nihil ceperunt , sed etiam in Apronianis illis rapinis , in quæstu sunt compedioq. uersati . quapropter , quoniam me Leontina ciuitas , atque legatio propter eam , quam dixi , causam defecit : mihi met ineunda ratio , & uia reperienda est , qua ad Apronij quæstum , siue adeo qua ad istius ingentem immanemq. prædam possim peruenire . Agri Leontini decumæ anno tertio uenierunt tritici medimnum xxxvi , hoc est tritici mod. ccxvi , magno , iudices , magno : neque enim hoc possum negare : itaque necesse est , aut damnum , aut certe non magnum lucrum fecisse decumanum : hoc enim solet usu uenire ijs , qui magno redemerunt . quid , si ostendo in hac una emptione lucri fieri tritici modium c ? quid , si cc ? quid , si cccc ? dubitabitis etiam , cui ista tanta præda quæ sita sit ? iniquum me esse quispiam dicet , qui ex lucri magnitudine coniecturam faciam furti , atque præ-

dæ.

ACTIONIS IV.

*da . quid, si doceo, iudices, eos, qui \overline{ccc} mod. lucri
 faciunt, damnum facturos fuisse, si, ut tua iniquitas
 fuit, ex cohorte recuperatores non intercederent? nū
 quis poterit in tanto lucro, tantaq. iniquitate dubita
 re, quin propter iniquitatem tam magnos quæstus
 feceris, propter magnitudinem quæstus improbus es
 se uolueris? quo modo igitur hoc assequar, iudices,
 ut sciam, lucri quantum factum sit? non ex Apronij
 tabulis: quas ego cum conquirerem, non inueni: &
 cum in ius ipsum eduxi, expressi, ut, conficere tabu
 las se; negaret. si mentiebatur: quamobrem remo
 uebat, si hæ tabulæ nihil tibi erant obfuturæ? si om
 nino nullas confecerat litteras: ne id quidem satis si
 gnificabat, illum non suum negotium gessisse? ea est
 enim ratio decumarum, ut sine plurimis litteris con
 fici non possit. singula enim nomina aratorum, &
 cum singulis pactiones decumarum, litteris persequi,
 & conficere necesse est. Iugera professi sunt aratores
 omnes imperio, atque instituto tuo. non opinor quen
 quam minus esse professum, quàm quantum arasset,
 cum tot cruces, tot iudicia, tot ex cohorte recuperato
 res proponerentur. in iugere Leontini agri medimni
 fere tritici seritur, perpetua, atque æquabili satione:
 ager efficit, cum octauo, bene ut agatur; uerum, ut
 omnes dii adiuuent, cum decimo. quod si quando ac
 cidit, tum fit, ut tantum decumæ sit, quantum seue
 ris, hoc est, ut, quot iugera sunt sata, totidem medi
 mna decumæ debeantur. hoc cum ita esset, primum
 illud dico, pluribus millibus medimnum uenisse decu
 mas*

mas agri Leontini, quàm quot millia iugerum sata erant in agro Leontino. quòd si fieri non poterat, ut plus quàm decem medimna ex iugere exararent; medimnum autem ex iugere decumano dari poterat, cū ager, id quod perraro euenit, cum decumo extulisset: quæ erat ratio decumani, siquidem decumæ, ac non bonâ ueniebant aratorum, ut pluribus aliquanto medimnis decumas emeret, quàm iugera erant sata? In Leontino iugerum subscriptio, ac professio non est plus $\overline{\text{xxx}}$, decumæ $\overline{\text{xxxvi}}$ medimnis uenierunt. errauit, an potius insaniuit Apronius? immo tum insaniisset, si aratoribus, quod deberent, licitum esset, & non, quod Apronius imperasset, necesse fuisset dare. si ostendo, minus tribus medimnis in iugerum neminem dedisse decumæ: concedes, opinor, ut cum decumo fructus arationis perceptus sit, neminem minus tribus decumis dedisse. atque hoc in beneficij loco petitum est ab Apronio, ut in iugera singula ternis medimnis decidere liceret. nam cum a multis quaterna, etiam quina exigenterentur; multis autem non solum granum ullum, sed ne paleæ quidem ex omni fructu, atque ex annuo labore relinquerentur: tum aratores Centuripini, qui numerus in agro Leontino maximus est, unum in locum conuenerunt; hominem suæ ciuitatis in primis honestum, ac nobilem, Andronem Centuripinum legarunt ad Apronium, eundem, què hoc tempore ad hoc iudicium legatum, & testem Centuripina ciuitas misit; ut is apud eum causam aratorum ageret, ab eoq. peteret, ut ab aratoribus

Centu-

A C T I O N I S I V .

Centuripinis ne amplius in iugera singula, quàm ternam medimna exigeret. hoc uix ab Apronio in summo beneficio, pro ijs, qui etiam tum incolumes erant, impetratum est. id cum impetrabatur, hoc uidelicet impetrabatur, ut pro singulis decumis ternas decumas dare liceret. Quòd si tua res non ageretur, a te potius postularent, ne amplius quàm singulas, quàm ab Apronio, ut ne plus, quàm ternas decumas darent. Nunc, ut hoc tempore ea, quæ regie, seu potius tyrannice statuit in aratores Apronius, præmittam; neque eos appellem, a quibus omne frumentum eripuit, & quibus nihil non modo de fructu, sed ne de bonis quidem suis reliqui fecit: ex his ternis medimnis, quod beneficij gratiæq. causa concessit, quid lucri fiat, cognoscite. Professio est agri Leontini ad iugerum $\overline{\text{xxx}}$, hæc sunt ad tritici medimnum $\overline{\text{xc}}$, id est tritici mod. $\overline{\text{dxl}}$. deductis tritici mod. $\overline{\text{ccxvi}}$, quanti decumæ uenerunt, reliqua tritici $\overline{\text{cccxxiv}}$. adde totius summa $\overline{\text{dxl}}$ mod. tres quinquagesimas, id est tritici mod. $\overline{\text{xxxii cccc}}$. ab omnibus enim ternæ præterea quinquagesimæ exigebantur. sunt hæc iam ad $\overline{\text{cccxl}}$ mod. tritici. at ego $\overline{\text{cccc}}$ lucri facta esse dixeram. non enim duco in hac ratione eos, quibus ternis medimnis non est licitum decidere. uerum ut hac ipsa ratione summam mei promissi compleam, ad singula medimna multi HS duos, multi HS quinque, accessionis cogeantur dare: qui minimum, singulos nummos: hoc minimum ut sequamur, quoniam $\overline{\text{xc}}$ medimnū duximus, accedant eo nouo, pessimoq. exemplo

exemplo ad HS $\bar{x}c$. Hic mihi etiam dicere audebit, magno se decumas uendidisse; cum ex eodem agro di midio ipse plus abstulerit, quàm populo R. miserit. **CCXVI** modium decumas agri Leontini uendidisti: si ex lege, magno: si, ut lex esset libido tua, paruo: si, ut, quæ dimidiæ essent, decumæ uocarentur, paruo uendidisti: multo enim pluris fructus annui Siciliæ uenire potuerunt, si id te senatus, aut populus R. facere uoluisset. etenim sæpe decumæ tanti uenierunt, cum lege Hieronica uenirent, quanti nunc lege Verrea uenierunt. Cedo mihi C. Norbani decumas uenditas. **C. NORBANI DECUMAE VENDITAE AGRI LEONTINI.** Atque tum neque iudicium de modo iugerum dabatur: neque enim erat Artemidorus Cornelius recuperator: neque ab aratore magistratus Siculus tantum exigebat, quantum decumanus ediderat: nec beneficium petebatur a decumano, ut in iugera singula ternis medimnis decidere liceret: nec nummorum accessionem cogebatur arator dare, nec ternas quinquagesimas frumenti addere: & tamen populo R. magnus frumenti numerus mittebatur. quid uero istæ sibi quinquagesimæ? quid porro nummorum accessiones uolunt? quo id iure, atque adeo quo id potius ore fecisti? nummos dabat arator. quo modo? aut unde? qui, si largissimus esse uellet, cumlatiore mensura uteretur, ut ante solebant facere in decumis, cum æqua lege, & condicione ueniebant. is nummum dabat. unde? de frumento? quasi habuisset te prætor, quod uenderet. de uiuo igitur erat

A C T I O N I S I V .

erat aliquid refecundum ; ut esset , unde Apronio ad illos fructus arationum hoc corollarium nummorum adderetur . Iam id porro utrum libentes , an inuiti dabant ? libentes ? amabant , credo , Apronium . inuiti ? quare , nisi ui , & malo , cogebantur ? Iam iste , homo amentissimus , in uendundis decumis nummorum faciebat accessiones ad singulas decumas : neque multum , bina , aut terna millia addebat . fiunt per triennium HS fortasse D . hoc neque exemplo cuiusquam , neque ullo iure fecit : neque eam pecuniam retulit : neque , hoc paruum crimen quemadmodum defensus sit , homo quisquam unquam excogitauit . Quod cum ita sit , audes dicere te magno decumas uēdidisse ? cum sit perspicuum , te bona , fortunasq. aratorum , non populi R . sed tui quæstus causa uendidisse . ut , si quis uillicus ex fundo , cui HS x merces esset , excisis arboribus , ac uenditis , demptis tegulis , instrumento , pecore ab alienato , domino xx nummum pro x miserit , sibi alia præterea centum conferat ; primo dominus , ignarus incommodi sui , gaudeat , uillicoq. delectetur , quod tanto sibi plus mercedis ex fundo refectum sit ; deinde , cum audierit , eas res , quibus fundi fructus , & cultura continentur , amotas , & uenditas , summo supplicio uillicum afficiat , & secum male actum putet : item populus R . cum audit pluris decumas uendidisse C . Verrem , quā innocentissimum hominem , cui iste successit , C . Sacerdotem ; putat se bonum in arationibus fructibus suis habuisse custodem , ac uillicum : cum senserit istū
omne

omne instrumentum aratorum, omnia subsidia uectigalium uendidisse, omnem spem posteritatis auaritia sua sustulisse, arationes, & agros uectigales uastasse, atque exinanisse, ipsum maximos quæstus, prædasq. fecisse; intelliget secum actum esse pessime; istum autem summo supplicio dignum existimabit. unde ergo hoc intelligi potest? ex hoc maxime, quod ager decumanus prouinciæ Siciliae propter istius auaritiam desertus est. neque id solum actum est, uti minus multis iugis arent, si quis in agris remanserunt; sed etiã, ut permulti locupletes homines, magni, & nauis aratores, agros latos, ac fertiles desererent, totasq. arationes derelinquerent. id adeo sciri facillime potest ex litteris publicis ciuitatum: propterea quod lege Hieronica numerus aratorum quotannis apud magistratus publice subscribitur. Recita tandem, quot acceperit aratores agri Leontini Verres. OCTVAGINTA TRES. Quot anno tertio profiteantur. TRIGINTA DVO. Vnum & quinquaginta aratores ita uideo deiectos, ut his ne uicarij quidem successerint. quot aratores adueniente te fuerunt agri Muticensis? uideamus ex litteris publicis. CENTVM OCTVAGINTA OCTO. Quid? anno tertio? CENTVM ET VNVS. Octuaginta septem aratores unus ager istius iniuria desiderat: atque adeo nostra resp. quoniam illa populi R. uectigalia sunt, hunc tot patrum familias numerum desiderat, & reposcit. Ager Herbitensis primo anno habuit aratores ducentos quinquaginta septem, tertio

C.C. centum

A C T I O N I S I V .

centum uiginti . hinc centum triginta septem patrefamilias extorres profugerunt . Agyrinensis ager , quorum hominum ? quàm honestorum ? quàm locupletum ? ducentos quinquaginta aratores habuit primo anno praturæ tuæ . quot tertio anno ? octuaginta , quemadmodum legatos Agyrinenses recitare ex publicis litteris audistis . pro dij immortales , si ex prouincia tota cētum septuaginta eiecisses , posses ne , seueris iudicibus , saluus esse ? unus ager Agyrinensis centum septuaginta aratoribus inanior cum sit , uos coniecturam totius prouinciæ non facietis ? atque hoc per æque in omni agro decumano reperietis : quibus aliquid tamen reliqui fuerit ex magno patrimonio , eos in agris , minore instrumento , minus multis iugis , remansisse , quod metuebant , si recessissent , ne reliquas fortunas omnes amitterent ; quibus autem iste nihil reliqui , quod perderent , fecerat , eos plane non solum ex agris , uerum ex ciuitatibus suis profugisse . illi ipsi , qui remanserant , uix decuma pars aratorum , relicturi agros omnes erant , nisi ad eos Metellus Roma litteras misisset , decumas lege Hieronica uenditurum ; & nisi ab ijs hoc petiuisset , ut sere rent quamplurimum : quod illi semper sua caussa fecerant , cum eos nemo rogaret , quàm diu intelligebāt sese sibi , & populo R. non Verri , & Apronio sere re , impendere , laborare . Iam uero , iudices , si Siculorum fortunas negligitis ; si , quemadmodum socij populi R. a magistratibus nostris tractentur , non laboratis ; at uos communem populi R. causam susci-
pite,

pite, atque defendite. eiectos aratores esse dico; a-
 gros uectigales uexatos, atque exinanitos a Verre;
 populatam, uexatamq. provinciam: hæc omnia do-
 ceo ciuitatum, & priuatis primariorum uirorum te-
 stimonijs. quid uultis amplius? num expectatis, dñs
 L. Metellus, is, qui multos in istum testes imperio,
 & potestate deterruit, idem absens de istius scelere,
 improbitate, audacia testimonium dicat? non, opi-
 nor. at is optime, qui successit isti, potuit cognosce-
 re. ita est, uerum amicitia impeditur. at debet nos
 certiores facere, quo pacto se habeat provincia. de-
 bet, ueruntamen non cogitur. num quis in Verrem
 L. Metelli testimonium requirit? nemo. num quis
 postulat? non, opinor. quid, si testimonio L. Metel-
 li, ac litteris hæc omnia uera esse docebo? quid dice-
 tis, utrum, Metellum falsum scribere, an amicum læ-
 dendi esse cupidum? an prætorem, quemadmodum
 provincia affecta sit, nescire? Recita litteras L. Me-
 telli, quas ad Cn. Pompeiũ, & M. Crassum cos, quas
 ad M. Mummiũ prætorem, quas ad quæstores ur-
 bis misit. EPISTOLA L. METELLI, DECUMAS
 FRUMENTI LEGE HIERONICA
 VENDIDI. Cum scribit se lege Hieronica uendi-
 disse, quid scribit? ita se uendidisse, ut omnes præter
 Verrem. cum scribit se lege Hieronica uendidisse,
 quid scribit? se, per istum erepta, Siculis maiorum
 nostrorum beneficia, ius ipsorum, condicionem socie-
 tatis, amicitia, fœderum reddidisse. Dicit deinde,
 quanti cuiusque agri decumas uendiderit. quid scri-
 bit?

ACTIONIS IV.

bit? Recita de epistola reliqua. SVMMA DATA
EST OPERA A ME, VT QVAMPLVRIMO
DECVMAS VENDEREM. Cur igitur, Metel-
le, non ita magno uendidisti? quia desertas aratio-
nes, inanes agros, prouinciam miseram, perditamq.
offendi. quid? id ipsum, quod satum est, qua ratione
quisquam, qui sereret, inuentus est? Recita litteras.
Ait se misisse & præsensem confirmasse, suam inter-
posuisse auctoritatem. tantum quod aratoribus Me-
tellus obsides non dedit, se in nulla re Verri similem
futurum. at quid est tandem, in quo se laborasse di-
cat? Recita. VT ARATORES, QVI RELI-
QVI ERANT, QVAMPLVRIMVM SERE-
RENT. Qui reliqui? quid hoc est? reliqui? quo ex
bello? qua ex uastitate? quænam in Sicilia tanta cla-
des, aut quod bellum tam diuturnum, tam calamito-
sum te prætoris uersatum est, ut is, qui tibi successerit,
reliquos aratores collegisse, & recreasse uideatur?
cum bellis Carthaginensibus Sicilia uexata est;
& post, nostra, patrumq. memoria, cum bis in ea
prouincia magnæ fugitiuorum copię uersatæ sint;
tamen aratorum internicio facta nulla est. tum se-
mente prohibita, aut messe amissa, fructus annuus in-
teribat: tamen incolumis numerus manebat domino-
rum, atque aratorum. tum qui M. Leuino, aut P.
Rupilio, aut M. Aquillio prætoribus in eam pro-
uinciam successerant, aratores reliquos non colligen-
bant. tanto ne plus Verres cum Apronio prouinciæ
Siciliæ calamitatis importauit, quàm aut Asdrubal

cum

cum Pœnorum exercitu, aut Athenio cum fugitiuorum maximis copijs, ut tēporibus illis, simul atque hostis superatus esset, ager araretur omnis, neque aratori prætor per litteras supplicaret, neque eū præsens oraret, ut quamplurimum sereret; nunc autem ne post abitum quidem huius importunissimæ pestis quisquam reperiretur, qui sua uoluntate araret? pauci essent reliqui, qui L. Metelli auctoritate in agros, atque ad suum larem familiarem redirent? His te litteris, homo audacissime, atque amentissime, iugulatum non sentis? non uides, cum is, qui tibi successit, aratores reliquos appellet, hoc eum diserte scribere, reliquos hos esse, non ex bello, neque ex aliqua huiusmodi calamitate, sed ex tuo scelere, importunitate, auaritia, crudelitate? Recita cetera. TAMEN PRO EO, UT ET TEMPORIS DIFFICULTAS, ARATORVM QVE PAENURIA TVLIT. aratorum, inquit, pænuria. Si ego accusator toties de re eadem dicerem, uererer, ne animos uestros offenderem, iudices. clamat Metellus: Nisi litteras misissem: non est satis: Nisi præsens confirmassem: ne id quidem satis est: Reliquos, inquit, aratores. reliquos? prope lugubri uerbo calamitatem prouinciæ Siciliæ significat. addit: Aratorum pænuria. exspectate etiam, iudices, si potestis, auctoritatem accusationis meæ. dico aratores istius auaritia eiectos: scribit Metellus reliquos ab se esse confirmatos. dico agros relictos, arationesq. desertas esse: scribit Metellus aratorum esse pænuriam. hoc

A C T I O N I S I V .

cum scribit, illud ostendit, deiectos, eiectos, fortunis omnibus expulsos esse populi R. socios, atque amicos. quibus si qua calamitas propter istum, saluis uectigalibus nostris, accidisset, animaduvertere in eum uos oportebat, praesertim cum ea lege iudicaretis, quae sociorum causa esset constituta. cum uero, perditis, profligatisque socijs, uectigalia populi R. sint diminuta, res frumentaria, commeatus, copia, salus urbis, atque exercituum nostrorum in posteritatem, istius auaritia, interierit: saltem commoda uestra respicite, si socijs fidelissimis prospicere non laboratis. Atque ut intelligatis, ab isto, praelucro, praedaque praesenti, nec uectigalium, nec posteritatis habitam esse rationem; cognoscite, quid ad extremum scribat Metellus. In reliquum tempus ait se uectigalibus prospexisse. non scriberet se uectigalibus prospexisse, nisi hoc uellet ostendere, te uectigalia perdidisse. quid enim erat, quod uectigalibus prospiceret Metellus in decumis, & in tota re frumentaria, si iste non uectigalia populi R. suo quaestu peruertisset? atque ipse Metellus, qui uectigalibus prospicit, qui reliquos aratores colligit, quid assequitur, nisi hoc? ut arent, si qui possunt, quibus aratrum saltem aliquod satelles istius Apronius reliquum fecit; qui tamen in agris spe, atque expectatione Metelli remanserunt. Quid ceteri Siculi? quid ille maximus numerus aratorum, qui non modo ex agris eiecti sunt, sed etiam ex ciuitatibus suis, ex prouincia, denique bonis, fortunisque omnibus ereptis profugerunt, qua ratione ij reuocabuntur?

tur? quot prætorum innocentia, sapientiaq. opus est, ut illa aratorum multitudo aliquando in suis agris, ac sedibus collocetur? Ac, ne miremini tantam multitudinem profugisse, quantam ex litteris publicis aratorumq. professionibus cognouistis; scitote, tantâ acerbitatem istius, tantum scelus in aratores fuisse, (incredibile dictu est, iudices: sed & factum, et tota Sicilia peruulgatum) ut homines, propter iniurias, licentiamq. decumanorum, mortem sibi ipsi consciuerint. Centuripinum Dioclem, hominem locupletem, suspendisse se constat, quo die sit ei nunciatum Aproniû decumas redemisse. Dyrrachinum, primum ciuitatis, eadem ratione mortem oppetisse, dixit apud uos, homo nobilissimus, Archonidas Elorinus, cum audisset, tantum, decumanû professum esse, ex edicto istius sibi deberi, quantum ille bonis suis omnibus efficere non posset. Hæc tu, tametsi omnium hominum dissolutissimus, crudelissimusq. semper fuisti, tamen nunquam perpeterere; quòd illi gemitus, luctusq. prouinciæ ad tui capitis periculum pertinebant; nò, inquam, perpeterere, ut homines iniuriæ tuæ remedium morte, ac suspendio quærerent, nisi ea res ad quæstum, & ad prædam tuam pertineret. quid, illud perpeterere? attendite, iudices: omnibus enim neruis mihi contendendum est, atque in hoc laborandum, ut omnes intelligant, quàm improbam, quàm manifestam, quàm confessam rem pecunia redimere conentur. graue crimen est hoc, & uehemens, & post hominum memoriam, iudiciaq. de pecunijs repetundis consti-

A C T I O N I S I V .

tuta grauissimum , prætorem populi R. socios habuif-
 se decumanos . non hoc nunc primum audit priuatus
 de inimico , reus ab accusatore : iam antea in sella se
 dens prætor , cum prouinciam Siciliam obtineret ,
 cum ab omnibus non solum , id quod commune est ,
 propter imperium , sed etiam , id quod istius præci-
 pium est , propter crudelitatem metueretur , millies
 audiuit , cum eis animum ad persequendum non ne-
 gligentia tardaret , sed conscientia sceleris , auari-
 tiæq. suæ frænaret : loquebantur enim decumani pa-
 lam , & præter ceteros is , qui apud istum plurimum
 poterat , maximosq. agros populabatur , Apronius ,
 perparuum ex illis magnis lucris ad sese peruenire ,
 prætorem esse socium . Hoc cum palam decumani to-
 ta prouincia loquerentur , tuumq. nomen in re tam
 turpi , nefariaq. interponerent ; nihil ne tibi uenit in
 mentem existimationi tuæ consulere ? nihil denique
 capiti , ac fortunis tuis providere ? cum tui nominis
 terror in auribus , animisq. aratorum uersaretur ;
 cum decumani aratoribus ad pactiones faciendas nõ
 suam uim , sed tuum scelus , ac nomen opponerent ; ec-
 quod iudicium Romæ tam dissolutum , tam perditum ,
 tam nummarium fore putasti , quo ex iudicio te ulla
 salus seruare posset ? cum planum fieret , decumis con-
 tra instituta , leges , consuetudinemq. omnium uendi-
 tis , in aratorum bonis fortunisq. diripiendis decuma-
 nos dictitasse , tuas esse partes , tuam rem , tuam præ-
 dam , idq. te tacuisse , & , cum dissimulare non pos-
 ses , potuisse tamen perpeti , & perferre ; quod ma-
 gnitudo

gnitudo lucri obscuraret periculi magnitudinem ;
 plusq. aliquanto apud te pecuniæ cupiditas quàm iu-
 dicij metus posset . Esto : cetera negare non potes : ne
 illud quidem tibi reliquum fecisti , ut hoc posses dice-
 re , nihil eorum te audisse , nihil ad tuas aures de in-
 famia tua peruenisse . querebantur cum luctu , & ge-
 mitu aratores : tu id nesciebas ? fremebat tota pro-
 uincia : nemo id tibi renunciabat ? Romæ quærimo-
 niæ de tuis iniurijs , conuentusque , habebantur : i-
 gnorabas hæc ? ignorabas hæc omnia ? quid ? cum pa-
 lam Syracusis , te audiente , maximo conuentu , P .
 Rubrius Q. Apronium sponsionē laceffiuit , ni Apro-
 nius dictitaret , te sibi in decumis esse socium , hæc te
 uox non perculit ? non perturbauit ? non , ut capiti ,
 & fortunis tuis prospiceres , excitauit ? tacuisti , se-
 dasti etiam lites illorum , & sponsio illa ne fieret , la-
 boraſti . Pro dij immortales , hoc aut innocens ho-
 mo perpeti potuisset , aut , quamuis nocens , qui mo-
 do iudicia Romæ fore putaret , non aliqua se simula-
 tione existimationi hominum uindicasset ? Quid est
 hoc ? sponsio sit de capite , ac fortunis tuis : tu sedes ,
 & quiescis ? non persequeris ? non perseueras ? nõ per-
 quiris , cui dixerit Apronius ? quis audierit ? unde
 hoc natum , quemadmodum prolatum sit ? si quis ti-
 bi ad aurem accessisset , & dixisset Apronium dicti-
 tare , te sibi esse socium : commoueri te oportuit , uo-
 care Apronium , nec illū ante tibi satisfacere , quàm
 tu omnium existimationi satisfecisses . cum uero in fo-
 ro celeberrimo , tanta frequentia , hoc uerbo , & si-
 mulationi

ACTIONIS IV.

*mulatione Apronio, reuera tibi obiectum esset: tu
 unquam plagam tacitus accipere potuisses, nisi hoc
 ita statuisses, in re tam manifesta quidquid dixisses,
 te deterius esse facturum? quæstores, legatos, præ-
 fectos suos, tribunos multi missos fecerunt, & de pro-
 uincia decedere iusserunt, quòd eorum culpa se minus
 commode audire arbitrarentur, aut quòd peccare il-
 los aliqua in re iudicarent. tu Apronium, hominem
 uix liberum, contaminatum, perditum, flagitio-
 sum, qui non modo animum integrum, sed ne ani-
 mam quidem puram conseruare potuisset, eum in tan-
 to tuo dedecore non profecto ne uerbo quidè grauiore
 appellasses, neque apud te tam sancta religio socia-
 tis fuisset, ut tui capitis periculum negligeres, nisi
 rem tam notam esse omnibus, & tam manifestam
 uideres. cum eodem Apronio postea P. Scandilius,
 eques R. quem uos omnes nostis, eandem sponsonem
 de societate fecit, quam Rubrius facere uoluerat.
 institit, oppressit, non remisit: facta est sponsio HS
 v. cæpit Scandilius recuperatores, aut iudicem postu-
 lare. Satis ne uobis prætori improbo circumdati can-
 celli uidentur in sua prouincia, immo uero in sella,
 ac tribunali, ut aut de suo capite iudicium fieri patia-
 tur præsens, ac sedens, aut confiteatur se omnibus
 iudicijs conuinci necesse esse? Sponsio est, ni te Apro-
 nius in decumis socium esse dicat: prouincia tua est:
 ades: abs te iudicium postulatur: quid facis? quid de-
 cernis? recuperatores dicis te daturum. bene agis.
 tametsi qui erunt tantis ceruicibus recuperatores,
 qui*

qui audeant in provincia, cum prætor adsit, non solum contra uoluntatē eius, sed etiam contra fortunas iudicare? uerum esto: manifesta res est: cum nemo esset, quin hoc se audisse liquido diceret; locupletissimus quisque certissimus testis esset: nemo erat Sicilia tota, qui nesciret decumas esse prætoris; nemo, qui non audisset, ita Apronium dictitasse. præterea conuentus honestus Syracusis, multi equites R. uiri primarij, ex qua copia recuperatores reijci oporteret, qui aliter iudicare nullo modo possent. instat Scandilius poscere recuperatores. tum iste, homo innocens, qui illam suspicionem leuare, atque ab se remouere cuperet, recuperatores dicit se de cohorte sua daturum. Pro deum hominumq. fidem, quem ego accuso? in quo meam industriam, ac diligentiam spectari uolo? quid est, quod ego dicendo, aut cogitando efficere, aut assequi debeam? teneo in medijs uestigalibus populi R. in ipsis fructibus provinciæ Siciliæ furem manifesto auertentem rem frumentariam omnē, pecuniam maximam: teneo, inquam, ita, ut negare non possit. nam quid hic dicet? Sponsio facta est cum cognitore tuo Apronio de fortunis tuis omnibus, nisi socium te sibi in decumis esse dictitaret. expectant omnes, quantæ tibi ea res curæ sit, quemadmodum hominum existimationi te, atque innocentiam tuam probari uelis. hic tu medicum, & haruspicem, & præconem tuum recuperatores dabis? aut etiam illum ipsum, quem tu in cohorte tua Cassianum iudicem habebas, si quares maior esset, Papirium Potamonem,

202 . . . ACTIONIS IV.

tamonem, hominem seuerum, ex uetere illa equestri disciplina? Scandilius postulare de conuentu recuperatores. tum iste negat se de existimatione sua cuiquam, nisi suis, commissurum. negotiatores putant esse turpe, id forum sibi iniquum eiurare, ubi negotientur: prator provinciam suam totam sibi iniquam eiurat. o impudentiam singularem: hic postulat se Romae absolui, qui in sua provincia iudicauit se absolui nullo modo posse, qui plus existimet apud lectissimos senatores pecuniam, quam apud tres negotiatores metum ualere? Scandilius uero negat sese apud Artemidorum recuperatorem uerbum esse facturum, & tamen auget, atque onerat te bonis conditionibus, si tu uti uelis. si ex provincia Sicilia tota st tuebas idoneum iudicem, aut recuperatorem nullum posse reperiri, postulat a te, ut Romam reijcias. hic enim uero tu exclamas hominem improbum, qui postulet ibi de tua existimatione iudicium fieri, ubi te inuidiosum esse intelligebat: negas te Romam reiecturum: negas de conuentu recuperatores daturum: cohortem tuam proponis. Scandilius rem se totam relicturum dicit, & suo tempore esse redditurum. quid tu ibi tum: quid facis? Scandilium cogis: quid: sponsonem acceptam missam facere? impudenter tollis expectatum existimationis tue iudicium. non facis. quid ergo? Apronio permittis, ut, quos uelit, de cohorte sumat recuperatores? indignum, uni potius ex iniquis sumendi, quam utrisque ex aequis reijciendi, fieri potestatem. neutrum facis eorum. quid

quid ergo ? est aliquid , quod improbius fieri potest : cogit enim Scandilium quinque illa millia nummum dare , atque adnumerare Apronio . quid potuit elegantius facere prætor cupidus existimationis bonæ , qui ab sese omnem suspicionem propulsaret , qui se e ripere ex infamia cuperet ? adductus erat in sermonem , inuidiam , uituperationem : dictitabat homo improbus , atque impurus Apronius , socium esse prætorem : uenerat res in iudicium , atque discrimen : potestas erat isti , homini integro , atque innocenti , data , ut , in Apronium cum animaduertisset , sese grauissima leuaret infamia . quid excogitat pœnæ ? quid animaduersionis in Apronium ? cogit Scandilium Apronio , ob singularem improbitatem , atque audaciam , prædicationemque nefariæ societatis , HS v millia , mercedis nomine , ac præmij , dare . Quid interfuit , homo audacissime , utrum hoc decerneres , an id quod Apronius dictitabat , tu de te proferres , ac dictitares ? quem hominem , si quis pudor in te , atque adeo si quis metus fuisset , sine supplicio dimittere non debuisti , hunc abs te sine præmio discedere noluiisti . Omnia simul intelligere potuisti , iudices , ex hoc uno crimine Scandiliano : primum , hoc non esse Romæ natum , de societate decumarum , non ab accusatore fictum , non , ut solemus interdum in defensionibus dicere , crimen domesticum , ac uernaculum , non ex tempore periculi tui constitutum , sed uetus ; non cognitum iam , sed te prætore iactatum ; non ab inimicis Romæ compositum ,

A C T I O N I S I V .

*situm , sed Romam de prouincia exportatum . simul
 intelligi potest illud istius in Apronium studium ,
 Apronij de isto non modo confessio , uerum etiam com-
 memoratio . eodem accedit , quod hoc quoque intelli-
 gere potestis , istum statuisse in prouincia sua , existi-
 mationis suae iudicium extra cohortem suam commit-
 tendum fuisse nemini . ecquis est iudex , cui non ab ini-
 tio decumani criminis persuasum sit , istum in arato-
 rum bona , fortunasq. impetum fecisse ? quis hoc non
 ex eo statim iudicauit , quod ostendi , istum decumas
 noua lege , atque adeo nulla lege , contra omnium
 consuetudinem , atque instituta uendidisse ? uerum ,
 ut istos ego iudices , tam seueros , tam diligentes , tam
 religiosos , non haberem , ecquis est , ex iniuriarum
 magnitudine , improbitate decretorum , iudiciorum
 iniquitate , qui hoc non iam dudum statuerit , & iu-
 dicarit ? etiam sane , sit aliquis dissolutior in iudican-
 do , legum , officij , reip. sociorum , atque amicorum
 negligentior . quid is ? possit ne de istius improbitate
 dubitare , cum tanta lucra facta , tam iniquas pactio-
 nes ui , & metu expressas cognouerit ? cum tanta prae-
 mia ciuitates ui , atque imperio , uirgarum , ac mor-
 tis metu , non modo Apronio , atque eius similibus ,
 uerum etiam Venerijs seruis dare coactas ? quod si
 quis sociorum incommotis minus mouetur ; si quem
 aratorum fugae , calamitates , exsilia , suspendia deni-
 que non permouent : non possum dubitare , quin is ta-
 men , cum uastatam Siciliam , relictos agros , ex ci-
 uitatibus litteris , et epistola L. Metelli cognouerit , sta-
 tuat*

tuat fieri non posse, ut de isto non seuerissime iudicetur. erit etiam aliquis, qui hæc omnia dissimulare, ac negligere possit? attuli sponsiones, ipso præsente factas de decumarum societate, ab ipso prohibitas iudicari. quid est, quod posset quisquam manifestius hoc desiderare? Non dubito, quin uobis satisfecerim, iudices: ueruntamen progrediar longius; non mehercule quo magis hoc uobis persuadeatur, quam iam persuasum esse confido; sed ut ille aliquando impudentiæ suæ finem faciat, aliquando desinat ea se putare posse emere, quæ ipse semper habuit uenalia, fidem, iusiurandum, ueritatem, officium, religionem; desinant amici eius ea dictitare, quæ detrimento, maculæ, inuidiæ, infamiæ nobis omnibus esse possint. at qui amici? o miserum, atque inuidiosum, offensumq. paucorum culpa, atque indignitate ordinem senatorium. Albam Aemilium, sedentem in faucibus macelli loqui palam, uicisse Verrem, emptos habere iudices, alium HS \overline{CCCC} , alium HS \overline{D} ; quem minimo, \overline{CCC} ? atque ei cum responsum esset, fieri non posse; multos testes esse dicturos; me præterea causæ non defuturum: licet hercules, inquit, omnes omnia dicant: nisi ita res manifesta erit allata, ut responderi nihil possit, uicimus. Bene agis Alba: ad tuam ueniam condicionem. nihil putas ualere in iudicijs coniecturam, nihil suspicionem, nihil antea dicta uitæ existimationem, nihil bonorum uirorum testimonia, nihil ciuitatum auctoritates, testimonia, litteras: res manifestas
 quæ-

206 ACTIONIS IV.

quæris. non quæro iudices Cassianos: ueterem iudicio
rum seueritatem non requiro: uestram in hoc fidem,
dignitatem, religionem in iudicando non imploro:
Albam habebo iudicem, eum hominem, qui se ipse
scurram improbissimum existimari uult; qui a scur-
ris potius semper gladiator, quàm scurra, appella-
tus sit. afferam rem eiusmodi in decumis, ut Alba
fateatur, istum in re frumentaria, & in bonis arato-
rum aperte, palamq. esse prædatum. Decumas a-
gri Leontini magno dicit se uendidisse. ostendi iam il-
lud initio, non existimandum magno uendidisse eum,
qui uerbo decumas uendiderit; re, & condicione, &
lege, & edicto, & licentia decumanorum, decum-
as aratoribus nullas reliquas fecerit. etiam illud
ostendi, uendidisse alios magno decumas agri Leonti-
ni, ceterorumq. agrorum; & lege Hieronica uendi-
disse; & pluris etiam, quàm te, uendidisse; nec ara-
torem quenquam esse questum. nec enim fuit, quod
quisquam queri posset, cum lege æquissime scripta ue-
nirent. neque illud unquam aratoris interfuit, quan-
ti decumæ uenirent. non enim ita est, ut, si magno
uenierint, plus arator debeat; si paruo, minus. ut
frumenta nata sunt, ita decumæ ueneunt. aratoris
autem interest, ita se frumenta habere, ut decumæ
quamplurimo uenire possint. dum arator ne plus de-
cuma det, expedit ei decumam esse quammaximi.
uerum hoc, ut opinor, esse uis caput defensionis tuæ,
magno te decumas uendidisse, agri uero Leontini,
qui plurimum efficit, tritici mod. C C X VI. si doceo,
pluris

pluris aliquanto potuisse te uendere, neque ijs uoluisse addicere, qui cōtra Apronium licerentur, & Apronio multo minoris, quā alijs potueris, tradidisse: si hoc doceo, poterit ne te ipse Alba, tuus antiquissimus non solum amicus, uerum etiam amator, absolvere? dico equitem R. hominem in primis honestum, Q. Minucium, cum sui similibus, ad decumas agri Leontini tritici mod. non M, non MM, non MMM, sed ad unas unius agri decumas tritici mod. XXX uoluisse addere; & ei potestatem emendi non esse factam, ne res abiret ab Apronio. negare hoc, nisi forte negare omnia constituisti, nullo modo potes. palam res gesta est, maximo conuentu, Syracusis: testis est tota prouincia; propterea quod undique ad emendas decumas solent eò conuenire. quod siue fatearis, siue conuinceris: quot, & quā maximis in rebus tenere, non uides? primum, tuam rem illam, & prædam fuisse: nam, nisi ita esset, cur tu Apronium malebas, quem omnes tuum procurare in decumis negotium loquebantur, quā Minucium, decumas agri Leontini sumere? deinde, immensum, atque infinitum lucrum esse factum: nam si XXX mod. tritici tu cōmotus non esses, certe hoc idem lucri Minucius Apronio libenter dedisset, si ille accipere uoluisset. quantam igitur illi spem prædæ popositam arbitramur fuisse, qui tantum præsens lucrum, nulla opera insumpta, contempserit, atque despexerit? deinde ipse Minucius nunquam tanti habere uoluisset, si decumas tu lege Hieronica uenderes: sed quod

DD tuis

ACTIONIS IV.

tuis nouis ediētis, & iniquissimis institutis plus aliquanto se, quā decumas, ablaturum uidebat, iccirco longius progressus est. ac Apronio semper plus etiam multo abs te permissum est, quā quod edixeras. quantum igitur quæstum putamus factum esse per eum, cui quiduis licitum sit, cum tantum lucri uoluerit addere is, cui si decumas emisset, idem non liceret? Postremo, illa quidem certe tibi præcisa defensio est, in qua tu semper omnia tua furtiua, atque flagitia latere posse arbitratus es, magno te decumas uendidisse, plebi R. consuluisse, annonæ prospexisse. non potest hoc dicere is, qui negare non potest, se unius agri decumas $\overline{x} \ x \ x$ mod. minoris, quā potuerit, uendidisse: ut, etiam si tibi hoc concedam, Minucio ideo te non tradidisse, quod iam addidisses Apronio; (aiunt enim te ita dictitare: quod ego exspecto, cupioq. te illud defendere) uerum ut ita sit; tamen non potes hoc, quasi præclarū aliquid, prædicare, magno te decumas uendidisse, cum fuisse fateare, qui multo pluris uoluerint emere. Tenetur igitur iam, iudices, & manifesto tenetur auaritia, cupiditas hominis, scelus, improbitas, audacia. quid, si hæc, quæ dico, ipsius amici, defensoresq. iudicarunt? quid uultis amplius? Aduentu L. Metelli prætoris, cū omnes eius comites iste sibi suo illo $\pi\alpha\gamma \chi\rho\acute{\nu}\varsigma\omega$ medicamento amicos redemisset, aditum est ad Metellum: eduētus est Apronius: eduxit, uir primarius, C. Gallius senator: a L. Metello, ut ex dicto suo iudicium daret in Aproniū, quod per uim,

aut

aut metum abstulisset, quam formulam Octavianam
 & Romæ Metellus habuerat, & habebat in prouin-
 cia, non impetrat; cum hoc diceret Metellus, præiu-
 dicium se de capite C. Verris per hoc iudicium nolle
 fieri, tota Metelli cohors, hominum non ingrato-
 rum, aderat Apronio. C. Gallius, homo nostri ordi-
 nis, a suo familiarissimo L. Metello iudicium ex edi-
 cto non potest impetrare. non reprehendo Metellum.
 pepercit homini amico, &, quemadmodum ipsum di-
 cere audiui, necessario: non reprehendo, inquam,
 Metellum; sed hoc miror, quo modo, de quo homi-
 ne præiudicium noluerit fieri per recuperatores, de
 hoc ipso non modo præiudicarit, uerum grauissime,
 ac uehementissime iudicarit. primum enim, si Apro-
 nium absolutum iri putaret, nihil erat, quod ullum
 præiudicium uereretur: deinde, si, condemnato A-
 pronio, coniunctam cum eo Verris causam omnes e-
 rant existimaturi, Metellus quidem certe iam hoc iu-
 dicabat, eorum rem, causamq. esse coniunctam;
 qui statuerit, Apronio condemnato, de isto præiudi-
 cium futurum. & simul una res utrique rei est argu-
 mento; & aratores ui, & metu coactos Apronio
 multo plus, quam debuerint, dedisse; & Apronium
 istius rem suo nomine egisse, cum L. Metellus statue-
 rit, non posse Apronium condemnari, quin simul de
 istius scelere, atque improbitate iudicaretur. Ve-
 nio nunc ad epistolam Timarchidis, liberti istius,
 & accensi: de qua cum dixero, totum hoc crimen
 decumanum perorabo. hæc epistola est, iudices, quam

ACTIONIS IV.

nos Syracusis, in ædibus Apronij, cum litteras con-
 quireremus, inuenimus. missa est, ut ipsa signifi-
 cat, ex itinere, cum Verres iam de prouincia de-
 cessisset, Timarchidis manu scripta. Recita epi-
 stolam Timarchidis. TIMARCHIDES, VER-
 RIS ACCENSUS, APRONIO SALVTEM DI-
 CIT. Iam hoc quidem non reprehendo, quod adscri-
 psit, accensus. cur enim sibi hoc scribere soli sumant?
 L. Papius scriba. uolo ego hoc esse commune, lecto-
 rum, uiatorum. FAC DILIGENTIAM ADHI-
 BEAS, QVOD AD EXISTIMATIONEM
 PRAETORIS ATTINET. Commendat! Apro-
 nio Verrem, & hortatur ut inimicis eius resistat.
 bono praesidio munitur existimatio tua, siquidem in
 Apronij constituitur diligentia, atque auctoritate.
 HABES VIRTUTEM, ATQVE ELOQVEN-
 TIAM. Quam copiose laudatur Apronius a Timar-
 chide? quam magnifice? cui ego non putem illum pla-
 cere oportere, qui tantopere Timarchidi probatus
 sit? HABES, SVMP TVM VNDE FACIAS. Ne-
 cesse est, quod redundaret de uestro frumentario qua-
 estu, ad illum potissimum, per quem agebatis, deflu-
 xisse. SCRIBAS, APPARITORES RECEN-
 TES ARRIPE: CVM L. VVLTEIO, QVI
 PLVRIMVM POTEST, CAEDE, CONCI-
 DE. Videte, quam ualde malitiae suae confidet Timar-
 chides, qui etiam Apronio improbitatis praecepta
 det. iam hoc, Caede, Concide, non uerba domo patroni
 depromere uidetur, ad omne genus nequitiae accom-
 modata?

modata? VOLO MIHI FRATER CVLO TVO
 CREDAS. Consorti quidē in lucris, atque furtis, ge-
 mino, & simillimo nequitia, improbitate, audacia.
 IN COHORTE CARVS HABEARE. Quid est
 hoc, In cohorte? quò pertinet? Aproniū doces? quid?
 in uestram cohortem te monitore, an sua sponte per-
 uenerat? QVOD CVIQUE OPVS SIT, APPO-
 NE. Qua impudentia putatis eum in dominatione
 fuisse, qui in fuga tam improbus sit? ait, omnia pe-
 cunia effici posse. da, profunde, appone, si uelis uin-
 cere. non hoc mihi tam molestum est Apronio suade-
 re Timarchidem, quàm quòd hoc idem patrono suo
 præcipit. TE POSTVLANTE OMNES VIN-
 CERE SOLENT. Verre quidem prætore, non Sa-
 cerdote, non Peduceo, non hoc ipso Metello. SCIS
 METELLVM SAPIENTEM ESSE. Hoc uero
 ferri iam non potest, irrideri uiri optimi L. Metelli
 ingenium, & contemni, ac despici a fugitio Ti-
 marchide. SI VVLTEIVM HABEBIS, OM-
 NIA LVDIBVNDVS PERFICIES. Hic uehemē-
 ter errat Timarchides, qui aut Vulteium pecunia
 corrumpi putet posse, aut Metellum unius arbitratu
 gerere præturam. sed errat coniectura domestica:
 quia multos per se, & per alios multa ludibundos li-
 bidinose apud Verrem effecisse uidit; ad omnes, eos-
 dem patre aditus arbitratur. facilius uos efficiebatis
 ludibundi, quæ uolebatis a Verre, quòd multa eius
 ludorum genere noratis. INCVLCATVM EST
 METELLO, ET VVLTEIO, TE ARATORES

ACTIONIS IV.

EVERTISSE. *Quis istuc Apronio attribuebat, cum aratorem aliquem euerterat? aut Timarchidi, cum ob iudicandum, aut decernendum, aut imperandum aliquid, aut remittendum, pecuniam acceperat? aut Sextio liſtori, cum aliquem innocentem securi percusserat? nemo. omne ei Verri tunc attribuebant, quem nunc condemnari uolunt.* **OBTVDERVNT EIVS AVRES, TE SOCIUM PRAETORIS FVISSE.** *Vides ne, hoc quàm clarum sit, & fuerit? cum etiam Timarchides hoc metuat, concedes, non hoc crimen nos in te confingere, sed iam pridem ad crimen aliquam defensionem liberti quærere? libertus, & accensus tuus, & tibi, ac liberis tuis omnibus in rebus coniunctus, ac proximus, ad Apronium scribit, uulgo esse ab omnibus ita demonstratum Metello, tibi Apronium in decumis socium fuisse.* **FAC SCIAT IMPROBITATEM ARATORVM. IPSI SVDABVNT, SI DII VOLENT.** *Quod istuc, per deos immortales, aut qua de causa excitatum esse dicamus in aratores tam infestum odium, atque tantum? quantam iniuriã fecerunt Verri aratores, ut eos etiam libertus, & accensus eius tam irato animo, his litteris insequatur? Neque ego huius fugitiui, iudices, epistolam uobis recitarem, nisi ut ex ea totius familiae præcepta, & instituta, & disciplinam cognosceretis. uidetis, ut moneat Apronium, quibus rebus, ac numeribus insinuet in familiaritatem Metelli, Vultium corrumpat? scribas, accensumq. pretio delin-*
niat?

niat? ea præcipit, quæ uidit: ea monet alienum hominem, quæ domi didicit ipse. uerum in hoc errat uno, quòd easdem existimat uias ad omnium familiaritates esse munitas. quanquam merito sum iratus Metello, tamen hæc, quæ uera sunt, dicam. Apronius ipsum Metellum non pretio, ut Verrem, non conuiuio, non muliere, non sermone incauto, atque improbo posset corrumpere. quibus rebus non sensim, atque moderate ad istius amicitiam arripserat, sed breui tempore totum hominum, totamque eius præturam possederat. Cohortem autem Metelli quam uocat, quid erat quod corrumpere? ex qua recuperatores nulli dabantur. Nam quòd scribit Metelli filium puerum esse, uehementer errat: non enim ad omnes prætorum filios idem aditus sunt. O Timarchide, Metelli est filius in prouincia, non puer, sed adolescens bonus, ac pudens, dignus illo loco, ac nomine. uester ille puer prætextatus in prouincia quemadmodum fuisset, non dicerem, si pueri esse illam culpam, ac non patris, existimarem. Tunc, cum te, ac tuam uitam nosses, in Siciliam tecum grandem prætextatum filium ducebas? ut, etiam si natura puerum a paternis uitijs, atque a generis similitudine abduceret, consuetudo tamen eum, & disciplina degenerare non sineret. fac enim fuisse in isto C. Lælij, M. Catonis materiem, atque indolem: quid ex eo boni sperari, atque effici potest, qui in patris luxurie sic uixerit, ut nullum unquam pudicum, neque sobrium conuiuium uiderit? qui, in epulis quotidianis, adulta ætate, per

ACTIONIS IV.

triennium, inter impudicas mulieres, & intemperantes viros uersatus sit? nihil unquam a patre audiuit, quo pudentior, aut melior esset? nihil unquam patrem agere uidit, quod cum imitatus esset, non, id quod turpissimum est, similis patri putaretur? Quibus in rebus non solum filio, uerum etiam reip. fecisti iniuriam. suscepas enim liberos non solum tibi, sed etiam patriæ, qui non modo tibi uoluptati, sed etiam qui aliquando usui reip. esse possent. eos instituere, atque erudire ad maiorum instituta, atque ciuitatis disciplinam, non ad tuas turpitudines, debuisti. esset, inertis, atque impuro, & improbo parente, nauus, & pudens, & probus filius: haberet aliquid abs te resp. muneris. nunc pro te Verrem substituiisti alterum ciuitati. nisi hoc forte deterior est, si fieri potest, quod tu eiusmodi euasisti non in hominis luxuriosi, sed tantum in furis, ac diuisoris disciplina educatus: quid isto festiuius fore arbitramur, qui est tuus natura filius, consuetudine discipulus, uoluntate similis? quæ ego, iudices, quamuis bonum, fortemq. facile paterer euadere: non enim me inimiciæ commouent, si quæ mihi cum isto futurae sint: nam si in omnibus rebus innocens fuero, mei q. similis, quid mihi istius inimiciæ nocebunt? sin aliqua in re Verri similis fuero, non magis mihi deerit inimicus, quam Verri defuit. etenim iudices eiusmodi resp. debet esse, & erit, seueritate iudiciorum constituta, ut inimicus neque deesse nocenti possit, neque obesse innocenti. quapropter nulla res est, quamobrem ego istum nolim ex patris,

ternis probris, ac uitijs emergere: id quod tametsi isti difficile est, tamen haud scio an fieri possit, praesertim si, ut nunc fit, custodes amicorum eum sectabuntur; quoniam pater tam negligens, ac dissolutus est. Verum huc longius, quam uoluntas fuit, ab epistola Timarchidis digressa est oratio mea: qua recitata, concludendum me esse crimen decumarum dixeram: ex quo intellexistis, innumerabilem frumenti numerum per triennium auersum a rep. esse, abreptumque aratoribus. sequitur, ut de frumento empto uos, iudices, doceam, maximo, atque impudentissimo furto: de quo dum certa, & pauca, & magna dicam breuiter, attendite. Frumentum emere in Sicilia debuit Verres ex S. C. & ex lege Terentia, & Cassia frumentaria. emundi duo genera fuerunt, unum certarum decumarum, alterum, quod praeterea ciuitatibus aequaliter esset distributum; illius decumani tantum, quantum ex primis decumis fuisset; huius imperati tritici mod. DCCC: pretium autem constitutum decumano in modios singulos HS terni, imperato HS IIII. ita in frumentum imperatum HS III & tricies in annos singulos Verri decernebatur, quod aratoribus solueret; in alteras decumas ferme ad nonagies. sic per triennium ad hanc frumenti emptionem Siciliensem prope centies & uicies erogatum est. Hanc pecuniam tantam, datam tibi ex aera rio inopi, atque exhausto, datam ad frumentum, hoc est ad necessitatem salutis, & uitae, datam ut Siculis aratoribus, quibus tanta onera resp. imponeret, solueretur,

ACTIIONIS IV.

ueretur, abs te sic laceratam esse dico, ut possim illud probare, si uelim, omnem te hanc pecuniam domum tuam auertisse. etenim sic hanc rem totam administrasti, ut hoc, quod dico, probari æquissimo iudici possit. sed ego habeo rationem auctoritatis meæ: me minero, quo animo, quo consilio ad causam publicam accesserim: non agam tecum accusatorie: nihil fingam: nihil cuiquam probari uelim me dicente, quod non ante mihi met ipsi probatum sit. In hac pecunia publica, iudices, hæc insunt tria genera furtorum. primum, eam, cum posita esset apud eas societates, unde erat attributa, binis centesimis fœneratus est: deinde, permultis ciuitatibus pro frumento nihil soluit omnino: postremo, si cui ciuitati soluit, tantum detraxit, quantum commodum fuit, nulli, quod debitum est, reddidit. ac primum, hoc ex te quero. tu, cui publicani e Carpinatij litteris gratias egerunt, pecunia publica ex ærario erogata, ex uectigalibus populi R. ad emendum frumentum attributa, fuerit ne tibi quæstui? pensitarit ne tibi binas centesimas? credo te negaturum: turpis enim est, & periculosa confessio. mihi autem hoc per arduum est demonstrare: quibus enim testibus? publicani tractati honorifice sunt: tacebunt. litteræ eorum decreto decumanorum remotæ sunt. quò me igitur uertam? rem tam improbam, crimen tantæ audaciæ, tantæq. impudentiæ, propter inopiam testium, ac litterarum præmittam? non faciam, iudices: utar teste: quo? P. Vettio Chilone, homine equestris ordinis honestissi-

mo

mo, atque ornatissimo : qui isti ita amicus & necessarius est, ut, etiam si uir bonus non esset, tamen, quod contra istum diceret, graue uideretur ; ita uir bonus est, ut, etiam si inimicissimus isti esset, tamen eius testimonio credi oporteret. admiratur, & exspectat, quidnam Vettius dicturus sit. nihil dicet ex tempore, nihil ex sua uoluntate, nihil, ut ei utrumuis licuisse uideatur. misit in Siciliam litteras ad Carpinatium, cum esset magister scripturae, & eius societatis publicanorum : quas ego Syracusis apud Carpinatium in litterarum allatarum libris, Romae in litterarum missarum apud magistrum Tullium, familiarem tuum, inueni : quibus ex litteris impudentiam fenerationis, quaeso, cognoscite. LITTERAE MISSAE L. VETTI, L. SERVILII, C. ANTISTITIS, MAGISTRORVM. Praesto se tibi ait futurum Vettius, & obseruaturum quemadmodum rationes ad aerarium referas : ut, si hanc ex fenore populo pecuniam non retuleris, reddas societati. possumus hoc teste, possumus P. Seruili, & C. Antistitis, magistrorum, primorum hominum, atque honestissimorum, possumus auctoritate societatis, cuius litteris utimur, quod dicimus, obtinere, an aliqua firmiora, aut grauiora quaerenda sunt ? Vettius tuus familiarissimus, Vettius tuus affinis, cuius sororem habes in matrimonio, tuae frater uxoris Vettius, frater tui quaestoris, impudentissimum tuum furtum certissimumque peculatum : nam quo alio nomine pecuniae publicae feneratio est appellanda ? *

Recita

ACTIIONIS IV.

Recita reliqua . Scribam tuum dicit , Verres , huius
 perscriptorem fenerationis fuisse . ei quoque magi-
 stri minantur in litteris . etenim casu scribæ tum duo
 magistri fuerunt cum Vettio . binas centesimas ab se
 ablatas , ferundum non putant : & recte non putant :
 quis enim hoc fecit unquam , quis denique conatus est
 facere , aut posse fieri cogitavit , ut , cum senatus pu-
 blicanos usura sepe iuisset , magistratus a publicanis
 pecuniam pro usuris auderet auferre ? certe huic ho-
 mini spes nulla salutis esset , si publicani , hoc est si e-
 quites R. iudicarent : minor esse nunc , iudices , uobis
 disceptantibus debet , & tanto minor , quanto est ho-
 nestius alienis iniurijs , quàm re sua , commoueri .
 Quid ad hæc respondere cogitas ? utrum , factum ne-
 gabis , an tibi hoc licitum esse defendes ? negare qui
 potes ? an ut tanta auctoritate litterarum , tot testi-
 bus publicanis conuincare ? licuisse uero qui ? si me-
 hercule te tuam pecuniam , non populi R. in prouin-
 cia feneratum docerem , tamen effugere non posses :
 sed publicam , sed ob frumentum decretam , sed a pu-
 blicanis fenore accepto , hoc licuisse cuiquam proba-
 bis ? quo non modo ceteri , sed ipse nihil audacius , im-
 probiusq. fecisti . Non mehercule hoc , quod omni-
 bus singulare uidetur , de quo mihi deinceps dicendum
 est , possum , iudices , dicere audacius esse , aut impu-
 dentius , quod permultis ciuitatibus pro frumento ni-
 hil soluit omnino : maior hæc præda fortasse est , sed
 illa impudentia certe non minor . & quoniam de illa
 feneratione satis dictum est , nunc de hac tota pecu-
 nia

nia auersa, quæso, cognoscite. Sicilia ciuitates multa sunt, iudices, ornatae, atque honestae: ex quibus in primis numeranda est ciuitas Halesina. nullam enim reperietis aut officijs fidelio rem, aut copijs locupletio rem, aut auctoritate grauiorem. huic iste in annos singulos cum sexaginta tritici millia modium impera uisset, pro tritico nummos abstulit, quanti erat in Sicilia triticum: quos de publico nummos acceperat, retinuit omnes. obstupui, iudices, cum hoc mihi primum Halesæ demonstrauit, in senatu Halesinorum, homo summo ingenio, summa prudentia, summa auctoritate præditus Halesinus Aenias: cui senatus dederat publice causam, ut mihi, fratriq. meo gratias ageret, & simul qui nos ea, quæ ad iudicium pertinerent, doceret. demonstrat hanc istius cõsuetudinem, ac rationem fuisse; cum omnis frumenti copia decumarum nomine penes istum esset redacta, solitum esse istum pecuniam cogere a ciuitatibus; frumentum improbare; quantum frumenti Romam esset mittendum, tantum de suo quæstu, ac de sua copia frumenti mittere. posco rationes: inspicio litteras: uideo, frumenti granum Halesinos, quibus LX millia modium imperata erant, nullum dedisse; pecuniam Volcatio, Timarchidi, scribæ dedisse. reperio genus huiuscemodi, iudices, prædæ, ut prætor, qui frumentum emere debebat, non emat, sed uendat; pecunias, quas ciuitatibus distribuere debebat eas omnes auertat, atque auferat. non mihi iam furtum, sed monstrum, ac prodigium uidebatur, ciuitatum frumentum improbare,

A C T I O N I S I V .

probare, pretium ei frumento constituere; quod constituisset, id ciuitatibus auferre; quod a populo R. accepisset, tenere. quot uultis esse in uno furto peccatorum gradus? ut, si singulis insistere uelim, progredi ipse non possem. Improbas frumentum Siculum: quid? ipse quod mittis? peculiarem habes aliquam Siciliam, quæ tibi ex alio genere frumentum suppeditare possit? cum senatus decernit, ut ematur in Sicilia frumentum, aut populus iubet; hoc, ut opinor, intelligit, ex Sicilia Siculum frumentum apportari oportere. tu, cum ciuitatum Siciliae uulgo omne frumentum improbas, num ex Aegypto, aut ex Syria frumentum Romam mittis? improbas Halesinum, Cephaleditanum, Thermitanum, Ameſtratinum, Tindaritanum, Herbitense, multarum præterea ciuitatum. quid accidit tandem, ut horum populorum agri frumentum eiusmodi te prætoris ferrent, quod nunquam antea, ut neque tibi, neque populo R. posset probari, præsertim cum ex iisdem agris, eiusdemq. anni frumentum ex decumis Romam mancipēs aduexissent? quid acciderat, ut ex eodem horreo decumanum probaretur, emptum non probaretur? dubium ne est, quin ista omnis improbatio cogendæ pecuniæ causa nata sit? esto: improbas Halesinum: habes ab alio populo, quod probes: eme illud, quod placet: missos fac eos, quorum frumentum improbasti. sed ab ijs, quos repudias, exigis tantum pecuniæ, quantum ad eum numerum frumenti satis, si quem ciuitati imperas. dubium est, quid egeris? in
medimna

*medimna singula uideo ex litteris publicis tibi Hale
 sinos HS quinos denos dedisse . ostendam ex tabulis
 locupletissimorum aratorum , eodem tempore nemi-
 nem in Sicilia pluris frumentum uendidisse . quæ er-
 go ista ratio , aut quæ potius amentia , frumentum
 improbare id , quod ex eo loco sit , ex quo senatus ,
 et populus R. emi uoluerit ? ex eo aceruo , ex quo par-
 tem tu idem decumarum nomine probaris ? deinde a
 ciuitatibus pecunias ad emendum frumentum coge-
 re , cum ex ærario acceperis ? utrum te lex Terentia
 Siculorum pecunia frumentum emere a Siculis , an
 populi R. pecunia frumentum ab Siculis emere iussit ?
 Iam uero ab isto omnem illam ex ærario pecuniam ,
 quam his oportuit ciuitatibus pro frumento dari , lu-
 crisactam uidebitis . Accipis HS x v pro medim-
 no . tanti enim est illo tempore medimnum . retines
 HS xviii . tanti enim est frumentum Siciliense
 ex lege æstimatum . quid interest , utrum hoc fece-
 ris , an frumentum non improbaris , sed frumento
 probato , & accepto , pecuniam publicam tenueris
 omnem , neque quidquam ulli dissolueris ciuitati ?
 cum æstimatio legis eiusmodi sit , ut ceteris tempori-
 bus tolerabilis Siculis , te prætoris etiam grata esse
 debuerit . est enim modius lege HS iii æstimatus :
 fuit autem te prætoris , ut tu in multis epistolis ad a-
 micos tuos gloriaris , HS ii . sed fuerit HS iii :
 quoniam tu tantum a ciuitatibus in modios singulos
 exegisti . cum , si solueres Siculis tantum , quantum
 te populus R. iussèrat , aratoribus fieri gratissimum
 posset ,*

DE ACTIONIS IV.

posset, tu non modo eos accipere, quod oportebat, noluisti, sed etiam dare, quod non debebant, coegisti. atque hæc ita gesta esse, iudices, cognoscite ex litteris publicis ciuitatum, & ex testimonijs publicis: in quibus nihil fictum, nihil ad tempus accommodatum intelligetis. omnia, quæ dicimus, rationibus populorum, non interpositis, neque perturbatis, neque repentinis, sed certis, institutis, ordine relata, atque confecta sunt. Recita rationes Halesinorum. Cui pecuniam datam dicit? dic, dic etiã clarius. VOLCATIO, TIMARCHIDI, MEVIO. Quid est, Verres? ne illam quidem tibi defensionem reliquam fecisti, mancipes in istis rebus esse uersatos, mancipes frumentum improbasse, mancipes pretio cum ciuitatibus decidisse, & eosdem abs te illarum ciuitatum nomine pecunias abstulisse, deinde ipsos sibi frumentum coemisse, nihil hæc ad te pertinere. mala mehercule, ac misera defensio, prætorem hoc dicere: ego frumentum neque attigi, neque aspexi; mancipibus potestatem probandi, improbandiq. permisi: mancipes a ciuitatibus pecunias extorserunt; ego autem, quã pecuniam populis dare debui, mancipibus dedi: mala est quidem, ut dixi, defensio criminis; sed tamen hac ipsa tibi, si uti cupias, non licet. uetat te Volcatius, tuæ, tuorumq. delicia, mentionem mancipis facere. Timarchides autem, columen familiæ uestræ, premit fauces defensionis tuæ: cui simul, & Volcatio pecunia a ciuitate numerata est iam uero scribe tuus annulo aureo suo,

suo, quem ex his rebus inuenit, ista te ratione uti non sinet. quid igitur est reliquum? nisi uti fateare, te Romam frumentum emptum Siculorum pecunia misisse, publicam pecuniam domum tuam conuertisse. O consuetudo peccandi, quantam habes iucunditatem in improbis, & audacibus, cum pœna absuit, & licentia consecuta est. iste in hoc genere peculatus non nunc primum inuenitur, sed nunc demum tenetur. uidimus huic ab ærario pecuniam numerari quæ stori ad sumptum exercitus consularis: uidimus paucis post mensibus & exercitum, & consulem spoliatum. illa omnis pecunia latuit in illa caligine, ac tenebrit, quæ totam remp. tum occupauerat. iterum gessit hereditariam quæsturam cum Dolabella: magnam pecuniam auertit: sed eius rationem cum damnatione Dolabellæ permiscuit. commissæ est pecunia tanta prætori: non reperietis hominem timide, nec leuiter hæc improbißima lucra ligurrientem: de uorare omnem pecuniam publicam non dubitauit. ita serpit illud insitum in natura malum consuetudine peccandi libera, finem ut audaciæ statuere ipse sibi non possit. tenetur igitur aliquando, & in rebus tum maximis, tum manifestis tenetur. atque in eam fraudem mihi uidetur diuinitus incidisse, non solum ut eas pœnas, quas proxime meruisset, solueret, sed ut illa etiam scelera eius in Carbonem, & in Dolabella non uindicarentur. etenim noua quoque alia res extitit, indices, in hoc crimine, quæ tollat omnem dubitationem superioris illius decumani criminis. nam,

EE

ut

A C T I O N I S I V .

ut illud missum faciam , permultos aratores in alteras decumas, & in hac DCCC millia modium, quod emptum populo R. darent , non habuisse , sed a tuo procuratore, hoc est ab Apronio, emisse ; ex quo intelligi potest , nihil te aratoribus reliqui fecisse : ut hoc præteream , quod in multis est testimonijs expositum ; potest illo quidquam esse certius , in tua potestate, atque in tuis horreis omne frumentum Sicilia per triennium , atque omnes fructus agri decumani fuisse ? cum enim a ciuitatibus pro frumento pecuniam exigebas, unde erat frumentum, quod Romam mitteres , si tu id non omne clausum, & compressum possidebas ? itaque in eo frumento primus tibi ille quaestus fuit ipsius frumenti, quod erat ereptum ab aratoribus : alter , quod id frumentum improbiissime partum, non semel , sed bis , neque uno , sed duobus pretijs unum & idem frumentum uendidisti , semel ciuitatibus HS xv in medimnum , iterum populo R. a quo HS xviii in medimna pro eodem illo frumento abstulisti . At enim frumentum Centuripinorum & Agrigentinorum, & non nullorum fortasse præterea probasti , & his populis pecuniam dissoluisti . Sint aliqua ciuitates in eo numero , quarum frumentum improbare uolueris : quid tandem ? his ciuitatibus omnis ne pecunia , quæ pro frumento debita est , dissoluta est ? unum mihi reperi non populum, sed aratorem : uide , quære , circumspice , si quis forte est ex ea prouincia , in qua tu triennium præfuisi , qui te nolit perisse : unum , inquam, da mihi ex illis aratoribus ,

toribus , qui uel ad statuam pecuniam contulerunt ,
 qui sibi dicat pro frumento omne esse , quod oportue-
 rit , solutum . confirmo , iudices , neminem esse dictu-
 rum . ex omni pecunia , quam aratoribus soluere de-
 buisti , certis nominibus deductiones fieri solebant ,
 primum pro spectatione , & collybo , deinde pro ne-
 scio quo cerario . hæc omnia , iudices , non rerum cer-
 tarum , sed furtorum improbissimorum sunt uocabu-
 la . nam collybus esse qui potest , cum utantur omnes
 uno genere nummorum ? cerarium uero quid uocas ?
 quo modo hoc nomen ad rationes magistratus , quo
 modo ad pecuniam publicam allatum est ? Nam illud
 genus tertium , deductionis , erat eiusmodi , quasi
 non modo liceret , sed etiam oporteret , nec solum o-
 porteret , sed plane necesse esset . scribæ nomine de to-
 ta pecunia binæ quinquagesimæ detrahebantur . quis
 tibi hoc concessit , quæ lex , quæ senatus auctoritas ,
 quæ porro æquitas , ut tantam pecuniam scriba tuus
 auferret siue de aratorum bonis , siue de populi R. ue
 ctigalibus ? nam si potest ista pecunia sine aratorum
 iniuria detrahi : populus R. habeat , præsertim in
 tantis ærarij angustiis . sin autem & populus id uo-
 luit , & æquum ita est , solui aratoribus : tuus appa-
 ritor parua mercede populi conductus , de aratorum
 bonis prædabitur ? Et in hac causa scribarum ordi-
 nem in me concitabit Hortensius ? & eorum com-
 mo da a me labefactari , atque oppugnari iniuria dicet ?
 quasi uero hoc scribis ullo exemplo sit , aut ullo iure
 concessum . quid ego uetera repetam ? aut quid eo-

EE 2 rum

ACTIONIS IV.

rum scribarum mentionem faciam, quos constat sanctissimos homines, atque innocentissimos fuisse? non me fugit, iudices, uetera exempla pro fictis fabulis iam audiri, atque haberi. in his temporibus uersabor miseris, ac perditis. nuper, Hortensi, quaestor fuisti. quid tui scribae fecerint, tu potes dicere. ego de meis hoc dico: cum in eadem ista Sicilia pro frumento ciuitatibus pecuniam soluerem, mecum duos frugalissimos homines scribas haberem, L. Mamilium, & L. Sergium, non modo istas duas quinquagesimas, sed omnino nummum nullum cuiquam esse deductum. dicerem, hoc mihi totum esse attribuendum, iudices, si illi unquam a me hoc postulassent, si unquam omnino cogitassent. quamobrem enim scriba deducat, ac non potius mulio, qui aduexerit? tabellarius, cuius aduentu certiores facti petiuerunt? praeco, qui adesse iussit? uiator, ac Venerius, qui fiscum sustulit? quae pars operae, aut oportunitatis in scriba est, cur ei non modo merces tanta detur, sed cur cum eo tantae pecuniae partitio fiat? ordo est honestus: quis negat? aut quid ea res ad hanc rem pertinet? est uero honestus, quod eorum hominum fidei tabulae publicae, periculaque magistratuum committuntur. itaque ex ijs scribis, qui digni sunt illo ordine, patribus familias, uiris bonis, atque honestis, percontamini, quid sibi istae quinquagesimae uelint: iam omnes intelligetis, nouam rem totam, atque indignam uideri. ad eos me scribas reuoca, si placet: noli hos colligere, qui, nummulis corrogatis de nepotum

tum donis , ac de scenicorum corollarijs , cum decuriam emerunt , ex primo ordine explosorum in secundum ordinem ciuitatis se uenisse dicunt . eos scribas tecum disceptatores huius criminis habebo , qui istos scribas esse moleste ferunt . tametsi , cum in eo ordine uideamus esse multos non idoneos , qui ordo industriae propositus est , & dignitati ; mirabimur turpes aliquot in eo esse , quò cuius licet pretio peruenire ? Tu ex pecunia publica HS tredecies scribam tuum permissu tuo cum abstulisse fateare , reliquam tibi ullam defensionem putas esse ? hoc ferre quenquam posse , hoc quenquam denique nunc tuorum aduocatorum animo æquo audire arbitrare ? qua in ciuitate C. Catoni , clarissimo uiro , consulari homini , HS XVIII millib. lis aestimata sit , in eadem ciuitate apparitori tuo esse concessum , ut HS uno nomine tredecies auferret ? hinc ille est anulus aureus , quo tu istum in concione donasti . quæ tua donatio , singulari impudentia prædita , noua Siculis omnibus , mihi uero incredibilis uidebatur . sæpe enim nostri imperatores , superatis hostibus , optime rep. gesta , scribas suos anulis aureis in concione donarunt : tu uero , quibus rebus gestis , quo hoste superato , concionem , donandi causa , aduocare ausus es ? neque enim solum scribam tuum anulo , sed etiam uirum fortissimum , ac tui dissimillimum , Q. Rubrium excellenti uirtute , auctoritate , copijs , corona , & phaleris , & torque donasti ; M. Cossutium , sanctissimum uirum , atque honestissimum ; M. Castritium , summo splendore , in

EE 3 genio ,

ACTIONIS IV.

genio, gratia præditum. quid hæc sibi horum trium
 ciuium R. dona uoluerunt? Siculos præterea potentis-
 simos, nobilissimosq. donasti. qui non, quemadmo-
 dum sperasti, tardiores fuerunt, sed ornatiores tuo
 iudicio ad testimonia dicenda uenerunt. quibus ex ho-
 stium spolijs, de qua uictoria, qua ex præda, aut
 manubijs hæc abs te donatio constituta est? an quòd
 te prætor, paucorū aduentu myoparonū, classis pul-
 cherrima, Siciliae propugnaculum, præsidiumq. pro-
 uinciæ, piratarum manibus incensa est? an quòd a-
 ger Syracusanus prædonum incendijs, te prætor,
 uastatus est? an quòd forum Syracusanum nauarcho-
 rum sanguine redundauit? an quòd in portu Syracu-
 sano piraticus myoparo nauigauit? nihil possum repe-
 rire, quamobrem te in istam amentiam incidisse ar-
 bitrer: nisi forte id egisti, ut hominibus ne obliuisci
 quidem rerum tuarum male gestarum licet. Anulo
 est aureo scriba donatus: & ad eam donationem con-
 cio est aduocata. quod erat os tuum, cum uidebas in
 concione eos homines, quorum ex bonis iste anulus
 aureus donabatur, qui ipsi anulos aureos posuerant,
 liberisq. suis detraxerant, ut esset unde scriba tuus
 hoc tuum munus, ac beneficium tueretur? quæ porro
 præfatio tuæ donationis fuit? illa scilicet uetus, at-
 que imperatoria? quandoquidem tu in prælio, in
 bello, in re militari: cuius ne mentio quidem te præ-
 tore ulla facta est. an illa? quandoquidem tu nulla un-
 quam mihi in cupiditate, ac turpitudine defuisti, om-
 nibusq. in ijsdem flagitijs mecum, & in legatione,
 & in

& in prætura, & hic in Sicilia uersatus es; ob ha-
 sceres, quoniam te locupletavi, hoc anulo aureo do-
 no. uera hæc fuisset oratio: non enim iste anulus au-
 reus, abs te datus, istum uirum fortem, sed homi-
 nem locupletem esse declarat. ita eundem anulum
 ab alio datum, testem uirtutis duceremus; abs te do-
 natum, comitem pecunie iudicamus. Dictum, iu-
 dices, est de decumano frumento: dictum de empto:
 extremum & reliquum est de æstimato. quod tum
 magnitudine pecunie, tum iniurie genere quemuis
 debet commouere, & uero eo magis, quod ad hoc cri-
 men non ingeniosa aliqua defensio, sed improbiissi-
 ma confessio comparatur. nam cum ex S. C. & ex le-
 gibus frumentum ei in cællam sumere liceret; idq. fru-
 mentum senatus ita æstimasset, ternis HS tritici mo-
 dium, binis ordeï, numero ad summam tritici adie-
 cto, tritici modios singulos cum aratoribus denarijs
 ternis æstimauit. non est in hoc crimen, Hortensi;
 ne forte ad hoc meditare, multos sæpe uiros bonos, et
 fortes, & innocentes cum aratoribus, & cum ciui-
 tatibus frumentum, in cællam quod sumi oporteret,
 æstimasse, & pecuniam pro frumento abstulisse. scio,
 quid soleat fieri: scio, quid liceat. nihil, quod antea
 fuerat in consuetudine bonorum, nunc in istius facto
 reprehenditur: hoc reprehendo, quod, cum in Sici-
 lia HS binis, modius esset, ut istius epistola ad te mis-
 sa declarat, summum HS ternis, id quod & testimo-
 nijs omnibus, & tabulis aratorum planum factum
 antea est; tum iste pro tritici modijs singulis ternos

A C T I O N I S I V .

ab aratoribus denarios exegit . hoc crimen est: ut intelligas non ex æstimatione , neque ex ternis denarijs pendere crimen, sed ex coactione annonæ, atque æstimationis . etenim hæc æstimatio nata est , iudices , initio non ex prætorum , aut consulum , sed ex aratorum , atque ciuitatum commodo . nemo enim fuit initio tam impudens , qui , cum frumentum deberetur , pecuniam posceret . certe hoc ab aratore primum est profectum , aut ab ea ciuitate , cui imperabatur . cum aut frumentum uendidisset , aut seruare uellet , aut in eum locum , quò imperabatur , frumentum portare nollet ; petiuit in beneficij loco , & gratia , ut sibi pro frumento , quanti frumentum esset , dare liceret . ex huiusmodi principio , atque ex liberalitate , atque accommodatione magistratum , consuetudo æstimationis introducta est . secuti sunt auariores magistratus : qui tamen in auaritia sua non solum uiam quæstus inuenerunt , uerum etiam exitum , ac rationem defensionis instituerunt . semper ad ultima , ac difficillima loca apportandum frumentum imperare ; ut , uecturæ difficultate , ad quam uellent æstimationem peruenirent . in hoc genere facilius est existimatio , quàm reprehensio : ideo quòd eum , qui hoc facit , auarum possumus existimare , crimen in eo constituere non tam facile possumus : quòd uidetur concedendum magistratibus nostris esse , ut ijs , quo loco uelint , frumentum accipere liceat . itaque hoc est , quod multi fortasse fecerunt ; & ita multi , ut ij , quos innocentissi-

mos

mos meminimus, aut audiuius, non fecerint.

Quæronunc a te, Hortensi, cum utris tandem istius factum collaturus es? cum ijs, credo, qui benignitate adducti per beneficium, & gratiam ciuitatibus concesserunt, ut nummos pro frumento darent. ita credo, petiisse ab isto aratores, ut, cum HS ternis tritici modium uendere non possent, pro singulis modijs ternos denarios dare liceret. an, quoniam hoc non audes dicere, illuc confugies? uecturæ difficultate adductos, ternos denarios dare maluisse. cuius uecturæ? quo ex loco? in quem locum ne portarent? Philomelone Ephesum? uideo quid inter annonam interesse soleat: uideo, quot dierum uia sit: uideo Philomelensibus expedire, quanti Ephesi sit frumentum, tantum dare potius in Phrygia, quàm Ephesum portare, aut ad emendum frumentum Ephesum pecuniam, & legatos mittere. in Sicilia uero quid eiusmodi? Enna mediterranea est maxime. coge, ut ad aquam tibi, id quod summi iuris est, frumentum Ennenses metiantur, uel Plutiam, uel Halesam, uel Catinam, loca inter se maxime diuersa: eodem die, quo iusseris, deportabunt. tametsi ne uectura quidem opus est. nam totus quæstus hic, iudices, æstimationis ex annonæ natus est uarietate. hoc enim magistratus in prouincia assequi potest, ut ibi accipiat, ubi est carissimum. ideo ualet ista ratio æstimationis in Asia, ualet in Hispania, ualet in ijs prouincijs, in quibus unum pretium frumento esse non solet. in Sicilia uero quid cuiusquã intererat, quo loco daret? neque enim portandum erat

ACTIONIS IV.

erat: & quò quisque uehere iussus esset, ibi tantidem frumentum emeret, quanti domi uendidisset. Quamobrem si quid, Hortensi, docere uis, aliquid ab isto simile aestimatione, atque a ceteris, esse factum; doceas oportet, aliquo in loco Siciliae, praetore Verre, ternis denarijs tritici modium fuisse. uide, quam tibi defensionem patefecerim, quam iniquam in socios, quam remotam ab utilitate reip. quam seiunctam a uoluntate, atque sententia legis. tu, cum tibi ego frumentum in meis agris, atque in mea ciuitate, denique cum in ijs locis, in quibus es, uersaris, rem geris, prouinciam administras, paratus sim dare; angulum mihi aliquem eligas prouinciae reconditum, ac derelictum? iubeas ibi me metiri, quò portare non expediat? ubi emere non possum? improbum facinus, iudices, non ferendum, nemini lege concessum, sed fortasse adhuc in nullo etiam uindicatum. tamè ego hoc, quod ferri nego posse, Verri, iudices, concedo, & largior. si ullo in loco eius prouinciae frumentum tanti fuit, quanti iste aestimauit: hoc crimen in istum reum ualere oportere non arbitror. uerum enim uero, cum esset HS binis, aut etiam ternis quibusuis in locis prouinciae, duodenos sestertios exegisti. si mihi tecum neque de annonae, neque de aestimatione tua potest esse còtrouersia, quid sedes? quid exspectas? quid defendes? utrum tibi pecuniae conciliatae uidentur aduersum leges, aduersum remp. cum maxima sociorum iniuria; an uero id recte, ordine, e rep. sine cuiusquam iniuria factum esse defendes? cum tibi senatus

tus

tus ex arario pecuniam prompsisset, & singulos tibi denarios adnumerasset, quos tu pro singulis modijs aratoribus solueres; quid facere debuisti? si, quod L. Piso ille Frugi, qui legem de pecunijs repetundis primus tulit: cum emisset, quanti esset; quod superaret pecuniæ, retulisset. si, ut ambitiosi homines, aut benigni: cum pluris senatus aestimasset, quam quanti esset annonæ; ex senatus aestimatione, non ex annonæ ratione soluisset. sin, ut plerique faciunt, in quo etiam erat aliquis quæstus, sed is honestus, atque concessus: frumentum, quoniam uilius erat, ne emisset: sumpsisset id nummorum, quod tibi senatus cællæ nomine concesserat. hoc uero quid est? quam habet rationem, non quæro æquitatis, sed ipsius improbitatis, atque impudentiæ? neque enim est fere quidquā, quod homines palam facere audeant in magistratu, quamuis improbi, quin eius facti si non bonam, at aliquam rationem asferre soleant. hoc quid est? uenit prætor: frumentum, inquit, me abs te emere oportet. optime. modium denario: benigne, ac liberaliter: nam ego tribus HS non possum uendere. mihi frumento non opus est: nummos uolo. nam, speraue-ram, inquit arator, me ad denarios peruenturum: sed, si ita necesse est, quanti frumentum sit, considera. uideo esse binis HS: quid ergo a me tibi nummorum dari potest, cum senatus tibi quaternos nummos dederit? quid poscit, attendite: & uos quæso simul, iudices, æquitatem prætoris attendite. Quaternos HS, quos mihi senatus decreuit, & ex arario dedit, ego,

A C T I O N I S I V .

ego, habebo, & in cistam transferam ex fisco . quid
 postea ? quid ? pro singulis modijs, quos tibi impero,
 tu mihi octonos **HS** dato . qua ratione ? quid quaeris
 rationem ? non tantam rationem res habet, quantam
 utilitatem, atque prædam . dic, inquit ille, planius.
 senatus te uoluit mihi nummos dare, me tibi frumen-
 tum metiri : tu eos nummos, quos mihi senatus dari
 uoluit, ipse habebis ? a me, cui singulos denarios dari
 oportuit, binos aufers ? & huic prædæ, ac direption-
 nis cellæ nomen imponis ? Hæc deerat, iniuria, et hæc
 calamitas aratoribus te prætor, qua reliquis fortu-
 nis omnibus euerterentur ? nam quid esse reliqui po-
 terat ei, qui per hanc iniuriam non modo frumentum
 omne amittere, sed etiam omne instrumentum uende-
 re cogeretur ? quod enim se uerteret, non habebat . ex
 quo fructu nummos, quos tibi daret, inueniret ? de-
 cumarum nomine tantum erat ablatum, quantum uo-
 luntas tulerat Apronij : pro alteris decumis, empto-
 que frumento aut nihil datum, aut tantum datum,
 quantum reliqui scriba fecerat, aut ultro etiam, id
 quod didicistis, ablatum . cogantur etiam nummi ab
 aratore . quo modo ? quo iure ? quo exemplo ? nam
 cum fructus diripiebantur aratorum, atque omni la-
 cerabatur iniuria ; uidebatur id perdere arator, quod
 aratro ipse quaesisset, in quo elaborasset, quod agri, se-
 getesque extulissent . quibus iniurijs grauissimis tamen
 illud erat miserum solatium, quod id perdere uideba-
 tur, quod alio prætor, eodem ex agro reparare pos-
 set . nummos uero ut daret arator, quos non aratro,
 ac

ac manu quærit; boues, & aratrum ipsum, & omne instrumentum uendat, necesse est. non enim debetis hoc cogitare: habet idem in nummis: habet idem in urbanis prædijs. nam cum aratori onus aliquod imponitur; non hominis, si quæ sunt præterea, facultates, sed arationis ipsius uis, ac ratio considerata est, quid ea sustinere, quid pati, quid efficere possit, ac debeat. quanquam illi quoque sunt homines ab isto omni ratione exinaniti, ac perdit: tamen hoc uobis est statuumdum, quid aratorem ipsum arationis nomine muneris in remp. fungi, ac sustinere uelit. imponitis decumas; patiuntur: alteras; temporibus uestris seruiendum putant. dent emptum præterea: dabunt, si uoletis. hæc quàm sint graua, & quid, his rebus de tractis, possit ad dominos puri, ac reliqui peruenire, credo uos ex uestris rebus rusticis coniectura assequi posse. addite nunc eodem istius edicta, instituta, iniurias: addite Apronij, Veneriorumq. seruorum in agro decumano regna, ac rapinas: quanquam hæc omitto: de cella loquor. placet ne uobis in cellam magistratibus nostris frumentum Siculos gratis dare? quid hoc indignius? quid iniquius? atqui hoc scitote aratoribus, hoc prætor, optandum, ac petendum fuisse. Sositenus est Entellinus, homo cum primis ciuitatis prudens, & domi nobilis? cuius uerba audistis; qui ad hoc iudicium legatus publice cum Arte mone, & Menisco, primarijs uiris, missus est. is cū in senatu Entellino multa mecum de istius iniurijs ageret, hoc dixit, si hoc de cella, atque hac æstimatione

ne

ACTIONIS IV.

ne concederetur, uelle Siculos senatui polliceri frumentum in cellam gratis, ne posthac tantas pecunias magistratibus nostris decerneremus. Perspicere uos certo scio, Siculis quantopere hoc expediat, non ad æquitatis condicionem, sed ad minima malorum eligenda. nam qui mille modium Verri suæ partis in cellam gratis dedisset, duo millia nummum, aut summum tria dedisset; idem nunc pro eodem numero frumenti HS VIII dare coactus est. hoc arator assequi per triennium, certo fructu suo non potuit: uendiderit instrumentum, necesse est. quod si hoc munus, & uectigal aratio tolerare, hoc est Sicilia ferre, ac pati potest: populo R. ferat potius, quàm nostris magistratibus. magna est pecunia, magnum præclarumq. uectigal; si modo id salua prouincia, si sine iniuria sociorum percipere possitis. nihil detraho magistratibus: tantundem detur in cellam, quantum semper datum est. quod præterea Verres imperat, id, si facere non possunt, recusent; si possunt, populi R. potius hoc sit uectigal, quàm præda prætoris. deinde cur in uno genere solo frumenti ista æstimatio constituitur? si est æqua, & ferenda; populo R. Sicilia decumas det, pro singulis tritici modijs ternos denarios; sibi habeat frumentum. data tibi pecunia est, Verres; una, qua frumentum tibi emerēs in cellam; altera, qua frumentum emerēs a ciuitatibus, quod Romam mitteres. tibi datam pecuniam domi retines: & præterea pecuniam permagnam tuo nomine aufers. fac idem in eo frumento, quod ad populum R. pertinet: exige

exige eadem æstimatione pecuniam a ciuitatibus, & refer quam acceperis: tum refertius erit ærarium populi R. quàm unquam fuit. at enim istam rem in publico frumento Sicilia non ferret, hanc rem in meo frumento tulit. proinde quasi aut æquior sit ista æstimatio in tuo, quàm in populi R. commodo: aut ea res, quam ego dico, & ea, quam tu fecisti, inter se genere iniuriæ, non magnitudine pecuniæ differant. uerum istam ipsam cællam ferre nullo modo possunt. ut omnia remittantur; ut omnibus iniurijs, & calamitatibus, quas, te prætor, tulerunt, in posterum liberentur; istam se cællam, atque istam æstimationem negant ullo modo ferre posse. Multa Sophocles Agri gentinus apud Cn. Pompeium consulem nuper, homo disertissimus, & omni doctrina, & uirtute ornatissimus, pro tota Sicilia de aratorum miserijs grauiter, ac copiose dixisse, ac deplorasse dicitur. ex quibus hoc ijs, qui aderant, (nam magno conuentu acta res est) indignissimum uidebatur: qua in re senatus optime, ac benignissime cum aratoribus egisset, large, liberaliterq. æstimasset, in ea re prædari prætorem, bonis euerti aratores, & id non modo fieri, sed ita fieri, quasi liceat, concessumq. sit. Quid ad hæc Hortensius? falsum esse crimen? hoc nunquam dicet. non magnam hac ratione pecuniam captam? ne id quidem dicet. non iniuriam factam Siculis, atque aratoribus? qui poterit dicere? quid igitur dicet? fecisse alios? quid est hoc? utrum crimini defensio, an comitatus exsilio quaeritur? tu in hac rep. atque in hac hominū libidine,

ACTIONIS IV.

libidine, & ut adhuc habuit se status iudiciorum, etiam licentia, non ex iure, non ex æquitate, non ex lege, non ex eo, quod licuit, sed ex eo, quod aliquis fecerit, id, quod reprehenditur, recte factum esse defendes? fecerunt aliqui alia quàm multa: cur in hoc uno crimine isto genere defensionis uteris? sunt quædam omnino in te singularia, quæ in nullum alium hominem dici, neque conuenire possint; quædam tibi cū multis communia. ergo ut omittam tuos peculatus, ut ob ius dicendum pecunias acceptas, ut eiusmodi cetera, quæ forsitan alij quoque etiam fecerint: illud, in quo te grauissime accusauimus, quòd ob iudicandam rem pecuniam accepisses, eadem ista ratione defendes, fecisse alios? ut ego assentiar orationi, defensionem tamen non probabo: potius enim, te damnato, ceteris angustior locus improbitatis defendendæ relinquetur, quàm, te absoluto, alij, quod audacissime fecerunt, recte fecisse existimentur. Lugent omnes provincie: queruntur omnes liberi populi: regna denique iam omnia de nostris cupiditatibus, & iniurijs expostulant: locus intra Oceanum iam nullus est, neque tam longinquus, neque tam reconditus, quòd non per hæc tempora nostrorum hominum libido, iniquitasque peruaferit: sustinere iam populus R. omnium nationum non uim, non arma, non bellum, sed luctum, lacrymas, querimonias non potest. in eiusmodi re, ac moribus, si is, qui erit adductus in iudicium, cum manifestis in flagitijs tenebitur, alios eadem fecisse dicet: illi exempla non deerant; reip. salus deerit, si improborum

improborum exemplis improbi iudicio, ac periculo liberabuntur. Placent uobis hominum mores? placet ita geri magistratus, ut geruntur? placet socios sic tractari, quod restat, ut per hæc tempora tractatos uidetis? cur hæc a me opera consumitur? quid sedetis? cur non in media oratione mea consurgitis, atque disceditis? uultis autem istorum audacias, ac libidines aliqua ex parte refecare? desinite dubitare, utrum sit utilius, propter multos improbos uni parcere, an unius improbi supplicio multorum improbitatem coercere. tametsi quæ ista sunt exempla multorum? nam cum in causa tanta, cum in crimine maximo dici a defensore ceptum est, factitatum esse aliquid; expectant ij, qui audiunt, exempla ex uetere memoria, & monumentis, ac litteris, plena dignitatis, plena antiquitatis. hæc plurimum solent & auctoritatis habere ad probandum, & iucunditatis ad audiendum. Africanos mihi, & Catones, & Lælios commemorabis? & eos fecisse idem dices? quamuis res non placeat, tamen contra hominum auctoritatem pugnare non potero. an, cum eos non poteris, proferes hos recentes, Q. Catulum patrem, C. Marium, Q. Scauolam, M. Scaurum, Q. Metellum? qui omnes prouincias habuerunt, & frumentum cællæ nomine imperauerunt. magna est hominum auctoritas, & tanta, ut etiam delicti suspicionem tegere possit. non habes ne ex his quidem hominibus, qui nuper fuerunt, ullum auctorem istius estimationis. quo me igitur, aut ad quæ exempla reuocas? ab illis ho-

FF minibus,

A C T I O N I S I V .

minibus, qui tum uersati sunt in rep. cum & optimi mores erant, et hominum existimatio grauis habebatur, & iudicia seuera fiebant, ad hanc hominum licentiam, & libidinem me abducis? & in quos aliquid exempli populus R. statui putat oportere, ab ijs tu defensionis exempla quæris? non fugio ne hos quidem mores, dummodo ex his ea, quæ probat populus R. exempla, non ea quæ condemnat, sequamur. non circumspiciam, non quæram foris, cum habeas iudices principes ciuitatis, P. Seruilium, Q. Catulum: qui tanta auctoritate sunt, tantis rebus gestis, ut in illo antiquorum, & clarissimorum hominum, de quibus antea dixi, numero reponantur. exempla querimus, & ea non antiqua. modo uterque horum exercitum habuit. quære, Hortensi, quoniam te recentia exempla delectant, quid fecerint. ita ne uero? Q. Catulus frumento est usus, pecuniam non coegit: P. Seruilius quinquennium exercitui cum præesset, & ista ratione innumerabilem pecuniam facere posset, non statuit sibi quidquam licere, quod non patrem suum, non auum Q. Metellum facere uidisset: C. Verres reperietur, qui, quod expediat, id licere dicat? quod nemo, nisi improbus, fecerit, id aliorum exemplo se fecisse defendat? At in Sicilia factitatum est. quæ est ista condicio Sicilia? cur, quæ optimo iure propter uetustatem, fidelitatem, propinquitatem esse debet, huic præcipua lex iniuriæ definitur; sed in ista ipsa Sicilia non quæram exemplum foris; hoc ipso ex consilio utar exemplis. C. Marcelle, te appello: Sicilia

prouinciæ,

provinciae, cum esses pro consule, praesuisi: num quae
 in tuo imperio pecuniae cellae nomine coactae sunt? ne
 que ego hoc in tua laude pono. alia sunt tua facta, at
 que consilia, summa laude digna, quibus illam tu pro
 uinciam afflictam, & perditam erexisti, atque recrea
 sti. nam hoc de cella ante ne Lepidus quidem fecerat,
 cui tu successisti. Quae sunt tibi igitur exempla in Sici
 lia cellae, si hoc crimen non modo Marcelli facto, sed
 ne Lepidi quidem potes defendere? an me ad M. An
 tonij aestimationem frumenti, exactionemque pecu
 niae reuocaturus es? ita, inquit, ad M. Antonij.
 hoc enim mihi significasse, & annuisse uisus est. ex om
 nibus ne igitur populi R. praetoribus, consulibus, im
 peratoribus M. Antonium delegisti, & eius unum
 improbissimum factum, quod imitarere? & hic utrum
 mihi difficile est dicere, an his existimare, ita se in il
 lo infinito imperio M. Antonium gessisse, ut multo
 isti perniciosius sit dicere, se in re improbissima uoluis
 se Antonium imitari, quam, si posset, defendere, ni
 hil in uita se M. Antonio simile fecisse? homines in
 iudicijs ad crimen defendendum, non quid fecerit qui
 spiam, proferre solent, sed quid probarint. Antonium,
 cum multa contra sociorum salutem, multa contra
 utilitatem provinciarum & faceret, & cogitaret, in
 medijs eius iniurijs, & cupiditatibus mors oppressit.
 tu mihi, quasi eius omnia facta, atque consilia sena
 tus populusque R. indices comprobarint, ita Antonij
 exemplo istius audaciam defendis. At idem fecit Sa
 cerdos. hominem innocentem, & summa prudentia

A C T I O N I S I V .

præditum nominas : sed tum idem fecisse erit existi-
mandus, si eodem consilio fecerit. nam genus æstima-
tionis ipsum a me nunquam est reprehensum: sed eius
æquitas aratorum commodo, & uoluntate perpendi-
tur. non potest reprehendi illa æstimatio, quæ arato-
ri non modo incommoda non est, sed etiam grata est.
Sacerdos ut in prouinciam uenit, frumentum in cæl-
lam imperauit. cum esset ante nouum tritici mod.
HS xv, petiuerunt ab eo ciuitates ut æstimaret. re-
missior aliquanto eius fuit æstimatio, quàm annona:
nam æstimauit denarijs III. Vides eandem æsti-
mationem propter temporis dissimilitudinem in illo
laudis causam habere, in te criminis? in illo benefi-
cij, in te iniuriæ? Eodem tempore Antonius III
denarijs æstimauit post messem, summa in uilitate,
cum aratores frumentum dare gratis malebant; &
aiebat, se tantidem æstimasse, quanti Sacerdotem: ne
que mentiebatur: sed eadem ista æstimatione alter
subleuarat aratores, alter euerterat. quòd nisi om-
nis frumenti ratio ex temporibus esset, & annona,
non ex numero, neque ex summa considerata: nun-
quam tam grati hi sesquimodij, Q. Hortensi, fuif-
sent; quos tu cum ad mensuræ tam exiguam ratio-
nem populo R. in capita descripsisses, gratissimum
omnibus fecisti: caritas enim annonæ faciebat, ut i-
stuc, quod re paruum uidebatur, tempore magnum
uideretur. idem istuc si in uilitate populo R. largiri
uoluisses, deuisum tuum beneficium esset, atque con-
temptum. noli igitur dicere, istum idem fecisse, quod
Sacerdo-

Sacerdotem : quoniam non eo tempore , neque simili fecit anno . dicit potius¹ , quoniam habes auctorem idoneum ; quod Antonius uno aduentu , & uix mens-
struis cibarijs fecerit , id istum per triennium fecisse :
& istius innocentiam M . Antonij facto , atque au-
toritate defendito . Nam de Sex . quidem Peduceo ,
fortissimo , atque innocentissimo uiro , quid dicitis ? de
quo quis unquam arator questus est ? aut quis non ad
hoc tempus innocentissimam omnium , diligentissi-
mamq . præturam illius hominis existimauit ? bien-
nio prouinciam obtinuit , cum alter annus in uilitate ,
alter in summa caritate fuerit : num aut in uilitate
nummum arator quisquam dedit , aut in caritate de
æstimatione frumenti questus est ? at uberiora cibaria
facta sunt caritate . credo : neque id est nouum , neque
reprehendendum . modo C . Sentium uidimus , homi-
nem uetere illa , ac singulari innocentia præditum ,
propter caritatem frumenti , quæ fuerat in Macedo-
nia , permagnam ex cibarijs pecuniam reportare .
quamobrem non ego inuideo tuis commodis , si qua ad
te lege uenerunt : iniuriam queror : improbitatem ar-
guo : auaritiam in crimen , & in iudicium uoco . quod
si suspensiones inijcere uoletis , ad plures homines , &
ad plures prouincias crimen hoc pertinere : non ego
istam defensionem uestram pertimescam , sed me om-
nium prouinciarum defensorem esse profitebor . ete-
nim hoc dico , & magna uoce dico : ubicunque hoc fa-
ctum est , improbe factum est : quicunque hoc fecit ,
supplicio dignus est . nam , per deos immortales , ui-

ACTIONIS IV.

dete, iudices, & prospicite animis, quid futurum sit.
 multi magnas pecunias ab inuitis ciuitatibus, atque
 ab inuitis aratoribus, ista ratione, callæ nomine coe-
 gerunt: (omnino ego neminem uideo, præter istum:
 sed do hoc uobis, & concedo, esse multos) in hoc ho-
 mine rem adductam in iudicium uidetis: quid facere
 potestis? utrum, cum iudices sitis de pecunia capta,
 conciliata, tantam pecuniam captam negligere, an,
 cum lex sociorum caussa rogata sit, sociorum queri-
 monias non audire? uerum hoc quoque uobis remit-
 to: negligite præterita, si uultis: sed, ne reliquas
 spes turbetis, atque omnes prouincias euertatis, id
 prouidete; ne auaritiæ, quæ antehac occultis itineri-
 bus, atque angustis uti solebat, auctoritate uestra
 uiam patefaciatis illustrem, atque latam. nam si hoc
 probatis, & si hoc licere, pecunias isto nomine capi,
 iudicatis: certe hoc, quod adhuc nemo, nisi impro-
 bissimus, fecit, posthac nemo, nisi stultissimus, non fa-
 ciet. improbi sunt, qui pecunias contra leges cogunt;
 stulti, qui, quod licere indicatum est, prætermittunt.
 Deinde, iudices, uidete, quàm infinitam sitis homini-
 bus licentiam pecuniarum eripiendarum daturi. si,
 ternos denarios qui coegit, erit absolutus: quater-
 nos, denos denique, aut uicenos coget alius: quæ erit
 reprehensio? in quo primum iniuriæ gradu resistere
 incipiet seueritas iudicis? quotus erit iste denarius,
 qui non sit ferendus? & in quo primum æstimationis
 iniquitas, atque improbitas reprehendatur? non enim
 a uobis summa, sed genus æstimationis est comproba-
 tum.

tum . neque hoc potestis iudicare, ternis denarijs æstimare licere . ubi enim semel ab annonæ ratione, et ab aratorum uoluntate res ad prætoris libidinem translata est, non est iam in lege, atque in officio, sed in uoluntate hominum, atque auaritia positus modus æstimandi . quapropter si uos semel in iudicando finem æquitatis, & legis transieritis, scitote uos nullum ceteris in æstimando finem improbitati, & auaritiæ reliquisse . uidete igitur, quàm multa simul a uobis postulentur . absoluite eum, qui se fateatur maximas pecunias cum summa sociorum iniuria cepisse : non satis : sunt alij quoque complures, qui idem fecerint . absoluite etiam illos, si qui sunt ; ut uno iudicio quamplurimos improbos liberetis : ne id quidem satis est . facite, ut ceteris posthac idem liceat : licebit : at hoc parum est . permittite, ut liceat : quanti quisque uelit, tanti æstimet : æstimabit . uidetis iam profecto, iudices, hac æstimatione a uobis comprobata, neque modum posthac auaritiæ cuiusquam, neque pœnam improbitatis futuram . Quas ob res, quid agis, Hortensi ? consul es designatus : prouinciam sortitus es : de æstimatione cum dices frumenti, sic te audiemus, quasi id, quod ab isto recte factum esse defendes, te facturum proficere, & quasi, quod isti licitum esse dices, uehementer cupias tibi licere . atqui si id licebit, nihil est, quod putetis quenquam posthac commissurum, ut de pecunijs repetundis con demnari possit . quantam enim quisque concupierit pecuniam, tantam licebit per cællæ nomen æstimationis magnitu-

A C T I O N I S I V .

dine consequatur . . At enim est quiddam , quod etiam si palam in defendendo non dicit Hortensius , tamen ita dicit , ut uos id suspicari , & cogitare possitis : pertinere hoc ad commodum senatorium , pertinere ad utilitatem eorum , qui iudicent , qui in provincijs cum potestate , aut cum legatione se futuros aliquando arbitrentur . Præclaros uiros existimas iudices nos habere , quos alienis peccatis concessuros putes , quo facilius ipsis peccare liceat . ergo id uolumus populum R . id provincias , id socios , nationesq . exteras existimare , si senatores iudicent , hoc certe unum genus infinitæ pecuniæ per summam iniuriam cogendæ nullo modo posse reprehendi ? quod si ita est ; quid possumus contra illum prætorem dicere , qui quotidie templum tenet , qui remp . stare negat posse , ni ad equestrem ordinem iudicia referantur ? quòd si ille hoc unum agitare cæperit , esse aliquod genus cogendæ pecuniæ senatorum commune , & iam prope concessum ordini , quo genere ab socijs maxima pecunia per summam iniuriam auferatur , neque ullo modo senatorijs iudicijs reprehendi posse , idque , dum equester ordo iudicaret , nunquam esse commissum : quis obster ? quis erit tam cupidus uestri , tam fautor ordinis , qui de transferendis iudicijs possit recusare ? Atque utinam posset aliqua ratione hoc crimen , quamuis falsa , modo humana , atque usitata , defendere : minore periculo uestro , minore periculo prouinciarum omnium iudicaretis . negaret hic æstimatione se usum : uos id credidisse homini , non factum comprobasse uideremini .

ni.

ni . nullo modo negare potest : urgetur a tota Sicilia : nemo est ex tanto numero aratorum , a quo pecunia cællæ nomine non sit exacta . Vellem etiam hoc posset dicere , nihil ad se istam rationem pertinere , per quæstores rem frumentariam esse administratam . ne id quidem ei licebit dicere : propterea quòd ipsius litteræ recitantur , ad ciuitates de ternis denarijs missæ . Quæ est igitur defensio ? feci , quod arguis : coegi pecunias maximas cællæ nomine : sed hoc mihi licuit : uobis , si prospicitis , licebit . periculosum prouincijs , genus iniuriæ confirmari iudicio : perniciosum nostro ordini , populum R . existimare , non posse eos homines , qui ipsi legibus teneantur , leges in iudicando religiosè defendere . Atque isto prætore , iudices , non solum æstimandi frumenti modus non fuit , sed ne imperandi quidem . neque enim id , quod debebatur , sed quantum commodum fuit , imperauit . summam faciam uobis ex publicis litteris , & testimonijs ciuitatum frumenti in cællam imperati . reperietis quinques tanto , iudices , amplius istum , quàm quantum ei in cællam sumere licitum sit , ciuitatibus imperasse . quid ad hanc impudentiam addi potest , si & æstimauit tanti , ut homines ferre non possent , & tanto plus , quàm erat ei concessum legibus , imperauit ? Quapropter , cognita tota re frumentaria , iudices , iam facillime perspicere potestis , amissam esse populo R . Siciliam , fructuosissimam , atque opportunissimam prouinciam , nisi eam uos istius damnatione recuperatis . quid est enim Sicilia , si ei agri cultionem sustuleris ,

A C T I O N I S I V .

sustuleris , & si aratorum numerum , ac nomen extinxis ? quid enim potest esse in calamitate residui , quod non ad miseros aratores , isto prætoris , per summam iniuriam , ignominiamq. perueniret ? quibus , cum decumas dare deberent , uix ipsis decumæ relictæ sunt : cum pecunia deberetur , soluta non est : cum optima æstimatione senatus frumentum eos in cellam dare uoluisset , etiam instrumenta agrorum uendere coacti sunt . dixi iam antea , iudices , ut has omnes iniurias tollatis , tamen ipsam rationem arandi spe magis , & iucunditate quadam , quàm fructu , atque emolumento , teneri . etenim ad incertum casum , & euentum certus quotannis labor , & certus sumptus impenditur . annonæ porro pretium , nisi in calamitate fructuum , non habet . si autem ubertas in percipiendis fructibus fuit , consequitur uilitas in uendendis : ut aut male uendendum intelligas , si processit ; aut male perceptos fructus , si recte licet uendere . totæ autem res rusticæ eiusmodi sunt , ut eas non ratio , neque labor , sed , res incertissima , uenti , tempestatesq. moderentur . hinc cum unæ decumæ lege , & conditione trahantur ; alteræ nouis institutis , propter annonæ rationem , imperentur ; ematur præterea frumentum quotannis publice , postremo etiam in cellam magistratibus , & legatis imperetur : quid , aut quantum præterea est , quod aut liberum possit habere ille arator , ac dominus in potestate , suorum fructuum , aut in ipsis fructibus solutum ? quod si hæc feruntur omnia ; si uobis potius , ac populo

lo R. quàm sibi, & suis commodis, opera, sumptu, labore deseruiunt: etiam ne hæc noua debent edieta, & imperia prætorum, & Apronij dominationem, & Veneriorum seruorum furta, rapinasq. perferre? etiam ne frumentum pro empto gratis dare? etiam ne, in cellam cum cupiant gratis dare ultro, pecuniam grandem dare? etiam ne hæc tota detrimenta, atque damna cum maximis iniurijs, contumelijsq. perferre? itaque hæc, iudices, quæ pati nullo modo potuerunt, non pertulerunt. arationes tota Sicilia desertas, atque a dominis relictas esse cognoscitis: neque quidquam aliud agitur hoc iudicio, nisi ut antiquissimi socij, fidelissimiq. Siculi, coloni populi R. atque aratores, uestra seueritate, & diligentia, me duce, atque auctore, agros, in atque in sedes suas reuertantur.

ACTIONIS V. IN C. VERREM

LIBER IV.

ORATIO IX.

VENIO nunc ad istius, quemadmodum ipse appellat, studium; ut amici eius, morbum, & insaniam; ut Siculi, latrocinium. ego, quo nomine appellem, nescio. rem uobis proponam: uos eam suo nominis pondere penditote. genus ipsum prius cognoscite, iudices: deinde fortasse non magnopere quæretis, quo nomine

ACTIONIS V.

mine appellandum putetis. Nego in Sicilia tota, tam locuplete, tam uetere provincia, tot oppidis, tot familijs, tam copiosis, ullum argenteum uas, ullum Corinthium, aut Deliacum fuisse: nego ullam gemmam, aut margaritam fuisse, aut quidquam ex auro, aut ebore factum, signum ullum aeneum, marmoreum, eburneum: nego ullam picturam neque in tabulis, neque textilem fuisse, quin quaesierit, inspexerit; quo placitum sit, abstulerit. magnum uideor dicere: attendite, etiam quemadmodum dicam. non enim uerbi, neque criminis causa augendi completor omnia. cum dico nihil istum eiusmodi rerum in tota provincia reliquisse; latine me scitote, non accusatorie, loqui. etiam planius: nihil in aedibus cuiusquam, ne in oppidis quidem, nihil in locis communibus, ne in fanis quidem, nihil apud Siculum, nihil apud ciuem R. denique nihil istum, quod oculos, animumque accenderit, neque priuati, neque publici, neque profani, neque sacri tota in Sicilia reliquisse. unde igitur potius incipiam, quam ab ea ciuitate, quae tibi una in amore, atque in delicijs fuit? aut ex quo potius numero, quam ex ipsis laudatoribus tuis? facilius enim perspicietur, qualis apud eos fueris, qui te oderunt, qui accusant, qui persequuntur; cum apud tuos Mamertinos inuenire improbissima ratione esse praedatus. C Heius est Mamertinus, (omnes hoc mihi facile concedent, qui Messanam accesserunt) omnibus rebus in illa ciuitate ornatissimus. huius domus est uel optima Messanae, notissima quidem certe,

te, & nostris hominibus apertissima, maximeq. hospitalis. ea domus ante aduentum istius sic ornata fuit, ut urbi quoque esset ornamento. nam ipsa Messana, quæ situ, mœnibus, portuq. ornata sit, ab ijs rebus, quibus iste delectatur, sane uacua, atq. nuda est. erat apud Heium sacrarium cum magna dignitate in ædibus, a maioribus traditum, per antiquum: in quo signa pulcherrima quattuor, summo artificio, summa nobilitate, quæ non modo istum, hominem ingeniosum, atque intelligentem, uerum etiam quemuis nostrum, quos iste idiotas appellat, delectare possent: unum Cupidinis marmoreum, Praxitelis. nimirum didici etiam, dum in istum inquiero, artificii nomina. idem opinor artifex eiusdem modi Cupidinem fecit illum, qui est Thespîs: propter quem Thespîæ uisuntur. nam alia uisendi causa nulla est. itaque ille L. Mummius, cum Thespîs ea, quæ ad ædem Felicitatis sunt, ceteraq. profana ex illo oppido signa tolleret, hunc marmoreum Cupidinem, quod erat consecratus, non attigit. uerum, ut ad illud sacrarium redeam; signum erat hoc, quod dico, Cupidinis e marmore; ex altera parte Hercules, egregie factus, ex ære. is dicebatur esse Myronis, ut opinor, et certe. item ante hosce deos erant tabulæ, quæ cuius sacrarii religionem significare possent. erant ænea præterea duo signa non maxima, uerum eximia, uenustate, uirginali habitu, atque uestitu, quæ manibus sublatis sacra quædam more Atheniensium uirginum, reposita in capitibus, sustinebant. Cane-
phoræ

ACTIONIS V.

phoræ ipsæ uocabantur. sed earum artificem, quem?
quemnam? recte admones: Polycletum esse dicebant.
Messanam ut quisque nostrum uenerat, hæc uisere so-
lebat: omnibus hæc ad uisendum patebant quotidie:
domus erat non domino magis ornamento, quam
ciuitati. C. Claudius, cuius ædilitatem magnificen-
tissimam scimus fuisse, usus est hoc Cupidine tam diu,
dum forum dijs immortalibus, populoq. R. habuit
ornatum: & cum esset hospes Heiorum, Mamertini
autem populi patronus, ut illis benignis usus est, ad
commodandum, sic ipse diligēs fuit ad reportandum.
nuper homines nobiles eiusmodi, iudices: ecquid di-
co, nuper? immo uero modo, ac plane paullo ante ui-
dimus, qui forum, ac basilicas non spolijs prouincia-
rum, sed ornamentis amicorum, commodis hospi-
tum, non furtis nocentium, ornarent: qui tamen si-
gna, atque ornamenta sua cuique reddebant, non,
ablata ex urbibus sociorum, quatruidi caussa, per si-
mulationem ædilitatis, domum deinde, atque ad
suas uillas auferabant. hæc omnia, quæ dixi, si-
gna, iudices, ab Heio de sacrario Verres abstulit:
nullum, inquam, horum reliquit, neque aliud ulli
tamen, præter unum peruetus ligneum, Bonam for-
tunam. ut opinor, eam iste domi suæ habere noluit.
pro deum hominumq. fidem, quid hoc est? quæ hæc
caussa? quæ hæc impudentia est? quæ, dico, signa,
ante quam abs te sublata sunt, nemo Messanam cum
imperio uenit, quin uiderit. tot prætores, tot consu-
les in Sicilia tum in pace, tum etiam in bello fuerunt:
tot

tot homines cuiusque modi: non loquor de integris, innocentibus, religiosis: tot cupidi, tot improbi, tot audaces: quorum nemo sibi tam uehemens, tam potens, tam nobilis uisus est, qui ex illo sacrario quidquam poscere, aut tollere, aut attingere auderet.

Verres, quod ubique erit pulcherrimum, auferet? nihil habere præterea cuiquam licebit? tot domus locupletissimas domus istius una capiet? iccirco nemo superiorum attigit, ut iste tolleret? ideo C. Claudius Pulcher retulit, ut C. Verres posset auferre? at non requirebat ille Cupido lenonis domum, ac meretriciâ disciplinam: facile illo sacrario patrio continebatur: Heio se a maioribus relictum esse sciebat: ad hereditatem sacrorum non quærebat meretricis heredem.

Sed quid ego tam uehementer inuehor? uerbo iam uno repellar. emi, inquit. o dii immortales, præclaram defensionem. mercatorem cum imperio, ac securibus in prouinciam misimus, qui omnia signa, tabulas pictas, omne argentum, aurum, ebur, gemas coemeret, nihil cuiquam relinqueret. hac enim mihi ad omnia defensio patefieri uidetur, emisse. primum, si id, quod uis, tibi ego concedam, ut emeris; quoniam in toto hoc genere hac una defensione usurus es: quæro, cuiusmodi tu iudicia Roma putaris esse, si tibi hoc quenquam concessurum putasti, te in prætura, ac imperio tot res, tam pretiosas, omnes denique res, quæ alicuius pretij fuerint, tota ex prouincia coemisse. Videte maiorum diligentiam; qui nihil dum etiam istiusmodi suspicabantur, ueruntamen
ea,

ACTIONIS V.

ea, quæ paruis in rebus accidere poterant, providebant. neminem, qui cum potestate, aut legatione in prouinciam esset profectus, tam amentem fore putarunt, ut emeret argentum; dabatur enim de publico: ut uestem; præbatur enim legibus: mancipium putauerunt: quo & omnes utimur, & non præbetur a populo. sanxerunt, ne quis emeret mancipium, nisi in demortui locum. si quis Romæ esset demortuus? immo, si quis ibidem: non enim te instruere domum tuam uoluerunt in prouincia, sed illum usum prouinciæ supplere. quæ fuit causa, cur tam diligenter nos in prouincijs ab emptionibus remouerept? hæc, iudices, quod putabant ereptionem esse, non emptionem, cum uenditori suo arbitrato uendere non liceret. in prouincijs, intelligebant, si is, qui esset cum imperio, ac potestate, quod apud quenque esset, emere uellet, idq. ei liceret; fore, uti, quod quisque uellet, siue esset uenale, siue non esset, quanti uellet, auferret. Dicet aliquis: noli isto modo agere cum Verre: noli eius facta ad antiquæ religionis rationem exquirere: concede, ut impune emerit, modo ut bona ratione emerit, nihil ab inuito, nihil per iniuriam. Sic agam. si quid uenale habuit Heius; si id, quanti æstimabat, tanti uendidit: desino querere, cur emeris. quid igitur nobis faciundum est? num argumentis utendum in re eiusmodi? quarendum est, credo, Heius iste num æs alienum habuerit, num actionem fecerit: si fecit, num tanta difficultas eum rei nummarie tenuerit, tanta egestas, tanta uis oppresserit,

presserit, ut sacrarium suum spoliaret, ut deos pa-
 trios uenderet. at hominem uideo auctorem fecisse
 nullam, uendidisse præter fructus suos nihil unquam;
 non modo in ære alieno nullo, sed in suis nummis
 multis esse, ac semper fuisse: si hæc contra, ac dico,
 essent omnia; tamen illum hæc, quæ tot annos in fa-
 milia, sacrarioq. maiorum fuissent, uenditurum non
 fuisse. Quid, si magnitudine pecuniæ persuasum est
 ei? uerisimile non est, ut ille, homo tam locuples,
 tam honestus, religioni suæ, monumentisq. maio-
 rum pecuniam anteponeret. Sunt ista: ueruntamen
 abducuntur homines non nunquam etiam ab institu-
 tis suis magnitudine pecuniæ. uideamus, quanta ista
 pecunia fuit, quæ potuerit Heium, hominem maxi-
 me locupletem, minime auarum, ab humanitate,
 & pietate, ab religione deducere. ita iussisti, opi-
 nor, ipsum in tabulas referre: hæc omnia signa PRA-
 XITELIS, MYRONIS, POLYCLETIS HS VI
 ET D VERRI VENDITA SUNT. Recita ex tabu-
 lis. Iuuat me, hæc præclara nomina artificum, quæ
 isti ad cælum ferunt, Verris æstimatione sic cõcidisse.
 Cupidinem Praxitelis HS MDC. profecto hinc na-
 tum est, Malo emere, quàm rogare. Dicet aliquis:
 quid? tu ista permagno æstimas? ego uero ad meam
 rationem, usumq. non æstimo: ueruntamen a uobis
 ita arbitror spectari oportere, quanti hæc eorum iudi-
 cio, qui studiosi sunt harum rerum, æstimentur; quan-
 ti uenire soleant; quanti hæc ipsa, si palam libereq.
 uenirent, uenire possent; denique ipse Verres quanti
 GG æstimet.

ACTIONIS V.

æstimet . nunquam enim , si denarijs quadringentis
 Cupidinem illum putasset , commisisset , ut propter
 eum in sermonem hominum , atque in tantam uitupe
 rationem ueniret . quis uestrum igitur nescit , quanti
 hæc æstimentur ? in auetione signum æneum non ma
 gnum HS CXX millibus uenire non uidimus ? quid ,
 si uelim nominare homines , qui aut non minoris , aut
 etiam pluris emerint ; non ne possum ? etenim qui mo
 dus est in his rebus cupiditatis , idem est æstimationis .
 difficile est enim finem facere pretio , nisi libidini fece
 ris . Video igitur Heium neque uoluntate , neque diffi
 cultate aliqua temporis , neque magnitudine pecuniæ
 adductum esse , ut hæc signa uenderet , teq. ista simu
 latione emptionis , ui , metu , imperio , fascibus ab
 homine eo , quem una cum ceteris socijs non solum po
 testati tuæ , sed etiam fidei populus R. commiserat ,
 eripuisse , atque abstulisse . Quid mihi tam optandum ,
 iudices , potest esse in hoc crimine , quam ut hæc ea
 dem dicat ipse Heius ? nihil profecto . sed ne difficilia
 optemus . Heius est Mamertinus : Mamertina ciui
 tas istum publice communi consilio sola laudat : om
 nibus iste ceteris Siculis odio est ; ab his solis amatur :
 eius autem legationis , quæ ad istum laudandum mis
 sa est , princeps est Heius : etenim enim est primus
 ciuitatis . ne forte , dum publicis mandatis seruiat ,
 de priuatis iniurijs reticeat . hæc cum scirem , & co
 gitarem , commisi tamen me , iudices , Heio : produ
 xi eum prima actione : neque id tamen ullo periculo
 feci . quid enim poterat Heius respondere , si esset im
 pro-

probus? si sui dissimilis? signa illa domi suæ esse, non
 apud Verrem? qui poterat quidquam eiusmodi dice-
 re? ut homo turpissimus esset, impudentissimeq. men-
 tiretur, hoc diceret, illa se habuisse uenalia, eaq. se-
 se, quanti uoluerit, uendidisse. homo domi suæ no-
 bilissimus, qui uos de religione sua, ac dignitate ue-
 re existimare maxime uellet, primo dixit, se istum
 publice laudare, quod sibi ita mandatum esset; dein-
 de, neque se habuisse illa uenalia, neque ulla condicio-
 ne, si, utrum uellet, liceret, adduci, unquam potuisse, ut
 uenderet illa, quæ in sacrario fuissent a maioribus suis
 relicta, & tradita. Quid sedes, Verres? quid exspe-
 ctas? quid te a Centuripina ciuitate, a Catinesi, ab
 Halesina, Tindaritana, Ennensi, Agyrinensi, ceterisq.
 Siciliae ciuitatibus circumueniri, atque opprimi dicis?
 tua te altera patria, quemadmodum dicere solebas,
 Messana circumuenit; tua inquam Messana, tuorum
 adiutrix scelerum, libidinum testis, prædarum, ac fur-
 torum receptrix. adest enim uir amplissimus eius ciui-
 tatis, legatus huiusce iudicii causa domo missus, prin-
 ceps laudationis tuæ, qui te publice laudat. ita enim
 mandatum, atque imperatum est. tametsi rogatus de
 Cybea, tenetis memoria, quid responderit: ædificatâ
 publicis operis, publice coactis, ædificatâ publice Ma-
 mertinum senatorē præfuisse. idem ad uos priuatim,
 iudices, confugit: utitur hac lege, qua iudicium est
 communis, & priuatæ rei sociorum. tametsi lex est
 de pecunijs repetundis; ille se negat pecuniam repe-
 tere, quam ereptam non tantopere desiderat: sacra se

ACTIONIS V.

maiorum suorum repetere abs te dicit : deos penates a te patrios reposcit . ecqui pudor est ? ecquæ religio , Verres ? ecqui metus ? habitasti apud Heium Messanæ : res illum diuinas apud deos in suo sacrario prope quotidie facere uidisti . non mouetur pecunia : denique , quæ ornamenti causa fuerunt , non requirit . tibi habe Canephoras : deorum simulacra restitue . Quæ quia dixit , quia , tempore dato , modeste , apud uos , socius , amicusq. populi R. questus est ; quia religioni suæ non modo in dijs patrijs repetundis , sed etiam in ipso iureiurando , ac testimonio proximis fuit : hominem missum ab isto scitote esse Messanam de legatis unum , illum ipsum , qui naui istius ædificandæ publice præfuit ; qui a senatu peteret , ut Heius ignominia afficeretur . Homo amentissime , quid putasti ? te impetraturum ? quanti is a ciuibus suis fieret , quanti auctoritas eius haberetur , ignorabas ? uerum fac te impetrauisse : fac aliquid grauius in Heium statuisse Mamertinos : quantam putas auctoritatem laudationis eorum futuram , si in eum , quem constet uerum pro testimonio dixisse , pœnam constituerent ? tametsi quæ est ista laudatio , cum laudator interrogatus lædat necesse est ? Quid ? isti laudatores tui non ne testes mei sunt ? Heius est laudator : læsit grauissime . producam ceteros : reticebunt , quæ poterunt , libenter : dicent , quæ necesse erit , ingratiss . negent isti onerariam nauem maximam ædificatam esse Messanæ ? negent , si possint . negent ei naui faciundæ senatorem Mamertinum publi

ce

ce præfuisse? utinam negent. sunt etiam cetera, quæ malo integra reseruare; ut quamminimū sit illis temporis ad meditando, confirmandūq. periurium. hæc tibi laudatio procedat in numerum. hi te homines auctoritate sua subleuent, qui te neque debent adiuuare, si possint; neque possunt, si uelint: quibus tu priuatim iniurias plurimas, contumeliasq. imposuisti: quo in oppido multas familias in perpetuum infames tuis stupris, flagitijsq. fecisti. At publice commodasti. non sine magno quidem reip. prouinciæque Siciliae detrimento. tritici modium LX millia emptā populo R. dare debebant, & solebant, abs te solo remissum est. respublica detrimentum fecit, quod per te imperij ius una in ciuitate imminutum est: Siculi, quod ipsum hoc non de summa frumenti detractum est, sed translātum in Centuripinos, & Halefinos, immunes populos; & hoc plus impositum, quam ferre possent. Nauem imperare ex fœdere debuisti: remisisti in triennium. Militem nullum unquam poposcisti per tot annos: fecisti item uti prædones solent: qui cum communes hostes sint omnium, tamen aliquos sibi instituunt amicos, quibus non modo parcant, uerum etiam prædā quos augeant, & eos maxime, qui habent oppidum oportuno loco, quod sæpe adeundum sit nauibus, non nunquam etiam necessario. Phaselis illa, quam cepit P. Seruilius, non fuerat urbs ante Cilicum, atque prædonum: Lycij illam, Græci homines, incolebant: sed quod erat eiusmodi loco, atque

ACTIONIS IV.

ita proiecta in altum, ut & exeuntes e Cilicia prædo-
nes sæpe ad eam necessario deuenirent, & cum ex
hisce se locis reciperent, eodem deferrentur; asciue-
runt illud sibi oppidum piratæ, primo commercio, de
inde etiam societate. Mamertina ciuitas improba
antea non erat, etiam erat inimica improborum:
quæ C. Catonis illius, qui consul fuit, impedimenta
retinuit: at cuius hominis? clarissimi, potētissimi quæ:
qui tamen, cum consul fuisset, condemnatus est. ita
ne uero? C. Cato, duorum hominum clarissimorum ne-
pos, L. Paulli, & M. Catonis, & P. Africani so-
roris filius; quo damnato, tum cum seuera iudicia
fiebant, HS XVIII millibus lis æstimata est: huic
Mamertini irati non fuerunt, qui maiorem sumptū;
quàm quanti Catonis lis æstimata est, in Timarchi-
dis prandium sæpe fecerunt? Verum hæc ciuitas isti
prædoni, ac piratæ Siciliensi Phaselis fuit. huc o-
mnia undique deportabantur, apud istos relinqueban-
tur: quod celari opus erat, habebant sepositum, ac
reconditum: per istos, quæ uolebat, in nauem clam
imponenda, occulte exportanda curabat: nauem de-
nique maximam, quam onustam furtis in Italiam
mitteret, apud istos faciendam, ædificandamq. cu-
rauit. pro hisce rebus uacatio data est ab isto sum-
ptus, laboris, militiæ, rerum denique omnium. per
triennium soli non modo in Sicilia, uerum, ut opinio
mea fert, his quidem temporibus in omni orbe ter-
rarum uacui, expertes, soluti, ac liberi fuerunt ab
omni sumptu, molestia, munere. hinc illa Verrea
nata

nata sunt . hinc in conuiuium Sex . Cominium protrahi iussit , in quem scyphum de manu iacere conatus est , quem obtorta gula de conuiuium in uincula , atque in tenebras abripi iussit . hinc illa crux , in qua ciuem R. iste multis inspectantibus sustulit : quam nō ausus est usquam defigere , nisi apud eos , quibuscum omnia scelera sua , ac latrocinia communicasset .

Laudatum etiam uos quenquam uenire audetis ? quæ auctoritate ? utrum , quam apud senatorium ordinem , an quam apud populum R. habere debetis ? ecquæ ciuitas est , non modo in prouincijs nostris , uerum in ultimis nationibus , aut tam potens , aut tam libera , aut etiā tam immanis , ac barbara ; rex denique ecquis est , qui senatorem populi R. tecto , ac domo non inuitet ? qui honos non homini solum habetur , sed primum populo R. cuius beneficio nos in hunc ordinem uenimus ; deinde ordinis auctoritati ; quæ nisi grauis erit apud socios , atque exteras nationes , ubi erit imperij nomen , & dignitas ? Mamertini me publice non inuitauerunt . me cum dico , leue est . senatorem populi R. si non inuitauerunt , honorem debitum detraxerunt non homini , sed ordini . nam ipsi Tullio potebat domus locupletissima , & amplissima C. Pompeij Basilici , quod , etiam si esset inuitatus a uobis , tamen diuertisset : erat etiam Percenniorum , qui nunc item Pompeij sunt , domus honestissima : quod Lucius frater meus , summa illorum uoluntate , diuertit . senator populi R. quod in uobis fuit , in uestri oppido iacuit , & pernoctauit in publico . nulla

GG 4 hoc

hoc alia ciuitas unquam commisit. amicum enim nostrum in iudicium uocabas. tu, quid ego priuatim negotij geram, interpretabere in minuendo honore senatorio? uerum hæc tum queremur, si quid de uobis per eum ordinem agetur, qui ordo a uobis adhuc solis contemptus est. in populi R. quidem conspectum quo ore uos commisistis? nec prius illam crucem, quæ etiam nunc ciuis R. sanguine redundat, quæ fixa est ad portum, urbemq. uestram, reuellistis, neque in profundum abiiecistis, locumq. illum omnem expiastis, quàm Romam, atque in horum conuentum adiretis? in Mamertinorum solo fœderato, atque pacato monumentum istius crudelitatis constitutum est. uestra ne urbs electa est, ad quam qui adirent ex Italia, crucem ciuis R. prius, quàm quenquam amicum uiderent populi R. quam uos Rheginis, quorum ciuitati inuidetis, item incolis uestris, ciuibus R. ostendere soletis; quo minus sibi arrogant, minusq. uos despiciant, cum uideant ius ciuitatis illo supplicio esse mactatum. Verum hæc emisse te dicis: quid illa Attalica, tota Sicilia nominata, ab eodem Heio peripetasmata emere oblitus es? licuit eodem modo, ut signa: quid enim auctum est? an litteris pepercisti? uerum hominem amentem hoc fugit. minus clarum putauit fore, quod de armario, quàm quod de sacrario, esset ablatum. at quo modo abstulit? non possum dicere planius, quàm ipse apud uos dixit Heius. cum quæsissem, nunquid aliud de bonis eius peruenisset ad Verrem: respondit, istum ad se misisse, ut sibi mitte

et

ret Agrigentum peripetasmata . quæsiui , an misisset : respondit id , quod necesse erat , scilicet dicto audientem fuisse prætori , misisse . rogavi , peruenissent ne Agrigentum : dixit , peruenisse . quæsiui , an domum reuertissent ? negavit adhuc reuertisse . risus populi , atque admurmuratio omnium facta est . Hic tibi in mentem non uenit , iubere , ut hæc quoque referret HS $\overline{\text{VI}}$ D se tibi uendidisse : metuisti , ne æs alienum tibi cresceret , si HS $\overline{\text{VI}}$ D tibi constarent ea , quæ tu facile posses uendere HS CC millibus . fuit tãti , mihi crede : haberes , quod defenderes : nemo quæreretur , quanti illa res esset : si modo te posses docere emisse , facile , cui uelles , tuam causam , & factum probares . nunc de peripetasmatis quemadmodum te expedias , non habes . Quid ? a Philarcho Centuripino , homine locuplete , ac nobili , phaleras pulcherrime factas , quæ regis Hieronis fuisse dicuntur , utrum tandem abstulisti , an emisti ? in Sicilia quidem cum essem , sic a Centuripinis , sic a ceteris audiebam : non enim parum res erat clara . tam te has phaleras a Philarcho Centuripino abstulisse dicebant , quàm alias item nobiles ab Aristo Panormitano , quàm tertias a Cratippo Tyndaritano . etenim si Philarchus uendidisset , non ei , postea quàm reus factus es , redditurum te promisisses . quod quia uidisti plures scire ; cogitasti , si ei reddidisses , te minus habiturum , rem nihilo minus testatam futuram : non reddidisti . dixit Philarchus pro testimonio , se , quod nosset tuum istum morbum , ut amici tui appell-

lant ,

ACTIONIS V.

lant, cupisse te calare de phaleris: cum abs te appellatus esset, negasse habere sese: apud alium quoque eas habuisse depositas, ne quid inuenirentur: tuam tantam fuisse sagacitatem, ut eas per illum ipsum inspiceres, ubi erant depositæ: tum se deprehensum negare non potuisse: ita ab se inuito ablatas phaleras gratis. Iam, ut hæc omnia reperire, ac perscrutari solitus sit, iudices, est operæ pretium cognoscere. Cybira et sunt fratres quidam, Tlepolemus, & Hiero: quorum alterum fingere opinor e cera solitum esse, alterum esse pictorem. hosce opinor Cybira, cum in suspicionem uenissent suis ciuibus, fanum expilasse Apollinis, ueritos pœnam iudicij, ac legis, domo profugisse. quod Verrem artificij sui cupidum cognouerant, tum, cum iste, id quod ex testibus didicistis, Cybiram cum inanibus syngraphis uenerat; domo profugientes, ad eum se exsules, cum iste esset in Asia, contulerunt. habuit secum eos ab illo tempore: & in legationis prædis, atque furtis multum illorum opera, consilioque usus est. hi sunt illi, quibus in tabulas retulit, sese Q. Tadius dedisse, iussu istius, Græcis pictoribus: quos sibi iam bene cognitos, & re probatos, secum in Siciliam duxit. quò postea quàm uenerunt, mirandum in modum (canes uenaticos dices) ita odorabantur omnia, & peruestigabant, ut, ubi quidque esset, aliqua ratione inuenirent. aliud minitendo, aliud pollicendo, aliud per seruos, aliud per liberos, per amicum aliud, aliud per inimicum inueniebant. quidquid illis placuerat, perdendum erat. nihil

bil aliud optabant, quorum poscebatur argentum, ni
 si ut Hieroni, & Tlepolemo displiceret. Vere meher
 cules hoc, iudices, dicam. memini Pamphilum Lily
 batanum, hospitem meum, & amicum, nobilem ho
 minem, mihi narrare; cum iste ab sese hydriam Boe
 ti manu factam, præclaro opere, & grandi pondere,
 per potestatem abstulisset, se sane tristem, & contur
 batum domum reuertisse, quod uas eiusmodi, quod si
 bi a patre, & a maioribus esset relictum, quo solitus
 esset uti ad festos dies, ad hospitum aduentum, a se es
 set ablatum. Cum sederem, inquit, domi tristis, ac
 currit Venerius, iubet me scyphos sigillatos ad præ
 torem statim asferre. permotus sum, inquit. binos
 habebam: iubeo promi utrosque, ne quid plus mali
 nasceretur, & mecum ad prætoris domum ferri. eò
 cum uenio, prætor quiescebat, fratres illi Cybiratæ
 inambulabant. qui simul ut me uiderunt, Vbi sunt
 Pamphile, inquiunt, scyphi? ostendo tristis. lau
 dant: incipio queri, me nihil habiturum, quod alicu
 ius esset pretij, si etiam scyphi essent ablati. tum illi
 ubi me conturbatum uident; quid uis nobis dare, ut
 isti ne auferantur abs te? ne multa, HS CC me, in
 quit, poposcerunt: dixi me C daturum. uocat inte
 rea prætor: scyphos poscit. tum illos cæpisse prætori
 dicere, putasse se, id quod audissent, alicuius pretij
 scyphos esse Pamphili: luteum negotium esse, non di
 gnum, quod in suo argento Verres haberet. ait ille,
 idem sibi uideri. ita Pamphilus scyphos optimos au
 fert. & mehercules ego antea, tametsi hoc nescio
 quid

222 .VI. ACTIONIS V.

quid nugatorium sciebam esse, ista intelligere; tamen mirari solebam, istum in his ipsis rebus aliquem sensum habere, quem scirem nulla in re quidquam simile hominis habere. tum primum intellexi, ad eam rem istos fratres Cybiratas fuisse, ut iste in furando manibus suis, oculis illorum uteretur. at ita studiosus est huius præclaræ existimationis, ut putetur in hisce rebus intelligens esse, ut nuper, (uidete hominis amentiam) postea quàm est comperendinatus, cum iam pro damnato, mortuoq. esset, ludis Circensibus mane apud L. Sisennam, uirum primum, cum essent tricliniastrata, argentumq. expositum in aedibus, cum pro dignitate L. Sisennæ domus esset plena hominum honestorum, accesserit ad argentum, contemplari unumquodque otiose, & considerare cœperit. mirari stultitiam alij, quòd in ipso iudicio eius ipsius cupiditatis, cuius insimularetur, suspicionem augeret: alij amentiam, cui comperendinato, cum tam multi testes dixissent, quidquam illorum ueniret in mentem. pueri autem Sisennæ, credo qui audiissent quæ in istum testimonia essent dicta, oculos de isto nusquam deicere, neque ab argento digitum discedere. est boni iudicis, paruis ex rebus coniecturam facere uniuscuiusque & cupiditatis, & incontinentiæ. qui reus lege, & reus comperendinatus, re, & opinione hominum pene damnatus, temperare non potuerit maximo conuentu, quin L. Sisennæ argentum tractaret, & consideraret; hunc in prouincia prætorum quisquam putabit a Sicularum argento cupiditatem,

tem, aut manus abstinere potuisse? Verum uti Lilybæum, unde digressa est, oratio reuertatur: Diocles est, Pamphili gener illius, a quo hydria ablata est, Popillius cognomine. ab hoc abaci uasa omnia, ut exposita fuerant, abstulit. dicat se licet emisse. etenim hic, propter magnitudinem furti, sunt opinor, litteræ factæ. iussit Timarchidem aestimare argentum. quo modo? quo, qui unquam tenuissime in donatione histrionum aestimauit. tametsi iam dudum erro, qui tam multa de tuis emptionibus uerba faciam, et quæram, utrum emeris, & quo modo, & quanti emeris: quod uerbo transigere possum. ede mihi scriptum; quid argenti in prouincia Sicilia pararis, unde quidque, aut quanti emeris. quid sit? quanquam non debebam ego abs te has litteras poscere. me enim tabulas tuas habere, & proferre oportebat. uerum negas te horum annorum aliquot confecisse. compone hoc, quod postulo, de argento: de reliquo uidero. nec scriptum habeo: nec possum edere. quid futurum igitur est? quid existimas hosce iudices facere posse? domus plena signorum pulcherrimorum iam etiam ante præturam, multa ad uillas tuas posita, apud amicos multa deposita, multa alijs data, atque donata: tabulæ nullum indicant emptum: omne argētum ablatum ex Sicilia est: nihil cuiquam, quod suum dici uellet, relictum. Fingitur improba defensio, prætorem omne id argentum coemisse: tamen id ipsum tabulis demonstrari non potest: si quas tabulas profers, in his, quid habeas, quo modo habeas, scriptum non est.

ACTIONIS V.

est. horum autem temporum cum te plurimas res emisse dicas, tabulas omnino nullas proferas; non ne te & prolatis, & non prolatis tabulis condemnari necesse est? tu a M. Caelio, equite R. lectissimo adolescente, quæ uoluisti uasa argentea Lilybæi abstulisti: tu P. Cacerij, promptissimi hominis, & experientis, & in primis gratiosi, supellectilem omnem auferre non dubitasti: tu maximam, & pulcherriam mensam citream a Q. Lutatio Diodoro, qui Q. Catuli beneficio a L. Sylla ciuis R. factus est, omnibus scientibus, Lilybæi abstulisti. non tibi obijcio, quod hominem dignissimum tuis moribus, Apollonium Niconis filium, Drepanitanum, qui nunc A. Clodius uocatur, omni argento optime facto spoliasti, ac depeculatus es. taceo: non enim putat ille sibi iniuriam factam, propterea quod homini iam perditto, & collum in laqueum inferenti subuenisti, quum pupillis Drepanitanis bona patria erepta cum illo partitus es. gaudeo etiam, si quid ab illo abstulisti; & abs te nihil rectius factum esse dico. a Lisone uero Lilybætano, primo homine, apud quem diuersatus es, Apollinis signum ablatum certe esse non oportuit. at dices te emisse. scio: HS M: ita opinor: scio, inquam: proferam litteras: & tamen id factum non oportuit. A pupillo Heio, cui C. Marcellus tutor est, a quo pecuniam grandem eripueras, scaphia cum emblematis Lilybæi utrum emptæ esse dicis, an confiteris erepta? Sed quid ego istius in eiusmodi rebus mediocres iniurias colligo, quæ tantummodo in furtis

tis istius, & damnis eorum, a quibus auferebat, uer-
 sata esse uideantur? accipite, si uultis, iudices, rem
 eiusmodi, ut amentiam singularem, ut furorem iam,
 non cupiditatem eius perspicere possitis. Melitensis
 Diodorus est; qui apud uos antea testimonium dixit.
 is Lilybæi multos iam annos habitat, homo & do-
 mi nobilis, & apud eos, quò se contulit, propter uir-
 tutem splendidus, & gratiosus. de hoc Verri dici-
 tur, habere eum perbona toreumata, in his pocula
 duo quædam, quæ Heraclia nominantur, Mentor's
 manu summo artificio facta. quod ubi iste audiuit, sic
 cupiditate inflammatus est non solum inspiciundi, ue-
 rum etiam auferendi, ut Diodorum ad se uocaret, ac
 posceret. ille, qui illa non inuitus haberet, respon-
 dit, se Lilybæi non habere, Melitæ apud quendam
 propinquum suum reliquisse. tum iste continuo mit-
 tit homines certos Melitam: scribit ad quosdam Me-
 litenses, ut ea uasa perquirant: rogat Diodorum, ut
 ad illum suum propinquum det litteras. nihil ei lon-
 gius uidebatur, quàm dum illud uideret argentum.
 Diodorus, homo frugi, ac diligens, qui sua seruare
 uellet, propinquo suo scribit, ut ijs, qui a Verre uenis-
 sent, responderet, illud argentum se paucis illis die-
 bus misisse Lilybeum. ipse interea recedit. abesse ab
 domo paullisper maluit, quàm præsens illud optime
 factum argentum amittere. quod ubi audiuit iste, us-
 que eò est commotus, ut sine ulla dubitatione insanire
 omnibus, ac furere uideretur. quia non potuerat ar-
 gentum eripere, ipse a Diodoro erepta sibi uasa opti-
 me

ACTIONIS V.

me facta dicebat ; minitari absenti Diodoro , uocifera
ri palam , lacrymas interdum uix tenere . Eriphylam
accepimus in fabulis ea cupiditate , ut , cum uidisset
monile , ut opinor , ex auro , & gemmis , pulchritudi
ne eius incensa salutem uiri proderet . similis istius cu
piditas , hoc etiam acrior , atque insanior , quod illa
cupiebat id , quod uiderat ; huius libidines non solum
oculis , sed etiam auribus excitabantur . conquiri
Diodorum tota prouincia iubet . ille ex Sicilia castra
iam mouerat , & uasa collegerat . homo , ut aliquo
modo illum in prouinciam reuocaret , hanc excogita
uit rationem : si hæc ratio potius , quàm amentia no
minanda est . apponit de suis canibus quendam , qui di
cat , se Diodorum Melitensem rei capitalis reum uel
le facere . primo mirum omnibus uideri , Diodorum
reum , hominem quietissimum , ab omni non modo fa
cinore , uerum etiam minimi errati suspitione remo
tissimum : deinde esse perspicuum , fieri omnia illa pro
pter argentum . iste non dubitat iubere , nomen defer
ri . & tum primum opinor istum absentis nomen re
cepisse . reclamatione Sicilia tota , propter cælati argenti
cupiditatem reos fieri rerum capitalium , neque so
lum præsentis , sed etiam absentes . Diodorus Romæ
sordidatus , circum patronos , atque hospites cursare ,
rem omnibus narrare . litteræ mittuntur isti a patre
uehementes , ab amicis item ; uideret , quid ageret de
Diodoro , quò progrediretur ; rem claram esse , & in
uidiosam ; insanire hominem ; periturum hoc uno cri
mine , nisi cauisset . iste etiam tum patrem si non in pa
rentis ,

rentis, at in hominum numero putabat : ad iudicium
 nondum se satis instruxerat : primus annus erat pro-
 uincia, non, ut in Sthenio, iam refertus pecunia: ita-
 que furor eius paullulum non pudore, sed metu, ac ti-
 more repressus est : condemnare Diodorum non au-
 det, absentem de reis eximit. Diodorus interea, præ-
 tore isto, prope triennium prouincia, domoq. caruit.
 ceteri non solum Siculi, sed etiam ciues R. hoc statue-
 rant; quoniam iste tantum cupiditate progrediretur,
 nihil esse, quod quisquam putaret se, quod isti paullo
 magis placeret, conseruare, aut domi suæ retinere
 posse. postea uero quàm intellexerunt, isti uirum for-
 tem, quem summe prouincia expectabat, Q. Ar-
 rium non succedere; statuerunt se nihil tam clausum,
 neque tam reconditum posse habere, quod non istius
 cupiditati apertissimum, promptissimumq. esset. Tū
 iste ab equite R. splendido, & gratioso, Cn. Calidio,
 cuius filium sciebat senatorem populi R. & iudicem
 esse, equuleos argenteos nobiles, qui Q. Maximi fue-
 rant, aufert. imprudens huc incidi, indices: emit
 enim, non abstulit. nollem dixisse. iactabit se, & in
 his equitabit equuleis. emi: pecuniam solui. credo,
 etiam tabulæ proferentur. est tanti. cedo tabulas.
 dilue sane crimen hoc Calidianum, dum ego tabulas
 aspicere possim. ueruntamen quid erat, quod Cali-
 dius Romæ quereretur, se, cum tot annos in Sicilia
 negotiaretur, abs te solo ita esse contemptum, ita de-
 spectum, ut etiam cum ceteris Siculis dissiparetur; si
 emeris? quid erat, quod confirmabat se abs te argen-

HH tum

ACTIONIS V.

tum esse repetiturum, si tibi sua uoluntate uendiderat? tu porro posses facere, ut Cn. Calidio non redderes? praesertim cum is L. Sisenna, defensore tuo, tam familiariter uteretur, cum & ceteris familiaribus Sisennae reddidisses. denique non opinor negaturum esse te, homini honesto, sed non gratiosiori, quam Cn. Calidius est, L. Cordio argentum per Potamonem, amicum tuum, reddidisse. qui quidem ceterorum causam apud te difficiliorem fecit. nam cum te compluribus confirmasses redditurum; postea quam Cordius pro testimonio dixit te sibi reddidisse, finem reddendi fecisti; quod intellexisti te, praeda de manibus amissa, testimonium tamen effugere non posse. Cn. Calidio, equiti R. per omnes praetores licuit argentum habere bene factum: licuit posse, domesticis copiis, cum magistratum, aut aliquem superiorem inuitasset, ornare, & apparare conuiuium. multi domi Cn. Calidij cum imperio, ac potestate fuerunt: nemo inuentus est tam amens, qui illud argentum, tam praecclarum, ac tam nobile, eriperet; nemo tam audax, qui posceret; nemo tam impudens, qui postularet, ut uenderet. superbum est enim, iudices, & non ferendum, dicere praetorem in prouincia homini honesto, locupleti, splendido, uende mihi uasa calata. hoc est enim dicere, non es dignus tu, qui habeas, quae tam bene facta sint: meae dignitatis ista sunt. Tu dignior Verres, quam Calidius? qui, ut non conferam uitam, atque existimationem tuam cum illius, (neque enim est conferenda) hoc ipsum conferam, quo tu te

te superiorem fingis, quòd \overline{HSLXX} diuisoribus,
 ut prætore renunciarere, dediſti; \overline{CCC} accusato-
 ri, ne tibi odiosus eſſet. ea re contemnis equeſtrem
 ordinem, ac deſpicias? ea re indignum tibi uisum eſt,
 quidquam, quod tibi placeret, Calidium potius habe-
 re, quàm te? Iacſtat ſe iam dudum de Calidio: narrat
 omnibus, ſe emiſſe. num etiam de L. Papirio, uiro pri-
 mario, locuplete, honeſtoq. equite R. thuribulum emi-
 ſti? qui pro teſtimonio dixit, te, cum inſpiciendum po-
 poſciſſes, auulſo emblemate remiſſiſſe: ut intelligatis,
 in homine intelligentiam eſſe, non auaritiā; artifi-
 cij cupidum, non argenti fuiſſe. nec ſolum in Papirio
 fuit hac abſtinentia: tenuit hoc inſtitutum in thuri-
 bulis omnibus, quacunque in Sicilia fuerunt. incre-
 dibile eſt autem, quàm multa, & quàm præclara
 fuerint. credo tum, cum Sicilia florebat opibus, & co-
 pijs, magna artificia fuiſſe in ea inſula. nam domus
 erat ante iſtum prætorem nulla paulo locupletior, qua
 in domo hac non eſſent, etiam ſi præterea nihil eſſet ar-
 genti, patella grandis, cum ſigillis ac ſimulacris deo-
 rum; patera, qua mulieres ad res diuinas uterentur;
 thuribulum. hæc autem omnia antiquo opere, & ſum-
 mo artificio facta: ut hoc liceret ſuſpicari, fuiſſe ali-
 quādo apud Siculos per æqua proportionem cetera; ſed,
 quibus multa fortuna ademiſſet, tamen apud eos re-
 manſiſſe ea, quæ religio retinuiſſet. Dixi, iudices, mul-
 ta fuiſſe fere apud Siculos omnes: ego idem confirmo,
 nunc ne unum quidem eſſe. quid hoc eſt? quod mon-
 ſtrum, quod prodigium in prouinciā miſimus? non

ACTIONIS V.

ne uobis id egisse uidetur, ut non unius libidinem, non suos oculos, sed omnium auarissimorum insanias, cum Romam reuertisset, expleret? qui simul atque in oppidum quoppiam uenerat, immittebantur illi continuo Cybiratici canes, qui inuestigabant, & perscrutabantur omnia. si quod erat grande uas, & maius opus inuentum, læti auferebant. si minus eiusmodi quippiam uenari poterant, illa quidem certe pro lepulis capiebantur, patellæ, pateræ, thuribula. hic quos putatis fletus mulierum, quas lamentationes fieri solitas esse in hisce rebus? quæ forsitan uobis paruæ esse uideantur; sed magnum, & acerbum dolorem commouent, mulierculis præsertim, cum cripiuntur e manibus ea, quibus ad res diuinas uti consueuerunt, quæ a suis acceperunt, quæ in familia semper fuerint. hic nolite expectare, dum ego hoc crimine agam ostiatim: ab Aeschilo Tindaritano istum pateram abstulisse, a Thrasone item Tindaritano patellam, a Nymphodoro Agrigentino thuribulum. cum testes ex Sicilia dabo; quem uolet, eligat, quem ego interrogem de patellis, pateris, thuribulis: non modo oppidum nullum, sed ne domus quidem ulla paullo locupletior expers huius iniuriæ reperietur. qui cum in conuiuium uenisset, si quidquam calati aspexerat, manum abstinere, iudices, non poterat. Cn. Pompeius est Philo; qui fuit Tindaritanus. is cenam isti dabat apud uillam in Tindaritano. fecit, quod Siculi non audebant. ille, cuius R. quod erat, impuni id se facturum putauit. appositum patellam, in qua sigilla erant egregia. iste continuo, ut uidit

dit, nō dubitauit illud insigne penatium, hospitiumq.
 deorum ex hospitali mensa tollere: sed tamen, quod
 antea de istius abstinentia dixeram, sigillis auulsis re-
 liquum argentum sine ulla auaritia reddidit. Quid?
 Eupolemo Calatino, homini nobili, Lucullorum ho-
 spiti, ac persfamiliari, qui nunc apud exercitum cum
 L. Lucullo est, non idem fecit? cenabat apud eum.
 argentum illi ceterum purum, ne purus ipse relinque-
 retur, duo pocula non magna, ueruntamen cum em-
 blematis, apposuerat. hic, quasi festiuium acroama,
 ne sine corollario de conuiuio discederet, ibidem, con-
 uiuiis inspectantibus, emblemata auellenda curauit.
 Neque ego nunc istius facta omnia enumerare conor:
 neque opus est: nec fieri ullo modo potest: tantum-
 modo uniuscuiusque de uaria improbitate generis in-
 dicia apud uos, & exempla profero. neque enim ita
 se gessit in his rebus, tanquam rationem aliquando
 esset redditurus; sed prorsus ita, quasi aut reus nun-
 quam esset futurus, aut, quo plura abstulisset, eo mi-
 nore periculo in iudicium esset uenturus; qui hæc,
 quæ dico, iam non occulte, non per amicos, atque
 interpretes, sed palam de loco superiore ageret pro
 imperio, & potestate. Catinam cum uenisset, oppi-
 dum locuples, honestum, copiosum, Dionysiarchum
 ad se Proagorum, hoc est summum magistratum, uo-
 cari iubet. ei palam imperat, ut omne argentum,
 quod apud quenque esset Catinæ, conquirendum cura-
 ret, & ad se transferendum. Philarchum Centuri-
 pinum, primarium hominem genere, uirtute, pecu-

ACTIONIS V.

nia, non hoc idem iuratum dicere audistis? sibi istum negotium dedisse, atque imperauisse, ut Centuripis, in ciuitate totius Siciliae multo maxima, & locupletissima, omne argentum conquireret, & ad se comportari iuberet. Agyrio similiter istius imperio uasa Corinthia per Apollodorum, quem testem audistis, Syracusas deportata sunt. illa uero optima, quod, cum Haluntium uenisset praetor laboriosus, & diligens, ipse in oppidum accedere noluit, quod erat difficili ascensu, atque arduo: Archagathum Haluntium, hominem non solum domi suae, sed tota Sicilia in primis nobilem, uocari iussit: ei negotium dedit, ut, quidquid Halunti esset argenti calati, aut si quid etiam Corinthiorum, id omne statim ad mare ex oppido deportaretur. ascendit in oppidum Archagathus. homo nobilis, qui a suis et amari, et diligi uellet, ferebat grauius, illam sibi ab isto provinciam datam: nec, quid faceret, habebat: pronunciat, quid sibi imperatum esset: iubet omnes proferre, quae haberent. metus erat summus: ipse enim tyrannus non discedebat longius: Archagathum, & argentum, in lectica cubans, ad mare infra oppidum exspectabat. quem concursum factum in oppido putatis? quem clamorem? quem porro fletum mulierum? qui uiderent, equum Troianum introductum, urbem captam esse dicerent. efferri sine thecis uasa, extorqueri alia de manibus mulierum, effringi multorum fores, reueli claustra. quid enim putatis? scuta si quando conqui-
runtur a priuatis in bello, ac tumultu, tamen homi-
nes

nes inuiti dant, etsi ad salutem communem dari sentiunt: ne quem putetis sine maximo dolore agentum cælatum domo, quod alter eriperet, protulisse. omnia deferuntur. Cybiratæ fratres uocantur: pauca improbant: quæ probant, ijs crustæ, aut emblemata detrahuntur. sic Haluntini, excussis delicijs, cum argento puro domum reuerterunt. Quod unquam, iudices, huiusmodi euerriculû ulla in prouincia fuit? auertere aliquid de publico quam oscurissime per magistratum solebant: etiam aliquid de priuato non nunquam occulte auferebant: & illi tamen condemnabantur. & si queritis, (ut egomet mihi detrah am) illos ego accusatores puto fuisse, qui huiusmodi hominum furta odore, aut aliquo leuiter presso uestigio persequabantur. nam nos quidem quid facimus in Verre, quem in luto uolutatum totius corporis uestigijs inuenimus? permagnum est in eum dicere aliquid, qui præteriens, lectica paullisper deposita, non per præstigia, sed palam, per potestatem, uno imperio, ostiatim, totum oppidum compilarit? Attamen, ut possit se dicere emisse, Archagatho imperat, ut aliquid illis, quorum argentum fuerat, nummorum dicis caussa daret. inuenit Archagathus paucos, qui uellent accipere: his dedit: eos nûmos tamen iste Archagatho nō reddidit. uoluit Romæ petere Archagathus: Cn. Lentulus Marcellinus dissuasit, sicut ipsum dicere audistis. atque hac tota de re audistis Archagathi, & Lentuli testimonium. Et ne forte hominem existimetis hanc tantam uim emblematum sine

HH 4 caussa

ACTIONIS V.

caussa coaceruare uoluisse; uidete, quanti uos, quanti
 existimationem populi R. quanti leges, & iudicia,
 quantites Siculos, negotiatoresq. fecerit. Postea
 quàm tantam multitudinem collegerat emblemata,
 ut ne unum quidem cuiquam reliquisset; instituit offi-
 cinam Syracusis. in regiam maximam palam artifi-
 ces omnes, calatores, ac uasculares conuocari iu-
 bet: & ipse suos complures habebat. eò conducit
 magnam hominum multitudinem. menses octo conti-
 nuos opus his non defuit; cum uas nullum fieret, ni-
 si aureum. tum illa, ex patellis, & thuribulis quæ
 uellerat, ita scite in aureis poculis illigabat, ita apte
 in scyphis aureis includebat, ut ea ad illam rem nata
 esse diceret. ipse tamen prætor, qui sua uigilantia pa-
 cem in Sicilia dicit fuisse, in hac officina maiorem par-
 tem diei cum tunica pulla sedere solebat, & pallio.
 Hæc ego, iudices, non auderem proferre, ni uere-
 rer, ne forte plura de isto ab alijs in sermone, quàm
 a me in iudicio, audisse uos diceretis. quis enim
 est, qui de hac officina, qui de uasis aureis, qui de
 istius pallio, tunica pulla non audierit? quem uoles
 de conuentu Syracusanorum uirum bonum nomina-
 to: producā: nemo erit, quin hoc se aut uidisse, aut
 audisse dicat. o tempora: o mores. nihil nimium ue-
 tus proferam. sunt uestrum, iudices, quàm multi,
 qui L. Pisonem cognouerunt, huius L. Pisonis, qui
 prætor fuit, patrem. is cum esset in Hispania prætor,
 qua in prouincia occisus est; nescio quo pacto, dum
 armis exercetur, anulus aureus, quem habebat,
 fra-

IN
 factus est,
 facere, au-
 Cordibus;
 in foro sella
 bus præsen-
 diligentem
 nihil ampli-
 nim L. Pi-
 petundis le-
 me dicere
 men, quan-
 bacorum f-
 non modo in
 audiretur: il-
 re uoluit, u-
 hic nomen su-
 Nullo modo
 conseq-
 breuiter att-
 ms anulus,
 tis istum pu-
 los aureos ad
 cinque alic-
 est. incred-
 psum negat-
 interpreti,
 gnus iste a-
 fuit, unde
 itt eras, ac

fractus est, & comminutus. cum uellet sibi anulum facere, aurificem iussit uocari in foro, ad sellam, Corduba; & ei palam appendit aurum. hominem in foro sellam iubet ponere, & facere anulum omnibus presentibus. nimium fortasse dicet aliquis hunc diligentem. haftenus reprehendat, si quis uolet: nihil amplius. uerum fuit ei concedendum. filius enim L. Pisonis erat eius, qui primus de pecunijs repetundis legem tulit. Ridiculum est nunc de Verre me dicere, cum de Pisone Frugi dixerim. ueruntamen, quantum intersit, uidete. Iste cum aliquot abacorum faceret uasa aurea, non laborauit, quin non modo in Sicilia, uerum etiam Romae in iudicio audiretur: ille in auri semuncia totam Hispaniam scire uoluit, unde praetori anulus fieret. nimirum ut hic nomen suum comprobauit, sic ille cognomen. Nullo modo possum omnia istius facta aut memoria consequi, aut oratione complecti: genera ipsa cupio breuiter attingere: ut hic modo me commonuit Pisonis anulus, quod totum effluxerat. Quam multis istum putatis hominibus honestis de digitis anulos aureos abstulisse? nunquam dubitauit, quotiescunque alicuius aut gemma, aut anulo delectatus est. incredibilem rem dicam, sed tam claram, ut ipsum negaturum non arbitrer. Cum Valentio, eius interpreti, epistola Agrigento allata esset, casu signum iste animaduertit in cretula: placuit ei: exqui sinit, unde esset epistola: respondit, Agrigento. iste itteras, ad quos solebat, misit, ut is anulus ad se pri-

ACTIONIS V.

primo quoque tempore afferretur . ita litteris istius patrifamilias L. Titio cuidam , cui R. anulus de digito detractus est . Illa uero eius cupiditas incredibilis est . nam , ut in singula conclauia , quæ iste non modo Romæ , sed omnibus in uillis habet , tricenos lectos optime stratos cum ceteris ornamentis conuiuij quæreret , nimium multa comparare uideretur . nulla domus in Sicilia locuples fuit , ubi iste non textri-
nam instituerit . mulier est Segestana , perdiues , & nobilis , Lamia nomine . per triennium isti , plena domo telarum , stragulam uestem confecit , nihil non conchylio tinctum . Attalus , homo pecuniosus , nec uulgo , Lilybæi , Critolaus Ennæ , Syracusis Aeschrio , Cleomenes , Theomnastus , Pelori Archonides , Megistus . uox me citius defecerit , quàm nomina . Ipse dabat purpuram tantum , amici operas . credo : iam enim non libet omnia criminari : quasi uero hoc mihi non satis sit ad crimen , habuisse tam multum , quod daret ; uoluisse deportare tam multa : hoc denique , quod concedit , amicorum operis esse in huiusmodi rebus usum . Iam uero lectos æratos , & candelabra ænea num cui , præter istum , Syracusis per triennium facta esse existimatis ? Emebat . credo : sed tantum uos certiores , iudices , facio , quid iste in prouincia prætor egerit , ne cui forte nimium negligens fuisse uideatur , neque se satis , cum potestatem habuerit , instruxisse , & ornasse . Venio nunc non iam ad furtum , non ad auaritiam , non ad cupiditatem , sed ad eiusmodi facinus , in quo omnia nefaria

IN
ria continen
immortale
nominis po
ac proditum
reges amice
ac ditione
filios , pue
rant , non
uersa obt
perant : se
matrem si
quam , ten
agere , qua
regnum pat
tiochus uoc
que isto præ
tatem sibi
gnum , ac n
multa secun
tis homini
cum , uini
quod satis e
ad cenam u
cliniam : ex
ac pulcher
dum fecer
paratum u
sit , ut &
acceptum

ria contineri mihi, atque inesse uideantur: in quo dii
 immortales uiolati, existimatio, atque auctoritas
 nominis populi R. imminuta, hospitium spoliatum,
 ac proditum, ab alienati scelere istius a nobis omnes
 reges amicissimi, nationesque, quæ in eorum regno,
 ac ditione sunt. Nam reges Syriæ, regis Antiochi
 filios, pueros, scitis Romæ nuper fuisse, qui uene-
 rant, non propter Syriæ regnum: nam id sine contro-
 uersia obtinebant, ut a patre, & a maioribus acce-
 perant: sed regnum Aegypti ad se, & ad Selinem,
 matrem suam, pertinere arbitrabantur. hi post-
 quam, temporibus populi R. exclusi, per senatum
 agere, quæ uoluerant, non potuerunt; in Syriam in
 regnum patrum profecti sunt. eorum alter, qui An-
 tiochus uocatur, iter per Siciliam facere uoluit: ita
 que isto prætore uenit Syracusas. hic Verres heredi-
 tatem sibi uenisse arbitratus est; quod in eius re-
 gnum, ac manus uenerat is, quem iste & audierat
 multa secum præclara habere, & suspicabatur. mit-
 tit homini munera satis large; hæc ad usum domesti-
 cum, uini, olei, quod uisum erat; etiam tritici,
 quod satis esset, de his decumis. deinde ipsum regnū
 ad cenam uocauit. exornat ample, magnificeq. tri-
 clinium: exponit ea, quibus abundabat, plurima,
 ac pulcherrima uasa argentea: nanque hæc aurea non
 dum fecerat. omnibus, curat, rebus instructum &
 paratum ut sit conuiuium. quid multa? rex ita disces-
 sit, ut & istum copiose ornatum, & se honorifice
 acceptum arbitraretur. uocat ad cenam deinde ipse
 præ-

ACTIONIS V.

prætores; exponit suas copias omnes, multum argentum, non pauca etiam pocula ex auro: quæ, ut mos est regius, & maxime in Syria, gemmis erant distincta clarissimis. erat etiam uas uinariū ex uina gemma pergrandi, trulla excavata, cum manubrio aureo; de qua, credo, satis idoneum, satis grauem testem, Q. Minucium dicere audistis. iste unum quodque uas in manus sumere, laudare, mirari. rex gaudere, prætori populi R. satis iucundum, & gratum illud esse conuiuium. postea quàm inde discessum est, cogitare iste nihil aliud, quàm, id quod ipsa res declarauit, quemadmodum regem ex provincia spoliatum, expilatumq. dimitteret. mittit rogatum uasa ea, quæ pulcherrimam apud illum uiderat: ait se suis cælatoribus uelle ostendere. rex, qui istum non nosset, sine ulla suspitione libentissime dedit. mittit etiam trullam gemmeam rogatum; uelle eam se diligentius considerare. ea quoque ei mittitur. nunc reliquum, iudices, attendite, de quo & uos audistis, & populus R. non nunc primum audiet, & in exteris nationibus usque ad ultimas terras peruagatum est. Candelabrum e gemmis clarissimis, opere mirabili perfectum, reges hi, quos dico, Romam cum attulissent, ut in Capitolio ponerent; quod nondum etiam perfectum templum offenderant, neque ponere, neque uulgo ostendere, ac proferre uoluerunt; ut & magnificentius uideretur, cum suo tempore in cella Iouis Optimi Maximi poneretur, & clarius, cum pulchritudo eius recens ad oculos hominum, atque inte-

integra perueniret. statuerunt id secum in Syriam re-
 portare, ut, cum audissent simulacrum Iouis Opti-
 mi Maximi dedicatum, legatos mitterent, qui cum
 ceteris rebus illud quoque eximium, atque pulcherri-
 mum donum in Capitolium afferrent. peruenit res ad
 istius aures nescio quo modo: nam rex id calatum vo-
 luerat: non quo quidquam metueret, aut suspicaren-
 tur, sed ut ne multi illud ante perciperent oculis,
 quam populus R. iste petit a rege, & eum pluribus
 uerbis rogat, uti ad se mittat: cupere se dicit inspi-
 ce, neque se alijs uidendi potestatem esse facturum.
 Antiochus, qui animo & puerili esset, & regio, ni-
 hil de istius improbitate suspicatus est: imperat suis,
 ut id in prætorium inuolutum quam occultissime de-
 ferrent. quò postea quàm attulerunt, inuolucrisq.
 reiectis constituerunt: iste clamare cœpit, dignam
 rem esse regno Syriæ, dignam regio munere, dignam
 Capitolio: etenim erat eo splendore, qui ex clarissi-
 mis, & plurimis gemmis esse debebat; ea uarieta-
 te operum, ut ars certare uideretur cum copia; ea
 magnitudine, ut intelligi posset, non ad hominum ap-
 paratum, sed ad amplissimi templi ornamentum esse
 factum. quod cum satis iam perspexisse uideretur, tol-
 lere incipiunt, ut referrent. iste ait, se uelle illud e-
 tiam atque etiam considerare; nequaquam se esse sa-
 tiatum, iubet illos discedere, & candelabrum re-
 linquere. sic illi tum inanes ad Antiochum reuertun-
 tur. rex primo nihil metuere, nihil suspicari. dies
 unus, alter, plures; non referri. tum mittit rex
 ad

ACTIONIS V.

ad istū: si sibi uideatur, ut reddat. iubet iste posterius
ad se reuerti. mirū illi uideri. mittit iterum. non red
ditur. ipse hominem appellat: rogat, ut reddat. os ho
minis, insignemq. impudentiam cognoscite. quod sci
ret, quodq. ex ipso rege audisset in Capitolio esse po
nendum, quod Ioui Optimo Maximo, quod populo
R. seruari uideret, id sibi ut donaret, rogare, &
uehementer petere cæpit. cum ille se & religione Io
uis Capitolini, & hominum existimatione impediri
diceret, quod multæ nationes testes essent illius ope
ris, ac muneris: iste homini minari acerrime cæpit.
ubi uidet eum nihilo magis minis, quàm precibus per
moueri: repente hominem de prouincia iubet ante
noctem discedere: ait se comperisse, ex eius regno pi
ratas in Siciliam esse uenturos. rex maximo conuen
tu Syracusis, in foro, ne quis forte me in crimine ob
scuro uersari, atque effingere aliquid suspitione ho
minum arbitretur, in foro, inquam, Syracusis, flens,
deos hominesq. contestans clamare cæpit, candela
brum factum e gemmis, quod in Capitolium missu
rus esset, quod in templo clarissimo, populo R. mo
numentum suæ societatis, amicitiaq. esse uoluisset,
id sibi C. Verrem abstulisse. de ceteris operibus ex
auro, & gemmis, quæ sua penes illum essent, se non
laborare: hoc sibi eripi, miserum esse, & indignum:
id etsi antea iam mente, & cogitatione sua, fratrisq.
sui consecratum esset; tamen tum se in illo conuentu
cuiuum R. dare, donare, dicare, consecrare Ioui
Optimo Maximo, testemq. ipsum Iouem suæ uolun
tatis,

IN V
tatis, ac rel
qua nires h
sustinere?
minian nost
que ornatu
ellet, amic
fimis, &
ximo regnu
tus est. Q
teras, que
gna alioru
putasti, ca
uincia uiola
socin popu
puliq. R. od
teris, iudice
giani ta disce
cum ha
maritia, et
hoc esse faci
multi reges
pulentia, ac p
lium sic orn
nomen desu
gali hoc de
populoq. I
hoc nos in
ria tam au
amentes,

tatis, ac religionis adhibere. Quæ uox? quæ latera?
 quæ uires huiusmodi criminis querimoniam possint
 sustinere? rex Antiochus, qui Romæ ante oculos o-
 mnium nostrum biennium fere comitatu regio, at-
 que ornatu fuisset, is cum amicus, et socius populi R.
 esset, amicissimo patre, auo, maioribus, antiquis-
 simis, & clarissimis regibus, opulentissimo, & ma-
 ximo regno, præceps e prouincia populi R. exturba-
 tus est. Quemadmodum hoc accepturas nationes ex-
 teras, quemadmodum huius tui facti famam in re-
 gna aliorum, atque in ultimas terras peruenturam
 putasti, cum audierint, a prætore populi R. in pro-
 uincia uiolatum regem, spoliatum hospitem, eiectum
 socium populi R. atque amicum? nomen uestrum, po-
 puli quæ R. odio, atque acerbitati scitote nationibus ex-
 teris, iudices, futurum, si istius hæc tanta iniuria im-
 punita discesserit. sic omnes arbitrabuntur, præser-
 tim cum hæc omnino fama de nostrorum hominum a-
 uaritia, et cupiditate percrebuerit; non istius solius
 hoc esse facinus, sed eorum etiam, qui approbarint.
 multi reges, multæ liberæ ciuitates, multi priuati o-
 pulenti, ac potentes habent profecto in animo Capito-
 lium sic ornare, ut templi dignitas, imperij quæ nostri
 nomen desiderat. qui si intellexerint, interuerso re-
 gali hoc dono, grauius uos tulisse: grata fore uobis
 populo quæ R. sua studia, ac dona arbitrabuntur. sin
 hoc uos in rege tam nobili, in re tam eximia, in iniu-
 ria tam acerba neglexisse audierint: non erunt tam
 amentes, ut operam, curam, pecuniam impendant in
 eas

ACTIONIS V.

eas res, quas uobis gratas fore non arbitrentur. Hoc loco, Q. Catule, te appello: loquor enim de tuo clarissimo, pulcherrimoq. monumento. non iudicis solū seueritatē in hoc crimine, sed prope inimici, atque accusatoris uim suscipere debes. tunc est enim honos in illo templo, senatus populiq. R. beneficio: tui nominis aeterna memoria simul cum templo illo consecratur: tibi hęc cura suscipienda, tibi hęc opera sumenda est, ut Capitolium, quo modo magnificentius est restitutum, sic copiosius ornatum sit, quā fuit; ut illa flamma diuinitus extitisse uideatur, non quæ deleret Iouis Optimi Maximi templum, sed quæ præclarius magnificentiusq. deposceret. audisti Q. Minucium Rufum dicere, domi suæ diuersatum esse Antiochum regem Syracusis, se illud scire ad istum esse delatum, se scire non redditum. audisti, & audies omni e conuentu Syracusano, qui ita dicant, sese audientibus, illud Ioui Optimo Maximo dicatum esse ab rege Antiocho, & consecratum. si index non esses, & hęc ad te delata res esset; te potissimum hoc persequi, te petere, & agere oporteret, quare non dubito, quo animo index huius criminis esse debeas, qui apud aliū iudicem multo acrior, quā ego sum, actor, accusatorq. esse deberes. Vobis autem, iudices, quid hoc indignius, aut quid minus ferendum uideri potest? Verres ne habebit domi suæ candelabrum Iouis optimi Maximi, e gemmis auroque perfectum? cuius splendore collucere, atque illustrari Iouis Optimi Maximi templum oportebat, id apud istum in eiusmodi con

uiuijs

IN
uiuijs consti
flagrant
ceteris Che
ornament a
aut quid fu
se obstric
ubi ne pre
atque ab e
quo etiam
quod bonu
tum. Mira
Iunonem S
isto deos tot
lio manus a
nis de suis
Verres abri
nesario scele
que sacri, n
nuncia per tr
nibus, uerum
tum putare
cilia, iudices
que in hac l
itaque Sege
amicitia, u
coniunctos
cum illa ciu
te bellaret
tum est; on

uiujs constituetur, quæ domesticis stupris, flagitijsq. flagrabunt? in istius lenonis turpissimis domo simul cū ceteris Chelidonis hereditarijs ornamentis Capitolij ornamenta ponentur? quid huic sacri unquam fore, aut quid fuisse religiosi putatis, qui nunc tanto scelere se obstrictum esse non sentiat? qui in iudicium ueniat, ubi ne precari quidem Iouem Optimum Maximum, atque ab eo auxilium petere more omnium possit? a quo etiam dij immortales sua repetunt in eo iudicio, quod hominibus ad suas res repetundas est constitutum. Miramur Athenis Mineruam, Deli Apollinē, Iunonem Sami, Pergæ Dianam, multos præterea ab isto deos tota Asia, Græciāq. uiolatos, qui a Capitolio manus abstinere non potuerit? quod priuati hominis de suis pecunijs ornant, ornaturi q. sunt, id C. Verres ab regibus ornari non est passus. itaque, hoc nefario scelere concepto, nihil postea tota in Sicilia neque sacri, neque religiosi esse duxit. ita sese in ea provincia per triennium gessit, ut ab isto non solum hominibus, uerum etiam dijs immortalibus bellum indictum putaretur. Segesta est oppidum peruetus in Sicilia, iudices, quod ab Aenea fugiente a Troia, atque in hac loca ueniente conditum esse demonstrant. itaque Segestani non solum perpetua societate, atque amicitia, uerum etiam cognatione se cum populo R. coniunctos esse arbitrantur. hoc quondam oppidum, cum illa ciuitas cum Pœnis, suo nomine, ac sua sponte, bellaret, a Carthaginiensibus ui captum, atque delatum est; omniaq. quæ ornamento urbi esse possent,

ACTIONIS V.

Carthaginem sunt ex illo loco deportata. fuit apud Segestanos ex ære simulacrum Dianæ, tum summa, atque antiquissima præditum religione, tum singulâri opere, artificioq. perfectum. hoc translatum Carthaginem, locum tantum, hominesq. mutarat, religionem quidem pristinam conseruabat: nam propter eximiam pulchritudinem etiam hostibus digna, quâ sanctissime colerent, uidebatur. aliquot sæculis post P. Scipio bello Punico tertio Carthaginem cepit. quâ in uictoria (uideate hominis uirtutem, & diligentiam, ut & domesticis præclarissimæ uirtutis exemplis gaudeatis, & eo maiore odio dignam istius incredibilem audaciam iudicetis) conuocatis Siculis omnibus, quòd diutissime, sapissimeq. Siciliam uexatam a Carthaginensibus esse cognorat, iubet omnia conquiri: sibi pollicetur magnæ curæ fore, ut omnia ciuitatibus, quæ cuiusque fuissent, restituerentur. tum illa, quæ quondam fuerant Himera sublata, de quibus antea dixi, Thermitanis sunt reddita. tum alia Gellensibus, alia Agrigentinis, in quibus etiâ ille nobilis taurus, quem crudelissimus omnium tyrannorum Phalaris habuisse dicitur, quòd uiuos supplicij causa demittere homines, & subijcere flammam solebat. quem taurum Scipio cum redderet Agrigentinis, dixisse dicitur, æquum esse illos cogitare, utrum esset Siculis utilius, suis ne seruire, an populo R. obtemperare, cum idem monumentum & domestica crudelitatis, & nostræ mansuetudinis haberent. illo tēpore Segestanis maxima cum cura hæc ipsa Diana,

na, de qua diximus, redditur: reportatur Segestam: in suis antiquis sedibus, summa cum gratulatione ciuium, & letitia, reponitur. hæc erat posita Segestæ, sane excelsa in basi, in qua grandibus litteris P. Africani nomen erat incisum, eumq. Carthagine capta restituisse perscriptum. colebatur a ciuibus: ab omnibus aduenis uisebatur. cum quæstor essem, nihil mihi ab illis est demonstratum prius. erat admodum amplum, & excelsum signum cum stola: uerum tamen inerat in illa magnitudine ætas, atque habitus uirginalis: sagittæ pendebant ab humero: sinistra manu retinebat arcum: dextra ardentem facem præferebat. hanc cum iste, sacrorum omnium hostis, religionumq. prædo, uidisset; quasi ipsa illa face percussus esset, ita flagrare cupiditate, atque amentia cœpit. imperat magistratibus iste, ut eam demoliantur, & sibi dent: nihil sibi gratius ostendit futurum. illi uero dicere, id sibi nefas esse, seq. cum summa religione, tum summo metu legum, & iudiciorum teneri. iste tum petere ab illis, tum minari, tum spem, tum metum ostendere. opponebant illi interdum nomen Africani: donum populi R. illud esse dicebant: nihil se in eo potestatis habere, quod imperator clarissimus, urbe hostium capta, monumentum uictoriæ populi R. esse uoluisset. cum iste nihilo remissius, atque etiam multo uehementius instaret quotidie; res agitur in senatu: uehementer ab omnibus reclamatur: itaque illo tempore, ac primo istius aduentu pernegatur. postea, quidquid erat oneris in nautis re m

ACTIONIS V.

gibusq. exigendis, in frumento imperando, Segestanis præter ceteros imponebat aliquanto amplius, quàm ferre possent. præterea magistratus eorum euocabat: optimum, & nobilissimum quenque ad se accersebat: circum omnia provinciæ fora rapiebat: singillatim unicuique calamitati fore se denunciabat: uniuersam se funditus illam euersurum esse ciuitatem minabatur. itaque aliquando, multis malis, magnoq. metu uicti Segestani, prætoris imperio parendum esse decreuerunt. magno cum luctu, & gemitu totius ciuitatis, multis cum lacrymis, & lamentatione uirorum, mulierumq. omnium, simulacrum Dianæ tollendum locatur. uidete, quanta religione fuerit. apud Segestanos repertum esse, iudices, scitote neminem, neque liberum, neque seruum, neque ciuem, neque peregrinum, qui illud signum auderet attingere: barbaros quosdam Lilybæo scitote aduocatos esse operarios. hi denique illud, ignari totius negotij, ac religionis, mercede accepta sustulerunt. quod cum ex oppido exportaretur, quem conuentum mulierum factum esse arbitramini? quem fletum maiorum natu? quorum non nulli etiam illum diem memoria tenebant, cum illa eadem Diana, Segestâ Carthagine reuecta, uictoriam populi R. reditu suo nunciasset. quàm dissimilis hic dies illi tempori uidebatur? tum imperator populi R. uir clarissimus, deos patrios reportabat Segestanis, ex urbe hostium recuperatos: uunc ex urbe sociorum prætor eiusdem populi turpissimus, atque impurissimus eosdem illos deos

deos nefarios scelere auferebat . quid hoc tota Sicilia
est clarius , quàm omnes Segestanas matronas , &
uirgines conuenisse , cum Diana exportaretur ex op-
pido ? unxisse unguentis ? complexse coronis , & flori-
bus ? thure odoribusq. incensis usque ad agri fines pro-
secutas esse ? Hanc tu tantam religionem si tum in im-
perio , propter cupiditatem , atque audaciam , non
pertimescebas , ne nunc quidem in tanto tuo , libero-
rumq. tuorum periculo perhorrescis ? quem tibi aut
hominem , inuitis dijs immortalibus , aut uero deum ,
tantis eorum religionibus uiolatis , auxilio futurum
putas ? tibi illa Diana in pace , atque in otio religio-
nem nullam attulit , quæ cum duas urbes , in quibus
locata fuerat , captas incensasq. uidisset , bis ex duo-
rum bellorum flamma , ferroq. seruata est ; quæ , Car-
thaginienſium uictoria loco mutato , religionem ta-
men non amisit ; P . Africani uirtute , religionem si-
mul cum loco recuperauit ? quo quidem scelere susce-
pto , cum inanis esset basis , & in ea P . Africani no-
men incisum , res indigna , atque intoleranda uideba-
tur omnibus , non solum religiones esse uiolatas , ue-
rum etiam P . Africani , uiri fortissimi , rerum gesta-
rum gloriam , memoriam uirtutis , monumenta uicto-
riæ C . Verrem sustulisse . quod cum isti renunciare-
tur de basi , ac litteris , existimauit homines in obli-
uionem totius negotij esse uenturos , si etiam basim ,
tanquam indicem sui sceleris , sustulisset : itaque tol-
lendam istius imperio locauerunt . quæ uobis locatio
ex publicis Segestanorum litteris priore actione re-

ACTIONIS V.

citata est. Te nunc, P. Scipio, te, inquam, lectissimum, ornatissimumq. adolescentem, appello: abs te officium tuum, debitum generi, & nomini, requiro, & flagito. cur pro isto, qui laudem, honoremq. familiae uestrae depeculatus est, pugnas? cur eum defensum esse uis? cur ego tuas partes suscipio? cur tuum onus sustineo? cur M. Tullius P. Africani monumenta requirit; P. Scipio eum, qui illa sustulit, defendit? cum mos a maioribus traditus sit, ut monumenta maiorum ita suorum quisque defendat, ut ea ne ornari quidem nomine alieno sinat: tu isti aderis, qui non obtrinit aliqua ex parte monumenta P. Scipionis, sed funditus sustulit, at deleuit? quisnam igitur, per deos immortales, tuebitur P. Scipionis memoriam mortui? quis monumenta, atque indicia uirtutis, si tu ea relinquis, ac deseris? neque solum spoliata illa patiere, sed etiam eorum spoliatorem, uexatoremq. defendes? adsunt Segestani, clientes tui, socij populi R. atque amici: certiores te faciunt, P. Africanum, Carthagine deleta, simulacrum Dianae maioribus suis restituisse, idq. apud Segestanos eius imperatoris nomine positum, ac dedicatum fuisse, hoc Verrem demoliendum, & asportandum, nomenq. omnino P. Scipionis delendum, tollendumq. curasse. orant te, atque obsecrant, ut sibi religionem, generi tuo laudem, gloriamq. restituas; ut, quod ex urbe hostium per P. Africanum recuperarint, id per te ex praedonis domo conseruare possint. quid aut his respondere honeste potes, aut illi facere, nisi ut te, ac fidem

fidem tuam implorent? adsunt, & implorant. potes domesticae laudis amplitudinem, Scipio, tueri, potes: omnia in te sunt, quæ aut fortuna hominibus, aut natura largitur. non præcerpo fructum officij tui: non alienam mihi laudem appeto: non est pudoris mei, P. Scipione, florentissimo adolescente, uiuo, & incolumi, me propugnatorem monumentorum P. Scipionis, defensoremq. profiteri. quamobrem si suscipis domesticae laudis patrocinium, me non solum silere de uestris monumentis oportebit, sed etiam lætari, P. Africani eiusmodi esse fortunas mortui, ut eius honores ab ijs, qui ex eadem familia sint, defendatur, neque ullum aduentitium requiratur auxilium. sin istius amicitia te impedit; si hoc, quod abs te postulo, minus ad officium tuum pertinere arbitrare: succedam ego uicarius tuo muneri: suscipiam partes, quas alienas esse arbitrabar: ne ista præclara nobilitas desinat queri populum R. hominibus nouis, atque industrijs libenter honores mandare, semperq. mandasse. non est querendum, in ea ciuitate, quæ propter uirtutem omnibus nationibus imperat, uirtutem plurimum posse. sit apud alios imago P. Africani: ornentur alij mortui uirtute, ac nomine: talis ille uir fuit, ita de populo R. meritus est, ut non uni familiae, sed uniuersæ ciuitati commendatus esse debeat: est aliqua mea pars uiriliter, quod eius ciuitati sum, quam ille amplam, illustrem, claramq. reddidit; præcipue quod in his artibus pro mea parte uersor, quarum ille princeps fuit, æquitate, industria, temperantia, de

ACTIONIS V.

fensione miserorum, odio improborum: quæ cognatio studiorum, & artium propemodum non minus est coniuncta, quàm ista, qua uos delectamini, generis, & nominis. Repeto abs te, Verres, monumentum P. Africani: causam Sicularum, quam suscepi, relinquo: iudicium de pecunijs repetundis ne sit hoc tempore: Segestanorum iniuriæ negligantur: basis P. Africani restituatur: nomen inuictissimi imperatoris incidatur: signum pulcherrimum, Carthagine capta recuperatum, reponatur. hæc abs te non Sicularum defensor, non tuus accusator, non Segestani postulant, sed is, qui laudem, gloriamq. P. Africani tuendam, conseruandamq. suscepit. non uereor, ne hoc officium meum P. Seruilio, iudici, non probem: qui, cum res maximas gesserit, monumenta q. suarum rerum maxime constituat, atque in his elaboret, profecto uolet hæc nō solum suis posteris, uerum etiā omnibus uiris fortibus, & bonis ciuibus defendenda, non spolianda improbis, tradere. non uereor, ne tibi, Q. Catule, displiceat, cuius amplissimum in orbe terrarum, clarissimumq. monumentum est, quamplurimos esse custodes monumentorum, & putare omnes bonos alienæ gloriæ defensionem ad officium suū pertinere. & quidem ceteris istius furtis, atque flagitijs ita moueor, ut ea reprehendenda tantum putem: hic uero tanto dolore afficio, ut nihil mihi indignius ferendum uideatur. Verres Africani monumentis domum suam, plenam stupri, plenam flagitij, plenam dedecoris, ornabit? Verres temperatissimi, sanctissimiq.

miq. uiri monumentum, Dianæ simulacrum uirginis, in ea domo collocabit, in qua semper meretricū, lenonumq. flagitia uersantur? At hoc solum Africani monumentum uiolasti. quid? a Tyndaritanis nō eiusdem Scipionis beneficio positum simulacrum Mercurij, pulcherrime, factum sustulisti? at quemadmodum, dii immortales, quā audacter, quā libidinosē, quā impudenter. audistis nuper dicere legatos Tyndaritanos, homines honestissimos, ac principes ciuitatis; Mercurium, qui sacris anniuersarijs apud eos, ac summa religione coleretur, quem P. Africanus, Carthagine capta, Tyndaritanis non solum suæ uictoriæ, sed etiam illorum fidei, societatisq. monumentum, atque indicium dedisset, huius ui, scelere, imperioq. esse sublatum. qui, ut primum in illud oppidum uenit, statim, tanquam ita fieri non solum oportet, sed etiam necesse esset, tanquam hoc senatus mandasset, populusq. R. iussisset, ita, continuo signis ut demolirentur, & Messanam deportarent, imperauit. quod cum illis, qui aderant, indignum, qui audiebant, incredibile uideretur; non est ab isto primo illo aduentu perseueratum. discedens mandat Proagoro Sopatro, cuius uerba audistis, ut demoliat. cum recusaret, uehementer minatur. ita tum ex illo oppido proficiscitur. Proagorus refert rem ad senatum: uehementer undique reclamatur. ne multa: iterum iste aliquanto post ad illos uenit, quærit continuo de signo. respondetur ei, senatum non permittere; pœnam capitis constitutam, si iniussu senatus quisquā attigis-

ACTIONIS V.

attigisset : simul religio commemoratur . tum iste ,
 quam mihi religionem narras ? quam pœnam ? quem
 senatum ? uiuum te non relinquam : moriere uirgis ,
 nisi signum traditur . Sopater iterum flens ad sena-
 tum refert ; istius cupiditatem , minasq̃ . demonstrat .
 senatus Sopatro responsum nullum dat , sed commo-
 tus , perturbatusq̃ . discedit . ille a prætore accersitus
 nuncio , rem demonstrat , negat ullo modo fieri posse .
 atque hæc (nihil enim prætermittendum de istius im-
 pudentia uidetur) agebantur in conuentu , palam , de
 sella , ac de loco superiore . erat hiems summa , tem-
 pestas , ut ipsum Sopatrum dicere audistis , perfrigi-
 da , imber maximus , cum iste imperat lic̃toribus , ut
 Sopatrum de porticu , in qua ipse sedebat , præcipitem
 in forum deiciant , nudumq̃ . constituent . uix erat
 hoc plane etiam imperatum , cum illum spoliatum , si-
 patumq̃ . lic̃toribus uideres . omnes ideo putabant ,
 ut miser , atque innocens uirgis caderetur . fefellit
 hæc homines opinio . uirgis iste caderet sine caussa so-
 cium populi R . atque amicum ? non usque eò impro-
 bus : non omnia sunt in eo uno uitia : nunquam fuit
 crudelis . leniter hominem , clementerq̃ . accepit . e-
 questres sunt medio in foro Marcellorum statuæ , si-
 cuti fere ceteris in oppidis Siciliæ . ex quibus iste C .
 Marcelli statuam delegit : cuius officia in illa ciuita-
 te , totaq̃ . prouincia recentissima erant , & maxima .
 in ea Sopatrum , hominem tum domi nobilem , tum
 summo magistratu præditum , diuaticari , ac deligari
 iubet . quo cruciatu sit affectus , uenire in mentem ne
 cesse

cesse est omnibus, cum esset uinctus nudus in aere, in
 imbri, in frigore. neque tamen finis huic iniuriæ, cru-
 delitatiq. fiebat, donec populus, atque uniuerſa mul-
 tudo, atrocitate rei, misericordiaq. commota, ſena-
 tum clamore coegit, ut ei ſimulacrum illud Mercurij
 polliceretur. clamabant fore, ut ipſi ſeſe dij immor-
 tales ulciſcerentur: hominem interea perire innocen-
 tem non oportere. tum frequens ſenatus ad iſtum ue-
 nit, pollicetur ſignum. ita Sopater de ſtatua C. Mar-
 celli, cum iam pæne obriguiffet, uix uiuus aufertur.
 Non poſſum diſpoſite iſtum accuſare, ſi cupiam. opus
 eſt non ſolum ingenio, uerum etiam artificio quodã
 ſingulari. Vnum hoc crimen uidetur eſſe, & a me
 pro uno ponitur, de Mercurio Tyndaritano. plura
 ſunt: ſed, ea quo pacto diſtinguere, ac ſeparare poſ-
 ſim, nescio. eſt pecuniarũ captarum, quòd ſignum a
 ſocijs pecuniæ magnæ ſuſtulit: eſt peculatus, quòd
 publice populi R. ſignum, de præda hoſtium captum,
 poſitum imperatoris noſtri nomine, non dubitauit au-
 ferre: eſt maiestatis, quòd imperij noſtri gloriæ, re-
 rumq. geſtarum monumenta euertere, atque aſpor-
 tare auſus eſt: eſt ſcleris, quòd religiones maximas
 uiolauit: eſt crudelitatis, quòd in hominem innocen-
 tem, in ſocium noſtrum, atque amicum, nouum, ac
 ſingulare ſupplicij genus excogitauit. illud uero quid
 ſit, iam non queo dicere: quo nomine appellem, ne-
 ſcio: quòd in C. Marcelli ſtatua. quid eſt hoc? patro-
 nus ne quòd erat? quid tum? quòd id ſpectat? utrum
 ea res ad opem, an ad calamitatem clientium, atque
 hoſpitum

ACTIONIS V.

hospitum ualere debebat? an ut hoc ostenderes, cōtra
uim tuam in patronis præsidiij nihil esse? quis hoc non
intelligeret, in improbi præsantis imperio maiorem
esse uim, quā in bonorum absentium patrociniū? an
uero ex hoc illa tua singularis significatur insolentia,
superbia, contumacia? detrachere uidelicet aliquid te
de magnitudine Marcellorum putasti: itaque nunc Si-
culorum Marcelli non sunt patroni; Verres in eorum
locum substitutus est. quam in te tantam uirtutem es-
se, aut dignitatem arbitratus es, ut conarere cliente-
lam tam illustrem, tam splendide prouinciæ traduce-
re ad te, auferre a certissimis, antiquissimisq. patro-
nis? tu ista stultitia, nequitia, inertia, non modo
totius Siciliae, sed unius tenuissimi Siculi clientelam
tueri potes? tibi Marcelli statua pro patibulo in clien-
tes Marcellorum fuit? tu ex illius honore in eos ip-
sos, qui honorem illi habuerant, supplicia quærebas?
quid postea? quid tandem tuis statuis fore arbitraba-
re? an uero id, quod accidit? nam Tyndaritani sta-
tuam istius, quam sibi propter Marcellos, altiore
etiam basi poni iusserat, deturbarunt, simul ac suc-
cessum isti audierunt. dedit igitur tibi fortuna Siculo-
rum C. Marcellum iudicem, ut, cuius ad statuam Si-
culi te prætore alligabantur, eius religioni te eundē
uinctū, astrictūq. dedamus. Ac primo, iudices, hoc
signū Mercurij dicebat iste Tyndaritanos C. Marcello
huic Aesernino uendidisse: atque hoc sua causa etiam
Marcellum ipsum sperabat esse dicturum. quod mihi
nunquam uerisimile uisum est adolescentem illo loco
natum,

natum, patronum Siciliae, nomen suum isti ad translationem criminis commodaturum. ueruntamen ita res mihi tota praenisa, atque praecautae est, uti, si maxime esset inuentus, qui in se suscipere istius culpam, crimenque. cuperet, tamen is proficere nihil posset. eos enim testes deduxi, & eas litteras deportaui, ut de istius facto dubium nemini esse posset. publicae litterae sunt, deportatum esse Mercurium Messanam sumptu publico: dicunt, quanti: praefuisse huic negotio publice legatum Poleam. quid is? ubi est? praesto est: testis est. Proagori Sopatri iussu. quis est hic? qui ad statuam adstrictus est. quid is? ubi est? testis est. uidiſtis hominem, & uerba eius audistis. demolendum curauit Demetrius Gymnasiarchus, quod is ei loco praerat. quid? hoc nos dicimus? immo uero ipse praesens; Romae nuper istum esse pollicitum, sese id signum legatis esse redditurum, si eius rei testificatio tolleretur, cautumque. esset eos testimonium non esse dicturos. dixit hoc apud uos Sosippus, & Hismenias, homines nobilissimi, & principes Tyndaritanæ ciuitatis. Quid Agrigento? non ne eiusdem P. Scipionis monumentum, signum Apollinis pulcherrimum, cuius in femine litterulis minutis argenteis nomen Myronis erat inscriptum, ex Aesculapij religiosissimo fano sustulisti? quod iste, iudices, cum clam fecisset, cum ad suum scelus illud, furtumque. nefarios quosdam homines improbos duces, atque adiutores adhibuisset; uehementer com-
mota

270 ACTIONIS V.

mota ciuitas est . uno eodem tempore Agrigentini be-
 neficium Africani , religionem domesticam , orna-
 mentum urbis , indicium uictoriae , testimonium so-
 cietatis requirebant . itaque ab illis , qui principes in
 ea ciuitate erant , praecipitur , & negotium datur
 quaestoribus , & aedilibus , ut noctu uigilias agerent
 ad aedes sacras . etenim iste Agrigenti (credo pro-
 pter multitudinem illorum hominum , atque uirtu-
 tem , & quod ciues R. uiri fortes , ac strenui , &
 honesti permulti in illo oppido , coniunctissimo animo
 cum ipsis Agrigentinis uiuunt , ac negotiantur) non
 audebat palam tollere , aut poscere , quae placebant .
 Herculis templum est apud Agrigentinos , non longe
 a foro , sane sanctum apud illos , & religiosum . ibi
 est ex aere simulacrum ipsius Herculis : quo non faci-
 le quidquam dixerim me uidisse pulchrius , (tametsi
 non tam multum in istis rebus intelligo , quam multa
 uidi) usque eò iudices , ut risus eius , ac metum paullo
 sit attritius , quod in precibus ; & gratulationibus
 non solum id uenerari , uerum etiam osculari solent .
 ad hoc templum , cum esset iste Agrigenti , duce Ti-
 marchide , repente , nocte intempesta , seruorum ar-
 matorum sit concursus , atque impetus . clamor a ui-
 gilibus , faniq. custodibus tollitur . qui primo cum ob-
 sistere , ac defendere conarentur , male multati cla-
 uis , ac fustibus repelluntur . postea , conuulsis repa-
 gulis , effractisq. ualuibus , demoliri signum , ac uecti-
 bus labefactare conantur . interea ex clamore fama
 tota urbe percrebuit , expugnari deos patrios ; non
 ho-

hostium aduentu; neque repētino prædonum impetu, sed ex domo, atque cohorte prætoriam manum fugitivorum instructā, armatamq. uenisse. nemo Agrigentini neque ætate tam affecta, neque uiribus tam infirmis fuit, qui non illa nocte, eo nuncio excitatus surrexerit, telumq. quod cuique sors offerebat, arripuerit. itaque breui tempore ad fanum ex urbe tota concurritur. hora amplius iam in demoliendo signo permulti homines moliebantur: illud interea nulla lababat ex parte, cum alij, uectibus subiectis, conarentur commouere, alij deligatum omnibus membris rapere ad se funibus. repente Agrigentini concurrunt: fit magna lapidatio: dant sese in fugam istius præclari imperatoris nocturni milites. duo tamen sigilla per paruula tollunt, ne omnino inanes ad istum prædonem religionum reuerterentur. nunquam tam male est Siculis, quin aliquid facete, & commode dicant, uelut in hac re. aiebant in labores Herculis non minus hunc immanissimum Verrem, quàm illum aprum Erymanthium referri oportere. Hanc uirtutem Agrigentinorum imitati sunt Assorini postea, uiri fortes, & fideles, sed nequaquam ex tam ampla, neque tam ex nobili ciuitate. Chrysas est amnis, qui per Assorinorum agros fluit. is apud illos habetur deus, & religione maxima colitur. fanum eius est in agro, propter ipsam uiam, qua Assoro itur Ennam. in eo Chryse est simulacrum præclare factum e marmore. id est poscere Assorinos propter singularem eius fani religionem nõ ausus est. Tlepolemo dat, Hieroniq.

ACTIONIS V.

roniꝑ. negotium. illi noctu facta manu, armatiꝑ. ueniunt: fores ædis effringunt: æditimi, custodesꝑ. mature sentiunt: signum, quod erat notum uicinitati, bucina datur: homines ex agris concurrunt: eiꝑ. citur, fugaturꝑ. Tlepolemus: neque quidquam ex fano Chrysæ, præter unum perparuulum signum ex ære, desideratum est. Matris magnæ fanum apud Enguinos est. iam enim mihi non modo breuiter de unoquoque dicendum est, sed etiam prætereunda uidentur esse permulta, ut ad maiora istius, & illustriora in hoc genere furta, & scelera ueniamus. in hoc fano loricas, galeasꝑ. æneas, cælatas opere Corinthio, hydriasꝑ. grandes, simili in genere, atque eadem arte perfectas, idem ille P. Scipio, uir omnibus rebus præcellentissimus, posuerat, & suum nomen inscripserat. quid iam de isto plura dicam, aut querar? omnia illa, iudices, abstulit; nihil in religiosissimo fano, prætere uestigia uolatæ religionis, nomenꝑ. P. Scipionis, reliquit: hostium spolia, monumenta imperatorum, decora, atque ornamenta fanorum, posthac, his præclaris nominibus amissis, in instrumento, ac supellectili C. Verris numerabantur. tu uidelicet solus uasis Corinthijs delectaris? tu illius æris temperationem, tu operum liniamenta solertissime perspicis? hæc Scipio ille non intelligebat, homo doctissimus, atque humanissimus? tu, sine ulla bona arte, sine humanitate, sine ingenio, sine litteris, intelligis, & indicas? uide, ne ille non solum temperantia, sed etiam intelligentia te, atque istos,

istos, qui se elegantes dici uolunt, uiderit. nam quia, quam pulchra essent, intelligebat, iccirco existimabat ea non ad hominum luxuriam, sed ad ornatum fanorum, atque oppidorum esse facta, ut posteris nostris monumenta religiosa esse uideantur. Audite etiam singularem eius, iudices, cupiditatem, audaciam, amentiam, in ijs praesertim sacris polluentis, quae non modo manibus attingi, sed ne cogitatione quidem uiolari fas fuit. Sacrarium Cereris est apud Catinenses, eadem religione, qua Romae, qua in ceteris locis, qua prope in toto orbe terrarum. in eo sacrario intimo fuit signum Cereris perantiquum: quod uiri, non modo cuiusmodi esset, sed ne esse quidem sciebant. auditus enim in id sacrarium non est uiris: sacra per mulieres, ac uirgines confici solent. hoc signum noctu clam istius serui ex illo religiosissimo, atque antiquissimo fano sustulerunt. postridie sacerdotes Cereris, atque illius fani antistites, maiores natu, probatae, ac nobiles mulieres rem, ad magistratus suos deferunt. omnibus acerbum, indignum, luctuosum denique uidebatur. tum iste permotus illa atrocitate negotij, ut ab se sceleris istius suspicio remoueretur, dat hospiti suo cuidam negotium, ut aliquem reperiret, quem ea fecisse insimularet; daretque operam, ut is eo crimine damnaretur, ne ipse esset in crimine. res non procrastinatur. nam cum iste Catinam profectus esset, serui cuiusdam nomen defertur: is accusatur: ficti testes in eum dantur: rem cunctus senatus Catinensium legibus indicat. sacerdotes uocantur:

K K tur:

ACTIONIS V.

tur: ex his quæritur secreto in curia, quid esset factū, quemadmodum arbitrarentur signum esse ablatum. respondent illæ, prætoris in illo loco seruos esse uisos. res, quæ esset antea non obscura, sacerdotum testimonio perspicua esse cæpit. itur in consilium: seruus ille innocens omnibus sententijs absoluitur, quo facilius uos hunc omnibus sententijs condemnare possetis. quid enim postulas, Verres? quid speras? quid spectas? quem tibi aut deorum, aut hominum auxilio putas futuram? eò ne tu seruos ad spoliandum fanum immittere ausus es, quò liberos adire ne orandi quidē causa fas erat? his ne rebus manus afferre non dubitasti, a quibus etiam oculos cohibere te religionum iura cogeant? tametsi ne oculis quidem captus in hanc fraudem tam sceleratam, ac tam nefariam decidisti: nam id concupisti, quod unquam uideras: id, inquam, adamaſti, quod antea non aspexeras. auribus tu tantam cupiditatem concepisti, ut eam non metus, non religio, non deorum uis, non hominum existimatio contineret. at ex uiro bono, credo, audieras, & bono auctore. qui id potest? qui ne ex uiro quidem audire potueris. audiſti igitur ex muliere; quoniam id uiri neque uidisse, neque nosse poterant. qualem porro illam feminam fuisse putatis, iudices, quàm pudicam, quæ cum Verre loqueretur? quàm religiosam, quæ sacrarium spoliandi ostenderet rationem? at minime mirum, quæ sacra per summam castimoniam uirorum, ac mulierum fiant, eadem per istius stuprum, ac flagitium esse uiolata. quid ergo?

ergo? hoc solum auditione expetere cepit, cum id ipse non uidisset? immo uero alia complura: ex quibus eligam spoliationem nobilissimi, atque antiquissimi fani: de qua priore actione testes dicere audistis. nunc eadem illa, quas, audite, & diligenter, sicut adhuc fecistis, attendite. Insula est Melita, iudices, satis lato ab Sicilia mari, periculosoq. disiuncta: in qua est eodem nomine oppidum, quod iste nunquam accessit: quod tamen isti textrinum per triennium ad muliebre uestem conficiendam fuit. ab eo oppido non longe, in promontorio fanum est Iunonis antiquum: quod tanta religione semper fuit, ut non modo illis Punicis bellis, quæ in his fere locis nauali copia gesta, atque uersata sunt, sed etiam in hac prædonum multitudine semper inuiolatum, sanctumq. fuerit. quin etiam hoc memoriæ proditum est, classe quondam Massanisæ regis ad eum locum appulsa, præsestum regiū dentes eburneos incredibili magnitudine e fano sustulisse, & eos in Africam portasse, Massanisæq. donasse: regem quidem primo delectatum esse munere: post, ubi audisset unde essent, statim certos homines in quinquere mi misisse, qui eos dentes reportarent. itaque in his inscriptum litteris Punicis fuit, regem Massanisam imprudentem accepisse, re cognita reponendos, restituendosq. curasse. Erat præterea magna uis eboris, multa ornamenta, in quibus eburnæ uictoriæ, antiquo opere, ac summa arte perfectæ. hæc iste omnia, ne multis morer, uno impetu, atque uno nuncio, per seruos Ve-

K K 2 nerios,

ACTIONIS V.

nerios, quos eius rei causa miserat, tollenda, atque
 asportanda curauit. Pro dii immortales, quem ego
 hominem accuso? quem legibus, ac iudiciali iure per
 sequor? de quo uos sententiam per tabellam feretis?
 dicunt legati Melitenses, publice spoliatum templum
 esse Iunonis, nihil istum in religiosissimo fano reli-
 quisse; quem in locum classes hostium saepe accesser-
 rant, ubi piratae fere quotannis hiemare solebant,
 quod neque praedo uiolarit antea, neque hostis attige-
 rit, id ab uno isto sic spoliatum esse, ut nihil omnino
 sit relictum. Hic nunc aut iste reus, aut ego accusa-
 tor, aut hoc iudicium appellabitur? criminibus enim
 coarguitur, aut suspicionibus in iudicium uocatur?
 dii ablati, fana uexata, nudatae urbes reperiuntur.
 earum autem rerum nullam sibi iste neque inficiandi
 rationem, neque defendendi facultatem reliquit: om-
 nibus in rebus coarguitur a me, conuincitur a testi-
 bus, urgetur confessione sua, manifestis in maleficijs
 tenetur, & manet etiam, ac tacitus facta mecum
 sua recognoscit. Nimium mihi diu uideor in uno ge-
 nere uersari criminum: sentio, iudices, occurrendum
 esse satietati aurium, animorumque uestrorum: qua-
 obrem multa praetermittam. ad ea autem, quae di-
 cturus sum, reficite uos, quaeso, iudices, per deos im-
 mortales, per eos ipsos, de quorum religione iam diu
 dicimus, dum id eius facinus commemoro, & profe-
 ro, quo provincia tota commota est. de quo si paullo
 altius ordiri, ac repetere memoriam religionis ui-
 debor, ignoscite. rei magnitudo me breuiter perstrin-
 gere

gere atrocitatem criminis non sinit. Vetus est hæc opinio, iudices, quæ constat ex antiquissimis Græcorum litteris, atque monumentis, insulam Siciliam totam esse Cereri, & Liberæ consecratam. hoc cum ceteræ gentes sic arbitrantur, tum ipsis Siculis tam persuasum est, ut animis eorum insitum, atque innatum esse uideatur. nam & natas esse has in his locis deas, & fruges in ea terra primum repertas arbitrantur, & raptam esse Liberam, quam eandem Proserpinam uocant, ex Ennensium nemore; qui locus, quod in media est insula situs, umbilicus Siciliæ nominatur. quam cum inuestigare, & conquirere Ceres uellet, dicitur inflammasse tædas ijs ignibus, qui ex Aetnæ uertice erumpunt: quas sibi cum ipsa præferret, orbem omnium peragrasse terrarum. Enna autem, ubi ea, quæ dico, gesta esse memorantur, est loco præcelso, atque edito: quo in summo est æquata agri planities, & aquæ perennes: tota uero omni aditu circumcisa, atque dirempta est: quam circa lacus, luci quæ sunt plurimi, & lectissimi flores omni tempore anni: locus ut ipse raptum illum uirginis, quem iam a pueris accepimus, declarare uideatur. etenim propter est spelunca quædam, conuersa ad æquilonem, infinita altitudine, qua Ditem patrem ferunt repente cum curru extitisse, abreptam quæ ex eo loco uirginem secum asportasse, & subito non longe a Syracusis penetrasse sub terras, lacum quæ in eo loco repente extitisse: ubi usque ad hoc tempus Syracusani festos dies anniuersarios agunt, celeberrimo uiro-

ACTIONIS V.

rum, mulierumq. conuentu. propter huius opinio-
 nis uetustatem, quod eorum his locis uestigia, ac pro-
 pe incunabula reperiuntur deorum, mira quaedam
 tota Sicilia priuatim, ac publice religio est Cereris
 Ennensis. etenim multa saepe prodigia uim eius, nu-
 menque declarant; multis saepe in difficillimis rebus
 praesens auxilium eius oblatum est: ut haec insula ab
 ea non solum diligi, sed etiam incoli, custodiriq. ui-
 deatur. nec solum Siculi, uerum etiam ceterae gen-
 tes, nationesq. Ennensem Cererem maxime colunt.
 etenim si Atheniensium sacra summa cupiditate ex-
 spectantur, ad quos Ceres in illo errore uenisse dici-
 tur, frugesq. attulisse: quantam esse religionem con-
 uenit eorum, apud quos eam natam esse, & fruges
 inuenisse constat? itaque apud patres nostros, atroci,
 ac difficili reip. tempore, cum, Ti. Graccho occiso,
 magnorum periculorum metus ex ostentis portende-
 retur, P. Mucio, L. Calpurnio cos. aditum est ad
 libros sibyllinos: in quibus inuentum est, Cererem
 antiquissimam placari oportere. tum ex amplissimo
 collegio decemuirali sacerdotes populi R. cum esset in
 urbe nostra Cereris pulcherrimum & magnificentis-
 simum templum, tamen usque Ennam profecti sunt.
 tanta enim erat auctoritas, & uetustas illius religio-
 nis, ut, cum illuc irent, non ad aedem Cereris, sed ad
 ipsam Cererem proficisci uiderentur. Non obtin-
 dam diutius aures uestras: iam dudum uereor, ne o-
 ratio mea aliena ab iudiciorum ratione, & quoti-
 diana dicendi consuetudine esse uideatur. hoc dico,
 hanc

hanc ipsam Cererem antiquissimam, religiosissimam,
 principem omnium sacrorum, quæ apud omnes gen-
 tes, nationesq. fiunt, a C. Verre ex suis templis, ac
 sedibus esse sublatam. Qui accessistis Ennam, uidistis
 simulacrum Cereris e marmore, & in altero templo
 Liberæ. sunt ea perampla, atque præclara, sed non
 ita antiqua. ex ære fuit quoddam modica amplitudine,
 ac singulari opere, cum facibus, per antiquum, omnium
 ilorum, quæ sunt in eo fano, multo antiquissimum.
 il sustulit: ac tamen eo contentus non fuit. Ante ædē
 Cereris, in aperto, ac propaculo loco, signa duo sunt,
 Cereris unum, alterum Triptolemi, & pulcherrima,
 & perampla. his pulchritudo periculo, amplitudo sa-
 luti fuit, quod eorum demolitio, atque asportatio per
 difficilis uidebatur. insistebat in manu Cereris dextra
 simulacrum, pulcherrime factum, Victoriæ. hoc iste e
 signo Cereris auellendum, asportandumq. curauit. Qui
 tandem istius animus est nunc in recognitione scelerum
 suorum, cum ego ipse in commemoratione eorum non so-
 lum animo commouear, uerum etiam corpore perhor-
 rescam? uenit enim mihi fani, loci, religionis illius in-
 mentem: uersantur ante oculos omnia; dies ille, quo e-
 Ennam cum uenissem, præsto mihi sacerdotes Ce-
 ris cum infulis, ac uerbenis fuerunt; concio, co-
 tusq. iuium, in quo ego cum loquerer, tanti
 gemitusq. fiebant, ut acerbissimus tota urbe
 uersari uideretur. non illi decumarum impe-
 bonorum direptiones, non iniqua iudicia,
 tunissimus istius libidines, non uim, ne

K K

go
 re-
 nuen
 letus,
 luctus
 ria, non
 non impor
 m contume-
 4 lias,

lias, quibus operti, oppressiq. erant, conquerebantur: Cereris numen, sacrorum uetustatem, fani religionem, istius sceleratissimi atque audacissimi supplicio expiari uolebant: omnia se cetera pati, ac negligere dicebant: hic dolor erat tantus, ut Verres alter Orcus uenisse Ennam, & non Proserpinam asportasse, sed ipsam abripuisse Cererem uideretur. etenim urbs illa, non urbs uidetur, sed fanum Cereris esse: habitare apud sese Cererem Ennenses arbitrantur: ut mihi non ciues illius ciuitatis, sed omnes sacerdotes, omnes accolæ, atque antistites Cereris esse uideantur. Ennæ tu simulacrum Cereris tollere audebas? Ennæ tu de manu Cereris Victoriâ diripere, et deam deâ detrachere conatus es? quorum nihil uiculare, nihil attingere ausi sunt, in quibus erant omnia, quæ sceleri propiora sunt, quàm religioni. tenuerunt enim P. Popillio, P. Rupilio cos. illum locum serui, fugitiui, barbari, hostes. sed neque tam serui illi dominorum, quàm tu libidinum: neque tam fugitiui illi a dominis, quàm tu a iure & a legibus: neque tam barbari lingua, et natione illi, quàm tu natura, & moribus: neque illi tam hostes hominibus, quàm tu dijs immortalibus. quæ deprecatio est igitur: i re liqua, qui indignitate seruos, temeritate fugituos, scelere barbaros, crudelitate hostes uicerit? Iudicis Theodorum, & Numinium, & Nicasionem, legatos Ennenses, publice dicere, sese a suis ciuibus hæc habere mandata, ut ad Verrem adirent, & eum simulacrum Cereris, et Victoriæ repositarent: id si

si impetrassent, tum ut morem ueterem Ennensium
 conseruarent, publice in eum, tametsi uexasset Sici-
 liam, tamen, quoniam hæc a maioribus constituta ac-
 cepissent, testimonium ne quod dicerent: sin autem
 ea non reddidisset, tum ut iudicio adessent, tum uti
 de eius iniurijs iudices docerent, sed multo maxime
 de religione quererentur. Quas illorum querimonias
 nolite, per deos immortales, aspernari, nolite conte-
 mnere, ac negligere, iudices. aguntur iniuriæ socio-
 rum: agitur uis legum: agitur existimatio, ueri-
 tasq. iudiciorum. quæ sunt omnia permagna, uerum
 illud maximum: tanta religione obstricta tota pro-
 uincia est, tanta superstitio ex istius facto mentes om-
 nium Siculorum occupauit, ut, quæcunque accidant
 publice, uel priuatim incommoda, propter eam caus-
 sam, scelere istius, euenire uideantur. Audistis Cen-
 turipinos, Agyrinenses, Catinenses, Herbitenses,
 Ennenses, complures alios publice dicere, quæ solitu-
 do esset in agris, quæ uastitas, quæ fuga aratorum,
 quàm deserta, quàm inculta, quàm relicta omnia. ea
 tametsi istius multis, & uarijs iniurijs acciderunt;
 tamen hæc una caussa in opinione Siculorum pluri-
 mum ualet, quòd, Cerere uiolata, omnes cultus, fru-
 ctusq. Cereris in his locis interiisse arbitrantur. Me-
 demini religioni sociorum, iudices: conseruate ue-
 stram auctoritatem. neque enim hæc externa nobis
 est religio, neque aliena. quòd si esset; si suscipere
 eam nolletis; tamen in eo, qui uiolasset, sancire uos
 uelle oporteret. nunc uero in communi omnium gen-
 tium

tium religione, inq. his sacris, quæ maiores nostri ab
 exteris nationibus adscita, atque accersita coluerunt;
 quæ sacra, ut erant re uera, sic appellari Græca uo-
 luerunt; negligentes, ac dissoluti si cupiamus esse,
 qui possumus? Vnius etiam urbis, omnium pulcher-
 rimæ, atque ornatissimæ, Syracusarum direptionem
 commemorabo, & in medium proferam, iudices;
 ut aliquando totam huius generis orationem conclu-
 dam, ac definiam. Nemo fere uestrum est, quin,
 quemadmodum captæ sint a M. Marcello Syracusæ,
 sæpe audierit, non nunquam etiam in annalibus lege-
 rit. conferte hanc pacem cum illo bello, huius præto-
 ris aduentum cum illius imperatoris uictoria, huius
 cohortem impuram cum illius exercitu inuicta, huius
 libidines cum illius continentia: ab illo, qui cepit, con-
 ditas; ab hoc, qui constitutas accepit, captas dicetis
 Syracusas. Ac iam illa omitto, quæ disperse a me mul-
 tis locis dicentur, ac dicta sunt: forum Syracusanor-
 rum, quod introitu Marcelli purum a cæde seruatum
 est, id aduentu Verris Siculorum innocentium sangui-
 ne redundasse: portum Syracusanorum, qui tum &
 nostris classibus, et Carthaginensium clausis fuisset,
 eum isto prætore Cilicum myoparoni, prædonibusq.
 patuisse. mitto adhibitam uim ingenuis, matres fami-
 lias uiolatas, quæ tum, urbe capta, commissæ non
 sunt neque odio hostili, neque licentia militari, neque
 more belli, neque iure uictoriæ: mitto, inquam, hæc
 omnia, quæ ab isto per triennium perfecta sunt: ea,
 quæ coniuncta cum illis rebus sunt, de quibus antea
 dixi,

dixi, cognoscite. Urbem Syracusas maximam esse Græcarum urbium, pulcherrimamq. omnium, sæpe audistis. est, iudices, ita, ut dicitur. nam & situ est cum munito, tum ex omni aditu uel terra, uel mari præclaro ad aspectum: & portus habet prope in edificatione, adpectuq. urbis inclusos: qui cum diuersos inter se aditus habeant, in exitu coniunguntur, et confluunt. eorum coniunctione pars oppidi, quæ appellatur insula, mari disiuncta angusto, ponte rursus adiungitur, et continetur. ea tanta est urbs, ut ex quatuor urbibus maximis constare dicatur. quarum una est ea, quam dixi, insula: quæ duobus portubus cincta, in utriusque portus ostium, aditumq. proiecta est: in qua domus est, quæ regis Hieronis fuit, quæ prætores uti solent. in ea sunt ædes sacræ complures, sed duæ, quæ longe ceteris antecellunt, Dianæ una, & altera, quæ fuit ante istius aduentum ornatissima, Minervæ. in hac insula extrema est fons aquæ dulcis, cui nomen Arethusa est, incredibili magnitudine, plenissimus piscium: qui fluctu totus operiretur, nisi munitione, ac mole lapidum a mari disiunctus esset. Altera autem est urbs Syracusis, cui nomen Acradina est: in qua forum maximum, pulcherrimæ porticus, ornatissimum Prytaneum, amplissima est curia, templumq. egregium Iouis Olympi: ceteræq. urbis partes una lata uia perpetua, multisq. transuersis diuisæ, priuatis ædificijs continentur. Tertia est urbs, quæ, quod in ea parte Fortunæ fanum antiqui fuit, Tyche nominata est: in qua & gymnasium amplissimum

ACTIONIS V.

plissimum est, & complures ædes sacræ: coliturq. ea pars, & habitatur frequentissime. Quarta autem est urbs, quæ, quia postrema ædificata est, Neapolis nominatur: quam ad summam theatrum est maximum: præterea duo templa sunt egregia, Cereris unum, alterum Liberæ; signumq. Apollinis, qui Theſmothetes uocatur, pulcherrimum, & maximum: quod iste si portare potuisset, non dubitasset auferre. Nunc ad Marcellum reuertar, ne hæc a me sine causa commemorata esse uideantur. qui cum tam præclaram urbem ui, copijsq. cepisset, non putauit ad laudem populi R. hoc pertinere, hanc pulchritudinem, ex qua præsertim nihil periculi ostenderetur, delere, & extinguere. itaque ædificijs omnibus, publicis & priuatis, sacris, & profanis sic pepercit, quasi ad ea defendenda cum exercitu, non expugnanda, uenisset. in ornatu urbis habuit uictoriæ rationem, habuit humanitatis. uictoriæ putabat esse, multa Romam deportare, quæ ornamento urbi esse possent: humanitatis, non plane spoliare urbem, præsertim quam conseruare uoluisset. in hac partitione ornatus non plus uictoria Marcelli populo R. appetiuit, quam humanitas Syracusanis reseruauit. Romam quæ asportata sunt, ad ædem Honoris atque Virtutis, itemq. alijs in locis uidemus. nihil in ædibus, nihil in hortis posuit, nihil in suburbano. putauit, si urbis ornamenta domum suam non contulisset, domum suam urbi ornamento futuram. Syracusis autem permulta, atque egregia reliquit. deum uero nullum uiolauit, nullum attigit.

attigit. Conferte Verrem: non ut hominem cum homine comparetis, ne qua tali uiro mortuo fiat iniuria; sed ut pacem cum bello, leges cum ui, forum, & iurisdictionem cum ferro, & armis, aduentum, & comitatum cum exercitu, & uictoria conferatis. Aedes Mineruæ est in insula, de qua ante dixi: quam Marcellus non attigit, quam plenam, atque ornatam reliquit: quæ ab isto sic spoliata, atque direpta est, non ut ab hoste aliquo, qui tamen in bello religionum, & consuetudinis iura retineret, sed ut a barbaris prædonibus uexata esse uideatur. Pugna erat equestris Agathoris regis, in tabulis picta præclare. his autem tabulis interiores templi parietes uestiebantur: nihil erat ea pictura nobilius; nihil Syracusis, quod magis uisendum putaretur. has tabulas M. Marcellus, cum omnia illa uictoria sua profana fecisset, tamen religione impeditus non attigit. iste, cum illam propter diurnam pacem, fidelitatemque populi Syracusani sacra, religiosaque accepisset; omnes eas tabulas abstulit; parietes, quorum ornatus tot sæcula manserat, tot bella effugerat, nudos, ac deformatos reliquit. & Marcellus, qui, si Syracusas cepisset, duo templa se Romæ dedicaturum uouerat, quod erat ædificaturus, ijs rebus ornare, quas ceperat, noluit: Verres, qui non Honori, neque Virtuti, ut ille, sed Veneri, & Cupidini uota deberet, is Mineruæ templum spoliare conatus est. ille deos deorum spolijs ornare noluit; hic ornamenta Mineruæ uirginis in meretriciam domum transtulit. uiginti & septem præterea

ACTIONIS V.

præterea tabulas, plucherrime pictas, ex eadem æde
 sustulit: in quibus erant imagines Siciliæ, regum, ac
 tyrannorum: quæ non solum pictorum artificio dele-
 ctabant, sed etiam commemoratione hominum, &
 cognitione formarum. Ac uidete, quanto tetrior hic
 tyrannus Syracusanis fuerit, quàm quisquam supe-
 riorum; cum illi tamen ornarint templa deorum im-
 mortalium, hic etiam deorum monumenta, atque or-
 namenta sustulerit. Iam uero quid ego de ualuis il-
 lius templi commemorem? uereor, ne, hæc qui non
 uiderunt, omnia me nimis augere, atque ornare arbi-
 trentur. quod tamen nemo suspicari debet, tam esse
 me cupidum, ut tot uiros primarios uelim, præser-
 tim ex iudicum numero, qui Syracusis fuerint, qui
 hæc uiderint, esse temeritati, & mendacio meo con-
 scios. confirmare hoc liquido, iudices possum, ualuas
 magnificentiores ex auro, atque ebore perfectiores
 nullas unquam ullo tempore fuisse. incredibile dictu
 est, quàm multi Græci de ualuarum harum pulchritu-
 dine scriptum reliquerint. nimirum forsitan hæc illi
 mirentur, atque efferant. esto: ueruntamen hone-
 stius est reip. nostræ, iudices, ea, quæ illis pulchra es-
 se uideantur, imperatorem nostrum in bello reliquis-
 se, quàm prætorem in pace abstulisse. ex ebore dili-
 gentissime perfecta argumenta erant in ualuis: ea de
 trahenda curauit omnia. Gorgonis os pulcherrimū,
 crinitum anguibus, reuellit, atque abstulit: & ta-
 men indicauit, se non solum artificio, sed etiam præ-
 tio, quæstusque duci: nam bullas omnes aureas ex his
 ualuis,

ualuis, quæ erant & multæ, & graues, non dubita-
uit auferre: quarum iste non opere delectabatur, sed
pôdere: itaque eiusmodi ualuas reliquit, ut, quæ olim
ad ornandum templum erant maxime, nunc tantum
ad claudendum factæ esse uideantur. Etiam ne fraxi-
neas hastas? uidi enim uos in hoc non minime, cum
testes dicerent, commoueri: quod erant huiusmodi,
ut semel uidisse satis esset: in quibus neque manu fa-
ctum quidquam, neque pulchritudo erat ulla, sed tan-
tum magnitudo incredibilis: de qua uel audire satis
esset; nimium, uidere plus quàm semel. etiam ne id
concupisti? nam Sappho, quæ sublata de Prytaneo
est, dat tibi iustam excusationem, prope ut conceden-
dum, atque ignoscendum esse uideatur. an Syllanio-
nis opus, tam perfectum, tam elegans, tam elabora-
tum, quisquam non modo priuatus, sed populus po-
tius haberet, quàm homo elegantissimus, atque eru-
ditissimus Verres? nimirum contra dici nihil potest.
nostrum enim unusquisque, qui tam beati, quàm iste
est, non sumus, tam delicati esse non possumus. si quan-
do quis aliquid istiusmodi uidere uolet, eat ad ædem
Felicitatis, ad monumentum Catuli, in porticum Me-
telli: det operam, ut admittatur in alicuius istorum
Tusculanum: spectet forum ornatum, si quid iste suo
rum ædilibus accommodauit: Verres hæc habeat do-
mi: Verres ornamentis fanorum, atque oppidorum
habeat plenam domum, uillas refertas. Etiam ne hu-
ius operarij studia, ac delicias, iudices, perferetis?
qui ita natus est, ita educatus, ita factus & animo,

&

ACTIONIS V.

& corpore, ut multo appositior ad deferenda, quàm ad auferenda signa esse uideatur. Atque hæc Sappho sublata quantum desiderium sui reliquerit, dici uix potest. nam tum ipsa fuit egregie facta, tum epigramma Græcum pernobile incisum habuit in basi: quod iste, eruditus homo, & Græculus, qui hæc subtiliter iudicat, qui solus intelligit, si unam litteram Græcam scisset, certe non sustulisset. nunc enim, quod inscriptum est inani, in basi, declarat quid fuerit, et id ablatum indicat. Quid? signum Pæanis ex æde Aesculapij, præclare factum, sacrum, & religiosum, non sustulisti? quod omnes propter pulchritudinem uisere, propter religionem colere solebant. Quid? ex æde Liberi simulacrum Aristei non tuo imperio palam ablatum est? Quid? ex æde Iouis religiosissimum simulacrum Iouis imperatoris, quem Græci *Ἰπριον* nominant, pulcherrime factum, non ne abstulisti? Quid? ex æde Liberi paruum illud caput, pulcherrimum, quod uisere solebamus, num dubitasti tollere? Atque ille Pæan sacrificijs anniuersarijs simul cum Aesculapio apud illos colebatur: Aristeus, qui, ut Græci ferunt, Liberi filius, inuentor olei esse dicitur, una cum Libero patre, apud illos eodem erat in templo consecratus. Iouem autem imperatorem quanto honori in suo templo fuisse arbitramini? hinc colligere potestis, si recordari uolueritis, quanta religione fuerit eadem specie, atque forma signum illud, quod ex Macedonia captum, in Capitolio posuerat Flamininus. etenim tria ferebantur in orbe terrarum signa Iouis imperatoris,

toris, uno in genere pulcherrime facta; uuum, illud Macedonicum, quod in Capitolio uidemus; alterum in Ponti ore, & angustius; tertium, quod Syracusis ante Verrem prætorem fuit. illud Flamininus ita ex æde sua sustulit, ut in Capitolio, hoc est in terrestri domicilio Iouis, poneret. quod autem est ad introitum Ponti, id, cum tam multa ex illo mari bella emergerint, tam multa porro in Pontum inuecta sint, usque ad hanc diem integrum, inuiolatumque seruatum est. hoc tertium, quod erat Syracusis, quod M. Marcellus armatus, & uictor uiderat, quod religioni concesserat, quod ciues, atque incolæ Syracusani colere, aduenæ non solum uisere, uerum etiam uenerari solebant, id Verres ex templo Iouis sustulit. Vt sæpius ad M. Marcellum reuertar, iudices, sic habetote, plures esse a Syracusanis istius aduentu deos, quam uictoria Marcelli homines desideratos. etenim ille requisisse dicitur etiam Archimedem illum summo ingenio hominem, ac disciplina; eumque cum audisset interfectum, permolestè tulisse. iste omnia, quæ requisit, non ut seruaret, uerum ut asportaret, requisit. Iam illa, quia leuiora uidebuntur, si hoc loco dicerentur, ideo præteribo, quod iste mensas Delphicas e marmore, crateras ex ære pulcherrimas, uim maximam uasorum Corinthiorum ex omnibus ædibus sacris Syracusis abstulit. itaque, iudices, si, qui hospites, ad ea, quæ uisenda sunt, ducere solent, & unumquidque ostendere, quos illi *μυσάγωγος* uocant, conuersam iam habent demonstrationem suam: nam ut ante de-

LL monstra-

ACTIONIS V.

monstrabant, quid ubique esset; ita nunc, quid undique ablatum sit, ostendunt. Quid tum? mediocri ne tandem dolore eos affectos esse arbitramini? non ita est, iudices: primum, quod omnes religione mouentur, & deos patrios, quos a maioribus acceperunt, colendos sibi diligenter, & retinendos esse arbitrantur: deinde hic ornatus, hæc opera, atque artificia, si gna, tabulæ pictæ Græcos homines nimio opere deletant. itaque ex illorum querimonijs intelligere possumus, hæc illis acerbissima uideri, quæ forsitan nobis leuia, & contemnenda esse uideantur. mihi credite, iudices: (tametsi uosmet ipsos hæc eadem audire certo scio) cum multas acceperint per hosce annos socij, atque exteræ nationes calamitates, & iniurias, nullas Græci homines grauius tulerunt, nec ferunt, quàm huiusmodi spoliationes fanorum, atque oppidorum. licet iste dicat, emissee se, sicuti solet dicere: credite mihi, iudices, nulla unquam ciuitas tota Asia, & Græcia signum ullum, tabulam pictam, ullum denique ornamentum urbis sua uoluntate cuiquã uendidit. nisi forte existimatis, postea quàm iudicia seuera Romæ fieri desierint, Græcos homines hæc uendere cœpisse; quæ tum non modo non uendebant, cum iudicia fiebant, uerum etiam coemebant. nisi arbitramini L. Crasso, Q. Scauolæ, C. Claudio, potentissimis hominibus, quorum æditates ornatissimas uidimus, commercium istarum rerum cum Græcis hominibus non fuisse; his, qui post iudiciorum dissolutiones ædiles facti sunt, fuisse. acerbiores etiam scitote esse

esse ciuitatibus falsam istam, & simulatam em-
 ptionem, quàm si quis clam surripiat, aut eripiat pa-
 lam, atque auferat. nam turpitudinem summam es-
 se arbitrantur, referri in litteras publicas, pretio ad-
 ductam ciuitatem, & pretio paruo, ea, quæ accepis-
 set a maioribus, uendidisse, atque alienasse. etenim
 mirandum in modum Græci rebus istis, quas nos con-
 temnimus, delectantur. itaque maiores nostri facile
 patiebantur, hæc esse quamplurima apud socios, ut
 imperio nostro quamornatissimi, florentissimiq. es-
 sent: apud eos autem, quos uicigales, aut stipendia-
 rios fecerant, tamen hæc relinquebant, ut illi, quibus
 ea iucunda sunt, quæ nobis leuia uidebantur, habe-
 rent hæc oblectamenta, & solatia seruitutis. Quid
 arbitramini Rheginos, qui iam ciues R. sunt, mereri
 uelle, ut ab ijs marmorea Venus illa ne auferatur?
 quid Tarentinos, ut ne Europam in Tauro sedentem
 amittant? ut Satyrum, qui apud illos in æde Vestæ
 est? ut cetera? quid Thespienses, ut Cupidinis signū,
 propter quod unum uisuntur Thespiæ? quid Gnidios,
 ut Venerem marmoream? quid, ut piætam, Coos?
 quid Ephesios, ut Alexandrum? quid Cyzicenos, ut
 Aiace, aut Medeam? quid Rhodios, ut Ialysum?
 quid Athenienses, ut ex marmore Iacchum, aut Pa-
 rhalum piætam, aut ex ære Myronis buculam? lon-
 gum est, & non necessarium commemorare, quæ a-
 pud quosque uisenda sunt tota Asia, & Græcia. ue-
 rum illud est, quamobrem hæc commemorarim; quòd
 existimare uos hoc uolo, mirum quendam dolorem ac

ACTIONIS V.

cidere ijs, ex quorum urbibus hæc auferantur. atque
ut ceteros omittamus, de ipsis Syracusanis cognosci-
te: ad quos ego cum uenissem, sic primo existimabam,
ut Romæ ex istius amicis acceperam, ciuitatem Syra-
cusanam propter Heraclij hereditatem non minus esse
isti amicam, quàm Mamertinam propter prædarium,
ac furtorum omnium societatem: simul & uerebar,
ne mulierum nobilium, & formosarum gratia, qua-
rum iste arbitrio præturam per triennium gesserat, ui-
rorumque, quibuscum illæ nuptæ erant, nimia in istum
non lenitudine, sed etiam liberalitate oppugnarer, si
quid ex litteris Syracusanorum conquirerem: itaque
Syracusis cum ciuibus R. eram: eorum tabulas ex-
scribebam, iniurias cognoscebam: cum diutius in ne-
gotio, curaque fueram; ut requiescerem, curamque ani-
mi remitterem, ad Carpinatij præclaras tabulas re-
uertebam: ubi cum equitibus R. ex illo conuentu ho-
nestissimis illos Verrutios, de quibus ante dixi, expli-
cabam: a Syracusanis prorsus nihil adiumenti neque
publice, neque priuatim exspectabam, neque erat in
animo postulare. cum hæc agerem, repente ad me ue-
nit Heraclius, is, qui tum magistratum Syracusis ha-
bebat, homo nobilis, qui sacerdos Iouis fuisset: qui
honos apud Syracusanos est amplissimus. agit me-
cum, & cum fratre meo, ut, si nobis uideretur, adi-
remus ad eorum senatum: frequentes esse in curia: se
iussu senatus a nobis petere, ut ueniremus; primo no-
bis fuit dubium, quid ageremus: deinde cito uenit in-
mentem, non esse uitandum nobis illum conuentum,

&

& locum : itaque in curiam uenimus . honorifice sa-
 ne consurgitur . nos rogatu magistratus assedimus .
 incipit is loqui , qui & auctoritate , & ætate , & , ut
 mihi uisum est , usu rerum antecedebat , Diodorus
 Timarchides : cuius omnis oratio hanc habuit primo
 sententiam : Senatum populumq. Syracusanum mo-
 leste , grauiusq. ferre , quod ego , cum in ceteris Si-
 ciliæ ciuitatibus senatum populumq. docuissem , quid
 eis utilitatis , quid salutis asferrem , & cum ab omni-
 bus mandata , legatos , litteras , testimoniaq. sum-
 psissem , in illa ciuitate nihil eiusmodi facerem . Re-
 spondi , neque Romæ in conuentu Siculorum , cum a
 me auxilium communi omnium legationum consilio
 petebatur , caussa q. totius ad me Siciliæ deferebatur ,
 legatos Syracusanorum affuisse ; neque me postulare ,
 ut quidquam contra C . Verrem decerneretur in ea cu-
 ria , in qua inauratam C . Verris statuam uiderem .
 Quod postea quàm dixi , tātus est gemitus factus ad-
 spectu statuæ , & commemoratione , ut illud in curia
 positum monumentum scelerum , non beneficiorum
 uideretur . tum pro se quisque , quantum dicendo asse-
 qui poterat , docere me cæpit ea , quæ paullo ante com-
 memorauī : spoliata urbem , fana direpta , de Hera-
 clij hereditate , quam palæstritis concessisset , multo
 maximam partem ipsum abstulisse : neque postulan-
 dum fuisse , ut ille palæstritas diligeret , qui etiam in-
 uentorem olei deum sustulisset : neque illam statuam
 esse ex pecunia publica , neque publice datam ; sed
 eos , qui hereditatis diripiendæ participes fuissent , fa-

ACTIONIS V.

ciendam statuendamq. curasse : eosdem Romæ fuisse legatos , illius adiutores improbitatis , socios furto- rum, conscios flagitiorum : eo minus mirari me oportere, si illi communi legatorum uoluntati, & saluti Siciliæ defuissent. Vbi eorum dolorem ex illius iniurijs non modo minorem, sed prope maiorem, quàm ceterorum Siculorum, esse cognoui ; Tum ego meum animum in illos, tum mei consilij, negotijq. totius suscepti causam, rationemq. proposui : tum eos hortatus sum, ut causæ communi, salutiq. ne deessent, ut ei illam laudationem, quam se ui, ac metu coactus paucis illis diebus decreuisse dicebant, tollerent. itaque, iudices, Syracusani hæc faciunt, istius clientes, atque amici : primum mihi litteras publicas, quas in ærario sanctiore conditas habebant, proferunt : in quibus ostendunt omnia, quæ dixi ablata, esse perscripta, & plura etiam, quàm ego potui dicere : perscripta autem hoc modo, quòd ex æde Minervæ hoc & illud abesset, quòd ex æde Iouis, quòd ex æde Liberi. ut quisque eis rebus tuendis, conseruandisq. præfuerat, ita perscriptum erat, cum rationem ex lege redderet, & quæ acceperat, deberet tradere, petisse, ut sibi, quòd hæ res abessent, ignosceretur : itaque omnes liberatos discessisse, & esse ignotum omnibus. quas ego litteras obsignandas publico signo, deportandasq. curavi. De laudatione autem ratio sic redditæ est : primum, cum a Verre litteræ aliquanto ante aduentum meum de laudatione uenissent, nihil esse decretum : de inde, cum quidam ex illius amicis commonerent, oportere

portere decerni, maximo esse clamore, & conuicio repudiatos; & postea quàm meus aduentus appropinquarit, imperasse eum, qui summam potestatem haberet, ut decernerent: decretum ita esse, ut multo plus illi laudatio mali, quàm boni possit asferre. id adeo, iudices, ut mihi ab illis demonstratum est, sic uos ex me cognoscite. Mos est Syracusis, ut, si qua de re ad senatum referatur, dicat sententiam, qui uelit: nominatim nemo rogatur: & tamen, ut quisque honore, & ætate antecedit, ita primus solet sua sponte dicere; idq. a ceteris ei conceditur: si quando taceant omnes, tunc sortito coguntur dicere. cum hic mos esset, refertur ad senatum de laudatione Verris. in quo primum, ut aliquid esset moræ, multi interpellant: de Sex. Peducaeo, qui de illa ciuitate, totaq. provincia optime meritus esset, sese antea, cum audissent ei negotium faceffitum, cumq. eum publice pro plurimis eius, & maximis meritis laudare cuperent, a C. Verre prohibitos esse: iniquum esse, tametsi Peducaeus eorum laudatione iam non uteretur, tamen non id prius decernere, quod aliquando uoluissent, quàm quod tunc cogerebantur. conclamant omnes, & approbant ita fieri oportere. refertur de Peducaeo. ut quisque ætate, & honore antecederet, ita sententiam dixit ex ordine. id adeo ex ipso S.C. cognoscite: nam principium sententiæ perscribi solet. Recita. QVO'D VERBA FACTA SVNT DE SEX. PEDUCAEO. Dicit, qui primi suaserint. decernitur. refertur deinde de Verre. dic, quæso. QVO'D. quo modo? QVO'D

LL 4 VERBA

ACTIONIS V.

VERBA FACTA SVNT DE C. VER-
RE. *Quid postea scriptum est? CVM SVRGE-
RET NEMO, NEQVE SENTENTIAM
DICERET. Quid hoc est? SORS DUCI-
TVR. Quamobrem? nemo erat voluntarius lauda-
tor præturae tuae, defensor periculorum tuorum? præ-
sertim cum inire a prætore gratiam posset? nemo. ip-
si illi tui conuiuae, consiliarij, & conscij, uerbum fa-
cere non audebant. in qua curia statua tua stabat,
& nuda filij, in ea nemo fuit, quem ne nudus qui-
dem filius in nuda prouincia commoueret. Atque
etiam hoc me docent, eiusmodi S. C. se se fecisse lau-
dationem, ut omnes intelligere possent, non lauda-
tionem, sed potius irrisionem esse illam, quæ commo-
nefaceret istius turpem, calamitosamq. præturam:
etenim scriptum esse ita; QVO'D iste uirgis ne-
minem cecidisset; a quo cognoscitis nobilissimos ho-
mines, atque innocentissimos securi esse percussos:
QVO'D uigilanter prouinciam administrasset; cuius
omnes uigilias in stupris constat, adulterijsq. esse con-
sumptas. hoc autem scriptum etiam, quod profer-
re non auderet reus, accusator recitare non desine-
ret; QVO'D prædones procul ab insula Sicilia pro-
hibuisset Verres; quos etiam intra Syracusanam in-
sulam recepisset. Quæ postea quàm ex illis cognoui,
discessi cum fratre e curia; ut nobis absentibus, si
quid uellent, decernerent. decernunt statim: primum,
ut Lucio fratri hospitium publice fieret, quòd is ean-
dem uoluntatem erga Syracusanos suscepisset, quam*
ego

ego semper habuisssem. id non modo tum scripserunt, uerum etiam in ære incisum nobis tradiderunt. Valde hercle te Syracusani tui, quos crebro cōmemorare soles, diligunt; qui cum accusatore tuo satis iustam causam coniungendæ necessitudinis putant, quod te accusaturus sit, & quod ad inquirendum in te uenerit. Postea decernitur, ac non uarie, sed prope cum Ætis sententijs, ut laudatio, quæ C. Verri decreta esset, tolleretur. At uero, cum iam non solum discessio facta esset, sed etiam perscriptum, atque in tabulas relatum, prætor appellatur. at quis appellat? magistratus aliquis? nemo. senator? ne id quidem. Syracusanorum aliquis? minime. quis igitur prætorem appellat? qui quæstor istius fuerat, Cæcilius. o rem ridiculam: o desertum hominem: o desperatū, ac relictum. a magistratu Siculo, ne S. C. Siculi homines facere possent, ne suum ius suis moribus, suis legibus obtinere possent, non amicus istius, non hospes, non denique aliquis Siculus, sed quæstor prætorem appellat. quis hoc uidit? aut quis audiuit? prætor æquus, & sapiens dimitti iubet senatum. concurrat ad me maxima multitudo. primum senatores clamare, eripi sibi ius, eripi libertatem: populus senatum laudare, gratias agere: ciues R. a me nusquam discedere. quo quidem die nihil ægrius factum est multo labore meo, quàm ut manus ab illo appellatore abstinerentur. cum ad prætorem in ius adissemus, excogitat sane diligenter, & caute, quid decernat: nam ante quàm uerbum facerem, de sella surrexit,

surrexit, atque abiit. itaque tum de foro, cum iam adueesperasceret, discessimus. postridie mane ab eo postulo, ut Syracusanis liceret S. C. quod pridie fecissent, mihi reddere. ille enimvero negat: & ait indignum facinus esse, quod ego in senatu Græco uerba fecissem: quod quidem apud Græcos græce locutus essem, ferri nullo modo posse. Respondi homini, ut potui, ut uolui, ut debui: tum multa, tum etiam hoc me memini dicere: facile esse perspicuum, quantum inter hunc, & illum Numidicum, uerum, & germanum Metellum interesset: illum noluisse sua laudatione iuuare L. Lucillum, sororis uirum, quicum optime conuenisset; hunc homini alienissimo a ciuitatibus laudationes per uim, & metum comparare. quod ubi intellexi, multum apud illum recentes nuncios, multum tabulas non commendaticias, sed tributarias ualuisse; admonitu ipsorum Syracusanorum impetum in eas tabulas facio, in quibus singula per scripta erant. Ecce autem noua turba, atque rixa: ne tamen istum omnino Syracusis sine amicis, sine hospitibus plane nudum esse, ac desertum putetis. retinere cæpit tabulas Theomnastus quidam, homo ridicule insanus: quem Syracusani Theoraetum uocant: qui illic eiusmodi est, ut eum pueri sectentur, ut omnes, cum loqui cæperit, irrideant. huius tamē insania, quæ ridicula est alijs, mihi tum molesta sane fuit. nam cum spumas ageret in ore; arderent oculi; uoce maxima, uim me sibi afferre, clamaret: copulati in ius peruenimus. hic ego postulare cæpi, ut mihi

hi tabulas obsignare, ac deportare liceret: ille contra. instare ego, omnium mihi tabularum, & litterarum fieri potestatem oportere: contra ille furiosus urgere, nihil ad se nostras leges pertinere. prætor intelligens, negare sibi placere, quod S. C. ratum esse nõ deberet, id me Romã deportare. quid multa? nisi uehementius homini minatus essem, nisi legum sanctionem, pœnamque recitasset; tabularum mihi potestas facta non esset. ille autem insanus, qui pro isto contra me uehementissime declamasset, postquam non impetrauit, credo ut in gratiam mecum rediret, libellum mihi dat, in quo istius furta Syracusana per scripta erant: quæ ego antea iam ab illis cognoram, & acceperam. Laudent te sane iam Mamertini, qui ex tanta prouincia soli sunt, qui te saluum uelint: ita tamen laudent, ut Heius, qui eius princeps legationis est, adsit: ita laudent, ut ea, quæ rogati erunt, mihi parati sint respondere. ac ne subito a me opprimantur, hæc sum rogaturus: nauem debeant ne? fatebuntur: præbuerint ne prætor C. Verre? negabunt: edificauerint ne nauem onerariam maximam publice, quam Verri dederunt? negare non poterunt: frumentum ne ab his sumpserit Verres, quod populo R. mitteret, sicuti superiores? negabunt. quid militum, aut nautarum per triennium dederunt? nullum datum dicent. fuisse Messanam omnium istius furtorum, ac prædarum receptricem? negare non poterunt. permulta multis nauibus illic exportata? hanc denique nauem maximam a

Mamer-

ACTIONIS V.

Mamertinis datam, onustam, cum isto prætor pro-
fectam? fatebuntur. Quamobrem tibi habe sane ista
laudationem Mamertinam: Syracusanam quidem
ciuitatem, ut abs te affecta est, ita in te esse animata
uidemus: apud quos etiam Verrea illa flagitiosa sub-
lata sunt. etenim minime conueniebat, ei deorum
honores haberi, qui simulacra deorum sustulisset. e-
tiam mehercule illud in Syracusanis merito reprehen-
deretur, si, cum diem festum ludorum de sanctis suis
sustulisset celeberrimum, & sanctissimum, quod eo
ipso die Syracusæ a Marcello captæ esse dicuntur, ij-
dem diem festum Verris nomine agerent, cum iste Sy-
racusanis, quæ ille calamitosus dies reliquerit, ade-
misset. at uidete hominis impudentiam, atque arro-
gantiam, iudices, qui non solum Verrea hæc, tur-
pia, ac ridicula, ex Heraclij pecunia constituerit, ue-
rum etiam Marcellea tolli imperarit; ut ei sacra fa-
cerent quotannis, cuius opera omnium annorum sa-
cra, deosq. patrios amiserant; eius autem familie
dies festos tollerent, per quam ceteros quoque festos
dies recuperarant.

ACTIONIS VI. IN C. VERREM

LIBER V.

ORATIO X.

N EMINI uideo dubium esse, iudices,
 quin apertissime C. Verres in Sicilia sa-
 cra, profanaque omnia & priuatim, &
 publice spoliarit, uersatusq. sit sine ulla
 non modo religione, uerum etiam dissimulatione in
 omni genere furandi, atque prædandi. sed quædam
 mihi magnifica, et præclara eius defensio ostenditur:
 cui quemadmodum resistam, multo mihi antea est,
 iudices, prouidendum. ita enim caussa constituitur,
 prouinciam Siciliam uirtute eius, & uigilantia sin-
 gulari, dubijs, formidolosisque temporibus, a fugi-
 tiuis, atque a belli periculis tutam esse seruata.
 quid agam, iudices? quò accusationis meæ ratione
 conferam? quò me uertam? ad omnes enim meos im-
 petus, quasi murus quidam, boni nomen imperato-
 ris opponitur. noui locum: uideo, ubi se iactaturus
 sit Hortensius. belli pericula, tempora reip. impera-
 torum penuriam commemorabit. tum deprecabitur
 a uobis, tum etiam pro suo iure contendit, ne pa-
 tiamini talem imperatorem populo R. Siculorum
 testimonijs eripi, ne ue obteri laudem imperatoriam
 criminibus auaritiæ uelitis. Non possum dissimula-
 re, iudices, timeo, ne C. Verres, propter hanc uir-
 tutem

ACTIONIS VI.

tutem eximiam in re militari, omnia, quæ fecit, impune fecerit: uenit enim mihi in mentem, in iudicio M. Aquillij quantum auctoritatis, quantum momenti oratio M. Antonij habuisse existimata sit: qui, ut erat in dicendo non solum sapiens, sed etiam fortis, caussa prope perorata, ipse arripuit M. Aquilium, constituit quæ in conspectu omnium, tunicamque eius a pectore abscidit, ut cicatrices populi R. iudicesque aspicerent aduerso corpore exceptas. simul & de illo uulnere, quod ille in capite ab hostium duce acceperat, multa dixit: eoque adduxit eos, qui erant iudicaturi, uehementer ut uererentur, ne quem uirum fortuna ex hostium telis eripuisset, cum sibi ipse non pepercisset, hic non ad populi R. laudem, sed ad iudicium crudelitatem uideretur esse seruatus. Hac eadem nunc ab illis defensionis ratio, uiaque tentatur: idem quaeritur. sit fur, sit sacrilegus, sit flagitiorum omnium, uitiorumque princeps: at est bonus imperator, & felix, & ad dubia reip. tempora reseruandus. Non agam summo iure tecum: non dicam id, quod debeam forsitan obtinere; cum iudicium certa lege sit constitutum, non quid in re militari fortiter feceris, sed quemadmodum manus ab alienis pecunijs abstinueris, abs te doceri oportere. non, inquam, sic agam: sed ita quaero, quemadmodum te uelle intelligo, quæ tua opera, & quanta fuerit in bello. quid dices? an bello fugitiuorum Siciliam uirtute tua liberatam? magna laus, honesta oratio: sed tamen quo bello? nos enim post id bellum, quod

quod M'. Aquillius confecit, sic accepimus, nullum in Sicilia fugitiuorum bellum fuisse. at in Italia fuit. fateor: & magnum quidem, ac uehemens. num igitur ex eo bello partem aliquam laudis appetere conaris? num tibi illius uictoriae gloriam cum M. Crasso, aut Cn. Pompeio communicandam putas? non arbitror hoc etiam deesse tuae impudentiae, ut quidquam eiusmodi dicere audeas. Obstitisti uidelicet, ne ex Italia transire in Siciliam fugitiuorum copiae possent. ubi? quando? qua ex parte? cum aut nauibus, aut ratibus conarentur accedere? nos enim nihil unquam prorsus audiuius: & illud audiuius, M. Crassi, fortissimi uiri, uirtute, consilioq. factum, ne ratibus coniunctis freto fugitiui ad Messanam transire possent. a quo illi conatu non tantopere prohibendi fuissent, si ulla in Sicilia praesidia ad illorum aduentum opposita putarentur. At, cum in Italia bellum tam prope a Sicilia, tamen in Sicilia non fuit. quid mirum? ne cum in Sicilia quidem fuit, eodem interuallo pars eius belli in Italiam ulla peruasit. etenim propinquitas ad utram partem hoc loco profertur? utrum, aditum facilem hostibus, an contagionem imitandi eius belli periculosam fuisse? aditus omnis hominibus sine ulla facultate nauium non modo disiunctus, sed etiam clausus fuit: ut illis, quibus Sicilia propinquam fuisse dicis, facilius fuerit ad Oceanum peruenire, quam ad Peloridem accedere. Contagio autem ista seruilis belli cur abs te potius, quam ab ijs omnibus, qui ceteras provincias obtinuerunt, praedicatur?

dicatur? an quòd in Sicilia iam ante bella fugitiuorum, fuerunt? at ea ipsa causa est, cur ipsa provincia minimo in periculo sit, & fuerit. nam postea quàm illinc M. Aquilius decessit, omnium instituta, atque edicta prætorum fuerunt eiusmodi, ut ne quis cum telo seruus esset. uetus est, quod dicam, & propter seueritatem exempli nemini fortasse uestrum inauditum: L. Domitium prætorem in Sicilia, cum aper ingens ad eum allatus esset, admiratum requisisse, quis eum percussisset: cum audisset, pastorem cuiusdam fuisse, eum ad se uocari iussisse: illum cupide ad prætorem, quasi ad laudem atque ad præmiũ, accurrisse: quæsisse Domitium, qui tantam bestiam percussisset? illum respondisse, uenabulo: statim deinde iussu prætoris in crucem esse sublatum. durum hoc fortasse uideatur: neque ego ullam in partem disputo: tantum intelligo, maluisse Domitium crudelem in animaduertendo, quàm in prætermittendo, dissolutum uideri. Ergo his institutis provincie iam tum, cum bello fugitiuorum tota Italia arderet, homo non acerrimus, nec fortissimus, Cn. Norbanus in summo otio fuit: per facile enim sese Sicilia tuebatur, ne quod in ipsa bellum posset existere. etenim cum nihil tam coniunctum sit, quàm negotiatores nostri cum Siculis usu, re, ratione, concordia; & cum ipsi Siculi res suas ita constitutas habeant, ut his pacem expediat esse; imperium autem populi R. sic diligant, ut id imminui, ac commutari minime uelint; cumque hæc ab seruorum bello pericula et prætorum institutis,

instituti, & dominorum disciplina prouisa sint: nullum est malum domesticum, quod ex ipsa prouincia nasci possit. Quid igitur? nulli ne motus in Sicilia seruorum Verre pratore? nullae ne consensiones factae esse dicuntur? nihil sane, quod ad senatum populumque R. peruenerit: nihil, quod iste Romam publice conscripserit. & tamen caeptum esse in Sicilia moueri aliquot locis seruitium suspicor. id adeo non tam ex re, quam ex istius factis, decretisq. cognosco. ac uidete, quam non inimico animo sim acturus. ego ipse haec, quae ille quaerit, quae adhuc nunquam audistis, commemorabo, & proferam. In Triochalino, quem locum fugitiui iam ante tenuerunt, Leonidae cuiusdam Siculi familia in suspicionem uocata est coniurationis. res delata ad istum. statim, ut par fuit, iussu eius homines, qui nominati erant, comprehensi sunt, adductique Lilybaeum: domino denunciatum est, ut adesset: causa dicta, damnati sunt. Quid deinde? quid censetis? furtum fortasse, aut praedam expectatis aliquam? nolite usquequaque eadem quaerere. in metu belli, furandi qui locus potest esse? etiam si qua hic fuit in hac re occasio, praetermissa est. tum potuit a Leonida nummorum aliquid auferre, cum denunciavit, ut adesset. fuit nundinatio aliqua, & isti non noua, ne causam diceret. etiam alter locus, ut absoluerentur. damnatis quidem seruis, quae praedandi potest esse ratio? produci ad supplicium necesse est. testes enim sunt, qui in consilio fuerunt: testes publicae tabulae: testes splen-

M M didissima

ACTIONIS VI.

didissima ciuitas Lilybætana: testis honestissimus, maximusq. conuentus ciuium R. nihil potest. producendi sunt: itaque producuntur, & ad palum alligantur. Etiamnum mihi exspectare uidemini, iudices, quid deinde factum sit: quod iste nihil unquam fecit sine aliquo quaestu, atque praeda. quid in eiusmodi re fieri potuit? quod commodum est? exspectate facinus quam uultis improbum: uincam tamen exspectationem omnium. Nomine sceleris, coniurationisq. damnati, ad supplicium traditi, ad palum alligati, repente, multis millibus hominum inspectantibus, soluti sunt, et Leonidæ illi domino red diti. Quid hoc loco potes dicere, homo amentissime? nisi id, quod ego non quero, quod denique in re tam nefaria, tametsi dubitari non potest, tamen, ne si dubitetur quidem, quæri oporteat; quid, aut quantum aut quo modo acceperis. remitto tibi hoc totum, atque ista te cura libero: neque enim metuo, ne hoc cuiquam persuadeatur, ut, ad quod facinus nemo, præter te, ulla pecunia adduci potuerit, id tu gratis suscipere conatus sis. uerum de ista furandi, prædandi que ratione nihil dico: de hac imperatoria iam tua laude disputo. Quid ais bone custos, defensorq. prouinciæ? tu, quos seruos arma capere, ac bellum facere in Sicilia uoluisse cognoras, & de consilij sententia iudicaras, hos ad supplicium iam more maiorum traditos, & ad palum alligatos, ex media morte eripere, ac liberare ausus es, ut, quam damnatis seruis crucem fixeras, hanc indemnatis ciuibus R. reseruares?

per-

perdit & ciuitates, desperatis omnibus rebus, hos solent exitus exitiales habere, ut damnati in integrum restituantur, uincti soluantur, exsules reducantur, res iudicat & rescindantur. quæ cum accidunt, nemo est, quin intelligat ruere illam remp. hæc ubi eueniunt, nemo est, qui ullam spem salutis reliquam esse arbitretur. atque hæc sicubi facta sunt, facta sunt, ut homines populares a, ut nobiles supplicio, aut exilio leuantur; at non ab ijs ipsis, qui iudicassent; at non statim, at non eorum facinorum damnati, quæ ad uitam, & fortunas omnium pertinerent. hoc uero nouum, & eiusmodi est, ut magis propter reum, quam propter rem ipsam credibile esse uideatur, ut homines seruos, ut ipse qui iudicaret, ut statim, e medio supplicio dimiserit; ut eius facinoris damnatos seruos, quod ad omnium liberorum caput, & sanguinem pertineret. O præclarum imperatorem, nec iam cum M'. Aquillio, fortissimo uiro, sed uero cum Paullis, Scipionibus, Marijs conferendum. Tantum ne uidisse in metu, periculoque prouinciæ? cum serui tiorum animos in Sicilia suspensos propter bellum Italiæ fugitiuorum uideret; ne quis se commouere auderet, quantum terroris iniecit? comprehendi iussit: quis non pertimescat? causam dicere dominos: quid seruis tam formidolosum? fecisse uideri, pronunciauit. exortam uidetur flammam paucorum dolore, ac morte restinxisse, quid deinde sequitur? uerbera, atque ignes, & illa extrema ad supplicium damnatorum, metum ceterorum, cruciatus, & crux. hisce

MM 2 omni-

ACTIONIS VI.

omnibus supplicijs sunt liberati. quis dubitet, quin
 seruorum animos summa formidine oppresserit, cum
 uiderent ea facilitate prætorem, ut ab eo sceleris, con-
 iurationisq. damnatorum uita, uel ipso carnifice in-
 ternuncio, redimeretur? Quid? hoc in Apollonien-
 si Aristodamo? quid? in Leonte Megarensi nõ idem
 fecisti? quid? iste motus seruorum, belliq. subita
 suspicio utrum tibi tandem diligentiam custodiendæ
 provinciæ, an nouam rationem improbissimi quæstus
 attulit? Halyciensis Eumenidæ, nobilis hominis, et
 honesti, magnæ pecuniæ uillicus cum impulsu tuo in-
 mulatus esset, HS Lx a domino accepisti. quod, nu-
 per ipse iuratus docuit, quemadmodum gestum esset.
 Ab equite R. C. Matrino absente, cum is esset Ro-
 mæ, quod eius uillicos, pastoresq. tibi in suspicionem
 uenisse dixeras, HS C abstulisti, dixit hoc L. Fla-
 uius, qui tibi eam pecuniam numerauit, procurator
 C. Matrini: dixit ipse C. Matrinius: dicet clarissi-
 mus uir, Cn. Lentulus censor, qui, Matrini hono-
 ris causa, recenti negotio ad te litteras misit, mit-
 tendasq. curauit. Quid? de Apollonio, Dioclis fi-
 lio, Panormitano, cui Gemino cognomen est, præ-
 teriri potest? ecquid hoc tota Sicilia clarius? ecquid
 indignius? ecquid manifestius proferri potest? quem
 is, uti Panormum uenit, ad se uocari, & de tribu-
 nali citari iussit, concursu magno, frequentiaq. con-
 uentus. homines statim loqui, mirari, quod Apol-
 lonius, homo pecuniosus, tam diu ab isto maneret
 integer: excogitauit: nescio quid attulit: profecto
 homo

homo diues repente a Verre non sine caussa citatur: expectatio summa omnium, quidnam id esset: cum exanimatus subito ipse accurrit cum adolescente filio: nam pater grandis natu iam diu lecto tenebatur. nominat iste seruum, quem magistrum pecoris esse diceret: eum dicit coniurasse, & alias familias concitasse. is omnino seruus in familia non erat. eum statim exhiberi iubet. Apollonius affirmat seruum se omnino illo nomine habere neminem. iste hominem arripi a tribunali, & in carcerem conijci iubet. ille clamare, cum raperetur, nihil se miserum fecisse, nihil commississe, pecuniam sibi esse in nominibus, numeratam in praesentia non habere. haec cum maxime summa hominum frequentia testificaretur, ut quiuis intelligere posset, eum, quod pecuniam non dedisset, iccirco illa tam acerba iniuria affici; cum maxime, ut dico, hoc de pecunia clamaret, in uincla coniectus est. uidete constantiam praetoris, & eius praetoris, qui nunc reus non ita defendatur, ut mediocris praetor, sed ita laudetur, ut optimus imperator. cum seruorum bellum metueretur; quo supplicio dominos indemnatos afficiebat, hoc seruos damnatos liberabat. Apollonium, locupletissimum hominem, qui, si fugit iui bellum in Sicilia facerent, amplissimas fortunas amitteret, belli fugitiuorum nomine, indicta caussa, in uincla coniecit: seruos, quos ipse cum consilio belli faciendi caussa consensisse iudicauit, eos sine consilij sententia, sua sponte, omni supplicio liberauit. quid, si ab Apollonio ali-

ACTIONIS VI.

quid commissum est, quamobrem iure in eum animad-
uerteretur: tamen ne hanc rem sic agemus, ut cri-
mini, aut inuidiæ reo putemus esse oportere, si quo de
homine seuerius iudicauit? non agam tam acerbe: nō
utar ista accusatoria consuetudine, si quod est factum
clementer, ut dissolute factum criminer; si quid uin-
dicatum seuerè est, ut ex eo crudelitatis inuidiam
colligam. non agam ista ratione: tua sequar iudicia:
tuam defendam auctoritatem, quoad tu uoles. simul
ac tute cæperis tua iudicia rescindere, mihi succense-
re desinito: meo enim iure contendam, eum, qui suo
iudicio condemnatus sit, iuratorum iudicium senten-
tijs damnari oportere. non defendam Apollonijs caus-
sam, amici, atque hospitis mei; ne tuum iudicium
uidear rescindere. nihil de hominis frugalitate, uir-
tute, diligentia dicam. prætermittam illud etiam,
de quo antea dixi, fortunas eius ita constitutas fuis-
se, familia, pecore, uillis, pecunijs creditis, ut ne-
mini minus expediret, ullum in Sicilia tumultum,
aut bellum commoueri. non dicam ne illud quidem;
si maxime in culpa fuerit Apollonius, tamen in ho-
minem honestissimum, ciuitatis honestissimæ, tam
grauiter animaduerti, causa indicta, non oport-
uisse. nullam inuidiam in te ne ex illis quidem rebus
concitabo; cum esset talis uir in carcere, in tenebris,
in squalore, in sordibus, tyrannicis interdictis tuis,
patri exacta ætate, & adolescenti filio adeundi ad
illum miserum potestatem nunquam esse factam. etiā
illud præteribo; quotiescunque Panormum ueneris
illo

illo anno, & sex mensibus, (nam tam diu fuit in carcere Apollonius) toties ad te senatum Panormitanum adisse supplicem cum magistratibus, sacerdotibusque publicis, orantem, atque obsecrantem, ut aliquando ille miser, atque innocens calamitate illa liberaretur. relinquam hæc omnia: quæ si uelim persequi, facile ostendam, tua crudelitate in alios, omnes tibi aditus misericordiæ iudicum iam pridem esse præclusos. omnia igitur ista concedam, & remittam: præuideo enim, quid sit defensurus Hortensius. fatebitur, apud istum neque senectutem patris, neque adolescentiam filij, neque lacrymas utriusque plus ualuisse, quàm utilitatem, salutemque prouinciæ. dicet, remp. administrari sine metu, ac seueritate non posse. quæret, quãobrem fasces prætoribus præferantur, cur securæ datæ, cur carcer adificatus, cur tot supplicia sint in improbos more maiorũ constituta. quæ cū omnia grauitèr, seuerèque dixerit; quæram, cur hunc eundem Apollonium Verres idem, repète, nulla noua re allata, nulla defensione, sine causâ, de carcere emitti iusserit: tantumque in hoc crimine suspicionis esse affirmabo, ut iam ipsis iudicibus sine mea argumentatione cõiecturam facere permittam, quod hoc genus prædandi, quàm improbum, quàm indignum, quàmque ad magnitudinem quæstus immensum, infinitumque esse uideatur. nam quæ iste in Apollonio fecit, ea, primum breuiter cognoscite, quot, & quanta sint: deinde hæc expendite, atque æstimate pecunia: reperietis, iccirco hæc in uno pecunioso tot con-

M M 4 stituta,

ACTIONIS VI.

stituta, ut ceteris formidines similium incōmodorum, atque exempla periculorum proponerentur. Primū insimulatio est repentina, capitalis, atque inuidiosi criminis. statuite, quanti hoc putetis, & quā multos redemisse. deinde crimen sine accusatore, sententia sine consilio, damnatio sine defensione. aestimate harum rerum omnium pretia: & cogitate, in his iniquitatibus unum hāsisse Apollonium, ceteros profecto multos ex his incommodis pecunia se liberafse. postremo tenebræ, uincla, carcer, inclusum supplicium, atque a conspectu parentum, ac liberum, denique a libero spiritu, & communi luce seclusum. hæc uero, quæ uel uita redimi recte possunt, aestimare pecunia non queo. hæc omnia sero redemit Apollonius, iam mærore, ac miserijs perditus: sed tamē ceteros docuit, ante istius auaritiæ, ac sceleri occurrere. nisi uero existimatis, hominem pecuniosissimum, sine aliqua causa quæstus, iniectum ad tam incredibile crimen, aut sine eadem causa repente e carcere emissum, aut hoc prædandi genus ab isto in illo uno adhibitum, ac tentatum, & non per illum omnibus pecuniosis Siculis metum propositum, & iniectum. Cupio mihi, iudices, ab illo subijci, quoniam de militari eius gloria dico, si quid forte prætereo. nam mihi uideor de omnibus iam rebus eius gestis dixisse, quæ quidem ad belli fugitiuorum pertinerent suspicionem: certe nihil sciens prætermisi. Habetis hominis consilia, diligentiam, uigilantiam, custodiam, defensionemque prouinciæ. summa

ma

ma illuc pertinet, ut sciatis, quoniam plura genera sunt imperatorum, ex quo genere iste sit. ne diutius, in tanta penuria uirorum fortium, tam imperatorem ignorare possitis, non ad Q. Maximi sapientiam, neque ad illius superioris Africani in re gerenda celeritatem, neque ad huius, qui postea fuit, singulare consilium, neque ad Pauli rationem, ac disciplinam, neque ad C. Marij uim, atque uirtutem, sed ad aliud genus imperatorum, sane diligenter retinendum, & conseruandum, quaeso, cognoscite. Itinerum primum laborem, qui uel maximus est in re militari, iudices, & in Sicilia maxime necessarius, accipite, quam facilem sibi iste, & iucundum ratione, consilioq. reddiderit. primum temporibus hibernis ad magnitudinem frigorum, & ad tempestatum uim, ac imbrum præclarum sibi hoc remedium comparat. urbem Syracusas elegerat: cuius hic situs, atque hæc natura esse loci, celiq. dicitur, ut nullus unquam dies tam magna, turbulentaq. tempestate fuerit, quin aliquo tempore solem eius diei homines uiderint. hic ita uiuebat iste bonus imperator hibernis mensibus, ut eum non facile non modo extra tectum, sed ne extra lectum quidem quisquam uideret. ita diei breuitas conuiuijs, noctis longitudo stupris, et flagitijs conterebatur. cum autem uer esse cæperat, cuius initium iste non a Fauonio, neque ab aliquo astro notabat, sed cum rosam uiderat, tunc incipere uer arbitrabatur; dabat se labori, atque itineribus: in quibus usque eò se præbebat patientem, atque impigrum,

ut

ACTIONIS VI.

ut eum nemo unquam in equo sedentem uideret. nam, ut mos fuit Bithyniæ regibus, læticia oëtophoro ferebatur: in qua puluinus erat perlucidus, Melitensi rosa farctus. ipse autem coronam habebat unam in capite, alteram in collo: reticulumq. ad nares sibi admovebat tenuissimo lino, minutisq. maculis, plenum rosæ. sic confecto itinere, cum ad aliquod oppidum uenerat, eadem læticia usque in cubiculum deferabatur. eò ueniebant Siculorum magistratus, ueniebant equites R. id quod ex multis iuratis audistis: controuersiæ secreto deferabantur: paullo post palam decreta auferebantur. deinde, ubi paulisper in cubiculo, pretio, non æquitate iura descripserat; Veneri iam, & Libero reliquum tempus deberi arbitrabatur. Quo loco mihi non prætermittenda uidetur præclari imperatoris egregia, ac singularis diligentia. nam scitote esse oppidum in Sicilia nullum, ex ijs oppidis, in quibus prætores consistere, & conuentum agere solent, quo in oppido non isti ex aliqua familia non ignobili delecta ad libidinem mulier esset. itaque non nullæ ex eo numero in conuiuium adhibebantur palam: si quæ castiores erant, ad tempus ueniebant, lucem, conuentumq. uitabant. erant autem conuiuia non illo silentio prætorum, atque imperatorum, neque eo pudore, qui in magistratum conuiuijs uersari solet, sed cum maximo clamore, atque conuicio. non nunquam etiâ res ad manus, atque ad pugnam ueniebat. iste enim, prætor seuerus, ac diligens, qui populi R. legibus nunquam paruisset, illis diligenter legibus, quæ in poculis

lis ponebantur, obtemperabat. itaque erant exitus eiusmodi, ut alius inter manus e conuiuio, tanquam e praelio, auferretur, alius tanquam occisus relinqueretur, plerique fusi sine mente, ac sine ullo sensu iacerent; quibus ut, cum aspexisset, non se prætoris conuiuium, sed ut Cannensem pugnam nequitia uidere arbitraretur. Cum uero æstas summa esse iam cœperat; quod tempus omnes Siciliae semper prætores in itineribus consumere consueuerunt; propterea quod tum putant obeundam esse maxime prouinciam, cum in areis frumenta sunt; quod & familiae congregantur, & magnitudo seruitij perspicitur, & labor operis maxime offenditur, & frumenti copia commonet, tempus anni non impedit: tum, inquam, cum concurrant ceteri prætores, iste nouo quodam ex genere imperator, pulcherrimo Syracusarum luco statua sibi castra faciebat. nam in ipso aditu, atque ore portus, ubi primum ex alto sinus ad urbem ab littore inflectitur, tabernacula carbasseis intenta uelis collocabat. huc ex illa domo prætoria, quæ regis Hieronis fuit, sic emigrabat, ut per eos dies nemo istum extra illum locum uidere posset. in eum autem ipsum locum aditus erat nemini, nisi qui aut socius, aut minister libidinis esse posset. huc omnes mulieres, quibuscum iste consueuerat, conueniebant: quarum, incredibile est, quanta multitudo fuerit Syracusis. huc homines digni istius amicitia, digni uita illa, conuiujs quæ ueniebant. inter eiusmodi uiros, ac mulieres adulta ætate filius uersabatur: ut eum, etiam si natura a parentis simili-

ACTIONIS VI.

similitudine abriperet, consuetudo tamen, ac discipli-
na patri similem esse cogeret. huc Tertia illa, perdu-
cta per dolum, atque insidias ab Rhodio tibicine, ma-
ximas in istius castris effecisse turbas dicitur; cum in-
digne pateretur uxor Cleomenis Syracusani, nobilis
mulier, itemq. Aeschrionis honesto loco nata, in con-
uentum suum mimi Isiodori filiam uenisse. iste autem
Annibal, qui in suis castris uirtute putaret oportere,
non genere certari, sic hanc Tertiam dilexit, ut eam
secum ex prouincia exportaret. Ac per eos dies, cum
iste cum pallio purpureo, talariq. tunica uersaretur
in conuiujs muliebribus, non offendebantur homines
in eo, neque moleste ferebant, abesse a foro magistra-
tum, non ius dici, non iudicia fieri: lucum illum lit-
toris percrepare totum mulierum uocibus, cantuq.
symphoniae, in foro silentium esse summum caussaru,
atque iuris, non ferebant homines moleste. non enim
ius abesse uidebatur a foro, neque iudicia, sed uis, &
crudelitas, & bonorum acerba, atque indigna dire-
ptio. Hunc tu igitur imperatorem esse defendis, Hor-
tensi? huius furta, rapinas, cupiditatem, crudelita-
tem, superbiam, scelus, audaciam, rerum gestarum
magnitudine, atque imperatorijs laudibus tegere co-
naris? hic scilicet est metuendum, ne ad exitum defen-
sionis tuae uetus illa Antoniana dicendi ratio, atque
auctoritas proferatur: ne excitetur Verres, ne denu-
detur a pectore, ne cicatrices populus R. adspiciat,
ex mulierum morsu uestigia libidinis, atque nequi-
tia. dij faciant, ut rei militaris, ut belli mentionem
facere

facere audeas : cognoscantur enim omnia istius æra illa uetera : ut, non solum in imperio, uerum etiam in stipendijs qualis fuerit, intelligatis. renouabitur prima illa militia, cum iste e foro abduci, nō, ut ipse prædicat, perduci solebat. aleatoris Placentini castra commemorabuntur : in quibus cum frequens fuisset, tamen ære dirutus est. multa eius in stipendijs damna proferentur : quæ ab isto ætatis fructu dissoluta, & compensata sunt. Iam uero, cum in eiusmodi patientia turpitudinis, aliena, non sua satietate, obduriisset, qui uir fuerit, quot præsidia, quàm munita, pudoris, & pudicitia, ui, & audacia ceperit, quid me attinet dicere, aut coniungere cum istius flagitio cuiusquam præterea dedecus ? non faciam, iudices : omnia uetera prætermittam : duo sola recentia sine cuiusquam infamia ponam, ex quibus coniecturam facere de omnibus possitis : unum illud, quod ita fuit illustre, notumq. omnibus, ut nemo tam rusticanus homo L. Lucullo, & M. Cotta cos. Romam ex ullo municipio uadimonij causa uenerit, quin sciret iura omnia populi R. nutu, atque arbitrio Chelidonis me retribula gubernari : alterum, quod, cum paludatus exisset, uotaq. pro imperio suo, communiq. populi R. nuncupasset, noctu, stupri causa, lectica in urbem introferri solitus est ad mulierem, nuptam uni, propositam omnibus, contra fas, contra auspicia, contra omnes diuinas, atque humanas religiones. O dii immortales, quid interest inter mentes hominum, & cogitationes. ita mihi meam uoluntatem, spemq. reliqua

ACTIONIS VI.

quæ uitæ uestra, populiq. R. existimatio comprobet, ut ego, quos adhuc mihi magistratus populus R. mandauit, sic eos accepi, ut me omnium officiorum obstringi religione arbitrarer. ita quæstor sum factus, ut mihi honorem illum tum non solum datum, sed etiam creditum, ac commissum putarem. sic obtinui quæsturam in provincia Sicilia, ut omnium oculos in me unum coniectos arbitrarer; ut me, quæsturamq. meam quasi in aliquo orbis terræ theatro uersari existimarem; ut omnia semper, quæ iucunda uidentur esse, non modo his extraordinarijs cupiditatibus, sed etiam ipsi naturæ, ac necessitati denegarem. nunc sum designatus ædilis: habeo rationem, quid a populo R. acceperim: mihi ludos sanctissimos maxima cum cærimonia Cereri, Libero, Liberæq. faciendos, mihi Floram matrem populo, plebiq. R. ludorum celebritate placandam, mihi ludos antiquissimos, qui primi Romani sunt nominati, maxima cum dignitate, ac religione Ioui, Iunoni, Mineruæq. esse faciendos, mihi Sacrarum ædium procurationem, mihi totam urbem tuendam esse commissam: ob earum rerum laborem, & sollicitudinem fructus illos datos, antiquiorem in senatu sententiæ dicendæ locum, togam prætextam, sellam curulem, ius imaginis ad memoriam, posteritatemq. prodendam. ex his ego rebus omnibus, iudices, ita mihi deos omnes propitios esse uelim, ut, tamen si mihi iucundissimus est honos populi, tamen nequaquam tantum capio uoluptatis, quantum sollicitudinis, & laboris, ut hæc ipsa ædilitas, non quia necesse

cesse fuerit, alicui candidato data, sed, quia sic oportuerit, recte collocata, & iudicio populi digno in loco posita esse uideatur. Tu, cum esses prætor renunciatus, quoquo modo, (mitto enim, & prætereo, quid tum sit actum) sed cum esses renunciatus, ut dixi, non ipsa præconis uoce excitatus es, qui te toties seniorum, iuniorumque centurijs, illo honore affici pronunciauit, ut hoc putares, aliquam reip. partem tibi creditam? annum tibi illum unum domo carendum esse meretricis? cum tibi sorte obtigisset, ut ius diceres; quantum negotij, quid oneris haberes, nunquam cogitasti; neque illud rationis habuisti, si forte expergefacerere te posses, eam prouinciam, quam tueri singulari sapientia, atque integritate difficile esset, ad summam stultitiam, nequitiamque uenisse. itaque non modo domo tua Chelidonem in prætura extrudere noluiisti, sed in Chelidonis domum præturam tuam totam detulisti. Secuta prouincia est: in qua tibi nunquam uenit in mentem, non tibi iccirco fasces, & seculares, & tantam imperij uim, tantamque ornamento rum omnium dignitatem datam, ut earum rerum ui, & auctoritate omnia repagula iuris, pudoris, & officij perfringeres; ut omnium bona prædam tuam duceres; nullius res tuta, nullius domus clausa, nullius uita septa, nullius pudicitia munita contra tuam cupiditatem, & audaciam posset esse: in qua tu te ita gessisti, ut, cum omnibus tenere rebus, ad bellum fugitiuorum confugas: ex quo, iam intelliges, non modo tibi nullam defensionem, sed maximam uim criminum

ACTIONIS V.

num exortam . nisi forte Italici belli fugitiuorum reliquias , atque illud Thempsanum , incommodum proferes : ad quod recens cum te peropportune fortuna obtulisset , si quid in te uirtutis , atque industriæ fuisset ; idem , qui semper fueras , inuentus es . Cum ad te Valentinus uenissent , & pro his , homo disertus , & nobilis , M . Marius loquertur , ut negotium susciperes ; ut , cum penes te prætorium imperium , ac nomen esset , ad illam paruam manum extinguendam , ducem te , principemq. præberes : non modo id refugisti , sed eo ipso tempore , cum esses in littore , Tertia illa tua , quam tecum deportabas , erat in omnium conspectu . ipsis autem Valentinis , ex tam illustri , nobiliq. municipio , tantis de rebus responsum nullum dedisti ; cū esses cum tunica pulla , & pallio . Quid hunc proficiscentem , quid in ipsa prouincia fecisse existimatis , qui , cum iam ex prouincia non ad triumphum , sed ad iudicium decederet , ne illam quidem infamiam fugerit , quam sine uoluptate capiebat ? O diuina senatus frequentis in æde Bellonæ admurmuratio . memoria tenetis , iudices ; cum ad uesperasceret , & paullo ante esset de hoc Thempsano incommodo nunciatum , cum inueniretur nemo , qui in illa loca cum imperio mitteretur , dixisse quendam , Verrem esse non longe a Thempsa ; quam ualde uniuersi admurmurarent , quam palam principes contra dixerint . & is , tot criminibus , testimonijsq. conuictus , in eorum tabellis spem sibi aliquam ponit , quorum omnium palam , causa incognita , uoce damnatus est ? Esto : nihil

hil ex fugitiuorum bello, aut suspitione belli laudis adeptus est, quòd neque bellū cuiusmodi, neque belli periculum fuit in Sicilia, neque ab isto prouisum est, ne quod esset: at uero contra bellum prædonum classem habuit ornatam, diligentiamq. in eo singularem: itaque isto prætore præclare defensa prouincia est. Sic de bello prædonum, sic de classe Siciliensi, iudices, dicā, ut hoc iam ante confirmem, in hoc uno genere omnes inesse culpas istius maximas, auaritiæ, maiestatis, dementiæ, libidinis, crudelitatis. hæc dum breuiter expono, quæso, ut fecistis adhuc, diligenter attendite. Rem naualem primum ita dico esse administratam, non uti prouincia defenderetur, sed ut classis nomine pecunia quæreretur. superiorum prætorum consuetudo cum hæc fuisset, ut naues ciuitatibus, certusq. numerus nautarum, militumq. imperaretur, maximæ, & locupletissimæ ciuitati Mamertinæ nihil horum imperauisti. ob quam rem quid tibi Mamertini clam dederint pecuniæ, post uidebitur: ex ipsorum litteris, et testibus quæremus. nauem uero Cybeam maximā, triremis instar, pulcherrimam, atque ornatissimam, palam ædificatam sumptu publico, sciente Sicilia, per magistratum, senatumq. Mamertinum, tibi datam, donatamq. esse dico. hæc nauis onusta præda Siciliensi, cū ipsa quoque esset ex præda, simul cum iste decederet, appulsa Velia est cū plurimis rebus, et ijs, quas ante Romam mittere cum ceteris furtis noluit, quòd erant carissimæ, maximeq. eum delectabant. eā nauem nuper egomet uidi Velia, multiq. alij uide-

NN runt,

ACTIONIS VI.

runt, pulcherrimā, atque ornatissimam, iudices. quæ
quidē omnibus, qui eam aspexerant, prospectare iam
exsilium, atque explorare fugam domini uidebatur.
Quid mihi hoc loco respondebis? nisi forte id, quod ta-
met si probari nullo modo potest, tamen dici quidem
in iudicio de pecunijs repetundis necesse est, de tua
pecunia constare ædificatam esse eam nauem. aude
hoc saltem dicere, quod necesse est. noli metuere, Hor-
tensi, ne quæram, qui licuerit ædificare nauem sena-
tori. antiquæ sunt istæ leges, & mortuæ, quemad-
modum tu soles dicere, quæ uetant. fuit ista reprehen-
sio quondam, fuit ista seueritas in iudicijs, ut istam
rem accusator in magnis criminibus obijciendam pu-
taret. quid enim tibi naue opus fuit? qui si quò publi-
ce proficisceris, et præsidij, et uecturæ caussa, sum-
ptu publico nauigia præberentur. priuatim autem
nec proficisci quoquam potes, nec accersere res trans-
marinas ex ijs locis, in quibus tibi habere, mercari
nihil licet. deinde cur quidquam contra leges parasti?
ualeret hoc crimen in illa ueteri seueritate, ac digni-
tate reip. nunc non modo te hoc crimine non arguo,
sed ne illa quidem communi uituperatione reprehen-
do. postremo tu tibi hoc nunquam criminosum, nun-
quam inuidiosum fore putasti, celeberrimo loco palā
tibi ædificari onerariā nauem in ea provincia, quā tu
cum imperio obtinebas? quid eos loqui, qui uidebāt,
quid existimare eos, qui audiebant, arbitrare?
inanem te nauem esse in Italiam deducturum? na-
uiculariam te, cum Romam uenisses, esse facturum?

ne

ne illud quidem quisquam poterat suspicari, te habere in Italia maritimum fundum, & ad fructus de portandos onerariam nauem comparare. eiusmodi de te uoluisti sermonem esse omnium, palam ut loquerentur, te illam nauem parare, quæ prædam ex Sicilia deportaret, & quæ ad ea furtiva, quæ reliquisses, commearet? uerum hæc omnia, si doces nauem de tua pecunia ædificatam, remitto, atque concedo. sed hoc, homo amentissime, non intelligis, priore actione ab ipsis Mamertinis, tuis laudatoribus, esse sublatum. nam dixit Heius, princeps ciuitatis, princeps istius legationis, quæ ad tuam laudationem missa est, nauem tibi operis publicis Mamertinorum esse ædificatam, ei que faciendæ senatorem Mamertinum publice præfuisse. Reliqua est materies: hanc Rheginis, ut ipsi dicunt, (tametsi tu negare non potes) publice, quod Mamertini materiem non habent, imperauisti. Si, & ex quo fit nauis, & qui faciunt, imperio tibi tuo, non pretio præsto fuerunt: ubi tandem istuc latet, quod tu de tua pecunia dicis impensum? At Mamertini in tabulis nihil habent. Primum uideo potuisse fieri, ut ex ærario nihil darent: (etenim uel Capitolium, sicut apud maiores nostros factum est, publice gratis coactis fabris, operisque imperatis ex ædificari, atque effici potuit) deinde id quoque perspicio, quod & ostendam, cum istos produxero, ipsorum ex litteris, multas pecunias isti, erogatas in operum locationes falsas, atque inanes, esse perscriptas. nam illud minime mirum est,

ACTIONIS VI.

Mamertinos, a quo summum beneficium acceperat, quem sibi amiciores, quam populo R. esse cognouerant, eius capiti litteris suis pepercisse. sed si argumentum est, Mamertinos pecunias tibi non dedisse, quia scriptum non habent: sit argumento, tibi gratis constare nauem, quia, quid emeris, aut quid locaueris, scriptum proferre non potes. At enim iccirco nauem Mamertinis non imperasti, quod sunt, foederati. Diu approbent. habemus hominem in foederalium manibus educatum, unum praeter ceteros in publicis religionibus foederum sanctum, & diligentem. omnes, qui ante te praetores fuerunt, dedantur Mamertinis, quod ijs nauem contra pactiorem foederis imperarint. sed tamen tu, sancte homo, ac religiose, cur Taurominitanis, item foederatis, nauem imperasti? an hoc probabis, in aqua causa populorum, sine pretio uarium ius, et disparem condicionem fuisse? quid, si eiusmodi esse haec duo foedera duorum populorum, iudices, doceo, ut Taurominitanis nominatim cautum, et exceptum sit foedere, ne nauem dare debeant; Mamertinis in ipso foedere sanctum, atque perscriptum sit, uti nauem dare necesse sit; istum autem, contra foedus, & Taurominitanis imperasse, & Mamertinis remisisse? num cui dubium poterit esse, quin, Verre praetore, plus Mamertinis Cybea, quam Taurominitanis foedus opitulatum sit? Recitentur foedera. Isto igitur tuo, quemadmodum ipse praedicas, beneficio, ut res indicat, pretio, atque mercede, minuisti maiestatem reip. minuisti auxilia populi R. minuisti copias

pias maiorum uirtute, ac sapientia comparatas: su-
 stulisti ius imperij, condicionem sociorum, memoriam
 fæderis. qui ex fædere ipso nauem uel usque ad Ocea-
 num, si imperassemus, sumptu, periculoq. suo arma-
 tam, atque ornatam mittere debuerunt; hi, ne in fre-
 to, ante sua tecta, & domos nauigarent, ne sua mæ-
 nia, portusq. defenderent, pretio abs te ius fæderis,
 & imperij condicionem emerunt. quid censetis in
 hoc fædere faciundo uoluissè Mamertinos impendere
 laboris operæ, pecuniæ, ne hæc biremis adscribere-
 tur, si id ullo modo possent a nostris maioribus impe-
 trare? nam cum hoc munus imperaretur tam graue
 ciuitati, inerat nescio quo modo in illo fædere societa-
 tis quasi quædam nota seruitutis. quod tum recenti-
 bus suis officijs, integra re, nullis populi R. difficulta-
 tibus, a maioribus nostris fædere assequi non potue-
 runt, id nunc, nullo nouo officio suo, tot annis post, iure
 imperij nostri quotannis usurpato, ac semper retento,
 summa in difficultate nauium, a C. Verre pretio asse-
 cuti sunt. At non hoc solum assecuti, ne nauem da-
 rent: ecquem nautam, ecquem militem, qui aut in
 classe, aut in præsidio esset, te prætore, per trien-
 nium Mamertini dederunt? Denique cum ex S. C.
 itemq. ex lege Terentia, & Cassia frumentum æqua-
 biliter emi ab omnibus Siciliæ ciuitatibus oporteret,
 id quoque munus leue, atque commune Mamertinis
 remisisti. Dices, frumentum Mamertinos non debe-
 re. Quo modo nõ debere? an, ut ne uenderent? non e-
 nim erat hoc genus frumeti ex eo genere, quod exige-

NN 3 retur,

ACTIONIS VI.

retur, sed ex eo, quod emeretur. te igitur auctore,
 & interprete, ne foro quidem, & comiteatu Ma-
 mertini populum R. iuuare debuerunt. quæ tandem
 ciuitas fuit, quæ deberet? qui publicos agros arant,
 certum est, quid ex lege censoria dare debeant. cur
 ijs quidquam præterea ex alio genere imperauisti?
 quid decumani? nunquid præter singulas decumas ex
 lege Hieronica debent? cur ijs quoque statuisti, quan-
 tum ex hoc genere frumenti empti darent? qui sunt
 immunes, ij certe nihil debent. at ijs non modo impe-
 rasti, uerum etiam, quo plus darent, quam poterat,
 hæc sexagena millia modium, quæ Mamertinis remi-
 seras, addidisti. nec hoc dico, ceteris non recte impe-
 ratum esse: Mamertinis, qui erant in eadem causâ,
 & quibus superiores omnes prætores, item ut cete-
 ris, imperarant pecuniam, qui ex S.C. et ex lege dis-
 soluerant, his dico non recte remissum. At, ut hoc be-
 neficium, quemadmodum dicitur, trabali clauo fige-
 ret, cum consilio causam Mamertinorum cognoscit,
 & de consilij sententia, Mamertinis se frumentum
 non imperare, pronunciat. Audite decretum merce-
 narij prætoris ex ipsius commentario; et cognoscite,
 quanta in scribendo grauitas, quanta in constituendo
 iure sit auctoritas. Recita. COMMENTARIUM.
 Libenter ait se facere: itaq. perscribit. quid, si hoc
 uerbo non esses usus, libenter? nos uidelicet inuitum
 te quæstum facere putaremus. AC DE CONSILII
 SENTENTIA. Præclarum recitari consilium, iu-
 dices, audistis. utrum uobis consilium recitari tan-
 dem

dem prætoris uidebatur, cum audiebatis nomina, an prædonis improbiſſimi ſocietas, atque comitatus? En fæderum interpretes, ſocietatis pãctores, religionis auctores. nunquam in Sicilia frumentum publice eſt emptũ, quin Mamertinis proportionẽ imperaretur, ante quã hoc delectum, præclarumq. cõſilium iſte dedit, ut ab his nummos acciperet, ac ſui ſimilis eſſet. itaque tantum ualuit iſtius decreti auctõritas, quantum debuit eius hominis, qui, a quibus frumentum emere debuiffet, iſs decretum uendidiſſet. nam ſtatim L. Metellus, ut iſti ſucceſſit, ex C. Sacerdotis et Sex. Peducæi inſtituto, ac litteris, frumentum Mamertinis imperauit. tum illi intellexerunt, ſe id, quod a malo auctore emiſſent, diutius obtinere non poſſe. Age porro, tu, qui te tam religioſum exiſtimari uoluiffi interpretem fæderum, cur Taurominitanis frumentum, cur Netinis imperaſti? quarum ciuitatum utraque fæderata eſt. ac Netini quidẽ ſibi non defuerunt: nã, ſimul ac pronunciaſti, libenter te Mamertinis quidem remittere; te adierunt, & eandẽ ſuam cauſſam fæderis eſſe docuerunt. tu aliter decernere in eadem cauſſa non potuiſti: pronuncias, Netinos frumentum dare non oportere: & ab his tamen exigis. Cedo mihi eiufdem prætoris litteras et rerum decretarum, et frumenti imperati, & rerum decretarum tritici empti. Quid potius in hac tanta, ac tam turpi inſtantia ſuſpicari poſſumus, iudices, quã id, quod neceſſe eſt, aut iſti a Netinis pecuniam, cum poſceret, nõ datam, aut id eſſe actũ, ut intelligerent Mamertini, be-

ACTIONIS VI.

ne se apud istum tam multa pretia, ac munera collocasse, cum idem alij iuris ex eadem caussa non obtinerent? Hic mihi etiam audebit mentionem facere Mamertinae laudationis. in qua quàm multa sint uulnera, quis est uestrum, iudices, quin intelligat? primum, in iudicijs, qui decem laudatores dare nō potest, honestius est ei nullum dare, quàm illum quasi legitimum numerum consuetudinis non explere. tot in Sicilia ciuitates sunt, quibus tu per triennium præsuisi: arguunt ceteræ: pauca, et parua, metu repressæ, silēt: una laudat. hoc quid est, nisi intelligere, quid habeat utilitatis uera laudatio? Sed tamen ita, Verres, provinciae præsuisi, ut hac utilitate necessario tibi sit carendum. deinde, id quod alio loco ante dixi, quæ est ista tandem laudatio, cuius laudationis legati principes et publice tibi nauem ædificatam, & priuatim se ipsos abs te spoliatos, expilatosq. esse dixerūt? postremo quid aliud isti faciunt, cum te soli ex Sicilia laudant, nisi testimonio nobis sunt, te omnia sibi esse largitum, quæ tu de rep. nostra detraxeris? Quæ colonia est in Italia tam bono iure, quod tam immune municipium, quod per hos annos tam cōmoda uacatione sit usum omnium rerum, quàm Mamertina ciuitas per triennium? soli, ex fœdere quod debuerunt, non dederunt: soli, isto prætoris, omnium rerum immunes fuerunt: soli, istius imperio, ea cōdicione uitæ fuerunt, ut populo R. nihil darent, Verri nihil dene-garent. Verum ut ad classē, quo ex loco sum digressus, reuertar: accepisti a Mamertinis nauem contra

tra legem, remisisti contra fœdera. ita in una ciuitate bis improbus fuisti; cum & remisisti, quod non oportebat; & accepisti, quod non licebat. exigere te oportuit nauem, quæ contra prædones, non quæ cum præda nauigaret; quæ defenderet, ne prouincia spoliaretur, non quæ noua prouinciæ spolia portaret. Mamertini tibi & urbem, quò furta undique portares; & nauem, qua exportares, præbuerunt. illud tibi oppidum receptaculum prædæ fuit: illi homines testes custodesq. furtorum: illi tibi & locum furtis, & furtorum uehiculum comparauerunt. itaque ne tum quidem, cum classem auaritia, ac nequitia tua perdidisti, nauem Mamertinis imperare ausus es. quo tempore, in tanta inopia nauium, tantaq. calamitate prouinciæ, etiam si precario essent rogandi, tamen ab ijs impetraretur. reprimebat enim tibi & imperandi uim, & rogandi conatum præclara illa non populo R. reddita biremis, sed prætori donata Cybea. ea fuit merces imperij, auxilium iuris, consuetudinis, fœderis. Habetis unius ciuitatis firmum auxilium, amissum, ac uenditum pretio: cognoscite nunc nouam prædandi rationem, ab hoc primum excogitatam. Sumptum omnem in classem frumento, stipendio, ceterisq. rebus nauarcho suo quæque ciuitas semper dare solebat. is neque, ut accusaretur a nautis, committere audebat, et ciuibus suis rationem referre debebat: in illo omni negotio nō modo labore, sed etiam periculo suo uersabatur. erat hoc, ut dico, factitatum semper, nec solum in Sicilia, sed in omnibus prouincijs,

ACTIONIS VI.

prouincijs, etiam in sociorum, & Latinorum stipendio, ac sumptu, tum cum illorum auxilijs uti solebamus. Verres, post imperium constitutum, primus imperauit, ut ea pecunia omnis a ciuitatibus sibi adnumeraretur, ut is eam pecuniam tractaret, quem ipse praefecisset. Cui potest esse dubium, quamobrem & omnium consuetudinem ueterem primus immutaris, & tantam utilitatem per alios tractandae pecuniae neglexeris, & tantam difficultatem cum crimine, molestiam cum suspitione susceperis? Deinde alij quaestus instituuntur, ex uno genere nauali, uidete quam multi; accipere a ciuitatibus pecunias, ne nautas darent; pretio certo missos facere nautas; missorum omne stipendium lucrari; reliquis, quod deberet, non dare. haec omnia ex ciuitatum testimonijs cognoscite. Recita. TESTIMONIA CIVITATVM. Hunc cine hominem? hanc cine impudentiam, iudices? hanc cine audaciam? ciuitatibus pro numero militum pecuniarum summas describere; certum pretium, sexcenos nummos, nautarum missioni constituere. quos qui dederat, commeatum totius aestatis abstulerat. iste, quod & nautae nomine pro stipendio, frumentoque acceperat, lucrabatur. ita quaestus duplex unius missione fiebat. atque haec homo amentissimus in tanto praedonum impetu, tantoque periculo prouinciae sic palam faciebat, ut & ipsi praedones scirent, & tota prouincia testis esset. Cum, propter istius hanc tantam auaritiam, nomine classis essent in Sicilia, re quidem uera naues inanes, quae praedam praetori, non quae pra-

prædonibus metum afferrent: tamen, cum P. Cæse-
 cius, & P. Tadius decem nauibus his semiplenis na-
 uigarent, nauem quadam piratarum, præda refertâ,
 non ceperunt, sed abduxerunt, onere suo plane ca-
 ptam, atque depressam. erat ea nauis plena iuuentu-
 tis formosissimæ, plena argenti facti, atque signati,
 multa cum stragula ueste. hæc una nauis a classe no-
 stra non capta est, sed inuenta ad Megaridem: qui lo-
 cus est non lōge à Syracusis. quod ubi isti nunciatum
 est; tametsi noctu cum mulierculis iacebat ebrius, e-
 rexit se tamen, & statim quæstori, legatoq; suo cu-
 stodes misit complures, ut omnia sibi integra quam-
 primum exhiberentur. appellitur nauis Syracusas:
 expectatur ab omnibus: supplicium sumi de captiuis
 putatur. iste, quasi præda sibi aduecta, non prædoni-
 bus captis, si qui senes, aut deformes erant, eos in ho-
 stium numero ducit: qui aliquid formæ, ætatis, arti-
 ficijq. habebant, abducit omnes: non nullos scribis
 suis, filio, cohortiq. distribuit: symphonicos sex cui-
 dam amico suo Româ muneris misit: nox illa tota ex-
 inanienda naui consumitur. archipiratam ipsum ui-
 det nemo; de quo supplicium sumi oportuit: hodieq.
 omnes sic habent persuasum, (quid eius sit, uos conie-
 ctura quoque assequi debetis) istum clam a piratis ob-
 hunc archipiratam pecuniâ accepisse. coniectura est:
 iudex esse bonus nemo potest, non qui suspitione cer-
 ta non mouetur. hominem nostis; consuetudinemq.
 omnium tenetis; qui ducem prædonum, aut hostium
 ceperit, quàm libenter eum palam ante oculos omnium
 esse

esse patiatur. hominem in tanto conuentu Syracu-
 sis uidi neminem, iudices, qui archipiratam captum
 uidisse se diceret, cum omnes, ut mos est, concur-
 rerent, quærerent, uidere cuperent. quid accidit, cur
 tantopere iste homo occultaretur, ut eum ne casu
 quidem quisquam aspicere posset? homines mariti-
 mi Syracusis, qui sæpe istius ducis nomen audissent,
 sæpe timuissent, cum eius cruciatus, atque supplicio
 pascere oculos, animumque exaturare uellent; pote-
 stas aspiciendi nemini facta est. Unus plures prædo-
 num duces uiuos cepit P. Seruilius, quam omnes an-
 tea. ecquando igitur isto fructu quisquam caruit, ut
 uidere piratam captum non liceret? at contra, qua-
 cunque iter fecit, hoc iucundissimum spectaculum om-
 nibus uictorum, captorumque hostium præbebat:
 itaque ei concursus undique fiebant, ut non modo ex
 his oppidis, quæ ducebantur, sed etiam ex finitimis ui-
 sendi causa conuenirent. Ipse autem triumphus
 quamobrem omnium triumphorum gratissimus po-
 pulo R. fuit, atque iucundissimus? quia nihil est ui-
 ctoria dulcius: nullum est autem testimonium uicto-
 riæ certius, quam, quos sæpe metueris, eos te uin-
 ctos ad supplicium duci uidere. Hoc tu quamobrem
 non fecisti? quamobrem ita iste pirata celatus est,
 quasi eum aspicere nefas esset? quamobrem suppli-
 cium non sumpsisti? quam ob causam hominem re-
 seruasisti? ecquem audisti in Sicilia ante captum archi-
 piratam. qui non securi percussus sit? unum cedo au-
 ctorem tui facti: unius profer exemplum. uiuum tu
 archipi-

archipiratam seruabas, quem per triumphum, credo quem ante currum tuum duceres. neque enim quidquam erat iam reliquum, nisi, ut, classe populi R. pulcherrima amissa, provinciaq. lacerata, triumphus naualis tibi decerneretur. Age porro, custodiri ducem praedonum nouo more, quam securi feriri omnium exemplo, magis placuit. quæ sunt istæ custodiæ? apud quos homines? quemadmodum est asseruatus? Lautumias Syracusanas omnes audistis, plerique nostis. opus est ingens, magnificum, regum, ac tyrannorum: totum est ex saxo in mirandam altitudinem depresso, & multorum operis penitus exciso. nihil tam clausum ad exitus, nihil tam septum undique, nihil tam tutum ad custodias nec fieri, nec cogitari potest. in has Lautumias, si qui publice custodiendi sunt, etiam ex ceteris oppidis Siciliæ deduci imperantur. eò quod multos captiuos ciues R. coniecerat, & quod eodem ceteros piratas contrudi imperarat; intellexit, si hunc subditicium archipiratam in eandem custodiam dedisset, fore, ut a multis, illis in Lautumijs, uerus ille dux quæreretur. itaque hominem huic optimæ, tutissimæq. custodiæ non audet committere: denique Syracusas totas timet: amandat hominē, quod? Lilybaeum fortasse? uideo: tamen homines maritimos non plane reformidat. minime, iudices. Panormum igitur? audio: quanquam Syracusis, quoniam in Syracusano captus erat, maxime, si minus supplicio affici, at custodiri oportebat. ne Panormū quidem. quid igitur? quod putatis? ad homines a Piratarum metu.

ACTIONIS VI.

metu, & suspicione alienissimos, a nauigando, rebusq. maritimis remotissimos, ad Centuripinos, homines maxime mediterraneos, summos aratores, qui nomen nunquam timuissent maritimi prædonis, inuente prætoris horruissent Apronium terrestrem archipiratam. & ut quicquid facile perspiceret, id ab isto actum esse, ut ille suppositus facile & libenter se illum, qui non erat, esse simularet; imperat Centuripinis, ut is uictu, ceterisque rebus quamlibet liberalissime, commodissimeque habeatur. Interea Syracusani, homines periti, & humani, qui non modo ea, quæ perspicua essent, uidere, uerum etiam occulta suspicari possent, habebant rationem omnes quotidie piratarum, qui se curi ferirentur; quàm multos esse oporteret, ex ipso nauigio, quod erat factum sex remorum numero, conieciabant. iste, quòd omnes, qui artificij aliquid haberant, aut formæ, remouerat, atque abduxerat; reliquos si, ut consuetudo est, uniuersos ad palum alligasset, clamorem populi fore suspicabatur; cum tanto plures abducti essent, quàm relictæ. propter hanc causam cum instituisset alios alio tempore producere; tamen in tanto conuentu nemo erat, quin rationem, numerumque haberet, & reliquos non desideraret solum, sed etiam posceret, & flagitaret. cum maximus numerus deesset; tum iste, homo nefarius, in eorum locum, quos domum suam de piratis abduxerat, substituere, & supponere cœpit ciues R, quos in carcerem antea coniecerat. quorum alios Sertorianos milites fuisse insimulabat, & ex Hispania fugientes ad Siciliam

Siciliam appulsos esse dicebat : alios, qui a prædonibus erant capti, cum mercaturas facerent, aut aliam ob causam nauigarent, sua uoluntate cum piratis fuisse arguebat. itaque alij ciues R. ne cognoscerentur, capitibus obuolutis e carcere ad palum, atque ad necem rapiebantur : alij, cum a multis ciuibus R. recognoscerentur, ab omnibus defenderentur, securi feriiebantur. quorum ego de acerbissima morte, crudelissimoq. cruciatu dicam, cum eum locum tractare cœpero ; & ita dicam, ut, si me in ea querimonia, quam sum habiturus de istius crudelitate, & de ciuium R. indignissima morte, non modo uires, uerum etiam uita deficiat, id mihi præclarum, & incundum putem. hæc igitur est gesta res, hæc uictoria præclara : myoparone piratico capto, dux liberatus : symphoniaci Romam missi : formosi homines, & adolescentes, & artifices, domum abducti : in eorum locum, & ad eorum numerum ciues R. hostilem in modum cruciati, & necati : omnis uestis ablata : omne aurum, & argentum & ablatum, & auersum. At quemadmodum ipse se se induit priore actione? qui tot dies tacuisset, repente in M. Annij, hominis splendidissimi, testimonio, cum in ciues R. dixisset, & archipiratam negasset securi esse percussum, exiuit, conscientia sceleris, & furore ex maleficijs concepto excitatus : dixit se, quod sciret sibi crimini datum iri, pecuniam accepisse, neque de uero archipirata sumpsisse supplicium, ideo securi non percussisse : domi esse apud sese archipiratas dixit duos. O clementiam populi R. seu
potius

potius patientiam miram, ac singularem. ciuem R. securi esse percussum, Annius eques R. dicit: taces. archipiratam negat: fateris. fit in eo gemitus omniū, & clamor, cum tamen a presenti supplicio tuo se continuit populus R. & repressit, & salutis tuæ rationem iudicum seueritati reseruauit. Qui sciebas tibi crimini datum iri? quamobrem sciebas? quamobrem etiam suspicabare? inimicum habebas neminem. si haberes, tamen non ita uixeras, ut metum iudicij propositum habere deberes. ante, id quod fieri solet, conscientia timidum, suspiciosumq. faciebat? qui igitur, cum esses in imperio, iam tum iudicium, & crimen horrebas; reus, cum tot testibus coarguare, potes de damnatione dubitare? Verum si crimen hoc metuebas, ne quis abs te suppositum esse diceret, qui pro archipirata securi feriretur: utrum tandem tibi ad defensionem firmitus fore putasti, in iudicio coactu, atque esflagitatu meo, producere ad ignotos, tanto post, eum, quem archipiratam esse diceres, an recentire, Syracusis apud notos, inspectante Sicilia pene tota, securi ferire? uide, quid intersit, utrum faciendum fuerit. in illo reprehensio nulla esse potuit: hic defensio nulla est. itaque illud semper omnes fecerunt: hoc quis ante te, quis præter te fecerit, quæro. Piratam uiuum tenuisti: quem ad finem? dum cum imperio fuisti: quamobrem? quam ob causam? quo exemplo? cur tam diu? cur, inquam, ciuibus R. quos piratæ ceperant, securi statim percussis, ipsis piratis lucis usuram tam diuturnam dedisti? Verum esto: sit

sit tibi illud liberum omne tempus, quod cum impe-
 rio fuisti: etiam ne priuatus? etiam ne reus? etiam
 ne pæne damnatus hostium duces: priuata in domo
 retinuisti? unum, alterum mensem, prope annum
 denique domi tuæ piratæ, a quo tempore capti sunt,
 quoad per me licitum est, fuerunt, hoc est quoad per
 M. Acilium Glabrionem licitum est; qui, postulan-
 te me, produci, atque in carcerem condi imperauit.
 quod est huiusce rei ius? quæ cōsuetudo? quod exem-
 plum? hostem acerrimum, atque infestissimum populi
 R. seu potius cōmunem hostem gentium, nationumq.
 omnium quisquam omniū mortalium, priuatus, intra
 mœnia, domi suæ, retinere poterit? Quid, si pridie,
 quàm a me tu coactus es cōfiteri; ciuibus R. securi per-
 cussis, prædonum ducem uiuere, apud te habitare; si,
 inquam, pridie domo tua profugisset; si aliquam ma-
 num contra populum R. facere potuisset; quid dice-
 res? apud me habitauit: mecum fuit: ego illum ad iu-
 diciū meum, quo facilius crimen inimicorum dilue-
 re possem, uiuum, atque incolumem reſeruauī. Ita ne
 uero? tu tua pericula communi periculo defendes? tu
 supplicia, quæ debentur hostibus uictis, ad tuum, non
 ad populi R. tempus conferes? populi R. hostis priua-
 tis custodijs asseruabitur? at etiam qui triumphant,
 eoq. diutius uiuos hostium duces seruant, ut, his per
 triumphum ductis, pulcherrimum spectaculum, fru-
 etumq. uictoriæ populus R. perspicere possit; ta-
 men, cum de foro in Capitolinū currum flectere inci-
 piunt, illos duci in carcerem iubent; idemq. dies &

ACTIONIS VI.

uictoribus imperij, et uictis uitæ finem facit. Est nūc, credo, cuiquam dubium, quin tu id commissurus non fueris; præsertim cum statuisses, ut ais, tibi causam esse dicendam; ut ille archipirata non potius securi feriretur, quàm, quod erat ante oculos positum, tuo periculo uiueret. si enim esset mortuus; tu, qui crimen ais te metuisse, quæro, cui probares? cum constaret istum Syracusis ab nullo uisum esse archipiratam, ab omnibus desideratum; cum dubitaret nemo, quin abs te pecunia liberatus esset; cum uulgo loquerentur, suppositum in eius locum, quem pro illo probare uelles; cum tute fassus esses, te id crimen tanto ante metuisse: si eum diceres esse mortuum, quis te audiret? nunc cum uiuum istum nescio quem produces, tamen ne id credi uoles? quid, si aufugisset, si uincla rupisset, ita ut Nico ille nobilissimus pirata fugit, quem P. Seruilius, qua felicitate ceperat, eadem recuperauit; quid diceres? Verum hoc erat: si ille semel uerus archipirata securi percussus esset, pecuniam illam nō haberes: si hic falsus esset mortuus, aut profugisset, non esset difficile alium in suppositi locum supponere. Plura dixi, quàm uolui, de illo archipirata: & tamen ea, quæ certissima sunt huius criminis argumenta, prætermisi. si uolo enim mihi totum esse crimen hoc integrum. est certus locus, certa lex, certum tribunal, quò hoc reseruetur. Hac tanta præda auctus, mancipijs, argento, ueste locupletatus, nihilo diligentior ad classem ornandam, milites reuocandos, alendosque esse

esse cœpit; cum ea res non solum provinciæ salutis, ue-
rum etiam ipsi prædæ esse posset. nam æstate summa,
quo tempore ceteri prætores obire provinciam, et con-
cursare consueverunt, aut etiam in tanto prædonum
metu, & periculo ipsi nauigare, eo tempore ad luxu-
riam, libidinesq. suas domo sua regia, quæ regis Hie-
ronis fuit, qua prætores uti solent, cõtentus non fuit:
tabernacula, quemadmodum consueuerat tempori-
bus æstiuis, quod antea iam demonstravi, carbaseis
intenta uelis collocari iussit in litore: quod est litus
in insula Syracusis post Arethusæ fontem, propter
ipsum introitum atque ostium portus, amœno sane,
& ab arbitris remoto loco. hic dies æstiuos sexagin-
ta prætor populi R. custos, defensorq. provinciæ sic
uixit, ut muliebria quotidie conuiuia essent, uir ac-
cumberet nemo, præter ipsum, et prætextatum filiũ.
tametsi recte sine exceptione dixeram, uirum, cum
isti essent, neminem fuisse. non nunquam etiam liber-
tus Timarchides adhibebatur: mulieres autem nu-
ptæ nobiles, præter unam mimi Isidori filiam, quam
iste, propter amorem, ab Rhodio tibicine abduxe-
rat; Pippa quædam, uxor Aeschryonis Syracusani:
de qua muliere plurimi uersus, qui in istius cupidita-
tem facti sunt, tota Sicilia percelebrantur. erat Ni-
ce, facie eximia, ut prædicatur, uxor Cleomenis Sy-
racusani. hanc Cleomenes uir amabat, ueruntamen
huius libidini aduersari nec poterat, nec audebat: &
simul ab isto donis, beneficijsq. plurimis deuincieba-
tur. illo autem tempore iste, tametsi ea est hominis

ACTIONIS VI.

impudentia, quam nostis, ipse tamen, cum uir esset
Syraculis, uxorem eius parum poterat animo soluto,
ac libero, tot in acta noctes ac dies secum habere. ita
que excogitat rem singularem. naues, quibus lega-
tus praesuerat, Cleomeni tradit: classi populi R. Cleo-
menem Syracusanum praesse iubet, atque imperat.
hoc eo facit, ut ille non solum abesset a decimo, tum
cum nauigaret; sed etiam libenter cum magno hono-
re, beneficioq. abesset; ipse autem, remoto, atque
ablegato uiro, non liberius, quam ante, (quis e-
nim unquam istius libidini obstitit?) sed paullo solu-
tiore tamen animo secum illam haberet, si non tan-
quam uirum, at tanquam amulum remouisset. Ac-
cipit nauem sociorum, atque amicorum Cleomenes
Syracusanus. quid primum aut accusem, aut que-
rar, iudices? Siculo ne homini legati, quaestoris,
pratoris denique potestatem, honorem, auctorita-
tem dari? si te impediabat ista conuiuiorum, mulie-
rumq. occupatio; ubi quaestores? ubi legati? ubi ter-
nis denarijs aestimatum frumentum? ubi muli? ubi
tabernacula? ubi tot, tantaq. ornamenta magistra-
tibus, & legatis a senatu, populoq. R. permissa, et
data? denique ubi praefecti, & tribuni tui? si cuius
R. dignus isto negotio nemo fuit; quid ciuitates, quae
in amicitia, fideq. populi R. perpetuo manserant?
ubi Segestana; ubi Centuripina ciuitas? quae tum
officijs, fide, uetustate, tum etiam cognatione po-
puli R. nomen attingunt. O diu immortales, quid,
si harum ipsarum ciuitatum militibus, nauibus,
manar-

nauarchis Syracusanus Cleomenes iussus est imperare? non omnis honos ab isto dignitatis, æquitatis, officij sublatus est? Ecquod in Sicilia bellum gessimus, quin Centuripinis socijs, Syracusanis hostibus uteremur? atque hæc omnia ad memoriam uetustatis, non ad contumeliã ciuitatis referri uolo. itaque ille, uir clarissimus, summusq. imperator, M. Marcellus, cuius uirtute captæ, misericordia conseruatæ sunt Syracusæ, habitare in ea parte urbis, quæ insula est, Syracusanum neminem uoluit. hodie, inquã, Syracusanum in ea parte habitare non licet. est enim locus, quem uel pauci possunt defendere. committere igitur eum non fidelissimis hominibus noluit; simul quod ab illa parte urbis nauibus aditus ex alto est. quamobrem qui nostros exercitus æpe excluderant, ijs claustra loci committenda non existimauit. Vide, quid intersit inter tuam libidinem, maiorumq. auctoritatem; inter amorem, furoremq. tuum, & illorum consilium, atque prudentiam. illi aditum littoris Syracusanis ademerunt: tu maritimum imperium concessisti. illi habitare in eo loco Syracusanum, quò naues accedere possent, noluerunt: tu classi; & nauibus Syracusanum præesse uoluisti. quibus illi urbis suæ partem ademerunt, ijs tu nostri imperij partem dedisti: & quorum sociorum opera Syracusani nobis dicto audientes sunt, eos Syracusanis dicto audientes esse iussisti. Egreditur Centuripina quadriremi Cleomenes e portu: sequitur Segestana nauis Tyndaritana, Herbitensis, Heracliensis,

ACTIONIS VI.

cliensis, Apolloniensis, Haluntina, præclara classis in speciem, sed inops, et infirma propter dimissionem propugnatorum, atque remigum. tam diu in imperio suo classem iste prætor diligens uidit, quam diu conuiuium eius flagitiosissimum præterueta est. ipse autem, qui uisus multis diebus non esset, tum se tamen in conspectum nautis paullisper dedit. Stetit soleatus prætor populi R. cum pallio purpureo, tunicaque. talarum, muliercula nixus, in litore. iam hoc ipso istum uestitu Siculi, ciuesque R. permulti sæpe uiderunt. postea quam paullum proueta classis est, et Pachynum quinto die denique appulsa est; nautæ fame coacti, radices palmarum agrestium, quarum erat in illis locis, sicut in magna parte Sicilia, multitud, colligebant, et his miseri, perditique. alebantur. Cleomenes autem, qui alterum se Verrem cum luxuria, atque nequitia, tum etiam imperio putaret, similiter totos dies, in litore tabernaculo posito, perpotabat. ecce autem repente, ebrio Cleomene, esurientibus ceteris, nunciatur piratarum naues esse in portu Edissæ. nam ita is locus nominatur. nostra autem classis erat in portu Pachyni. Cleomenes autem, quod ibi erat terrestre præsidium non re, sed nomine, sperabat ijs militibus, quos ex eo loco deduxisset, explere se numerum nautarum, et remigum posse. reperta est eadem istius hominis auarissimi ratio in præsidijs, quæ in classibus. nam erant perpauci reliqui, ceterique dimissi. princeps Cleomenes in quadriremi Centuripina malum erigi, uela fieri, præcidi anchoras impera-

imperavit : & simul, ut se ceteri sequerentur, signū
 dari iussit. hæc Centurpina navis erat incredibili cele-
 ritate velis : nam scire isto prætore nemo poterat,
 quid quæque navis remis facere posset : etsi in hac
 quadriremi propter honorem, & gratiam Cleome-
 nis, minime multi remiges, & milites deerant. euo-
 larat iam e conspectu fere fugiens quadriremis, cum
 etiam tunc ceteræ naues suo in loco moliebātur. erat
 animus in reliquis : quanquam erant pauci, quoquo
 modo sese res habebat, pugnare tamen se uelle clama-
 bant; & quod reliquum uitæ, uiriumq. fames fece-
 rat, id ferro potissimum reddere uolebāt. quoddam si Cleo-
 menes non tanto ante fugisset, aliqua tamen ad resi-
 stendum ratio fuisset. erat enim sola illa navis con-
 strata, & ita magna, ut propugnaculo ceteris posset
 esse : quæ, si in prædonum pugna uersaretur, urbis in-
 star habere inter illos piraticos myoparones uidere-
 tur. sed tunc inopes relictī a duce, præfectoq. classis,
 eundem necessario cursum tenere cœperunt. Pelorum
 uersus, ut ipse Cleomenes, ita ceteri nauigabant. ne-
 que ita tamen tam prædonum fugiebant impetum,
 quàm imperatorem sequebantur. tum ut quisque in
 fuga postremus, ita in periculo princeps erat. po-
 stremam enim quanque nauem piratæ primam ado-
 riebantur. ita prima Haluntinorum navis capitur :
 cui præerat Haluntinus, homo nobilis, Philarchus,
 quem ab illis prædonibus Locrenses postea publice
 redemerunt : ex quo uos priore actione iurato rem
 omnem, causamq. cognostis. deinde Apolloniensis

ACTIONIS VI.

navis capitur, & eius præfectus Anthropinus occi-
ditur. hæc dum aguntur, interea Cleomenes iam
ad Pelori litus peruenerat, iam sese in terram e naui
eiecerat, quadrirememq. in salo fluctuantem relinque-
rat. reliqui præfecti navium, cum in terram impera-
tor exisset, cum ipsi neque repugnare, neque mari
effugere ullo modo possent, appulsis ad Pelorum naui-
bus Cleomenem persecuti sunt. tunc prædonum dux
Heracleo, repente, præter spem, non sua uirtute, sed
istius auaritia, nequitiaq. uictor, classem pulcherri-
mam populi R. in litus expulsam, & eiectam, cum
primum aduersperasceret, inflammari, incendiq. ius-
sit. O tempus miserum, atque acerbum prouinciæ Si-
ciliæ: o casum illum multis innocentibus calamito-
sum, atque funestum: o istius nequitiam, ac turpitudi-
nem singularem. una atque eadem nox erat, qua præ-
tor amoris turpissimi flamma, ac classis populi R. præ-
donum incendio conflagrabat. Affertur nocte intem-
pesta grauis huiusce mali nuncius Syracusas: curri-
tur ad prætorium, quò istum e conuiuio illo præcla-
ro reduxerant paullo ante mulieres cum cantu, atque
symphonia. Cleomenes, quanquam nox erat, tamen
in publico esse non audet: includit se domi: neque a-
derat uxor, quæ consolari hominem in malis posset.
huius autem præclari imperatoris ita erat seuera do-
mi disciplina, ut, in re tanta, in tam graui nuncio,
nemo admitteretur, nemo, esset, qui auderet aut
dormientem excitare, aut interpellare uigilantem.
iam uero, re ab omnibus cognita, concursabat ur-
be tota

*be tota maxima multitudo . non enim , sicut ante
 consueto erat , prædonum aduentum significabat
 ignis e specula sublatus , aut tumultu ; sed flamma
 ex ipso incendio nauium & calamitatem acceptam ,
 & periculum reliquum nunciabat . cum prætor
 quæreretur , & constaret ei neminem nunciasse ;
 fit ad domum eius cum clamore concursus , atque
 impetus . tum iste excitatus exit : audit rem omnem
 ex Timarchide : sagum sumit . lucebat iam fere :
 procedit in medium , uini , somni , stupri plenus .
 excipitur ab omnibus eiusmodi clamore , ut ei
 Lampfaceni periculi similitudo uersaretur ante
 oculos . hoc etiam maius hoc uidebatur , quod in
 odio simili multitudo hominum hæc erat maxima .
 tum istius acta commemorabantur , tum flagitiosa
 illa conuiuia : tum appellabantur a multitudine
 mulieres nominatim : tum quærebatur ex ipso
 palam , tot dies continuos , per quos nunquam
 uisus esset , ubi fuisset ? quid egisset ? tum
 imperator ab isto præpositus Cleomenes flagitabatur :
 neque quidquam propius est factum , quam ut illud
 Vticense exemplum de Adriano transferretur
 Syracusas , ut duo sepulcra duorum prætorum
 improborum , duabusque in prouincijs constituerentur .
 uerum habita est a multitudine ratio temporis ,
 habita est tumultus , habita etiam dignitatis ,
 existimationisque communis ; quod is est
 conuentus Syracusis ciuium R. ut non modo
 illa prouincia , uerum etiam hac rep. dignissimus
 existimetur . confirmant ipsi se , cum*

is

ACTIONIS VI.

is etiam tum semisomnis stuperet : arma capiunt : totum forum, atque insulam, quæ est urbis magna pars, complent. unam illam solam noctem prædones ad Pelorum commorati, cum fumantes etiam nostras naues reliquissent, accedere incipiunt ad Syracusas. qui uidelicet sæpe audissent, nihil esse pulchrius, quam Syracusarum mœnia, ac portus; statuerant sese, si ea Verre prætore non uidissent, nunquam esse uisuros. ac primo ad illa æstua prætoris accedunt, ipsam illam ad partem litoris, ubi iste per eos dies, tabernaculis positis, castra luxuriæ collocarat. quem postea quàm inanem locum offenderunt, & prætorem commouisse ex eo loco castra senserunt; statim sine ullo metu in portum ipsum penetrare cœperunt. cum in portum d. co, iudices, (explanandum est enim diligentius eorum causa, qui locum ignorant) in urbem dico, atque in urbis intimam partem uenisse piratas. non enim portu illud oppidum clauditur, sed urbe portus ipse cingitur, & concluditur; non ut alluantur a mari mœnia extrema, sed influat in urbis sinum portus. Hic te prætore Heracleo archipirata cum quatuor myoparonibus paruis ad arbitrium suum nauigauit. Pro dij immortales, piraticus myoparo, cum imperium populi R. nomen, ac fascēs essent Syracusis, usque ad forum, & ad omnes urbis crepidines accessit: quò neque Carthaginensium gloriosissimæ classes, cum mari plurimum poterant, multis bellis sæpe conatæ, unquam aspirare potuerunt; neque populi R. inuicta ante te prætorem gloria illa naualis, unquam

tot

tot Punicis, Siciliensibusq. bellis penetrare potuit: qui locus eiusmodi est, ut ante Syracusani in mœnibus suis, in urbe, in foro hostem armatum, ac uictorem, quàm in portu ullam hostium nauem uiderent. hic te prætor prædonum nauiculæ peruagatæ sunt, quò Atheniensium classis sola post hominū memoriā CCC nauibus ui, ac multitudine inuasit: quæ in eo ipso portu, loci ipsius, portusq. natura uicta, atque superata est. hic primum opes illius ciuitatis uictæ, comminutæ, depressæq. sunt: in hoc portu Atheniensium nobilitatis, imperij, gloriæ naufragium factum existimatur. eò ne pirata penetravit, quò simul atque adisset, non modo a latere, sed etiam a tergo magnam partem urbis relinqueret? Insulam totam præteruectus est: quæ est urbis magna pars Syracusis suo nomine, ac mœnibus: quo in loco maiores, ut ante dixi, Syracusanum quenquam habitare uetuerunt, quòd, qui illam partem urbis tenerent, in eorum potestatem portum futurum intelligebant. at quemadmodum est peruagatus? radices palmarum agrestium, quas in nostris nauibus inuenerat, iaciebat, ut omnes istius improbitatem, & calamitatem Siciliæ possent cognoscere. Siculos ne milites, aratorum ne liberos, quorum patres tantum labore suo frumenti exarabant, ut populo R. toti q. Italiæ suppeditare possent, eos ne, in insula Cereris natos, ubi primum fruges inuentæ esse dicuntur, eo cibo esse usos, a quo maiores eorum ceteros quoque, frugibus inuentis, remouerunt? te prætor Siculi milites palmarum stirpibus, prædones Si-

culo

culo frumento alebantur. O spectaculum miserum, atque acerbum: ludibrio esse urbis gloriam, populi R. nomen; hominum conuentu, atque multitudine, piratico myoparone, in portu Syracusano, de classe populi R. triumphum agere piratam, cum pratoris nequissimi, inertissimiq. oculos prædonum remi respergerent. Postea quàm e portu piratæ, non metu aliquo affecti, sed societate exierant, tum cœperunt quærere homines causam illius tantæ calamitatis: dicere omnes, & palam disputare, minime esse mirandum, si, militibus, remigibusq. dimissis, reliquis egestate, & fame perditis, prætore tot dies cum mulierculis perpotante, tana ignominia, & calamitas esset accepta. hæc autem istius uituperatio, atque infamia confirmabatur eorum sermone, qui a suis ciuitatibus illis nauibus præpositi fuerant: qui ex illo numero reliqui Syracusas, classe amissa, refugerant. dicebant, quos ex sua quisque naui missos sciret esse. res erat clara: neque solum argumentis, sed etiam certis testibus istius audacia tenebatur. homo certior sit, agi nihil in foro, & conuentu, toto die, nisi hoc quæri a nauarchis, quemadmodum classis esset amissa: illos respondere, & docere unumquemque, missione remigum, fame reliquorum, Cleomenis timore, & fuga. quod postea quàm iste cognouit, hanc rationem habere cepit. causam sibi dicendam esse statuerat iam ante, quàm hoc usu ueniret, ita ut ipsum priore actione dicere audistis. uidebat, illis nauarchis testibus, tantum hoc crimen sustinere se nullo modo posse.

s. consilium capit primo stultum, ueruntamen cle-
mens: Cleomenem, & nauarchos ad se uocari iu-
bet: ueniunt. accusat eos, quòd huiusmodi de se ser-
mones habuerint: rogat, ut id facere desistant, &
in sua quisque naui dicat se tantum habuisse nauta-
rum, quantum oportuerit, neque quenquam esse di-
missum. illi enim uero se ostendunt, quod uellet, ef-
se facturos. iste non procrastinat: aduocat amicos
statim: quærit ex his sigillatim, quot quisque nau-
tas habuerit. respondit unusquisque, ut erat præce-
ptum. iste in tabellas refert: obsignat signis amico-
rum prouidens homo, ut contra hoc crimen, si quan-
do opus esset, hac uidelicet testificatione uteretur.
Derisum credo esse hominem amentem a suis consilia-
rijs, & admonitum, hasce ei tabulas nihil profutu-
ras, etiam plus ex nimia prætoris diligentia suspicio-
nis in eo crimine futurum. iam iste erat hac stultitiâ
multis in rebus usus, ut publica quoque, quæ uellet,
in ciuitatum litteris & tolli, & referri iuberet. quæ
omnia nunc intelligit sibi nihil prodesse, postea quàm
certis litteris, testibus, auctoritatibusq. conuinci-
tur. Vbi hoc uidet, illorum confessionem, testifica-
tionem suam, tabellas sibi nullo adiuumento futuras;
init consilium, non improbi prætoris, (nam id qui-
dem esset ferendum) sed importuni, atque amentis
tyranni: statuit, si hoc crimen extenuare uellet,
(nam omnino tolli posse non arbitrabatur) nauar-
chos omnes testes sui sceleris uita esse priuandos. oc-
currebat illa ratio: quid Cleomeni fiet? potero ne
animaduer-

ACTIONIS VI.

animaduertere in eos, quos dicto audientes esse iussit;
missum facere eum, cui imperium, potestatemq. per-
misi? potero ne eos afficere supplicio, qui Cleomenem
secuti sunt; ignoscere Cleomeni, qui secum fugere, &
se consequi iussit? potero ne in eos esse uehemens, qui
naues inanes non modo habuerunt, sed etiam aper-
tas; in eum dissolutus, qui solus habuerit constratam
nauem, & minus exinanitam? pereat Cleomenes
una: ubi fides? ubi execrationes? ubi dextra, com-
plexusq.? ubi illud contubernium muliebris militiae
in illo delicatissimo litore? fieri nullo modo poterat,
quin Cleomeni parceretur. Cleomenem uocat: dicit
ei, se statuisse animaduertere in omnes nauarchos: ita
sui periculi rationes ferre, ac postulare. tibi uni par-
cam; & totius istius culpae crimē, uituperationemq.
inconstantiae potius suscipiam, quam aut in te sim cru-
delis, aut tot, tam graues testes uiuos, incolumesq.
esse patiar. agit gratias Cleomenes: approbat con-
siliū: dicit, ita fieri oportere: admonet tamen illud,
quod istum fugerat, in Phalargum Centuripinum na-
uarchum non posse animaduerti, propterea quod se
cum fuisset una in Centuripina quadriremi. quid er-
go? iste, homo ex eiusmodi ciuitate, adolescens no-
bilissimus, testis relinquetur? in praesentia, inquit
Cleomenes: quoniam ita necesse est: sed post aliquid
uidebimus, ne iste nobis obstare possit. Hæc postea
quàm acta, & constituta sunt, procedit iste repente e
prætorio, inflammatus scelere, furore, crudelitate: in
foram uenit: nauarchos uocari iubet. qui nihil me-
tuerent,

tuerent, nihil suspicarentur, statim accurrunt. iste hominibus miseris, innocentibusq. iniici catenas imperat. implorare illi fidem populi R. &, quare id faceret, rogare. tunc iste hoc causæ dicit, quod classem prædonibus prodidissent. fit clamor, & admiratio populi, tantam esse in homine impudentiam, atque audaciam, ut aut alijs causam calamitatis attribueret, quæ omnis propter auaritiam ipsius accidisset; aut, cum ipse prædonum socius putaretur, alijs proditionis crimen inferret: deinde, hoc quindecimo die crimen esse natum, postquam classis esset amissa. cum hæc fierent; quærebatur, ubi esset Cleomenes: nõ quo illum ipsum, cuiusmodi esset, quisquam supplicio propter illud incommodum dignum putaret. nam quid Cleomenes facere potuit, (non enim possum quenquam insimulare falso) quid, inquam, magnopere potuit Cleomenes facere, istius auaritia nauibus exinanitis? atque eum uident sedere ad latus prætoris, & ad aurem familiariter, ut solitus erat, insusurrare. tum uero omnibus indignissimum uisum est, homines honestissimos, electos ex suis ciuitatibus, in ferrum, atque in uincla coniectos, Cleomenem propter flagitiorum, ac turpitudinis societatem familiarissimum esse prætoris. apponitur his tamen accusator Næuius Turpio quidam, qui C. Sacerdote prætore iniuriarum damnatus est, homo bene appositus ad istius audaciam: quem iste in decumis, in rebus capitalibus, in omni calumnia præcursores habere solebat, & emissarium. Veniunt Syracusas parentes, propinquiq.

ACTIONIS VI.

quiq. miserorum adolescentium, hoc repentino calamitatis suae commoti nuncio: uinctos adspiciunt catenis liberos suos; cum istius auaritiæ pœnam collo, et ceruicibus suis sustinerent: adsunt, defendunt, proclamant: fidem tuam, quæ nusquam erat, nec unquam fuit, implorant. pater aderat Dexio Tyndaritanus, homo nobilissimus, hospes tuus, cuius tu domi fueras, quem hospitem appellaras. eum cum illa auctoritate, & miseria uideres præditum, non te eius lacrymæ, non senectus, non hospitij ius, atque nomen a scelere aliquam ad partem humanitatis reuocare potuit. Sed quid ego hospitij iura in hac tam immani bellua commemoro? qui Sthenium Thermanum, hospitem suum, cuius domum per hospitium exhausit, & exinaniuit, absentem in reos retulerit, causa indi Et a capite damnarit; ab eo nunc hospitiorum iura, atque officia quæramus? cum homine enim crudeli nobis res est, an cum fera, atque immani bellua? Te patris lacrymæ de innocentis filij periculo non mouebant? cum patrem domi reliquisses, filium tecum haberes; te neque præsens filius de liberorum caritate, neque absens pater de indulgentia patria commonebat? Catenas habebat hospes tuus. Aristeus, Dexionis filius. quid ita? prodiderat classem. quod ob præmium? deseruerat exercitum. quid Cleomenes? ignarus fuerat: at eum tu ob uirtutem corona aurea donaras. dimiserat nautas: at ab omnibus tu mercedem missionis acceperas. Alter parens ex altera parte erat Herbitensis Ebulida, homo domi suæ clarus,

&

& nobilis: qui, quia Cleomenem in defendendo filio
 læserat, nudus pæne est destitutus. quid erat autem,
 quod quisquam diceret, aut defenderet? Cleomenem
 nominare non licet. at causa cogit. moriere, si ap-
 pellaris. nunquam enim iste est cuiquam mediocriter
 minatus. at remiges non erant. prætorem tu accusas?
 frange ceruicem. si neque prætorem, neque prætoris
 æmulum appellare licebit, cū in his duobus tota caus-
 sa sit; quid futurum est? Dicit etiam causam Hera-
 clius Segeſtanus, homo domi suæ summo loco natus.
 audite, ut uestra humanitas postulat, iudices: audie-
 tis enim de magnis incommodis, iniurijsq. sociorum.
 hunc scitote fuisse Heracliū in ea causa, qui propter
 grauem morbum oculorum tum non nauigari, &
 iussu eius, qui potestatem habuit, cum comœatu Sy-
 racusis remanserit. iste certe neque prodidit classem,
 neque metu perterritus fugit, neque exercitum de-
 seruit. etenim tunc esset hoc animaduersum, cum
 classis Syracusis proficiscebatur. is tamen in eadem
 causa fuit, quasi esset in aliquo manifesto scelere
 deprehensus, in quem ne falſo quidem causa con-
 ferri criminis potuit. Fuit in illis nauarchis Hera-
 cliensis quidam Furius, (nam habent illi non nul-
 la huiuscemodi Latina nomina) homo, quā diu
 uixit, domi suæ, non solum post mortem tota Sicilia,
 clarus, et nobilis. in quo homine tantum animi fuit,
 non solum ut istum libere læderet, (nam id quidem,
 quoniam moriendum uidebat, sine periculo se facere
 intelligebat) uerum, morte proposita, cum lacrymās.

P P in car-

ACTIONIS VI.

in carcere mater noctes diesq. assideret, defensionem
causæ suæ scripsit: quam nunc, nemo est in Sicilia,
quin habeat, quin legat, quin tui sceleris, et crudeli-
tatis ex illa oratione commonefiat. in qua docet, quot
a ciuitate sua nautas acceperit, quot & quanti quen-
que dimiserit, quot secum habuerit: item de ceteris
nauibus dicit. quæ cum apud te diceret, uirgis oculi
uerberabantur: ille, morte proposita, facile dolorem
corporis patiebatur. clamabat, id quod scriptum re-
liquit, facinus esse indignum, plus impudicissimæ mu-
lieris apud te de Cleomenis salute, quam de sua uita
lacrymas matris ualere. deinde etiam illud uideo es-
se dictum, quod, si recte uos populus R. cognouit,
non falso ille iam in ipsa morte de uobis prædicauit:
non posse Verrem testes interficiendo crimina sua
extinguere: grauiorem apud sapientes iudices se
fore ab inferis testem, quam si uiuus in iudicium
produceretur: tum, auaritiæ solum, si uiueret,
nunc, cum ita esset necatus, sceleris, audaciæ,
crudelitatis testem fore: iam illa præclara, non te-
stium modo cateruas, cum tua res ageretur, sed tum
a dijs Manibus innocentium pœnas, sceleratorumq.
furias in tuum iudicium esse uenturas: sese ideo leui-
orem casum suum fingere, quod iam ante aciem secu-
rium tuarum, Sextijq. tui carnificis uultum, & ma-
num uidisset, cum in conuentu ciuium R. iussu tuo se-
curi ciues R. ferirentur. Ne multa, iudices; liberta-
tem quam uos socijs dedistis, hac ille in acerbissimo
supplicio miserrimæ seruitutis abusus est. conde-
mnat

mnat omnes de consilijs sententia : tamen neque iste
 in tantare , tot hominum , totq. ciuium caussa , P.
 Vettium ad se accersit , quaestorem suum , cuius con-
 silio uteretur , neque P. Ceruium , talem uirum , le-
 gatum , qui , quia legatus isto praetore in Sicilia fuit ,
 primus ab isto iudex reiectus est ; sed de latronum ,
 hoc est de comitum suorum sententia condemnat o-
 mnes . hic cuncti Siculi , fidelissimi , atque antiquissi-
 mi socij , plurimis affecti beneficijs a maioribus no-
 stris , grauitur commouentur , & de suis periculis ,
 fortunisque omnibus pertimescunt : illam clementiam ,
 mansuetudinem nostri imperij in tantam crudelita-
 tem , inhumanitatemq. esse conuersam ? condemna-
 ri tot homines uno tempore ullo crimine ? defensio-
 nem suorum furtorum praetorem improbum ex indi-
 gnissima morte innocentium quaerere ? nihil addi-
 iam uidetur , iudices , ad hanc improbitatem , amen-
 tiam , crudelitatemq. posse : & recte nihil uidetur .
 nam si cum aliorum improbitate certet ; longe omnes ,
 multumq. superabit : sed secum ipse certat : id agit ,
 ut semper superius suum facinus nouo scelere uincat .
 Phalargum Centuripinum dixeram exceptum esse a
 Cleomene , quod in eius quadriremi Cleomenes ue-
 ctus esset : tamen , quia pertimuerat adolescens , quod
 eandem suam causam uidebat esse , quam illorum ,
 qui innocentes peribant , ad hominem accedit Ti-
 marchides : a securi negat esse ei periculum : uirgis
 ne caderetur , monet ut caueat . ne multa : ipsum
 dicere adolescentem audiistis , se ob hunc uirgarum

ACTIONIS VI.

metum pecuniam Timarchidi numerasse. Leuia sunt
 hac in hoc reo crimina. metum uirgarum nauarchus
 nobilissimæ ciuitatis pretio redemit: humanū. alius,
 ne condemnaretur, pecuniam dedit: usitatum est.
 non uult populus R. obsoletis criminibus accusari
 Verrem: noua postulat, inaudita desiderat: non de
 pratore Siciliae, sed de crudelissimo tyranno fieri iu-
 dicium arbitratur. Includuntur in carcerem con-
 demnati. supplicium constituitur in illos, sumitur
 de miseris parentibus nauarchorum: prohibentur a-
 dire ad filios suos: prohibentur liberis suis cibum,
 uestitumq. ferre. patres hi, quos uidetis, iacebant in
 limine; matresq. miserae pernoctabant ad ostium car-
 ceris, ab extremo complexu liberum exclusæ: quæ
 nihil aliud orabant, nisi ut filiorum extremum spiri-
 tum ore excipere sibi liceret. aderat ianitor carce-
 ris, carnifex pratoris, mors terrorq. sociorum, &
 ciuium, liCTOR Sextius: cui ex omni gemitu, doloreq.
 certa merces comparabatur. ut adeas, tantum da-
 bis: ut cibum tibi introferre liceat; tantum: nemo
 recusabat. quid, ut uno ictu securis afferam mortem
 filio tuo, quid dabis? ne diu crucietur? ne sæpius fe-
 riatur? ne cum sensu doloris aliquo, aut cruciatu spi-
 ritus auferatur? etiam ob hanc causam pecuniam li-
 CTORI? dabatur, o magnum, atque intolerandum do-
 lorem: o grauem, acerbamq. fortunam. non uitam
 liberum, sed mortis celeritatem pretio redimere co-
 gebantur parentes, atque ipsi etiā adolescentes cum
 Sextio de eadem plaga, & de uno illo ictu loqueban-
 tur:

tur: idq. postremum parentes suos liberi orabant,
 ut, leuandi cruciatus sui gratia, lictori pecunia da-
 retur. multi, & graues dolores inuenti parenti-
 bus, & propinquis, multi: ueruntamen mors sit
 extrema: non erit. est ne aliquid ultra, quò progre-
 di crudelitas possit? reperietur: nam illorum liberi
 cum erunt securi percussi, ac necati, corpora feris
 obijcientur. hoc si luctuosum est parenti, redimat
 pretio sepeliendi potestatem. Onasum Segeſtanum,
 hominem nobilem, dicere audiſtis, se ob sepulturam
 Heraclij nauarchi pecuniam Timarchidi dinumeraf-
 ſe. hoc (ne possis dicere; patres enim ueniunt, amif-
 ſis filiis, irati) uir primarius, homo nobilissimus, di-
 cit, neque de filio dicit. iam hoc, quis tum fuit Sy-
 racuſis, qui non audierit, quin ſciat, has per Ti-
 marchidem pactiones ſepulturæ cum uiuis etiam
 illis eſſe factas? non palam cum Timarchide loque-
 bantur? non omnes omnium propinqui adhibeban-
 tur? non palam uiuorum funera locabantur? Qui-
 bus rebus omnibus actis, atque deciſis, producun-
 tur e carcere, & diligantur ad palium. quis tam
 fuit illo tempore durus, & ferreus, quis tam in-
 humanus, præter unum te, qui non illorum ætate,
 nobilitate, miſeria commoueretur? ecquis fuit, quin
 lacrymaretur? quin ita calamitatem putaret illo-
 rum, ut fortunam tamen non alienam, periculum
 autem commune agi arbitraretur? Feriuntur secu-
 ri. lætaris tu in omnium gemitu, et triumphas: testes
 auaritiæ tuæ gaudes eſſe ſublatoſ. errabas, Verres,

ACTIONIS VI.

& uehementer errabas, cum te maculas furtorum,
 & flagitiorum tuorum, sociorum innocentium san-
 guine eluere arbitrabare: præceptis amentia fereba-
 re, qui te existimares auaritiæ uulnera crudelitatis
 remedijs posse sanare. etenim, quanquam illi sunt
 mortui, sceleris tui testes; tamen eorum propinqui
 neque tibi, neque illis desunt; tamen ex illo ipso nu-
 mero nauarchorum aliqui uiuunt, & adsunt; quos,
 ut mihi uidetur, ab illorum innocentium pœna fortu-
 na ad hanc causam reseruauit. adest Philarchus Ha-
 luntinus: qui, quia cum Cleomene non fugit, oppres-
 sus a prædonibus, & captus est: cui calamitas salu-
 ti fuit: qui nisi captus a piratis esset, in hunc prædo-
 nem sociorum incidisset. dicet is pro testimonio de-
 missionis nautarum, de fame, de Cleomenis fuga. a-
 dest Centuripinus Phalarus, in amplissima ciuita-
 te amplissimo loco natus: eadem dicit: nulla in re di-
 screpat. Per deos immortales, iudices, quo tandem
 animo feretis? aut hæc quemadmodum auditis? u-
 trum ego desipio, & plus, quàm satis est, doleo in tan-
 ta calamitate, miseriâq. sociorum; an uos quoque
 hic acerbissimus innocentium cruciatus, & maior pa-
 ri sensu doloris afficit? ego enim cum Herbitensem,
 cum Heracliensem securi esse percussim dico, uersa-
 tur mihi ante oculos indignitas calamitatis. eorum
 ne populorum ciues, eorum ne agrorum colonos, ex
 quibus maxima uis frumenti quotannis plebi Roma-
 næ illorum operis, ac laboribus quæritur, qui a pa-
 rentibus spe nostri imperij, nostræq. æquitatis susce-
 pti,

scepti, educatiq. sunt, ad C. Verris nefariam immani-
tatem, & ad eius securem funestam esse seruatos? Cui
mihi Tyndaritani illius uenit in mentem, cum Sege-
stani, tum iura simul ciuitatum, atque officia conside-
ro. quas urbes P. Africanus etiam ornandas esse spo-
lijs hostium arbitratus est, eas C. Verres non solum
illis ornamentis, sed etiam uiris nobilissimis nefario
scelere priuauit. en quod Tyndaritani libenter prae-
dicent. nos in septemdecim populis Siciliae non eramus:
nos semper in omnibus Punicis, Siciliensibusq. bellis
amicitiam fidemq. populi R. secuti sumus: a nobis
omnia populo R. semper & belli adiumenta, & pa-
cis ornamenta administrata sunt. Multum uero hac
his iura profuerunt in istius imperio, ac potestate. Ve-
stros quondam nautas contra Carthaginem Scipio du-
xit. at nunc naues contra praedones paene inanes Cleo-
menes ducit. Vobiscum Africanus hostium spolia,
& praemia laudis communicauit. at nunc per me spo-
liati, naue a praedonibus abducta, ipsi in hostium nu-
mero, locoq. ducemini. Quid uero illa Segestanorum
non solum litteris tradita, neque commemorata uer-
bis, sed multis officijs illorum usurpata & compro-
bata cognatio, quos tandem fructus huiusce necessi-
tudinis in istius imperio tulit? nempe hoc fuit iure,
iudices, ut ex sinu patris nobilissimus adolescens, &
e complexu matris ereptus innocens filius istius car-
nifici Sextio dederetur. cui ciuitati maiores nostri
maximos agros, atque optimos concesserunt, quam
immunem esse uoluerunt; hac, tanta apud te cognati-

tionis, fidelitatis, uetustatis auctoritate, ne hoc quidem iuris obtinuit, ut unius honestissimi, atque innocentissimi ciuis mortem, & sanguinem deprecaretur. Quo confugient socij? quem implorabunt? quasse denique, ut uiuere uelint, tenebuntur, si uos eos deseritis? ad senatum deuenient, qui de Verre supplicium sumat? non est usitatum, non senatorium. ad populum R. confugient? facilior est caussa populi: legem enim se sociorum caussa iussisse, & ei legi uos custodes ac iudices preposuisse dicet. hic locus est igitur unus, quò perfugiet; hic portus, hæc arx, hæc ara sociorum: quo quidem nunc non ita confugiunt, ut antea in suis repetendis rebus solebant: non argentum, non aurum, non uestem, non mancipia repetunt, nò ornamenta, quæ ex urbibus, fanisq. erepta sunt: metunt homines imperiti, ne iam hæc populus R. concedat, & iam fieri uelit. patimur enim iam multos annos, & silemus, cum uideamus ad paucos homines omnes omnium nationum pecunias peruenisse. quod eo magis ferre æquo animo, atque concedere uidemur, quia nemo istorum dissimulat, nemo laborat, ut obscura sua cupiditas esse uideatur. in urbe nostra pulcherrima, atque ornatissima quod signum, quæ tabula picta est, quæ non ab hostibus uictis capta, atque apportata sit? at istorum uillæ sociorum fidelissimorum et plurimis, & pulcherrimis spolijs ornatæ, refertæq. sunt. ubi pecunias exterarum nationum esse arbitramini, quibus nunc omnes egent, cum Athenas, Pergamum, Cyzicum, Miletum, Chion, Samon

Samon, totam denique *Asiam*, *Achaiam*, *Græciam*,
Siciliam iam in paucis uillis inclusas esse uidetis? sed
 hæc, ut dico, omnia iam socij uestri relinquunt, & ne-
 gligunt, iudices: ne publice a populo R. spoliarentur,
 officijs, ac fide prouiderunt. paucorum cupiditati, tum
 cum obsistere non poterant, tamen sufficere aliquo mo-
 do poterant: nunc uero iam adempta est non modo re-
 sistendi, uerum etiam suppeditandi facultas: itaque
 res suas negligunt: pecunias, quo nomine iudicium
 hoc appellatur, non repetunt, relinquunt, & negli-
 gunt: hoc iam ornatu ad uos confugiunt. aspici-
 te, iudices, squalorem, sordesq. sociorū. Est *Sthe-
 nius* hic *Thermitanus*, cum hoc capillo, atque ueste:
 domo sua tota expilata, mentionem tuorum furtorū
 non facit: se se ipsum abs te repetit, nihil amplius. to-
 tum enim tua libidine, et scelere ex sua patria, in qua
 multis uirtutibus et beneficijs princeps floruit, sustu-
 listi. *Dexio* hic, quem uidetis, non quæ publice *Tyn-
 dari*, non quæ priuatim sibi eripuisti, sed unicum mi-
 ser abs te filium optimum, atque innocentissimum fla-
 gitat. nō ex litibus æstimatis tuis pecuniam domum,
 sed ex tua calamitate cineri atque ossibus filij sui sola-
 tium uult aliquod reportare. Hic iam grandis natu
Ebulida hoc tātum, exacta ætate, laboris, itinerisq.
 suscepit, non ut aliquid ex suis bonis recuperaret, sed
 ut quibus oculis cruentas ceruices filij sui uiderat,
 iisdem te condemnatum uideret. Si per *L. Metellum*
 licitum esset, iudices, matres illorū, uxores, sororesq.
 ueniebant. quarum una, cum ego ad *Heracliam* no-

Et

Etu accederem, cum omnibus matronis eius ciuitatis,
 & cum multis facibus mihi obuiam uenit; et ita, me
 suam salutem appellans, te suum carnificem nominans,
 filij nomen implorans, mihi ad pedes misera iacuit,
 quasi ego excitare filium eius ab inferis possem. facie
 bant hoc idem in ceteris ciuitatibus grandes natu ma-
 tres, & idem paruuli liberi miserorum: quorum utro-
 runque ætas laborem, & industriam meam, fidem,
 & misericordiam uestram requirebat. itaque ad me,
 iudices, præter ceteras, hanc querimoniam Sicilia de-
 tulit lacrymis. ego ad hoc non gloria inductus acces-
 si, sed ne falsa damnatio, ne carcer, ne catenæ, ne uer-
 bera, ne secures, ne cruciatus sociorum, ne sanguis
 innocentium, ne denique etiam exanguium corpora
 mortuorum, ne mærorum parentum, ac propinquorum
 magistratibus nostris quæstui posset esse. hunc ego si
 metum Siciliæ, damnatione istius, per uestram fidem,
 & seueritatem deiecero, iudices; satis officio meo, sa-
 tis illorum uoluntati, qui a me hoc petiuerunt, factum
 esse arbitrabor. Quapropter si quem forte inueneris,
 qui hoc nauale crimen conetur defendere; is ita de-
 fendat, illa communia, quæ ad causam nihil perti-
 nent, prætermittat: me culpam fortunæ assignare, ca-
 lamitatem crimini dare, me amissionem classis obijce-
 re, cum multi uiri fortes, in communi, incertoq. pe-
 riculo belli, & terra, & mari sæpe offenderint. nul-
 lam tibi obijcio fortunam: nihil est, quod ceterorum
 res minus commode gestas proferas: nihil est, quod
 multorum naufragia fortunæ colligas. ego naues ina-
 nes

pes fuisse dico : remiges , nautasq. dimissos : reliquos
 stirpibus uixisse palmarum : præsuisse classi populi R.
 Siculum , perpetuo socijs , atque amicis Syracusanum : *
 te illo tempore ipso , superioribusq. diebus omnibus
 in litore cum mulierculis perpotasse dico : harum re-
 rum omnium auctores , testesq. produco . num tibi in-
 sultare in calamitate , num intercludere perfugium
 fortunæ , num casus bellicos exprobrare , aut obijcere
 uideor ? tametsi solent ij fortunam sibi obijci nolle , qui
 se fortunæ commiserunt , qui in eius periculis sunt , ac
 uarietate uersati . istius quidem calamitatis tuæ for-
 tuna particeps non fuit . homines enim in prælijs , non
 in conuiuijs , belli fortunam tentare , ac periclitari so-
 lent : in illa autem calamitate non Martem fuisse com-
 munem , sed Venerem , possumus dicere . quod si fortu-
 nam tibi obijci non oportet ; cur tu fortunæ illorum
 innocentium ueniam , ac locum non dedisti ? Etiam il-
 lud prædices licet ; quod supplicium more maiorum
 sumpseris , securiq. percusseris , iccirco a me in cri-
 men , et inuidiam uocari . non in supplicio crimen meū
 uertitur : non ego securi nego quenquam feriri debe-
 re : non ego metum ex re militari , non securitatem
 imperij , non pœnam flagitij tolli dico oportere : fa-
 teor , non modo in socios , sed etiam in ciues , militesq.
 nostros persæpe esse seuerè , ac uehementer uindicatū .
 quare hæc quoque prætermittas licet . ego culpam
 non in nauarchis , sed in te fuisse demonstro : pretio mi-
 lites , remigesq. dimisisse arguo . hoc nauarchi reli-
 qui dicunt : hoc Netinorum fœderata ciuitas publice
 dicit :

SECTIONIS VI.

dicit : hoc Herbitenses, hoc Amestratini, hoc Eumen-
ses, hoc Agyrinenses, Tyndaritani, Locrenses publi-
ce dicunt : tuus denique testis, tuus imperator, tuus
hospes Cleomenes hoc dicit, sese in terram esse egres-
sum; ut Pachyno e terrestri praesidio milites collige-
ret, quos in nauibus collocaret. quod certe non fecis-
set, si suum numerum naues haberent. ea est enim
ratio instructarum, ornatarumque nauium, ut non mo-
do plures, sed ne singuli quidem possint accedere. Di-
co praeterea, illos ipsos reliquos nautas fame, atque
inopia rerum omnium confectos fuisse, ac perditos.
dico, aut omnes extra culpam fuisse : aut, si uni at-
tribuenda culpa sit, in eo maximam fuisse, qui opti-
mam nauem, plurimos nautas haberet, summum
imperium obtineret : aut, si omnes in culpa fuerint,
non oportuisse Cleomenem constitui spectatorem il-
lorum mortis, atque cruciatus. dico etiam, in illo
supplicio mercedem lacrymarum, mercedem uulne-
ris, atque plagae, mercedem funeris, ac sepulturae
constitui nefas fuisse. Quapropter si mihi responde-
re uoles, haec dicito, classem instructam, atque orna-
tam fuisse, nullum propugnatorem abfuisse, nullum
uacuum transtrum fuisse, remigi rem frumentariam
esse suppeditatam, mentiri nauarchos, mentiri tot-
am tam graues ciuitates, mentiri etiam Siciliam to-
tam : proditum esse te a Cleomene, qui se dixerit e-
xisse in terram, ut Pachyno deduceret milites : a-
nimum illis, non copias defuisse : Cleomenem acer-
rime pugnantiem ab his relictum esse, atque deser-
tum

tum: nummum ob sepulturam datum nemini. quæ
 si dices, tenebere. sin alia dices; quæ a me dicta sunt,
 non refutabis. Hic tu etiam dicere audebis, Est in
 iudicibus ille familiaris meus, est paternus amicus
 ille? non, ut quisque maxime est, quicum tibi ali-
 quid sit, ita tui huiusmodi criminis maxime eum
 pudet? Paternus amicus est. ipse pater si iudicaret,
 per deos immortales quid facere posset, cum tibi hæc
 diceret? Tu in provincia populi R. prætor, cum tibi
 maritimum bellum esset administrandum, Mamer-
 tinis, ex fœdere quam deberent nauem, per trien-
 nium remisisti: tibi apud eosdem priuatim nauis one-
 raria maxima publice est ædificata: tu a ciuitatibus
 pecunias classis nomine coegisti: tu pretio remiges
 dimisisti: tu, cum nauis esset a quæstore, & ab lega-
 to capta prædonum, archipiratam ab omnium ocu-
 lis remouisti: tu, qui ciues R. esse dicerentur, qui a
 multis cognoscerentur, securi ferire potuisti: tu tuam
 domum piratas abducere, in iudicium archipiratam
 domo producere ausus es: tu in provincia tam splen-
 dida, apud socios fidelissimos, ciues R. honestissi-
 mos, in metu periculoq. provinciae, dies continuos
 complures in litore, conuiuijsq. iacuisti: te per eos
 dies nemo domi tuæ conuenire, nemo in foro uidere
 potuit: tu sociorum, atque amicorum ad ea conuiuia
 matres familias adhibuisti: tu inter eiusmodi mulie-
 res prætextatum tuum filium, nepotem meum, col-
 locauisti, ut ætati maxime lubricæ, atque incer-
 tæ exempla nequitie parentis uita præberet: tu
 prætor

ACTIONIS VI.

prætor in provincia cum tunica talari, pallioq. purpureo uisus es : tu, propter amorem, libidinemq. tuam, imperium nauium legato populi R. ademisti, Syracusanos tradidisti : tui milites in provincia Siciliae frugibus, frumentoq. caruere : tua luxuria, atque auaritia classis populi R. capta, & incensa est : post Syracusas conditas quem in portum nunquam hostis accesserat, in eo te prætorum primum piratæ nauigauerunt : neque hæc tot, tantaq. dedecora dissimulatione tua, neque obliuione hominum, ac taciturnitate tegere uoluisti ; sed etiam nauium præfectos, sine ulla causa, de complexu parentum suorum, hospitum tuorum, ad mortem cruciatumq. rapuisti ; neque in parentum luctu, atque lacrymis te mei nominis commemoratio mitigauit : tibi hominum innocentium sanguis non modo uoluptati, sed enim quæstui fuit. Hæc si tibi tuus parens diceret, posses ab eo ueniam petere ? posses, ut tibi ignosceret, postulare ? Satis est factum Si culis, satis officio, ac necessitudini, iudices, satis promisso nostro, ac muneri recepto. reliqua est ea causa, iudices, quæ non iam recepta, sed innata, neque delata ad me, sed in anima, sensuq. meo penitus affixa, atque insita est : quæ non ad sociorum salutem, sed ad ciuium R. hoc est ad uniuscuiusque nostrum uitam, & sanguinem pertinet. in qua nolite a me, quasi dubium sit aliquid, argumenta, iudices, expectare. omnia, quæ dicam de supplicio ciuium R. sic erunt clara, & illustra, ut ad ea probanda totam Siciliam testem adhibere possim. furor enim quidam, sceleris & audaciæ comes,

comes, istius effrenatum animum, importunamque naturam tanta oppressit amentia, ut nunquam dubitaret in conuentu palam supplicia, quæ in conuictos maleficio servos constituta sunt, ea in ciues R. expromere. uirgis quam multos ceciderit, quid ego commemorem? tantum breuissime dico, iudices: nullum fuit omnino isto prætor in hoc genere discrimen: itaque iam consuetudine ad corpora ciuium R. etiâ sine istius nutu ferebatur manus ipsa licitoris. Num potes hoc negare Verres, in foro Lilybæi, maximo conuentu, C. Seruilius, ciuem R. e conuentu Panormitano ueterem negotiatorem, ad tribunal, ante pedes tuos, ad terram uirgis & uerberibus abiectum? aude hoc primum negare, si potes. nemo Lilybæi fuit, quin uiderit; nemo in Sicilia, quin audierit. plagis confectum, dico, a licitoribus tuis ciuem R. ante oculos tuos concidisse: ob quam causam, dii immortales? tametsi iniuriam facio communi causæ, & iuri ciuitatis. quasi enim possit esse ulla causæ, cur hoc cuiquam ciui R. iure accidat, ita quero, quæ in Seruilio causæ fuerit. ignoscite in hoc uno, iudices: in ceteris enim non magnopere causas requiram. locutus erat liberius de istius improbitate, atque nequitia. quod isti simul ac renunciatum est, hominem iubet Lilybæum uadimonium Venerio seruo promittere. promittit. Lilybæum uenitur. cogere cum cœpit, cum ageret nemo, nemo postularet, HS duobus millibus sponsonem facere cum licitore suo, ni furtis quæstum faceret. recuperatores de cohorte sua dicit daturum.

Seruilius

Seruilius & recusare, & deprecari, ne iniquis iudicibus, nullo aduersario, iudicium capitis in se constitueretur. hæc cum maxime loqueretur, sex lictores circumstant ualentissimi, & ad pulsandos uerberandosq. homines exercitatissimi: cedunt acerrime uirgis: denique proximus lictor, de quo sæpe iam dixi, Sextius, conuerso bacillo oculos misero tundere uehementissime cæpit. itaque illi cum sanguis os, oculosq. compleisset, concidit; cum illi nihilo minus iacenti latera tunderentur; ut aliquando spondere se diceret. sic ille affectus, illinc tum pro mortuo sublatus, breui postea est mortuus. iste autem, homo Venerius, & affluens omni lepore, & uenustate, de bonis illius in æde Veneris argenteum Cupidinẽ posuit. sic etiam fortunis hominum abutebatur ad nocturna nota cupiditatum suarum. Nam quid ego de ceteris ciuium R. supplicijs sigillatim potius, quàm generatim, atque uniuerse, loquar? carcer ille, qui est, a crudelissimo tyranno Dionysio factus Syracusis, quæ Lautumia uocantur, in istius imperio domicilium ciuium R. fuit. ut quisque istius animum, aut oculos offenderat, in Lautumias statim conijciebatur. Indignum hoc uideo uideri omnibus, iudices; & id iam priore actione, cum hæc testes dicerent, intellexi. retineri enim putatis oportere iura liberatis non modo hic, ubi tribuni pl. sunt, ubi ceteri magistratus, ubi plenum forum iudiciorum, ubi senatus auctoritas, ubi existimatio populi R. & frequentia; sed, ubicunque terrarum, & gentium uiolatum ius ciuium

ciuium R. sit, statuitis id pertinere ad cōmunem caus-
 sam libertatis, & dignitatis. In externorum homi-
 num, et maleficorum, sceleratorumque, in prædonū,
 hostiumq. custodias tu tantum numerum ciuium R.
 includere ausus es? nunquam ne tibi iudicij, nunquā
 concionis, nunquam huius tantæ frequentię, quæ nūc
 animo te iniquissimo infestissimoq. intuetur, uenit in
 mentem? nunquam tibi populi R. absentis dignitas,
 animoq. uersata est? nunquam te in horum conspe-
 ctum rediturum, nunquam in forum populi R. uen-
 turum, nunquam sub legum & iudiciorum pote-
 statem casurum esse putasti? At quæ erat ista li-
 bido crudelitatis exercendæ? quæ tot scelerum su-
 scipiendorum caussa? nulla, iudices, præter præ-
 dandi nouam singularemq. rationem. nam ut illi,
 quos a poetis accepimus, sinus quosdam obsedisse
 maritimos, aut reliqua promontoria, aut præru-
 pta saxa tenuisse dicuntur, ut eos, qui essent appul-
 si nauigijs, interficere possent: sic iste in omnia ma-
 ria infestus ex omnibus Siciliae partibus immine-
 bat: quæcunque nauis ex Asia, quæ ex Syria, quæ
 Tyro, quæ Alexandria uenerat, statim certis indi-
 cibus, & custodibus tenebatur: uectores omnes in
 Lautumias conijciebantur: onera, atque merces in
 prætoriam domum deferebantur. uersabatur in Sici-
 lia longo interuallo, non Dionysius ille, nec Phalaris,
 (tulit enim illa quondam insula multos, & crudeles
 tyrannos) sed quoddam nouum monstrum, ex uete-
 re illi immanitate, quæ in ijsdē uersata locis dicitur.

QQ non

ACTIONIS VI.

non enim Carybdin tam infestam, neque Scyllam nau-
tis, quàm istum in eodem freto fuisse arbitror. hoc e-
tiam iste infestior, quòd multo se pluribus, & maio-
ribus canibus succinxerat. Cyclops alter, multo im-
portunior. hic enim totà insulam obtinebat: ille Aet-
nam solam, et eam Siciliae partē tenuisse dicitur. At
quæ causa tum subijciebatur ab ipso iudices, huius
tam nefariæ crudelitatis? eadem, quæ nunc in defen-
sione commemorabitur. quicumque accesserant ad Si-
ciliam paullo pleniores, eos Sertorianos milites esse,
atque a Dianio fugere dicebat. illi ad deprecandum
periculum proferebant alij purpuram Tyriam, thus
alij, atque odores, uestemq. lineam, gemmas alij, et
margaritas, uina non nulli Græca, uenalesq. Asiati-
cos: ut intelligeretur ex mercibus, quibus ex locis
nauigarent. non intelligebant, eas ipsas sibi causas
esse periculi, quibus adiumentis se ad salutem uti ar-
bitrabantur. iste enim hæc eos ex piratarum societa-
te adeptos esse dicebat: ipsos in Lautumias abduci
imperabat: naues eorum atque onera diligenter asser-
uanda curabat. his institutis, cum còpletus iam mer-
catorum carcer esset, tum illa fiebant, quæ L. Suetiū,
equitem R. lectissimum uirum, dicere audistis, quæ
ceteros audietis. ceruices in carcere frangebātur in-
dignissime ciuium R. ut etiam illa uox, & illa implo-
ratio, cuius R. sum, quæ sæpe multis in ultimis terris
opem inter barbaros, & salutem tulit, ea mortem
illis acerbiorē, & supplicium maturius ferret. Quid
est, Verres? quid ad hæc cogitas respòdere? num men-
tiri

tiri me? num fingere aliquid? num augere crimen?
 num quid horum dicere istis defensoribus tuis audes?
 Cedo mihi, quaeso, ex ipsius sinu litteras Syracusanorum,
 quas iste ad arbitrium suum cōfectas esse arbitrat-
 ur. cedo rationem carceris, quæ diligentissime cō-
 ficitur, quo quisque die datus in custodiam, quo mor-
 tuus, quo necatus sit. LITTERAE SYRACUSA-
 NORVM. Videtis ciues R. gregatim cōiectos in Lau-
 tumias: uidetis indignissimo loco coaceruatam mul-
 titudinem uestrorum ciuium. quærite nunc uestigia,
 quibus exitus illorum ex illo in loco compareant: nul-
 la sunt. omnes ne mortui? si ita posset defendere, ta-
 men fides huic defensioni non haberetur. sed scriptum
 extat in iisdem litteris, quod iste, homo barbarus, ac
 dissolutus, neque attendere unquam, neque intellige-
 re potuit. εἰ δὲ ἰσθῆσαν, inquit, ut Siculi loquuntur, hoc
 est, supplicio affecti, ac necati sunt, Si quis rex, si qua
 ciuitas exterarum gentium, si qua natio fecisset ali-
 quid in ciuem R. eiusmodi, non ne publice iudicare-
 mus? non bello persequeremur? possemus hanc iniu-
 riam, ignominiamq. nominis R. inultā, impunitamq.
 dimittere? quot bella maiores nostros, & quanta su-
 scepisse arbitramini, quod ciues R. iniuria affecti,
 quod nauicularij retenti, quod mercatores spoliati di-
 cerentur? at ego retentos non queror: spoliatos, feren-
 dum puto: nauibus, mancipijs, mercibus ademptis in
 uincula coniectos esse mercatores, et in uinculis ciues
 R. necatos esse, arguo. Si hæc apud Scythas dicerem,
 non hic in tanta multitudine ciuiū R. non apud senato

ACTIONIS VI.

res lectissimos ciuitatis, non in foro populi R. de tot et
 tam acerbis supplicijs ciuium Romanorum; tamen ani-
 mos etiam barbarorum hominum permouere. tanta
 enim huius imperij amplitudo, tanta nominis R. di-
 gnitas est apud omnes nationes, ut ista nostros homi-
 nes crudelitas nemini concessa uideatur. Num ego ti-
 bi ullam salutem, ullum per fugium putem, cum te im-
 plicatum seueritate iudicum, circūretitum frequen-
 tia populi R. esse uideam? si mehercules, id quod fieri
 intelligo non posse, ex his laqueis te exueris, ac te ali-
 qua ui ac ratione explicaris; in illas tibi maiores pla-
 gas incidendum est, in quibus te ab eodem me, supe-
 riore ex loco cōfici, et concidi necesse est. Cui si etiam,
 id quod defendit, uelim concedere: tamen illa ipsa de-
 fensio non minus esse ei perniciosa, quàm mea uera ac-
 cusatio, debeat. quid enim defendit? ex Hispania fu-
 gientes se excepisse, & supplicio affecisse dicit. quis ti-
 bi id permisit? quo id iure fecisti? quis idem fecit? qui
 tibi id facere licuit? forum plenum, & basilicas isto-
 rum hominum uidemus, & animo aequo uidemus. ci-
 uilis enim dissensionis, & siue amentia, siue fati, seu
 calamitatis non est iste molestus exitus: in quo reli-
 quos saltem ciues incolumes licet conseruare. Verres
 ille uetus proditor consulis, translator quaesturae, a-
 uersor pecuniae publicae, tantum sibi auctoritatis in
 rep. suscepit, ut, quibus hominibus per senatum, per
 populum R. per omnes magistratus in foro, in suffra-
 gijs, in hac urbe, in rep. uersari liceret, ijs omnibus
 mortem acerbam crudelemq. proponeret, si fortuna
 eos

eos ad aliquam partē Siciliae detulisset. Ad Cn. Pom-
 peium, clarissimum uirum, & fortissimum, per-
 multi, occiso Perperna, ex illo Sertoriano numero
 militum confugerunt. quem non ille summo cum stu-
 dio saluum, incolumemq. seruauit? cui ciui supplici
 non illa dextera inuicta et fidem porrexit, et spem sa-
 lutis ostendit? Ita ne uero? quibus fuit portus apud
 eum, contra quem arma tulerunt; ijs apud te, cuius
 nullum in rep. unquam monumentum fuit, mors, &
 cruciatus erat constitutus? Vide, quā commodam
 defensionem excogitaris. malo, malo mehercules,
 id quod tu defendis, his iudicibus, populoq. R. quā
 id, quod ego insimulo, probari. malo, inquam, te
 isti generi hominum, quā mercatoribus et nauicu-
 larijs, inimicum, atque infestum putari. meum enim
 crimen auaritiæ te nimis coarguit: tua defensio fu-
 roris cuiusdam, & immanitatis, & inauditæ cru-
 delitatis, & pæne nouæ proscriptionis. Sed non li-
 cet me isto tanto bono, iudices, uti, non licet. ad-
 sunt enim Puteoli toti: frequentissimi uenerunt ad
 hoc iudicium mercatores, homines locupletes, at-
 que honesti; qui partim socios suos, partim liber-
 tos ab isto spoliatos, in uincla coniectos, partim in
 uinclis necatos, partim securi percussos esse dicent.
 Hic, uide, quā me sis usurus æquo. cum ego P.
 Cranium testē produxero, qui suos liberos a te secu-
 ri percussos esse dicat, qui a te nauem suam, mercesq.
 repetat: refellito, si poteris: meum testem deferam,
 tibi fauebo, te, inquam, adiuuabo: ostendito, illos cum

ACTIONIS VI.

Sertorio fugisse, a Dianio fugientes ad Siciliam esse delatos. nihil est, quod te malim probare. nullum enim facinus, quod maiore supplicio dignum sit, reperiri, neque proferri potest. Reducam iterum equitem R. L. Flavius, si uoles: quoniam priore actione, ut patroni tui dictitant, noua quadam sapientia; ut omnes intelligunt, conscientia tua, atque auctoritate meorum testium, testem nullum interrogasti: interrogetur Flavius, si uoles, quinam fuerit L. Herennius is, quem ille argentariam Lepti fecisse dicit; qui cum amplius centum ciues R. haberet ex conuentu Syracusum, qui eum non solum cognoscerent, sed etiam lacrymantes, ac te implorantes defenderent, tamen a te, inspectantibus omnibus Syracusanis, securi percussus est. Hunc quoque testem meum refelli, & illum Herennium Sertorianum fuisse, abs te demonstrari, & probari uolo. quid de illa multitudine dicemus eorum, qui, capitibus inuolutis, in piratarum captiuorumque numero producebantur, ut securi ferirentur? Quæ ista noua diligentia? quam ob causam abs te excogitata? an te L. Flauij, ceterorumque de L. Herennio uociferatio commouebat? an M. Annij, grauissimi, atque honestissimi uiri, summa auctoritas paullo diligentiolem, timidioremque fecerat? qui nuper pro testimonio, non aduenam nescio quem, nec alienum, sed eum ciuem R. qui omnibus in illo conuentu notus, qui Syracusis natus esset, a te securi percussus esse dixit. Post hanc illorum uociferationem, post hanc communem famam, atque querimoniam

non

non mitior in supplicio, sed diligentior esse cœpit: capitibus inuolutis ciues R. ad necem producere instituit: quos tamen iccirco necabat palam, quod homines in conuentu, id quod antea diximus, nimium diligenter prædonum numerum requirebant. Hæcne populi R. te prætor est constituta condicio? hæc negotij gerendi spes? hoc capitis, uitæq. discrimen? parum ne multa mercatoribus sunt necessario pericula subeunda fortunæ, nisi etiam hæc formidines ab nostris magistratibus, atque in nostris provincijs impendebunt? ad eam ne rem fuit hæc suburbana ac fidelis provincia Sicilia, plena optimorum sociorum, & honestissimorum ciuium R. quæ ciues R. omnes suis ipsa sedibus libentissime semper accepit, ut, qui usque ex ultima Syria, atque Aegypto nauigarent, qui apud barbaros propter togæ nomen in honore aliquo fuissent, qui ex prædonum insidijs, qui ex tempestatum periculis profugissent, in Sicilia securi ferirentur, cum se iam domum uenisse arbitrarentur? Nam quid ego de P. Gauio, Consano municipe, dicam, iudices? aut qua ui uocis, qua grauitate uerborum, quo dolore animi dicam? tametsi dolor me non deficit: ut cetera mihi in dicendo digna re, digna dolore meo suppetant, magis elaborandum est. quod crimen eiusmodi est, ut, cum primum ad me delatum est, usurum me illo non putarem: tametsi enim uerissimum esse intellegebam, tamen credibile fore non arbitrabar. coactus lacrymis omnium ciuium R. qui in Sicilia negotiantur, adductus Valentinorum, hominum honestis-

QQ 4 simo-

ACTIONIS VI.

simorum, testimonijs, omniumq. Rhegynorum, multorum equitum R. qui casu tum Messanæ fuerunt; de di tantum priore actione testium, res ut nemini dubia esse posset. quid nunc agam? cum iam tot horas de uno genere, ac de istius nefaria crudelitate dicam; cum prope omnem vim uerborum eiusmodi, quæ scelere istius digna sunt, alijs in rebus cōsumpserim; neque hoc prouiderim, ut uarietate criminum uos attentos tenerem; quæadmodum de tanta re dicam? opinor, unus modus, atque una ratio est. rem in medio ponam: quæ tantum habet ipsa grauitatis, ut neque mea, quæ nulla est, neque cuiusquæ ad inflammandos uestros animos eloqui tia requiratur. Gaius hic, quem dico, Consanus, cum illo in numero ab isto in uincla cōiectus esset, et nescio qua ratione clam e Latomijs profugisset, Messanamq. uenisset; qui prope iam Italiam, et mænia Rhegynorum uideret, et ex illo metu mortis ac tenebris, quasi luce libertatis, et odore aliquo legum recreatus reuixisset, loqui Messanæ cœpit, et queri, se ciuem R. in uincla esse coniectum, sibi recta iter esse Romam, Verri se præsto aduenienti futurum. non intelligebat miser, nihil interesse, utrum hæc Messanæ, an apud ipsum in pratorio loqueretur. nam, ut ante uos docui, hanc sibi iste urbem delegerat, quæ haberet adiutricem scelerum, furtorum receptricem, flagitiorum omnium sociam. itaque ad magistratum Mamertinum statim ducitur Gaius: eoq. ipso die casu Messanæ Verres uenit. res ad eum defertur, esse ciuem R. qui se Syracusis in Latomijs fuisse quereretur: quem iam ingredientem nauem,

nauem, & Verrinimis atrociter minitantem, a se re-
 tractum esse, & asseruatum, ut ipse in eum statueret,
 quod uideretur. agit hominibus gratias, & eorum
 erga se benevolentiam diligentiamq. collaudat. ipse
 inflammatus scelere, & furore, in forum uenit. arde-
 bant oculi: toto ex ore crudelitas eminebat: exspe-
 ctabant omnes, quò tandem progressurus, aut quid-
 nam acturus esset: cum repente hominem proripi, at-
 que in foro medio nudari, ac deligari, & uirgas ex-
 pedi iubet. clamabat ille miser, se ciuem esse R. mu-
 nicipem Consanum, meruisse se cum L. Pretio, splen-
 didissimo equite R. qui Panormi negotiaretur, ex quo
 hæc Verres scire posset. tum iste se comperisse ait, eū
 speculari causa in Siciliam ab ducibus fugitiuorum
 esse missum: cuius rei neque index, neque uestigium
 aliquod, neque suspicio cuiquam esset ulla. deinde iu-
 bet undique hominem proripi, uehementissimeq. uer-
 berari. Cadebatur uirgis in medio foro Messanæ ci-
 uis R. indices; cum interea nullus gemitus, nulla uox
 alia illius miseri inter dolorem, crepitumq. plagarū
 audiebatur, nisi hæc, ciuis R. sum. hac se commemo-
 ratione ciuitatis omnia uerbera depulsurum, crucia-
 tum a corpore deiecturum arbitrabatur. is non modo
 hoc non perfecit, ut uirgarum uim deprecaretur; sed
 cum imploraret sæpius, usurparetq. nomen ciuitatis,
 crux, crux, inquam, infelici, & ærumnoso, qui nun-
 quam istam potestatem uiderat, comparabatur. O no-
 men dulce libertatis: o ius eximium nostræ ciuitatis: o
 lex Porcia, legesq. Sempronie: o grauiter desidera-
 ta,

ACTIONIS VI.

ta, & aliquando reddita plebi Romanæ tribunical po-
testas : huccine tandem omnia reciderunt, ut ciuis R.
in pronincia populi R. in oppido fœderatorum, ab eo,
qui beneficio populi R. fasces et secures haberet, deli-
gatus in foro uirgis caderetur ? quid, cum ignes, can-
dentesq. laminæ, ceteriq. cruciatus admoueantur ?
Si te illius acerba imploratio, & uox miserabilis nõ
inhibebat ; ne ciuium quidem Romanorum, qui tum
aderant, fletu, & gemitu maximo commouebare ?
in crucem tu agere ausus es quenquam, qui se ciuem
R. esse diceret ? Nolui tam uehementer agere hoc
prima actione, iudices, nolui. uidistis enim, ut
animi multitudinis in istum dolore, & odio, & com-
munis periculi metu concitarentur. statui egomet mi-
hi tum modum orationi meæ, & C. Numitorio, e-
quiti R. primario homini, testi meo : & Glabrionem
id, quod sapientissime fecit, facere lætatus sum, ut re-
pente consilio in medio testem dimitteret. etenim ue-
rebatur, ne populus R. ab isto eas pœnas ui repetisse
uideretur, quas, ueritus esset, ne iste legibus, & ue-
stro iudicio non esset persoluturus. Nunc quoniam iã
exploratum est omnibus, quo loco caussa tua sit, &
quid de te futurum sit ; sic tecum agam. Gaium istũ,
quem repentinum speculatorem fuisse dicis, ostendam
in Lautumias Syracusis a te esse coniectum : neque id
solum ex litteris ostendam Syracusanorum, ne possis
dicere me, quia sit aliquis in litteris Gaius, hoc fin-
gere & eligere nomen, ut hunc illum esse possim dice-
re ; sed secundum arbitrium tuum testes dabo, qui istũ
ipsum

ipsum Syracusis abs te in Lautumias coniectum esse dicant . producam etiam Consanos , municipes illius , ac necessarios , qui te nunc sero doceant , iudices non sero , illum P . Gaium , quem tu in crucem egisti , ciuem R . & municipem Consanum , non speculatorem fugitiuorum fuisse . cum hæc omnia , quæ polliceor , cumulate tuis proximis plana fecero ; tum istuc ipsum tenebo , quod abs te mihi datur ; eo contentum me esse dicam . quid enim nuper tu ipse , cum populi R . clamore atque impetu perturbatus exiluisti , quid , inquam , locutus es ? illum , quod moram supplicio quæreret , ideo clamitasse , se esse ciuem R . sed speculatorem fuisse . iam mei testes ueri sunt . quid enim dicit aliud C . Numitorius , quid M . & P . Cotij , nobilissimi homines , ex agro Taurominitano ? quid Q . Lucceius , qui argentariam Rhegij maximam fecit ? quid ceteri ? adhuc enim testes ex eo genere a me sunt dati , non qui nouisse Gaium , sed qui se uidisse dicerent , cum is , qui se ciuem R . esse clamaret , in crucem ageretur . hoc tu , Verres , idem dicis , hoc tu confiteris , illum clamitasse se ciuem esse Romanum ; apud te nomen ciuitatis ne tantum quidem ualuisse , ut dilationem aliquam crucis , ut crudelissimi teterrimiq . supplicij aliquam paruam moram saltem posset afferre . hoc teneo , hic hæreo , iudices , hoc sum contentus uno : omitto , ac negligo cetera : sua confessione induatur , ac inguletur , necesse est . Qui esset , ignorabas ? speculatorem esse suspicabare ? non quæro , qua suspicione : tua te accuso oratione . ciuem R . se esse dicebat .

ACTIONIS VI.

cebat . si tu apud Persas , aut in extrema India depre-
hensus Verres , ad supplicium ducerere ; quid aliud cla-
mitares , nisi te ciuem esse Romanum ? & si tibi igno-
to apud ignotos , apud barbaros , apud homines in ex-
tremis atque ultimis gentibus positos , nobile & illu-
stre apud omnes nomen tuæ ciuitatis profuisset : ille ,
quisquis erat , quem tu in crucem rapiebas , qui tibi es-
set ignotus , cum ciuem se R. esse diceret , apud te præ-
torem si non effugium , ne moram quidem mortis men-
tione atque usurpatione ciuitatis assequi potuit ? ho-
mines tenues , obscuro loco nati , nauigant : adeunt ad
ea loca , quæ nunquam antea uiderunt : ubi neque no-
ti esse ijs , quò uenerunt , neque semper cum cognito-
ribus esse possunt : hac una tamen fiducia ciuitatis
non modo apud nostros magistratus , qui & legum ,
& existimationis periculo continentur , neque apud
ciues solum Romanos , qui & sermonis , & iuris ,
& multarum rerum societate iuncti sunt , fore se tu-
tos arbitrantur ; sed , quocunque uenerint , hanc sibi
rem præsidio sperant esse futurum . tolle hanc spem ,
tolle hoc præsidium ciuibus Romanis : constitue , ni-
hil esse opis in hac uoce , ciuis R. sum ; posse impune
prætorem , aut alium quemlibet supplicium , quod ue-
lit , in eum constituere , qui se ciuem R. esse dicat :
* quod quis ignoret : iam omnes prouincias , iam om-
nia regna , iam omnes liberas ciuitates , iam omnem
orbem terrarum , qui semper nostris hominibus ma-
xime patuit , ciuibus R. ista defensione præcluseris .
Quid , si L. Pretium , equitem R. qui tum in Sicilia
nego-

negotiabatur, nominabat? etiam ne id magnum fuit,
 Panormum litteras mittere; asseruasse hominem, cu
 studiis Mamertinorum tuorum uinctum; clausum ha
 buisse, dum Panormo Pretius ueniret? cognosceret
 hominem: aliquid de summo supplicio remitteres. si
 ignoraret: tum, si ita tibi uideretur, hoc iuris in om
 nes constitueres, ut, qui neque tibi notus esset, neque
 cognitorem locupletem daret, quamuis ciuis R. es
 set, in crucem tolleretur. Sed quid ego plura de Ga
 uio? quasi tu Gauio tum fueris infestus, ac non nomi
 ni, generi, iuri ciuium hostis. non illi, inquam, homi
 ni, sed causse communi libertatis inimicus fuisti. quid
 enim attinuit, cum Mamertini more atque instituto
 suo crucem fixissent post urbem, in uia Pompeia, te
 iubere in ea parte figere, quæ ad fretum spectaret,
 & hoc addere, quod negare nullo modo potes, quod
 omnibus audientibus dixisti palam, te iccirco illum
 locum deligere, ut ille, qui se ciuem R. esse diceret,
 ex cruce Italiam cernere, ac domum suam prospice
 re posset? itaque illa crux sola, iudices, post condi
 tam Messanam illo in loco fixa est. Italiae conspectus
 ad eam rem ab isto delectus est, ut ille in dolore cru
 ciatuq. moriens, per angusto fretu diuisa seruitutis,
 ac libertatis iura cognosceret; Italia autem alumnum
 suum, seruitutis extremo summoq. supplicio affe
 ctum uideret? Facinus est, uincire ciuem R. scelus,
 uerberare: prope paricidium, necare: quid dicam, in
 crucem tollere? uerbo satis digno tam nefaria res ap
 pellari nullo modo potest. non fuit his omnibus iste
 contentus.

ACTIONIS VI.

contentus . spectet , inquit , patriam : in conspectu legum libertatisq. moriatur . Non tu hoc loco Gaium , non unum hominem nescio quem ciuem R. sed communem libertatis , & ciuitatis causam in illum cruciatum , & crucem egisti . iam uero uidete hominis audaciam . non ne eum grauiter tulisse arbitramini , quod illam ciuibus R. crucem non posset in foro , non in comitio , non in rostris defigere ? quod enim his locis in provincia sua celebritate simillimum , regione proximum potuit , elegit : monumentum sceleris audaciaeq. suae uoluit esse in conspectu Italiae , uestibulo Siciliae , prateruentione omnium , qui ultro citroq. nauigarent . Si haec non ad ciues R. non ad aliquos amicos nostrae ciuitatis , non ad eos , qui populi R. nomen audissent , denique , si non ad homines , uerum ad bestias , aut etiam , ut longius progrediar , si in aliqua desertissima solitudine ad saxa , & ad scopulos haec conqueri , & deplorare uellem : tamen omnia muta , atque inanima , tanta , & tam indigna rerum atrocitate commouerentur . nunc uero , cum loquar apud senatores populi R. legum , iudiciorumque , & iuris auctores , timere non debeo , ne non unus iste ciuis R. illa cruce dignus , ceteri omnes simili periculo indignissimi iudicentur . Paullo ante , iudices , lacrymas in morte misera , atque indignissima nauarchorum non tenebamus , & recte ac merito sociorum innocentium miseria commouebamur : quid nunc in nostro sanguine tandem facere debemus ? nam cinium R. omnium sanguis coniunctus existimandus est ; quoniam

niam id & salutis omnium ratio, & ueritas postulat. omnes hoc loco ciues R. & qui adsunt, & qui ubicunque sunt, uestram seueritatem desiderant, uestram fidem implorant, uestrum auxilium requirunt: omnia sua iura, commoda, auxilia, totam denique libertatem in uestris sententijs uersari arbitrantur. a me, tametsi satis habent, tamen, si res aliter acciderit, plus habebunt fortasse, quàm postulant. nam et si qua uis istum de uestra seueritate eripuerit; id quod neque metuo, iudices, neque ullo modo fieri posse uideo: sed si in hoc me ratio fefellerit: Siculi causam suam perisse querentur, & mecum pariter moleste fereant: populus quidem Romanus breui, quoniam mihi potestatem apud se agendi dedit, ius suum, me agente, suis suffragijs ante kal. Feb. recuperabit. Ac si de mea gloria & amplitudine quæritis, iudices; non est alienum meis rationibus, istum mihi ex hoc iudicio ereptum ad illud populi R. iudicium reseruari. splendida est illa causa, probabilis mihi, & facilis, populo grata, atque iucunda. denique si uideor hic, id quod ego non quæsiui, de uno isto uoluisse crescere: isto absoluto, quod sine multorum scelere fieri non potest, de multis mihi crescere licebit. sed mehercule uestra rei publicæ causa, iudices, nolo in hoc delicto consilio tantum flagitium esse commissum: nolo eos iudices, quos ego probarim, atque delegerim, sic in hac urbe notatos isto absoluto ambulare, ut non cetera, sed cæno obliti esse uideantur. Quamobrem te quoque, Hortensi, quia monendi locus est, ex hoc loco

ACTIONIS VI.

co moneo, uideas etiam atque etiam, & consideres, quid agas, quò progrediare, quem hominem, & qua ratione defendas. neque de illo quidquam tibi præfinitio, quo minus ingenio mecum atque omni dicendi facultate contendas: cetera, si qua putas te occultius extra iudicium, quæ ad iudicium pertinent, facere posse; si quid artificio, consilio, potentia, gratia, copiis istius moliri cogitas; magnopere censeo desistas; & illa, quæ tentata iam, & cæpta ab isto sunt, a me autem peruestigata, et cognita, moneo ut extinguas, & longius progredi ne sinas. magno tuo periculo peccabitur in hoc iudicio, maiore quàm putas. quod enim te liberatum iam existimationis metu, defunctum honoribus, designatum consulem cogites: mihi crede, ornamenta ista, & beneficia populi R. non minore negotio retinentur, quàm comparantur. tulit hæc ciuitas, quoad potuit, quoad necesse fuit, regiam istam uestram dominationem in iudicijs, & in omni republica, tulit: sed, quo die populo R. tribuni pl. restituti sunt, omnia ista uobis, si forte nondum intelligitis, adempta, atque erepta sunt. omnium nunc oculi coniecti sunt hoc ipso tempore in unumquemque nostrum, qua fide ego accusem, qua religione hi indicet, qua tu ratione defendas. de omnibus nobis, si quis tantulum de recta regione deflexerit, non illa tacita existimatio, quam antea contemnere solebatis, sed uehemens ac liberum populi R. iudicium consequetur. nulla tibi, Quinte, cum isto cognatio est, nulla necessitudo: quibus excusationibus antea nimium in aliquo iudicio:

cio:

cio studium tuum defendere solebas, earum habere in hoc homine nullam potes. quæ iste in provincia palam dictitabat, cum ea quæ faciebat, tua se fiducia facere dicebat; ea ne uera putentur, tibi maxime est prouidendum. ego mei iam rationem officij confido esse omnibus iniquissimis meis persolutâ. nam istum paucis horis primæ actionis omnium mortalium sententijs condemnaui. reliquum iudicium non iam de mea fide, quæ perfecta est; neque de istius uita, quæ damnata est; sed de iudicibus, & uere ut dicam, de te futurum est. at quo tempore futurum est? (nam id maxime prouidendum est: etenim cum omnibus in rebus, tum in rep. permagni momenti est ratio, atque inclinatio temporum) nempe eo, cum populus R. aliud genus hominum, atque alium ordinem ad res iudicandas requirit; nempe ea lege de iudicijs, iudicibusq. nouis promulgata, quam nō is promulgauit, cuius nomine proscriptam uidetis, sed hic reus. hic, inquam, sua spe, atque opinione, quæ de uobis habet, legem illam scribendam, promulgandamq. curauit. itaque, cum primo agere cœpi-
mus, non erat promulgata: cum iste uestra seueritate permotus, multa signa dederat, quamobrem responsurus non uideretur, mentio de lege nulla fiebat: postea quàm iste recreari, & confirmari uisus est, lex statim promulgata est: cui legi cum uestra dignitas uehementer aduersetur, istius spes falsa, et insignis impudētia maxime suffragatur. Hic si quid erit commissum a quoquā uestrum, quod reprehendatur: aut

RR populus

ACTIONIS VI.

populus R. iudicabit de eo homine, quem iam antea iudicijs indignum putauit; aut ij, qui propter offensionem iudiciorum de ueteribus iudicibus lege noua noui iudices erunt constituti. Mihi porro, ut ego non dicam, quis omnium mortalium non intelligit, quàm longe progredi sit necesse? potero silere, Hortensi, potero dissimulare, cum tantum resp. uulnus acceperit, ut expilatae prouinciæ, uexati socij, dij immortales spoliati, ciues R. cruciati, & necati impune me actore esse uideantur? potero hoc onus tantum aut in hoc iudicio deponere, aut diutius tacitus sustinere? non agitata res erit? non in medium proferenda? non populi R. fides imploranda? non omnes, qui tanto se scelere obstrinxerint, ut aut fidem suam corrumpi paterentur, aut iudicium corrumpere, in discrimen, ac iudicium uocandi? Quæret aliquis fortasse: tantumne igitur laborem, tantas inimicitias, tot hominum, suscepturus es? Non studio quidem hercule ullo, neque uoluntate: sed non idem mihi licet, quod ijs, qui nobili genere nati sunt; quibus omnia populi R. beneficia dormientibus deferuntur. longe alia mihi lege in hac ciuitate, & condicione uiuendum est. uenit enim mihi in mentem M. Catonis, hominis sapientissimi: qui cum se uirtute, non genere populo R. commendari putaret, cum ipse sui generis initium, ac nominis ab se gigni, & propagari uellet, hominum potentissimorum suscepit inimicitias, & maximis in laboribus usque ad summam senectutem summa cum gloria uixit. Postea Q. Pompeius, humili atque obscuro

loco natus, non ne plurimis inimicitijs, maximisq. suis periculis, ac doloribus amplissimos honores est adeptus? Modo L. Fimbriam, C. Marium, C. Caelium uidimus non mediocribus inimicitijs, ac laboribus contendere, ut ad istos honores peruenirent, ad quos uos per ludum, et per negligetiam peruenistis. Hac eadem est nostrae nationis regio, & uia: horum nos hominum sectam, atque instituta persequimur. uidemus, quanta sit in inuidia, quantoq. in odio apud quosdam homines nobiles nouorum hominum uirtus, & industria; si tantulum oculos deiecerimus, praesto esse insidias; si ullum locum aperuerimus suspitioni, aut crimini, accipiendum esse statim uulnus: esse nobis semper uigilandum, semper laborandum uidemus. inimicitiae sunt, subeantur: labores, suscipiantur. etenim tacitae magis, & occultae inimicitiae timendae sunt, quam indictae, & apertae. hominum nobilium non fere quisquam nostrae industriae fauet: nullis nostris officijs beneuolentiam illorum allicere possumus: quasi natura, & genere disiuncti sint, ita dissident a nobis animo, ac uoluntate. Quare quid habent eorum inimicitiae periculi, quorum animos iam ante habueris inimicos, & inuidos, quam ulla inimicitias susceperis? Quamobrem mihi, iudices, optandum est, illud, in hoc reo finem accusandi facere, cum et populo R. satisfactum, & receptum officium Siculis, necessarijs meis, erit persolutum. deliberatum autem est, si res opinionem meam, quam de uobis habeo, fefellerit, non modo

RR 2 eos

ACTIONIS VI.

eos persequi, ad quos maxime culpa corrumpendi iu-
 dicij, sed etiam illos, ad quos conscientiae contagio
 pertinebit. proinde siqui sunt, qui in hoc reo aut po-
 tentes, aut audaces, aut artifices ad corrumpendum
 iudicium uelint esse; ita sint parati, ut disceptante
 populo R. mecum sibi rem uideant futuram. et si me
 in hoc reo, quem mihi inimicum Siculi dederunt, sa-
 tis uehementem, satis perseuerantem, satis uigilan-
 tem esse cognorunt; existimēt in ijs hominibus, quo-
 rum ego inimicitias populi R. salutis caussa suscepe-
 ro, multo grauiorem, atque acriorem futurū. Nunc
 te, Iuppiter Optime Maxime, cuius iste donum re-
 gale, dignum tuo pulcherrimo templo, dignum Ca-
 pitolio, atque ista arce omnium nationum, dignum
 regio munere, tibi factum ab regibus, tibi dicatum,
 atque promissum, per nefarium scelus de regijs mani-
 bus extorsit; cuiusq. sanctissimum, & pulcherrimū
 simulacrum Syracusis sustulit: teq. Iuno regina, cu-
 ius duo fana duabus in insulis posita sociorum, Meli-
 tæ, & Sami, sanctissima, & antiquissima, simili sce-
 lere idem iste omnibus donis, ornamentisq. nudauit:
 teque, Minerua, quam item iste duobus in clarissi-
 mis, & religiosissimis templis expilauit; Athenis,
 cum auri grande pondus; Syracusis, cum omnia, præ-
 ter tectum, & parietes, abstulit; teque, Latona, &
 Apollo, & Diana, quorum iste Deli non sanum, sed,
 ut hominum opinio, & religio fert, sedem antiquam
 diuinumq. domicilium nocturno latrocinio, atque
 impetu compilauit: etiam te Apollo, quem iste Chio
 sustu-

sustulit: teq. etiam atque etiam, Diana, quam Pergæ spoliavit, cuius simulacrum sanctissimum Segeſtæ, bis apud Segeſtanos consecratum, semel ipsorum religione, iterum P. Africani uictoria, tollendum, asportandumq. curauit: teque, Mercuri, quem Verres in uilla, & in priuata aliqua palæstra posuit, P. Africanus in urbe sociorum, & in gymnasio Tyndaritanorum iuuentutis illorum custodem, & præsidem uoluit esse: teque, Hercules, quem iste Agrigenti, nocte intempeſta, seruorum instructa & comparata manu conuellere ex suis sedibus, atque auferre conatus est: teque, sanctissima mater Idæa, quam apud Enguinos augustissimo & religiosissimo in templo sic spoliatam reliquit, ut nunc nomen modo Africani, & uestigia uiolatæ religionis maneant, monumenta uictoriæ faniq. ornamenta non extent: uosq. omnium rerum forensium, consiliorum maximorum, legum iudiciorumq. arbitri, & testes, celeberrimo in loco prætorij locati, Castor, et Pollux, quorum e templo quæſtum sibi iſte, et prædam maximâ improbiſſime comparauit: omnesq. dii, qui uehiculis tensarum sollempnes cætus ludorum initis, quorum iter iſte ad suum quæſtum, non ad religionum dignitatem faciendum, exigendumq. curauit: teque, Ceres, et Libera, quarum sacra, sicut opiniones hominû, ac religiones ferunt, longe maximis, atque occultissimis cærimonijs continentur, a quibus initia uitæ, atque uictus, legum, morum, mansuetudinis, humanitatis exēpla hominibus, et ci

RR 3 uitati-

ACTIONIS VI.

uitatibus data, ac dispersita esse dicuntur: quarum
sacra populus R. a Græcis adscita, & accepta, tanta
religione & publice, & priuatim tuetur, non ut ab
alijs huc allata, sed ut ceteris hinc tradita esse uideā-
tur: quæ ab isto uno sic polluta, & uiolata sunt, ut si
mulacrum Cereris unum, quod a uiro non modo tan-
gi, sed ne aspici quidem fas fuit, e sacrario Catinæ
conuellendum, auertendumq. curauerit; alterum
autem Ennæ ex sua sede, ac domo sustulerit; quod e-
rat tale, ut homines, cum uiderent, aut ipsam uide-
re se Cererem, aut effigiem Cereris non humana ma-
nu factam esse, sed de cælo delapsam arbitrarentur:
uos etiam atque etiam imploro, & appello, sanctis-
simæ deæ, quæ illos Ennenses lacus, lucosq. colitis,
cunctæq. Sicilia, quæ mihi defendenda tradita est,
præsidentis; a quibus, inuentis frugibus, & in orbem
terrarum distributis, omnes gentes, ac nationes ue-
stri religione numinis cōtinentur: ceteros item deos,
deasq. omnes imploro, atque obtestor, quorum tem-
plis, & religionibus iste nefario quodam furore, &
audacia instinctus bellum sacrilegum semper, im-
piumq. habuit indictum, ut, si in hoc reo, atque in
hac caussa omnia mea consilia ad salutem sociorum,
dignitatem populi R. fidem meam spectauerunt, si
nullam ad rem, nisi ad officium, & ueritatem, o-
mnes meæ curæ, uigiliæ, cogitationesq. laborarunt;
quæ mea mens in suscipienda caussa fuit, fides in a-
genda, eadem uestra in iudicanda sit; denique, uti C.
Verrem, si eius omnia sunt inaudita, & singularia
faci-

facinora sceleris, audaciæ, perfidiæ, libidinis, auaritiæ, crudelitatis, dignus exitus eiusmodi uita, atque factis uestro iudicio consequatur; utq. resp. mea fide, unaq. hac accusatione mea contenta sit; mihiq. posthac bonos potius defendere liceat, quàm improbos accusare neceffe sit.

PRO M. FONTEIO,

ORATIO XI.

Desunt permulta.

Hoc prætore oppressam esse ære alieno Galliam. a quibus uersuras tantarum pecuniarum factas esse dicunt? a Gallis? nihil minus. a quibus igitur? a ciuibus R. qui negotiantur in Gallia? cur eorum uerba non audimus? cur eorum tabulæ nullæ proferuntur? insector ultro, atque insto accusatori, iudices: insector, inquam, & flagito testes. plus ego in hac causa laboris, & operæ consumo in poscendis testibus, quàm ceteri defensores in refutandis. audacter hoc dico, iudices, non temere confirmo. referta Gallianegotiatorum est, plena ciuium R. nemo Gallorum sine ciue R. quidquam negotij gerit: nummus in Gallia nullus sine ciuium R. tabulis commouetur. uidete, quò descendam, iudices, quàm longe uidear a con-

RR 4 suctu-

O R A T I O

suetudine mea, & cautione, ac diligentia discedere. una tabula proferantur, in quibus uestigium sit ali-
quod, quod significet pecuniam Fonteio datā: unum
ex toto negotiatorum, colonorum, publicanorum,
aratorum, pecuariorum numero testem producāt: ut
re accusatum esse concedam. pro dii immortales, quā
hac est caussa? quā defensio? prouinciā Galliae M.
Fonteius praesuit, quā constat ex ijs generibus homi-
num, & ciuitatum, qui, ut uetera mittam, partim
nostra memoria bella cum populo R. acerba, ac diu-
turna gesserunt; partim, modo ab nostris imperato-
ribus subacti, modo bello domiti, modo triumphis,
ac monumentis notati, modo ab senatu agris urbi-
busq. multati sunt; partim, qui cum ipso M. Fon-
teio ferrum ac manus contulerunt, multoq. eius sudo-
re, ac labore sub populi R. imperium, ditionemq. ce-
ciderunt. Est in eadem prouincia Narbo Martius, co-
lonia nostrorum ciuium, specula populi R. ac propu-
gnaculum istis ipsis nationibus oppositum et obiectū.
est item urbs Massilia, de qua ante dixi, fortissimo-
rum, fidelissimorumq. sociorum, qui Gallicorum bel-
lorum pericula a populo R. copijs, armisq. propulsi-
runt, est praeterea numerus ciuium R. maximus, et
que hominum honestissimorum. Huic prouinciā, quae
ex hac gentium uarietate constaret, M. Fonteius,
ut dixi, praesuit: qui erant hostes, subegit: qui pro-
ximi fuerant, eos ex ijs agris, quibus erant multi-
ti, decedere coegit: ceteris, qui iccirco magnis saepe
erant bellis superati, ut semper populo R. parereit,
magios

magnum equitatus ad ea bella, quæ tum in toto orbe terrarum a populo R. gerebantur, magnas pecunias ad eorum stipendium, maximum frumenti numerum ad Hispaniense bellum tolerandum imperauit. Hæc qui gessit, in iudicium uocatur: uos, qui in re non interfuistis, causam una cum prætore cognoscitis. dicunt contra, quibus inuitissimis imperatum est: dicunt, qui ex agris ex M. Fonteij decreto decedere sunt coacti: dicunt, qui ex bello, cæde, & fuga nunc primum audent contra M. Fonteium inermem consistere. Quid coloni Narbonenses, quid uolunt? quid existimant? hunc per uos uolunt, se per hunc incolumes existimant esse. Quid Massiliensium ciuitas? hunc præsentem ijs affecit honoribus, quos habuit amplissimos. uos autem absens orat, atque obsecrat, ut sua religio, laudatio, auctoritas aliquid apud uestros animos momenti habuisse uideatur. Quid, ciuium R. quæ uoluntas est? nemo est ex tanto numero, quin hunc optime de prouincia, de imperio, de socijs, de ciuibus meritum esse arbitretur. Quoniam igitur uidetis, qui oppugnent M. Fonteium; cognoscitis, qui defensum uelint; statuite nunc, quid uestra æquitas, quid populi R. dignitas postulet: utrum colonis uestris, negotiatoribus uestris, amicissimis atque antiquissimis socijs & credere, & consulere malitis; an ijs, quibus neque propter iracundiam fidem, neque propter infidelitatem honorem habere debetis. Quid, si maiorem etiam hominum honestissimorum copiam afferro, qui huius uirtuti, atque innocentie testi-

monio

O R A T I O

monio possint esse? tamen ne plus Gallorum consensio ualebit, quàm summa auctoritas omnium? Cum Galliae Fonteius praesset, scitis, iudices, maximos populi R. exercitus in duabus Hispanijs, clarissimosq. imperatores fuisse. quàm multi equites R. quàm multi tribuni militum, quales, & quot, & quoties legati ad eos? exercitus praeterea Cn. Pompeij, maximus, atque ornatissimus, hiemauit in Gallia, M. Fonteio imperante. Satis ne uobis multos, satis idoneos testes, & conscios uidetur ipsa fortuna esse uoluisse earum rerum, quae, M. Fonteio praetore, gererentur in Gallia? quem ex tanto hominum numero testem in hac causa producere potestis? quis est ex eo numero, qui uobis auctor placeat? eo nos iam laudatore, & testes utemur. Dubitabitis etiam diutius, iudices, quin illud, quod initio uobis proposui, uerissimum sit? aliud per hoc iudicium nihil agi, nisi ut, M. Fonteio oppresso, testimonijs eorum, quibus multa, reip. causa, inuitissimis imperata sunt, segniores post hac ad imperandum ceteri sint, cum uideant eos oppugnari, quibus oppressis populi R. imperium incolu-me esse non possit. Obiectum est etiam, quæstum M. Fonteium ex uiarum munitione fecisse: ut aut ne cogeret munire, aut id, quod munitum esset, ne improbaret. Si & coacti sunt munire omnes, & multo rû opera improbata sunt: certe utrunque falsum est, & ob uacationem pretium datum, cum immunis nemo fuerit; & ob probationem, cum multa improbata sint. Quid, si hoc crimen optimis hominibus delegare

gare possimus, & ita, ut non culpam in alios transfe-
ramus, sed uti doceamus, eos isti munitioni præfuisse,
qui facile officium suum & præstare, & probare pos-
sunt? tamen ne uos omnia in M. Fonteium, iratis te-
stibus freti, conferetis? cum maioribus reip. negotijs
M. Fonteius impediretur; & cum ad remp. pertine-
ret, uiam Domitiam munire: legatis suis primarijs
uiris, C. Annio Bellieno, & C. Fonteio negotium
dedit: itaque præfuerunt, imperauerunt pro dignita-
te sua, quod uisum est, & probauerunt. quod uos, si
nulla alia ex re, ex litteris quidem uestris, quas scri-
psistis, & missis, & allatis, certe scire potuistis:
quas si antea non legistis, nunc ex nobis, quid de ijs
rebus Fonteius ad legatos suos scripserit, quid ad eum
illi rescripserint, cognoscite. L. M. A. D. C. ANNIVM.
LEG. A. D. C. FONTEIVM. LEG. L. A. C. AN-
NIO. LEG. A. B. C. FONTEIO. LEG. Satis opinor
esse perspicuum, iudices, hanc rationem mutationis ne-
que ad M. Fonteium pertinere, & ab ijs esse tracta-
tam, quos nemo possit reprehendere. cognoscite nunc
de crimine uinario, quod illi inuidiosissimum, & ma-
ximum esse uoluerunt. Crimen a Platorio, iudices,
ita constitutum est; Fonteio non in Gallia primum ue-
nisse in mentem, ut portorium uini institueret, sed in
Italia; hac proposita ratione, Roma profectum: ita-
que Titurium Tolosæ quaternos denarios in singulas
uini amphoras portorij nomine exegisse, Croduni
Porcium, & Munium ternos uictoriatos, Vulchalo-
ne Seruæum binos & uictoriatos mille. atque in his
locis

- * locis se Croduni & Vulchalone ab his portorium esse exactum, si qui Cobiomacho, qui uicus inter Tolosam & Narbonem est, diuerterentur, neque Tolosam ire uellent: Elefiodolus tantum senos denarios ab ijs, qui ad hostem portarent, exegisset. Video, iudices, esse crimen, & genere ipso magnum: uectigal enim esse impositum fructibus nostris dicitur: & pecuniam permagnam ratione ista cogi potuisse confiteor, & inuidiam: uel maxime enim inimici hanc rem sermonibus diuulgare uoluerunt. sed ego ita existimo; quo maius crimen sit id, quod ostendatur esse falsum, hoc maiorem ab eo iniuriam fieri, qui id confingat. uult enim magnitudine rei sic occupare animos eorum, qui audiunt, ut difficilis aditus ueritati relinquatur.

Desiderantur, quæ de crimine uinario erant reliqua, nec non quæ ad bellum Vocontiorum, & dispositionem hibernorum pertinebant.

At hoc Galli negant. actio rerum, & uis argumentorum coarguit. potest igitur testibus, iudex non credere? cupidis, & iratis, & coniuratis, & ab religione remotis non solum potest, sed etiam debet. etenim si, quia Galli dicunt, iccirco M. Fonteius nocens existimandus est: quid mihi opus est sapiente iudice? quid æquo quaesitore? quid oratore non stulto? dicunt enim Galli: negare non possumus. hic si ingeniosi, & periti, & æqui iudicis has partes esse existimatis, ut, quoniam quidem testes dicunt, sine ulla dubitatio

ne

ne credendum sit: Salus ipsa uirorum fortium innocen-
tiam tueri non potest. sin autem in rebus iudicandis
non minimam partem ad unamquamque rem existi-
mandam, momentoq. suo ponderandam sapientia iu-
dicis tenet: nã multo uestre maiores, grauioresq.
partes sunt ad cogitandum, quàm ad dicendum mea.
mibi enim semper unaquaque de re testis nõ solum se
mel, uerum; etiam breuiter interrogandus, & saepe
etiam non interrogandus, ne aut irato facultas ad di-
cendum data, aut cupido auctoritas attributa esse ui-
deatur. uos & sæpius eandem rem animis agitare,
& diutius unoquoque de teste cogitare potestis. & si
quem nos interrogare noluimus; quæ caussa nobis ta-
cendi fuerit, existimare debetis. quamobrem si hoc
iudici præscriptum lege, aut officio putatis, testibus
credere: nihil est, cur alius alio iudice melior, aut sa-
pientior existimetur. unum est enim, & simplex au-
rium iudicium, & promiscue, & communiter stultis,
ac sapientibus ab natura datum. quid est igitur, ubi
elucere possit prudentia? ubi discerni stultus auditor,
& credulus ab religioso, & sapienti iudice? nimirum
illud, in quo ea, quæ dicuntur a testibus, coniecturæ,
& cogitationi traduntur, quanta auctoritate, quan-
ta animi æquitate, quanto pudore, quanta fide, quan-
ta religione, quanto studio existimationis bonæ, quan-
ta cura, quanto timore dicantur. an uero uos id in te-
stimonijs hominum barbarorũ dubitabitis, quod per-
sæpe & nostra, & patrum memoria sapientissimi iu-
dices de clarissimis nostræ ciuitatis uiris dubitandum

non

non putauerunt? qui Cn. & Q. Capionibus, L. & Q. Metellis testibus in Q. Pompeium, hominem notum, non crediderunt: quorum uirtuti, generi, rebus gestis fidem, & auctoritatem in testimonio cupiditas atque inimicitiarum suspicio derogauit. ecquem hominem uidimus, Ecquem uere commemorare possumus parem consilio, grauitate, constantia, ceteris uirtutibus, honoris, ingenij, rerum gestarum ornamentis M. Aemilio Scauro fuisse? tamen huius, cuius iniurati nutu prope terrarum orbis regebatur, iurati testimonio neque in C. Fimbriam, neque in C. Memmium creditum est. noluerunt ij, qui iudicabant, hanc patere inimicitij uiam; quem quisque odisset, ut eum testimonio posset tollere. Quantus in L. Crasso pudor fuerit, quod ingenium, quanta auctoritas, quis ignorat? tamen is, cuius etiam sermo testimonij auctoritatem habebat, testimonio ipso, quæ in M. Marcellum inimico animo dixit, probare non potuit. Fuit, fuit illis iudicibus diuinum, ac singulare, iudices, consilium, qui se non solum de reo, sed etiam de accusatore, de teste iudicare arbitrabantur, quid fictum, quid fortuna ac tempore allatum, quid pretio corruptum, quid spe, aut metu deprauatum, quid a cupiditate aliqua, aut inimicitij profectum uideretur. quæ si iudex non amplectetur omnia consilio, non animo, ac mente circumspiciet; si, ut quidque ex illo loco dicetur, ex oraculo aliquo dici arbitrabitur: profecto satis erit id, quod dixi antea, non surdum iudicem huic muneri, atque officio præesse: nihil erit, quamobrem

quamobrem ille nescio quis, sapiens homo, ac multarum rerum peritus, ad res indicandas requiratur. an uero illi equites R. quos nos uidimus, qui nuper in rep. iudicijsq. maximis floruerunt, habuerunt tantum animi, tantum roboris, ut M. Scauro testi non crederent: nos Belgarum, atque Allobrogum testimonijs non credere timetis? Si inimico testi credi non oportuit: inimicior Marcello Crassus, aut Fimbriae Scaurus ex civilibus studijs, atque obtrectatione domestica, quam huic Galli? quorum, qui optima in causa sunt, equites, frumentum, pecuniam semel, atque iterum, ac saepius inuitissimi dare coacti sunt: ceteri, partim ex ueteribus bellis agro multati, partim ab hoc ipso bello superati, & oppressi. Si, qui ob aliquod emolumentum suum cupidius aliquid dicere uidentur, ijs credi non conuenit: credo, maius emolumentum Capionibus, & Metellis propositum fuisse ex Q. Pompeij damnatione, cum studiorum suorum obtrectatorem sustulissent, quam cunctae Galliae ex M. Fonteij calamitate, in qua illa prouincia prope suam immunitatem, ac libertatem positam esse arbitratur. An, si homines ipsos spectare conuenit, id quod in teste profecto ualere plurimum debet, non modo cum summis ciuitatis nostrae uiris, sed cum infimo ciues R. quisquam amplissimus Galliae comparandus est? scit Induciomarus, quid sit testimonium dicere? mouetur eo timore, quo nostrum unusquisque, cum in eum locum productus est? recordamini, iudices, quātopere laborare soleatis, non modo quid dicatis pro testimonio,

stimonio, sed etiam quibus uerbis utamini, ne quod
 minus moderate positum, ne quod ab aliqua cupidita
 te prolapsum uerbum esse uideatur. uultu denique la
 boratis, ne qua significari possit suspicio cupiditatis:
 ut & cum proditis, existimatio sit quædam tacita
 de uobis pudoris, ac religionis; & cum disceditis,
 ea diligenter conseruata, ac retenta uideatur. credo
 hæc eadem Induciomarum in testimonio timuisse, aut
 cogitasse: qui primum illud uerbum consideratissimū
 nostræ consuetudinis, Arbitror, quo nos etiam tunc
 utimur, cum ea dicimus iurati, quæ comperta habe
 mus, quæ ipsi uidimus, ex toto testimonio suo sustu
 lit, atque omnia se scire dixit. uerebatur enim uideli
 cet, ne quid apud uos populumq. R. de existimatione
 sua deperderet; ne qua fama consequeretur eiusmodi,
 Induciomarum, talem uirum, tam cupide, tam teme
 re dixisse: non intelligebat, se in testimonio nihil præ
 ter uocem, & os, & audaciam neque ciuibus suis, ne
 que accusatoribus nostris præstare debere. An uero
 istas nationes religione iurisiurandi, ac metu deorum
 immortalium in testimonijs dicendis commoueri arbi
 tramini? quæ tantum a ceterarum gentium more ac
 natura dissentiuunt, quod ceteræ pro religionibus suis
 bella suscipiunt, istæ contra omnium religiones: illæ
 in bellis gerendis ab dijs immortalibus pacem, ac ue
 niam petunt, istæ cum ipsis dijs immortalibus bella
 gesserunt. hæ sunt nationes, quæ quondam tam longe
 ab suis sedibus Delphos usque ad Apollinem Pythiū,
 atque ad oraculum orbis terræ uexandum, ac spolian
 dum

dum profectæ sunt. ab iisdem gentibus, sanctis, et in
testimonio religiosis, obsessum Capitolium est, atque
ille Iuppiter, cuius nomine maiores nostri sanctam te
stimoniis fidem esse uoluerunt. postremo, ijs quid
quam sanctum ac religiosum uideri potest, qui, etiam
si quando aliquo metu adducti deos placandos esse ar
bitrantur, humanis hostijs eorum aras, ac templa su
stant? ut ne religionem quidem colere possint, nisi
eam ipsam prius scelere uiolarint. quis enim ignorat,
eos usque ad hanc diem retinere illam immanem ac
barbaram consuetudinem hominum immolatorum?
quamobrem, quali fide, quali pietate existimatis esse
eos, qui etiam deos immortales arbitrètur hominum
scelere, & sanguine facillime posse placari? Cum his
uos testibus uestram religionem coniungetis? ab his
quidquã sancte, aut moderate dictum putabitis? hoc
uestre mentes, tam castæ, tam integræ, sibi susci
pient, ut, cum omnes legati nostri, qui illo triennio
in Galliam uenerunt; omnes equites R. qui in illa pro
uincia fuerunt; omnes negotiatores eius prouinciæ,
denique omnes in Gallia, qui sunt socij populi R.
atque amici, M. Fonteium incolumem esse cupiant,
iurati priuatim & publice laudent; uos tamẽ Gallis
credere malitis? quid ut secuti esse uideamini? uolun
tatem ne hominum? grauior igitur uobis erit hostiũ
uoluntas, quàm ciuium? an dignitatem testium? po
testis igitur ignotos notis, iniquos equis, alienigenas
domesticis, cupidos moderatis, mercenarios gratui
tis, impios religiosis, inimicissimos huic imperio, ac

SS nomi-

O R A T I O

nomini, bonis, ac fidelibus & socijs, & ciuibus ante
ferre? An uero dubitatis, iudices, quin insitas inimi-
citas istæ gentes omnes & habeant, & gerant cum
populi R. nomine? sic existimatis eos hic sagatos,
brachatosq. uersari animo demisso, atque humili, ut
solent ij, qui affecti iniurijs, ad opem iudicum sup-
plices, inferioresq. confugiunt? nihil uero minus. hi
contra uagantur læti, atque erecti passim toto foro,
cum quibusdam minis, et barbaro atque immani ter-
rore uerborum. quod ego profecto non crederem, nisi
aliquoties ex ipsis accusatoribus uobiscum simul, iu-
dices, audissem; cum præciperent, ut caueretis, ne,
hoc absoluto, nouum aliquod bellum Gallicum conci-
taretur. Si M. Fonteium, iudices, in caussa deficeret
omnia; si turpi adolescentia, uita infami, magistrati-
bus, quos ante oculos uestros gessit, conuictis uirorū
bonorum testimonijs, legationibus flagitiose obitis,
inuisus suis omnibus in iudicium uocaretur; si in eo
iudicio colonorum populi R. Narbonensium, fidelissi-
morum sociorum Massiliensium, ciuium R. omnium
testimonijs tabulisq. premeretur: tamen esset uobis
magnopere prouidendum, ne, quos ita afflictos a ue-
stris patribus maioribusq. accepissetis, ut contem-
nendi essent, eos pertimuisse, & eorum minis & ter-
rore commoti esse uideremini. nunc uero, cum læ-
dat nemo bonus, laudent omnes uestri ciues, atque
socij, oppugnent ij, qui sapissime hanc urbem, &
hoc imperium oppugnarunt; cumq. inimici M. Fon-
teij uobis, ac populo R. minentur, amici, ac pro-
pinqui

pinqui supplicent uobis: dubitabitis non modo uestris
 ciuibus, qui maxime gloria, ac laude ducuntur, ue-
 rum etiam exteris nationibus, ac gentibus ostende-
 re, uos in sententijs ferendis ciui parcere, quàm ho-
 sti cedere, maluisse? Magna mehercule caussa, iudi-
 ces, absolutionis cum ceteris caussis hæc est, ne qua
 insignis huic imperio macula, atque ignominia susci-
 piatur, si hoc ita perlatum erit in Galliam, sena-
 tum, equitesq. populi R. non testimonijs Gallorum,
 sed minis commotos, rem ad illorum libidinem iudi-
 casse. ita uero, si illi bellum facere conabuntur, exci-
 tandus nobis erit ab inferis C. Marius, qui Inducio-
 maro isti minaci, atque arroganti par in belligeran-
 do esse possit: excitandus Cn. Domitius, & Q. Ma-
 ximus, qui nationem Allobrogum, et reliquias suis
 iterum armis conficiat, atque opprimat: aut, quoniã
 id quidem non potest, orãdus erit nobis amicus meus
 M. Platorius, ut suos novos clientes a bello faciendo
 deterreat, ut eorum iratos animos, atque horribi-
 les impetus deprecetur: aut, si non poterit, M. Fa-
 bium subscriptorem eius rogabimus, ut Allobrogum
 animos mitiget, quoniam apud illos Fabiorum nomẽ
 amplissimum: ut uelint isti aut quiescere, id quod ui-
 eti ac subacti solent, aut, cum minantur, intellige-
 re, se populo R. non metum belli, sed spem trium-
 phi ostendere. quod si in turpi reo patiendum non es-
 set, ut quidquam isti se minis profecisse arbitraren-
 tur: quid faciendum uobis in M. Fonteio arbitra-
 mini? de quo homine, iudices, (iam enim mihi ui-

O R A T I O

deor hoc , prope caussa duabus actionibus perorata ,
 debere dicere) de quo uos homine , iudices , ne ab ini-
 micis quidem ullum fictum probrosum non modo cri-
 men , sed ne maledictum quidem audiſtis . ecquis un-
 quam reus , præſertim in hac uitæ ratione uerſatus ,
 in honoribus petendis , in poteſtatibus , in imperijs ge-
 rendis , ſic accuſatus eſt , ut nullum probrum , nullum
 facinus , nulla turpitudine , quæ a libidine , aut a petulã-
 tia , aut ab audacia nata eſſet , ab accuſatore obijcere-
 tur , ſi non uera , attamen ficta , cum aliqua ratione , ac
 ſuſpicionem ? M. Aemilium Scaurum , ſummũ noſtræ
 ciuitatis uirum , ſcimus accuſatum a M. Bruto . extat
 orationes , ex quibus intelligi poteſt , multa in illum
 ipſum Scaurum eſſe dicta , falſo , quis negat ? uerunta-
 men ab inimico dicta , & obieſta . Quàm multa M.
 Aquillius audiuit in ſuo iudicio ? quàm multa L. Cot-
 ta ? denique P. Rutilius ? qui etſi damnatus eſt , mihi
 uidetur tamen inter uiros optimos , atque innocentif-
 ſimos eſſe numerandus . ille igitur ipſe , homo ſanctiſ-
 ſimus , ac tẽperantiſſimus , multa audiuit in ſua cauſa ,
 quæ ad ſuſpicionem ſtuprorũ , ac libidinem pertine-
 rent . Extat oratio hominis , ut opinio mea fert , no-
 ſtrorum hominum longe ingenioliſſimi , atque eloquẽ-
 tiſſimi , C. Gracchi : qua in oratione permulta in L.
 Piſonem turpia , ac flagitiola dicuntur : at in quem
 uirum ? qui tanta uirtute , atque integritate fuit , ut
 etiam illis optimis temporibus , cum hominem inue-
 nire nequam neminem poſſes , ſolus tamen Frugi no-
 minaretur . quem cum in concionem Gracchus uoca-
 ri

ri iuberet; & viator quæreret, quem Pisonem? quod
erant plures: cogis me, inquit, dicere inimicum meum
Frugi. is igitur uir, quem ne inimicus quidem satis in
appellando significare poterat, nisi ante laudasset; qui
uno cognomine declarabatur, non modo quis esset, sed
etiam qualis esset; tamen in falsam, atque iniquam pro-
brorum insimulationem uocabatur. M. Fonteius ita
duabus actionibus accusatus est, ut obiectum nihil
sit, quo significari uestigium libidinis, petulantiae,
crudelitatis, audaciae possit. non modo nullum faci-
nus huius protulerunt, sed ne dictum quidem aliquod
reprehenderunt. quod si aut quantam uoluntatem
habent ad hunc opprimendum, aut quantam ad ma-
ledicendum licentiam, tantum haberent aut ad emer-
tiendum animi, aut ad fingendum ingenij: non melio-
re fortuna ad probra nunc audienda Fonteius, quam
illi, de quibus antea commemoravi, fuisset. Fru-
gi igitur hominem, iudices, frugi, inquam, &
in omnibus uitae partibus moderatum, ac tempe-
rantem, plenum pudoris, plenum officij, plenum
religionis, uidetis positum in uestra fide, ac pote-
state, atque ita, ut commissus sit fidei, permissus
potestati. uidete igitur, utrum sit aequius; homi-
nem honestissimum, uirum fortissimum, ciuem opti-
mum dedi inimicissimis, atque immanissimis natio-
nibus, an reddi amicis; praesertim cum tot res sint,
quae uestris animis pro huius innocentis salute sup-
plicent; primum generis antiquitas; quam Tu-
sculo, ex clarissimo municipio, profectam, in mo-

O R A T I O

nummentis rerum gestarum incisam, ac notatam uide-
 mus; tum autem continuæ præturæ, quæ & ceteris
 ornamentis, & existimatione innocentia maxime
 floruerunt; deinde recens memoria parentis, cuius
 sanguine non solum Asculanorum manus, a qua in-
 terfectus est, sed totum illud sociale bellum macula
 sceleris imbutum est; postremo ipse, cum in omnibus
 uitæ partibus honestus, atque integer, tum in re mi-
 litari cum summi consilij, & maximi animi, tum ue-
 ro usu quoque bellorum gerendorum in primis eorum
 hominum, qui nunc sunt, exercitatus. Quare si e-
 tiam monendi estis a me, iudices, quod non estis; ui-
 deor hoc leuiter pro mea auctoritate uobis præcipe-
 re posse, ut ex eo genere homines, quorum cognita
 uirtus, industria, felicitas in re militari sit, diligen-
 ter uobis retinendos existimetis. fuit enim maior ta-
 lium uirorum in hac rep. copia: quæ cum esset, tamē
 eorum non modo saluti, sed etiam honori consuleba-
 tur. quid nunc uobis faciendum est, studijs militari-
 bus apud iuuentutem obsoletis, hominibus autem ac
 summis ducibus partim ætate, partim ciuitatis di-
 scordijs hac reip. calamitate consumptis, cum tot
 bella aut a nobis necessario suscipiantur, aut subito at-
 que improuisa nascantur. non ne & hominem ipsum
 ad dubia reip. tempora reseruandum, & ceteros stu-
 dio laudis, ac uirtutis inflammandos putatis? recor-
 damini, quos legatos nuper in bello L. Iulius, quos
 P. Rutilius, quos L. Cato, quos Cn. Pompeius ha-
 buerit: scietis fuisse tum M. Cornutū, L. Cinnam, L.
 Sullam,

Sullam, pratorios homines, belli gerendi peritissimos, præterea C. Marium, P. Didium, Q. Catulum, P. Crassum, non litteris homines ad rei militaris scientiam, sed rebus gestis ac uictorijs eruditos. age uero nunc inferte oculos in curiam, introspicite penitus in omnes reip. partes: utrum uidetis, nihil posse accidere, ut tales uiri desiderandi sint; an, si acciderit, eorum hominum copia populum R. abundare? quæ si diligenter attendetis, profecto, iudices, uirum ad labores belli impigrum, ad pericula fortem, ad usum ac disciplinam peritum, ad consilia prudentem, ad casum fortunamq. felicem, domi uobis ac liberis uestris retinere, quam inimicissimis populi R. nationibus, & crudelissimis tradere, & condemnare, maleis. At infestis prope signis inferuntur Galli in Fonteam, & instant, atque urgent summo cum studio, summa cum audacia: nos uero, iudices, non & multi, et firmis præsidijs, uobis adiutoribus, isti immam, atque intolerandæ barbariæ resistemus? Primum olijcitur contra istorum impetus Macedonia, fidelis & amica populo R. prouincia: quæ cum se, ac suas urbes non solum consilio, sed etiam manu Fontej conseruatam esse dicat; ut illa per hunc a Thracum aduentu, ac depopulatione defensa est, sic ab huius nunc capite Gallorum impetus, terroresq. depellit. Constituitur ex altera parte ulterior Hispania: quæ profecto non modo religione sua resistere istorum cupiditati potest, sed etiam sceleratorum hominum priuria testimonijs, ac laudationibus suis refutare.

O R A T I O

Atque ex ipsa etiam Gallia, fidelissima, & grauissi-
 ma, auxilia sumuntur. uenit huic subsidio misero, at
 que innocenti Massiliensium cuncta ciuitas: quæ non
 solum ob eam causam laborat, ut huic, a quo ipsa ser-
 uata est, parem gratiam referre uideatur, sed etiam,
 quod ea condicione, atque eo fato se in ijs terris collo-
 catam esse arbitratur, ne quid nostris hominibus istæ
 gentes nocere possint. Pugnat pariter pro salute M.
 Fonteij Narbonensis colonia: quæ per hunc ipsan-
 per obsidione hostium liberata, nunc eiusdem mise-
 rijs, ac periculis commouetur. Denique, ut oportet
 bello Gallico, ut maiorum iura, moresq. præscri-
 bunt, nemo est ciuis R. qui sibi ulla excusatione uen-
 dum putet. omnes illius prouinciæ publicani, agrico-
 læ, pecuarij, ceteri negotiatores uno animo M. For-
 teium, atque una uoce defendunt. Quod si tantas ai-
 xiliorum nostrorum copias Induciomarus ipse despr-
 xerit, dux Allobrogum ceterorumq. Gallorum: num
 etiam de matris hunc complexu, lectissimæ, miserr-
 mæq. femina, uobis inspectatibus auellet, atque ar-
 strahet? præsertim cum uirgo Vestalis ex altera pir-
 te germanum fratrem cõplexa teneat, uestramq.,
 iudices, ac populi R. fidem imploret: quæ pro u-
 bis liberisq. uestris tot annos in dijs immortalibus
 placandis occupata est, ut ea nunc pro salute sua, fri-
 trisq. sui animos uestros placare possit. cui misere
 quod præsidium, quod solatium reliquum est, hoc i-
 misso? nam ceteræ feminae gignere ipsæ sibi præsidii,
 & habere domi fortunarum omnium socium part-
 cipem.

cipemq. possint : huic uero uirgini quid est , præter
 fratrem , quod aut iucundum , aut carum esse pos-
 sit ? nolite pati , iudices , aras deorum immortalium ,
 Vestæq. matris , quotidianis uirginis lamentatio-
 nibus de uestro iudicio commoneri . prospicite , ne il-
 le ignis æternus , nocturnis Fonteia laboribus uigi-
 lijsq. seruatus , sacerdotis Vestæ lacrymis extinctus
 esse dicatur . tendit ad uos uirgo Vestalis manus sup-
 plices easdem , quas pro uobis dijs immortalibus ten-
 dere consueuit . cauete , ne periculosum , superbumq.
 sit , eius uos obsecrationem repudiare , cuius preces si
 dij aspernarentur , hæc salua esse non possent . Vide-
 tis ne subito , iudices , uirum fortissimum , M. Fon-
 teium parentis , & sororis commemoratione lacry-
 mas profudisse ? qui nunquam in acie pertimuerit ,
 qui se armatus sæpe in hostium manum immiserit ,
 cum in eiusmodi periculis eadem se solatia suis relin-
 quere arbitraretur , quæ suus pater sibi reliquisset ;
 idem nunc perturbato animo pertimescit , ne non mo-
 do ornamento , & adiumento non sit suis , sed etiam
 cum acerbissimo luctu dedecus æternum miseris , at-
 que ignominiam relinquat . O fortunam longe dispa-
 rem , M. Fonte , si deligere potuisses , ut potius te-
 lis tibi Gallorum , quàm periurijs intereundum esset .
 tum enim uitæ socia uirtus , mortis comes gloria
 fuisset : nunc uero qui est dolor ? uictoriæ te , atque
 imperij pænas ad eorum arbitrium sufferre , qui aut
 uicti armis sunt , aut inuitissimi paruerunt ? a quo pe-
 riculo defendite , iudices , ciuem fortem , atque innocen-
 tem :

O R A T I O

tem : curate, ut nostris testibus plus, quàm alienig-
nis credidisse uideamini; plus saluti ciuium, quàm
hostium libidini consuluisse; grauiorem duxisse eius
obsecrationem, quæ uestris sacris præsit, quàm eorū
audaciam, qui cum omnium sacris, delubrisq. bella
gesserunt. postremo prospicite, iudices, id quod ad di-
gnitatem populi R. maxime pertinet, ut plus apud
uos preces uirginis Vestalis, quàm minæ Gallorum
ualuisse uideantur.

P R O A. C A E C I N A,
O R A T I O X I I.

S

I, Q V A N T V M in agro, locisq. deser-
tis audacia potest, tantum in foro, atque
in iudicijs impudentia ualeret; non mi-
nus nunc in caussa cederet A. Cæcina
Sex. Aebutij impudentiæ, quàm tum in ui facienda
cessit audaciæ. uerum et illud considerati hominis esse
putauit, qua de re iure decertari oporteret, armis nō
contendere; & hoc constantis, quicum ui & armis
certare noluisse, eum iure iudicioq. superare. Ac mi-
hi quidem cum audax præcipue fuisse uidetur Aebu-
tius in conuocandis hominibus, & armandis, tum im-
pudens in iudicio; non solum, quòd in iudicium ueni-
re ausus est; (nam id quidem, tametsi improbe fit in
aperta re, tamen malitia est iam usitatum) sed quòd
non dubitauit id ipsum, quod arguitur, confiteri, nisi
forte

forte hoc rationis habuit, quoniam, si facta uis esset moribus, superior in possessione retinenda non fuisset: quia contra ius moremque facta sit, A. Caecinam cum amicis metu perterritum profugisse: nunc quoque in iudicio, si causa more institutoque omnium defendatur, nos inferiores in agendo non futuros: sin e consuetudine recedatur, se, quo impudentius egerit, hoc superiorem discessurum. quasi uero aut in iudicio possit idem improbitas, quod in ui confidentia: aut non eo libetius tum audaciae cesserimus, quo nunc impudentiae facilius obsisteremus. itaque longe alia ratione, Recuperatores, ad agendam causam hac actione uenio, atque initio ueneram. tum enim nostrae causae spes erat posita in defensione mea, nunc in confessione aduersarii; tum in nostris, nunc uero in illorum testibus. de quibus ego antea laborabam, ne, si improbi essent, falsi aliquid dicerent; si probi existimarentur, quod dixissent, probarent. nunc sum animo aequissimo. si enim sunt uiri boni, me adiuuant, cum id iurati dicunt, quod ego iniuratus insimulo: sin autem minus idonei, me non laedunt, cum, siue creditur ijs hoc ipsum, quod nos arguimus, confitentur, siue fides non habetur, de aduersarii testium fide derogatur. ueruntamen cum illorum causae actionem considero; non uideo, quid impudentius dici possit: cum autem uestram in iudicando dubitationem; uereor, ne id, quod uidentur impudenter fecisse, astute, & callide fecerint. nam si negassent uim hominibus armatis, esse factam, facile honestissimis testibus in re perspicua

O R A T I O

cua tenerentur : sit confessi essent , & id , quod nullo tempore iure fieri potest , tum ab se iure factum esse defenderent , sperarunt id , quod assecuti sunt , se iniekturos uobis causam deliberandi , & iudicandi iustam moram , ac religionem . simul illud , quod indignissimum est , futurum arbitrati sunt , ut in hac causa non de improbitate Sex. Aebutij , sed de iure ciuili iudicium fieri uideretur . Qua in re si mihi esset unius A. Cæcinæ causa agenda , profiterer satis idoneum esse me defensorem ; propterea quod fidem meam diligentiamq. præstare : quæ cum sunt in actore causæ , nihil est , in re præsertim aperta , ac simplici , quod excellens ingenium requiratur . sed cum de eo iure mihi dicendum sit , quod pertineat ad omnes , quod constitutum sit a maioribus , conseruatum usque ad hoc tempus , quo sublato non solum pars aliqua iuris diminuta , sed etiam uis ea , quæ iuri maxime est aduersaria , iudicio confirmata esse uideatur ; uideo summi ingenij causam esse ; non uti demonstratur , quod ante oculos est ; sed ne , si quis uobis error in tanta re sit obiectus , omnes potius me arbitrentur causæ , quàm uos religioni uestræ defuisse . Quanquam ego mihi sic persuadeo , Recuperatores , non uos tam propter iuris obscuram dubiamq. rationem bis iam de eadem causa dubitasse , quàm , quod uidetur ad summam illius estimationem hoc iudicium pertinere , moram ad condemnandum acquisisse , simul & illi spatium ad sese colligendum dedisse . quod quoniam iam in consuetudinem uenit , & id uiri boni uestri similes in iudicando faciunt ;

faciunt; reprehendendum fortasse minus, querendum
 uero magis etiam uidetur: ideo quod omnia iudicia
 aut distrahendarum controuersiarum, aut puniendorum
 maleficiorum causa reperta sunt: quorum alterum
 leuius est, propterea quod & minus laedit, &
 persaepe disceptatore domestico dijudicatur: alterum
 est uehementissimum, quod & ad grauiiores res per-
 tinet, & non honorariam operam amici, sed seue-
 ritatem iudicis, ac uim requirit. quod est grauius, &
 cuius rei causa maxime iudicia constituta sunt, id
 iam mala consuetudine dissolutum est. nam ut qua-
 que res est turpissima, sic maxime, & maturissime
 iudicanda est: at ea, in qua existimationis periculum
 est, tardissime indicatur. qui igitur conuenit, qua
 causa fuerit ad constituendum iudicium, eandem mo-
 ram esse ad iudicandum? si quis, quod spondit, qua
 in re uerbo se uno obligauit, id non facit; maturo
 iudicio, sine ulla religione iudicis condemnatur: qui
 per tutelam, aut societatem, aut rem mandatam,
 aut fiduciae rationem fraudauit quempiam, in eo,
 quo delictum maius est, eo poena est tardior. est
 enim turpe iudicium. & factum quidem turpe. uide
 te igitur, quam inique accidat, quia res indigna sit,
 ideo turpem existimationem sequi; quia turpis existi-
 matio sequatur, ideo rem indignam non iudicari. At
 si quis mihi hoc iudex, Recuperator ue dicat: potui-
 sti enim leuiore actione configere: potuisti ad tuum
 ius faciliore & commodiore iudicio peruenire: qua-
 re aut muta actionem; aut noli mihi instare, ut
 iudicem:

O R A T I O

iudicem: tamen is aut timidior uideatur, quàm fortem, aut cupidior, quàm sapientem iudicem esse æquum est, si aut mihi præscribat, quemadmodum meum ius persequar, aut ipse id, quod ad se delatum sit, non audeat iudicare. etenim si prætor, is, qui iudicia dat, nunquam petitori præstituit, qua actione illum uti uelit: uidete, quàm iniquum sit, constituta iam re, iudicem, quid agi potuerit, aut quid possit, non quid actum sit, quærere. ueruntamen nimis uestræ benignitati pareremus, si alia ratione ius nostrum recuperare possemus: nunc uero quis est, qui aut uim, armatis hominibus factam, relinqui putet oportere, aut eius rei leuiorem actionem nobis aliquam demonstrare possit? ex quo genere peccati, ut illi clamitât, uel iniuriarum, uel capitis iudicia constituta sunt, in eo potestis atrocitatem nostram reprehendere? cum uideatis nihil aliud actum, nisi possessionem per interdictum esse repetitam? uerum siue uos existimationis illius periculum, siue iuris dubitatio tardiores fecit adhuc ad iudicandum; alterius rei causam uosmet ipsi iam uobis, sæpius prolato iudicio, sustulistis; alterius ego uobis hodierno die causam profecto auferam, ne diutius de controuersia nostra, ac de communi iure dubitetis. et si forte uidebor altius initium rei demonstrandæ petisse, quàm me ratio iuris, & ius de quo iudicium est, & natura causæ coegerit; quæso, ut ignoscatis: non enim minus laborat A. Cæcina, ne summo iure egisse, quàm ne certum ius non obtinuisse uideatur. M. Fulcinus fuit, Recuperatores, e muni-

e municipio Tarquinienſi : qui & domi ſuæ cum primis honeſtus exiſtimatus eſt, & Romæ argentariam non ignobilem fecit . is habuit in matrimonio Ceſenniam, eodem e municipio, ſummo loco natam, & probatiſſimam feminam, ſicut et uiuus multis ipſe rebus oſtendit, & in morte ſua teſtamento declarauit . huic Ceſennię fundum in agro Tarquinienſi uendidit temporibus illis difficiſſimis ſolutionis . cum ueretur dote uxoris numerata, quo mulieri eſſet res cautior, curauit ut in eo fundo dos collocaretur . aliquanto poſt, iam argentaria diſſoluta, Fulcinius huic fundo uxoris continentia quedam prædia, atque adiuncta mercatur . moritur Fulcinius : (multa enim, quæ ſunt in re, quia remota ſunt a cauſſa, prætermittam) teſtamento facit heredem, quem habebat e Ceſennia, filium : uſumfructum omnium bonorum ſuorum Ceſennię legat, ut frueretur una cum filio . magnus honos uiri iucundus mulieri fuiſſet, ſi diuturnum eſſe licuiſſet . frueretur enim bonis cum eo, quem ſuis bonis heredem eſſe cupiebat, & ex quo maximum fructum ipſa capiebat : ſed hunc fructum mature fortuna ademit : nam breui tempore M . Fulcinius adoleſcens mortuus eſt : heredem P . Ceſennium fecit : uxori grâ de pondus argenti, matriq . partem bonorum maiorem legauit : itaque in partem mulieres uocatæ ſunt . cum eſſet hæc auctio hereditaria conſtituta, Aebutius iſte, qui iam diu Ceſennię uiduitate, ac ſolitudine aleretur, ac ſe eius in familiaritatem inſinuafſet hac ratione, ut cum aliquo ſuo compendio negotia mulieris,

O R A T I O

lieris, si qua acciderent, controuersiasq. susciperet, uersabatur quoque eo tempore in his rationibus au-
 ctionis, & partitionis, atque etiam se ipse inferebat,
 & intrudebat; & in eam opinionem Cefenniam ad-
 ducebat, ut mulier imperita nihil putaret agi callide
 posse, ubi non adesset Aebutius. quam personam iam
 ex quotidiana cognoscitis uita Recuperatores, mulie-
 rum assentatoris, cognitoris uiduarum, defensoris ni-
 mium litigiosi, conciti ad rixam, inepti ac stulti inter
 uiros, inter mulieres periti iuris, & callidi; hanc per-
 sonam imponite Aebutio: is enim Cefenniae fuit Ae-
 butius. ne forte quaeratis, num propinquus? nihil alie-
 nius. amicus aut a patre, aut a uiro traditus? nihil
 minus. quis igitur? ille, quem supra deformauimus, uo-
 luntarius amicus mulieris, non necessitudine aliqua,
 sed ficto officio, simulataq. sedulitate coniunctus, ma-
 gis oportuna opera non nunquam, quam aliquando fi-
 deli. Cum esset, ut dicere institueram, constituta au-
 ctio Romae; suadebant amici cognatiq. Cefenniae id,
 quod ipsi quoque mulieri in mentem ueniebat; quo-
 niam potestas esset emendi fundum illum Fulcinianum,
 qui fundo eius antiquo continens esset, nullam esse ra-
 tionem, amittere eiusmodi occasionem, cum praeser-
 tim pecunia ex partitione deberetur: nusquam eam
 posse melius collocari. itaq. mulier facere constituit.
 mandat, ut fundum sibi emat. cui tandem? cui pu-
 tatis? an non in mentem uenit hominis illius ad hoc
 munus, & ad omnia mulieris negotia parati, sine
 quo nihil satis caute, nihil satis callide agi posset? re-
 ste

Ete attenditis . Aebutio negotium datur . adest ad
 tabulam , licetur Aebutius : deterrentur emptores
 multi , partim gratia Cesenniae , partim etiam pre-
 tio : fundus addicitur Aebutio : pecuniam argenta-
 rio promittit Aebutius . quo testimonio nunc uir o-
 ptimus utitur , sibi emptum esse . quasi uero aut nos
 ei negemus addictum ; aut tum quisquam fuerit , qui
 dubitarit , quin emeretur Cesenniae , cum id pleri-
 que scirent , omnes fere audissent , hi coniectura as-
 sequi possent ; cum pecunia Cesenniae ex illa heredi-
 tate deberetur ; eam porro in praedijs collocari maxi-
 me expediret ; essent autem praedia , quae mulieri
 maxime conuenirent ; ea uenirent ; liceretur is , quem
 Cesenniae dare operam nemo miraretur , sibi emere ne-
 mo posset suspicari . hac emptione facta , pecunia sol-
 uitur a Cesennia . cuius rei putat iste rationem red-
 di non posse , quod ipse tabulas auerterit : se autem
 habere argentarii tabulas , in quibus sibi expensa
 pecunia tanta sit , acceptaque . relata : quasi id aliter fie-
 ri oportuerit . cum omnia ita facta essent , quem-
 admodum nos defendimus , Cesennia fundum posse-
 dit , locauitque , neque ita multo post A. Caecinae
 nupsit . ut in pauca conseram , testamento facto mu-
 lier moritur . facit heredem ex deince , & semuncia
 Caecinam , ex duabus sextulis M. Fulcinium , liber-
 tum superioris uiri , Aebutio sextulam aspergit . hac
 sextulam illa mercedem isti esse uoluit assiduitatis , et
 molestiae , si quam susceperat . iste autem hac sextula
 se ansam retinere omnium controuersiarum putat . iam

TT principi-

O R A T I O

principio ausus est dicere, non posse heredem esse Cesenniae Cacinam, quod is deteriore iure esset, quam ceteri ciues, propter incommodum Volaterranorum, calamitatemque civilem. itaque homo timidus, imperitusque, qui neque animi, neque consilij satis haberet, non putauit esse tanti hereditatem, ut de ciuitate in dubium ueniret: concessit, credo, Aebutio, quantum uellet de Cesenniae bonis ut haberet: immo, ut uiro forti, ac sapienti dignum fuit, ita calumniam stultitiamque obtriuit, ac contudit. in possessione bonorum cum esset, & cum ipse sextulam suam nimium exaggeraret, nomine heredis arbitrum familiae eriscunda postulauit. atque illis paucis diebus, postea quam uidet nihil se ab A. Cacina posse litium terrore abradere, homini Romae in foro denunciat, fundum illum, de quo ante dixi, cuius istum emptorem demonstraui fuisse mandato Cesenniae, suum esse, seque sibi emisse. Quid ais? tuus ille fundus est, quem sine ulla controuersia quadrienniū, hoc est, ex quo tempore fundus uenijt, quoad uixit, possedit Cesennia? *V*sus enim, inquit, eius, & fructus fundi testamento uiri fuerat Cesenniae. Cum hoc nouae litis genus tam malitiose intenderet, placuit Cacinae de amicorum sententia constituere, quo die in rem praesentem ueniretur, & de fundo Cacina moribus deduceretur. colloquuntur: dies ex utriusque commodo sumitur. Cacina cum amicis ad diem uenit in castellum Axiā: ex quo loco fundus is, de quo agitur, non longe abest. ibi certior fit a pluribus, homines permultos liberos,

beros, atque seruos coegisse, & armasse Aebutium. cum id partim mirarentur, partim non crederent, ecce ipse Aebutius in castellum uenit, denunciat Cæcinæ se armatos habere, abiturum eum non esse, si accessisset. Cæcinæ placuit, & amicis, quoad uideretur saluo capite fieri posse, experiri. tum de castello descendunt, in fundum profisciscuntur. uidetur temere commissum. uerum, ut opinor, hoc fuit causæ: tam temere istum re commissurum, quam uerbis nunciabatur, nemo putauit. atque iste ad omnes introitus, quæ adiri poterat non modo in eum fundum, de quo controuersia fuerat, sed etiam in illum proximum, de quo nihil ambigebatur, armatos homines opponit. itaque primo cum in antiquum fundum ingredi uellet, quod ea proxime accedi poterat; frequentes armati obsliterunt. quo loco depulsus Cæcina, tamē, quæ potuit, ad eum fundum profectus est, ex quo ex conuentu uim fieri oportebat. eius autem fundi extremam partem oleæ directo ordine desiniunt. ad eas cum accederetur, iste cum omnibus copijs præsto fuit, seruūq. suum nomine Antiochum ad se uocauit, & clara uoce imperauit, ut eum, qui illum olearum ordinem intrasset, occideret. homo mea sententia prudentissimus, Cæcina, tamen in hac re plus mihi animi, quam consilij, uidetur habuisse. nam cum & armatorum multitudinem uideret; et eam uocem Aebutij, quam commemorauimus, audisset; tamen accessit propius; & iam ingrediens intra sinem eius loci, quem oleæ terminabant, impetum armati Antio-

TT 2 chi,

O R A T I O

chi, ceterorumq. tela, atque incurfus refugit. eodem tempore se in fugam conferunt una amici; aduocat iq. eius, metu perterriti; quemadmodum illorum testem dicere audistis. His rebus ita gestis, P. Dolabella prætor interdixit, ut est consuetudo, de ui hominibus armatis, sine ulla exceptione, tantum, ut, unde deiecisset, restitueret. restituisse se dixit. sponsio facta est. hac de sponsione uobis indicandum est. Maxime fuit optandum Cæcinæ, Recuperatores, ut controuersia nihil haberet; secundo loco, ut ne cum tam improbo homine; tertio, ut cum tam stulto haberet. etenim non minus nos stultitia illius subleuat, quàm lædit improbitas. improbus fuit, quòd homines coegit, armauit, coactis, armatisq. uim fecit. læsit in eo Cæcinam: subleuauit ibidem: nam in eas ipsas res, quas improbissime fecit, testimonia sumpsit, & eis in causa testimonijs utitur. itaque mihi certum est, Recuperatores, ante quàm ad meam defensionem, meosq. testes uenio, illius uti confessione, et testimonijs. quid confitetur? atque ita libenter confitetur, ut non solum fateri, sed etiam profiteri uideatur, Recuperatores? conuocauit homines, coegi, armaui: terrore mortis, ac periculo capitis, ne accederes, obstiti. ferro, inquit, ferro (et hoc dicit in iudicio) te reieci, atque perterritui. Quid? testes quid aiunt? P. Vettilius, propinquus Aebutij, se Aebutio cum armatis seruis uenisse aduocatum. quid præterea? fuisse complures armatos. quid aliud? minatum esse Aebutium Cæcinæ.

Quid

P
Quid ego
in iudicio
neus habe
dicit, quod
tius, alter
ipsum argu
nes fuisse:
butij seruo
ferro inuad
ne? in quem
quam uolui
eo dubito na
ipse hoc de se
ulum Aebu
bus, uerum
se Cæcinam
que meo tes
catus est, qu
morauit in
fratris sui f
cam essent m
tias agam,
& in testimo
lius L. Atti
ros adduxi
butius Cæc
postulasse,
Rutilius d
dicio eius

Quid ego de hoc teste dicam, nisi hoc, Recuperatores? ut iccirco nō minus ei credatis, quōd homo minus idoneus habetur, sed ideo credatis, quōd ex illa parte id dicit, quod illi causse maxime est alienum. A. Terentius, alter testis, non modo Aebutium, sed etiam se ipsum arguit. in Aebutium hoc dicit, armatos homines fuisse: de se autem hoc prædicat, Antiocho, Aebutij seruo, imperasse, ut in Cæcinam aduenientem cū ferro inuaderet. Quid loquar amplius hoc de homine? in quem ego dicere, cum rogarer a Cæcina, nunquam uolui, ne arguere illum rei capitalis uiderer: de eo dubito nunc, quo modo aut loquar, aut taceam, cū ipse hoc de se iuratus prædicet. Deinde L. Cælius non solum Aebutium cum armatis dixit fuisse compluribus, uerum etiam cum aduocatis perpaucis eō uenisse Cæcinam. de hoc ego teste detraham, cui, æque atque meo testi, ut credatis, postulo? P. Memmius secutus est, qui suum non paruum beneficium commemorauit in amicos Cæcinæ, quibus sese uiam per fratris sui fundum dedisse dixit, qua effugere possent, cum essent metu omnes perterriti. huic ego testi gratias agam, quōd & in re misericordem se præbuit, & in testimonio religiosum. A. Atilius, & eius filius L. Atilius, & armatos ibi fuisse, et se suos armatos adduxisse, dixerunt, etiam hoc amplius: cum Aebutius Cæcinæ malum minaretur, ibi tum Cæcinam postulasse, ut moribus deductio fieret. Hoc idem P. Rutilius dixit, & eo libentius dixit, ut aliquo in iudicio eius testimonio creditum putaretur. Duo præte

O R A T I O

rea testes nihil de ui, sed de ipsa, emptione fieri dixerunt, P. Cæsennius, auctor fundi, non tam auctoritate graui, quam corpore; & argentarius Sex. Clodius, cui nomen est Phormio, nec minus niger, nec minus confidens, quam ille Terentianus est Phormio: nihil de ui dixerunt, nihil præterea, quod ad uestrum iudicium pertineret. Decimo uero loco testis expectatus, & ad extremum reseruatus dixit, senator populi R. splendor ordinis, decus atque ornamentum iudiciorum, exemplar antiquæ religionis, Fidiculanus Falcula: qui cum ita uehemens, acerque uenisset, ut non modo Cæcinam periurio suo læderet, sed etiam mihi uideretur irasci; ita eum placidum, mollemque reddidi, ut non auderet, sicut meministis, iterum dicere, quot millia fundus suus abesset ab urbe. nam cum dixisset, minus abesse L I I I, populus cum risu acclamauit ipsa esse: meminerant enim omnes, quantum in Albiano iudicio accepisset. In eum quid dicam, nisi id, quod negare non possit? uenisse in consilium publicæ quæstionis, cum eius consilij index non esset; & in eo consilio, cum causam non audisset, & potestas esset ampliandi, dixisse, sibi liquere; dum, incognita re, iudicare uoluisset, maluisse condemnare, quam absolvere: cum, si uno minus damnarent, condemnari reus non posset, non ad cognoscendam causam, sed ad explendam damnationem præsto fuisse. utrum grauius aliquid in quempiam dici potest, quam ad hominem condemnandum, quem nunquam uidisset, neque audisset, addu-

adductum pretio esse? an certius quidquam obijci potest, quàm quod is, cui obijcitur, ne nutu quidem infirmare conatur? ueruntamen is testis, (ut facile intelligeretis eum non affuisse animo, cum ab illis causa ageretur, testesq. dicerent, sed tantisper de aliquo reo cogitasse) cum omnes ante eum dixissent testes, armatos cum Aebutio fuisse complures; solus dixit, non fuisse. uisus est mihi primo ueterator intelligere præclare, quid causa optaret; & tantummodo errare, quod omnes testes infirmaret, qui ante eum dixissent: cum subito ecce idem qui solet, suos solos seruos armatos fuisse dixit. Quid huic tu homini facias? nonne concedas interdum, ut excusatione summæ stultitiæ summæ improbitatis odium deprecetur? Vtrum, recuperatores, his testibus nō credidistis, cum, quid liqueret, non habuistis? At controuersia non erat, quin uerum dicerent. An in coacta multitudine, in armis, in telis, in præsentī metu, mortis per spicuo periculo cedis, dubium uobis fuit, an esse uis aliqua uideretur, nec ne? quibus igitur in rebus uis intelligi potest, si in his non intelligetur? An uero illa defensio uobis præclara uisa est? non deieci, sed obstiti: non enim te sum passus in fundum ingredi, sed armatos homines opposui: ut intelligeres, si in fundo pedem posuisses, statim tibi esse pereundum. Quid ais? is, qui armis perterritus, fugatus, pulsus est, non uidetur esse deiectus? posterius de uerbo uidebimus: nunc rem ipsam ponamus, quam illi non negant; & eius rei

TT 4 ius,

O R A T I O

ius, actionemq. queramus. Est hæc res, posita, quæ ab aduersario non negatur; Cæcinam, cum ad constitutam diem, tempusq. uenisset, ut uis ac deductio moribus fieret, pulsum prohibitumq. esse ui coactis hominibus, & armatis. cum hoc constet, ego; homo imperitus iuris, ignarus negotiorum, ac litium, hanc puto me habere actionem, ut per interdictum, meum ius teneam, atque iniuriam tuam persequar. fac in hoc errare me, nec ullo modo posse per hoc interdictum id assequi, quod uelim: te uti in hac re magistro uolo. quero, sit ne aliqua huius rei actio, an nulla? conuocari homines propter possessionis controuersiam non oportet: armari multitudinem iuris retinendi causa non conuenit: nec iuri quidquam tam inimicum, quam uis: nec æquitati quidquam tam infestum est, quam conuocati homines, & armati. Quod cum ita sit, resq. iusmodi sit, ut in primis a magistratibus animadvertenda esse uideatur; iterum quero, sit ne eius rei aliqua actio, an nulla? nullam esse dices? audire cupio, qui in pace & otio cum manum fecerit, copias pararit, multitudinem hominum coegerit, armarit, instruxerit, homines inermes, qui ad constitutum, experiundi iuris gratia, uenissent, armis, uiris, terrore, periculoq. mortis repulerit, fugarit, auerterit, hoc dicat: Feci equidem, quæ licis, omnia, & ea sunt & turbulenta, & temeraria, & periculosa: quid ergo est? impune feci: nam, quid agas mecum ex iure ciuili, ac prætorio,

torio, non habes. Ita ne uero, Recuperatores?
hoc uos audietis? & apud uos dici patiemini sæ-
pius? cum maiores nostri tanta diligentia, pruden-
tiaq. fuerint, ut omnia omnium non modo tantarum
rerum, sed etiam tenuissimarum iura statuerint,
persecutiq. sint, ut hoc genus unum uel maximum
prætermitterent, ut, si qui me exire domo mea coe-
gisset armis, haberem actionem; si qui introire pro-
hibuisset, non haberem? Nondum de Cæcinæ caus-
sa disputo: nondum de iure possessionis nostræ lo-
quor: tantum de tua defensione, C. Piso, queror.
Quando ita dicis, & ita constituis; Si Cæcina,
cum in fundo esset, inde deiectus esset, tum per hoc
interdictum eum restitui oportuisse; nunc uero deie-
ctum nullo modo esse inde, ubi non fuerit; hoc inter-
dicto nihil nos affecutos esse: quero, si te hodie do-
mum tuam redeuntem coacti homines & armati
non modo limine tectoq. ædium tuarum, sed primo
aditu uestibuloq. prohibuerunt, quid acturus sis?
monet amicus meus te L. Calpurnius, ut idem dicas,
quod ipse antea dixit, iniuriarum. quid ad causam
possessionis? quid ad restituendum eum, quem opor-
tet restitui? quid denique ad ius ciuile, aut ad acto-
ris actionem, & ad animaduersionem ages? iniuria-
rum? Plus tibi ego largiar. non solum egeris, uerum
etiam condemnaris licet: nunquid magis possidebis?
actio enim iniuriarum non ius possessionis assequitur,
sed dolorem imminutæ libertatis iudicio pænâq. miti-
gat. prætor interea Piso tanta de re tacebit? quemad-
modum

O R A T I O

modum te restituat in ædes tuas, non habebit? qui dies totos aut uim fieri uetat, aut restitui factam iubet, qui de fossis, de cloacis, de minimis aquarum itinerumq. controuersis interdicat, is repente obmutescet? in atrocissima re quid faciat, non habebit? & C. Pisone domo testisq. suis prohibito, prohibito, inquam, per homines coactos, & armatos, prætor quemadmodum more & exemplo opitulari possit, non habebit? quid enim dicet? aut quid tu, tam insigni accepta iniuria, postulabis? unde ui prohibitus sis, nemo unquam interdixit. nouum est non dico iniuratum, uerum omnino inauditum. Vnde deiectus? quid proficies, cum illi hoc respondebunt tibi, quod tu nunc mihi? armatos se tibi obstitisse, ne in ædes accederes: deijci porro nullo modo potuisse, qui non accesserit. Deijcior ego, inquis, si quis meorum deijcitur. Omnino iam bene agis: a uerbis enim recedis, & æquitate uteris. nam uerba ipsa si sequi uolumus, quo modo tu deijceris, cum seruus tuus deijcitur? uerum ita est, uti dicis: te deiectum debeo intelligere, etiam si tactus non fueris: nonne? Age nunc, si ne quidem tuorum quisquam loco motus erit, atque omnes in ædibus adseruati, ac retenti, tu solus prohibitus, & a tuis ædibus ui atque armis perterritus: utrum hanc actionem habebis, qua nos usi sumus, an aliam quāpiam, an omnino nullam? nullam esse actionem dicere in re tam insigni, tamq. atroci, neque prudentiæ, neque auctoritatis tuæ est. alia si qua sorte est, quæ nos fugerit, dic quæ sit: cupio discere. hæc si est, qua

nos

nos usi sumus : te iudice uincamus , necesse est . non enim uereor , ne hoc dicas , in eadem causa eodem interdicto te oportere restitui , Caecinam non oportere . etenim cui perspicuum non sit , ad incertum reuocari bona , fortunas , possessiones omnium , si ulla ex parte sententia huius interdicti diminuta , aut infirmata sit ? si auctoritate uirorum talium , uis armatorum hominum iudicio approbata uideatur , in quo iudicio non de armis dubitatum , sed de uerbis quaesitum esse dicatur ? Is ne apud uos obtinebit causam suam , qui se ita defenderit : Eieci ego te armatis hominibus , non deieci : ut tantum facinus non in aequitate defensionis , sed in una littera latuisse uideatur ? huiusce rei uos statuētis nullam esse actionem , nulli experiundi ius constitutum , quod obstiterit armatis hominibus , qui , multitudine coacta , non introitu , sed omnino aditu quempiam prohibuerit ? quid ergo ? hoc quam habet uim ? ut illa res aliquid aliqua ex parte differre uideatur , utrum , pedem cum intulero , atque in possessionem uestigium fecero , tum expellar , atque deijciar ; an in eadem ui , atque iisdem armis mihi ante occurratur , ne non modo intrare , uerum etiam aspicere , aut aspirare possim . qui hoc ab illo differt ? ut ille cogatur restituere , qui ingressum expulerit ; ille , qui ingredientem repulerit , nō cogatur ? uidete , per deos immortales , quod ius nobis , quam condicionem uobismet ipsis , quam denique ciuitati legem constitutūre uelitis . huiusce generis una est actio , per hoc interdictum , quo uos usi sumus , constituta . ea si nihil ualet ,

O R A T I O

ualet, aut si ad hanc rem non pertinet, quid negligenter, aut quid stultius maioribus nostris dici potest, qui aut tantæ rei prætermiserint actionem, aut eam constituerint, quæ nequaquam satis uerbis causam et rationem iuris amplecteretur? periculosum est, dissolui hoc interdictum: captiosum est omnibus, rem ullam constitui eiusmodi, quæ cum armis gesta sit, rescindi iure non possit: ueruntamen est turpissimum illud, tantæ stultitiæ prudentissimos homines condemnari, ut uos iudicetis, huius rei interdictum, atque actionem in mentem maioribus nostris non uenisse. Queramur, inquit, licet: tamen hoc interdicto Aebutius non tenetur. Quid ita? quod uis Cæcinæ facta non est. dici in hac causâ potest, ubi arma fuerint, ubi coacta hominum multitudo, ubi instructi & certis locis cum ferro homines collocati, ubi minæ, pericula, terroresq. mortis, ibi uim non fuisse? Nemo, inquit, occisus est, neque saucius. Quid ais? cum de possessionis controuersia, & de priuatorum hominum contentione iuris loquamur, tu uim negabis esse factam, si cædes, & occisio facta non erit? ego exercitus maximos sæpe pulsos & fugatos esse dico terrore ipso, impetuq. hostium, sine cuiusquâ non modo morte, uerum etiam uulnere. etenim, Recuperatores, non ea sola uis est, quæ ad corpus nostrum, uitamq. peruenit, sed etiam multo maior ea, quæ, periculo mortis iniecto, formidine animum perterritum loco sæpe, et certo de statu dimouet: itaque saucij sæpe homines, cum corpore debilitantur, animo tamen non cedunt, neque

P
neque enim
dicitur: at a
maior ad
tus, quam
in pulsos d
nisi sæpe su
impulsu sc
istum comm
clamore ip
riorum m
audimus
appellabit
nor, id leue
cuius arma
non uidebit
nim, quâ
retur, cum
testis hoc d
locum, qu
ut fugeret
que fieri
igitur fug
um uidet
extrema
ni: causâ
telligimus
sionem, a
duntur e
ro hoc qu

neque eum relinquunt locum, quem statuerint defendere: at alij pelluntur integri: ut non dubium sit, quin maior adhibita uis ei sit, cuius animus sit perterritus, quàm illi, cuius corpus uulneratum sit. quòd si ui pulsos dicimus exercitus esse eos, qui metu, ac tenui saepe suspitione periculi fugerunt; & si non solum impulsu scutorum, neque conflietu corporum, neque ictu comminus, neque coniectione telorum, sed saepe clamore ipso militum, aut instructione, aspectuq. signorum magnas copias pulsas esse & uidimus, & audiuimus: quæ uis in bello appellatur, ea in otio non appellabitur? & quod uehemens in re militari putatur, id leue in iure ciuili iudicabitur? & quod exercitus armatos mouet, id aduocationem togatorum non uidebitur mouisse? & uulnus corporis magis istâ uim, quàm terror animi declarabit? & sauciatio quæ retur, cum fugam factam esse constabit? tuus enim testis hoc dixit, metu perterritis nostris aduocatis, locum, quâ effugerent, demonstrasse. qui non modo ut fugerent, sed etiam ipsius fugæ tutam uiam quæsierunt, his uis adhibita non uidebitur? quid igitur fugiebant? propter metum. quid metuebant? uim uidelicet. potestis igitur principia negare, cum extrema conceditis? fugisse perterritos confitemini: causam fugæ dicitis eandem, quam omnes intelligimus, arma, multitudinem hominum, incursionem, atque impetum armorum. hæc ubi conceduntur esse facta, ibi uis facta negabitur? At uero hoc quidem iam uetusest, & maiorum exemplo multis

O R A T I O

multis in rebus usitatum; cum ad uim faciendam ueniretur, si quos armatos quamuis procul conspexissent, ut statim testificati discederent, optime sponsionem facere possent, ni aduersus edictum prætoris uis facta esset. Ita ne uero? scire esse armatos, satis est ut uim factam probes: in manus eorum incidere, non est satis? aspectus armatorum ad uim probandam ualebit, incursum & impetus non ualebit? qui abierit, facilius sibi uim factam probabit, quam qui effugerit? at ego dico hoc: si, ut primo in castello Cæcinæ dixit Aebutius, se homines coegisse, & armasse, neque illum, si eò accessisset, abiturum statim Cæcinæ discessisset; dubitare uos non debuisse, quin Cæcinæ facta uis esset. si uero, simul ac procul conspexit armatos, recessisset: eo minus dubitaretis: omnis enim uis est, quæ periculo aut decedere nos alicunde cogit, aut prohibet accedere. quòd si aliter statuetis; uidete, ne hoc uos statuatis, qui uiuus discesserit, ei uim non esse factam; ne hoc omnibus in possessionum controuersis præscribatis, ut confligendum sibi, & armis decertandum putent; ne, quemadmodum in bello pœna ignaui ab imperatoribus constituitur, sic in iudicijs deterior causa sit eorum, qui fugerint, quam qui ad extremum usque contenderint. Cum de iure, & legitimis hominum controuersis loquimur, & in rebus uim nominamus, pertenuis uis intelligi debet. uidi armatos, quamuis paucos: magna uis est. decessi, uini hominis telo perterritus: deiectus, detrususque sum. hoc si ita statuetis, non modo non erit cur depugnare

gnare quisquam posthac possessionis causa uelit, sed ne illud quidem, cur repugnare. sin autem uim sine caede, sine uulneratione, sine sanguine nullam intelligetis; statuetis, homines possessiones cupidiores, quam uitæ, esse oportere. Age uero, de ui te ipsum habebo iudicem, Aebutius: responde, si tibi uidetur: in fundum Caecina utrum noluit tandem, an non potuit accedere? cum te obstitisse, & repudiasse dicis, certe hunc uoluisse concedis. potes igitur dicere, non ei uim fuisse impedimento, cui, cum cuperet, eoq. consilio uenisset, per homines coactos non sit licitum accedere? si enim id, quod maxime uoluit, nullo modo potuit: uis profecto quædam obstiterit, necesse est: aut tu dic, quamobrem, cum uellet accedere, non accesserit. Iam uim factam negare non potes: deiectus quemadmodum sit, qui non accesserit, id queritur: dimoueri enim, & depelli de loco necesse est eum, qui deiciatur. id autem accidere ei, qui potest, qui omnino in eo loco, unde se deiectum esse dicit, nunquam fuit? qui si fuisset, & ex eo loco, metu permotus, fugisset, cum armatos uidisset; diceret ne esse deiectum? opinor. at tu, qui tam diligenter, & tam callide uerbis controuersias, non æquitate diiudicas, & iura non utilitate communi, sed litteris exprimis, poteris ne dicere deiectum esse eum, qui tactus non erit? quid, detrusum dices? nam eo uerbo antea prætoret hoc interdicto uti solebant. quid ais? potest ne detrudi quisquam, qui non attingitur? non ne, si uerbum sequi uolumus, hoc intelligamus necesse est, eum detrudi, cui
manus

O R A T I O

manus afferantur? necesse est, inquam, si ad uerbum rem uolumus adstringere, neminē statuere detrusum, qui non adhibita ui, manu demotus, & actus præceps intelligatur. deiectus uero qui potest esse quisquam, nisi in inferiorem locum de superiore motus? potest pulsus, fugatus, eiectus denique; illud uero nullo modo potest, deiectus esse quisquam, non modo qui tactus non sit, sed ne æquo quidem, & plano loco. quid ergo? hoc interdictum putamus eorum esse causā compositum, qui se præcipitatos ex locis superioribus dicerent? eos enim uere possumus dicere esse deiectos. an non, cum uoluntas, & consilium, & sententia interdicti intelligatur, impudentiam summam, aut stultitiam singularem putabimus, in uerborum errore uersari, rem, & causam, & utilitatem communem non relinquere solum, sed etiam prodere? an dubium est, quin neque uerborum tanta copia sit, non modo in nostra lingua, quæ dicitur esse inops, sed ne in alia quidem ulla, res ut omnes suis certis, ac proprijs uocabulis nominentur; neque uero quidquam opus sit uerbis, cum ea res, cuius causa uerba quæsitā sint, intelligatur? quæ lex, quod senatusconsultum, quod magistratus edictum, quod fœdus, aut pæctio, quod (ut ad priuatas res redeam) testamentum, quæ iudicia, aut stipulationes, aut pæcti, & conuenti formula non infirmari, aut conuelli potest, si ad uerba rem deflectere uelimus, consilium autem eorum, qui scripserunt, & rationem, & auctoritatem relinquamus? sermo, hercule, & familiaris,

familiaris, & quotidianus non cohærebit, si uerba inter nos aucupabimur. denique imperium domesticum nullum erit, si seruulis hoc nostris concesserimus, ut ad uerba nobis obediant, non ad id, quod ex uerbis intelligi possit, obtemperent. exemplis nunc uti uidelicet mihi necesse est harum rerum omnium. non occurrit unicuique uestrum aliud alij in omni genere exemplum, quod testimonio sit, non ex uerbis totum pendere ius, sed uerba seruire hominum consilijs, & auctoritatibus? orate, & copiose L. Crassus, homo longe eloquentissimus, paulo ante quam nos in forum uenimus, iudicio centumuirali hanc sententiam defendit; & facile, cum contra eum prudentissimus homo Q. Mucius diceret, probauit omnibus, M'. Curium, qui heres institutus esset ita, mortuo postumo filio, cum filius non modo non mortuus, sed ne natus quidem esset, heredem esse oportere, quid? uerbis satis hoc cautum erat? minime. quæ res igitur ualuit? uoluntas. quæ si, tacitis nobis, intelligi posset, uerbis omnino non uteremur: quia non potest, uerba reperta sunt, non quæ impedirent, sed quæ indicarent uoluntatem. Lex usum fundi iubet esse biennium. at utimur eodem iure in ædibus, quæ in lege non appellantur. si uia sit immunita, iubet, quæ uelit, agere iumentum. potest hoc ex uerbis intelligi, licere, si uia sit in Brutijs immunita, agere, si uelit, iumentum per M. Scauri Tusculanum. actio est in auctorem præsentem his uerbis: Quandoquidem te in iure conspicio, hac

V V actio-

O R A T I O

actione Appius ille cecus uti non posset, si tam uere homines uerba consuetarentur, quam rem, cuius causa uerba sunt, non considerarent. Testamento si recitatus heres esset pupillus Cornelius; isq. iam annos x x haberet; uobis interpretibus amitteret hereditatem? Veniunt in mentem mihi permulta, uobis plura certo scio. uerum ne nimium multa complectamur, atque ab eo, quod propositum est, longius aberret oratio; hoc ipsum interdictum, de quo agitur, consideremus. intelligetis enim in eo ipso, si in uerbis ius constituamus, omnem utilitatem nos huius interdicti, dum uersuti & callidi uolumus esse, amissuros. VNDE TV, AVT FAMILIA, AVT PROCVRATOR TVVS. Si me uillicus tuus solum deiecisset; non familia deiecisset, ut opinor, sed aliquis de familia; recte igitur diceres te restituisse? quippe: quid enim facilius est, quam probari ijs, qui latine sciant, in uno scruiulo familiae nomen non ualere? si uero ne habeas quidem seruum praeter eum, qui me deiecerit; clames uidelicet, Si habeo familiam, a familia mea fateor te esse deiectum. neque dubium est, quin, si ad rem iudicandam uerbo ducimur, non re, familiam intelligamus, quae constat ex seruis pluribus; quin unus homo familia non sit. uerbum certe hoc non modo postulat, sed etiam cogit. At uero ratio iuris, interdictiq. uis, & praetorum uoluntas, et hominum prudentium consilium, & auctoritas respuat hanc defensionem, & pro nihilo putet. Quid ergo? isti homines latine non loquuntur?

quantur? immo uero tantum loquuntur, quantum est satis ad intelligendam uoluntatem: cum sibi hoc proposuerint, ut, siue metu deieceris, siue tuorum quispiam, siue seruorum, siue amicorum, ut seruos non numero distinguant, sed appellent uno familiæ nomine; de liberis autem, quisquis est, procuratoris nomine appelletur: non quo omnes sint, aut appellantur procuratores, qui negotij nostri aliquid gerant: sed in hac re, cognita sententia interdicti, uerba exquiri omnia noluerunt. non enim alia caussa est æquitatis in uno seruo, & in pluribus: non alia ratio iuris in hoc genere dumtaxat, utrum me tuus procurator deiecerit is, qui legitime procurator dicitur omnium rerum eius, qui in Italia non sit, absit uereip. caussa, quasi quidam pæne dominus, hoc est alieni iuris uicarius; an tuus colonus, aut uicinus, aut cliens, aut libertus, aut quiuis, qui illam uim, deiectionemq. tuo rogatu, aut tuo nomine fecerit. quare si ad eum restituendum, qui ui deiectus est, eandem uim habet æquitatis ratio: ea intellecta, certe nihil ad rem pertinet, quæ uerborum uis sit, ac nominum. tam restitues, si tuus me libertus deiecerit, nulli tuo præpositus negotio, quàm si procurator deiecerit: non quo omnes sint procuratores, qui aliquid nostri negotij gerunt: sed quòd in hac re queri nihil attinet. tam restitues, si unus seruulus, quàm si familia deiecerit uniuersa: non quo idem sit seruulus, quod familia; uerum quia, non quibus uerbis quidque dicatur, quæritur, sed quæ res agatur. Etia

V V 2 ut

O R A T I O

ut iam longius a uerbo decedamus, ab æquitate ne tantulum quidem: si tuus seruus nullus fuerit, & omnes alieni ac mercenarij, tamen & ipsi tuæ familiæ & genere, & nomine continebuntur. Perge porro hoc idem interdictum sequi. **HOMINIBVS COACTIS.** Neminem coegeris, ipsi conuenerint sua sponte: certe cogit is, qui congregat homines, et conuocat. coacti sunt ij, qui ab aliquo sunt unum in locum congregati. si non modo conuocati non sunt, sed ne conuenerunt quidem, sed ij modo fuerunt, qui etiam antea, non uis ut fieret, uerum colendi, aut pascendi causa esse in agro consueuerant: defendes, homines coactos non fuisse; & uerbo quidem superabis, me ipso iudice; re autem ne consistes quidem ullo iudice. uim enim multitudinis restitui uoluerunt, non solum conuocata multitudinis: sed, quia plerunque, ubi multitudine opus est, homines cogi solent, ideo de coactis compositum interdictum est: quod etiam si uerbo differre uidebitur, re tamen erit unum, & omnibus in causis idem ualebit, in quibus perspicitur una atque eadem causa æquitatis. **ARMATIS UE.** Quid dicemus? armatos, si latine loqui uolumus, quos appellare uere possumus? opinor eos, qui scutis, telisq.; parati, ornatiq. sunt. quid igitur? si glebis, aut saxis, aut fustibus aliquem de fundo præcipitem egeris; iussusq. sis, quem hominibus armatis deieceris, restituere: restituisse te dices? uerba si ualent, si causæ non ratione, sed uocibus ponderantur: me auctore dicito. uinces profecto nõ fuisse

P
fuisse arm
ipsi tollere
non fuisse
fringerent
ad regend
runt, eos in
rit armoru
cum erit,
da, tam ie
ries quonq
quam si arm
matiam: se
runt, si rep
corpori pot
quam uerba
cum scuto,
ego ita deie
esse de arm
matum uan
dens esses. a
nam tum qu
quod homin
quod inerm
terdictum
mo, unus
tur. uerum
cium, sed
tum conie
pertinet, re

fuisse armatos eos, qui saxa iacerent, quæ de terra ipsi tollerent; non esse arma cespites, neque glebas; non fuisse armatos eos, qui prætereuntes ramum defringerent arboris; arma esse suis nominibus, alia ad tegendum, alia ad nocendum; quæ qui non habuerint, eos inermes fuisse uinces: uerum, siquidem erit armorum iudicium, tum ista dicito: iuris iudiciû cum erit, & æquitatis, caue in ista tam frigida, tam ieiuna calumnia delitefcas. non enim reperies quenquam iudicem, aut Recuperatorem, qui, tanquam si arma militis inspiciunda sint, ita probet armatum: sed perinde ualebit, quasi armatissimi fuerint, si reperientur ita parati fuisse, ut uim uitæ, aut corpori potuerint asferre. Atque ut magis intelligas, quàm uerba nihil ualeant: si tu solus, aut quiuis unus cum scuto, cum gladio impetum in me fecisset, atque ego ita deiectus essem; auderes ne dicere, interdictû esse de armatis hominibus, hic autem hominem armatum unum fuisse? non, opinor, tam impudens esses. atqui uide, ne multo nunc sis impudentior: nam tum quidem omnes mortales implorare posses, quòd homines in negotio latine loqui obliuiscerentur; quòd inermes armati indicarentur; quòd, cum interdictum esset de pluribus, commissa res esset ab uno, unus homo plures esse homines iudicarentur. uerum in his causis non uerba ueniunt in iudicium, sed ea res, cuius causa uerba hæc in interdictum coniecta sunt. uim, quæ ad caput, & ad uitâ pertinet, restitui sine ulla exceptione uoluerunt. eafit

V V 3 ple-

ORATIO

plerunque per homines coactos, armatosque. quæ si alio consilio, eodem periculo facta sit, eodem iure esse uoluerunt. non enim maior est iniuria, si tua familia, quam si tuus uillicus; non si tui serui, quam si alieni, ac mercenarii; non si tuus procurator, quam si uicinus, aut libertus tuus; non si coactis hominibus, quam si uoluntarijs, aut etiam assidujs, ac domesticis; non si armatis, quam si inermibus, qui uim haberent armatorum ad nocendum; non si pluribus, quam si uno armato. quibus enim rebus plerumque uis fit, eiusmodi hæ res appellantur interdicto. si per alias res eadem facta uis est, ea, tametsi uerbis interdicti non concluditur, tamen sententia iuris, atque auctoritate retinetur. Venio nunc ad illud tuum: Non deieci, si non siui accedere. puto te ipsum, Piso, perspicere, quanto ista sit angustior iniquiorque defensio, quam si illa uterere: Non fuerunt armati, cum fustibus & saxis fuerunt. Si mehercule mihi, non copioso homini ad dicendum, optio detur, utrum malim defendere, non esse deiectum eum, cui ui & armis ingrediendi sit occursum; an armatos non fuisse eos, qui sine scutis ac sine ferro fuerint: omnino ad probandum utranque rem uideam infirmam, nugatoriamque. esse: ad dicendum autem, in altera uidear mihi aliquid reperire posse, non fuisse armatos eos, qui neque ferri quidquam, neque scutum ullum habuerint: hic uero hæream, si mihi defendendum sit, eum, qui pulsus, fugatusque sit, non esse deiectum. Atque illud in tota defensione tua mihi maxime mirum

P R
rum uide
tati obten
tunc prim
men admo
tur. Nam
cum se in
quod defen
dici solet,
iniquitati
tate. tum i
tum aucup
inuidiam u
no, non ex
tere: script
cis, nolunt
re. in ista
teraque defe
iectus es? a
tus es, non
me homine
tem esse m
iudicari,
uenio in int
Non deieci
uenires. In
tur, quod
haberi opo
sam apud
commemo

rum uidebatur, te dicere, iurisconsultorum auctori-
tati obtemperari non oportere. quod ego, tametsi non
nunc primum, neque in hac causa solum audio, ta-
men admodum mirabar abs te quamobrem dicere-
tur. Nam ceteri tum ad istam orationem decurrunt,
cum se in causa putant habere equum & bonum,
quod defendant. si contra uerbis, & litteris, &, ut
dici solet, summo iure contenditur; solent eiusmodi
iniquitati boni & equi nomen, dignitatemq. oppo-
*nere. tum illud, quod dicitur, Si ueni be, irrident:
tum aucupia uerborum, & litterarum tendiculas in
inuidiam uocant: tum uociferantur, ex equo & bo-
no, non ex callido uersutoq. iure, rem iudicari opor-
tere: scriptum sequi, calumniatoris esse; boni iudi-
cis, uoluntatem scriptoris, auctoritatemq. defende-
re. in ista uero causa, cum tu sis is, qui te uerbo, lit-
teraq. defendas; cum tuae sint eae partes; unde de-
iectus es? an inde, quod prohibitus es accedere? eie-
ctus es, non deiectus: cum tua sit haec oratio, fateor
me homines coegisse, fateor armasse, fateor tibi mor-
tem esse minitatum, fateor hoc interdicto praetoris
iudicari, si uoluntas & aequitas ualeat. sed ego in-
uenio in interdicto uerbum unum, 'ubi delitescam';
Non deieci te ex eo loco, quem in locum prohibui ne
uenires. In ista defensione accusas eos, qui consulun-
tur, quod aequitatis censeant rationem, non uerbi
haberi oportere. & hoc loco Scaeuolam dixisti caus-
sam apud centumuiros non tenuisse: quem ego antea
commemorauimus, cum idem faceret, quod tu nunc; ta-

O R A T I O

met si ille in aliqua caussa faciebat, tu in nulla facis; tamen probasse nemini, quod defendit, quia uerbis oppugnare æquitatem uidebatur. cum id miror, te hoc in hac re alieno tempore, & contra quàm ista caussa postulasset, defendisse: tum illud uulgo in iudicijs, & non nunquam ab ingeniosis hominibus defendi mihi mirum uideri solet, nec iurisconsultis concedi, nec ius civile in caussis semper ualere oportere. nã qui hoc disputant, si id dicunt, non recte aliquid statuere eos, qui consulantur, non hoc debent dicere, iuri civili, sed hominibus stultis obtemperari non oportere: si illos recte respondere concedunt, & aliter iudicari dicunt oportere, male iudicari oportere dicunt. neque enim fieri potest, ut aliud iudicari de iure, aliud responderi oporteat; nec ut quisquam iuris numeretur peritus, qui id statuat esse ius, quod non oporteat iudicari. At est aliquando contra iudicatum. Primum utrum recte, an perperam? si recte; id fuit ius, quod iudicatum est: si aliter; non dubium est, utrum iudices an iurisconsulti uituperandi sint. Deinde, si de iure uario quippiam iudicatum est; non potius contra iurisconsultos statuunt, si aliter pronunciatum est ac Mucio placuit, quàm ex eorum auctoritate, si, ut Manilius statuebat, sic est iudicatum. etenim ipse Crassus non ita causam apud Centumuiros egit, ut contra iurisconsultos diceret, sed ut hoc doceret, illud, quod Scævola defendebat, non esse iuris; & in eam rem non solum rationes afferret, sed

sed etiam
hominib
contem
dicionum
autem int
esse dicit,
si peritis
nes ledit
uenire in
uitate tam
etenim, bo
quam poss
nihil est,
minibus esse
que iudici
sit, uerum
ornari sole
bonesto ha
obiecti, imp
tam iudica
se uideatur
res, non t
que nimia
in hoc solo
grediatur
non habet
tam uerec
factum esse
tum: cre

sed etiam Q. Mucio, socero suo, multisq. peritissimis
hominibus auctoribus uteretur. nam qui ius civile
contemnendum putat, is uincula reuellit non modo iu-
diciorum, sed etiam utilitatis, uitæq. communis. qui
autem interpretes iuris uituperat, si imperitos iuris
esse dicit, de hominibus, non de iure civili detrahit:
sin peritis non putat esse obtemperandum, non homi-
nes lædit, sed leges, ac iura labefactat. quod uobis
uenire in mentem profecto necesse est. nihil enim in ci-
uitate tam diligenter, quàm ius civile, retinendum.
etenim, hoc sublato, nihil est, quare exploratum cui-
quam possit esse, quid suum, aut quid alienum sit;
nihil est, quod æquabile inter omnes, atque unum o-
mnibus esse possit. itaque in ceteris controuersis, at-
que iudicijs, cum quæritur, aliquid factum, nec ne
sit, uerum, an falsum proferatur, & fictus testis sub-
ornari solet, & imponi falsæ tabulæ, non nunquam
honesto hac probabili nomine bono uiro iudici error
obiecti, improbo facultas dari, ut, cum sciens perpe-
ram iudicarit, testimonium, aut tabulas secutus es-
se uideatur. in iure nihil est eiusmodi, Recuperato-
res, non tabulæ falsæ, non testis improbus. deni-
que nimia ista, quæ dominatur in ciuitate, potentia
in hoc solo genere quiescit; quid agat, quo modo ag-
grediatur iudicem, quæ denique digitum proferat,
non habet. illud enim potest dici iudici ab aliquo non
tam uerecundo homine, quàm gratioso: Iudica hoc
factum esse, aut nunquam esse factum, uel cogita-
tum: crede huic testi: has comproba tabulas: hoc
non

O R A T I O

non potest: Cui filius agnatus sit, eius testamentum non esse ruptum, iudica; quod mulier sine tutore auctore promiserit, deberi. non est aditus ad huiuscemodi res neque potentia cuiusquam, neque gratia. Denique, quo maius hoc, sanctiusque. uideatur, ne pretio quidem corrumpi index in eiusmodi causa potest. iste uester testis, qui ausus est dicere, fecisse uideri eum, de quo ne cuius rei argueretur quidem scire potuisset, ipse nunquam auderet iudicare, deberi uiro dotem, quam mulier nullo auctore dixisset. O rem praeclaram, uobisque. ob hoc retinendam, recuperatores. quod enim est ius civile? quod neque inflecti gratia, neque perfringi potentia, neque adulterari pecunia possit. quod si non modo oppressum, sed etiam desertum, aut negligentius adseruatum erit; nihil est, quod quisquam sese habere certum, aut a patre accepturum, aut relicturum liberis arbitretur. quid enim refert, ades, aut fundum relictum a patre, aut aliqua ratione habere bene partum, si incertum sit, quae lumina tua iure mancipij sint, ea possis ne retinere? si parietum communium ius? si civili ac publica lege contra alicuius gratiam teneri non potest? quid, inquam, prodest fundum habere, si, quae decentissime descripta a maioribus iura finium, possessionum, aquarum, itinerumque. sunt, haec perturbari aliqua ratione, commutarique. possunt? mihi credite, maior hereditas uenit unicuique nostrum in iisdem bonis a iure, & a legibus, quam ab ijs, a quibus illa ipsa bona relicta sunt. nam ut perueniat ad me fundus, testamento alicuius

alicuius
Eum sit
linqui po
dinis, ac
sed a leg
a patre, s
iure civili
terea, qu
nia iuris,
non solum
quod pat
ius amitti
ti. In hac
obtin ebim
eum, que
tuncque. esse
ipsam anim
in possessio
pius: pop
na possessio
tur: uest
betur; qui
eum si ing
tuas oport
multitudi
leris, fug
ritis nim
crur ap
lictum e

alicuius fieri potest : ut retineam quod meum factum sit , sine iure civili non potest . fundus a patre relinqui potest : at usucapio fundi , hoc est finis sollicitudinis , ac periculi litium , non a patre relinquitur , sed a legibus . aqueductus , haustus , iter , actus , a patre , sed rata auctoritas harum rerum omnium a iure civili sumitur . Quapropter non minus diligenter ea , quæ a maioribus accepistis , publica patrimonialia iuris , quàm priuatæ rei uestræ retinere debetis ; non solum , quòd hæc iure civili septa sunt ; sed etiam , quòd patrimonium unius incommodo dimittitur , ius amitti non potest sine magno incommodo ciuitati . In hac ipsa causa , recuperatores , si hoc nos non obtinebimus , ui armatis hominibus deiectum esse eum , quem ui armatis hominibus pulsum , fugatumq. esse constet : Cæcina rem non amittet , quam ipsam animo forti , si tempus ita ferret , amitteret : in possessionem in præsentia non restituetur nihil amplius : populi R. causa , ciuitatis ius , bona , fortunæ possessionesq. in dubium , incertumq. reuocabuntur : uestra auctoritate hoc constituetur , hoc perscribetur ; quicum tu posthac de possessione contendes , eum si ingressum modo deieceris , in prædium restituas oportebit ; sin autem ingredienti , cum armata multitudine obuius fueris , & ita uenientem repuleris , fugaris , auerteris , non restitues . tum statueritis uim in cade solum , non in animo libidinis : nisi cruor appareat , uim non esse factam ; iniuriarum delictum esse : qui prohibitus sit , nisi ex eo loco , ubi uestigium

O R A T I O

stigium impresserit, deijci neminem posse; iuris re-
 tinere sententiam, & æquitatem plurimum ualere
 oportere, an uerbo ac littera ius omne torqueri.
 Vos statuite, Recuperatores, utrum utilius esse ui-
 deatur. Hoc loco percommode accidit, quod non ad-
 est is, qui paullo ante affuit, & adesse nobis frequen-
 ter in hac caussa solet, uir ornatissimus, C. Aquilius.
 nam, ipso præsente, de uirtute eius, & prudentia ti-
 midius dicerem; quod & ipse pudore quodam affice-
 retur ex sua laude; & me similis ratio pudoris a præ-
 sentis laude tardaret. cuius auctoritati, dictum est,
 ab illa caussa concedi nimium non oportere. non ue-
 reor, de tali uiro ne plus dicam, quam uos aut sentia-
 tis, aut apud uos commemorari uelitis: quapropter
 hoc dicam, nunquam eius auctoritatem nimium uale-
 re, cuius prudentiam populus R. in cauendo, non in
 decipiendo perspexerit: qui iuris civilis rationem nun-
 quam ab æquitate seiunxerit: qui tot annos ingenium,
 laborem, fidem suam populo R. promptam, exposi-
 tamq. præbuerit: qui ita iustus, & bonus uir est, ut
 natura, non disciplina consultus esse uideatur; ita pe-
 ritus, ac prudens, ut ex iure civili non scientia solum
 quedam, uerum etiam bonitas nata uideatur: cuius
 tantum est ingenium, ita prompta fides, ut, quidquid
 inde haurias, purum, liquidumq. te haurire sentias.
 Quare permagnam initis a nobis gratiam, cum eum
 auctorem nostræ defensionis esse dicitis. illud autem
 miror, cur uos aliquid contra me sentire dicatis, cum
 eum auctorem uos pro me appelletis, nostrum nomi-
 netis.

netis. u
 nibus qu
 ueni ego
 opinor,
 re, & de
 istam diff
 probari,
 quo fuisse
 cere fateb
 tem posse
 rer multis
 & ab scri
 tionem eff
 quod in se
 mum: con
 sanibil eff
 nis facere
 nam, inq
 Caccina u
 ex eo loco
 te, unde f
 ut, unde d
 cinque is
 tem, qui
 is, quo m
 rit spon
 uerbis
 nostræ p
 constit

netis . ueruntamen quid ait iste noster auctor? Omnibus quidquid uerbis actum pronunciatumq. sit. Conueni ego ex isto genere consultorum non neminem, ut opinor, istum ipsum, quo nos auctore rem istam agere, & defensionem causae constituere dicitis: qui cum istam disputationem mecum ingressus esset, non posse probari, quenquam esse deiectum, nisi ex eo loco, in quo fuisset; rem, & sententiam interdicti mecum facere fatebatur, uerbo me excludi dicebat, a uerbo autem posse recedi non arbitrabatur. cum exemplis uter multis, etiam illa materia aequitatis, ab uerbo, * & ab scripto plurimis saepe in rebus aequi boniq. rationem esse seiunctam, semperq. id ualuisse plurimum, quod in se auctoritatis habuisset aequitatisq. plurimum: consolatus est me, & ostendit, in hac ipsa causa nihil esse quod laborarem: nam uerba ipsa sponsionis facere mecum, si uellem diligenter attendere. quonam, inquam, modo? quia certe, inquit, deiectus est Caecina ui hominibus armatis aliquo ex loco: si non ex eo loco, quem in locum uenire uoluit, at ex eo certe, unde fugit. quid tum? praetor, inquit, interdixit, ut, unde deiectus esset, eò restitueretur, hoc est, quicunque is locus esset, unde deiectus est. Aebutius autem, qui fatetur aliquo ex loco deiectum esse Caecinam, is, quo modo se restituisse dixit, necesse est male fecerit sponsionem. Quid est, Piso? placet tibi pugnare uerbis? placet causam iuris, & aequitatis, & non nostrae possessionis, sed omnino possessionum omnium constituere in uerbo? ego, quod mihi uideretur, quod

ama.

O R A T I O

a maioribus factitatum, quod horum auctoritate, quibus iudicandum est, dignum esset, ostendi, id uerum, id æquum, id utile omnibus esse; spectari, quo consilio, & qua sententia, non quibus quidque uerbis esset actum. Tu me ad uerbum uocas? Non ante uenio, quàm recusaro. nego oportere, nego obtineri posse, nego ullam rem esse, quæ aut comprehendi satis, aut caueri, aut excipi possit, si aut præterito aliquo uerbo, aut ambigue posito, sententia & re cognita, non id, quod intelligitur, sed id, quod dicitur, ualebit. Quoniam satis recusauì, uenio iam quò uocas. Quæro abs te, sim ne deiectus, non de Fulciniano fundo: neque enim prætor, si ex eo fundo essem deiectus, ita me restitui iussit, sed eò, unde deiectus essem. sum ex proximo uicini fundo deiectus, quà adibam ad istum fundum: sum de uia, sum certe alicunde, siue de priuato, siue de publico: eò restitui sum iussus. restituisse te dixisti: nego me ex decreto prætoris restitutum esse. quid ad hæc dicimus? aut tuo, quemadmodum dicitur, gladio, aut nostro defensio tua conficiatur, necesse est. si ad interdicti sententiam confugis, & de quo fundo actum sit tum, cum Aebutius restituere iuebatur, id querendum esse dicis, neque equitatem rei uerbi laqueo capi putas oportere: in meis castris, prædijsq. uersaris: mea, mea est ista defensio: ego hoc uociferor, ego omnes homines deosq. testor, cum maiores uim armatam nulla iuris defensione texerint, non uestigium eius, qui deiectus sit, sed factum illius, qui deiecerit, in iudicium uenire; deiectum esse,

P
se, qui fu
mortis si
das: & n
illas uerb
gulos reu
mibi cona
acutum bo
tue: in en
enim tibi
prohibitus
accessi, uia
me restitui
cto restitui
bis uersari
uidebitur,
excogitasse
uentorem,
me non ad
fensioni re
que in hac
bus uerbis
cum inter
tere, in qu
uero nullo
uerba spec
re. Verum
quod ante
bis quoq
bil com

se, qui fugatus sit; uim esse factam, cui periculum mortis sit iniectum. Istum locum fugis, & reformidas: & me ex hoc, ut ita dicam, campo æquitatis ad istas uerborum angustias, & ad omnes litterarum angulos reuocas. in ijs ipsis intercludere insidijs, quas mihi conaris opponere. Non deieci, sed eieci. Peracutum hoc tibi uidetur: hic est mucro defensionis tuæ: in eum ipsum caussa tua incurrat, necesse est. ego enim tibi refero. Si non sum ex eo loco deiectus, quod prohibitus sum accedere; at ex eo sum deiectus, quod accessi, unde fugi. si prætor non distinxit locum, quod me restitui iuberet, & restitui iussit; non sum ex edito restitutus. Velim, Recuperatores, hoc totum si uobis uersutius, quam mea consuetudo defendendi fert, uidebitur, sic existimetis; primum, alium, non me excogitasse; deinde, huius rationis non modo non inuentorem, sed ne probatorem quidem esse me; id quod me non ad meam defensionem attulisse, sed illorum defensioni retulisse: me pro meo posse iure dicere; neque in hac re, quam ego protuli, quæri oportere, qui bus uerbis prætor interdixit, sed de quo loco sit actum, cum interdixit, neque in ui armatorum spectari oportere, in quo loco sit facta uis, uerum sit ne facta: te uero nullo modo posse defendere; in qua re tu uelis, uerba spectari oportere; in qua re nolis, non oportere. Veruntamen ecquid mihi respondetur ad illud, quod antea dixi, non solum re, & sententia, sed uerbis quoque hoc interdictum ita esse compositum, ut nihil commutandum uideretur? Attendite diligenter, quæso,

O R A T I O

quaeso, Recuperatores: est enim uestri ingenij, non meam, sed maiorum prudentiam cognoscere. nō enim sum id dicturus, quod ego inuenerim, sed quod illos non fugerit. cum de ui interdictur, duo genera causarum esse intelligebant, ad quae interdictum pertineret; unum, si qui ex eo loco, in quo esset; alterum, si ab eo loco, quō ueniret, ui deiectus esset. & horum utrumque, neque praeterea quidquam, potest accidere, Recuperatores. id adeo, si placet, considerate. Si qui meam familiam de meo fundo deiecerit, ex eo me loco deiecerit. si qui mihi praesto fuerit cum armatis hominibus extra meum fundum, & me introire prohibuerit, non ex eo, sed ab eo loco me deiecerit. ad haec duo genera rerum, unum uerbum, quod satis declararet utrasque res, inuenerunt, ut, siue ex fundo, siue a fundo deiectus essem, uno atque eodem interdicto restituerer, Vnde VI. hoc uerbum, Vnde, utrumque declarat, & ex quo loco, & a quo loco. unde deiectus est Cinna? ex urbe. unde deiectus Carbo? ab urbe. unde deiecti Galli? a Capitolio. unde qui cum Graccho fuerunt? ex Capitolio. uidetis igitur hoc uno uerbo significari res duas, & ex quo, & a quo loco. Cum autem eò restitui iubet, ita iubet; ut, si Galli a maioribus nostris postularent, ut eò restituerentur, unde deiecti essent, & aliqua ui hoc assequi possent; non, opinor, eos in cuniculum, quā aggressi erāt, sed in Capitolium restitui oporteret. hoc enim intelligitur: unde deiecisti, siue ex quo loco, siue a quo loco, eò restituas. hoc iam simplex est, in eum locum restituas:

*restituas
cum: su
quo, sed
triam ac
ut, unde
optaret,
tuna resti
quam pat
rio simila
a quo loco
unde deie
cunt, tum
Etenim, P
nis me s
matris deie
quo nos us
redemptem
re prohibe
igitur pr
fuituarius;
cum est, in
utranque
te in ades
ex interior
cuperator
etare mult
iam obry
eum deie
nullo mo*

restituas : siue ex hoc loco deiecisti, restitue in hunc locum : siue ab hoc loco, restitue in eum locum, non ex quo, sed a quo deiectus. ut si qui ex alto, cum ad patriam accessisset, tempestate subito reiectus optaret, ut, unde esset deiectus, eò restitueretur ; hoc, opinor, optaret, ut, a quo loco depulsus esset, in eum se fortuna restitueret, non in solum, sed in ipsam urbem, quam patebat: sic (quoniam uim uerborum necessario similitudine rerum aucupamur) qui postulat, ut, a quo loco deiectus est, eò restituatur, hoc postulat, ut, unde deiectus est, eò restituatur. cum uerba nos eò ducunt, tum res ipsa hoc sentire, atque intelligere cogit. Etenim, Piso, (redeo nunc ad illa principia defensionis meæ) si quis te ex ædibus tuis ui hominibus armatis deiecerit, quid ages ? opinor, hoc interdicto, quo nos usi sumus, persequere. quid ? si qui iam de foro redeuntem armatis hominibus domum tuā te intrare prohibuerit, quid ages ? utere eodem interdicto. cū igitur prætor interdixerit, unde deiectus es, ut eò restituaris ; tu hoc idem, quod ego dico, et quod perspicuum est, interpretabere, cum illud uerbum, Unde, in utranque rem ualeat, eoq. tu restitui sis iussus, tam te in ædes tua restitui oportere, si e uestibulo, quā si ex interiore adiū parte deiectus sis. Vt uero iam, Recuperatores, nulla dubitatio sit, siue rē, siue uerba spectare uultis, quin secundū nos iudicetis ; ex pritur hic, iam obrutis rebus omnibus & perditis, illa defensio, eum deijci posse, qui tum possideat ; qui non possideat, nullo modo posse ; itaque, si ego sim a tuis ædibus de-

XX iectus,

O R A T I O

iectus, restitui non oportere; si ipse sis, oportere. Numa, quam multa in ista defensione falsa sint, Piso.

Ac primum illud attende, te iam ex illa ratione esse depulsum, quod negabas quenquam deijci posse, nisi qui in eo loco esset: nunc iam posse concedis: eum, qui non possideat, negas deijci posse. cur ergo aut in illud quotidianum interdictum, Vnde ille me ui deiecit, additur, Cum ego possiderem, si deijci nemo potest, qui non possidet: aut in hoc interdictum, De hominibus armatis, non additur, Si oportet quæri, possederit, nec ne? Negas deijci, nisi qui possideat. ostendo, si sine armatis, coactis ue hominibus deiectus quisquã sit eum, qui fateatur se deiecisse, uincere sponsonem, si ostendat eum non possedisse. negas deijci, nisi qui possideat. ostendo, ex hoc interdicto, De armatis hominibus, qui possit ostendere non possedisse eum, qui deiectus sit, condemnari tamen sponsonis necesse esse, si fateatur esse deiectum. Dupliciter homines deijciuntur, aut si ne coactis, armatis ue hominibus, aut per eiusmodi rationem, ac uim. ad duas dissimiles res duo deuincta interdicta sunt. in illa ui quotidiana non satis est posse docere se deiectum, nisi ostendere possit, cum possideret, tum deiectum. ne id quidẽ satis est, nisi docet ita se possedisse, ut nec ui, nec clam, nec precario possederit. itaque is, qui se restituisse dicit, magna uoce sæpe confiteri solet, se ui deiecisse: uerum illud addit, non possidebat: uel etiã, cum hoc ipsum concessit, uincit tamen sponsonem, si planum facit, ab se illum aut ui, aut clã, aut precario possedisse. Videtis ne, quot defensionibus eum,

P
cum, q
posse m
cio, bon
gerit, n
matus d
sione cer
interdict
Cacina p
interdict
comouet
tum non
nam non
res: et id,
breui, ut
defensum
tum non
uia fundus
fundo, dub
erat colon
re posseder
dia, uenit
sunt in eã
potius fun
nunciabas
na cur se
rum, etiã
At enim
hil de cal
scripsisse

eum, qui sine armis ac multitudine uim fecerit, uti
posse maiores uoluerunt? hunc uero, qui ab iure, offi-
cio, bonis moribus ad ferrum, ad arma, ad eadem confu-
gerit, nudum in causa destitutumque uidetis: ut, qui ar-
matus de possessione contendisset, inermis plane de spon-
sione certaret. Ecquid igitur interest, Piso, inter haec
interdicta? ecquid interest, utrum hoc additum, cum A.
Caecina possideret, nec ne? ecquid te ratio iuris, ecquid
interdictorum dissimilitudo, ecquid auctoritas maiorum
comouet? si esset additum, de eo quaeri oporteret: addi-
tum non est, tamen oportebit? Atque ego in hoc Caeci-
nam non defendo. possedit enim Caecina, Recuperato-
res: et id, tametsi extra causam est, percurrā tamen
breui, ut non minus hominem ipsum, quam ius commune
defensum uelitis. Cesenniam possedisse propter usumfru-
ctum non negas. qui colonus habuit conductum de Cesen-
nia fundum, cum idem ex eadem conductione fuerit in
fundo, dubium est, quin, si Cesenniam tum possidebat, cum
erat colonus in fundo, post eius mortem heres eodem iu-
re possederit? Deinde, ipse Caecina, cum circuiret prae-
dia, uenit in istum fundum, rationes a colono accepit.
sunt in ea rem testimonia. Postea, cur Aebutius de isto
potius fundo, quam de alio, si quid habes, Caecinae de-
nunciabas, si Caecina non possidebat? Ipse porro Caeci-
na cur se moribus deduci uolebat, idque tibi de amico-
rum, etiam de ipsius C. Aquillii sententia responderat?
At enim Sylla legem tulit. Ut nihil de illo tempore, ni-
hil de calamitate reip. querar; hoc tibi respondeo, ad-
scripsisse eundem Syllam in eandem legem, si quid ius

O R A T I O

non esset rogari, eius ea lege nihilum rogatum. quid est, quod ius non sit, quod populus inibere, aut uetare non possit? ut ne longius abeam, declarat ista adscriptio esse aliquid: nam nisi esset, hoc in omnibus legibus non adscriberetur. sed quero abs te, putes ne, si populus iusserit me tuum, aut item te meum seruum esse, id iussum ratum atque firum futurum? perspicis hoc nihil esse, ut in ceteris, quae rogantur. *
 primum illud concedis, non, quidquid populus iusserit, ratum esse oportere. deinde nihil rationis effers, quamobrem, si libertas adimi nullo modo possit, ciuitas possit: nam & eodem modo de utraque re traditum nobis est: & si semel ciuitas adimi potest, retineri libertas non potest. qui enim potest iure Quiritum liber esse is, qui in numero Quiritum non est? atque ego hanc adolescentulus causam cum agerem contra hominem desertissimum nostrae ciuitatis Cottam, probaui. Cum Arretinae mulieris libertatem defenderem; & Cotta decemuiris religionem iniiecisset, non posse sacramentum nostrum iustum indicari, quod Arretinis adempta ciuitas esset; & ego uehementius contendissem, ciuitatem adimi non potuisse: decemuiri prima actione non indicauerunt; postea, re quaesita, & deliberata, sacramentum nostrum iustum indicauerunt. atque hoc & contradicente Cotta, & Sylla uiuoludicatum est. Iam uero in ceteris, ut omnes, qui in eadem causa sunt, et lege agant; et suum ius persequantur; et omnes iure ciuili sine cuiusquam aut magistratus, aut iudicis, aut periti

periti
 ego con
 queri
 tibi in
 ciuitas
 Ari ciue
 ta profe
 tamen m
 terpatra
 dit, quo
 tas folia
 est eorum
 Mancina
 ei ius ciui
 potestatem
 pulus ciue
 adimit ei
 qui, ut li
 incensum
 iusta fuer
 esset, cen
 casse, qu
 ciuitas po
 rant, si p
 runt, alie
 tulerunt
 ciuitas,
 attinet,
 enim no

periti hominis, aut imperiti dubitatione utatur; quid ego commemorem? dubium nemini uestrum est. certe, quæri hoc solere, me non præterit, (ut ex me ea, quæ tibi in mentem non ueniunt, audias) quemadmodum, si ciuitas adimi non possit, in colonias Latinas sæpe nostri ciues profecti sint. aut sua uoluntate, aut legis multa profecti sunt: quam multam si sufferre uoluissent, tamen manere in ciuitate potuissent. Quid? quem patratratus dedit, aut suus pater, populus ue uendit, quo is iure amittit ciuitatem? ut religione ciuitas soluatur, ciuis R. traditur: qui cum est acceptus, est eorum, quibus est deditus. si non accipiunt, ut Mancinum Numantini, retinet integram causam, et ius ciuitatis. Si pater uendit, eum, quem in suam potestatem suscepit, ex potestate dimittit. Iam populus cum eum uendit, qui miles factus non est, non adimit ei libertatem, sed iudicat non esse eum liberum, qui, ut liber sit, adire periculum noluit. cum autem incensum uendit, hoc iudicat; cum ij, qui in seruitute iusta fuerint, censu liberentur, eum, qui, cum liber esset, censeretur, ipsum sibi libertatem abiudicasse. quod si maxime iſce rebus adimi libertas, aut ciuitas potest; non intelligunt, qui hæc commemorant, si per has rationes adimi maiores posse uoluerunt, alio modo noluisse. nam ut hæc ex iure ciuili protulerunt, sic afferant uelim, quibus lege aut Romana ciuitas, aut libertas erepta sit. Nam quod ad exsiliū attinet, perspicue intelligi potest quale sit. exsiliū enim non supplicium est, sed profugium, portusque supplicij.

ORATIO

plicij . nam qui uolunt pœnam aliquam subterfugere,
aut calamitatem, eo solum uertunt, hoc est sedem, ac
locum mutant . itaque nulla in lege nostra reperietur,
ut apud ceteras ciuitates, maleficio ullum exsilio es-
se multatum . sed cum homines uincula, necesse, ignomi-
niasq̃ . uitant, quæ sunt legibus constitutæ, confugiunt,
quasi ad aram, in exsiliū: qui si in ciuitate legis uim
subire uellent, non prius ciuitatem, quàm uitam amit-
terent; quia nolunt, non adimitur his ciuitas, sed ab
his relinquitur, atque deponitur . nam cum ex nostro
iure duarum ciuitatum nemo esse possit, tum amitti-
tur hæc ciuitas denique, cum is, qui profugit, rece-
ptus est in exsiliū, hoc est in aliam ciuitatem . Non
me præterit, Recuperatores, tametsi de hoc iure mul-
ta prætereo, tamen me longius prolapsū esse, quàm
ratio uestri iudicij postularit: uerum id feci, non quòd
uos in hac caussa hanc defensionem desiderare arbitra-
rer, sed ut omnes intelligerent, nec ademptam cui-
quam ciuitatem esse, nec adimi posse . hoc cum eos sci-
re uolui, quibus Sylla uoluit iniuriam facere, tum om-
nes ceteros nouos, ueteresq̃ . ciues . neque enim ratio
afferri potest, cur, si cuiquam nouo ciui potuerit adimi
ciuitas, non omnibus antiquissimis ciuibus possit . nā
ad hanc quidem caussam nihil hoc pertinuisse, primū
ex eo intelligi potest, quòd uos ea de re iudicare non
debetis; deinde, quòd Sylla ipse ita tulit de ciuitate,
ut non sustulerit horum nexa, atque hereditates: iu-
bet enim eodem iure esse, quo fuerint Ariminenses:
quos quis ignorat duodecim coloniarum fuisse, & a
populo

P
populo R
ciuitas A
nem tamen
sestatiſſim
conſilio, ſi
ca præditu
mus, quā
uerit depe
milis & ſta
ademptam
ſum ius nō
petulantiæ
ſam; popu
no . is homi
ſemper uola
rit; nec con
te relinque
temere A
exiſtimare
eſt, quod h
ſingulari p
ampliſſima
gnitum me
quid in con
bet eum, i
giſſe fate
tis; cum i
minibus a
tate defe

populō R. hereditates capere potuisse? quōd si adimi-
ciuitas A. Caecinæ lege potuisset, magis illam ratio-
nem tamen omnes boni quæreremus, quemadmodum
spectatissimum, prudentissimūq. hominem, summo
consilio, summa uirtute, summā auctoritate domesti-
ca præditum, leuatum iniuria, ciuem retinere posse-
mus, quā uti nunc, cum de iure ciuitatis nihil po-
tuerit deperdere, quisquam existat, nisi tui, Sexte, si-
milis & stultitia, & impudentia, qui huic ciuitatem
ademptam esse dicat. qui quoniam, Recuperatores,
suum ius nō deseruit, neque quidquam illius audaciæ,
petulantiaeq. concessit; derelinquo communem caus-
sam; populiq. R. ius in uestra fide ac religione depo-
no. is homo ita se probatum uobis uestriq. similibus
semper uoluit, ut id non minus in hac caussa labora-
rit; nec contenderit aliud, quā ne ius suum dissolu-
te relinquere uideretur; nec minus uereretur, ne con-
temnere Aebutium, quā ne ab eo contemptus esse
existimaretur. Quapropter, si quid extra iudiciū
est, quod homini tribuendum sit, habetis hominem
singulari pudore, uirtute cognita, & spectata fide,
amplissimum Etruriæ totius, in utraque fortuna co-
gnitum multis signis & uirtutis, & humanitatis. si
quid in contraria parte in homine offendendum sit, ha-
bet eum, ut nihil dicam amplius, qui se homines coe-
gisse fateatur. sin hominibus remotis de caussa quæri-
tis; cum iudiciū de ui sit, is, qui arguitur, uim se ho-
minibus armatis fecisse fateatur; uerbo se, non æqui-
tate defendere conetur, id quoque ei uerbum ipsum
ereptum

ORATIO

ereptum esse uideatis ; auctoritatem sapientissimorum hominum facere nobiscum ; in iudicium non uenire, utrum Cæcina possederit, nec ne ; tamen doceri possedisse ; multo etiam minus, quæri, A. Cæcinæ fundus sit, nec ne ; me tamen id ipsum docuisse, fundum esse Cæcinæ : cum hæc ita sint, statuere, quid uos tempora reip. de armatis hominibus, quid illius confessio de ui, quid nostra decisio de æquitate, quid ratio interdicti de iure admoneant, ut iudicetis.


FINIS.

Series chartarum.

ABCDEFGHIKLMNOPQRSTVXYZ.
AABBCCDDEEFFGGHHIIKKLL
MMNNNOOPTPQQRRSSTTVVXX.

Omnes sunt quaterniones, præter XX,
qui est duernio.

VENETIIS, M. D. LXII.



005892125

seruissim
non ne
non doceri
A. Cacia
uiffe, sun
te, quid nos
quid illius con
te, quid ratio
ra.

STVXYZ.
IIKLL
TVVXX.

er XX,

LXII.

